




XXVIII
G
17
TRAPPI LI

17

BIBLIOTECA NAZ.
Vittorio Emanuele II
XXXVIII
G
17
TRAPPI LI



~~ex dono
Auctoris eruditissimi~~

2

ASTRONOMIÆ


PHYSICÆ & GEOMETRICÆ

ELEMENTA.

Auctore DAVIDE GREGORIO M. D.
Astronomiæ Professore Saviliano OXONIÆ,
& Regalis Societatis Sodali.



OXONIÆ,
E THEATRO SHELDONIANO, AN. DOM. MDCCH.



Imprimatur,

ROG. MANDER

Vice-Can. Oxon.

Junii 3. 1702.

Serenissimo Principi ac Domino

G E O R G I O

PRINCIPI HEREDITARIO

DANIÆ, NORVEGIÆ, VANDALORUM & GOTHORUM;

D U C I

Slesvici, Holsatiæ, Stormariæ, Ditmarsicæ & Cumbriæ;

C O M I T I

IN OLDENBURG, DELMENHORST & KENDAL;

Baroni de WOCKENGHAM;

Summo Copiarum BRITANNICARUM Præfecto,

E T

Nobilissimi Ordinis PERISCELIDIS Equiti.

MEÆ huic importunitati, Serenissime Princeps, veniam concede, si Te jam, etiam in arduis Regni negotiis occupatiorem, paulo liberius interpellare audeam. Opus enim Tibi in manus offero, quod Regiæ Celsitudinis Tuæ patrociniū sperare possit, & sibi quodam quasi jure vendicare. Danorum Principum munificentia maxime excitata, Danorum præsertim ingeniis exulta sunt Astronomiæ studia. Nihil iis unquam contigit felicius, quam quod indefessis Tychonis Brahe laboribus

bus, & amplissimis Friderici II. præmiis, olim floruerint: & quem jam iis Patronum aut æquiores polliceri aut majorem deligere possimus, quam Augustum & Avitæ Virtutis æmulum Friderici Nepotem? Cum vero quicquid fere incrementi ex illo tempore acceperit Astronomiæ pars longe nobilissima, jam prope ad apicem perducta, totum id Viri Angli solertiæ incredibili tribuendum sit; cum hinc omnino pendeant Artis nauticæ, quam sibi præ aliis arrogant Angli, ulteriora adhuc adjumenta; cui potius operam in hac scientia collocatam commendare oporteat quam summo Classium Angliæ Præfecto? Atque huic quidem scientiæ si quid forsitan opis lucisque meæ curæ attulerint, id ad Te propiori jure spectare non dissimulandum est. Hæc enim eo tempore meditabar (ignosce mihi justissimum Tuum dolorem renovanti) quo essent nuper in Regio Juvene formando spes omnium cogitationesque positæ; nec deessent qui exiguam aliquam tanti muneris partem mihi quoque destinarent. In iis enim studiis & illum esse institutum voluisti, quibus Ipse animum Tuum tener imbueras; quibus non modo Majorum exemplis stimulatus, sed & Tuo ingenio obsecutus solebas favere.

Non est aut hujusce loci aut meæ mediocritatis prædicare, Serenissime Princeps, qua constantia Religionem non modo Regum gratiæ sed Regiæ etiam Dignitati prætuleris: quanta Tibi semper in dictis factisque fides, quam eximius erga omnes candor, quam benevola in domesticos lenitas fuerit. Nulla tacebit Historia aut ardentem illam pietatem pariter ac virtutem, quibus impulsus Fratrem è mediis hostibus eripueris; aut connubialem illum amorem, quo parem ab Illa
affectum

affectum promerueris, quæ non minus gloriatur Te Sibi, quam Se subditis charam esse, & æque libenter audit Conjugum Amantissima ac Reginarum Optima. Mihi jam id potius gaudere par est, Spes nostras terra marique Illi esse concreditas, cujus sub auspiciis fas est sperare nova demum subsidia & feliciora incitamenta Matheseos disciplinis adfutura. Neque enim, Princeps Serenissime, dum Rei militaris nauticæque gloriam & incrementum meditaris, illa interim præteribis studia à quibus petenda sunt & ornamenta & præsidia Reipublicæ; sine quorum ope nec bellum pulchre administrari potest, nec commercium ulterius promoveri. Hæ sunt artes Regio favore & Thalassiarchæ præsertim curis dignissimæ, inter quas illa princeps eminet quæ Celsitudini Tuæ hodie commendatur Astronomia.

REGIÆ TUÆ CELSITUDINI

Addictissimus &

Obsequentissimus

DAVID GREGORY.



PRÆFATIO.

*L*ibrum hunc eo consilio publicum feci, ut illa, quam subodora-
tus est sagacissimus Keplerus, quamque Geometrarum Princeps
Isaacus Newtonus ad eum, quem omnes suspiciunt, apicem perduxit,
Physica Cælestis, meis etiam curis illustrata, Philosophiæ & Astro-
nomiæ studiosis paulo facilius innotesceret. Satis indicat ipse operis
hujusce titulus omissam esse hic omnem Astronomiam Arithmeti-
cam sive calculatoriam, posthac forte suo loco proferendam: Physi-
cam vero à laudatis modo Authoribus depromptam Astronomiæ de-
bite, ubi conveniebat, immiscui; pleraque Geometrica vel aliunde
repetita & citata, vel in Lemmatibus demonstrata exhibui; & ita
quid in quavis Sectione præstitum sit in ipsius vel titulo vel præfa-
tione exposui, ut qui in reconditiori Geometria minus versati, aut
de Physica parum solliciti sunt, possint ea præterire, & solam A-
stronomiam ab iis distinctam evolvere.

Est autem Astronomia Physica inter disquisitiones naturales non
tantum dignitate, sed & ordine prima, quippe facillima. Sol enim
& Planetæ tam immensa distantia à se invicem separantur, ut vi-
res pleraque, quibus corpora in se mutuo agunt, minime possint ad
tantum intervallum exercere; adeoque his præter universalem
Gravitatis vim alia nulla, quâ se invicem afficere valeant, virtus
super sit: At in illis, quæcunque apud Terram occurrunt, Phænome-
nis exerunt sese aliæ innumeræ virtutes, quas quidem difficillimum
est distinguere; quas tamen nisi probe distinguimus, frustra aliquod
naturæ examen instituimus. Erit itaque quodvis problema in Ter-
restri Physica valde operosum & perplexum, in Cælesti vero longe
simplicius faciliusque; quanquam etiam & in hac, pro varia cor-
porum Cælestium distantia & magnitudine, varia sint difficulta-
tum momenta. Fixæ enim inter se tam immane distant, ut nihil
ominino

P R Æ F A T I O.

omnino in se mutuo agant, quod à nobis Terricolis observari queat. Planetæ primarii tantum à se mutuo removentur, ut aliquam quidem in se invicem vim & effectum habeant, qualis tamen à nobis non nisi post multorum annorum observationem percipi possit. Planetæ secundarii non ita aut à primariis suis, aut à Sole distant (respectu habito ad quantitatem materiæ quæ in his est) quin utriusque virtutem satis notabilem sentiant, unde orta est multiplex eorum inæqualitas; qualis est quæ in Luna nostra manifeste se prodit, quæ tamen quasi nulla est, si cum inæqualitate Terrestrium, quæ corporum undique prementium viribus tam innumeris tamque variis agitata sunt, conferatur. Adeo ut infelicitè naturali scientiæ incumbere videantur, qui hanc Astronomiæ partem prætereunt, unde præcipue & simplicissimæ Naturæ leges sunt hauriendæ.

Ne cui vero Physica hic tradita, quasi novum aliquid & insolens in Astronomia videatur, eandem vetustissimis Philosophis notam, ab iisque sedulo excultam esse ostendam. Quo in argumento diutius paulo morabor, quia nihil necesse erit plura præfari, aut de operis hujus ordine, qui ex Indice satis constat, aut de Astronomiæ usu, dignitate, historia, progressu, aut etiam de vero hoc Mundi Systemate Pythagoræ aliisque Veteribus probato; quæ omnia ab Astronomiæ Scriptoribus jamdiu fuscè tractata sunt: id, inquam, jam ostendam, quod nos adhuc in Astronomiæ Physicæ Veterum vestigiis insistamus; quod nempe norint illi corpora Cælestia in se mutuo gravia esse, & vi Gravitatis in orbitis suis retineri; quod etiam Gravitatis hujusce Legem perspectam habuerint.

Si enim ad ipsam Astronomiæ originem recurrimus, eamque à prima quasi infantia repetimus, nihil antiquius esse reperiemus, nihil per omnes Philosophorum sectas latius disseminatum, quam illam de corporum Cælestium Gravitatè sententiam. Notum est dictum illud quod sæpe usurparunt * Anaxagoras ejusque discipuli * Archelaus & * Euripides, Solem nempe & Stellas esse lapides

a Omne corpus & lapidei sunt dictum. Diog. Laert. in Anaxag. Tit. 2. ubi dicitur quod Anax. & Archelaus & Euripides. Plat. in Apol. Socr. b Multos quippe dicunt esse lapides, ut Anaxag. & Archelaus & Euripides. Diog. Laert. in Anaxag. c Sicut dicitur in 1. libro de Meteoris.

P R Æ F A T I O.

ex qua constat grave, satis declarat Lucretius, & ' corpora quæ le-
via dicuntur non sponte sed vi subigente ascendere, perinde ut in
aqua lignum; " omnia autem corpora, tam graviora quam minus gra-
via, æquali celeritate (in vacuo) descendere. Enim vero præclarif-
simum illud Theorema de proportionibus, quod Gravitatis recedendo à
Sole decrescit, saltem Pythagoræ non ignotum fuisse ex sequentibus
liquebit. Hoc enim ille & illius æschæ adumbrarunt per Har-
moniam Sphærarum: Finxere nimirum Apollinem Lyram septem
chordarum pulsare, quo symbolo, ut ex* Plinio, Macrobio & Cen-
forino abunde constat, intellexere Solem cum septem Planetis;
illum nempe Hebdomagetam & naturæ moderatorem constituerunt,
& censuerunt Vi suâ attractivâ agere in Planetas (quem ideo ' Jo-
vis Carcerem vocabant, quia nempe Planetas in Orbibus suis hæc
Vi retinet ne in rectis abeant) in ratione illa Harmonica distan-
tiarum. Vires enim quibus æquales tensiones agunt in chordas di-
versarum longitudinum (cætera æquales) sunt reciproce ut quadrata
longitudinum chordarum. * Nam Pythagoras, dum præteriret of-
ficinam fabri ferrarii, occasionem reperit experiendi quod soni, quos
mallei ferrei emittunt, acutiores essent vel graviores pro variis pon-
deribus malleorum; deinde intestina ovium vel boum nervos, variis
etiam ponderibus alligatis, tendendo didicit quod soni ponderibus
similiter responderent. Ubi hoc compertum habuit, deinde depre-
hendit etiam numeros, ex quibus soni sibi consoni nascerentur. Sive
autem vera sit hæc historia sive fabula, certum est Pythagoram re-
perisse veram rationem, quæ est inter sonos chordarum & pondera
appensa. Tensio eadem in chordam duplo brevior quadruplo po-
tentius agit: Octavam enim generat, & Octava per vim quadru-
plo majorem editur; nam si chorda dato pondere tensa datum to-
num edit, eadem quadruplo pondere tensa Octavam edet. Similiter,

* Nunc locus est, ut opinor, in his illud quoque rebus
Confirmare tibi, nullam rem posse sua vi
Corporem sursum ferri, &c. Loc. Lib. II. v. 184.
Omnia quæpropter debent per inane quietum
Æque ponderibus non æquis concita ferri. Ibid. 238.

x Plin. Lib. II. cap. 22. Macrobi. Lib. I. c. 19. Cenforin. c. 11. y *τὴν τὴν αὐτὴν ποσὴν*. z Ma-
crobius Lib. II. in Somn. Scip. cap. 1.

P R Æ F A T I O.

eadem tenso in chordam subsequalteram agit in ratione dupla sesquiquarta: nam Quintam sive harmoniam Diapente efficit, & chorda, quæ dato pondere datum tonum edit, pondere duplo sesquiquarto tendi debet ut Quintam efficiat. Et universaliter, pondera, quibus toni omnes in chordis æqualibus audiuntur, sunt reciproce ut quadrata longitudinum chordarum æqualiter tensarum, quibus instrumentum musicum tonos eosdem emittit. Proportionem his experimentis inventam Pythagoras applicuit ad Cælos, & inde didicit Harmoniam Sphærarum. Ideoque conferendo pondera illa cum ponderibus Planetarum, & intervalla tonorum cum intervallis sphærarum, atque adeo longitudines chordarum cum distantis Planetarum ab orbium centro, intellexit per Harmoniam Cælorum quod Gravitates Planetarum in Solem (ad cuius utique Lyræ omnes saltant) essent reciproce ut quadrata distantiarum eorum à Sole.

Hactenus ostensum est quænam fuerit de Gravitate veterum Philosophorum sententia; iisque persuasum esse constat, quod Gravitatis non modo Terræ sed & corporibus Cælestibus competat, quod corpora omnia in se mutuo gravia sunt, quodque Planetæ vi Gravitatis in Orbitis suis retineantur, quod denique Gravitates Planetarum ad Solem sunt reciproce ut Quadrata distantiarum ab ipso. Quænam hisce Veterum inventis incrementa adjecerit Recentiorum solertia, sequentes paginae fuse ostendunt.

ASTRO-

ASTRONOMIÆ PHYSICÆ & GEOMETRICÆ ELEMENTA.

LIBER PRIMUS

De Mundi Systemate.


SECTIO I.

De Ordine, Distantiis, & Periodis Planetarum primariorum circa Solem gyantium, & Phenomenis insignioribus inde ortis.

PROPOSITIO I.

Ordinem & motuum Periodos Planetarum primariorum circa Solem, & eorum à Sole Distantias, quidque de Cometis & Stellis Fixis sentiendum sit, generatim exponere.

In medio immensi hujus spatii, in quo Planetæ gyros suos complent, concipiendus est Sol immotus; circa quem, tanquam centrum, corpora sex Sphærica & Opaca ab occidente versus orientem ab



A per B, C, & D ordine sequenti revolvuntur. Nempe Mercurius Soli proximus circulum suum complet spatio trium fere mensium: Venus

A

nus

nus huic proxima mensibus 7; fere: Dein Terra spatium annuum: Postea Mars fere biennio: Huic ordine proximus Jupiter 12 annis: Et extimus Saturnus annis fere 30. Talis autem est horum Planetarum à Sole distantia, qualis fere hoc schemate exprimitur; nempe quarum partium distantia Telluris à Sole est 10, harum Mercurii distantia est 4 fere, Veneris 7, Martis 15, Jovis 52, & Saturni 95.

Advertendum porro est Planetarum horum Orbitas non esse in eodem plano omnes, sed ad se invicem diversimode inclinatas; ita nempe ut si planum Orbitæ Telluris intelligatur congruere cum plano huius schematis, alterius cuiusvis Orbitæ dimidium alterum supra planum hoc attollatur, alterum infra illud deprimatur; ita ut huius planum fecerit planum prædictum in recta per Solem traducta.

Præter Planetas supradictos circa Solem gyranter, sunt etiam & Cometæ; qui, si corpora sint perennia in gyros acta, in Orbitis moventur Soli admodum excentricis, & proinde se nobis spectandos tantum præbent, cum in iis suarum Orbitalium partibus versantur, quæ Soli & Terræ sunt viciniore. Cometarum aliqui ab occidente in orientem, Planetarum ritu, feruntur; aliqui vero ab oriente in occidentem; alii à septentrione ad austrum; alii ab austro ad septentrionem: Et horum Orbitæ quoad magnitudinem, situm, & ad se invicem & Planetarum Orbitas inclinationem, variæ & diversæ sunt. Cometarum Periodi ex observationibus adhuc non constant, & ne hoc quidem certo, quod in lineis moventur in se redeuntibus: Sed hæc forsan ex sequentium seculorum observationibus huc collimantibus determinabuntur.

Porro reliquum omne, quaquā patet, spatium mundanum concipiendum est in spatia descripto non absimilia divisum, in quorum cuiusque centro Stella aliqua, ex illis quas nos Fixas dicimus, loco immota collocatur, quæ in dicto spatio Solis officio fungitur (quippe huic non absimilis;) circa quam forsan & sui revolvuntur Planetæ & Cometæ.


Sufficit hæc primo generatim, ut hic descripta, concipere. Nam quamvis Planetarum Periodi & à Sole Distantiæ non sint præcise illæ quas diximus; sunt tamen in numeris rotundis veris proximæ. Rursus, quamvis illorum viæ non sint perfecti circuli Soli concentrici, nec ejusdem Planetæ motus perfecte æquabilis; tantillum tamen hinc aberrant, ut sufficiat illa pro talibus habere, donec per observationes, & methodos observationibus utendi inferius propriis locis declarandas, hæc omnia præcise & exacte stabiliantur, illorumque minutiae excutiantur; aut saltem donec hæc declarentur, ut in veras illorum causas Physicas inquiratur.

PROPOSITIO II.

Phenomena, à supra descriptis Solis situ & Telluris motu orta describere.

Primo, si Observator in Sole locatus intelligatur, patet Tellurem huic

huic visum in ab occidente in orientem continuo deferri, sicut etiam vera fit. Porro cum, præter Tellurem, Observator noster Solaris etiam videat Fixas Stellas undique, (propter oculi naturam) quasi in concava sphaera, cujus centrum est oculus, positas; clarum est illum Terram observaturum quasi inter Fixas motam, & ad Stellas magis magisque orientales appellentem; donec, completa revolutione annua, ad eundem rursus intercas locum redeat. Cumque Tellus eadem viâ perpetuo incedat, notabit Observator Stellas, quas pertransit Tellus; ut & planum Orbitæ Telluris, circumque in sphaera Fixarum ab hoc plano factum, *Eclipticam* dictum; qui maximus quidem erit, quoniam transit per Solem sive oculum; qui cavæ sphaeræ, qua visus terminatur, centrum est. Quod si, propter commodiorem observationem, Observator divisam



intelligat hanc *Eclipticam* in partes æquales duodecim, five *Signa*, quorum cuius nomen imponat ab Asterismo vicino, five figura rei cuiusvis quam vicinæ Stellæ referre concipiuntur: in hoc inquam casu, Terra videbitur transire ab ν ad ϑ , indeque ad Π , atque ita de novo, ab occidente ad orientem omnia *Signa* peragrans, donec ad ν revolvatur. Quod si, secundo, Observator in Tellurem translatus intelligatur; si Tellus sit ad A, ubi ex Sole conspicitur inter Fixas ad ν , Sol inter Fixas conspicitur in opposito Signo ω è Terra, quæ nunc est sphaeræ Fixarum centrum; quippe locus oculi undique visum æqualiter producentis, & Stellas omnes ad hanc superficiem sphaericam referentis. Mota vero Terra ab A per π ad c in sua Orbita, five, ex Sole spectata, ab ν per ϑ ad Π &c. in consequentia Signorum; Sol, Observatori Terrestri locum suum (ut vulgo fit) immotum reputanti, inter Fixas moveri videbitur etiam in consequentia Signorum à ω per ϖ ad φ &c. in eodem plano *Eclipticæ*, eodem tempore, & versus eandem plagam, atque Tellus è Sole conspecta; sed in *Eclipticæ* punctis oppositis.

SCHOLIUM

Similia Phænomena accidunt respectu Solis & alterius cuiusvis Planetæ, immo prorsus eadem; nisi quod tempus, quo Planeta circa Solem revolvitur, vel quo Sol è Planeta spectatus circa hunc revolvitur videtur, varium fit pro Planetæ cuiusvis Periodo, præcedente propositione expositâ; quodque planum Orbitæ Planetæ istius productum aliis occurrat Fixis, quam quibus planum Orbitæ Terræ

occurrit; & consequenter quod via Solis inter Fixas, spectata ex alio quovis Planeta, diversa sit ab ejus via è Tellure visa, five Ecliptica.


PROPOSITIO III.

Phenomena Planetarum è Sole visorum, quatenus in Orbitis moventur, quarum plana ad planum Eclipticæ sunt inclinata, describere.

Cum Telluris & Planetarum Orbitæ ita disponantur, ut earum plana ad se invicem inclinentur, seque intersecent (ut Prop. I. generatim expositum) in rectis per Solem tractatis; in exponendis Phenomenis Planetarum è Sole visis, consideranda est inclinatio plani Orbitæ cujusque ad planum Eclipticæ five Orbitæ Telluris. Hoc enim planum Eclipticæ ab Astronomis pro norma statuitur, ad quod scilicet reliquarum Orbitalium plana inclinata censentur; & quidem jure, cum hoc illud sit, in quo Tellus (Astronomi locus) circa Solem defertur, vel in quo Sol circa Tellurem deferri videtur: Et Observator, in alio quovis Planetarum positus, suæ Orbitæ planum pro norma haberet, & reliquorum Orbitas tanquam ad illud inclinas consideraret.

Recta per Solem ducta, quæ est communis sectio plani Orbitæ Planetæ cum plano Eclipticæ, vocatur *Linea Nodorum* istius Planetæ, cum ipsa Puncta, in quibus Planetæ Orbita secat Eclipticam, vocentur *Nodi*. Sit ex. gr. \odot τ & t Orbitæ Telluris planum infinite productum, n p n Orbita Planetæ cujusvis intersecans planum prioris Orbitæ five Eclipticæ in N & n dicti Planetæ Nodis; ita ut Orbitæ hujus pars altera N p n extare supponatur supra planum hujus schematis, altera n p n infra idem deprimi (unde Ellipsis apparet): Recta n n Nodos conjungens, communis sectio plani Orbitæ Planetæ cum plano Eclipticæ, est *Linea Nodorum*.

Patet Planetam in Nodorum alterutro n situm, è Sole \odot , in Eclipticæ plano videri. Progressus vero Planeta usque ad p , è Sole visus, ab Ecliptica deviare videbitur; & (per Def. v. Elem. xi.) rectæ \odot p , & proinde Planetæ ad p è Sole visi, inclinatio ad Eclipticam (quæ Planetæ *Latitudo Helio-Centrica* dicitur) mensuratur per angulum p \odot e , posita p e recta perpendiculari ad Eclipticæ planum. Latitudo autem hæc Heliocentrica continuo augebitur, donec Planeta ad L perveniat, nempe *Limitem*; ubi æqualis est inclinationi Orbis Planetæ ad Eclipticæ planum. Atque inde rursus, moto Planeta, minuitur, donec Planeta ad Nodum alterum n appellat,



Lib. I. & GEOMETRICÆ ELEMENTA. §

n appellat, ubi Latitudo evanescit. Superato Nodo *n*, statim incipit Planetæ Latitudo; at mutata denominatione, quoniam nunc fit ad alteras Eclipticæ partes; augeturque usque ad Limitem *l*, unde rursus minuitur, donec in Nodo *n* secundo evanescat.

Planetarum *Orbes* (hoc est Orbitalium plana) inclinantur ad planum Eclipticæ modo sequenti. Nempe Saturni Orbis angulo 2½ graduum: Jovis 1½ grad. Martis paulo minus quam 2 grad. Veneris paulo majus quam 3½ grad. Mercurii denique fere 7 gradibus. De positione Lineæ Nodorum Planetæ cujusque alibi dicitur.


In duabus ultimis propositionibus consideravimus Planetas quasi è Sole visos: Istud enim necessarium est ad intelligendum motum illorum è Terra visorum.

PROPOSITIO IV.

Phenomena, à Telluris & inferiorum Planetarum, Veneris & Mercurii, motu orta, è Tellure visa describere.


Cum Venus & Mercurius revolvantur circa Solem in minoribus Orbitis quam Terra, ut in schemate, in quo *T* refert Tellurem, in propria Orbita *T* &, ab occidente in orientem delatam; *A C E G* Orbitam à Venere, versus easdem partes, breviori tempore percursum; patet quod, cum Venus in *D E F*, Orbitæ suæ parte à Tellure remotiore invenitur, hæc è Terra in *T* videbitur mota in consequentia Signorum; quo casu *Directa* dicitur. Cum vero Venus pervenerit ad situm respectu Solis & Telluris qualis est *g*; dum à *g* ad *H* movetur, æquali celeritate cum Sole ferri videbitur: Nam tunc rectà versus Terram tendit; nec aliter moveri videtur, quam quatenus ejus Orbita defertur à Sole versus ortum moto; adeoque tardior quidem est quam prius, sed etiamnum *Directa*.

Venus ultra *H* per *A* ad *B* progredia, &, quia Soli propior est, velocius mota quam ipsa Tellus, (cujus rationem inferius reddemus,) hanc inter & Solem media transit; & proinde è Tellure visa locum, inter Fixas, mutare quidem videbitur, at contra Signorum seriem, i. e. in *Antecedentia*; unde tum temporis *Retrograda* dicitur, licet è Sole spectata etiamnum *Directa* videretur. Et inter Directionem & Retrogradationem, prope *H* scilicet, *Stationaria* apparet; rectis nempe Terram & Venerem, eodem momento, jungentibus, per tempus notabile parallelis manentibus. Similiter, post Retrogradationem, antequam rursus *Directa* fiat, secundo *Stationaria*, prope *B*, videbitur; & quidem *Stationaria ad Directionem*,



rectionem, quia mox futura est *Directa* in Orbitæ parte *b c d e f g h*. Nam prior Statio, ad *h*, erat ad *Retrogradationem*. Interim & progredientis Terræ habenda est ratio: Nam *Directiones*, *Stationes* & *Retrogradationes* supra descriptæ fiunt, cum Venus versatur in Orbitæ suæ partibus, quæ modo supradictæ referuntur ad Tellurem interea motam. Ex dictis apparet Venerem *Retrogradam*, ut ad *a*, Telluri propiorem esse, & proinde majorem videri; è contra *Directam*, ut ad *e*, remotiorem ac, cæteris paribus, minorem.

Porro, quoniam Venus Solem ambit ad minorem distantiam quam Terra; patet illam è Tellure visam Solem perpetuo comitari: Cumque Cœlestia omnia



locata videantur ad eandem à Spectatore distantiam; Venus nunc ad ortum, nunc ad occasum à Sole digredi videbitur. Digressio hæc, *Elongatio* dicta, quæ mensuratur per angulum comprehensum inter rectas ab oculo ad Solem & Veneremeductas, nunquam major erit quam angulus $\odot T C$ vel $\odot T G$; si $T C$ vel $T G$ contingat Orbitam $A D F$. Et ideo, ex Orbitalium femidiametris Prop. I. positis, Venus nunquam ultra quadrantis femissem à Sole elongabitur: sed, postquam *Elongationem* maximam attigerit, versus Solem redibit; & inde rursus, quasi oscillando, ad alteras partes excurrat.


Similia omnia & Mercurio accident: At Mercurii *Directiones*, *Stationes* & *Retrogradationes* sæpius occurrent; quippe Planetæ periodum suam brevius tempore absolventis, Terramque proinde sæpius assequentis. Et quoniam Mercurii Orbita minor est quam Veneris, illius *Elongationes* maximæ à Sole non erunt tam magnæ atque hujus, sed prope Solem perpetuo hærens, & per Prop. I. ab eo nunquam per integrum Signum elongatus, se raro conspiciendum præbebit.

PROPOSITIO V.

Phenomena Latitudinis inferiorum Planetarum, è Tellure visum, describere.

Sit $\tau \delta \tau$ Telluris Orbita, cujus planum idem est cum plano *Eclipticæ*; sitque $n \varphi n$ Orbita Planetæ inferioris, (Veneris *ex. gr.*) cujus planum ad *Eclipticæ* planum est inclinatum, quæ propter hanc obliquitatem apparet *Ellipsis*, cujus major axis est planorum intersectio, sive *Linea Nodorum* $n n$. Atque Veneri existente in φ , sit Tellus in τ ; quo casu Venus erit Terræ proxima & *Retrograda*, ut Prop. IV. ostensum est: Patet (per Def. V. Elem. XI.) rectæ $\varphi \tau$ inclinationem ad planum *Eclipticæ*, sive Veneris in φ Latitudinem è Terra visam

visam (quæ exinde dicitur *Latitudo Geocentrica*) mensurari per angulum $\varphi \tau E$, posita recta φE ad Eclipticæ planum normali. Si, Venere in φ manente, Terra in t supponatur, quo casu Venus est directa & à Terra remotissima; Latitudo Veneris Geocentrica erit angulus $\varphi t E$ minor quam $\varphi \tau E$, in ratione $\tau \varphi$ ad $t \varphi$ fere, quamvis Latitudo Veneris Heliocentrica sit in utroque casu eadem.




Atque hæc de Mercurio pariter vera sunt. Unde patet quod, cæteris paribus, inferiorum Planetarum Latitudo major est, dum retrogradi & Telluri proximi sunt; minor, cum directi & remotissimi.

Porro, si inferiorum aliquis sit simul & Telluri proximus five maxime Retrogradus, & in Nodo vel prope illum; directe inter Observatorem & Solem reperietur: Sed si satis longe à Nodo distet, etiam tunc Solem præteribit ad boream vel ad austrum. Pari modo, si maxime directus sit & à Terra remotissimus, simul & in Nodo aut satis prope illum, à Sole tegetur; aliter, illum ad latus præteribit.

PROPOSITIO VI.

Phenomena Planetarum inferiorum, quatenus sunt corpora Sphærica, Opaca & à Sole illuminata, exponere.

Cum Planetæ omnes, æque ac Terra, sint corpora Sphærica, Opaca & Scabra, radios Solis in se incidentes undiquaque reflectentia; patet eam Planetæ cuiusvis medietatem quæ Soli obvertitur, à Sole illustrari; à Sole vero averfam in tenebris versari. Cumque medietas Telluri obversa ab Observatore videatur; si consideretur quænam Veneris facies in diverso ejusdem ad Solem situ illustretur; quænam vero à Tellure in τ , in Orbita sua $\tau \delta$, videatur; palam est Venerem situm A obtinentem, hoc est maxime retrogradam & nobis proximam, minime apparere, sed ejus faciem obscuram nobis obverti: Et si simul in Eclipticæ plano, hoc est in Nodo suo versetur; tum, per præced. directe inter Terram & Solem interjectam, velut Maculam in Sole videri.



Progreſſa

Progreſſa Venere in ſitum *B*, (hoc eſt è Tellure retrogredi viſa;) tum aliqua medietatis illuſtratæ pars Telluri τ obvertitur, at multo maxima medietatis obſcuræ. Cumque Venus ſit figuræ Sphæricæ, & plana videatur; pars illuminata in Cornua à Sole averſa, id eſt in occidentem, protendi videbitur.

Procedente vero Venere ad *C*, medietatis illuſtratæ dimidium videtur, unde Venus Dimidiata apparet: In ſitu vero reſpectu Solis & Telluris qualis eſt *D*, Gibba; cum Hemifphærii illuſtrati majus quam dimidium Spectatori obvertatur. Cum vero ad *E* pervenerit, ubi & à Terra remotiſſima, & in motu maxime directæ eſt, Pleno Orbe fulget; quia integrum ejus Hemifphærium illuminatum nobis obvertitur.

Eaſdem phaſes ſubibit Venus, dum per *F*, *G* & *H* tranſit; ſc. circa *F* Gibba, in *G* Dimidiata, ad *H* Corniculata, cornibus à Sole averſis, hoc eſt nunc in ortum protenſis; adeoque in partes oppoſitas illis verſus quas protendebantur in ſitu *B*.

Ut hæc melius intelligantur, nos Veneris phaſes in ſchemate annexo, iſdem literis quibus præcedens ſchema diſtincto, delineavimus, quales è Terra videntur; hoc eſt, ſchema hoc aſpicienti eadem eſt phaſis ad *A*, *B*, *C*, &c. quæ revera Veneris viſæ, in punctis *A*, *B*, *C*, &c. ſchematis præcedentis, ex τ puncto Terram referente. *Ex. gr.* in hujus ſchematis puncto *A* Venerem penitus obſcuram delineavimus; cum in præcedente ſchemate Venus ad *A*, è Terra in τ viſa, obſcura prorsus videatur: Ad *B* Venerem in cornua abeuntem, majore parte obſcuram depinximus; cum in præcedente ſchemate Venus ad *B*, è Terra in τ viſa, eadẽ phaſi appareat: Atque ſic de cæteris.

Similia etiam & de Mercurio apparebunt, habitâ ratione Orbಿತæ ejus & Periodi.

SCHOLIUM.


Quemadmodum Phænomena tribus noviffimis propoſitionibus expoſita ex Ordine & Motu Planetarum, Terræ, Veneris & Mercurii, Prop. I. deſcriptis manifeſte conſequentur; ita, è converſo, Phænomena hæcce obſervata, iſtum ordinem neceſſario ſtabiliunt; in quo nimirum Venus & Mercurius Orbis ſuis, interius quam Terra, Solem cingunt.

PROPOSITIO VII.

Phænomena à Telluris & ſuperiorum Planetarum, Martis, Jovis & Saturni, motu orta deſcribere.

Sit *M* & Orbita cujuſvis è Planetis ſuperioribus, Martis v. g.


A C G



A c & g Orbita Telluris Soli propior: patet primo hunc Planetam Solem perpetuo non comitari, sed illi è diametro quandoque opponi. Cum enim Tellus citius quam superiorum quivis circuitum suum absolvat, patet ipsam quandoque inter Solem & dictum superiorem Planetam intermediam fore; v. g. dum Mars est in M, Tellus poterit esse in H; & universaliter angulus ad Terram, quem continent lineæ inde ad Martem & Solem ductæ, poterit esse cuivis dato æqualis.


Ponatur, Marte in M posito, Terram esse ad A; Mars in hoc casu Stationarius ad Directionem videbitur; quia rectæ eodem momento Terram & Martem jungentes, sibi invicem, per notabile tempus, parallelæ manent; cum interim Mars è Sole visus continuo, ut alias, progredi videatur.

Dum vero Terra ab A per B, C, D, E, F ad G movetur, Mars progredi videbitur inter Fixas ob duplicem causam; cum quod revera circa Solem feratur in consequentia; tum quod Terra in adverso semicirculo, in eandem plagam feratur circa idem centrum: Adeoque Mars, in hoc casu à Terra remotissimus & Soli conjunctus, è Terra spectatus citius solito in consequentia Signorum ferri videbitur, & Directus fit. Progressâ vero Terrâ in situm G respectu Martis in M (quod tandem fiet, quamvis Mars interim circa Solem movetur, assequente nimirum Terrâ Martem) Mars rursus fiet Stationarius, & quidem ad Retrogradationem; quippe mox futurus Retrogradus. Nam cum Terra à G per H ad A fertur (Marisque Soli oppositus videtur, & maximus, quia Terræ proximus) Martem prætergressa, quia inferior & proinde velocior, efficit ut Mars inter Fixas visus contra Signorum seriem moveri videatur ab s per K ad P; cum interim, è Sole, in consequentia ut semper motus videretur.



Similia omnia Jovi & Saturno accident, nisi quod Retrogradationes Saturni frequentiores sunt quam Jovis, Jovisque quam Martis; quoniam Tellus sæpius Saturnum quam Jovem, & Jovem sæpius quam Martem affequitur, mediaque illum inter & Solem transit.

Martem in situ A vel B, dum vel Soli Conjungitur, vel eidem Opponitur, eandem faciem Telluri obvertere quam Soli, hoc est illuminatam, & proinde Pleno Orbe fulgere; in situ vero D vel C (nempe cum angulus $\odot C T$ vel $\odot D T$ est maximus, five cum $\odot T C$ vel $\odot T D$ angulus est fere rectus) faciem illuminatam non totam videri, nec visam totam illuminari; sed Martem, ad partes à Sole averfas paululum lumine deficientem, Gibbum apparere.



SCHOLIUM.

Sicut Phænomena tribus ultimis Propositionibus expofita, ex Ordine & Motu Planetarum Terræ, Martis, Jovis, & Saturni Prop. I. defcriptis manifefte confequuntur; ita è converfo hæc Phænomena iftum Ordinem ftabiliunt.

PROPOSITIO X.

Phænomena motûs Cometarum è Tellure vifa defcribere.

Quoniam diverforum Cometarum diverfæ funt Orbitæ, nec ante Observationes aliquas de Cometis institutas determinandæ; patet, dum quifque prope Perihelium fuum defcendit, five in Orbitæ fuæ portione verfatur, quæ in regionem Planetarum immergitur, fimilia effe ejus Phænomena, habitâ ratione inclinationis Orbitæ & velocitatis ipfius Cometæ, ac Planetæ vicini. Unde Cometæ via apparens inter Fixas erit Circulus Maximus proxime; nifi quod ejus deviationes in hanc vel illam partem fimiles erunt atque Planetæ, nempe pro motu Terræ fpectatorem deferentis. Nam ex Sole fpectatus Cometa Circulum Maximum inter Fixas accuratiffime defcribere videretur: Deviatio autem, propter Terræ motum circa Solem, in tempore nou nimis magno non erit valde fenfibilis.

Porro Cometa, qui progreditur fecundum ordinem Signorum, fi Terra fit inter Solem & Cometam, Retrogradus eft; fiquidem Tellus tanto celerius fertur, ut rectæ Terram & Cometam jungentes convergant ad partes ultra Cometam: Sin Terra tardius fertur, motus Cometæ, detracto motu Terræ, fit faltem tardior: At fi Sol fit inter Tellurem & Cometam, erit Cometæ motus jufto celerior. E contra vero, Cometæ, qui in antecedentia moventur, funt jufto celeriores, fi Terra verfatur inter ipfos & Solem; & jufto tardiores, vel forfan etiam in confequentia apparenter moti, fi Terra fita eft ad contrarias partes. Contingit hoc ex motu Terræ, in vario ipfius fitu, perinde ut fit in Planetis; qui pro motu Terræ, vel confpirante vel contrario, nunc Retrogradi funt, nunc tardius moveri videntur,

nunc vero celerius, ut Propositionibus IV. & VII. ostensum est. Atque hæc omnia magis sensibilia erunt sub finem apparitionis Cometæ, cum ejus motus apparens est tardior, & spectatorem vehementis Telluris motus majorem ad illum rationem habet.

Quinetiam Cometæ Latitudo, cæteris paribus, pro situ Terræ vario varia est; nempe in Oppositione ad Solem major, in Conjunctione vero major minorve, prout Cometa Terram inter & Solem, vel Sol inter Cometam & Terram, positus est; sicut de Planetis est demonstratum Propositionibus V. & VIIL.


SECTIO II.

De Directione Virium, quibus Planetae Primarii in Orbibus suis retinentur.

PROPOSITIO XI.

SI Corpus secundum Directionem datæ positione rectæ lineæ AZ moveatur, & simul urgeatur à Vi Centripeta tendente ad datum punctum immotum s , extra prædictam rectam situm; Linea à Corpore descripta Curva est, versus s Cava, tota in Immoto Plano per rectam AZ & punctum s transeunte constituta. Et Area sub hujus Curvæ portionibus quibuscumque, & rectis ad centrum s ductis, comprehensæ eandem habent inter se rationem, quam Tempora, quibus dictæ Curvæ portiones à Corpore describuntur.

Concipiatur Tempus divisum in partes æquales, in cujus primâ Corpus solâ Vi insitâ, quâ secundum directionem AZ progredi nititur, describat ejus partem AB ; descripturum Temporis parte secundâ BC ipsi AB æqualem, si nihil impediret; quoniam, per primariam motûs Legem, Corpus omne motum aliunde non impeditum, movetur uniformiter in directum: Verum, ubi Corpus ad B pervenit, intelligatur Vis Centripeta ad s tendens agere impulsu unico quovis, ita ut Temporis parte secundâ Corpus per solum hunc impulsu impelleretur per rectam BG . Patet, si per c ducatur cc ad BG , & per G , Gc ad Bc parallela, Corpus ex utroque impulsu, quo simul impellitur, dictâ secundâ Temporis particulâ perventurum ad c , describens rectam Bc ; cum in Mechanicâ sit notissimum, Corpus viribus conjunctis Diagonalem Parallelogrammi eodem



dem tempore describere, quo Latera separatis. Constat porro rectam BC esse in plano parallelogrammi BGC , cujus utrunque latus BG & BC est in plano trianguli ASB , quod nempe transit per Centrum Virium s , & rectam immotam AZ . Præterea triangu-
la sCB , sCB sunt æqualia, quippe super eadem basi BS , & inter parallelas SB , CC constituta; sed sCB , sBA sunt æqualia, quoniam eorum bases æquantur, & altitudo est eadem: Quare sBA , sCB etiam æquantur. Eadem prorsus ratiocinatione, si tertiâ Temporis particulâ Mobile describat rectam quamvis CD ; probabitur triangulum sCD æquale triangulo sBC , & rectam CD esse in eodem plano cum rectis SB , BC ; hoc est, in eodem cum eo quod per rectam AB & punctum s traducitur. Et ita porro, quousque motus continuatur, æqualibus Temporis partibus æqualiter augebitur Area, radiis ad immobile Centrum Virium ductis descripta: Et componendo, sunt Aræarum summæ quævis inter se, ut sunt Tempora, quibus describuntur. Et Linea à Corpore descripta jacebit in Immoto plano, quippe per rectam immotam AB & immobile centrum s traducto. Sed & erit versus s Cava, quia ejus quælibet portio recta, ut BC , à præcedente AB declinat versus centrum. Si augeri intelligatur triangulorum sAB , sBC , sCD , &c. numerus, & latitudo minui in infinitum; horum bases AB , BC , CD , constituent Lineam Curvam versus eadem partes Cavam, & in eodem plano jacentem; & Vis Centripeta, quæ prius quasi subfultim & per æqualia Temporis intervalla agebat, quâ Corpus de tangente istius Curvæ (quam triangulorum bases mentiuntur) perpetuo retrahitur, nunc indefinenter aget: Aræque quævis descriptæ, $sABCs$, $sABCDs$, erunt (ut prius) Temporibus quibus describuntur proportionales. Quod erat demonstrandum.


PROPOSITIO XII.

Corpus motum in Linea Curva $ABCD$, in Plano descripta, versus easdem partes Cava, & radio ad s punctum immotum in eodem plano versus Curvæ cavitatem positum ducto, describens Areas Temporibus proportionales, urgetur à Vi Centripeta tendente ad istud punctum s .

Intelligatur Curva à Mobili descripta dividi in partes AB , BC , CD , &c. quorum quælibet à rectâ minime differt, tales ut Temporis partibus æqualibus describantur: Conci-
piatur item Vis Centripeta subfultim agens in solis punctis B , C , D , &c. ut in præcedente. Producat AB ad c , ita ut BC æqualis AB ; item BC ad d , donec CD æqualis BC ; & sic porro. Erit sAB triangulum æquale sBC , quia, ex hypothesi, Aræ descriptæ sunt Temporibus proportionales; & sAB æquale sBC , quia AB æqualis BC : Quare sBC est æquale



æquale sbc , & igitur (per 39. Elem. I.) cc parallela est ad sa . Porro, Corpus primâ Temporis particulâ per ab motum, solâ Vi infitâ in secunda particula Temporis percurreret bc ; sed eâdem parte secundâ, revera percurrit bc : Quare Vis in puncto b agens, quæ cum Vi infita conjungitur ad Corpus per bc movendum, dirigitur secundum rectam ipsi cc parallelam; hoc est, secundum rectam bs . Eodemque modo Vis in puncto c agens, quæ conjun-



cta cum Vi infita (quâ solâ Corpus tertiâ Temporis particulâ percurreret $c'd$) potest eodem tempore illud per cd movere, dirigitur secundum rectam ad d parallelam; hoc est, secundum cs : Sed rectæ bs , cs , &c. tendunt versus punctum s . Agit ergo Vis Centripeta, qua Corpus de Curvæ tangente retrahitur, secundum rectas ad punctum immobile s tendentes. Quod erat demonstrandum.

PROPOSITIO XIII.

Vires, quibus Planetæ Primarii, Mercurius, Venus, Mars, Jupiter, & Saturnus, à motibus rectilineis retrahuntur, & in Orbitis suis retinentur, non tendunt versus Terram, sed versus Solem.

Nam Corpus omne, quod movetur in Linea Curva, detorquetur de cursu rectilineo, quem ex natura sua affectat, per Vim aliquam. Planetas autem in Lineis Curvis moveri vel exinde patet, quod eorum Orbitæ in se redeant. Vis vero hæc in Planetas exercita non tendit ad Terram, quoniam duorum ex illis, Mercurii nempe & Veneris, Orbitæ Terram non cingunt, ut ex Prop. VI. patet; & proinde non sunt in omnibus sui partibus versus Terram Cavæ: Unde (per Prop. XI.) Vires, quibus in Orbitis retinentur, non tendunt ad illam. Præterea Planetæ Primarii, scilicet Mercurius, Venus, Mars, Jupiter, & Saturnus, respectu Terræ nunc Progrediuntur ab Occidente versus Orientem, nunc Regrediuntur ab Oriente in Occidentem, nunc etiam Stationarii sunt: Tempus autem, quò Motus hi peraguntur, uniformiter semper labitur; & proinde Areæ radio ad Terram ducto à Planeta quovis descriptæ non sunt proportionales Temporibus, quibus describuntur. Quare, per præcedentem, urgetur Planeta quivis, & in Orbita sua retinetur, à Vi quæ ad Terram non tendit.

Verum (ex Scholio Prop. VI.) constat Veneris & Mercurii Orbitas Solem cingere, quod & de Martis, Jovis, & Saturni Orbitis etiam patet ex Scholio Prop. IX. Et omnes hi Planetæ Solis respectu semper Progrediuntur, ut ex Prop. I. patet; idque propemodum uniformiter, sicut Tempus fluit. Verum quidem est Planetas paulo celerius in quibusdam suarum Orbitalium punctis, etiam respectu Solis,

Solis, progredi quam in aliis, ut infra dicitur; sed differentia adeo est parva, ut hic sit negligenda: Sed & tum Planetæ sunt Soli propiores (nam eorum Orbites non sunt circuli Soli concentrici) & eorum Motus ita attemperatur, ut Area à radiis ad Solem ductis descriptæ æquabiliter augeantur; ut in decursu patebit. Et igitur Vires, quibus à motu rectilineo retrahuntur Planetæ, & in Orbitis suis retinentur, tendunt versus Solem.

PROPOSITIO XIV.

Vires quibus Cometa in Trajectoriis suis (si hæ sint Curvilineæ) retinentur, non tendunt versus Terram, sed versus Solem.

Si enim Cometarum Trajectoriæ Rectæ sunt, nullis urgentur illi Viribus ad punctum extra Rectas istas positum tendentibus; quippe quibus à motu rectilineo retraherentur, & Orbes curvilineos describere cogerentur, per Prop. XI. Si vero Cometarum Trajectoriæ Curvæ sunt, tamen Vis, quæ Cometa quivis in ista Curva retinetur, versus Terram non dirigitur; quia Tellus extra Trajectoriæ planum plerumque reperitur; & præterea, Terræ respectu, nunc progreditur Cometa, nunc regreditur, & Areas proinde per Radios ad Terram ductos describit Temporibus minime proportionales: Respectu vero Solis in omnium Trajectoriarum planis positi, semper in eandem partes tendit Cometa, & quidem quo Soli vicinior, eo velocius; ita ut Area à Radio ad Solem ducto descripta æquabiliter, instar Temporis, augeatur: Unde ex Prop. XII. constat propositum.

SECTIO III.

De Ordine, Distantiis & Periodis Planetarum secundariorum circa primarios revolvuntium, & horum Phenomenis; deque Directione Virium, quibus isti in Orbitis suis retinentur.

PROPOSITIO XV.


Ordinem & Motuum Periodos Planetarum Secundariorum, sive Satellitum circa proprios Primarios, & illorum ab hisce Distantias exponere.

E sex Planetis primariis, qui circa Solem revolvuntur, trestantum sunt (quantum observatione adhuc certo constat) Satellitio donati; nimirum circa quos alii rursus Planetæ (qui propterea Secundarii appellantur) revolvuntur. Circa Tellurem unus, scilicet Luna, diebus 27½ fere Periodum suam absolvens, & Telluris semidiametris circiter 60 à Tellure distans.

Circa Jovem quatuor: quorum intimus revolvitur die 1½ ad Distantiam 5½ semidiametrorum Jovis à centro ejusdem; secundus revolvitur spatio 3½ dierum, ad Distantiam semidiametrorum 9; tertius spatio

spatio 7½ dierum, ad Distantiam 14½ semidiametrorum; quartus denique & extremus revolvitur circa Jovem spatio 16½ dierum, distans ab ejus centro semidiametris 25½ Jovis.

Circa Saturnum quinque: quorum intimus revolvitur die 1½, ad Distantiam semidiametrorum Saturni 4½ à centro Saturni; secundus spatio 2½ dierum, ad Distantiam 5½ semidiametrorum Saturni;



tertius spatio 4½ dierum fere, ad Distantiam 8 semidiametrorum; quartus 16 diebus fere, ad Distantiam 18 semidiametrorum; quintus & hætenus visorum extremus revolvitur circa Saturnum spatio 79½ dierum, distans ab ejus centro 54 semidiametris Saturni. Et Systema Solare hætenus visum figuræ est fere, qualem in annexo schemate depinximus: Verum inter extremos duos satellites Saturnios sextum insidere suspicatur Cl. *Hugenius*, cum spatium amplius pateat quam pro distantis cæterorum; vel etiam ultra quintum alios circumvagari, qui propter obscuritatem nondum sunt visi. Plana Orbitalium satellitum ejusdem Primarii non coincidunt; sed ad se mutuo varie inclinantur, & etiam ad planum Orbite in qua Primarius circa Solem defertur.


Cingitur præterea Saturnus *Annulo* tenui, plano, nusquam cohærente, instar Fornicis Orbicularis per totum Saturni ambitum extructi. Annuli hujus planum est plano *Æquatoris* Terrestris hæc tempestate fere parallelum. Ex ejus varia positione respectu Solis illustrantis (est enim sui Planetæ instar opacus) & oculi videntis, oriuntur phasæ *Ansarum* Saturni, quæ tam variis figuris Astronomorum

rum operam luserunt. Ab *Hugenio* primum plane detectus est, & in *Systemate Saturnio* Anno 1659 editus. Annuli diameter dupla sesquiquarta est diametri Saturni; & latitudo spatii inter Annulum & Saturni globum interjecti ipsius Annuli latitudinem adæquat.

PROPOSITIO XVI.

Phenomena Lunæ i Terra visæ, quatenus est corpus Sphæricum a Sole illuminatum, exponere.

Terram T, circa Solem in Orbita R T rotatam, comitatur Luna Planeta secundarius, in eandem plagam, ab A per B, C, &c. Orbitam suam describens. Hujus tamen Orbitæ Lunaræ planum cum Eclipticæ plano non congruit, sed ad illud inclinatur angulo circiter 5 graduum; horumque planorum communis intersectio est recta Ω Ψ; punctaque Ω & Ψ, ubi Orbita Lunaræ Eclipticæ planum interfecat, vocantur Nodi Lunæ; sicut prius dictum est, cum de primariis ageretur. Adeo ut concipienda sit Orbita Lunaræ dimidia sui parte Ω A Ψ ad Boream exstare supra planum Eclipticæ sive hujus schematis, alterâ verò Ω K Ψ infra idem deprimi ad Austrum; quæ etiam est ratio cur Ecliptica delineatur. Nodorum alter Ω, (nempe quo Luna, superatâ Eclipticâ, ad Boream ascendit,) dicitur *Caput Draconis*; alter vero Ψ *Cauda Draconis*. Nodorum Linea Ω Ψ non eundem semper servat situm, sed ita movetur motu angulari, ut Nodi regrediantur, nempe Ω per G, F, &c. & Ψ per c, b, &c. contra Signorum seriem; circulumque spatio 19 annorum fere compléant. Ex quibus constat Lunam nunquam in Ecliptica reperiri, præterquam bis in revolutione sua menstrua, cum est in Nodo Ω vel Ψ: reliquo tempore Luna ab Ecliptica deviat in latum;




ejusque Latitudo mensuratur per angulum, quo (per def. V. Elem. XI.) recta centrum Lunæ & oculum conjungens inclinatur ad Eclipticæ planum; prorsus ut de primariis dictum est Prop. V. & VIII. Præterea, cum Luna (instar ipsorum primariorum) sit corpus Sphæricum, Scabrum & Opacum, radios Solis in se incidentes reflectens; patet ejus medietatem Soli obversam illustrari, aversam vero obscuram manere. Sed Lunæ hemisphærium Telluri obversum ab

C

obser-

observatore Telluris incola solum poterit videri. Et igitur Lunæ variae erunt Phases pro varia habitudine hemisphaerii ejus illustrati ad hemisphaerium Telluri obversum; sicut Prop. VI. (in casu simili) de inferioribus est ostensum. Si in schemate, Sole in \odot existente & Tellure in τ , Luna sit ad A punctum Soli oppositum; patet faciem Lunæ illustratam totam Telluri obverti: unde pleno Orbe fulget Luna; quæ Phasis *Plenilunium* vocatur. Cæteris vero manentibus, si Luna in B posita intelligatur, illustratæ faciei pars à Terra τ avertetur, obscuræ vero pars eidem obvertetur: unde Luna non erit perfecte plena; sed, versus Solis oppositum paululum deficiens, Gibba apparebit. Lunâ vero ad situm c progressâ, ubi angulus $c \tau s$ est rectus, & Luna in *Quadrato* Solis; tum hemisphaerii ad Terram obversi pars dimidia illustratur, dimidia in tenebris versatur: unde Dimidiata & decrescens apparebit. Lunâ longius adhuc progressâ, (ut ad D), faciei Terræ obversæ pars parva illustratur, multo vero maxima obscura manet: & proinde ob Lunæ figuram vere sphaericam, & apparenter planam, illustrata pars velut in Cornua protensa videbitur; & quidem à Sole averfâ (ut Prop. sequente demonstrabitur) five in casu præsentis versus occasum. Cumque tandem Luna ad situm x five conjunctionem cum Sole pervenerit, facies illustrata averfâ est à Terra; & proinde Luna erit prorsus obscura, fitque *Novilunium*; quippe mox rursus in F apparitura, & lucida Cornua à Sole etiamnum averfâ, & proinde nunc in orientem protensa, ostensura. Postea, quasi crescens, in e Dimidiata apparet, primo Lunationis Quadrante elapso; sicut in c factum est ultimo Quadrante inchoato: Atque rursus Gibba in B videbitur, ad Plenilunium in A denuo celebrandum tendens. Nos, majoris evidentiae causâ, post quemvis Lunæ situm delineavimus correspondentem ejus Phasim, qualiter à Terra τ apparet.

Quamvis Lunæ Periodus circa Terram (ut in præcedente dictum) sit dierum tantum 27, horarum 71. (qui & *Mensis* est *Periodicus*;) tamen per Mensem, five *Lunationem*, vulgo intelligitur temporis spatium id, quod à Novilunio ad Novilunium proxime insequens impenditur, & prædicto Mense Periodico majus est; quoniam spatium Mensis Periodici, quo Luna à puncto x (ubi nunc Novilunium celebra-



celebratur) digressa ad idem revertitur, ipsa Tellus, una cum comite Luna, integro fere Signo in consequentia est mota; unde dictum Orbitæ Lunaræ punctum κ Sole est multo occidentalius: adeoque Luna ad Conjunctionem cum Sole nondum pervenit; sed adhuc opus est diebus 2 & horis 5, ut Luna Soli sit conjuncta, five ut Novilunium celebretur; hoc est, ut fiant omnes Phasium vicissitudines, five ut integra Lunatio absolvatur, quæ & *Mensis Synodicus* dicitur, constans diebus 29, horis 12½

Porro, paulo ante & post Novilunium (nempe cum Luna est in D vel F) Solis radii à Terra reflexi & Lunam offendentes, illam Luce istâ tenui perfundunt, quâ (præter Cornua) reliquus ejus discus conspicuus redditur. Cum vero Luna extra viam reflexæ à Terra Lucis est progressa, memorata Lucula (quibusdam perperam Lunæ nativa credita) simul evanescit.


PROPOSITIO XVII.

A *Datum Tempus Lunæ Phasem delineare.*

Per centra Solis, Terræ, & Lunæ traductum planum (idem nempe cum plano hujus schematis) secet Lunæ Globum, & sectio sit circulus $A D B C$. Sit $c d$ circuli hujus diameter, cui recta $s L$ centra Solis & Lunæ conjungens est normalis; & $A B$ ejusdem diameter, cui normalis est recta $T L$, centra Terræ & Lunæ conjungens. Ex puncto D in $A B$ demittatur perpendicularis $D E$, diametro $A B$ occurrens in E . Cumque planum ad schematis hujus planum super $c d$ normaliter erectum dividat Lunæ hemisphærium illustratum ab obscuro; & planum super $A B$ similiter erectum dividat ejusdem hemisphærium visum à latente: erit Globi Lunaræ portio utrique hemisphærio communis; nimirum quæ inter plana super $A L$, $D L$, ut dictum est, erecta comprehenditur, visi hemisphærii pars illuminata; & quæ inter plana super $B L$, $D L$, ejusdem pars obscura. Et utraque hæc pars hemisphærii visi, tam illustrata sc. quam obscura, in Lunaræ Globi punctis oppositis terminatur; in quibus sc. recta ex L , ad planum circuli $A C B D$ normaliter excitata, & utrinque producta, (quippe planorum super $A B$ & $c d$ erectorum communis sectio,) ejus superficiiei occurrit: Et partium harum latitudo maxima est in circumferentia $A D B$; obscuræ quidem $B D$, illustratæ vero $A D$.

C 2

Arcus



Arcus $B D$ est mensura anguli $B L D$, qui æqualis est angulo $s L T$, comprehenso sub rectis ex Lunæ centro ad Solis & Terræ centra ductis: Nam si æqualibus angulis $s L D$, $T L B$ (quippe rectis) addatur communis $D L T$, conficiuntur æquales. Sed ad Tempus datum innotescit angulus quo Luna distat à Sole, nempe $L T s$; adeoque & $s L T$ ejus complementum ad duos rectos: Nam distantia Lunæ à Terra tam parva est respectu distantiae Terræ à Sole, ut rectæ $T s$, $L s$, à Terra & Luna ad Solem ductæ, possint pro parallelis haberi. Fiat ut duplum radii ad sinum versum anguli $T L s$, ita $B A$ ad $B E$. Porro, cum Lunæ hemisphærium è Terra visum appareat circulus, quod Globo è longinquo spectato contingit, ut in Opticis docetur: Sit $A M B N$ circulus Discum Lunæ referens; idem nempe qui prius factus est per sectionem Lunæ cum plano super $A B$ erecto, adeoque eodem centro L , eademque diametro cum illo descriptus. Et quoniam longinqua est Luna, videbuntur singula per rectas rectæ $L T$ parallelas. Et ideo erunt $B E$ & $A E$, latitudines maximæ partium illuminatæ & obscuræ in Disco Lunari. Ducatur diameter $M N$ ad $A B$ normalis; & axe majore $M N$, & minore æquali duplæ $L E$, describatur Semiellipsis $M E N$: Erit $M A N E M$ Pars illuminata, $M B N E M$ vero Pars obscura Disci Lunariorum $A M B N$.



Nam illustrationis superficiei Lunæ sphaericæ, per sphaericum Solem, terminus est circulus; & hic è longinquo oblique spectatus apparet Ellipsis, cujus semiaxes $L M$, $L E$, ut ex Opticis patet: Oblique vero spectatur per $T L$, quoniam recta $s L$, illius plano normalis, ad $L T$ inclinatur; nisi in Plenilunio ubi coincidunt.

In problemate hoc construendo, supposuimus dimidium Globi Lunæ à Sole illuminari; dimidium etiam à spectatore videri: quorum neutrum est in rigore verum: Nam quia Sol quam Luna major est, paulo amplius dimidio illustratur; & quia spectator non distat infinite, superficiei Lunariorum portio paulo minor quam dimidia videtur. Verum hæc adeo sunt minuta, ut merito contemni queant: Et Phasis Lunæ delineata, ut supra, observatis satis respondit. Ut vero schema cum cælo congruat, linea $B A$, cui $M N$ Cornua jungens est normalis, in eo ponenda est situ, ut recta ad Solem dirigatur: Nam recta $L A$, ex T visa, coincidit cum $L s$ ad Solem tendente.


Similiter delineabuntur Planetarum inferiorum & Martis Phases, de quibus Prop. VI. & IX. dictum est: Verum in isto casu, si L referat aliquem è Planetis primariis, rectæ $T s$, $L s$ inclinantur sensibilibiter ad invicem, & triangulum constituunt.

PROPOSITIO XVIII.

Phænomena Lunæ ex Opacitate Telluris Umbram projicientis orta, seu Lunæ Eclipsin exponere.

Cum Tellus sit corpus Opacum, patet ab illa lucido Soli exposita Umbram

Umbram protendi ad partes à Sole averfas; Umbramque proinde hanc in Eclipticæ plano perpetuo verfari, quoniam Terra & Sol in illo verfantur. Quod fi contingat Lunam, cum in Plenilunio Soli opponitur, etiam in Eclipticæ plano, aut fatis prope illud verfari,




(quod fit cum Plenilunium in Nodo celebratur, aut prope illum :) patet hanc in Umbram immergi; & proinde lumine Solis, quo solo fulget, privari; hoc est, *Eclipsin* pati; & quidem *Totalem* aut *Partialem*, prout tota, aut ex parte tantum, in Umbram incurrit.

Telluris autem Umbra tandem in apicem definit, nec ad Cœlum Martis protenditur: Nam Mars in plano Eclipticæ Soli oppositus non deficit; quod necessario fieret, si in Umbram Telluris immergeretur: est enim Mars corpus Opacum, ut ex Prop. IX. patet. Ex hac autem Umbræ Terræ figura, primo obtutu patet Solem esse Terrâ majorem: Nam si æquale sit corpus Lucidum Opaco, Umbra erit æqualiter crassa & cylindrica; si vero Lucidum sit Opaco minus, Umbra quidem erit conica, sed increfcens, & quo remotior ab Opaco, eo crassior; utroque autem modo in infinitum porrigeretur. Sicut Sol quam Terra, ita Terra quam Luna major est: quod exinde patet, quod Luna deficiens in Telluris Umbram tota immergatur; Telluris autem Umbra, ubi Luna illam pervadit, multo gracilior est, (ut hætenus ostensum,) quam prope Terram.

Exponat circulus v m Umbræ Terræ sectionem transversam, ubi Lunari Orbitæ occurrit:


Sit Orbita Lunæ L v F, Ecliptica c e. Ea quarundam Eclipsium invenitur duratio, (nempe quatuor horarum,) quæ sufficit ut Luna in tenebras tota immerfa pervadat Umbram circiter tres sui diametros latam; quod fit cum centrum Lunæ Umbrosi circuli v m centrum pertransit: Hujusmodi Eclipsis vocatur *Totalis* & *Centralis*.



Quandoque Luna Nodum hætenus est prætergressa, aut eundem nondum assequuta, cum Umbram pervadit: Si tamen Luna


fit Nodo satis propinqua, Luna tota in Umbram immergetur, fietque Eclipsis Totalis, sed non Centralis, neque tantæ durationis; quia via Lunæ per Umbram minor est Umbræ diametro, quippe per centrum non transiens; & proinde citius, cæteris paribus, percurritur.

Si vero Nodus ab Umbræ adeo sit remotus, ut Lunæ, in Orbita sua prope Umbram transeuntis, pars tantum in Umbram immergatur, fiet Eclipsis Partialis; quæ tot dicitur esse *Digitorum*, quot duodecimæ partes Diametri Lunaris obscurantur, quando Eclipsis est



maxima. Etenim Lunæ Diameter (ut aliud quodvis integrum) in duodecim Uncias sive Digitos divisa intelligitur: Quod & de alia quavis Eclipsis Phase similiter intelligendum est. In omnibus hisce casibus, incipiente Eclipsi, Luna occidentalem Umbræ plagam orientali sui latere primum tangit; & definiente illâ, Lunæ occidentale latus orientalem Umbræ limbum ultimo deferit; totumque interjectum tempus Eclipsi annumeratur; sed totali immersioni illud tantum, quo Luna in tenebris tota versatur.

Verum Lunæ limbus orientalis versus Umbram procedens non statim in densissimas tenebras immergitur; sed obscurior evadit, prout Umbræ fit propior: quod ex Penumbra Umbram omnem (factam à lucido quod sub angulo sensibili videtur) comitante proficiscitur. Hæc autem undique circa Umbram effunditur. Sit ☉ Sol, ☿ Terra, ducanturque rectæ ut in schemate: Umbræ T V M ☿, ubi



nulla prorsus Solaris luminis pars pertingit, circumfunditur Penumbra V T P M ☿ N, ubi aliqua Solaris lucis pars à Terra impeditur; & hæc Penumbra obscurior est versus T V, ☿ M ipsius perfectæ Umbræ

Umbrae oras, quia pauciores radii (nempe à minore Solis portione profecti) illuc attingunt; minus obscura versus $T P, R N$ ubi plures: ultra quem limitem radii omnes Solares libere pertingunt, quantumque fieri potest illustrant.

Rubicundus vero iste color, quo Luna etiam in perfectæ Umbrae medio sita perfunditur, & visibilis quandoque instar lateris cocti redditur, (nam in Eclipsibus quibusdam omnino quasi evanescit Luna,) oriri videtur à radiis Solaribus vel in Atmosphæra Terræ circumfusa refractis, vel à particulis extra Terræ Umbram volitantibus ad Lunam reflexis, vel ab illuminatione Stellarum, vel simul omnibus.

Eclipsis aliqua Lunaribus, qualem supra descripsimus, plerumque bis saltem quovis anno incidit. Nam cum duo sint Nodi, in quibus Lunaribus orbita Eclipticam interfecat, iique in antecedentia moti, (ut Propositione XVI. dictum est;) & Sol quovis anno Eclipticam in consequentia peragere videatur, (ut Prop. II. ostensum:) Patet Solem bis quovis anno Lunæ Nodorum alterutri ex Tellure obviam factum videri; & proinde Umbram Telluris Lunæ Cælum in altero Nodo quasi perforare. Si igitur Plenilunium hoc tempore contingat, Luna necessario totaliter & centraliter deficiet; ut superius ostensum. Licet vero Plenilunium non incidat, quando Sol & Nodus fiunt obviam; tantilla tamen est Orbitæ Lunæ ad Eclipticam inclinatio, tantaque Umbrae Telluris crassities, ut etiam si Plenilunium decem amplius diebus à tempore prædicto, ante vel post, distet, (integris vero quindecim distare non potest,) tamen Luna Umbram vix effugerit. At si prædictus Solis & Lunaribus Nodi occurfus contingat ipso die Novilunii, vel die uno alterove ante aut post, (quod non nisi raro fiet;) satis longe aberit Luna ab Umbra Terræ in Plenilunio, cum præcedente tum insequente, ad illam prorsus vitandam: Nullaque proinde erit isto semestri spatio Lunæ Eclipsis.


PROPOSITIO XIX.

Phænomena Solis à Terra visa, ex Opacitate Lunæ orta, sive Solis Eclipsin exponere.

Sicut Luna ob interpositam Terram Solis lumine privata deficere dicitur, seu Eclipsin pati; ita vicissim, si Terra ob interpositam Lunam lumine Solis spoliatur, istud Phænomenon Eclipsis Terræ dicenda esset. Observator vero Terrestris, qui nec Eclipsin, nec Motum, nec aliud quidvis quod imperfectionem illi videtur arguere, in domicilio suo agnoscit, hocce Phænomenon Solis Defectum appellat; pari ratione, quâ incola Lunæ, dum hæc in Umbram Telluris immergitur, Solem deficere diceret.

Patet vero Eclipsin Solis futuram quovis Novilunio, ubi Luna ad aut prope Nodorum alterutrum reperitur. Tum enim Lunæ, directe inter Solem & Terram interjectæ, Umbra ad Terram protensa, (ut in figura,) incolis tractis e d. densissimâ Umbrâ immerfis, Eclipsin Totalem efficit. Quum vero Lunæ Umbra nequeat integram Tellurem

Tellurem involvere, circa circulem Terræ tractum prædictum c d circumfunditur corona b c, e d Penumbrae immersa, cujus incolis Partialis tantum erit Eclipsis: & versus c & d, major Solis pars à Luna tegitur, majoresque proinde tenebrae; versus b vero &



e Penumbrae extrema, minor; & luminis Defectus vix sensibilis. Quinetiam Terræ moles efficit, ut alii sint interim illius tractus, (ut e f.) ubi nulla prorsus est Eclipsis; sed quos Sol libere illustrat.

Atque hæc omnia in ipsa rerum natura fiunt, ut hactenus dictum. E Terra vero spectatis Sole & Lunâ, hæc illum (ut in figura) tegere videbitur magis minusve, prout spectator Umbrae totali propior est, aut ab illa remotior. Quoniam vero Luna tegens cerni nequit, Sol, quâ ab illa tegitur, deficere videbitur; reliquâ tantum sui parte lucidus.



Aliquando accidit Eclipsin Solis Centralem non esse Totalem; sed circa Lunam luminosum Solis circulum apparere. Quod ex eo provenit, quod Lunæ Umbra brevior sit quam ut ad Terram pertingat; five id fiat ob majorem tum distantiam Lunæ à Terra; five quod radii Solares Lunæ oras radentes, per inflectionem, magis quam aliâs, incurventur, & Umbram decurrent. Eclipsis Solaris quantitas (sicut prius de Lunari dictum est) æstimatur per Digtos five Uncias Diametri Solis, à Luna, ut supra dictum est, tegi visas in loco dato.

Patet porro Lunæ, versus ortum five à ω per π ad π motæ, Umbram latus Telluris occidentale a primo attingere, atque per discursum Telluris, tanquam maculam, per b, c, d, E ad F (ubi Tellurem relinquit) incedere. E Terra vero spectatæ Lunæ orientalis limbus occidentalem Solis primo tegit, & occidentalis orientalem ultimo reteggit: Tenebrae vero spissæ, si quando ingruunt in Totali Eclipsi, brevissimo tempore fugantur; aliquâ Solaris disci parte resectâ statim fere post omnem à Luna tectum: tantilla autem claritatem magnam efficit.

Quamvis ad maximam Solis Eclipsin, in qua Lunaris Umbra per mediam Tellurem incedit, requiratur ut Luna in Nodo existat ipso Novilunii momento: Si tamen non longe inde absit, Lunæ Umbra

Umbra, aut saltem Penumbrae pars, in aliquem Telluris (quippe satis magnæ) tractum incidet, ibique Eclipsin Totalem, aut saltem Partialem, efficiet: Atque hoc sensu Solis Eclipses sæpius celebrantur quam ipsius Lunæ. Verum Eclipses Solis, in dato Terræ loco visibiles, longe sunt rariores quam Lunæ; quia Lunæ Umbra minor est Umbra Terræ, adeoque illa datum Terræ locum non tam sæpe involvit, quam hæc Lunæ partem aliquam.

SCHOLIUM

Similia Phænomena in Jove & Saturno apparebunt: Illorum nempe Satellites sive Lunæ, in Primarii sui Umbram immerse, deficient; quæ Eclipses nobis similiter observantur, atque Eclipses nostræ Lunæ exinde observarentur. Et vicissim, Satelles quivis inter Solem Primariumque suum interpositus Umbram in Primarium projicit, quæ ab oriente occidentem versus per ejus Discum, maculæ instar, incedere videtur. Verum horum Phænomenon Duratio, Phases, Periodus, &c. varia sunt, & à similibus apud Terram visis, & à Luna nostra profectis, diversa; pro diversitate Umbrarum, Motuum, & Magnitudinum, tam Primarii quam Satellitum.

PROPOSITIO XX.

QUOVIS è Planetis Secundariis, Prop. XV. enumeratis, urgetur à Vi composita ex Vi Centripeta tendente ad centrum Primarii, circa quem revolvitur, & ex Vi omni Acceleratrice, quæ Primarius urgetur. Et igitur Vires, quibus dicti Satellites in Orbitis circum suos Primarios retinentur, tendunt versus suorum Primariorum centra respectivæ.

Quoniam enim Jovis & Saturni Satellites æquabiliter revolvuntur in Orbitis circularibus, Jovi & Saturno respectivè concentricis, Areas describunt, circa centra illa respectivæ, Temporibus (æqualiter auctis) proportionales. Similiter si Lunæ Orbita à circulo Terræ concentrico differat; quo Luna minor apparet, (hoc est, quo longius à Terra abest,) eo tardius circa Terram revolvitur, ita ut æquabiliter augeatur Area, quam describit radius ad Terræ centrum ductus. Adeoque universaliter, Satelles quivis è supra memoratis, radio ad centrum sui Primarii Planetæ ducto, Areas describit, circa centrum illud, Temporibus proportionales. Si ergo intelligatur Systema cujusvis Primarii & circumrevolventium Satellitum urgeri, secundum lineas parallelas, Vi æquali & contrariâ illi, quæ Primarius, in Orbitæ puncto ubi tunc est, versus Solem urgetur; Primarius hic versus Solem amplius non descendet; Secundarii vero, circa Primarium, pergent easdem quas prius Areas describere; id est, quisque Temporibus proportionales: (Nam si corpora moveantur quomodocunque inter se, & à Viribus Acceleratricibus æqualibus, secundum lineas parallelas, urgeantur; vel, quod eodem recidit, si Spatium, in quo corpora hæc motus suos exercent, moveatur uniformi-

ter in directum; pergunt omnia eodem modo moveri, ac si dictæ Vires abessent, aut Spatium, quo corpora includuntur, quiesceret.) Adeoque Satelles quivis, urgente istâ differentiâ Virium, perget Areas Temporibus proportionales circa sui Primarii centrum describere. Et igitur, (per Prop. XII.) differentia ista Virium tendit ad Planetam Primarium ut centrum. Sed, antequam Systema totum urgeretur, per lineas parallelas, Vi æquali & contrariâ illi, quâ Primarius versus Solem urgetur, (hoc est, in statu naturali,) Satelles qui vis urgetur à Vi composita ex Vi Centripeta tendente ad centrum Primarii sui, & ex Vi omni Acceleratrice, quâ Primarius urgetur. Unde prædicta Virium differentia ea est, quâ Satelles in Orbita sua circa Primarium retinetur, reliquâ Acceleratrice Vi, quâ Primarius in quolibet Orbitæ suæ puncto urgetur, ad hoc nihil faciente: Hæc vero Virium differentia hæcenus est ostensa tendere ad centrum. Et igitur Vires, quibus Planetæ Secundarii in Orbitis suis circum Primarios retinentur, tendunt versus dictorum Primariorum centra respective. Quod erat demonstrandum.

SECTIO IV.

De Periodis Planetarum Primariorum circa Solem, ut & Secundariorum circa suum Primarium respectivum, inter se collatis, & eorundem Distantiis etiam inter se collatis; harumque mutua habitudine, ejusque ratione & causis.

PROPOSITIO XXI.

Planetarum Secundariorum circa Primarium quemvis revolventium ita attemperatur Motus, ut Quadrata Temporum Periodicorum in eadem sint ratione cum Cubis Distantiarum eorundem à centro Primarii.

Theorema hoc ex Astronomorum observationibus abunde constat, per Quadrata Temporum Periodicorum intelligendo Quadrata rectarum, aut Quadratos numerorum, eandem, cum Temporibus Periodicis, rationem habentium; quo sensu etiam accipienda sunt Quadrata Velocitatum, aliorumve ejusmodi.

Ita in satellitibus Jovis, ubi Tempora Periodica intimi, secundi, tertii, & extimi sunt respective ut 11, 31, 71, & 161 fere, eorumque Distantiæ ut 51, 9, 141, & 25; Quadratum Temporis Periodici intimi, nempe 3 est ad 13 Quadratum Temporis Periodici satellitis secundi ut 170 Cubus Distantiæ intimi à centro Jovis ad 736 Cubum Distantiæ secundi ab eodem. Pariter 3 est ad 51 Quadratum Temporis Periodici tertii satellitis ut 170 ad 2890 Cubum Distantiæ istius tertii à centro Jovis. Et 3 est ad 280 Quadratum Temporis Periodici extimi satellitis ut 170 ad 15800 Cubum Distantiæ dicti

dicti extimi à Jovis centro. Et igitur ex æquo eadem ratio obtinet, si quivis alii duo Jovis Comites inter se comparantur; secundus nempe cum tertio vel extimo, vel tertius cum extimo. Ratio hæc accuratior prodit, si Distantiæ & Tempora Periodica accuratiora assumantur.

Idem in Satellitibus Saturni obtinere deprehendetur, si sumantur numeri Prop. XV. positi, quibus eorum Distantiæ à Saturno, & Periodi circa eundem æstimantur. At Lunæ Telluris satelliti, cum unicus sit, Propositio hæc applicari nequit.

PROPOSITIO XXII.


Planetarum sex primariorum Motus circa Solem ita attemperatur, ut Quadrata Temporum Periodicorum in eadem sint ratione cum Cubis Distantiarum eorundem à Sole.

Sic (ex. gr.) in numeris rotundis Periodus Saturni est 30 annorum; Jovis vero 12; horumque numerorum Quadrati sunt 900 & 144. Saturni Distantia à Sole est per observationes ad Distantiam Jovis ab eodem ut 9 ad 5 fere; horumque Cubi 729 & 125: Liqueat vero istos Quadratos esse quam proxime ut hi Cubi. Eodemque modo Periodus Telluris paulo plus quam quadruplo major est Periodo Mercurii; adeoque numerorum illos exponentium Quadrati sunt fere ut 17 & 1; posita vero Distantia Telluris à Sole 10 partium, Mercurii Distantia stabilita ex observationibus, modo infra tradendo, est paulo minor quam 4. partium, five 3, 9, horumque Cubi ut 1000 & 59: Liqueat vero esse 17 ad 1 fere sicut 1000 ad 59. Atque sic de cæteris. Si Distantiæ & Periodi correctioribus numeris exprimantur, eo magis præcisè deprehendetur supradicta æqualitatis ratio inter Quadratos Periodorum & Cubos Distantiarum. Verum hætenus dicta nunc sufficiant: Propositio enim hæc exacte demonstrabitur inferius in Libro III.

PROPOSITIO XXIII.

Spatia, quæ corpus, urgente quocunque Vi finitâ, describit, (sive Vis illa determinata & immutabilis sit, sive eadem continuo augeatur, vel continuo diminuatur, sunt, ipso motus initio, in duplicata ratione Temporum.

Exponantur Tempora per rectas AD , AE ; & Velocitates in fine illorum Temporum per ordinatas DB , EC : Et Spatia his Velocitatibus descripta erunt ut Areæ ABD , ACE , ex hisce ordinatis quasi compositæ; Spatium nempe minimâ quâvis Temporis particulâ descriptum, ut Velocitas & Tempusculum conjunctim. Sed, ipso motus initio, ordinatæ DB , EC sunt puncto A proximæ; in quo casu trilinea ADB , AEC sunt trianguula rectilinea similia, curvæ ABC parte



eâ, quæ ad trilinea infinite parva pertinet, se non ultra rectam $A G$, curvam in A tangentem, extendente. Et triangula hæc rectilinea similia sunt in duplicata ratione laterum homologorum $A D$, $A E$. Et igitur Spatia (ut dictum est) descripta sunt, ipso motû initio, in duplicata ratione Temporum. Quod erat demonstrandum.

COROLLARIUM.

Hinc facile colligitur, quod corporum similes similium figurarum partes temporibus proportionalibus describentium Errores, qui Viribus quibuscumque perturbantibus æqualibus, ad corpora similiter applicatis, generantur, & mensurantur per distantias corporum à figurarum similium locis illis, ad quæ corpora eadem, temporibus iisdem proportionalibus, absque viribus istis pervenirent, sunt ut Quadrata temporum, in quibus generantur quam proxime. Sunt enim Errores hi Spatia quæ corpus urgente Vi perturbante describit. Quod si Vires perturbantes non sunt æquales, sed in data ratione; Errores sunt ut Vires istæ, & Quadrata temporum conjunctim; posito vires similiter applicari.

PROPOSITIO XXIV.


Subtensa nascens vel evanescens anguli contactûs, in circulo quovis, est in ratione duplicata arcûs contermini.

Sit circulus $A D C$, quem tangat recta $A B$ in A , adeoque angulus contactûs $B A D$. Dico ejus subtensam quamvis ipsi A proximam, nempe $B D$, esse ut quadratum arcûs $A D$; hoc est, esse hanc subtensam $B D$ ad aliam subtensam $b d$, in iisdem conditionibus, sicut quadratum arcûs $A D$ ad quadratum arcûs $A d$.

Ducatur diameter $A C$, quæ erit ad $A B$ normalis. Jungantur rectæ $D A$, $d A$, $D C$, $d C$, & ducantur $D E$, $d e$ ad $A B$ parallelæ. Sit primo subtensa $B D$ parallela ad $A C$. Estque (per 8. & 17. Elem. VI.) $A D q = C A \cdot A E$, & $A d q = C A \cdot A e$. Quare $A D q . A d q :: (A E . C A e ::) B D . b d$. Sed cum $B D$, $b d$ sunt puncto A proxima; five cum nascuntur, arcus $A D$, $A d$, & eorum subtensæ non differunt; hoc est, æquales sunt. Quare, in illo casu, $B D$ est ad $b d$ sicut quadratum arcûs $A D$ ad quadratum arcûs $A d$.

Quod si, secundo, anguli contactûs subtensa $B D$ non sit ad $A C$, sed ad $A G$ parallela; idem obtinet: Nam, ductis $D F$, $d f$ ad $A C$ parallelis, erit (ob æquiangula triangula $D F B$, $d f b$) $B D . b d :: D F . d f$; sed hætenus ostensum est esse $D F$ ad $d f$ sicut $A D q$ ad $A d q$. Quare $B D$ est ad $b d$ sicut $A D q$ ad $A d q$.

Quod



Quod si, tertio, BD secundum aliam quamvis certam legem ducta intelligatur, (v. g. versus centrum convergentes;) cum BD , bd sunt puncto A proximæ, anguli B & b æquales fient; ac propterea, in eo casu, $BD : bd :: (DF : df) : (Adq : Adq)$. Quod erat demonstrandum.

SCHOLIUM.


Idem etiam verum est in Curva alia qualibet, cui æquicurvus circulus describi potest; quales sunt Sectiones omnes Conicæ. Nam puncta D , d (cum sint ipsi A proxima) sunt tam in altera ista Curva, quam in circulo illi (ex hypothesi) æquicurvo: Adeoque proprietates ipsarum BD , bd , quæ competunt circulo, competunt etiam & Curvæ cui circulus est æquicurvus. Et quoniam Propositio præcedens de omnibus circulis vera est; etiam de omnibus Curvis, quibus circuli æquicurvi describi possunt, vera erit.

PROPOSITIO XXV.

Corpora, quæ diversos circulos æquabili motu describunt, urgentur à Viribus Centripetis ad centra eorundem circulorum tendentibus. Et Vires hæc sunt inter se sicut arcuum simul descriptorum Quadrata applicata ad circulorum radios. Quæ etiam vera erunt de Viribus Centrifugis corporum, ut dictum est, motorum.

Quoniam, solâ Vi insitâ, corpora describerent tangentes, manifestum est quod à motibus rectilineis retrahuntur, & in Orbitis circularibus retinentur à Viribus, ad puncta intra circulos posita tendentibus. Præterea, quoniam (ex hypothesi) corpora æquabili motu in circumferentiis feruntur; Areæ à radio ad centra ducto descriptæ æqualiter augentur, & proinde Tempori æqualiter fluenti proportionales sunt; & igitur Vires (istæ per Prop. XII.) ad dicta centra tendunt.

Corpora M & T in circumferentiis circulorum MA , TR gyrantia simul describant arcus minimos MF , TD ; à quorum extremis F & D ducantur rectulæ FE , DC ad tangentes usque, vel ad SM , ST parallelæ, vel ab S divergentes: (Eodem enim redit, quia MF , TD sunt tantum arcus nascentes.) Atque rectulæ hæc sunt effectus Virium Centripetarum acceleratricum; adeoque illis, ut causis suis adæquatis, proportionales sunt; hoc est, Vis Centripeta corporis M est ad Vim Centripetam corporis T sicut EF ad CD . Fiat



perpetuo obtinere. Adeoque in hac hypothefi uniformis Vis Centripetæ, corpus femiffe Temporis, quo arcum circuli quemlibet describeret, defcenfu fuo rectam percurreret æqualem ortæ, fi Quadratum femiffis dicti arcus applicetur ad circuli diametrum; subquadruplam nempe rectæ, per quam descenderet duplo tempore, quo fcil. dictum integrum arcum circularem describeret.

COROLLARIUM 2.

Hinc etiam corporum, quæ diverfos circulos æquabili motu describunt, Vires Centripetæ sunt in ratione compofita ex duplicata ratione Velocitatum directæ, & ratione fimplici Radiorum inverfe. Cum enim motus fit in quovis circulo æquabilis, eadem erit ratio Velocitatum quæ arcuum fimul descriptorum; quippe viarum fimul emenfarum: Sed (ex Prop. hac XXV.) Vires Centripetæ sunt in ratione compofita ex duplicata ratione arcuum fimul descriptorum directæ, & fimplici ratione Radiorum inverfe: Quare etiam Virium iftarum ratio componitur ex ratione duplicata Velocitatum directæ, & ratione fimplici Radiorum inverfe.

PROPOSITIO XXVI.

Idem pofitis, dico Vires Centripetas eſſe reciproce ut Quadrata Temporum periodicorum applicata ad radios circuloꝝ; ſive Vires illas eſſe in ratione compofita ex ratione fimplici Radiorum directæ, & ratione duplicata Temporum periodicorum inverfe. Idemque verum erit de Viribus Centrifugis prædictorum corporum.

Vocetur Vis Centripeta, quæ corpus in circuloꝝ altero five primo gyrans urgetur V , in fecundo v ; Celeritas in primo circulo C , in fecundo c ; Arcuum fimul descriptorum qui in primo describitur A , qui in fecundo a ; Radius, five corporis Distantia à centro, in primo circulo D , in fecundo d ; Tempus periodicum in primo circulo T , in fecundo t . Vulgo notum eſt quod, in comparatis motibus, Spatia percurſa ſunt in ratione compofita ex ratione Temporum, & ratione Celeritatum. Sed ipſi circuloꝝ radii ſunt proportionales circumferentiis integris, quæ ſunt Spatia Temporibus periodicis percurſa. Et igitur $D : d :: C \times T : c \times t$, adeoque $C \times T \times d = c \times t \times D$: igitur $C \times T \times d^2 = c \times t \times D^2$: Unde, dividendo per $D^2 \times d^2$, erit $\frac{C \times T}{D} = \frac{c \times t}{d}$. Unde ſequitur eſſe $\frac{T}{D} \cdot \frac{T'}{D'} :: \frac{C}{D} \cdot \frac{C'}{D'}$: Sed, ex Cor. 2. præcedentis, $V \cdot v :: \frac{C}{D} \cdot \frac{C'}{D'}$. Et igitur $V \cdot v :: \frac{T}{D} \cdot \frac{T'}{D'}$. At ratio $\frac{T}{D}$ ad $\frac{T'}{D'}$ eadem eſt cum ratione $t^2 D$ ad $t'^2 d$; five cum t^2 ad t'^2 , & D ad d . Ergo ratio V ad v æquatur rationi t^2 ad t'^2 , & rationi D ad d .

Quodque de Viribus Centripetis binorum corporum circa centrum revolventium dictum eſt, de eorundem Viribus Centrifugis verum erit, cum hæ ab illis ſolo concipiendi modo differant; ut in præcedente oſtenſum eſt. Quæ erant demonſtranda.

COROL.

COROLLARIUM 1.

Hinc (& ex Corol. 2. Prop. præc.) si Tempora periodica æquantur, cum Vires Centripetæ, tum Velocitates erunt ut radii; & vice versa. Nam, ex Prop. hac XXVI. est $\frac{V}{v} = \frac{D \times d}{d \times T}$. Unde si $T = t$, five $T' = t'$, erit $V : v :: D : d$. Et vice versa, si $V : v :: D : d$, cum sit quoque $V : v :: D \times d : d \times T$, erit $D : d :: D \times d : d \times T$; adeoque $T = t$, five $T' = t'$.

Secunda pars Corollarii hinc constat. In comparatis motibus, Velocitates sunt ut spatia simul percurfa: Sed, quoniam Tempora periodica æquantur, spatia simul percurfa sunt circularum circumferentiæ; atque hæ sunt ut radii. Et igitur Velocitates sunt ut radii. Conversa hujus pari modo elicitur.

COROLLARIUM 2.

Hinc etiam, si Quadrata Temporum periodicorum sunt ut radii, Vires Centripetæ sunt æquales, & Velocitates in subduplicata ratione radiorum; & vice versa. Ex Prop. enim hac est $\frac{V}{v} = \frac{D \times d}{d \times T}$: Sed, ex hypothesi, est $T^2 : t'^2 :: D : d$, five $D \times t'^2 = d \times T^2$. Igitur & hisce proportionales V & v , five Vires Centripetæ æquantur. Et vice versa, si $V = v$, & hisce proportionales æquantur; nempe $D \times t'^2 = d \times T^2$: Et ideo erit $D : d :: T^2 : t'^2$.

Similiter, quoniam ex Corol. 2. Prop. præc. $\frac{V}{v} = \frac{C^2 \times d}{c^2 \times D}$, & hætenus est ostensum, in casu præfenti, $V = v$, erit etiam $C^2 \times d = c^2 \times D$, five $C^2 : c^2 :: D : d$; hoc est, $C : c :: \sqrt{D} : \sqrt{d}$. Conversa hujus pari modo elicitur quo præcedentis.

COROLLARIUM 3.

Si circuli, quos corpora describunt, fuerint æquales; Vires Centripetæ sunt reciproce ut Quadrata Temporum periodicorum: Nam ratio radiorum, in hoc casu, nullius est in compositione effectus, cum sit ratio æqualitatis.

PROPOSITIO XXVII.

Idem positis, si ita gyrentur corpora, ut Quadrata Temporum periodicorum eandem habeant rationem cum Cubis radiorum, Vires Centripetæ sunt reciproce ut Quadrata radiorum: Corporum autem Celeritates reciproce in subduplicata ratione radiorum; & vice versa.

Retentis symbolis Prop. præced. ex illa est $V : v :: \frac{d}{D} \times \frac{T^2}{D}$. Unde $\frac{V T^2}{D} = \frac{v t'^2}{d}$, five $V T^2 \cdot d = v t'^2 \cdot D$. Adeoque $D \cdot v : d \cdot V :: T^2 : t'^2$. Et, ex hypothesi, est $D^3 : d^3 :: T^2 : t'^2$; & igitur $D \cdot v : d \cdot V :: D^3 : d^3$.
Unde

Unde sequitur $D \cdot v \cdot d' = d \cdot V \cdot D'$, five $v \cdot d' = V \cdot D'$. Adeoque $V \cdot v :: d' \cdot D'$.

Rursus, in demonstratione Propositionis præcedentis ostensum est $C \cdot T \cdot d' = c \cdot t \cdot D'$. Unde est $c \cdot D' \cdot C \cdot d' :: T \cdot t$: Sed ex hypothesi est $D' \cdot d' :: T \cdot t$. Ergo $c \cdot D' \cdot C \cdot d' :: D' \cdot d'$. Adeoque $c \cdot C :: D \cdot d$, five (extrahendo radicem quadratam, & invertendo,) $C \cdot c :: d \cdot D$; hoc est, $C \cdot c :: \sqrt{d} \cdot \sqrt{D}$. Quæ erant demonstranda.

Conversæ harum liquent. Sicut enim ex posito $T \cdot t :: D' \cdot d'$, sequitur esse $V \cdot v :: d' \cdot D'$, item esse $C \cdot c :: d \cdot D$; ita, è converso, ex horum quolibet posito devenitur ad analogiam primo positam, nempe $T \cdot t :: D' \cdot d'$; & hinc rursus ad alteram conclusionem: Adeoque ex tribus hæc uno posito, sequuntur reliqua duo.

SCHOLIUM.

Propositiones tres præcedentes (earumque Corollaria) non solum sunt veræ de corporibus diversos concentricos circulos describentibus, sed etiam de describentibus circulos quorum diversa prorsus sunt centra, (centrorum etenim identitas in demonstratione non supponitur,) & de iis quæ similes figurarum quarumcunque, centraque similiter posita habentium partes describunt. Nam quæ in demonstratione illorum Theorematum de circulis assumpta fuerunt, æque vera sunt de figuris quibuscumque aliis, quales nunc descripsimus; nempe quod nascens GH (in fig Prop. XXV.) sit ad nascentem EF sicut mhq ad mfg , (hoc enim de qualibet figura, cui circulus est æquicurvus, demonstratur Prop. XXIV,) & quod mh sit ad td sicut sm ad st , verum est de quibuscumque figuris similibus; modo centrum s similiter positum sit in utraque figura, & mh , td sint similes, & centri respectu similiter positæ, illarum curvarum partes. Sed & præterea, loco æquabilis motûs in circulis, si figura sit alia quævis à circulo diversa, oportet talem esse corporis in eius perimetro motum, ut Aræ à radiis ad centra similiter posita ductis descriptæ sint Temporibus proportionales; aliàs (per Prop. XII) Vires, quibus corpora à motibus rectilineis retrahuntur, & in Orbitis curvilineis retinentur, ne quidem ad centra ista tendunt.

PROPOSITIO XXVIII.

Vires, quibus Planetæ Primarii perpetuo retrahuntur à motibus rectilineis, & in Orbitis suis retinentur, sunt reciproce ut Quadrata Distantiarum à Solis centro, quod respiciunt.

Quod Vires istæ respiciant Solis centrum hætenus ostensum est Prop. XIII. Quod vero ea sit Virium harum Lex, ut reciprocam habeant rationem Quadratorum Distantiarum à centro, five quod augeantur Vires in eadem ratione quâ Quadratum Distantiæ minuitur, & minuantur in eadem ratione quâ Quadratum istud augeatur: Exempli gratiâ quod Vis quâ Terra Solem petit, & quâ in

E

Orbita

Orbita sua perpetuo retinetur, ne in rectam, Orbitam tangentem, excurrat, sit dupla sesquiquarta similis Vis in Marte, & vigecupla septupla similis Vis in Jove, quia Distantia Terræ à Sole subsequaltera est Distantiæ Martis, & subquintupla sesquiquinta Distantiæ Jovis ab eodem; quodque Vis Centripeta in Terra sit subdupla similis Vis in Venere, quia istius Distantia à Sole est supertripartiens septinas hujus; atque ita in cæteris, sic ostenditur. Quoniam enim (per Prop. XXII.) Planetarum, circa Solem gyantium & ad illius centrum tendentium, ita attemperatur Motus, ut Quadrata Temporum Periodicorum in eadem sint ratione cum Cubis Distantiarum à Sole; cumque (per præc.) corporum hæc lege gyantium Vires Centripetæ sint reciproce ut Quadrata Distantiarum à centro: patet Vires Solem respicientes, quibus Planetæ urgentur, quibusque in Orbitis suis retinentur, esse reciproce ut Quadrata Distantiarum à centro Solis.

PROPOSITIO XXIX.

Vires, quibus Planetæ Secundarii in Orbitis suis retinentur, sunt reciproce ut Quadrata Distantiarum à centro sui respectivi Primarii, quod hæc Vires respiciunt.

Nam quoniam (per Prop. XXI.) Planetarum circum-jovialium circa Jovem, & circum-saturniorum circa Saturnum revolvendum, ita attemperatur Motus, ut Quadrata Temporum Periodicorum in eadem sint ratione cum Cubis Distantiarum eorum à centro Jovis & Saturni respective; cumque (per Prop. XXIII.) corporum hæc lege gyantium Vires Centripetæ sint reciproce ut Quadrata Distantiarum à centro: patet Vires illas Centripetas, quibus Planetæ isti secundarii versus Jovem & Saturnum respective urgentur, esse reciproce ut Quadrata Distantiarum à centro dicti Primarii respectivi. Hæc vero Vis in quovis Secundario est tantum altera pars Vis totius, quæ urgetur satelles; altera vero est Vis omnis Acceleratrix, quæ Primarius urgetur; ut Prop. XX. ostensum est.

Quantum ad Lunam Telluris comitem, quia sola circa Terram revolvitur, nequit hæc, quoad Distantiam & Tempus Periodicum comparari cum alia; neque proinde Lex Vis Centripetæ, quæ versus Tellurem urgetur, modo prædicto deduci. In sequentibus quidem deducitur hæc ex figura Orbitæ quam Luna circa Terram describit: Verum hucusque ejus Orbitam tanquam à circulari non abludentem consideravimus. Quod si recta esset circulus Telluri concentricus, Lex Virium quibus in Orbe retineretur, non posset inde detegi: Palam enim est hujusmodi Orbitam describi posse, quæcunque tandem sit Lex Vis Centripetæ.

COROLLARIUM.

Ex duabus hisce Propositionibus sequitur, inter Planetas Primarios, Soli propiorem; inter ejusdem Primarii satelites, ipsi Primario propiorem velocius moveri. Nam ostensum est tam in his quam
illis,

illis Vires Centripetas esse reciproce ut Quadrata Distantiarum à centro: & (Prop. XXVII.) ostensum est Celeritates, in isto casu, esse inverse in subduplicata ratione Distantiarum à centro motûs; sive mediam proportionalem inter Distantias remotioris & propioris esse ad Distantiam propioris ut Velocitas propioris ad remotioris Velocitatem. Cumque harum magnitudinum prima major sit quam secunda, erit tertia major quam quarta; hoc est, propioris Velocitas major Velocitate remotioris.

SECTIO V.

*De Planetarum Primariorum Motu circa proprios Axes,
& Phænomenis hinc ortis.*

PROPOSITIO XXX.

Corporum Mundanorum Motus circa proprios Axes positione datos, horumque Periodos, exponere.

Quando Corpus immotum esse dicimus, intelligimus quamlibet in illo lineam, & quodlibet punctum immotum esse. Si vero Corpus in Linea aliqua motum dicamus, atque omni alio privatum solo hoc motu cieri, tum intelligimus istius Corporis centrum Gravitatis Lineam dictam percurrere, dum Corpus quantum fieri potest (quod ad cætera attinet) immotum manet; hoc est, quamlibet in isto Corpore lineam situm retinere parallelum illi, quem ante motum hunc habuerat; ac propterea lineam quamvis Corporis sic moti sibi semper parallelam manere. Quippe hoc modo (& quidem solo) fiet ut omnium motuum summa sit minima, (hoc est, motus totius minimus, quod supponitur;) & ut quodlibet moti Corporis punctum tantundem moveatur atque aliud quodvis, similemque & æqualem, soloque situ diversam Lineam describat: Nam quæ à centro Gravitatis percurritur Linea, ab ipso Corpore percurra intelligitur, propter Centri istius naturam Geometris satis notam. Præterea, si Corpus, cætera immotum, circa datum Axem rotari dicitur; Axis iste immotus intelligitur, dum quodvis Corporis punctum, extra Axem, circulum describit, cujus plano perpendicularis est Axis. Et ideo, si Corpus per Lineam aliquam feratur, & simul circa Axem rotetur; Axis, toto lationis tempore, sibi parallelus manebit. Neque ad hunc Axis parallelissimum conservandum aliud requiritur, quam ut prædicti duo motus soli imprimantur Corpori: Nam si tertius nullus eidem insit, Axis erit perpetuo parallelus rectæ, cui semel parallelus erat.

Hisce præmissis, ex observatis constat Corpora Mundana majora, (si non omnia, saltem omnis generis,) præter motus de quibus superius generatim est dictum, circa Axes revolvi. Et primo ex observatione Macularum Solarium, patet Solem, Corpus in Sytenate

nostro sui generis unicum, ab occidente in orientem revolvi circa Axem, ad planum Eclipticæ inclinatum angulo quasi 87½ graduum, spatio circiter 2½ dierum. Cumque Sol non moveatur de loco in locum, Axis iste immotus manet.

Inter Planetas primarios Tellus æquabili motu revolvitur, ab occidente in orientem, circa Axem, angulo 66½ graduum ad planum Eclipticæ inclinatum, spatio Diei naturalis. Cumque Tellus etiam circa Solem feratur spatio annuo, ejus Axis saltem sibi parallelus manet, cum immotus constare nequeat. Atque istud fiet (ut supra est ostensum) ex solis dictis duobus motibus, absque alio quovis, quem proinde frustra comminiscuntur quidam, & *Parallelismi* nomine indigitant. Telluris autem Axis, licet in una revolutione annua sibi parallelus ad sensum maneat, in multis situm hunc mutat: de cujus causis & Phænomenis suo loco dicitur.

Pari modo Jupiter revolvitur, ab occidente in orientem, circa Axem, spatio 10 horarum fere; Mars horis 24½, & Venus quasi 23 horis, circa Axes suos; quorum proinde quisque sibi perpetuo parallelus manet, si corpora ista alio nullo motu agitantur, præter circumlationis istum circa Solem & circumrotationis hunc circa Axem.

Inter Planetas secundarios Luna, Telluris comes, præter motum menstruum circa Terram, rursus spatio annuo circa Solem delatam, (quo solo si agigaretur, quælibet in ea linea sibi parallela semper maneret,) etiam circa seipsam spatio itidem menstruo ita revolvitur, ut eadem ejus facies Telluri semper obvertatur.

De reliquis Planetis tam Primariis quam Secundariis ex observationibus tam certo adhuc non constat. Credibile interim est illos, prædictorum instar, circa Axem quendam revolvi; nempe ut, sæpius quam semel in una revolutione circa Solem, cujusque pars quælibet, radiis Solaribus exposita, & iis rursus subducta, vicissitudines patiaratur naturæ suæ congruas.

PROPOSITIO XXXI.

Solis & Planetarum, circa proprios Axes rotatorum, figuram describere.

Si Sol & Planetæ motu omni circa proprios Axes essent privati, figuram sphaericam induerent; si quidem eorum partes, partium Terræ instar, versus centrum graves sint, (quales revera sunt, ut inferius ostendetur,) & nunc aut olim fluidæ. Hoc in Hydrostaticis demonstravit *Archimedes*. Ex motu autem circa Axem fit, ut partes ab Axe quantum possunt recedentes juxta medium inter Polos circumulum ascendere conentur, per Vim Centrifugam à motu circulari oriundam. Et ideo, si Solis vel Planetæ materia fluida sit, circuli istius inter Polos medii diametros ascensu suo augebit; Axem vero descensu ad Polos diminuet; & figuram constituet Sphæroidem Latam, ex rotatione Ellipsis circa minorem Axem genitam; ad Polos nempe depressam, versus medium inter Polos circumulum

:

lum

lum elevatam, magis aut minus pro quantitate Vis Centrifugæ Sphæroides hæc figura in Jove Telescopio, observatur: in Terra (cum hanc eminus conspiciere non datur) experimentis evincitur.

SCHOLIUM

Sicut figura Sphæroides ex rotatione corporis circa proprium Axem, & partium fluiditate consequitur; ita vicissim, ex figura ista observata motus circa Axem, & partium fluiditas (saltem olim) legitime concluduntur.

PROPOSITIO XXXII.

Phænomena orta ex Motu Telluris Diurno circa Axem, è Tellure visa, exponere.

In præcedentibus ostensum est, qualia forent Phænomena Motus Solis & Planetarum è Tellure visorum, si Tellus esset punctum: Sol nempe ab occidente in orientem progredi inter Fixas videretur; Planetæ vero nunc progredi, nunc regredi, pro Telluris & Planetæ cujusque situ. Verum cum Tellus corpus sit opacum, Observatoris respectu, fatis amplum; ejus superficiei (licet sphæricæ) pars exigua, quæ sub visum prope hanc hærentem simul venit, in planitiem extendi videbitur. Cumque oculus undiquaque Cælum libere circumspiciens visu definiat superficiem sphæricam cavam, Telluri, aut potius oculo, concentricam; hæc in partes duas æquales dividetur à dicto superficiei Telluris Plano, (quippe per centrum ducto); quarum altera visui patet, altera propter Telluris opacitatem latet.

Quoniam vero Tellus circa Axem rotatur, huic insistens Spectator, dictumque Planum suum, hemisphærium Cælorum sibi visum ab inviso determinans; (quod *Horizon* illi dicitur,) simul in eandem plagam (nempe orientem) rotatur. Unde versus ortum posita, prius inconspicua, reteguntur, propter Horizontem infra illa quasi subfidentem; & alia versus occasum teguntur, Horizonte supra illa elevato. Et ideo Spectatori, cui solenne est Locum suum pro immoto habere, illa supra Horizontem ascendere videbuntur sive oriri, hæc infra eundem descendere sive occidere: unde & Plagis istis nomina sunt imposita.

Cumque motus Telluris, simul & huic affixi Spectatoris cujusque Horizontis, æquabiliter perpetuo circa eundem Axem & versus eandem plagam fiat; omnia omnino corpora & Phænomena, quæ eundem motum non participant, (hoc est, quæ à Terra penitus separata sunt,) pari tempore, at versus partes oppositas (ab ortu sc. in occasum) uniformiter moveri videbuntur; iis exceptis quæ Telluris Axis productus offendit, quæ immota apparebunt. Horumque unumquodque, sensus judicio, describet circumferentiam circuli, cujus plano Telluris Axis, ad centrum, normalis insistit. Et quoniam circuli hi omnes, cum visibilibus illos describentibus, in cava superficie sphærica cœlesti, Terræ concentrica, apparent; visibile

quodvis circulum describere videbitur majorem aut minorem, pro majore aut minore distantia à punctis supra descriptis, quæ immota videntur. Breviter, Sphæra Cœlestis, ab ortu in occasum, spatio unius Diei revolvi videbitur circa eundem positione Axem, circa quem Terra revera, ab occasu in ortum, eodem tempore revolvitur: ejusque motûs illi erunt Poli, ubi Terræ Axis productus ejus superficiei occurrit; & ille medius inter Polos circulus, & proinde maximus, (qui etiam *Æquinoctialis* & *Æquator* appellatur, propter rationes Propositione sequenti explicandas,) ubi medii inter Polos Telluris circuli planum productum cavæ Sphæræ occurrit: & universaliter, quivis in Telluris superficie Circulus, ab ejus puncto quovis per motum diurnum signatus, correspondentem habet in Sphæra Cœlesti Circulum, factum per interfectionem superficiei Sphæræ Cœlestis cum superficie Coni, cujus basis est signatus in Terra Circulus, & vertex Telluris centrum. Axis mundi, Circulique prædicti Cœlestes eundem semper inter Fixas situm habent; quoniam primitivi illi Terrestris, unde ortum ducunt, eousque (ut supra dictum est) producti, in eandem (ad sensum) Fixas incident, in quocunque demum Orbitæ suæ puncto collocata sit Tellus.

PROPOSITIO XXXIII.


P*henomena Solis & Tellure visa, orta ex Telluris Motu Diurno circa suum Axem, simul & Annuo circa Solem; sive Diei & Noctis vicissitudinem, harumque in diversis Terræ locis Annique Tempestatibus diversitatem, exponere.*

Licet Terræ locus quilibet illuminetur à Stella quavis supra ejus Horizontem versante, tamen illuminatio à Sole facta tam magna præ cæteris est, ut *Diem* esse dicamus ubi Sol est supra Horizontem; *Noctem* vero ubi infra. Et quoniam Sol, à Tellure penitus remotus, motum ejus diurnum non participat; dati loci respectu oritur ille, Diemque efficiet, & per medium Cælum delatus, circulumque, cujus plano Mundi axis est normalis, ad apparentium describens, rursus occidet; faciens Noctem duraturam, donec per apparentem universalem istam omnium Cœlestium revolutionem, supra dicti loci Horizontem denuo oriatur.

Ad exponendam Dierum & Noctium varietatem, & hinc ortas Anni Tempestates, repræsentare intelligatur circulus $\vee \odot \omega \times$ Orbitam, quam Tellus tempore annuo describit circa Solem in centro positum. In schemate circulus hic consulto reclinatur, & Ellipticam figuram induit, ut variæ Telluris positiones commodius delineentur. In Orbita hac intelligatur Terra $A Q B E$, modo Prop. XXX. descripto, ab \vee , ω , ad Π &c. delata, super Axem $B A$ in eandem plagam, sive à Q sursum versus per E rotata. Erunt Axis extrema Telluris Poli, A Australis, B Borealis: $E Q$ *Æquator*, cujus proinde planum inclinatur ad planum *Eclipticæ* angulo $23\frac{1}{2}$ graduum; nempe complemento ad rectum anguli $66\frac{1}{2}$ graduum, quo Axis Terræ

Terræ (ad *Æquatoris* planum normalis) ad illud inclinatur. Quem admodum *AQBZ* ipsam Tellurem refert, concipi potest referre etiam Sphæram Cœlestem (qualem Prop. præc. descripsimus) Telluri concentricam, illique quasi circumfusam, unaque cum illa translata: licet enim Sphæram hanc ad quamvis distantiam describere. Atque is erit Solis, aut cujusvis syderis punctive, in Sphæra hac locus, in quo recta Terræ centrum dictumque punctum coniungens ejus superficiei occurrit; quippe ad quem, ab Oculo in centro Terræ posito, refertur.


Intelligatur Tellus ad *u*, ubi recta *s u*, Solis & Telluris centra coniungens, perpendicularis est ad Telluris Axem *AB*; hoc est, ubi Sol in *Æquatoris* Terrestris plano producto, sive ubi è Terra visus apparet in *Æquinoctiali* circulo in Sphæra Cœlesti signato: adeoque nec declinare ad Polum Boreum nec Austrinum, sed inter utrumque medius ipsum *Æquinoctialem* motu diurno describere videtur.



Cumque Sol in *Eclipticæ* plano perpetuo versari videatur, (ut Prop. II. ostensum est;) patet illum in communi intersectione circulo- rum *Eclipticæ* & *Æquatoris* in Sphæra Cœlesti descriptorum appa- rere; nempe in *v*. Porro, in hoc situ, illustratio Terræ à Sole facta ad utrumque Polum *A* & *B* pertingit, (quia illustrationis terminus est maximus in Terra circulus, cujus plano normalis est recta con- iungens centra Solis & Terræ;) unde dimidium cum *Æquatoris* Terrestris *E Q*, tum alterius cujusvis circuli huic paralleli, à Sole illuminatur; alterum vero dimidium in tenebris versatur. Et ideo quilibet Terræ Locus, (quippe qui vel *Æquatore*m, vel illi parallelum aliquem de- scribit,) motu Diurno æquabili circumvectus, tam diu in tenebris manet quam in luce; hoc est, per totam Terram Dies Noctibus æquantur. Unde & Circulus, in Sphæra Cœlesti, inter Polos medius, quem Sol motu Diurno nunc describere videtur, nomen est adeptus.

Terrâ motu annuo paulatim versus *u* & *+* motâ, planum *Æqua- toris* Terrestris *E Q* non amplius versus Solem dirigitur; sed infra versus Austrum subfidit; Unde Sol paulatim versus Polum Boreum,

ab *Æquatore Cœlesti*, declinare videbitur. Nam Terrâ ad apparentiam quiescente, & ejus *Æquator* apparenter quiescit. Unde *Æquator Cœlestis* huic correspondens, solo motu apparente diurno cietur: Et ideo Sol, qui ad hunc situm mutat, moveri videbitur. Et lumen Solis, quod prius ad utrumque Polum A & B pertingebat, paulatim ultra B protendetur, citraque A desinet. At cum Tellus ad γ pervenit, Sol exinde visus in \odot apparet; ubi omnium maxime ad Boream declinare videbitur, (quanto nimirum *Ecliptica* ad *Æquatorem* inclinatur,) mox versus *Æquatorem* reverfurus. Atque circulus in Sphæra Cœlesti *Æquatori* parallelus per τ c designatus, ad quem Sol declinando ad Boream pervenisse, quemque nunc motu diurno petcurrere videtur, dicitur *Tropicus Canceri*, nomen mutuatus ab *Eclipticæ* Signo quod Sol tunc occupat; eodemque nomine gaudet correspondens in Tellure Circulus. Tellure in hoc situ positâ, manifestum est Solis radios ejus medietatem illustrantes



ultra Polum Boreum B pertingere in L, & citra Austrinum A desinere ad F, ita ut arcus BL vel AF æqualis sit arcui ET; mensuræ nimirum maximæ declinationis Solis, sive inclinationis *Eclipticæ* ad *Æquatorem*. Si per L & F descripti concipiantur circuli, *Æquatori* EQ paralleli, (nempe KL, FG,) erunt hi *Polares*; ille *Arcticus*, hic *Antarcticus*. Hisce positis, clarum est Telluris tractum Polari Arctico KL inclusum, non obstante revolutione diurna, continuo in luce versari, perpetuoque proinde Die frui; & ex adverso, tractui intra Polarem Antarcticum FG perpetuam esse Noctem. Patet porro, (ex *Prop. XIX. Lib. II. Sphæric. Theodosii*), cujuslibet circuli *Æquatori* EQ paralleli, inter hunc & Polarem Arcticum KL interjecti, partem majorem in luce versari; cujusvis autem, qui *Æquatorem* & Antarcticum FG interjacet, partem majorem esse in tenebris; & quidem (per *Prop. XX. dicti Libri*) tanto majorem, quanto circulus iste ab *Æquatore* magis distat; & (per *Prop. XI. Lib. I.*) ipsius *Æquatoris* semissem alteram esse in luce, alteram in tenebris. Et igitur, in isto Telluris situ cum Sol in \odot apparet, Borealis Terræ partis

partis incolis longissimi sunt Dies, Noctes brevissimæ, adeoque Æstas: Australis vero partis incolis Dies brevissimi, Noctesque longissimæ, unde Hyems. Et quidem tanto longiores erunt Dies longissimi, Noctesque brevissimæ breviores, quanto locus ab Æquatore est remotior. At in ipso Æquatore degentibus, Dies Noctibus etiamnum, & ideo per totum annum, erunt æquales.

Procedente Terrâ per α , & ad ν , quo tempore Sol Signa Θ , Ω , & ϖ peragrarè videtur, Sol paulatim versus Æquatorem reuertitur; donec tandem ad ω in Æquatore Cœlesti conspiciatur, (propterea quod tunc Æquatoris Terrestris planum productum per Solem denovo transit,) Dies Noctibus æquales per totam Terram efficiens; pari modo quo factum est dum Terra in ω esset. Et nunc denuo illuminationis extrema ad utrumque Terræ Polum pertingunt; adeo ut Polo α , (quippe qui in luce versabatur,) hucusque perpetua fuerit Dies semestri spatio æqualis (ex quo nimirum Tellus ω reliquit;) sicut ipsi α semestris Nox.

Terrâ porro per Signa ν , φ , Π motâ, Sol interim per ω , ϖ , & α apparenter incedens paulatim ab Æquatore versus Austrum declinare videbitur; donec tandem, Terrâ revera in Θ existente, Sole autem inter Fixas in α viso, eadem omnia Australis Telluris hemisphærii incolis contingant, quæ, Tellure in ω existente, Borealis hemisphærii incolis contigerunt; & eadem ad Boream eveniant, quæ prius ad Austrum. Et cum Tellus per Θ , Ω & ϖ fertur, Sol per α , ω & ϖ motus ad Æquatorem & ν , completo Anno, redire videbitur; eadem Australis Terræ incolis decrefcentis Diei & crescentis Noctis edens Phænomena, atque Borealis partis incolis dum per tria opposita Signa incederet.

SECTIO VI.

De Planetarum & Cometarum Orbitis, harumque Figura; deque Virium Lege requisita, ut illi in ejusmodi Orbitis moveantur.


PROPOSITIO XXXIV.

Quilibet Planeta Primarius describit perimetrum Ellipsis, in cujus Umbilicorum altero est Sol.

Hucusque, dum generalia tractaremus, satis erat Planetæ cuiusque semitam considerare tanquam circumferentiam circuli, cujus centrum est Sol, cum ab hac notabiliter non differat. Verum Planetarum circa Solem motorum Phænomena attentius consideranti constabit, eos non æqualiter ubique à Sole distare: *Ex. gr.* Tellus, æstate nostrâ, magis à Sole distat; hyeme minus: quod ex Solis Diametro apparente circa medium Junium majore, circa medium Decembrem minore, plane liquet. Hoc ulterius apparet ex velociore motu Telluris circa Solem mediâ hyeme, quam mediâ æstate;

parte circiter decimaquintâ. Atque hinc fit quod ab *Æquinoctio* Verno ad Autumnale, tempore æstatis, circiter octo amplius Dies insumantur, quam ab *Æquinoctio* Autumnali ad Vernum, tempore hyemis; quamvis utrobique Tellus è Sole, vel Sol è Terra inter Fixas spectatus, semicirculum peragrâsse videatur. Cum igitur Terra velocius progrediatur circa Solem hyeme nostrâ quam æstate, & illi propiorem esse necesse est, per Propositionem XII; ut nempe Area per rectam è Sole ductam descripta, Temporis instar, æquabiliter augeatur, minore trilinei altitudine majorem ejus basem compensante. Idemque similiter in reliquis Primariis circa Solem motis obtinet: Immo cujuscvis ex illis (si Venerem excipias) Semita magis differt à circulo, cujus centrum est Sol, quam ipsius Telluris Semita; ut inferius ostendetur.

Atque deviatio hæc Planetarum circa Solem revolventium à circumferentia circuli Soli concentrici tanta est, tamque sensibilis, ut Astronomos omnes adegerit ad comminiscendum *Orbes Excentricos*: Cumque alium nullum præter perfecte circularem in Cœlis motum esse admittendum pro indubitato haberent, Planetam quemque moveri volebant in Circulo $A I P R$, cujus centrum c in ea ponebant à Sole in s distantia, quæ ejus motibus congruat. Orbis hujus Excentrici punctum A , à Sole remotissimum, *Apbelium*; P vero *Peribeliū*; ambo *Apsides* vocabant; Rectamque $A P$ Apsides conjungentem (in qua etiam Sol locatur) *Lineam Apsidum*; hujusque partem $c s$ *Excentricitatem*. Atque ex hac supposita *Theoria* Planetarum loca satis exacte, calculo subducto, inventa fuere; eorum præsertim, quorum Orbitæ à Circulis non multum abluunt: ex. gr. Telluris.




Verum cum de Marte ageretur, ex numeris istius Theoriæ prodit ejus locus ab observato diversus fatis, ut inde colligatur Orbitam Martis non esse Circularem, sed in locis ab Apsidibus remotissimis I & R aliquantulum depresso, & quasi Ovali. Ovalis hæc sagacissimo *Keplero*, numeros indefesso labore (in *Commentariis de Stella Martis*) versanti, evasit tandem Ellipsis perfecta, cui iidem sunt Vertices A & P qui prius in Orbita circulari Apsides, iidemque hic nominibus gaudentes; & Umbilicorum alter ipsum Solis centrum. Quippe sola Ellipsis hæc exhibet Distantias à Sole (sive rectas $s E$) observatis consentaneas, & *Æquationes* probas, quibus angulus $A s E$ determinatur ex dato Planetæ motu medio: Hoc est, sola Ellipsis præfinita ejusmodi est, ut Tempus periodicum, sive revolutionis integræ, eandem habeat rationem ad Tempus à discessu ab Aphelio in A , quam Area integra $A E P L A$ ad Aream $A s E Q A$ interceptam

ceptam inter lineam Apfidum $s A$, & lineam $s E$ (observatione cognitam) à Sole ad Planetam protensam: Hanc autem esse conditionem motus Planetæ cujuscvis circa Solem, patet ex Propositione XIII. Præterea locus Telluris in Orbita Elliptica ejusmodi est, ut aliorum circumcirca Planetarum loca in suis Orbitis Ellipticis respectivis inventa, è Tellure visa, observatis in Cælo locis exacte congruant; quod in alia quavis Orbita non æque feliciter contingit. Cum igitur Planetarum loca, per calculum ad Orbes Ellipticos accommodatum inventa, locis observatis optime consentiant; ad alterius vero figuræ Orbes neutquam, nisi quatenus alia illæ ad Ellipticas prædictas accedunt; constat Orbitas Ellipticas à Planetis revera describi. Planetarum primariorum Orbitæ Ellipticæ, circa Solem in communi Umbilico descriptæ, immotæ fere sunt; hoc est, cum Planetæ ad Orbitalium suarum Apfides, aliave quævis data puncta, pervenerint, ad eadem proxime Spatii Mundani puncta redeunt: Namque hæ solæ observatis è Tellure Planetarum locis inter Fixas satisfaciunt.

PROPOSITIO XXXV.

Quilibet Cometa movetur in Sectione Conica, cujus Umbilicorum alter est Sol.

Tales namque Orbitæ æque solæ observatis Cometarum locis omnibus conveniunt. Verum quidem est *Keplerum*, & hunc sequutos Philosophos non paucos, Cometarum Trajectorias posuisse Rectas lineas; & inde Cometarum quorundam loca observatis satis congrua calculo subduxisse. Atque hoc fieri poterit, licet Cometa in Sectione Conica feratur, si observetur tantum in Orbitæ suæ parte quæ à Recta non multum abludit. Sit $A P V B C$ Coni Sectio valde excentrica; hoc est, in qua Distantia Focorum ejus Axi transverso est fere æqualis: hujus Focus alter sit s Solis centrum. Fieri potest ut Cometa observetur, dum Orbitæ suæ partem $A P$ percurrit; & tempore reliquo, dum à P perv. B ad C transit, (ubi in regiones longinquas abiens visui se subducit,) sub radiis Solaribus delitescat, respectu observatoris in Tellure circa Solem s mota: Vel fieri potest ut Cometa percurrens $A P V B$ sub Solis radiis abscondatur, (situ & motu Telluris ita ferentibus,) & tunc denum observetur, cum ad B pervenerit. Lineam $B C$ descripturus; & in utroque casu Semita Cometæ à recta non differet sensibiliter. In priore casu Cometæ à Sole absorberi videbuntur; quippe tunc visi dum ad Solem appropinquarent; postea vero conspectum fugientes, ac proinde pro destructis habiti: in posteriore è Sole oriri; nempe primum visi cum ab illo in regiones longinquas ascenderent. Porro, cum Cometa in suo versos Solem descensu (ut in $A P$) observatur, ad Solem postea appropinquans, &



sub ejus radiis ad aliquod tempus delitescens, (nempe dum p v b describit,) & ad alteras Solis partes insperato emergens, & Caudâ (propter rationes suo loco tradendas) insigniter productâ; pro novo & à priore diverso plerumque habetur; & illius Trajectoria $A p$ Rectâ, hujus vero $b c$. Harum etiam Trajectoriarum (dum singulares habentur) diversitas, & quasi contrarietas, etiam Astronomos quosdam ita scellit, ut asseruerint non esse eundem Cometam qui utramque descripsit. Neque Error hic facile corrigitur in Cometa ad eundem locum, quantum per observationes adhuc vulgo constat, nunquam revertente. Ex quibus omnibus constat, cur Trajectoriæ Rectilinéæ Cometarum motibus plerumque respondeant; quod nempe una tantum ejus portio pro integra Trajectoria habeatur: At si tota simul consideretur, tam in descensu versus Solem quam in ascensu ab illo, alia nulla præter Coni Sectionem congruere deprehendetur.

Ex tribus vero Sectionibus Coni, Ellipsis, in cujus Focorum altero est Solis centrum, Cometæ motibus est maxime accommoda; ut suo loco ostendetur: Et si Cometæ corpora sunt perennia in Orbem redeuntia, aliæ nullæ sunt præter Ellipses, quæ illis congruant. Verum loco portionis prope verticem Ellipsis admodum excentricæ, qualem Cometæ motus exigit, tuto substitui poterit portio Parabolæ eodem vertice & Umbilico descriptæ, quæ ab illa non differt sensibiler. Atque ipsa hæc Parabolica curva est vera ejus Trajectoria, si in Orbem non redit: vel forsitan Hyperbolica, modo tales exstiterint Cometæ, quorum motibus Hyperbolicæ Trajectoriæ melius congruunt quam Parabolicæ.

PROPOSITIO XXXVI.

Planeta quivis secundarius circa suum Primarium revolvitur in perimetro Ellipsis, in cujus Umbilicorum altero est centrum Primarii.

Quod attinet ad Lunam Telluris comitem, hæc semel in sua circa Tellurem revolutione minor apparet, simul & cæteris paribus tardior; & in parte Orbis opposita, major & velocior: unde patet ejus Orbitam esse Telluri excentricam. Quod vero Ellipsis sit focum in Telluris centro habens, similibus rationibus constat, quibus (Prop. præced.) constitit Planetarum primariorum semitas circa Solem esse Ellipticas: Ex assumpta scilicet Lunæ via Elliptica prodeunt Lunæ distantie à Terra observatis consentaneæ, & æquationes probæ, quales ex alia quavis non inveniuntur. Atque hæc omnia satellitum Jovis & Saturni Orbitis etiam conveniunt: hæc tamen proxime accedunt ad Circulos Jovi & Saturno concentricos.

Quamvis Orbitæ Ellipticæ, in quibus Planetæ primarii circa Solem revolvuntur, immotæ fere sunt, (ut in præcedente dictum;) in Planetis secundariis res aliter se habet: Horum enim motus, ex causis inferius explicandis, ita perturbantur, ut non eadem perpetuo El-

lipſes (etiā abſtrahendo à motu Primarii) de novo deſcribantur. Sed ut illorum Orbitæ ad Ellipſes reducantur, oportet concipere Ellipſin quāque à Planeta ſecundario deſcriptam etiā motā, ſic ut manentibus Ellipſis plano, & foco in centro Primarii fixo, Axis Ellipſis circa focum innotum feratur motu angulari, in conſequentia. Verum motus hic tam tardus eſt & inſenſibilis, (quippe qui etiā in Luna pluſquam centies tardior eſt quā ipſa Luna,) ut hoc loco merito ſit negligendus; & Ellipſes, quas ſecundarii deſcribunt circa ſuos primarios, pro immotis habendæ, niſi quatenus una cum primariis circa Solem deferuntur.

PROPOSITIO XXXVII.

Si corpus ſecundum directionem rectæ cuiuſvis projiciatur, & ſimul urgeatur à Vi Centripeta tendente ad centrum s, ita ut motus ex hiſce duobus compoſito, deſcribat curvā $\Delta P P$; hanc vero tangat in puncto quovis p recta PR, & à puncto B, ipſi p proximo, ducatur BD rectæ SP normalis, & BR eidem SP parallela; ſimilique fiat conſtructio ad aliud quodvis curvæ punctum p. Dico Vim centripetam in p eſſe ad Vim centripetam in p, ſicut $\frac{SP \times \frac{1}{2} \Delta p}{br}$ ad $\frac{SP \times \frac{1}{2} BD}{BR}$: ſive Vim centripetam in p eſſe reciproce ut Solidum $\frac{SP \times \frac{1}{2} BD}{BR}$, ubi figura PRBD eſt indefinite parva.

Vis in p ad centrum s tendens, vocetur V. Tempus quo percurritur arcus minimus PB, vel quo corpus, ſolā Vi inſitā, percurreret tangentem minimam PR, vocetur T. Vis centripeta in p agens, vocetur v: & tempus quo p b percurritur, vel quo tangens pr percurreretur, vocetur t. Sumatur arcus pβ, quem corpus percurrit æquali tempore quo p b arcum; & ducatur β₁ parallela ad p s. Hiſce poſitis, ratio lineolæ BR ad lineolam br componitur ex ratione BR ad β₁, & ratione β₁ ad br: Sed (per Propoſit. XXIV.) BR eſt ad β₁ in duplicata ratione arcūs PB ad arcum pβ; & hi arcus, cum ſint minimi, ſunt ut trianguſa æqualia B s p, β s p; hoc eſt, (per Prop. XII.) ut tempora quibus, radio ad s ducto, deſcribuntur; ſive, per conſtructionem, ut tempora quibus deſcribuntur arcus p B, p β. Rurſus, lineola β₁ eſt ad lineolam br ut cauſæ ipſarum productrices; hoc eſt, ut Vis centripeta in p ad Vim centripetam in p. Et igitur ratio lineolæ BR ad lineolam br componitur ex ratione duplicata temporum quibus percurruntur p B, p β, & ratione Vis centripetæ in p ad Vim centripetam in p: hoc eſt, in ſymbolis, $\frac{BR}{br} = \frac{T^2}{t^2} \times \frac{V}{v}$; ſive $\frac{BR}{br} = \frac{T^2 \times V}{t^2 \times v}$. Adeoque $\frac{V}{v} = \frac{BR \times t^2}{br \times T^2}$. Sed (per Prop. XI.)

F 3

T eſt



T est ad t sicut area $s p p$ ad aream $s b p$; five ut illius duplum $s p \times b d$ ad hujus duplum $s p \times b d$. Posita ergo, loco rationis $\frac{t}{T}$, ejus æquali $\frac{s p q \times b d q}{s p q \times b d q}$, fiet $\frac{v}{v} = \frac{b r \times s p q \times b d q}{b r \times s p q \times b d q}$, five V ad v sicut $b r \times s p q \times b d q$ ad $b r \times s p q \times b d q$; id est, (applicando ad $b r \times b r$,) sicut $\frac{s p q \times b d q}{b r}$ ad $\frac{s p q \times b d q}{b r}$. Vis igitur in p ad s tendens est reciproce ut $\frac{s p q \times b d q}{b r}$, Solidum sc. nascens vel evanescens. Quod erat demonstrandum.

COROLLARIUM.

Unde, si detur figura quævis, (ut $A P p$), & in ea punctum s , ad quod Vis centripeta dirigitur; inveniri potest Lex Vis centripetæ, quæ corpus à cursu rectilineo perpetuo retractum in figuræ illius perimetro detinebitur, eamque revolvendo describet; modo Vis hæc componatur cum idonea Vi secundum figuræ tangentem impressa. Quippe Lex quæsitæ est (per Prop. hanc XXXVII.) ut Vis sit reciproce ut nascens Solidum $\frac{s p q \times b d q}{b r}$, ex data figuræ natura computandum. Hujus rei dabimus exemplum illustrius ab ipsa rerum natura petitum.

PROPOSITIO XXXVIII. LEMMA.

Si Ellipsis $A P I$, cujus foci s & F , tangat recta $Z P R$ in puncto quovis p , & huic per centrum c ducatur parallela diameter $I K$; rectæ $s p$, focorum alterutrum (ut s) & contactus punctum jungentis, portio $E p$ inter dictas parallelas interjecta, æqualis est Ellipsis semiaxi majori $c A$.

Per focum alterum F ducatur $F H$ ad $p R$ parallela, ipsi $s p$ occurrens in H . Quoniam (per Prop. XLVIII. Lib. 3. El. Conic. Apollonii) anguli $F p Z$, $H p R$ sunt æquales, & hisce alterni $p F H$, $p H F$ æquantur; unde $p H$ æqualis $p F$. Rursus (per II. El. 6.) erit $s E$ æqualis $E H$, quia $s c$ æqualis $c F$; cumque $s H$ sit differentia rectarum $p s$, $p H$, erit eadem & differentia ipsarum $p s$, $p F$; & $E H$ semi-differentia earundem. Et igitur $p E$ (conflata nempe ex minore & semi-differentia) æqualis est semi-summæ ipsarum $p s$, $p F$. Sed (per Prop. LII. Lib. 3. El. Conic.) rectæ $s p$, $p F$ simul sumptæ æquantur axi majori: Quare & semi-summæ ipsarum (hoc est, ipsa $E p$) semiaxi majori $c A$ æqualis est. Quod erat demonstrandum.



PRO.


PROPOSITIO XXXIX.

Revolvetur corpus in Ellipsi; quaeritur Lex Vis centripetae tendentis ad Focum Ellipsis.


Sit Ellipsis APM , cujus perimenter à corpore revolvente describitur; hujus focus five umbilicus alter s , ad quem dirigitur Vis quæ corpus à motu rectilineo retractum in Orbita Elliptica retinetur: Quaeritur hujus Lex.

Ducantur Ellipsis axes conjugati TA, GY , in centro c se invicem decussantes. Et per quodlibet in ejus perimetro punctum p ducantur recta pZ Ellipsin contingens, & diameter PM , & huic conjugata ICK ad pZ parallela, ad quam ex p demittatur normalis PN . Complectur parallelogrammum $PCIH$, rectaque IH Ellipsin continget per XVII. *Lib. I. Conic.* Jungatur sp secans IK in e . Per v ipsi p proximum ducantur BR ad ps , & bx ad pZ parallela, rectæ sp in x , & mp in o occurrens. Vis centripeta ad s tendens est (per Prop. XXXVII.) reciproce ut Solidum $\frac{SP \cdot G \cdot BD \cdot g}{BR}$.

Hoc proinde ex Ellipsis natura est computandum. In quem finem Ellipsis *Latus Rectum Principale*, five ad axem majorem TA pertinet, vocetur L . Ratio ipsius $L \cdot BR$ ad $BD \cdot g$ componitur ex rationibus $L \cdot BR$ ad $L \cdot PO$, $L \cdot PO$ ad $MO \cdot PO$, $MO \cdot PO$ ad $BO \cdot g$, $BO \cdot g$ ad $bx \cdot g$, & $bx \cdot g$ ad $BD \cdot g$: Sed ratio ipsius $L \cdot BR$ ad $L \cdot PO$, five (per Prop. I. El. 6) ipsius BR aut px ad PO , æqualis est rationi pe ad pc , (per Prop. II. El. 6,) quia xo est parallela ec ; & (per præced.) pe æqualis ac : Ergo ratio ipsius $L \cdot BR$ ad $L \cdot PO$ æqualis est rationi ac ad pc . Porro, ratio $L \cdot PO$ ad $MO \cdot PO$ est eadem cum ratione L ad MO . Et ratio ipsius $MO \cdot PO$, five MOP rectanguli, ad $BO \cdot g$ eadem est (per XXI. *Lib. I. Conic.*) cum ratione rectanguli MCP (hoc est $cp \cdot g$) ad $ic \cdot g$. Et, in casu præsentis, ratio $BO \cdot g$ ad $bx \cdot g$ est ratio æqualitatis; nam, coeunte puncto b cum p , bo fit ipsi bx æqualis. Denique, ratio $bx \cdot g$ ad $BD \cdot g$ æqualis est rationi $pe \cdot g$ ad $pn \cdot g$: (Triangula enim BDx , PNR sunt æquiangulara, ob angulos ad D & N rectos; & $bx \cdot D$, PNR alternos in duabus parallelis bx , EN itidem æquales.) Et $pe \cdot g$ est æquale $ca \cdot g$, quia ipsæ rectæ (per præced.) æquantur: Ergo ratio $bx \cdot g$ ad $BD \cdot g$ eadem est cum ratione $ca \cdot g$ ad $pn \cdot g$. Porro, (per Prop. LXXII. *Lib. 4. Gregorii à S. Vincentio*) rectangulum sub gc & ca æquale est parallelogrammo $PCIH$; hoc est, rectangulo sub te & fn : Quare (per




(per XVI. El. 6.) ca est ad pn ut ic ad gc ; ergo & caq ad png ut icq ad gcq : Et igitur ratio bxq ad bdq eadem est cum ratione icq ad gcq . Quoniam igitur ratio ipsius $L \times BR$ ad BDq componitur ex rationibus $L \times BR$ ad $L \times PO$, $L \times PO$ ad $MO \times PO$, $MO \times PO$ ad BOq , BOq ad bxq , & bxq ad bdq ; componitur etiam ex rationibus hisce respective æqualibus; nimirum ex rationibus ac ad pc , L ad mo , cpq ad icq , & icq ad gcq ; adeoque æqualis erit rationi $ac \times L \times pcq$ ad $pc \times mo \times gcq$: Sed (per Prop. XIII. Lib. I. Conic.) $ac \times L = 2gcq$. Posito ergo hoc illius loco, erit ratio $L \times BR$ ad BDq æqualis rationi $2gcq \times pcq$ ad $pc \times mo \times gcq$; hoc est, rationi $2pc$ ad mo : Atqui (in casu præfenti, cum punctum b est ipsi p proximum) punctum o minime distat à p puncto; hoc est, mo æquatur $2pc$; & igitur, in hoc casu, $L \times BR$ æquatur BDq . Quoniam ergo, in Ellipsi, $BDq = L \times BR$, erit $\frac{SPq \times BDq}{BR} = (\frac{SPq \times L \times BR}{BR}) = SPq \times L$: Huic ergo Solido Vis centripeta est reciproce proportionalis; & L est recta constans & invariata. Ergo Vis centripetæ ad Ellipsis umbilicum tendentis, (quâ corpus à cursu rectilineo perpetuo retractum in figuræ istius perimetro detinetur, eumque revolvendo describit,) ea est Lex, ut sit Quadrato distantie loci p à centro s reciproce proportionalis. Quod erat inveniendum.



COROLLARIUM I.

Si Ellipsis focus s , ad quem Vis tendit, una cum vertice proximo t maneat; alter vero f , ad hunc appropinquando, tandem cum illo coincidat: Corpus p , eodem modo quo prius in perimetro Ellipsis, nunc in Circuli perimetro detinebitur à Vi centripeta ad s tendente, & eadem quâ prius lege urgente. Et sicut Circulus potest à corpore describi, urgente Vi quâlibet centripetâ tendente ad punctum situm extra rectam, secundum quam solâ Vi insitâ moveretur, (ut Prop. xxix. dictum;) ita Recta describetur à corpore quod urgetur à Vi nulla tendente ad punctum extra dictam Rectam situm: Nam, si manente utroque Ellipsis vertice foci ad illos accedant, Ellipsis in Rectam mutabitur. Ad reliquas omnes Lineas, præter Rectam & Circularem, describendas, particulari opus est Lege Vis centripetæ.

COROL.



COROLLARIUM 3.

Si Ellipsis focus τ , ad quem con-
vertitur Vis dirigitur, unum
vertex proximo τ maneat, alter vero focus ϵ magis magisque elon-
getur, & tandem in infinitum abeat;
corpus p eodem modo quo prius in peri-
metro figuræ τ detinebitur à Vi centri-
petæ ad s tendente, cujus eadem est quæ
prius Lex. Atqui in hoc casu Ellipsis mu-
tatur in Parabolam: Et igitur Lex Vis
centripetæ tendentis ad umbilicum Para-
bolæ, quæ corpus in hujus figuræ perime-
tro detinetur, ea est, ut sit Quadrato distan-
tiæ ab umbilico reciprocè proportionale.

COROLLARIUM 4.

Si reliquis uti prius manentibus, Ellipsis umbilicus alter ϵ ad
distantiam plusquam infinitam ab-
eat; (hoc est, si à tergo redeat ver-
sus τ , faciatque nunc vertex A &
 τ inter focos s & ϵ ; cum prius fu-
erint foci s & ϵ inter vertex A
& τ ;) in quo casu Ellipsis mutatur
in Hyperbolam; corpus eadem
Lex Vis centripetæ agitatum quæ
prius, (nempe ut Vis illa augeatur
in ratione quæ Quadratum distantie
à centro diminuitur,) in perimetro hujus Hyperbolæ moveri perget.

COROLLARIUM 5.

Quod si Ellipsis superioris maneat focus ϵ , eique proximus ver-
tex A , dum interim focus alter s ad quem Vis dirigitur, magis
magisque elongatus, tandem in infinitum abeat, (hoc est, si Ellipsis
vertatur in Parabolam;) Vis centripetæ,
quæ dirigitur ad punctum s infinite di-
stans, sive secundum rectas Parabolæ axi
 $A\epsilon$ parallelas, quæque urgetur corpus in
perimetro motum, evadet æquabilis: Nam
distantiæ à centro infinite diffuso, quarum
intervalla sunt finita, æquales sunt. Adeo-
que Vis, quæ est reciproce ut Quadratum
illius distantie, æquabilis est. Et è con-
verso, corpus quod urgetur à Vi æquabili
tendente ad centrum infinite diffusum, quæque proinde dirigitur
secundum rectas datæ cuidam parallelas, motu suo describet Para-
bolam, cujus axis prædictæ rectæ parallelus est. Atque hoc est ce-
lebre Galilei Theorema de Projecti semita.

G

COROL-

COROLLARIUM 5.

Reliquis ut in Corollario præcedente manentibus, si focus s (scilicet centrum ad quod Vis dirigitur) ad distantiam abeat plusquam infinitam, ut in Corol. 3. foco F contigit; tum Ellipsis vertetur in Hyperbolam, & corpus detinebitur in perimetro figuræ sic mutatae, per Vim quæ secundum rectas s p quidem dirigitur, & quæ Quadrato distantiae loci à centro s est reciproce proportionalis; sed quæ respectu puncti s est centrifuga, quia Curva AP est versus illud convexa.

Sicut Ellipsis describitur à corpore quod urgetur à Vi ad focorum alterutrum (quia internum) tendente, & secundum legem Propositionis præcedentis agente; & Hyperbola, dum Vis centripeta ejusdem Legis ad focum internum tendit, vel dum dicta Vis centripeta mutatur in centrifugam tendentem à foco exteriori: Ita Parabola, inter sectiones dictas quasi intermedia, naturam utriusque etiam hic participat; describiturque urgente Vi centripetâ ejusdem Legis ad focum internum tendente, (ut in utraque præcedentium,) & etiam urgente Vi centripetâ ad focum alterum, vel centrifugâ ab illo altero tendente, (ad morem Ellipsis & Hyperbolæ respective;) prout nimirum focus iste alter ad partes Curvæ cavas vel convexas positus censetur: Potest namque utrolibet modo considerari, cum sit infinite diffusus.

COROLLARIUM 6.

Ex hac Propositione cum suis Corollariis sequitur, quod si corpus quodvis secundum lineam quamvis rectam PR quacunque cum Velocitate exeat de loco quolibet P, & simul urgeatur à Vi centripeta, quæ sit reciproce proportionalis Quadrato distantiae loci à centro s, extra prædictam rectam sito; movebitur hoc corpus in aliqua Sectionum conicarum, umbilicum habente in centro ad quod Vis tendit. Nam in nullam Lineam præter Rectam & coni Sectiones poterit (per motum alterutrius foci in axe eorum producto) præcedentis Propositionis Ellipsis mutari. Et Sectionis hujus latus rectum principale (ad axem majorem pertinens) sive L, ex ipsius Propositionis demonstratione (in qua ostensum est $L \cdot BR = BD^2$) est tertia proportionalis ipsi BR & BD nascentibus.

PRO-

PROPOSITIO XL.

Si corpora plura revolvantur circa centrum commune, & Vis centripeta sit reciproce ut Quadratum distantiae à centro; dico quod Quadrata Temporum periodicorum in Ellipsis sunt ut Cubi transversorum axium.

Sint duæ quævis Orbitæ APT , apt circa communem focum b , in quibus superior constructio manere supponatur. Harum latera recta, five L & l , (per Corol. 6. Propositionis præcedentis,) æquantur $\frac{BDq}{RBq} \cdot \frac{bdq}{rbq}$ respective; coeuntibus nempe B & p , item b & p . Sed RB est ad rb (cum simul generentur) ut Vis centripeta in p ad Vim centripetam in p ; hoc est, ex hypothesi, ut spq ad spq : Et igitur $L.l$:

$(\frac{BDq}{spq} \cdot \frac{bdq}{spq} ::) BDq \cdot spq$.

$bdq \cdot spq$. Et $BD \cdot sp$ est

ad $bd \cdot sp$ ut ipsum semis;

hoc est, ut aræ à corporibus p & p simul descriptæ:

Et igitur L & l sunt ut Quadrata arcarum

quas corpora, radiis ad commune centrum s ductis,

eodem tempore describunt; hoc est, dictæ aræ

simul descriptæ sunt in

subduplicata ratione laterum rectorum.

Cumque integræ Ellipsium aræ sint ut harum particule simul descriptæ, ductæ in respectiva

tempora periodica; erunt aræ illæ integræ inter se in ratione composita

ex ratione subduplicata laterum rectorum, & ratione temporum periodicorum.

Porro, (per Prop. xcxi. Lib. 4. Gregorii à S.^o Vincentio,) Ellipsis $AGTY$ est ad $agty$ ut $AT \cdot GY$ ad

$at \cdot gy$: Adeoque etiam rectangula sub axibus Ellipsium sunt in

ratione composita ex ratione subduplicata laterum rectorum, & ratione

temporum periodicorum; hoc est, ut L^2 tempus periodicum in APT ad

l^2 tempus periodicum in apt . Porro, ex natura Ellipsis, GY est media

geometrica inter L & AT , & gy inter l & at ; five $GY = L^{\frac{1}{2}} \cdot AT^{\frac{1}{2}}$, & $gy = l^{\frac{1}{2}} \cdot at^{\frac{1}{2}}$. Unde $L^{\frac{1}{2}} \cdot AT^{\frac{1}{2}} : l^{\frac{1}{2}} \cdot at^{\frac{1}{2}} :: (GY \cdot AT$.

$gy \cdot at ::) L^{\frac{1}{2}} \cdot tempus periodicum in APT . $l^{\frac{1}{2}} \cdot tempus periodicum$$

in apt . Applicando ergo antecedentes ad $L^{\frac{1}{2}}$, & consequentes ad $l^{\frac{1}{2}}$,

& quadrando terminos inde resultantes, fiet AT Cubus ad at Cu-

bum ut Quadratum Temporis periodici in Ellipsi APT ad Quadra-


tum Temporis periodici in Ellipsi apt . Quod erat demonstrandum.

COROLLARIUM I.

Quoniam Circulus est Ellipsis species; nempe ubi focus uterque

G 2

cum



cum centro coincidit, & axis major æqualis cuivis diametro; patet Quadrata Temporum periodicorum corporum in Ellipsi & Circulo circa idem centrum revolventium esse ut Cubos transversorum axium: Adeoque si axes illorumque Quadrata fuerint æqualia, Temporum periodicorum Cubi, ipsaque proinde Tempora periodica, æquabuntur: hoc est, cum idem est centrum Virium, Tempora periodica in Ellipsis eadem erunt atque in Circulis, quorum diametri æquantur majoribus axibus Ellipsium.

COROLLARIUM 2.


Ex demonstratione Propositionis patet, quod Orbium quorumcunque à corporibus circa commune centrum revolutis, & à Vi centripeta, quæ est reciproce in duplicata ratione distantiae à centro, agitatis, descriptorum latera recta sunt in duplicata ratione arearum quas corpora, radiis ad centrum ductis, eodem tempore describunt: Hoc enim ostensum est universaliter de quibusvis Orbibus, sive Ellipticis, sive Parabolicis, sive Hyperbolicis, antequam ad Ellipses ratiocinatio est restricta; in quibus solis Tempus periodicum locum habet.

PROPOSITIO XLI.

MAnente eadem Lege Vis centripetæ; dico quod corporum, circa commune centrum revolventium, Velocitates in quibusvis punctis sunt inter se in ratione composita ex ratione subduplicata laterum rectorum principalium, pertinentium ad Lineas quas describunt, & ratione inversa perpendicularum à communi centro demissorum in rectas tangentes ad puncta ubi versantur corpora.

Revolvantur corpora p & p circa commune centrum s in Lineis quibusvis pB , $p\bar{b}$. Quoniam corpora, ex hypothesi, urgentur à Vi centripeta, quadrato distantiae loci à centro reciproce proportionali; erunt (per Corol. 6. Prop. xxxix.) Lineæ hæ Sectiones conii, quarum focus est s . Vocentur illarum latera recta principalia L & \bar{l} . Ab s demittantur sN , $s\bar{n}$ normales in rectas pR , $p\bar{r}$ in p & p tangentes. Dico velocitatem corporis p esse ad velocitatem corporis p in ratione composita ex ratione L ad \bar{l} , & ratione $s\bar{n}$ ad sN ; sive ut $L\bar{l} : sN :: s\bar{n} : L$.

Sumantur arcus pB , $p\bar{b}$ eodem minimo tempore descripti; & per B ducatur BX ad R p parallela, & BD ad s p normalis; simileque fiat ad \bar{b} . Velocitates in p & p sunt ut nascentes arcus pB , $p\bar{b}$; quippe viæ simul percurse: hoc est, ut hisce æquales



les PR , pr rectæ. Porro, ob triangula rectangula BDX , SNP habentia angulos BXD , SPN æquales propter parallelas BX , NP ; est SN . $SP :: BD . BX$; & ideo BX vel huic æqualis $PR = \frac{SP \times BD}{SN}$. Et, propter similes rationes, $pr = \frac{Sp \times bd}{sn}$. Sed $SP \times BD$, $sp \times bd$ sunt inter se ut eorum semiffes, nempe trilinea SPB , spb ; hoc est, sicut areae à corporibus P & p simul descriptæ, quæ rursus (ex Cor. 2. Prop. præc.) sunt in subduplicata ratione laterum rectorum L & l ; five sicut L^2 ad l^2 . Et igitur PR est ad pr , five Velocitas corporis in P ad Velocitatem corporis in p sicut L^2 ad l^2 :: $L^2 \times sn$. $l^2 \times SN$: hoc est, in ratione composita ex ratione subduplicata laterum rectorum ad figuras PB , pb pertinentium, & ratione inversa perpendicularorum à centro virium s in tangentes demissorum. Quod erat demonstrandum.

COROLLARIUM I.


Hinc Velocitates corporum, in maximis & minimis ab umbilico communi, circa quem gyantur, distantis, sunt in ratione composita ex subduplicata ratione laterum rectorum, & ratione inversa distantiarum à dicto communi umbilico. Nam, in maxima vel minima distantia ab umbilico, perpendicularis in tangentem est ipsa distantia. Si distantie hæ à centro fuerint æquales, Velocitates, in isto temporis articulo, erunt in subduplicata ratione laterum rectorum; alterâ istâ distantiarum inversâ in rationem æqualitatis mutatâ. Et si figurarum altera sit Circulus, erit Velocitas in Sectione conica, in maxima vel minima ab umbilico distantia, ad velocitatem in Circulo in subduplicata ratione lateris recti sectionis ad distantiam duplicatam.

COROLLARIUM 2.

In eadem figura, & etiam diversis, quarum latera recta sunt æqualia, Velocitas corporis est reciproce ut perpendicularum demissum ab umbilico, five virium centro, ad tangentem: Nam subduplicata ratio laterum rectorum est in hoc casu ratio æqualitatis. Adeoque Velocitates corporis in Ellipsi gyantis, in maxima & minima ab umbilico distantia, sunt inverse ut distantie. Nam, in hoc casu, distantie sunt ipsa perpendiculara in tangentes Orbitam.

COROLLARIUM 3.

Motus apparentes corporis in Orbitæ verticibus principalibus A & P , à centro virium s spectati, sunt in reciproca duplicata ratione distantiarum sA , sP . Sumantur enim ad vertices A & P arcus minimi Aa , Pp , à corpore circa s revoluti æqualibus temporibus minimis descripti; & jungantur sa , sp . Erunt corporis motus ex s apparentes, anguli Asa , Psp . Angulorum Asa , Psp ratio componitur ex ra-




tione aa ad pp (cum arcus hi minime differant ab arcubus circularibus centro s descriptis) & ratione sp ad sa ; nempe inversa radiorum. Sed quoniam aa , pp æqualibus temporibus describuntur, erunt illi ut Velocitates in a & p ; quæ (per præced. Corol.) sunt ut sp ad sa . Et igitur asa est ad psp ut spq ad saq .

COROLLARIUM 4.

Et hinc rursus sequitur, si Orbita ad Circulum proxime accedat, esse motus corporis apparentes ex centro s spectatos in ratione reciproca duplicata distantiarum ab eodem quam proxime. Nam, in isto casu, rectæ ab s in Orbitam cadentes sunt omnes proxime ad Orbitam perpendiculares.

COROLLARIUM 5.

Ex Corollario 2. sequitur quod si corpus, in quavis Sectione conica ADP (ut dictum est) motum, Velocitate quam habet in quovis ejus puncto p , relicta curvâ, progrediretur uniformiter in recta pq curvam in p tangente; arcus spq , quam radio ad s ducto describeret, æqualis esset arcæ sad , quam (eodem vel æquali tempore) in Sectione conica retentum describit idem vel aliud corpus. Sumantur lineolæ aa , pr , eodem minimo tempore à duobus mobilibus descriptæ; & à Sectionis umbilico s ad tangentes ah & pq demittantur perpendiculares sh , sn . Per Corollarium 2, Velocitas in a est ad Velocitatem in p ut sn ad sh : Sed ut Velocitates in a & p , ita spatia eodem tempore à mobilibus percurra; nempe aa & pr . Et igitur aa est ad pr sicut sn ad sh . Unde triangulum saa triangulo spr est æquale. Cumque istud ubique obtineat in triangulis minimis trilinea sad & spq constituentibus, & porro spatia sad , spq ex æqualibus numero triangulis consentur, quia æqualia insuntur tempora in percurrentibus lineis ad & pq ; patet triangulum spq æquale esse arcæ sad .



PROPOSITIO XLII.

Planetæ primarii & Cometæ hac lege circa Solem moventur, ut motus cujuslibet ex illis componatur ex æquabili secundum rectam tangentem Orbitam, & altero ad Solis centrum tendente, in quo Vis acceleratrix est quadrato distantie à dicto centro reciproce proportionalis.

Quilibet è Planetis primariis (per Prop. XIII.) urgetur à Vi tendente ad Solis centrum, & (per XXXIV.) describit perimetrum Ellipsis, cujus umbilicus est Sol; quæ de Cometarum quolibet (per Propositiones

positiones xiv. & xxxv.) etiam vera sunt; vel saltem Cometa quivis, dum urgetur à Vi tendente ad Solem, aliam quandam eodem loco gaudentem coni Sectionem describit. Et igitur (per Prop. xxxix. ejusque Corollaria) horum quilibet urgetur à Vi æquabili secundum rectam tangentem Orbitam inpressa, & ab alia, quæ à dicta tangente retrahitur. & in Orbita curvilinea retinetur, quæ ad Solis centrum in sectionis umbilico positum tendit, & est quadrato distantiae ab illo reciproce proportionalis: Quod erat demonstrandum.

Concipiendi igitur sunt Planetæ primarii & Cometæ quasi totidem Projecta, quæ nempe à duabus Viribus urgentur: Nam hoc modo, eoque solo Orbitas describunt, quales observata produunt. Et Vis, quæ Projectilia hæc à motibus rectilineis retrahunt, hæc est Lex, ut augeatur prout minuitur quadratum distantiae projecti Planetæ vel Cometæ à centro Solis: quam esse legem quæ Planetæ ad Solem tendunt, etiam aliunde quam ex figura semitæ, Prop. xxviii. ostensum est.

PROPOSITIO XLIII.

Orbium Planetariorum Nodi & Apfides quiescunt.

Quoniam per Prop. xl. Planeta quilibet in plano immoto revolvitur, binorum quorumvis planorum communis sectio etiam immota manet: Sed cujuslibet intersectio cum plano Orbis Telluris est Linea Nodorum istius Planetæ. Istius igitur, similiterque omnium, Nodi quiescunt. Porro, Planeta quilibet describit, in plano immoto, Ellipsin perpetuo eandem sive immotam, (per Prop. xxxiv.) & proinde ejus Apfides etiam quiescunt. Quod erat demonstrandum.

COROLLARIUM.

Cum stellæ Fixæ cujusvis simile sit officium (quantum hominibus conjicere datur) atque ipsius Solis; nempe ut circa illius corpus immensum alia minora corpora tanquam Planetæ circumrotentur; similes erunt & affectiones aliæ: nimirum illarum, sicut & nostri Solis, nullus aut insensibilis erit motus; quod ex earum constanti & perpetuo eadem distantia mutua ulterius liquet. Unde idem erit situs Nodorum Apfidumque Orbium Planetariorum ad Fixas.

SCHOLIUM.

Propositio hæc vera est, si spectetur sola Vis centripeta Planetarum in Solem, ut hucusque factum: Verum si considerentur actiones Planetarum & Cometarum in se mutuo, paulo secus res se habere deprehenditur; ut suo loco manifestum fiet. At actionum istarum effectus propter virium producentium parvitatem exigui admodum, & quasi nulli sunt; ideoque hoc loco negligendi. Immo tam parvi sunt motus Nodorum & Apfidum Planetarum primariorum, ut etiam in calculo Astronomico à magni nominis Viris penitus sit neglectus, & Nodi Apfidesque pro immotis habiti.

PRO-

PROPOSITIO XLIV.

Planetæ & Cometæ in Cœlis quam liberrime moventur, & proinde eorum motus diutissime conservari potest.

Nam, Prop. xxxix. (ubi determinatur Lex Vis centripetæ, quæ urgetur corpus, quod revolvitur in perimetro Ellipsis aut alterius Sectionis conï, cujus focorum alter est centrum ad quod Vis tendit) supposuimus motum utrumque, ex quibus componitur motus in curva Elliptica, Parabolica vel Hyperbolica, omnino liberum, nec illi quicquam ob stare aut resistere. Cum igitur Planetæ perfectas Ellipses, quarum communis umbilicus est Sol, motu suo describant, & Ellipses has dentio repetant; patet à converso Planetarum motus ab omni resistantia esse prorsus immunes; hoc est, Planetas quam liberrime in Cœlis moveri. Porro, si Planetæ absque resistantia quam liberrime moventur, idem & Cometis contingit; quippe per regiones Planetarum, quamdiu à Terricolis videntur, motis, in viis quæ sunt vel Ellipses veræ, vel Ellipsium species; Parabolæ nimirum vel Hyperbolæ, quarum umbilicus est Sol; quibus describendis eadem opus est immunitate ab omni resistantia. Et medii resistantiam in regionibus Systematis Solaris ultra Planetas, non esse maiorem quam in regionibus Planetariis verisimillimum est. Si enim vel minima sensibilis foret in Cœlis resistantia, certe eadem viæ à Planetis circa Solem, projectorum more latis, non describerentur, quæ ipsis liberrime motis competere demonstratæ sunt: Sed prorsus sicut, in aere nostro, semita projecti valde diversa deprehenditur à Parabolica quæ demonstrata est illi competere, si nulla foret medii resistantia; ita Planetarum viæ, saltem in pluribus revolutionibus, immane quantum ab Ellipsis discrepare deprehenderentur; neque Ellipses magnitudine & positione eadem cum describendis à Planetis, per spatia libera motis, illorum locis tam olim quam recentior observatis adeo exacte congruerent, atque calculo rite subducto fieri compertum est. Nulla ergo est: Sed Planetæ & Cometæ quam liberrime in Cœlis moventur, & propterea eorum motus diutissime conservari potest. Quod erat demonstrandum.

PROPOSITIO XLV.

Planetæ secundarii circa Primarios suos hac lege moventur, ut, præter Vim omnem acceleratricem quæ Primarius urgetur, motus cujuslibet ex illis componatur ex æquabili secundum rectam Orbitam tangentem, & altero ad Primarii centrum tendente, in quo vis acceleratrix est quadrato distantie à centro reciproce proportionalis.

Seposita Vi omni acceleratrice quæ primarius urgetur, (ut Prop. xx. factum est,) quilibet Planeta secundarius (ex Prop. xxxvi.) circa suum Primarium revolvitur in perimetro Ellipsis umbilicum in Primarii

Primarii centro habentis, ad quod (per dictam Prop. xx.) tendit vis centripeta, quā à motu rectilineo retrahitur: (diformitas enim Ellipsis à motu Apfidum vel aliunde tantilla est, ut hic sit negligenda:) Et igitur (per Prop. xxxix.) lex vis centripetæ tendentis ad Primarii centrum ea est, ut dicta vis sit quadrato distantiae à centro reciproce proportionalis: hanc enim solā corpus à motu rectilineo in tangente à vi insita orto retrahitur, & in Orbita Elliptica retinetur. Hi ergo duo motus, (nimirum alter in tangente æquabilis, alter vero versus Primarii centrum tendens, & auctus in ratione quā quadratum distantiae satellitis ab illo diminuitur,) inter se compositi, Planetam secundarium (projecti instar) Orbitam Ellipticam describere cogunt.


SECTIO VII.

Planetæ & Cometæ in Orbitis suis retinentur per Gravitationem, eadem lege per univèrsam Syslema Solare propagatam.

PROPOSITIO XLVI.

Vis, quā Luna ad Terræ centrum tendit, quāque in Orbita sua retinetur, eadem est cum vi Gravitationis, quā corpora terrestria quævis ad idem centrum tendunt.

Designet *R A E* Terram, cujus centrum *T*, *V L* orbitam Lunæ, cujus pars *L C* à Luna percurritur spatio unius scrupuli horarii. Quoniam (ex Prop. xv.) Luna periodum suam sive integrum circulum conficit spatio dicrum 27, horarum 7, scrupulorum 43; hoc est, scrupulis horariis 3943; patet *L C* esse $\frac{1}{104}$ integræ peripheriæ, sive 33 scrupulorum secundorum gradus. Porro, ambitus Terræ (secundum nuperam *D. Picart.* mensuram) est pedum Parisiensium 123249600; ejusque proinde semidiameter *T A* pedum 19615800; quare *T L* diameter orbitæ Lunaris est pedum 1176948000; nempe (ex prædicta Prop. xv.) ipsius *T A* sexagecupla: & arcus *L C*, 33" sinus versus *L D*, & huic æqualis *B C* est pedum Parisiensium 154 quam proxime. Igitur vis, quā Luna versus Terræ centrum tendit, (quāque à motu rectilineo secundum tangentem *L B* retrahitur, & in orbita sua retinetur,) talis est quæ spatio scrupuli unius horarii Lunam versus Terræ centrum impellit per pedes Parisienses 154. Cumque (per Prop. præc.) vis hæc in Luna augeatur in eadem ratione, quā Quadratum distantiae à centro Terræ diminuitur; si descendatur ad superficiem Terræ, ubi quadratum distantiae à centro minuitur vicibus 60 x 60, augebitur illa vicibus



H


60 x 60,

60×60, & ideo spatio scrupuli horarii Lunam apud nos in superficie Terræ positam versus centrum impelleret per longitudinem pedum 60×60×15. Sed Gravitatis ea est vis, quæ corpus quodvis in Terræ superficie positum, spatio scrupuli secundi horarii, versus centrum impellit per longitudinem pedum Parisiensium 15, ut ex accuratissimis experimentis definit Celeb. *Hugenius Prop. ultimâ Part. IV. Horol. Oscill.* Et ideo eadem ista Gravitatis vis, spatio scrupuli horarii, corpus impellit versus centrum per longitudinem pedum 60×60×15; quia spatia à gravi cadente percursâ sunt in ratione duplicata temporum quibus percurreuntur. Quoniam igitur vis, quâ Luna in orbita sua retinetur, & vis Gravitatis paria præstant, eosdemque in iisdem circumstantiis producerent effectus, & versus idem punctum (nempe Terræ centrum) tendant, eadem erunt; id est, vis quâ Luna retrahitur à motu rectilinet, & in orbita sua coercetur, illa ipsa est quam nos Gravitatem dicimus. Quod erat demonstrandum.

Lunæ distantia à Tellure paulo major quam sexagecupla semidiametri Terræ calculo præcedenti melius congrueret, puta sexagecupla sesqui-tertia; cui etiam rationes Astronomicæ melius respondent. Nos rem in numeris rotundis æstimare satis habuimus.

SCHOLIUM.

Eodem modo quo Luna revolvitur in orbem circa Tellurem, aliud quodvis grave ex puncto extra Telluris superficiem, secundum Horizontalem rectam, vi satis validâ projectum Orbitam describeret, & Terrâ intactâ (Planetæ instar) gyrum compleret; atque hoc continuo. Circulus *ABCD* referat Terram, cujus centrum *T*. Sumatur punctum aliquod extra Terræ superficiem, (nempe *G*), ex quo, secundum directionem rectæ *GH* ad *T* & normalis, projiciatur grave quodvis. Patet, si corpus hocce minimâ aut nullâ vi projiciatur, (hoc est, si libere demittatur,) casurum illud ad *A*, directe infra *G*; si aliquâ vero, grave attinget Terram ad punctum *B* ab *A* versus *H* distans; si adhuc majore, corpus projectum ultra *B* ut ad *C* Terræ occurret. Si augeatur vis projiciens consueque, ut Terram non attingat donec ultra *E* punctum ipsi *A* oppositum perveniat, tum rursus versus *G* ascendens Ellipsin *GKMF* complebit; atque eandem rursus perpetuo non impeditum describet, & Planeta fiet. Si in semitæ puncto *M* ipsi *G* opposito, projectum minus distet à Terra, quam cum in *G*; tum centrum Terræ *T* est Ellipsis umbilicus à vertice *G* remotior. Si augeatur vis projiciens, donec puncta *M* & *G* æqualiter à *T* distent, semita fiet Circulus; auctâque adhuc vi projiciente (reliquis manentibus) fiet Ellipsis, in qua *T* est focus vertici *G* vicinior, alter vero focus longius à *T* removebitur pro vis projicientis



jicientis augmento, donec tandem in Parabolam, posteaque in Hyperbolam mutetur. Atque eadem obtinebunt quamvis HG non sit ad TG normalis, præterquam quod in hoc casu G non est Orbitæ vertex principalis. Quo altius est punctum G supra Terram, eo minori opus est vi ad projectum in Planetam mutandum; & quo humilior, eo majori: adeo ut si Luna eadem celeritate quâ nunc in Orbita sua fertur, ex altitudine mille tantum passuum supra Terram projiceretur secundum directionem horizontalem, circa Tellurem non revolveretur; sed, Planetæ naturam exuens, vulgaris projecti instar in Terram impingeret, antequam distantiam quindecim mille passuum attingeret. Nam arcus, quem Luna viginti scrupulis secundis horariis percurrit, minor est quam 15000 passus, & grave prope Terram viginti istis scrupulis secundis cadendo percurrit $20 \times 20 \times 154$, sive 6033 pedes; hoc est, plus quam mille passus: unde Luna prius Terram attingeret quam ad distantiam 15000 passuum projiceretur. Si vero, eadem manente gravitatis actione, Terra annihilaretur, projecta omnia (Planetarum more) describerent Ellipses, aliasve Sectiones conicas, quarum communis focus esset punctum quod nunc est Terræ centrum:

PROPOSITIO XLVII.

Planetæ secundarii Jovis gravitant in Jovem, satellites Saturni in Saturnum, & Planetæ primarii & secundarii graves sunt in Solem; omnesque vi Gravitatis suæ retrahuntur à motibus rectilineis, & in Orbitis suis retinentur.

Propter Naturæ simplicitatem rerum naturalium non plures admittendæ sunt causæ, quam quæ earum Phænomenis explicandis sufficiunt; & effectuum naturalium ejusdem generis eadem agnoscendæ sunt causæ: igitur cum revolutiones Stellarum Medicarum circa Jovem, Saturni comitum circa Saturnum, & Planetarum primariorum circa Solem, Phænomena sint ejusdem generis cum revolutione Lunæ circa Terram; eadem etiam erunt illarum causæ. Vires enim, quibus Jovis & Saturni secundarii, & Planetæ primarii retrahuntur à motibus rectilineis & in Orbitis suis retinentur, respiciunt Jovis, Saturni & Solis centra respective, similiter atque vis, quâ Luna in Orbita sua retinetur, respicit centrum Telluris; & Vires, quibus illi urgentur, eadem lege augentur minuunturque pro diversâ distantia à Jovis, Saturni & Solis centris respective, quâ vis Lunam urgens, dum in variis à Terræ centro distantis constituitur, prout superius fuisse est ostensum. Unde cum vis hæc in Luna eadem sit ostensa (in Prop. Præc) cum vi illa quam Gravitatem dicimus; eadem etiam erit vis, quâ prædicti isti Planetæ, tum primarii cum secundarii, versus Solem & suos primarios respective tendunt. Porro, secundarii omnes graves etiam sunt in Solem, & illorum gravitas in Solem est vis illa acceleratrix secundario cuilibet & suo primario communis; de qua Prop. XX. & XLV. Quod erat demonstrandum.

H 2

COROL.

COROLLARIUM.


Hinc patet dari Gravitatem in Solem & Planetas omnes primarios. Cum enim Luna & terrestria omnia gravia sint in Terram, Comitesque Jovis & Saturni in Jovem & Saturnum respective; cumque tres reliqui Planetæ primarii, Mercurius, Venus & Mars sint corpora ejusdem generis cum Saturno, Jove & Terra, (quod etiam ex illorum Gravitate versus Solem superius probata liquet,) constat ex prius stabilita similitudine causarum similium effectuum, & in illos etiam dari Gravitatem, cujus vis acceleratrix est quadrato distantiae à centro reciproce proportionalis. Et, quoniam actioni cujusvis generis contraria est reactio, Sol vicissim in Planetas omnes primarios & secundarios gravis est. Porro, quoniam experimentis exactissime institutis constat corpora quævis, in eadem distantia, æquali tempore, æqualia spatia cadendo versus Terram percurrere, & momenta corporum inæqualium æqualiter acceleratorum esse ut ipsa corpora; corpora omnia cujusvis naturæ, in æqualibus distantis, gravia sunt in Terram in ratione materiæ quam continent. Cumque nullum sit dubium naturam Gravitatis versus Solem & Planetas eandem esse atque versus Terram, (quod ex prædictis abunde constat, & hinc etiam quod Planetæ primarii eorumque satellites, corpora sc. valde inæqualia, æquali vi acceleratrice versus Solem descendant, prorsus ut corpora magnitudine & densitate inæqualia æque velociter versus Terram cadunt;) patet corpora omnia in Solem & Planetas singulos gravitare, & pondera eorum in quemvis, paribus ab ejusdem centro distantis, proportionalia esse quantitati materiæ in singulis. Et quoniam omnis actio est mutua, Sol & Planetæ in corpora quævis, corporaque proinde omnia in se invicem, eadem lege gravitant.

PROPOSITIO XLVIII.

Virtutis omnis à centro, vel ad centrum, in lineis rectis undique per regiones in circuitu propagatæ Vis, sive efficacia, in diversis locis est quadrato distantie loci à centro reciproce proportionalis.

Sit s centrum à quo vel ad quod Virtus propagatur, circa quod describantur duæ superficies sphaericæ TE, MA in quibuscunque distantis ST, SM. Dico Virtutis Vim, sive efficaciam, in T esse ad ejusdem vim in M ut SMq ad STq.

Virtus eadem, in spatium duplo majus æqualiter diffusa & sparsa, duplo minor erit in qualibet data parte; quippe duplo minus constipata: & si in spatium triplo majus diffundatur, triplo minor erit:&, universaliter, efficacia Virtutis est reciproce ut spatium, in quod data



data Virtus diffunditur; quippe directe ut Virtutis constipatio. Sed Virtus omnis, quæ in distantia ST à centro æqualiter diffunditur per superficiem sphaericam TE , in distantia SM similiter diffunditur per superficiem sphaericam MA . Quare Virtutis istius efficacia in distantia ST est ad ejusdem efficaciam in distantia SM sicut superficies sphaerica MA ad superficiem sphaericam TE ; id est, sicut smq ad stq . Quod erat demonstrandum.

Hujusmodi sunt Virtutes Lucis, Caloris, &c. & ex superius ostensis etiam Gravitatis. At Virtutes aliquæ, ut Magnetica & Electrica, sunt generis alterius.

PROPOSITIO XLIX.

Gravitates acceleratrices versus diversa corpora, in paribus distantius, sunt ut ipsa corpora versus quæ sunt.

Exponantur duo quælibet corpora A & B in locis quibuscunque A & B ; erunt hæc (per Corol. Prop. XLVII.) versus se mutuo gravia: & quidem, cum actioni contraria & æqualis sit reactio, Gravitas sive vis motrix corporis A versus B æqualis est Gravitati sive vi motrici corporis B versus A . Sed vis motrix fit ex quantitate materiæ sive massa ducta in vim acceleratricem, prorsus ut quantitas motûs ex quantitate materiæ ducta in celeritatem: Et igitur massa corporis A ducta in ejus vim acceleratricem versus B æqualis est massæ corporis B ductæ in hujus vim acceleratricem versus A . Unde vis acceleratrix corporis A versus B est ad vim acceleratricem corporis B versus A sicut massa corporis B ad massam corporis A : Vires vero (de quibus hic agitur) sunt Gravitates, & massæ corporum sunt quantitates materiæ sive ipsa corpora: Et igitur Gravitas acceleratrix corporis A versus B est ad Gravitatem acceleratricem corporis B versus A sicut corpus B ad corpus A . Sed (ex superius ostensis) omnia corpora in æquali distantia à corpore B posita in qua est A , æqualem habent versus B Gravitatem acceleratricem atque ipsum A ; & omnia corpora in æquali distantia à corpore A posita in qua est B , æqualem habent versus A Gravitatem acceleratricem atque B corpus; & distantia corporis A à corpore B æqualis est distantie corporis B ab A , & sumpta sunt hæc corpora & distantia utcumque. Et igitur Gravitates acceleratrices versus diversa corpora, in paribus distantibus, sunt ut ipsa corpora. Quod erat demonstrandum.



COROLLARIUM.

Hinc si Gravitas consideretur tanquam vis attractiva corporis versus quod dirigitur, propagata ut in præcedente Propositione; vires absolutæ corporum attrahentium sunt ut ipsa corpora quorum sunt vires. Nam absoluta vis attractiva corporis A est ad absolutam vim attractivam corporis B ut attractio acceleratrix corporum omnium

H 3

versus

versus *A* ad attractionem acceleratricem corporum omnium versus *B*, in paribus distantis. Sed, in paribus distantis, attractio acceleratrix corporum omnium eadem est cum attractione acceleratrice corporis cuiusvis, & attractiones hæ acceleratrices (ex hac Prop.) sunt ut corpora versus quæ fiunt; hoc est, ut ipsa corpora attrahentia: Et igitur, ex æquo, vires absolutæ corporum (ut dictum est) attrahentium sunt ut ipsa corpora quorum sunt vires.

Et hinc rursus, & ex præcedentibus (per Prop. XIII. El. 6.) colligitur vim acceleratricem corporis *A* versus *B* gravis esse ad vim acceleratricem corporis *C* versus *D* gravis in ratione composita ex ratione corporis *B* ad corpus *D*, & duplicata ratione distantiae inter *C* & *D* ad distantiam inter *A* & *B*: & porro, rationem ponderis corporis *A* ad pondus ipsius *C* componi ex prædicta ratione composita, & insuper ratione corporis *A* ad corpus *C*.

SECTIO VIII.

De Motu Corporum se mutuo attrahentium, huiusque symptomatibus; quæ omnia ad Systema Solis & Planetarum primariorum applicantur.

PROPOSITIO L


Corpora duo se invicem trahentia, & circum se invicem revoluta, describunt & circum se mutuo, & circum commune centrum gravitatis, figuras similes.

Prop. XXXIX. & sequentibus exposuimus Motus corporum attrahentium ad centrum immobile: decet enim à simplicioribus ordiri. Verum, quoniam attractiones fiunt ad corpora, & hæ vicissim attrahuntur; ut superius ostensum est: Cum corpus circa aliud revolvitur, attrahens ipsum quiescere nequit; sed ambo attractione mutuâ agitata circa gravitatis commune centrum revolvuntur. Et si plura fuerint corpora, quæ se mutuo attrahunt, hæc inter se ita movebuntur, ut gravitatis centrum commune vel quiescat vel uniformiter progrediatur in directum. Geometris enim notum est commune gravitatis centrum ab actione corporum inter se non mutare statum suum motûs vel quietis; sicut à celeberrimis Viris D. D. *Wrennio* & *Hugenio* demonstratum prostat. Ordo igitur postulat, ut motus corporum se mutuo (ut dictum est) trahentium consideremus; nempe Orbitas ab iis descriptas, reliquaque generalia, quibus differt corporum in se mutuo agentium systema à systemate prius supposito; & quidem primo universaliter, quæcunque tandem sit Lex attractionis mutue.

Sint duo corpora *s* & *p* se invicem trahentia, quæ circum se mutuo revoluta describunt curvas *s**f*, *p**p*, dum interea illorum centrum gravitatis *c* vel quiescit, vel (quod demonstrationem haud turbat)

turbat) movetur uniformiter in directum: Dico figuras quatuor, nempe sfc , ppc , illam quam s describit circa p spectatum tanquam immotum, & illam quam p circa s similiter spectatum describit, esse inter se similes.


Quoniam s & p eadem manent, manebit (durante motu) ratio inter cp & cs ; quippe, ex natura centri Gravitatis, eadem cum ratione corporum s & p : cumque anguli pcp , scf sint ubique æquales, (quia c est in recta jungente corpora,) erunt figuræ sfc , ppc similes. Figuræ enim ppc , sfc similes omnino sunt, quas recta pcf , circa punctum c motu angulari lata, describit seu verrit, dummodo quovis momento eadem sit ratio inter cp & cf quæ inter cp & cs . Rursus, quoniam ubique datur ratio inter sc & cp , componendo datur ratio inter sp & cp , & linea pcf recta manet: & igitur (per hætenus dicta) recta cp circa punctum c , & recta sp circa punctum s spectatum tanquam immotum, similes describunt figuras. Porro figuræ, quarum una describitur à p circum f habitum pro immoto, altera ab s circa p pariter pro immoto spectatum, similes & omnino æquales sunt, (ut in Opticis demonstratur,) quia sp tum magnitudine tum positione eadem est cum pf . Quare quatuor figuræ propositæ similes sunt. Q. E. D.



PROPOSITIO LI.

Si corpora duo s & p viribus quibuscumque se mutuo trahant, & interea revolvantur circa gravitatis centrum commune c ; dico figuras, quas corpora sic mota describunt circum se mutuo, posse figuram similem & æqualem circum corpus alterutrum immotum, viribus iisdem, describi.

Posito enim Orbitas PR , sQ primo circa immotum c describi, & puncta s & p esse loca quævis ad libitum, ad quæ corpora s & p simul perveniunt. Intelligatur recta scp sibi parallela moveri, donec punctum f congruat cum s , atque hoc fieri in omnibus punctis correspondentibus curvarum sQ , PR . Patet, appulso f ad s , alterum rectæ sp sic parallelæ motæ extremum perventurum ad π punctum in curva $p\pi$, quam corpus p circa s describeret, si (s immoto manente) p circa illud revolveretur, attractum eadem vi, quâ prius corpora se mutuo petebant: Nam latio parallela rectæ sp nullam in viribus, quibus corpora se mutuo attrahunt, mutationem inducit. Sed eadem $p\pi$ est linea, quam p circa s tanquam immotum spectatum describit: sic enim revera immo-



immotum permanet, & rectæ $s\pi$ eadem est longitudo, eademque inclinatio ad $s\rho$, quæ ipsius $/p$. Cum igitur figuræ illæ congruant, æquales sunt & similes. Quodque de figurâ, quam p circa s describit, est ostensum, de figura, quam s circa p pro immoto habitum describit, utpote æquali & simili, verum est.

Verum si centrum Gravitatis c progrediatur uniformiter, superinducendo systemati corporum s & p motum æqualem & in plagam contrariam factum, reducentur omnia ad casum priorem: sed motu hoc uniformi secundum rectas parallelas nihil mutatur in viribus corporum s & p . Igitur constat propositum in utroque casu. Quod erat demonstrandum.

COROLLARIUM I.

Corpora duo viribus quibuscumque se mutuo trahentia, & circa Gravitatis centrum gyrationis, radiis ad centrum illud & ad se mutuo ductis describunt areas temporibus proportionales.


COROLLARIUM 2.

Quia corpus circa aliud immotum revolvens, & ad illud vi quadrato distantiae reciproce proportionali attractum, describeret (per Prop. xxxix.) Ellipsin vel aliam Sectionem conicæ, cujus umbilicus alter coincidit cum centro corporis immoti; sequitur ex hac Propositione, quod corpora duo viribus quadrato distantiae reciproce proportionalibus se mutuo trahentia describunt, & circum commune Gravitatis centrum & circum se mutuo, Sectiones conicæ umbilicos habentes in centro, circa quod figuræ describuntur. Et è converso, si tales figuræ describuntur, vires centripetæ sunt quadrato distantiae reciproce proportionales.

PROPOSITIO LII.

Si corpora duo viribus quibuscumque se mutuo trahentia circa se mutuo revolvantur, motus eorum iidem erunt, ac si non traherent se mutuo, sed utrumque à corpore tertio, in communi Gravitatis centro constituto, viribus iisdem traheretur. Et virium trahentium eadem erit Lex respectu distantiae corporum à centro illo communi, atque respectu distantiae totius inter corpora.

Nam vires, quibus corpus p tendit ad s , diriguntur ad quodvis punctum in recta ps ad partes s producta. Et similiter vires corporis s diriguntur ad quodvis ejusdem rectæ ad partes p productæ punctum. Sed c est rectæ $s\rho$ utrinque productæ punctum unicum, quod in omni corporum situ immotum manet: & idco c est punctum illud, ad quod tendunt corpora p & s iisdem viribus, quibus se mutuo attrahunt.



?


Rurfus,

Rurfus, quoniam dantur corpora revolvētia, datur ratio distantiarum centri gravitatis à corporibus; & consequenter ratio distantiae corporis utriusvis à centro isto communi ad distantiam corporis ejusdem à corpore altero. Et proinde datur ratio cujusvis potestatis distantiae unius ad similem potestatem distantiae alterius; ut & ratio quantitatis cujusvis, quæ ex una distantia & quantitibus datis utcumque componitur, ad quantitatem aliam, quæ ex altera distantia & quantitibus totidem datis, datamque illam distantiarum rationem ad priores habentibus similiter componitur. Proinde si vis, quâ corpus unum ab altero trahitur, sit directe vel inverse ut distantia corporum ab invicem, vel ut quælibet hujus distantiae potestas, vel denique ut quantitas quævis ex hac distantia & quantitibus datis quomodocunque composita; erit eadem vis, quâ corpus idem ad commune gravitatis centrum trahitur, directe itidem vel inverse ut corporis attracti distantia à centro illo communi, vel ut eadem distantiae hujus potestas, vel denique ut quantitas ex hac distantia & analogis quantitibus datis similiter composita: Adeoque vis trahentis eadem erit Lex respectu distantiae à centro gravitatis, quæ respectu distantiae corporum. Quod erat demonstrandum.

PROPOSITIO LIII.

Corporum duorum s & p , circa commune gravitatis centrum c revolvētium, tempus periodicum est ad tempus periodicum corporis alterutrius p circa alterum immotum s (viribus iisdem trahens) gyantis, in subduplicata ratione corporis s ad aggregatum corporum s & p .

Concipiatur corpus p , ipsi p simile & æquale, describere circa immotum s , ipsi s simile & æquale, Orbitam pdr . Figuræ $cpdr$, $spdr$ (per Prop. L.) sunt similes: & vires, quibus corpora in punctis quibuscvis similiter positis (ut d & d) versantia ad centra c & s tendunt, sunt æquales; quia (per Prop. LI.) vis quâ corpus d tendit ad e æqualis est vi quâ corpus d tendit ad f . Et (per præcedentem Propositionem) corpus d tendit ad c eadem vi quâ ad e . Et igitur (per Corol. 2. Prop. xxvi. & Schol. Prop. xxvii.) quadratum temporis periodici corporis p in Orbita pdr moti est ad quadratum temporis periodici corporis p in Orbita pdr sicut recta cp ad rectam homologam sp ; hoc est, sicut c pad sp ; hoc est, (ob naturam centri gravitatis,) sicut corpus s ad $s + p$. Unde ipsum tempus periodicum corporis p in Orbita pdr (vel corporis s in Orbita sel) est ad tempus periodicum corporis p in Orbita pdr in subduplicata ratione corporis s ad aggregatum corporum s & p . Quod erat demonstrandum.



PROPOSITIO LIV.

SI corpora duo s & p , viribus quadrato distantiae suae reciproce proportionalibus, se mutuo trahentia revolvantur circa gravitatis centrum commune; dico quod Ellipsis, quam corpus alterutrum p hoc motu circa alterum s describit, (modo Prop. L. descripto,) axis major erit ad axem majorem Ellipsis, quam corpus idem p circa alterum s quiescens, (ut Prop. LI.) eodem tempore periodico describere posset, in subtriplicata ratione summæ corporum s & p ad corpus quiescens s .

Si Ellipses, circa mobile & quiescens s , à corpore p descriptæ forent æquales, tempora periodica in hisce (per Prop. LI. & LII.) essent in subduplicata ratione corporis s ad aggregatum corporum s & p . Mutari intelligatur hæc ultima Ellipsis, donec corporis p (hanc circa quiescens s describentis) periodicum tempus æquale fiat tempori periodico corporis p circa mobile s revolventis; (ut in hac Propositione supponimus;) hoc est, donec tempus periodicum in illa diminutum sit in dicta subduplicata ratione corporis s ad summam corporum s & p . Quoniam vero, (per Prop. XL.) in casu præsentis, quadrata temporum periodicorum sunt ut Cubi transversorum axium, ipsa periodica tempora erunt in dictorum majorum axium ratione sesquuplicata. Axis igitur major posterioris Ellipsis minutus est in ratione, cujus sesquuplicata est subduplicata ratio s ad $s + p$; hoc est, in ratione subtriplicata s ad $s + p$: (Nam $1 : de^{\frac{1}{3}} = 1 : s$.) Et proinde est ad invariaturum Ellipsis alterius, circa mobile corpus s descriptæ, axem (huic antequam diminueretur æqualem) in ratione subtriplicata s ad $s + p$. Et igitur invcrse, axis major Ellipsis, circa corpus s mobile descriptæ, est ad axem majorem Ellipsis, eodem vel æquali tempore descriptæ circa quiescens s , in subtriplicata ratione summæ corporum $s + p$ ad corpus quiescens s . Quod erat demonstrandum.

PROPOSITIO LV.

Manente eadem attractionis lege, dico corporis p Orbitam $p r$ propius accedere ad Ellipsin, cujus focus est c commune centrum gravitatis corporum s & m , quam ad Ellipsin, cujus focus est centrum ipsius s ; & quod areæ radii ad c ductis descriptæ sunt temporibus magis proportionales, quam areæ radii ad centrum ipsius s ductis descriptæ.

Nam corporis p attractiones versus s & m componunt ipsius attractionem absolutam, quæ magis dirigitur versus c commune illorum gravitatis centrum, quam versus ipsum maximum s ; quæque quadrato distantiae $p c$ magis est proportionalis reciproce, quam quadrato distantiae $p s$: Nam ultimum hoc tum tandem præcisè obtineret, si nullum prorsus esset m ; & hæc eadem vera essent de m , si

si illud cresceret, donec immensum excederet s.
 Quare constat vires (in casu præfenti) in pun-
 ctum aliquod inter s & M intermedium & ma-
 jori propius dirigi, quale est commune illorum
 centrum gravitatis c; quod etiam punctum il-
 lud est, ubi gravium circumcirca positorum vi-
 res quælibet Physicæ uniuntur & concentran-
 tur: ibi enim jure censetur ex gravibus pluri-
 bus aggregatum, ubi est illorum commune cen-
 trum gravitatis; ut Philosophis notum est. Con-
 stat igitur propositum. Quod erat demonstrandum.



PROPOSITIO LVI

Positis iisdem attractionum legibus, dico corpus exterius p circa
 interiorum s & M commune gravitatis centrum c, radius ad cen-
 trum illud ductis, describere areas temporibus magis proportionales;
 & orbem ad formam Ellipsis umbilicum in centro eodem habentis
 magis accedentem, si corpus intimum & maximum s his attractio-
 nibus, perinde atque cætera, agitetur, quam si vel non attractum
 quiescat, vel multo magis vel multo minus attractum aut multo ma-
 gis aut multo minus agitetur.

Ex præcedente liquet centrum, ad quod corpus exterius p urge-
 tur, proximum esse centro gravitatis interiorum s & M. Si coinci-
 deret centrum illud cum hoc centro communi, & quiesceret com-
 mune gravitatis centrum trium s, M & p; describeret p ex una parte,
 & ipsorum s & M commune centrum ex altera, Ellipses accuratas
 circa commune trium centrum gravitatis quiescens tanquam um-
 bilicum communem, per Corol. 2. Prop. II. Et proinde minima
 erit dicti (in Ellipsis) motus perturbatio, ubi prædictum commune
 centrum gravitatis trium s, M & p quiescit: Quiescit vero illud, si
 corpus s perinde atque cætera agitetur; ut superius dictum est. Et
 igitur minima erit perturbatio, ubi s lege cæterorum attrahitur.
 Quod erat demonstrandum.

COROLLARIUM

Eodem modo, si corpora plura minora revolvantur circa maxi-
 mum, colligere licet quod Orbitæ descriptæ propius accedent ad
 Ellipticas, & arearum descriptiones fiunt magis æquabiles, si cor-
 pora omnia viribus acceleratricibus, quæ sunt ut eorum massæ di-
 rectè & quadrata distantiarum inversè, se mutuo trahant, (nam hoc
 est agitari perinde atque cætera, posita lege attractionum, quæ in
 Propositione ponitur;) & Orbitæ cujusque umbilicus collocetur in
 communi centro gravitatis corporum omnium interiorum, quam si
 corpus maximum quiescat, & statuatur communis umbilicus Or-
 bitarum omnium.

PROPOSITIO LVII.

Corpora plura, quorum vires acceleratrices ad se mutuo sunt inverse in duplicata ratione distantiarum ab eorundem centrīs, moveri possunt in Ellipsis circa magnum, & radiis ad illud ductis areas describere temporibus proportionales quamproxime.

Supponantur corpora plura minora p, p, π circa magnum aliquod s revolvī: & quoniam omnium commune centrum gravitatis, ab actionibus corporum horum in se mutuo, non mutat statum suum motus vel quietis; (ut superius explicatum,) & illa ab omni externa agitatione aut impedimento immunia supponimus; quiescere poterit illud centrum. Si jam ponamus corpora minora p, p, π tam parva esse respectu magni s , ut hoc nunquam distet sensibiler a dicto communi gravitatis centro, tum magnum illud s quiescet quamproxime; minora autem revolvuntur circa hoc magnum in Ellipsis, in quorum umbilico communi magnum istud locatur: atque ideo, radiis ad illud ductis describent areas temporibus proportionales; nisi quatenus errores inducuntur, vel per aberrationem maximi a communi isto gravitatis centro, vel per attractiones minorum corporum ad se mutuo. Diminui autem possunt corpora minora, donec aberratio ista & attractiones mutuae sint datis quibusvis minores. Et igitur corpora plura moveri possunt circa magnum in Ellipsis, & radiis ad illius centrum ductis areas describere temporibus proportionales, ita ut errores commissi (quominus sc. ista exacte fiant,) sint datis quibusvis minores; hoc est, quamproxime. Quod erat demonstrandum.



PROPOSITIO LVIII.

Ex actione mutua Solis & cujusvis Planetæ primarii, Planeta describit Ellipsin, cujus umbilicus est commune centrum gravitatis Solis & dicti Planetæ. Ex actione vero Planetarum primariorum in se mutuo, cujusque Orbita est quamproxime Ellipsis, cujus umbilicus est commune centrum gravitatis Solis omniumque Planetarum se inferiorum.

Si Planetæ primarii graves essent in Solem; non autem Sol in Planetas, Planeta quisque describeret Ellipsin circa immotum Solis centrum, ceu umbilicum descriptam; ut Prop. XLII. ostensum est. Et, si Planetarum massæ prorsus essent insensibiles respectu massæ Solis, idem obtineret quamproxime, per præcedentem: & hunc esse fere casum systematis Solaris liquet ex Prop. xxxiv. Quoniam vero (per Corol. Prop. XLVII.) non tantum Sol gravis est in Planetam, sed etiam Planeta in Solem, & porro Planeta non est massæ prorsus minimæ respectu Solis; Planeta quivis (per Corol. 2. Prop. LI.) describit

bit Ellipfin, cujus umbilicus est commune centrum gravitatis Solis & dicti Planetæ: & (per Prop. LIV.) major hujus Ellipsis axis excedit axem majorem Ellipsis, quam Planeta circa innotum Solem eodem vel pari tempore describeret, in subtriplicata ratione summæ massarum Solis & Planetæ ad massam Solis.

Porro, quoniam (per prædictum Corol. Prop. XLVII.) Planetæ etiam graves sunt in se mutuo, & Sol iisdem attractionibus agitur quibus Planetæ; Mercurius (per Prop. I.) quamproxime describet Ellipfin umbilicum in centro Solis habentem; Venus Ellipfin, cujus focus est in communi centro gravitatis Solis & Mercurii: & ita porro, quisque Primarius describet Ellipfin, cujus focus est in communi centro gravitatis Solis & omnium se inferiorum. Atque hoc modo actiones Planetarum primariorum in se mutuo considerantur, & ad normam reducuntur.


SECTIO IX.

De Motu Systematis corporum circa corpus aliud revolvantis; quæ omnia ad systema Solis, & Planetarum primariorum & secundariorum applicantur.

PROPOSITIO LIX.

Systematis gravium duorum vel plurium circa se mutuo revolvantium in Ellipsis, commune centrum gravitatis moveri potest in Ellipsi, aut alia Sectione conici, circa aliud maximum in Ellipsi umbilico positum, & radiis ad umbilicum ductis, areas describere temporibus proportionales quamproxime.

Ponamus Systema corporum duorum circum se mutuo (ut in Cor. 2. Prop. LI.) revolvantium, aliudve corporum minorum L, l, λ , (modo Prop. LVII. descripto) circa magnum P revolvantium Systema progredi uniformiter in directum, quod fieri posse palam est; (hoc est, ejus centrum gravitatis commune progredi secundum rectam puta PR ;) & interea vi corporis alterius maximi, & ad magnam distantiam positi (puta S) urgeri ad latus, & à recta PR retrahi & in curvam PH cogi. Et quoniam æquales vires acceleratrices secundum rectas parallelas inpressæ non mutant situm corporum ad se invicem; sed ut Systema totum, servatis partium motibus inter se, simul transferatur, efficiunt: manifestum est quod, ex attractionibus in corpus maximum S , nulla prorsus orietur mutatio motus attractorum inter se, nisi ex attractionum acceleratricium inæqualitate, vel ex inclinatione linearum ad se invicem, secundum quas attractiones fiunt. Augeri vero potest corporis maximi



distantia, donec rectarum ab illo ad corpora Systematis moti (nempe magnum P , & minora L, I, λ) ductarum differentia, respectu ipsarum ductarum, & inclinationes ad se invicem, minores sunt quam datæ quævis. Cumque attractiones omnes acceleratrices versus s , ex hypothefi gravitatis, sint reciproce ut quadrata distantiarum; hæ (in hoc casu) differunt à viribus æqualibus, differentiâ minore quâlibet datâ: & ideo perseverabunt motus partium Systematis P cum suis L, I, λ , inter se eodem tenore quo prius, antequam maximum s Systema istud attraheret; saltem errores erunt quibuscumque datis minores; totumque Systema ad modum corporis unius attractum, sui centro gravitatis, (in quo totum Systema gravium P & L, I, λ , ut in aliis casibus physicis, unitum & contractum intelligitur;) describet Sectionem conicam, cujus umbilicus est s ; & radio ad maximum illud ducto areas describet temporibus proportionales: Et errores qui adhuc supersunt, per auctam corporis s distantiam, possunt prohiberi minui. Moveri ergo potest centrum gravitatis Systematis corporum P & L, I, λ in Ellipsi quamproxime. Q. E. D.

COROLLARIUM I.

Cum Systema corporum duorum circum se mutuo revolvendum, vel corporis magni cum minoribus revolventibus, circa maximum movetur; eo magis turbabitur motus partium Systematis inter se, quo propius accedit corpus maximum ad dictum Systema: propterea quod linearum à corpore maximo ad partes istas ductarum major est inclinatio, majorque rationis inæqualitas; &, uno verbo, quia magis receditur à casu ubi perturbatio est nulla; nempe quando corpus s infinite distat.

COROLLARIUM 2.

Unde è contrario, si Systematis corporis P & minorum revolvendum L, I, λ partes in Ellipsis vel Circulis sine perturbatione insigni moveantur; manifestum est, quod eadem à viribus acceleratricibus, ad alia corpora tendentibus, aut non urgentur nisi levissime, aut urgentur æqualiter, & secundum rectas parallelas quamproxime.


PROPOSITIO LX.

Si corpus minus L circa magnum T revolvatur, (ut in Corol. 2. Prop. 11.) & horum Systema revolvatur circa maximum s , (ut in præcedente,) &, in tribus hisce corporibus, attractiones acceleratrices binorum quorumcunque in tertium sint inter se reciproce ut quadrata distantiarum ab eodem; propositum sit generatim ostendere Errores à corpore L commissos, horumque causas & rationes; nempe quominus corpus L , radio ad T ducto, areas describat temporibus proportionales exacte, & percurrat perimetrum Ellipsis, cujus focus alter T .

Quoniam corpus L nunc magis minus distat à corpore s , sit s K ejus mediocris distantia; quæ etiam exponat attractionem acceleratricem corporis L versus s in ista media distantia. Assumatur ad

ad libitum L locus corporis minimi in sua orbita $BCGD$: sumaturque in SL , eave producta, recta SA talis, ut hæc sit ad SK in duplicata ratione ipsius SK ad SL , quæ proinde exponet attractionem acceleratricem corporis L versus S , dum in puncto assumpto L versatur; quia, ex hypothefi, vis acceleratrix in L est ad vim acceleratricem in K in duplicata ratione ipsius SK ad SL ; hoc est, (per constructionem,) ut SA ad SK . Jungatur TL , & per A huic parallela ducatur AM , rectæ ST occurrens in M .

Corporis in L versus S attractio SA resolvitur (ut notum est) in attractiones AM , MS . Quare corpus L urgebitur vi acceleratrice triplici: unâ tendente ad T , & oriundâ à mutua attractione corporum L & T ; hæc vi solâ, corpus L , radio LT ad centrum corporis T ducto, describeret areas temporibus proportionales, & percurreret Ellipsin, cujus umbilicus alter est in dicto centro. Vis altera, quâ L urgetur, exponitur per AM , estque ejus directioni AM parallela; quæ, quoniam tendit ab L ad T , adjuncta vi priori unam cum illa conficiet, quâ



fiet, ut areae radio ad T ducto etiamnum temporibus proportionales describantur, per Corol. I. Prop. II. At quoniam vis hæc ut AM non est quadrato distantie LT reciproce proportionalis, vis composita ex illa & priori talis non erit; sed ab hac proportionem abluet, idque eo magis (cæteris paribus) quo major est vis hæc nova per AM representata, quæ priori superadditur. Proinde corpus L quod à composita hac vi urgetur, non describet perimetrum Ellipsis, cujus focus est T : (ad hoc enim requiritur vis ad T tendens, quæ sit quadrato distantie ab illo reciproce proportionalis, per Prop. xxxix.) sed faciet ut orbis $LGAB$ aberraret ab Ellipsi, cui umbilicus T ; idque eo magis quo magis aberrat vis hæc composita, (quâ L urgetur,) à vi quadrato distantie à T reciproce proportionali; id est, (ut hæctenus ostensum,) quo major est, cæteris paribus, vis superaddita quam refert AM , respectu vis primæ quâ L à T attrahitur. Rursus vis tertia quâ urgetur corpus L , quam exponit recta MS , secundum hujus directionem; (nempe secundum LF ad MS parallelam) agens, viribus

viribus prioribus superaddita componet vim quæ non dirigitur ab L versus T ; sed secundum rectam inde versus F declinantem magis aut minus, pro ratione tertiæ hujus vis ad summam virium priorum. Et ideo, vis integra (ex tribus composita) quæ L urgetur, cum ad T non tendat; (per Prop. XI.) faciet ut corpus L , radio LT , areas temporibus non proportionales describat. Atque aberratio ab ista similitudine rationum inter areas descriptas & tempora quibus describuntur tanto erit major, quanto major est ratio tertiæ hujus vis secundum LF agentis ad vires priores. Porro, superadditio vis hujus tertiæ deformitatem etiam in figuram Ellipticam orbitæ duplici de causa inducet, cum quod non dirigitur ab L ad T , tum quod non est reciproce proportionalis quadrato distantie; deformitasque tanto est major, quanto, cæteris paribus, vis hæc MS major est. In recta ST (ab S versus T) sumatur SN , quæ sit ad SK in duplicata ratione ipsius SK ad ST ; exponetur corporis T attractio acceleratrix versus S per rectam SN . Si attractiones acceleratrices SM , SN æquales sint, (ut in




fig. 2.) hæc, agendo in corpora T & L æqualiter & secundum rectas parallelas, nil mutabunt eorum situm ad se invicem: sed, corporibus S & T factis propioribus, ipsorum T & L iidem erunt motus inter se, ac si istæ attractiones prorsus abessent. Verum si attractio acceleratrix SN minor sit attractione acceleratrice SM , (ut in fig. 1.) illa, hujusque pars illi æqualis se mutuo (ut in casu præcedente dictum est,) ad eum statum reducent, ac si abesset utraque, & maneret harum differentia, five vis acceleratricis SM pars per MN exposita; quæ proinde arcarum & temporum proportionem, & orbitæ $GCB D$ figuram Ellipticam perturbat. Sin SN excedat SM , (ut in fig. 3.) illarum intervallum MN denotat differentiam illam virium acceleratricium, quæ dictæ arcarum descriptarum & temporum describendi proportio, & orbitæ $GCB D$ forma Elliptica perturbantur. Et igitur, per attractionem NS , attractio tertia SM semper reducit ad MN , quæ ab M ad N , five ab L versus F , vires suas exerit, prioribus viribus prorsus immutatis. Atque hæc sunt vires generatrices Errorum corporis L .
Q. E. I.


PRO-

PROPOSITIO LXI.

Idem positis, propositum sit corporis minoris L circa magnum T revolvētis, non in eodem plano in quo T circa maximum S revolvitur, Errores quosdam, ex dictorum planorum inclinatione ortos, eorumque causas & rationes exponere.

Ex Prop. præc. demonstratione patet Errores omnes corporis L ex viribus per rectas AM , MN representatis oriri. Quia autem harum altera AM agit secundum rectam LT , quæ in plano Orbis corporis L jacet, vis secundum illius directionem agens motum ipsius L in latitudinem nunquam perturbat.

Porro, si talis fuerit orbitæ corporis L situs, ut corpus s reperiatur in communi illius sectione cum plano orbis ETE , quem T describit circa S ; (hoc est, in phrasi Astronomica, si Nodi orbitæ ipsius L fuerint in Syzygiis corporis S); MN etiam in plano orbis corporis L jacet; quippe in communi sectione: ac proinde vis secundum illius directionem agens motus hos non perturbat.




Reliquis manentibus, supponatur corporis L orbitæ planum $GCB D$ ad planum SET inclinatum, ita ut ejus pars CGD supra illud eleve-
tur, pars vero $CB D$ infra idem deprimatur; eodem centro T & æquali semidiametro, intelligatur circulus CDG descriptus in plano SET , & Nodi erunt c & D : supponantur hi, ex T spectati, aspectum quadratum cum corpore s obtinere; hoc est, supponantur anguli STD , STC recti. In casu motus corporis L per semicirculum CGD , (vid. fig. 1.) corporis L vis ut MN , cum directione MN (hoc est, ab L ad F) agens trahit corpus ex sua orbita CGD versus CGD ; id est, Latitudinem corporis L (à plano CGD computatam) minuit: & corpus L , recedendo perpetuo versus plagam s à plano CGD , usque dum perventum fuerit ad Nodum proximum, non transit planum ETS five CGD in puncto in quo illud prius transierat, sed paulo citra illud; Nodumque orbitæ, à se nunc descriptæ, efficit paululum in antecedentia respectu Nodi D orbitæ CGD , quam absque hac vi MN descripsisset. Similiter in transitu à Nodo D ad nodum c per semicirculum DBC , (cui casui fig. 2. est accommodata,) vis ut MN agens secundum directionem MN , five ab L versus F , facit ut corpus L perpetuo recedat ab orbita DBC , aliamque describat ad DBC in minori angulo inclinatam, & ut planum DBC transeat citius quam in c ; hoc est, quam fecisset si vis MN non adfuisset; & hoc pacto fiet

K

novus


novus Nodi locus in antecedentia vergens, rursusque peragrans orbitæ suæ partem $c\bar{g}d$ versus conjunctionem cum corpore s , Nodus proximus in antecedentiam recedet ut prius.

Porro, designet (oculo nempe in linea Nodorum producta collocato,) $sgrb$ planum orbis corporis t circa s revolvantis, gdb planum orbis corporis l , dum hoc angulo minimo, nempe gdg vel bdd , ad illud inclinatur; quod contingit (ut hætenus est ostensum) ubi corpus l ex t visum est in Syzygiis corporis s . Cumque etiam hætenus sit ostensum Nodos orbitæ corporis minimi l vergere in antecedentia; orbita quam corpus l , discedens à b ubi ex t visum conjungebatur cum s , porro describit, occurret ipsi gdb citra d respectu ipsius s , eritque linea gd . Et orbita quam describit idem l , discedens à b ubi ipsi s opponebatur, nempe $b\bar{s}$ linea, occurret plano gdb in s ; sc. ultra d respectu ipsius s . Patetque gd vel $b\bar{s}$ lineam angulum majorem cum gdb continere ad d & s , quam est ille quem gd vel bd cum eodem gdb continet; æqualem circiter illi, quem continebat corporis l orbita cum gdb , quando l proxime in Nodo versaretur. Nodi igitur in Quadraturis positi recedunt, in Syzygiis vero quiescunt; adeoque, semper vel retrogradi vel stationarii, simpliciter recedunt; At in locis intermediis, conditionis utriusque participes recedunt tardius; & quidem eo tardius quo propiores sunt Syzygiis. Ubi vero Nodi sunt in Quadraturis, inclinatio plani orbis corporis l minuitur in transitu corporis l à Quadraturis ad Syzygias, & vicissim augetur in ejusdem transitu à Syzygiis ad Quadraturas: (Nam linearum gd , $b\bar{s}$ partes versus d & s majori angulo inclinantur ad gdb , quam earum partes versus g & b ; & corporis Orbita ad quodvis momentum censenda est lineola, quam illud eo momento describit; & Orbis planum illud est quod per dictam lineolam, & corporis t centrum traducitur.) Et ideo, corpore l in Syzygiis existente, orbis inclinatio evadit omnium minima, reditque ad priorem magnitudinem circiter, ubi corpus ad Nodum proximum accedit. Atque hi sunt præcipui Errores ex planorum inclinatione oriundi. Q. E. I.



SCHOLIUM.

Hæc cadem obtinent licet l non revolvatur circa t ; sed utrumque t & l circa s tanquam centrum. Nam in hoc casu extremum t effectus edit corporis s ; & s una cum l circum illud revoluta, vices gerit ipsius t & circum-revoluti l in præcedentibus. Demonstratio enim eadem est sive corpus perturbans moveatur sive non.



COROL.

COROLLARIUM.


Iisdem legibus, quibus corpus L circum T revolvitur, fingamus corpora plura circa idem T ad æquales ab illo distantias ferri; deinde ex his multiplicatis & tandem contiguis factis conflari Annulum rotundum & rigidum $CB DG$ corpori T concentricum: & singulæ Annuli partes motus suos omnes (qui à rigiditate non impediuntur,) ad legem corporis L peragent. Et ideo Annuli $CB DG$ Nodi c & d quiescunt, quando sunt in Syzygiis corporis s : & extra has movebuntur in antecedentia, velocissime quidem in Quadraturis, tardius aliis in locis: & Annuli inclinatio mutabitur, (oscillante ejus axe,) prout de Orbita $GCBD$ ostensum est in Propositione.

Si jam Globus T (eundem habens axem cum Annulo $CB DG$, & gyros suos circa illum axem iisdem temporibus complens,) concipiatur eouque auctus, vel Annulus (cæteris manentibus) eouque diminutus, ut Globus superficiem Annuli contingat interius, eique inhæreat; quippe illo arte cinctus: Globus T (quem ad impreffiones omnes supponimus prorsus indifferentem) participabit motum Annuli, & utriusque compages oscillabitur, & Annuli Nodi (sive intersectiones ejusdem cum plano Orbis corporis T circa s) regredientur.

PROPOSITIO LXII.

Corpus L , radio ad T ducto, describet areas temporibus magis proportionales, & figuram ad formam Ellipsis, cujus umbilicus T , magis accedentem; si T eadem lege, quâ L , versus s attrahitur, quam si multo minus aut multo magis attrahatur.

Nam, per præcedentem, perturbatio proportionalitatis arearum & temporum, & deformitas figuræ Orbitæ oriuntur præcipue à vi per MN representata. Et igitur areæ ac tempora ad proportionalitatem, & Orbita $GCBD$ ad figuram Ellipticam tum maxime accedunt, ubi MN vel nulla est, vel quam fieri potest parva: hoc est, ubi corporum L & T attractiones acceleratrices SM, SN (quarum differentia MN) sunt fere æquales; sive, quod non multum abluat, ubi E corporum L & T attractiones acceleratrices factæ versus s accedunt, quantum fieri potest, ad æqualitatem: (Nam etiam altera pars attractionis acceleratricis corporis L ad s per SA expositæ, nempe AM , quamvis dictam proportionalitatem omnino non turbat, tamen Ellipticam figuram deformem reddit;) id est, ubi SN , attractio acceleratrix corporis T versus s , non est nulla; (nam ex superius ostensis attractio SM ad minorem MN



reducitur per sN attractionem,) neque minor minimâ attractionum omnium sM , (alias MN esset in omni situ corporis L magna nimis,) sed inter omnium sM maximam & minimam quâsi media; hoc est, non multo major neque multo minor attractione sK . Itaque corpus L radio ad T ducto describet arcus temporibus magis proportionales, & figuram ad formam Ellipsis magis accedentem, si T eâdem lege, quâ L , versus s attrahitur, quam si multo minus aut multo magis attrahatur. Quod erat demonstrandum.

Hæc eadem obtinent si, reliquis manentibus, corpus L non revolvatur circa T ; sed utrumque T & L circa s . Nam, ut in præcedente dictum est, demonstratio eadem est siue corpus perturbans moveatur siue non.

SCHOLIUM.

Similiter colligetur quod, si Systēma corporum P & L , l , λ circa s revolvatur, (ut in Prop. LIX.) Orbitæ descriptæ propius accedent ad Ellipticas, si corpora omnia iisdem attractionum legibus agitentur, quam si quovis modo dictæ leges non obtineant: & commune gravitatis centrum corporum P , L , l , λ Orbitam describet, cujus umbilicus est in communi centro gravitatis corporum omnium interiorum; ut in Corol. Prop. LVI.

PROPOSITIO LXIII.

EX actione mutua Telluris & Lunæ, illarum commune centrum gravitatis in Orbe magno circa Solem movetur. Similiter commune centrum gravitatis Jovis ejusque satellitum, & Saturni comitumque Saturniorum, in Orbitis Jovis & Saturni, Prop. LVIII. definitur, feruntur.


Quoniam (per Propositiones XLVI. & XLVII.) Luna gravis est in Terram, & vicissim Terra in Lunam; Jovis satellites in Jovem, & vicissim Jupiter in satellites; Saturni comites in Saturnum, & vicissim hic in illos; propositum patet ex Prop. LIX. Et quoniam (per Corol. Prop. XLVII.) Sol, Planeta quisque primarius, ejusque secundarii iisdem attractionum legibus agitantur, secundarii cujusque Orbita est proxime Ellipsis umbilicum in primarii centro habens, per præcedentem. Perturbantur autem satellitum motus, ut in Propositionibus LX. & LXI. ostensum est, variisque afficiuntur inæqualitatibus de quibus infra locis propriis agitur.

PROPOSITIO LXIV.

Propter Telluris figuram, puncta Equinoctialia regrediuntur; & Axis Terræ, singulis revolutionibus annuis, bis mutat inclinationem ad Eclipticam, & bis redit ad inclinationem priorem.

Propositione XXXIII. axem Terræ consideravimus quasi sibi perpetuo quam exactissime parallelum; quia tunc unius tantum annuæ revolutionis Phænomena erant explicanda, quo temporis spatio paralle-

rallelismum suum quamproxime conservat. Verum, propter Telluris figuram Sphaeroidem prolatam, ex causis Prop. xxxi. indicatis ortam, res paulo aliter se habebit. Sit $\nu \odot \omega$ Orbita Telluris circa Solem \odot , $\lambda \epsilon \beta \gamma$ ipsa Tellus, cujus poli λ & β , \mathcal{A} Equator $\epsilon \gamma$. Et quoniam (per Prop. xxxi.) Terra est figuræ Sphaeroides prolatae, (depressæ ad polos λ & β , & versus æquatorem $\epsilon \gamma$ elevatæ,) erit hæc instar Globi Annulo in hærentis: supplet enim vicem Annuli iste materiæ excessus in regionibus \mathcal{A} Equatoris. Et igitur (per Corol. Prop. Lxi.) Annuli huius Nodi regredientur: hoc est, Tellus digressa à ω , (ubi communis intersectio Eclipticæ & terrestres \mathcal{A} Equatoris versus Solem \odot dirigitur, ac proinde Sol in \mathcal{A} Equatore cœlesti visus \mathcal{A} Equinoctium efficit,) per γ versus ν , prius ad Nodum ν pertinet, quam ad ν punctum ipsi ω oppositum pervenerit: & Tellus ab ν per \odot versus ω progressa prius ad novum Nodum ω perveniet, quam ad ω , ubi in priore revolutione erat Nodus: id est, \mathcal{A} Equatoris Terrestris planum productum per Solem prius transibit, quam Telluris centrum ad ω pertingat. Sed tum celebratur \mathcal{A} Equinoctium, cum Sol in plano \mathcal{A} Equatoris Terrestris reperitur; (ut fusc supra ad Prop. xxxiii. ostensum est;) illaque pro punctis \mathcal{A} Equinoctialibus recte habentur, in quibus Sol videtur tempore \mathcal{A} Equinoctiorum. Quare patet puncta \mathcal{A} Equinoctialia, & cum his omnia Eclipticæ puncta quatenus nominibus insigniuntur, (quippe ab \mathcal{A} Equinoctialibus pendentia & inde numerata,) regredi videri, sive in antecedentia moveri; si Stellæ Fixæ pro immotis habeantur. Verum si Eclipticæ puncta pro immotis habeantur, Fixæ tantundem in consequentia moveri censebuntur.



Punctorum \mathcal{A} Equinoctialium regressus hætenus explicatus ab actione Solis in Annulum Telluri ad \mathcal{A} Equatorem circumdatum, sive materiam ad \mathcal{A} Equatorem redundantem, procedit; ut Corol. Prop. Lxi. ostensum est: Sed & Lunæ etiam in eundem Annulum magnæ sunt vires, ut ex Scholio dictæ Prop. Lxi. ejusque Corol. liquet; nam cum hæc in Eclipticæ plano aut non procul ab eo perpetuo hæreat, in eundem cum Sole conspirabit effectum.

Porro, in semi-revolutione Telluris circa Solem à ω per γ ad ν , inclinatio \mathcal{A} Equatoris ad Eclipticam per Solis actionem minor est quam cum Tellus erat in ω : Estque hæc minima cum Terra est in γ , (per Prop. Lxi.) Nodis Annuli in Solis Quadrato versantibus. Et cum Tellus ad ν , & Nodi ad Solis Syzygias pervenerunt, rursus restituitur præcedens inclinatio: & in transitu ab ν per \odot ad ω , similis dictæ inclinationis imminutio rursus accidit; simulque cum \mathcal{A} Equatore Telluris Axis oscillatur: Axis igitur Terræ, singulis revolutionibus annuis, bis mutat inclinationem ad Eclipticam, & bis redit ad inclinationem priorem; quod & singulis mensibus periodicis, bis quoque ex actione Lunæ fiet. Oscillatio vero hæc vix erit sensi-

bilis, dum interim regressus punctorum Eclipticæ est omnibus notus, licet ab iisdem viribus ortus. Nam, in singulis Æquinoctiis, Axis Terræ inclinatio ad Eclipticam redit ad priorem magnitudinem, & decursu annorum sensibilior non evadit: regressus vero punctorum Eclipticæ continuo fit versus anteriora, nec unquam in pristinum locum restituuntur Æquinoctialia puncta, nisi post perfectum integrum circulum. Et quæ in uno anno, aut semisse anni, (quo temporis spatio tota inclinationis Axis Terræ mutatio finitur,) insensibilis prorsus est mutatio, plurium annorum decursu satis fit sensibilis; cum semper ad easdem partes fiat. Propter Telluris igitur figuram, puncta Æquinoctialia regrediuntur, & Axis Terræ singulis annis bis mutat inclinationem ad Eclipticam, & bis redit ad inclinationem priorem. Q. E. D.

PROPOSITIO LXV.

Comune centrum gravitatis Solis omniumque Planetarum & Cometarum quiescit; quod proinde pro centro Systematis Solaris, ipsiusque adeo Mundi, habendum est.

Demonstratum est à Philosophis Prop. L. citatis, commune gravitatis centrum, ab actionibus corporum in se invicem, non mutare statum suum motus vel quietis: sed Systematis corporum plurium eandem esse legem atque corporis solitarii, quoad perseverantiam in dicto statu; cum tam illius quam huius motus progressivus per motum centri gravitatis fit æstimandus. Systematis igitur Solaris commune centrum Gravitatis vel quiescit, vel movetur uniformiter in directum; siquidem, excludendo vim externam, hic est status corporis solitarii. Posterius dici nequit, cum sic circumjectarum Fixarum aliæ fierent viciniore quam prius, aliæ remotiores; earumque proinde situs & ordo decursu temporis sensibilibiter mutaretur, contra observata. Cumque in præcedentibus ostensum sit Solem, Planetas, & Cometas omnes graves esse in se mutuo, & proinde perpetuo agitari, (solo communi illorum centro gravitatis quieto manente,) patet illorum cujuscvis centrum mobile pro Systematis Solaris centro haberi non posse, sed prædictum commune centrum Gravitatis immobile.

Quod si non punctum invisibile prædictum, sed corpus aliquod insigne illi maxime propinquum, pro istius Systematis centro sit habendum, erit illud Sol; quippe qui, propter ingentem materiæ quantitatem quam præ cæteris continet, à prædicto communi Gravitatis centro vix unquam distat sensibiliter.

Porro, si universæ corporum omnium compagi (sive Mundo) figura competat, limitesque statuantur; aliud nullum Systema potiori jure ejus meditullium vendicat, quam Solare nostrum: aliudque igitur nullum centrum, quam supra definitum, Mundo convenit. Quod erat demonstrandum.

SECTIO

SECTIO X.

De Causis & Ratione motus Planetarum à Philosophis adductis.

EXposito hæcenus Mundi Systemate, generatim quidem & quatenus proposito nostro hucusque sufficit, & motuum magnorum Mundi corporum Causâ explicatâ, analogâ vel potius eadem (uti decet) cum illa quam apud nos quotidie experimur; Gravitate nempe omnium corporum versus omnia, cujus eadem est Lex atque Gravitatis nostræ, vel alterius Virtutis cujusvis naturalis per rectas lineas in uno puncto concurrentes propagatæ; hoc est, jactis præcipuis Astronomiæ Physicæ fundamentis, Ordo postulat, ut eorundem effectuum Causas & Rationes Physicas ab aliis adductas etiam consideremus, simul & dispiciamus num illæ, æque ac superius explicatæ, quæsito satisfaciant. Per causas vero, de quibus hic est sermo, non intelligimus ultimas illas, quarum nullæ rursus sunt causæ; sed quales apud nos experimur, quarumque vires calculo æstimare valemus, earumque proprietates, sicut & aliarum quarumvis quantitatum, geometricè investigare; qualis est Lux, ex cujus consideratione variæ ortæ sunt scientiæ, Optica nempe, Catoptrica & Dioptrica; Gravitatis, cujus symptomata considerat Statica, omnisque ferme Mechanica: quamvis neque Lucis neque Gravitatis rationes ultimas norint istarum scientiarum cultores, neque olim noscent.

Duæ sunt celebriores Sectæ Philosophiæ hujus Cœlestis, quæ motus corporum Mundanorum causas explicare conatur, *Kepleriana* nempe & *Cartesiana*: Nam de illa, quæ solidos orbes in cœlos invexit & intelligentias illis rotandis præfixit, non opus est nunc verba facere, cum & parum Philosophica sit & à superioris sæculi Astronomis plus satis confutata. Utramque breviter describemus, & rationes subnectemus cur neutra sit Cœlestis, ostendendo quod corporum, ut Philosophi illi volunt, motorum non erunt eadem Leges quæ in corporibus Cœlestibus obtinere deprehenduntur. Et primo quidem *Keplerianam Physicam, Lib. iv. Epist. Astr. Copernicanæ* traditam, breviter suis plerumque verbis explicabimus.

PROPOSITIO LXVI.

Kepleri *Physicam Cœlestem, sive Causam & Rationem, cur Planetæ in orbibus circa Solem deferuntur, quam adduxit Jo. Keplerus, summam & breviter explicare.*

Summus hic Astronomus vult Solis ingens corpus, cætera immotum, in ipso rerum exordio ab Omnipotentia creatrice fuisse in gyrum actum circa axem positione datum; & ne ex inertia materiæ paulatim langueat hic motus, illum perpetuâ vel Creatoris vel Animæ ad hoc destinatæ Curâ sustentatum esse: quod etiam in Telluris &

& aliis universi globis circa proprios axes rotatis obtinere vult. Sol, gyratione hæc Corporis sui, circumferens speciem sui Corporis immateriatam per amplissima Mundi spatia, Planetas illâ prehenso, more vectis, una circumfert. Species hæc est Solis virtus per lineas rectas in omnem Mundi amplitudinem emissâ, quæ, eo ipso quod species est corporis, una cum corpore Solis rotatur instar rapidissimi vorticis, totam illam circuitus amplitudinem, ad quam tamcunque pertingit, æque celeriter pervagans atque Sol circa axem se convertit; & proinde Planetam flumini huius quasi immersum secum vehit. Advertendum porro, præter hanc vim in Sole vectoriam, esse etiam naturalem inertiam in Planetis ipsis ad motum, quâ sit ut inclinati sint, materiæ ratione, ad manendum in loco suo. Pugnant igitur inter se potentia Solis vectoria, & inertia Planetæ materialis. Utraque suam partem habet victoriæ; illa Planetam sede sua emovet; hæc sumit, hoc est Planetæ corpus, nonnihil eripit è vinculis illis, quibus à Sole erat prehensum, ut ab alia atque alia circularis huius virtutis parte apprehendatur: ab ea sc. quæ proxime succedit illi, ex qua Planeta se modo extricaverat. Et quia virtus ista Planetam vehens, ex corpore Solis effluens, eandem imbecillitatis gradus habet in diversis intervallis quos habet ipsa Lux; potentia hæc vectoria, more illuminationis, de crescit crescente distantia à Sole: unde Planetam ad maiorem à Sole distantiam positum tardius circumvehet, & proinde illius tempus periodicum, ex hoc capite, maius constituet. Porro, cum similis potentia vectoria ex corpore Planetæ cujuscvis, circa axem proprium moti, etiam propagetur; fiet ut hæc Planetas secundarios, quos in flumine hoc vorticis immateriati offendit merfos, etiam similiter deferat; qui Primarium suum rursus non deferent, quippe qui à specie corporis Solaris circa Solem, æque ac primarii, & una cum illis, deferuntur. Atque hisce solis positis, patet primarios Planetas circa Solem deferendos in circulis Soli concentricis, in plano circuli in Sole maximi inter Polos medii, & secundarios similiter circa suos Primarios.

PROPOSITIO LXVII.

Modum, quo ex allatis principiis Keplerus deducit periodica Planetarum tempora reperiri exactissime in proportionem suorum orbium seu circulorum sesquialtera, explicare.

Proportionem hanc in corporibus Cœlestibus obtinere primus observavit *Keplerus*, magno Astronomiæ veræque Physicæ com- modo; quod nempe, in rotatione Planetarum primariorum circa Solem, & secundariorum circa Primarium quemque, Quadrata temporum periodicorum eandem habeant proportionem quam Cubi semidiametrorum suorum orbium sive distantiarum à Sole; sumendo nempe distantias mediocres, & abstrahendo ab excentricitate. Hanc autem ex suis principiis modo sequenti deduxit. Cum Solis potentia vectoria (quâ Planetæ circumducuntur à vortice immate-
riato

riato five flumine speciēi Solaris,) more illuminationis decreſcat
 creſcente diſtantiā à ſonte five Sole, (hoc eſt, in ratione duplicata
 diſtantiæ,) & vires ſuas ſecundum ſuam dimenſionem (nempe in
 longum) tantum exerat; Potentia hæc vectoria in hoc effectu produ-
 cendo (Planetam nempe circumducendo) minuetur in ſimpla tantum
 ratione diſtantiæ à Sole auctæ: Cumque (ex rationibus archetypicis)
 ponat moles corporum Planetariorum eandem habere rationem
 quam habent illorum diſtantiæ à Sole; potentia Solis vectoria æqua-
 les vires in unumquemque Planetam circumducendum impendet;
 nempe tanto majores ob majorem Planetæ molem five magnitudi-
 nem, in quam ſpecies motoria incurrit, quanto imbecillior eſt vir-
 tus motoria in iſta diſtantiā, & in eadem ratione; diſtantiæ nimirum
 à Sole. Rurſus, concinnitate Geometricā adductus, ſtatuit
 quantitatem materiæ in Planetis invicem comparatis eſſe in ſubdu-
 plicata ratione molis five magnitudinis; (atque ita denſitas erit in
 eadem ſubduplicata magnitudinis ratione inverſa,) hoc eſt, ut ſu-
 perius dictum, in ſubduplicata ratione diſtantiæ à Sole. Cum ergo
 tempus periodicum in Planeta à Sole remotiore majus ſit quam in
 viciniore, propter majus iter, (id eſt, majorem Orbitam,) & etiam pro-
 pter majorem materiæ copiam transportandam, (cætera vero æqua-
 le, quia æquales vires motorias in illos impenſas eſſe ſupra eſt oſten-
 ſum,) & iter majus ſit in ratione diſtantiæ à Sole, & copia materiæ
 etiam major in ejuſdem diſtantiæ ratione ſubduplicata; ob utramque
 ſimul cauſam, remotioris Planetæ majus erit tempus periodicum in
 ratione ex hiſce compoſita: Sed ratio compoſita ex ſimpla & ſubdu-
 plicata eſt ratio ſeſquialtera aut ſeſquiplicata: Quare remotioris
 Planetæ majus erit tempus periodicum quam vicinioris, in ratione
 ſeſquiplicata diſtantiarum à Sole; hoc eſt, Quadrata temporum peri-
 odicorum ſunt ut Cubi diſtantiarum à Sole. Quæ de ſecundariis
 circa primum rotatis ſimiliter intelligenda ſunt.


PROPOSITIO LXVIII.

Cauſas, cur Planetarum Orbitæ Excentricæ ſunt, à Keplero
 allatas explicare.

Cum Planeta quivis ſit corpus Solis corpori cognatum, cujus pars
 altera (Magnetis more) Soli eſt amica, altera inimica; converſo
 Solis corpore, convertitur ſimul Virtus etiam illa Solis, quā Planetam
 trahit vel repellit, prout pars ejus amica vel inimica Soli obvertitur;
 quemadmodum Magnete converſo, vis tractoria vel repellens in
 plagas mundi alias atque alias transfertur. Cumque Sol illā virtute
 ſui corporis arripuerit Planetam, ſeu trahens illum, ſeu repellens,
 ſeu dubius inter utrumque, ſecum etiam circumducit illum; tra-
 hendo quippe & repellendo retinet, retinendo circumducit. E
 Magnetibus quidem noſtris quilibet duas habet plagas diverſæ vir-
 tutis, quarum unā Magnes magnetem alterum ſecundum datam
 plagam attrahit; alterā vero eundem repellit. In cœlo res paulo

aliter est comparata. Sol enim, non unâ plagâ, sed omnibus sui corporis partibus, facultatem hanc activam & energeticam possidet attrahendi vel repellendi Planetam. Itaque credibile est centrum corporis Solaris respondere uni extremitati vel plagæ Magnetis; superficiem vero totam alteri Magnetis plagæ, cum totâ hac & non unâ tantum plagâ Planetam secundum datam plagam attrahat vel repellat.

Hicce stabilitis, palam est Planetæ corpus non in eadem ubique à Sole distantia circa Solem delatum iri; sed dum plagam amicam Soli obvertit, toto illo tempore versus Solem accedere propius, donec rectæ secundum plagam hanc ductæ, (hoc est, fibræ secundum quas virtus ista trahens propagatur à Sole,) sibi fere ubique parallelæ, non amplius ad Solem inclinantur, sed recta à Sole ad Planetam ducta est fibris hicce normalis: in quo casu, cum Sol non amplius trahit, attractionis effectus (nempe Planetæ versus Solem accessus) cessabit, & Planeta tum in maxima ad Solem propinquitate est sive in Perihelio. Circumducto interim per superius descriptam Solis potentiam vectoriam Planetâ, ejus plaga opposita & Soli inimica paulatim versus Solem dirigitur, unde continuo repellitur Planeta à Sole; idque tamdiu fiet, donec neutra plaga versus Solem inclinetur, sed recta jungens Solem & Planetam fiat iterum ad fibras virtutis normalis; & tunc Planeta in Aphelio reperietur, quippe in maxima distantia, ad quam vis Solis repellens Planetam interim circumductum remove potest. Atque ope harum fibrarum sic libratus Planeta, ut in altera Orbitæ suæ parte à Sole trahatur, in opposita vero inde pellatur, describit Orbitam, circa Solem quidem, at non ut circa suum centrum; sed Soli Excentricam. Rursus, quia species corporis Solaris, motum Planetæ concilians, in ampliori circulo tenuior & imbecillior est in ratione distantiae à Sole, quatenus hunc effectum producit, (ut in præc. Prop. ostensum est,) & interim Planeta ejusdem maneat molis & densitatis; quippe idem Planeta: patet celeritatem Planetæ diminui, cæteris paribus, in eadem ratione cum constipatione & densitate virtutis vectoriæ Solis; hoc est, in inversa ratione distantiae à Sole. Porro, virtus Solis Planetam extrudens & trahens, quæ fit secundum lineas virtuosas ex centro Solis exeuntes, & una cum Sole circummeuntes, (ut fit in reliquis operibus naturalibus,) fortis est in ratione sinûs complementi anguli, quem radius Solis continet cum fibra per quam admittitur virtus Solaris intra Planetam: Et igitur Orbita hæc Excentrica non erit perfectus Circulus, sed à lateribus paulo angustior & compressior Ellipsis evadit, cujus umbilicus alter est ipse Sol. Sed & ex istdem principiis ostendit Ellipsin circa Solem in umbilico positum ita describi, ut æquales Aræ temporibus æqualibus



æqualibus describantur per radium ad Solē ductum, quem *Vectorem* nuncupat; & universaliter areas, quas verrit radius vector, esse proportionales temporibus quibus describuntur.

Verum cum fibræ hæc libratoriæ, quarum ope Planetæ in altum libratur, sibi semper in omni Planetæ circumductione quasi parallelæ maneant, & (per supra ostensâ) ita respectu universi totius inclinentur, ut cuiusque Planetæ Linea Apfidum perpendicularis sit fibris hæc, vel in plano orbis Planetæ vel in situ huic parallelo positæ; cumque nullius è primariis Planetis axis, circa quem motu quasi diurno rotatur, hanc habeat positionem, & nulla alia præter axem hunc, eique parallelas rectas, situm eundem respectu universi conservet, si Planetæ Globus totus sit solidus & unitus; patet *Keplero* necesse fuisse intra crustam hanc Planetæ exteriorem, (cujus axis situm datum retinet, quippe circa quem Planeta motu suo diurno revolvitur,) globum à crusta prorsus separatam & divisum, & ejus motui diurno minime obsequenti ponere, cujus axis & rectæ illi parallelæ fibrarum dictarum *Libratoriæ* vicces sustinerent, & situm ad hoc opus necessarium modo descriptum conservarent; dum interim crusta exterior, pro Planetæ cuiusque indole, motu diurno sibi peculiari circumrotatur.

PROPOSITIO LXIX.

Causas, cur Planetarum Orbite sint ad Eclipticam inclinatæ, à Keplero adductas explicare.

In Physica hac *Kepleriana*, in qua nunc versamur, si nullæ ineffent Planetis fibræ (quales Prop. præc. descripsimus) quibus in altum libratur, vel si fibræ hæc latus Soli obvertant; (hoc est, neque plagam Soli amicam neque inimicam;) Planeta quivis in eadem à Sole distantia inanens perfectum circulum Soli concentricum describeret. Pari modo, Planetæ (viribus hinc solummodo ortis agitati) omnes in eodem plano, uniformi & directissimo flumine, medio quasi alveo (sive circulo inter polos convolutionis Solis medio, *Via Regiæ* dicto) circumirent. Cum vero varie hinc inde ab hac Regia via divagentur, oportet effectus huius causam non esse ab similem illi, quâ fit ut navis vento impulsâ paulatim ad latus detrudatur, respectu lineæ secundum quam, per solum ventum, moveretur; per remum sc. oblique ad puppim religatum, vel gubernaculum obliquo situ detentum. In quovis Planeta sunt fibræ (quas ab officio appellat *Latitudinis*) in plano orbis sui, vel huic parallelo, perpetuo constitutæ, quæque in omni Planetæ conversione aut motu sibi ipsis ubique parallelæ manent, ita ut, dum Planeta in nodo sive communi intersectione plani viæ Regiæ cum plano orbis versatur, fibra Latitudinis media, quæ per Planetæ centrum transit, Orbitam tangat; adeoque fibrarum omnium pars una ad unam viæ Regiæ partem, altera vero ad alteram, extra planum istud emineat, inclinata ad illud eodem angulo, quo Planetæ orbis ad viam Regiæ. Cum igitur

species corporis Solaris incurrit in fibræ medietatem insequentem exstantem, Planetam expellet quorsum tendit antecedens medietas; hoc est, secundum planum Orbitæ Planetæ dicto propriæ: Cum autem interim fibræ hæ Latitudinis maneant in situ sibi ipsis parallelo per omnem ambitum, hinc fit ut in Planeta, in limite sive maxima à via Regia remotione posito, neuter fibrarum terminus antecedit, sed fibræ velut in profundum hujus fluminis (id est, versus Solem) porrectæ, & impetum latere rectâ objecto excipientes, causam nullam præbeant ejectionis ulterioris in ullam plagam; quoad in his Limitum punctis permutatio fiat, ut ille fibrarum terminus, qui ante Planetæ appulsum ad Limitem antecessisset, jam post insequatur; antecedente altero, eoque Planeta rursus ad viam Regiam accedere incipiat. Loco enim facultatis gubernaculi in nave, vis alia fibrarum multo convenientior Planetæ inest; quod, sicut fibræ, quibus Planeta in altum libratur, naturalem habent potentiam ad retinendum situm parallelum in transportatione corporis, sic etiam inest fibris Latitudinis, præter similem vim retinendi situm parallelum, etiam naturalis potentia agilitatis, seu tuendi lineam planæ eandem, & secundum eam derivandi motum sibi illatum, in quantum quidem tendit motus in eandem plagam cum altero fibræ extremo. Quoniam vero fibræ hæ Latitudinis diversæ prorsus sunt à prius descriptis fibris quibus Sol Planetam attrahit & repellit, cum quoad naturam & officium, tum quoad situm; quia Latitudinis fibræ ubique sint parallelæ rectæ Orbitam in nodo cum via Regia tangenti, aliæ vero istæ (ex Prop. præced.) parallelæ sint rectæ eandem Orbitam in Aphelio tangenti: oportet fibras hæc secundum *Keplerum* in corporibus diversis reperiri, dummodo (ex *Kepleri* sententia) apfides progrediantur & nodi regrediantur, utut lente in Planetis primariis, & extra dubium sit hoc revera contingere in secundariis. Quare necessum habuit præter Crustam exteriorem fibris instructam, quibus axis, circa quem Planeta motu suo diurno revolvitur, sibi in toto Planetæ circuitu circa Solem parallelus conservatur, & interiorem Crustam (quæ, respectu exterioris, nuclei instar sit) ab hac prorsus separatam aliisque viribus agitatam ponere; in qua nempe resident fibræ, quibus Planeta in altum & profundum libratur: & intra hunc nucleum, sive potius Crustam, alium adhuc interiorem ponere nucleum à superiore media separatum, & aliâ gaudentem periodo, in quo fibræ Latitudinis repanduntur; cum impossibile sit in eodem solido compacto hære intertextas fibras hæc diversas, quarum diversæ sunt periodi.

PROPOSITIO LXX.

QUæ in supra explicata Physica Cœlesti Kepleriana falsa reperiuntur, breviter indicare & refellere.

Cum *Kepleri* Physicam Cœlestem impugnandam suscipimus, non eo animo illud facimus, quasi Virum hunc immortalis famæ intel-

Systema-

Systematum fabricatores & Causarum Physicarum indagatores vulgares numeremus. Etenim tantum absuit, ut è contra pene solus fuerit (si forte Antiquissimos quosdam, ut *Pythagoram* &c. excipias) qui Physicam Cœlestem more Mathematicorum tractavit. Ejus *Rationes Archetypicæ, Concinnitates Geometricæ, & Proportiones Harmonicæ* eam ostendunt ingenii vim, qualem in Scriptoribus Astronomiæ Physicæ ante illum frustra quæras: Adeo ut harum rerum judex idoneus & æstimator æquus *Jeremias Horocius*, à *Keplero* sub studiorum suorum Astronomicorum initio licet alienus, post alios frustra tentatos *Kepleri* Doctrinam & Rationes Physicas ambabus ulnis amplexus, sic lectorem suum alloquatur: *Licet mihi Keplerum supra mortales admirari; licet egregium, divinissimum, aut si quid majus appellare; licet denique supra totum Philosophantium scholam vel unicum Keplerum æstimare. Hunc solum canite Poetæ — Hunc solum terite Philosophi; de illo certi, habere istum omnia, qui habet Keplerum.* Quid enim majus, quid divinius in hisce rebus homini accidere potuit, quam ex speculationibus harmonicis proportionem Orbium Planetariorum exactissime determinare, quam verissimam Planetarum viam circa Solem (Ellipticam nempe) primum detegere, denique quam modum verissimum iridicare, quo Planeta in semita hac incedit; sc. ut radio ad Solis centrum in Ellipsis umbilico positum ducto areas describat temporibus proportionales? Quæ vero in *Kepleri* Mechanica motuum causa displicent, hæc fere sunt.

1. Si neque Planetæ plaga amica neque inimica Soli obversa fuerit, aut si Planeta (ob debilitatem fibrarum, quibus in altum & profundum libratur) ita comparatus fuerit, ut à Sole nec attrahatur nec expellatur, (ut in Venere accidit ex *Kepleri* sententia,) tunc à circumrotata Solis specie vult Planetam perfectum describere circulum; cum tamen constet corpus, quod non urgetur à vi ad centrum tendente, circuli peripheriam non describere, sed rectam. Cum ergo Planetarum orbitæ etiam in hoc casu circulares sint, patet illas ab alia vi, præter illam ab obversa plaga amica oriundam, versus centrum trahi.

2. Dum Planeta à perihelio ad aphelium à Sole ascendit, plaga Soli inimica ad Solem obvertitur, unde & à Sole repellitur, & in hoc casu urgetur hac solâ vi, quæ in recta Solem & Planetam jungente dirigitur. In Mechanicis vero notum est tantum abesse ut Planeta hac solâ vi agitur describat Ellipsin cui umbilicus est Sol, ut curvâ e contra describeret versus Solem convexam. Quare necesse est ut Planeta, cujus semita est Ellipsis cui Sol est umbilicus, urgeatur, etiam dum à perihelio ad aphelium ascendit à Sole, à vi ad Solem tendente, cum Ellipsis sit versus utrumque umbilicum cava. Toto ergo cœlo aberrat *Keplerus*, dum Planetam vult à Sole repelli in ascensu ad aphelium, aut dum Planetam vult neque trahi neque repelli, dum circulum perfectum Soli concentricum describit: Nisi enim in utroque casu trahatur vel alias impellatur ver-

fus Solem, curvam versus illum cavam non describet: Nam retineri absque tractione omnino non potest.

3. Dum in proportionem orbium Planetariorum inquit, quædam assumit observationi plane contraria, utut rationibus archetypicis, quas sibi imaginatus est, satis congrua: Nempe quod corporum Planetariorum magnitudines sunt ut ipsorum distantiae à Sole; quodque eorundem densitates sunt inverse in subduplicata ratione magnitudinum. Unde sequitur quantitatem materiæ in Planetis esse directe in subduplicata ratione distantiarum à Sole: Quippe materiæ quantitas est ut magnitudo & densitas conjunctim. Vulgo autem notum est Martem esse mole minorem Venere, qui tamen secundum *Keplerum* deberet esse Veneris duplus; quippe duplo magis à Sole distans. Observationes produnt Jovis Globum esse Saturno majorem, qui tamen fere duplo minor esset per prædictam regulam. Potuisset tamen ex sibi notis & à se primum detectis, (nempe quod Planetæ via est perimenter Ellipsis cujus umbilicorum alter est in Solis centro, quam ita percurrit ut radius vector areas verrat temporibus proportionales,) absque consideratione magnitudinis & densitatis Planetarum, geometricè deducere tempora periodica Planetarum, circa commune centrum revolvendum, esse in sesquialicuta ratione majorum axium, sive distantiarum mediocrium à Sole. Verum proportionem Orbium Planetariorum horumque numerum, ex intervallis ad interpositionem quinque Corporum Regularium necessariis, deduxisse *Keplerum* credibile est; & tales postea magnitudines & densitates Planetis tribuisse, unde eandem hanc proportionem alio ordine exstrueret.

4. Ut taceam virtutem parum Mechanicam, & Animalì vi proximam, quam tribuit Planetarum fibris, quibus in altum libratur, & illis, quibus in latum excurrunt; (hisce quidem naturalem potentiam agilitatis, illis vero, in una plaga totius corporis Solaris appetentiam, in altera fugam;) & hinc oriundam Planetæ cujuscvis divisionem in Corticem, & Nucleum à cortice separatum, & in illius cavitate diversâ periodo libratum, & in quibusdam Nucleum rursus hunc interiore nucleo similiter gravidum: Ut inquam supradicta parum Mechanica, & à Naturæ more aliena taceam; Systema *Kepleri* de modo quo Sol Planetas circumagit, attrahit & repellit, ita constitutum est, ut primæ fere motûs & Naturæ legi adversetur, quâ cautum est, ut actioni contraria semper sit & æqualis reactio. Nam secundum *Keplerum* in Epit. Lib. iv. *Non Planetis ipsis, sed Soli tantum inest Virtus ista expulsionis & attractionis. Et licet vis Solis tractoria & repulsoria porrigatur ad Planetas, Planetæ vis similis non porrigitur ad Solem.* Si enim hoc fieret, agnoscit quod Sol à Planetis in proportionem corporum conversa, situ suo, quem habet in centro mundi, emoveri, vel saltem titubare deberet, jam huc jam illuc protractus, prout multi Planetæ ab uno latere, simili inter se facultate, in Solem ingruerint. Hoc vero modis omnibus effugit, negatâ mutuâ attractione & expulsionem. Oblitus erat *Keplerus*

plerus veræ doctrinæ de Gravitate, quam ante XL annos in *Introductione ad Commentarios in Stellam Martis* stabilivit, hæc axiomatibus fultam: *Quod gravitas est affectio corporea mutua inter cognata corpora ad unionem seu conjunctionem. Duo corpora non impedita coirent loco intermedio, quodlibet accedens ad alterum tanto intervallo, quanta est alterius moles in comparatione; adeoque si Luna & Terra non retinerentur, quælibet in suo circuitu, Terra ascenderet ad Lunam quinquagesimâ quarta parte intervalli; Luna descenderet ad Terram 53 circiter partibus intervalli, ibique jungerentur; posito tamen quod substantia utriusque sit ejusdem densitatis. Quod Luna proleat aquas terrestres; unde fit fluxus, ubi sunt latissimi alvei Oceani; aquisque spacioſa reciprocandi libertas. Et si Terra cessaret attrahere ad se aquas suas, aqua marinæ elevarentur & in corpus Lune influerent. Neque se auditvit respondentem & obviam euntem incommodis supra recensitis titubationis Solis ejusque emotionis à centro mundi, dum sic ait: Nam tanta est moles, tanta densitas in materia corporis Solaris, tanta ejus vis attrahendi pellendique, tanta vicissim exititas & Planetæ, & renitentia ejus, ut Sol de statu suo nihil periclitetur.*

Ex supra traditis patet, quam parum abfuerit inclytus hic Philosophus & Astronomus à veræ Physicæ Cœlestis inventione, (qui etiam in *Epit. Astr. Lib. v. §. 1.* dixerat, *Ut Sol trahit Planetam, sic Terra trahit corpora; ob quem tractum corpora dicuntur gravia*), quantaque ad hanc auxilia contulerit, quamque recte vaticinatus fuerit, dum ait, *Verissimæ causæ, & quantitates, & plagæ motuum Apſidum, & Nodorum Planetarum, & reliqua hujusmodi latent in pandectis ævi sequentis, non ante discenda, quam librum hunc Deus Arbiter seculorum recluserit mortalibus.*

PROPOSITIO LXXI.

CArtessii *Physicam Cœlestem, sive Causam & Rationem cur Planetæ in orbibus circa Solem deferuntur, quam Renatus Des Cartes commentus est, summam & breviter explicare.*

Qui Physicas motuum Cœlestium causas eruere sunt conati, ad unum fere omnes illas à Solē petunt. Nam numeros fere omnes probabilitatis implent Solis in suo spatio rotatio circa axem immobilem, in plagam eandem in quam omnes Planetæ sequuntur, & periodo quidem breviorē quam illi proximus Mercurius, sed Planeta quivis periodo majori quo à Sole remotior; & Planetarum etiam primariorum rotatio circa proprios axes; & secundariorum circa hos rursus primarios, sicut primariorum circa Solem: omnes versus eandem plagam, & in eodem fere plano. Phænomena enim hæc altā velut voce exclamant, vel omnem hunc primariorum Planetarum motum à motu Solis oriri, vel saltem tam hunc quam illum ab una communi causā dependere. Hinc factum est, ut Philosophorum multi

multi Planetas ab æthere, circa Solem ad modum Vorticis sive turbinis agitato, deferri existimarint; idque diu ante *Cartesii*, immo ante *Epicuri*, tempora. Verum *Keplerus*, qui Astrorum motus perspectiores habebat, satis videbat illos ab huiusmodi Vorticibus corporeis non deferri: Quippe si Planetæ, materiæ Vorticis innatantes & in illa quasi quieti, simul cum partibus Vorticis circumferrentur, videbat illos perfectos descripturos circulos, aliasque fortituros periodos, pro ratione distantiae à centro, quam quæ illis ex observatis competunt. Maluit ergo speciem corporis Solaris immateriatam loco materiæ in Vorticem circumrotatæ substituere, hanc ipsam interrim *Vorticis & Fluminis Cælestis* nomine indigitans. Postea vero *Cartesius*, minutias & observationes Astronomicas suisque deque habens & Mundum suo mote condere certus, Vortices postliminio reduxit; popularem utique & Philosopho aptum modum stellarum motus repræsentandi. Et quamvis Vortices fuerint ab aliis ante *Cartesium* in Cælos introducti, & à multis post illum adhibiti & in alios usus detorti, *Cartesii* tamen nomen retinent. Hocce ergo systema, quatenus propositum nostrum attingit, ex ipsius *Cartesii* verbis, *Parte tertia Principiorum Philosophiæ*, breviter describemus.

Supponit *Cartesius* omnem illam materiam, ex qua hic mundus aspectabilis est compositus, fuisse initio à Deo divisam in particulas quamproxime inter se æquales, & magnitudine mediocres, & æqualiter fuisse motas, tum singulas circa propria sua centra, & separatim à se mutuo, ita ut corpus fluidum componerent; tum etiam plures circa alia quædam puncta æque à se mutuo remota, sicque varios Vortices componerent. Postea particulas hæc æquales, intestino motu attritas, resolvit in globulos diversæ magnitudinis, quas omnes secundi elementi vocat; & fluidum quoddam ex partibus irregularibus minutissimis ab angulis globulorum detritis & maximâ celeritate in omnes partes motis constans, quod materiam primi elementi dicit. Cumque hujus major suppeteret copia, quam quæ interstitiis globulorum implendis sufficeret, reliqua versus centrum detrudebatur à globulis à centro, ex motu circulari, recedentibus, ibique in corpus sphericum collecta corpus Solis cuiusdam in cuiusvis Vorticis centro constituit. Præter motum æqualem, particulis circa centrum Vorticis primitus impressum, Sol, modo in Vorticis centro genitus, & in eandem partem cum reliqua Vorticis materia circa suum axem revolutus, & semper aliquid sui per angustos meatus qui sunt inter globulos secundi elementi versus Eclipticam, sive circulum inter polos medium, emittens, (tantundem à vicinis Vorticibus ad polos recipiens,) viam habet secum rapiendi globulos istos; viciniore quidem celerius, remotiores autem tardius. Cum autem inferiores globuli materiæ cælestis celerius moveantur quam superiores, debent etiam esse minores. Si enim essent majores vel æquales, hoc ipso haberent plus virium, ideoque ex vi centrifuga superiores evaderent. Atque hæc omnia in quovis Vortice ita se habebunt (ut dictum est) usque ad certum terminum, ultra quem globuli superiores

periores inferioribus celerius moventur, & quantum ad magnitudinem sunt æquales. Terminum hunc in Solis Vortice circa Saturni orbem aut paulo ultra constituit.

Hiscæ positis, si contingat sidus aliquod, quod in centro sui Vorticis positum Solis vicem gerit, maculis obvolutum atque sic debilitatum à Vortice Solis vicino devictum abripi; si sidus hoc minoris agitationis sit capax, five minus habeat soliditatis, quam globuli fecundi elementi, qui sunt versus circumferentiam nostri Cœli, sed tamen aliquanto plus quam aliqui ex iis qui sunt versus Solem; intelligemus sidus illud, statim atque à Vortice Solis abreptum est, continuo versus ejus centrum descendere debere, donec devenierit ad eos globulos Cœlestes, quibus in soliditate, five in aptitudine ad perseverandum in suo motu per rectas lineas, est æquale. Cumque tandem ibi erit, non amplius ad Solem magis accedet, neque etiam ab eo recedet, nisi quatenus ab aliquibus aliis causis inferius recensendis nonnihil hinc inde propelletur; sed inter istos globulos Cœlestes libratum, circa Solem assidue gyrahit, & erit Planeta. Horum igitur unusquisque quiescit in ea Cœli regione, in qua versatur: Et omnis variatio sitûs, quæ in illis observatur, ex eo tantum procedit, quod omnis materia Cœli, quæ illos continet, moveatur. Secundum hoc igitur Systema nihil vetat quo minus arbitremur spatium, in quo jam unicus Vortex Solis continetur, initio in septemdecim pluresve Vortices fuisse divisum; eosque ita fuisse dispositos, ut sidra, quæ in centris suis habebant, multis paulatim maculis tegerentur, & deinde isti Vortices alii ab aliis destruerentur, unus citius, alius tardius, pro diverso eorum situ. Adeo ut cum illi quatuor, in quorum centris erant Sol, Terra, Jupiter & Saturnus, cæteris essent majores, sidera quæ in centris quinque minorum Saturnum circumstantium versabantur, versus Saturnum delapsa sint; & quæ in centris quatuor aliorum Jovi vicinorum versus Jovem; & similiter Luna Telluri vicina versus Terram; & postea Mercurius, Venus, Terra cum Luna, & Mars (quæ sidera etiam singula suum Vorticem prius habuerunt) versus Solem; ac tandem etiam Jupiter & Saturnus, una cum minoribus sideribus iis adjunctis, confluerint versus eundem Solem ipsis multo majorem, postquam eorum Vortices fuerunt absumpti: Sidera autem reliquorum Vorticum, si unquam plura fuerint quam septemdecim in hoc spatio, in Cometas abierint, in recta fere linea de Vortice in Vorticem trajicientes, & nunquam in orbem revertentes. Sicque jam videntes primarios Planetas ad diversas distantias circa Solem deferri, judicabimus id ex eo contingere, quod eorum qui Soli viciniore sunt, soliditas sit minor quam remotiorum: Atque hinc etiam fieri, quod semper eadem pars Lunæ sit Terræ obversa, vel certe non multum ab ea deflectat, quia alia ejus pars, à Terra aversa, aliquanto est solidior, & ideo Terram circumeundo majorem ambitum debet percurrere. Et videntes inferiores ex istis Planetis altioribus celerius in orbem ferri, putabimus id ex eo fieri, quod materia primi elementi, quæ Solem

M

com-

componit, celerrime gyrando vicinioreſ cœli partes, iſſque innatantes & in iis relative quieſcentes Planetas, magis ſecum abripiat quam remotiores. Jupiter autem, Terra &c. circa proprios axes vertuntur, quia antea erant ſidera lucida in aliquorum Vorticum centris conſiſtentia, & ibi proculdubio noſtri Solis inſtar gyrantia; & nunc materia primi elementi in eorum centris congregata ſimiles adhuc motus habet, ipſoſque impellit.


Denique non putandum eſt omnia centra Planetarum accurate in eodem plano ſemper conſiſtere, nec circulos, quos deſcribunt, eſſe omnino perfectos; ſed ut in omnibus aliis rebus naturalibus contingere videmus, iſta tantum præterpropter talia eſſe, ac etiam labentibus ſæculis continuo mutari. Cum enim omnia corpora, quæ ſunt in univerſo, contigua ſint, atque in ſe mutuo agant, motus uniſcujuſque à motibus aliorum omnium dependet, atque ideo innumeris modis variatur. Unde quamvis omnes Planetæ motus circulares ſemper affectent, nullos tamen perfectos circulos unquam deſcribent; ſed modis omnibus tam in longitudinem quam in latitudinem ſemper aliquantulum aberrabunt.

PROPOSITIO LXXII. LEMMA.

Si circa eundem axem revolvantur corpora duo in eadem ab axe diſtantiâ, atque etiam alia duo ſimiliter in alia quavis diſtantiâ; dico rationem differentiæ motûs angularis priorum corporum ad differentiâ motûs angularis poſteriorum componi ex ratione translationis corporum priorum à ſe invicem ad translationem poſteriorum à ſe invicem, & ratione diſtantiæ poſteriorum ab axe ad diſtantiâ priorum ab eodem.

Motus angularis dicitur iſ, quo conficitur angulus ad axem circa quem fit motus: Unde illa dicuntur habere eundem vel æqualem motum angularem, quæ, in quantumvis inæquali diſtantiâ ab axe poſita, æquales angulos ad axem eodem tempore vel temporibus æqualibus conficiunt: Et differentiâ motuum angularium eſt differentiâ angulorum ad axem à mobilibus ſimul conſectorum.

Sint in eadem diſtantiâ ab ſaxe motûs bina corpora contigua A & B; item alia bina c & d. Moveantur poſtea utcunque, & à ſe invicem ſeparentur; nempe A in α, & eodem tempore B in β, c in γ, & d in δ. Patet jam (ex Prop. xxxiii. Elem. 6.) differentiâ motuum angularium binorum corporum A & B (nimirum angulum αβ) eſſe ad differentiâ motuum angularium binorum c & d (hoc eſt, angulum δγ) ſicut translatio priorum duorum à ſe invicem (ſive via, quâ alterum ab altero transfertur, nempe αβ) ad δγ translationem duorum poſteriorum; hoc eſt, ſi diſtantiæ ſint æquales, translationes ſunt




sunt ut differentiæ motuum angularium. Rursus, si in distantis ab axe s utrunque inæqualibus, corpora contigua bina A & B, atque alia bina E & F, ita moveantur in loca $\alpha, \beta, \epsilon, \phi$, ut differentiæ motuum angularium (sc. anguli $\alpha \beta, \epsilon \phi$) sint æquales; erunt (per Prop. xxxiii. Elem. 6.) translationes $\alpha \beta, \epsilon \phi$ ut distantiæ s A, s E. Adeoque (per Prop. xxiii. Elem. 6.) si neque distantiæ ab axe, neque differentiæ motuum angularium fuerint æquales; ratio translationum componetur ex ratione differentiarum motuum angularium, & ratione distantiarum ab axe: Et ideo (auferendo ab utraque parte rationem distantiarum ab axe) ratio differentiarum motuum angularium componitur ex directa ratione translationum corporum à se invicem & inversa ratione distantiarum ab axe motis. Q. E. D.

PROPOSITIO LXXIII. LEMMA.

SI curva DCE sit ita versus rectam AE, infinite versus E productam, relata, ut demissa ex quovis curvæ puncto ad AE recta perpendicularis CB sit reciproce ut cubus rectæ AB interceptæ inter B & A punctum in recta EA datum; erit spatium interminutum BCEE, inter rectas CB, BE & curvam CE comprehensum, inverse ut quadratum rectæ AB.

Vocetur AB, X; BC, Y: & quoniam Y est ut $\frac{1}{X^3}$; erit $Y = \frac{1}{X^3}$ ductæ in constantem quandam five invariata quantitate; sit hæc a^3 , ut observetur lex homogeneorum: hoc est, $Y = \frac{a^3}{X^3}$; five $Y = a^3 X^{-3}$. Adeoque summa omnium Y (five quantitas fluens cujus fluxio est X, ejusve valor $a^3 X^{-3}$) erit $-2 a^3 X^{-2}$: hoc est, ut Geometris notum, area ad alteras rectæ BC partes jacens, nempe area BCEE, æqualis est $\frac{2a^3}{X^2}$. Et, quia $2a^3$ est quantitas data, est area BCEE ut $\frac{1}{X^2}$; hoc est, inverse ut quadratum rectæ AB: five area BCEE ad arcam bCEE sicut ABq ad ABq. Q. E. D.



PROPOSITIO LXXIV. LEMMA.

SI Corporum duorum contiguum unum super alterum gliscat, & idem fiat in aliis duobus corporibus, eadem Vi atque priora versus se invicem pressis; dico impressionem factam à frictione priorum in se mutuo esse ad similem impressionem posteriorum in ratione composita ex ratione translationis priorum ad translationem posteriorum, & ratione superficiæ, quâ priora se mutuo contingunt, ad superficiem, quâ posteriora se mutuo contingunt; nempe in quibus impressiones fiunt.

Si superficies contiguæ essent perfecte lubricæ, nulla foret corporum impressio in se mutuo, dum gliscunt. Patet vero suppositionem

nem maxime naturalem esse, quod resistentia, quæ oritur ex defectu lubricitatis partium, est (cæteris paribus) proportionalis velocitati quâ partes separantur à se invicem; hoc est, si superficies contiguæ æquales fuerint, quod resistentia, & hinc orta impressio corporum in se mutuo, proportionalis est velocitati relativæ; five huic, in dato tempore, proportionali translationi corporum. Quod si translationes (five velocitates quibus corpora separantur ab invicem) fuerint æquales, resistentiæ five impressiones sunt inter se ut superficies in quibus corpora bina & bina se contingunt. Et igitur, cum neque superficies, neque translationes æquantur; sed reliqua omnia, (ut vis corpora versus se invicem premens, defectus lubricitatis &c.) erunt impressiones, quas corpora bina & bina in se mutuo faciunt, in ratione composita ex ratione superficierum contiguarum & ratione translationum ab invicem. Q. E. D.

PROPOSITIO LXXV.

Si sphaera solida in fluido uniformi & infinito, circa axem positione datum, uniformi cum motu revolvatur, & ab hujus impulsu solo agatur fluidum in orbem, perseveret autem fluidi pars unaquæque uniformiter in motu; dico quod tempora periodica partium fluidi erunt ut quadrata distantiarum à centro sphaeræ.

Designet A E H sphaeram uniformiter circa axem s rotatam. Fluidum infinitum sphaeræ undique circumfufum divisum intelligatur in orbes innumeros concentricos ejusdem crassitudinis, quorum quisvis per se spectatus solidus est; hi vero designentur per circulos B F K, C G L, D M N, &c. Quoniam fluidum sic divisum homogeneum ponitur; (hoc est, omnes ejus partes æqualiter compressæ;) impressiones contiguarum orbium in se mutuo factæ erunt (per Lem. præc.) ut eorum translationes ab invicem, & superficies contiguæ in quibus impressiones fiunt conjunctim. Si impressio in orbem aliquem major est vel minor ex parte concava, quam ex parte convexa, prævalebit impressio fortior, & velocitatem orbis vel accelerabit vel retardabit, prout in eandem plagam cum ipsius motu, vel in contrariam dirigitur. Proinde, quoniam (ex hypothefi) fluidum in motu suo uniformiter perseverat, impressiones ex utraque parte cujusque orbis, in plagas contrarias factæ, æquales sunt; & ideo ratio quæ æqualis est rationi impressionum (nimirum ratio composita ex rationibus translationum & superficierum contiguarum) est etiam ratio æqualitatis. Unde translationes sunt reciproce ut superficies contiguæ; hoc est, reciproce ut quadrata distantiarum à centro: Sed (per Prop.

LXXII.)



LXXII.) differentiæ motuum angularium sunt ut translationes directæ, & distantiae à motûs centro inverse: Et igitur dictæ differentiæ motuum angularium orbium concentricorum sunt reciproce ut quadrata distantiarum à centro, & reciproce ut distantiae à centro conjunctim; hoc est, reciproce ut cubi distantiarum à centro. Ergo, si ex omnibus punctis rectæ sz ex centroeductæ, ubi superficies contiguæ orbium concentricorum illam secant, (nempe A, B, C, D , &c.) erigantur ad sz normales Aa, Bb, Cc, Dd , cubis ipsarum sA, sB, sC, sD , &c. reciproce proportionales; erunt hæ ordinatæ respectivè ut prædictæ differentiæ motuum angularium respectivorum orbium concentricorum, & summæ harum ordinarum ut summæ dictarum differentiarum; hoc est, (cum orbis extimus seu infinite diffusus omnino non moveatur,) ut motus toti angularis. Si jam crassitudo orbium minuat in infinitum, (quomodo circumfusus medium catenus fit uniformiter fluidum,) summæ prædictarum ordinarum fient arcæ Aza, Bzb, Czc, Dzd , &c. Adeoque motus toti angulares orbium Bfk, Cgl, Dmn , &c. sunt ut arcæ Bzb, Czc, Dzd , &c. respectivè. In figura vero Aza ordinatæ Bb, Cc, Dd , &c. sunt reciproce ut cubi rectarum sB, sC, sD , &c. Unde (per Prop. LXXIII.) arcæ Bzb, Czc, Dzd , &c. sunt inverse ut quadrata rectarum sB, sC, sD , &c. Et idco, motus angulares orbium Bfk, Cgl, Dmn , &c. sunt inverse ut quadrata suarum semidiametrorum sB, sC, sD , &c. Sed tempora periodica sunt motibus angularibus reciproce proportionalia: Ergo tempora periodica orbium Bfk, Cgl, Dmn , &c. sunt in ratione directâ (quippe reciproca inverse) suarum distantiarum à centro s ; nempe rectarum sB, sC, sD , &c. Adeoque patet propositio, si medium sphaeræ circumfusum constare intelligatur ex innumeris solidis orbibus tenuissimis concentricis. Si vero ductæ intelligantur infinitæ rectæ quamplurimæ continentes cum axe angulos æqualibus excessibus se mutuo superantes, & his rectis circa axem revolutis, & superficies conicas describentibus, concipiantur orbes in annulos innumeros secti; annulus unusquisque habebit annulos quatuor sibi contiguos, unum interiorum, alium exteriorum, & duos laterales, ex eodem orbe resectos. Attritu interioris & exterioris nequit intermedius aliter moveri quam prius ante sectos orbes: alioquin partes fluidi non perseverarent in motu suo uniformiter; sed medius iste in motu suo acceleraretur vel retardaretur, (ut prius de orbibus integris ostensum,) contra hypothesin. Et propterea annulorum series quælibet, à solida sphaera centrali in infinitum rectâ pergens, & inter duas proximas superficies conicas comprehensâ, movebitur eodem prorsus modo quo hæ ipsæ movebantur ante divisionem orbium in annulos; nisi quatenus quisque in hac serie annulus impeditur ab attritu annulorum ad latera. Hic vero attritus nullus est, quia annuli omnes à media sphaera solida æqualiter distantes, (hoc est, ex eodem orbe resecti,) eodem tempore revolvuntur: Nam si hoc non fieret, sed qui versus polos citius vel tardius circuitus suos absolverent,

quam qui sunt versus circulum inter polos medium; tardiores ex attritu mutuo incitarentur & velociore retardarentur, contra hypothesin, quā supposuimus fluidum perseverare in motu suo uniformiter. Cum ergo annulorum omnium, in eadem distantia à centro, idem sit tempus periodicum, revolventur similiter ac si ex orbe solido nondum essent resecti; hoc est, absque attritu: & ideo eadem lex etiam in hoc casu orbium in annulos resectorum obtinet, quæ prius obtinebat ante orbium divisionem; hoc est, annulorum singulorum tempora periodica erunt ut quadrata distantiarum ipsorum à centro medię sphaeræ solidæ.

Dividatur jam annulus unusquisque, sectionibus transversis, in particulas innumeras constituentes fluidum absolute & uniformiter tale: Et quoniam hæ sectiones non spectant ad legem motus circularis, sed ad constitutionem fluidi solummodo conducunt; perseverabit motus circularis ut prius. His divisionibus annuli omnes quam minimi asperitatem & vim attritus mutui aut non mutabunt, aut mutabunt æqualiter: & manente causarum proportionem manebit effectuum proportio; hoc est, proportio motuum & temporum periodicorum ut prius. Et igitur partium singularum, in supra descripto Vortice, tempora periodica erunt ut quadrata distantiarum à centro Vorticis. Q. E. D.

COROLLARIUM I.

Si major sit resistentia partium Vorticis in majore à centro distantia quam in minore, vel ob majorem crassitiem vel minorem fluiditatem particularum fluidum constituentium, vel ob aliam quamlibet causam; tum segnius movebuntur partes Vorticis à centro remotiores, quam pro ratione superius in Propositione stabilita: hoc est, tempus periodicum partium Vorticis à centro remotiorum erit ad tempus periodicum partium centro viciniorum in majore quam duplicata ratione distantiarum istarum particularum à centro.

COROLLARIUM 2.

Si Vortex non extendatur in infinitum, sed fluidum in Vorticem circumactum contineatur vase rigido violenter detento, diversæ figuræ à sphaerica globo centrali concentrica; movebuntur Vorticis particulae, non in circulorum peripheriis globo circumagenti concentricis, sed in lineis fere conformibus vasis figuræ; & tempora periodica erunt ut quadrata mediocrium distantiarum à centro quamproxime.

PROPOSITIO LXXVI.

QUæ in supra explicata Physica Cartesiana sunt erronea breviter indicare & refellere.

I. Cum ex Prop. Præc. pateat Vorticem quemlibet, à sphaera solida circa axem positione datum uniformiter revoluta factum, in infinitum

infinitum propagari, si non impediatur; si Mundus ex hujusmodi Vorticibus constaret, (ut ex *Cartesi* systemate fit,) fierent totidem Vortices in infinitum pergentes, quot sunt Fixæ, quarum quævis (ex mente *Cartesi*) instar Solis nostri Vorticem efficit. Neque *Vortices* definirentur certis limitibus, sed serperent & in se mutuo paulatim excurrerent. Atque hoc pacto fluidi infiniti universum constituentis pars unaquæque eo agitabitur motu, qui ex omnium sphaerarum centralium sive Solium actionibus resultat. Quantum vero hæc incertitudo absit à certo ordine, situ & motu Fixarum, quæ arctissimis vinculis calculi simplicissimi connectuntur, Astronomiæ periti judicabunt.

2. Porro, quoniam Vorticis supradicto modo geniti partes centro propiores (per præced.) celerius motæ urgent exteriores, motumque ipsis eâ actione perpetuo communicant, & exteriores illæ eandem motûs quantitatem in alias adhuc exteriores simul transferunt; quia (ex hypothesi) ea est Vorticis conditio, ut unaquæque fluidi pars perseveret in motu suo uniformiter, neque in eadem à centro distantia nunc magis nunc minus incitetur: patet quod motus perpetuo transfertur à centro ad circumferentiam Vorticis, & per infinitatem circumferentiæ absorbetur. Et proinde, ad conservationem Vorticis in eodem statu requiritur principium aliquod activum, à quo sphaera centralis (sive Sol istius Vorticis) eandem semper quantitatem motûs accipiat quam imprimit in materiam Vorticis. Unde autem tale principium activum in Sole quovis Vorticem ciente residens arceſſant *Cartesiani*, non video; cum ipse *Cartesius* paragraph. 146. *Part. Tert. Princip. Philos.* audacter dicat: *Nihil occurreret circa phaenomena Planetarum, cujus ratio ex jam dictis non facile reddatur.* Necessitatem hujusmodi principii activi in Vorticem centralibus sphaeris satis perspexit oculatissimus *Keplerus*: Adeoque ne paulatim langueat motus, in illas ab omnipotentia creatrice in ipso rerum exordio impressus, hunc vel perpetuâ Creatoris curâ, vel animæ ad id destinatæ ope sustentatum vult. Nam absque tali principio activo, necesse est ut sphaeræ centrales & Vorticum partes interiores, propagantes semper motum suum in exteriores, neque novum aliquem motum accipientes, tardescant paulatim & in orbem agi desinant. Adeoque Mundus hic *Cartesianus* absque principio hoc activo amechanico ad quietem & interitum sponte suâ vergit.

3. Agnoscentibus *Cartesio* & *Cartesianis*, corpora quæ in Vortice delata in orbem redeunt, ejusdem sunt densitatis cum Vorticis partibus, in quibus versantur, & eadem cum ipsis lege quoad velocitatem & cursûs determinationem moventur: in hoc solo differunt fluidum deferens & corpus delatum, quod corporum à Vortice sic delatorum partes datum inter se situm servant, & quod sint partes Vorticis quasi congelatæ & solidæ, nec motu intestino inter se cieri & misceri facile possint, ut partes ejus fluidæ; cætera prorsus æquales. Cum igitur Vorticis partes (per præced.) eâ lege revolvantur, ut earum

earum tempora periodica sint in duplicata ratione distantiarum à centro, Planetæ etiam circa Solem delati & in fluida Vorticis materia, cui innatant, relative quiescentes eadem lege revolvuntur. Cum ergo Tellus (*ex. gr.*) periodum suam absolvat uno anno, Saturni, cujus distantia à Sole noncupla sesquialtera est distantiae Terræ, periodus esset nonaginta annorum, cum tamen vix sit 30 annorum; similiter periodus Jovis esset 27 annorum, quæ tamen ad 12 non ascendit: & omnes superiores periodos haberent veris majores; inferiores autem veris minores. Si Vorticum patroni respondeant, Vortices non esse uniformiter fluidos, (ut in præcedente supponebatur.) sed partes Vorticem constituentes in recessu à centro esse crassiores, ut *Cartesius paragr. 82. Part. III.* ponit; tum (per Corol. I. Prop. præc.) Planetæ à Sole remotiores erunt adhuc segniores, cum tamen hæcenus (ex hoc systemate) nimis sint segnes; patetque ex hac Vorticum constitutione *Cartesiana*, longius ab observatis recedi quam si Vortices essent ex fluido uniformi compositi. Igitur cum demonstratum sit partes Vorticis lege longe aliâ revolvi quam quæ in Planetis observatur; nempe tempora partium Vorticis periodica esse ut quadrata distantiarum à centro, si materia Vorticis fuerit homogenea; vel etiam ut altiores quædam dignitates distantiarum, si materia Vorticis sit in majori distantia crassior; cum interim (per Prop. XXII.) in Planetis Quadrata temporum periodicorum sint ut Cubi distantiarum; (hoc est, Planetarum tempora periodica ut distantiarum dignitates quarum exponentes sunt 1, quæ multo humiliores sunt quam illæ quæ exponuntur per 2, vel numerum binario majorem;) palam est Planetas ab hujusmodi Vorticibus corporeis non deferri.

4. Si Vortex in infinitum extenderetur, patet (ex Prop. præc.) fluidi partem quamlibet perfectum circulum describere debere, & (ex Corol. 2.) aberrationem à via circulari procedere à vase rigido, (vel quod hujus instar est,) in quo Vorticis materia continetur. Unde clare sequitur, quo major est Vortex respectu semitæ ab ejus parte fluida (vel à Planeta simul delato) descriptæ, tanto magis Planetæ semitam ad circulum perfectum accedere debere; hoc est, Planetæ Soli propioris minorem futuram excentricitatem quam remotioris; cum tamen Observationes Astronomicæ testentur Mercurii orbitam esse multo magis excentricam quam Saturni. Rursus, quia (per Corol. 2. Prop. præc.) Vorticis particulæ simulque delati Planetæ movebuntur in lineis fere conformibus figuræ vasis, in quo fluidum continetur, Planetarum omnium Aphelia à Sole spectata erunt versus eandem Fixas posita; cum tamen Planetarum Aphelia à se mutuo longe distent, ut Jovis & Terræ, circuli quadrante; Martis & Terræ, circuli triente; Martis & Veneris sint fere opposita. Porro, materia Vorticis (more fluminis) intra cancellos angustos coarctata (per leges mechanicas) velocius moveri debet, quam dum in latiore alveo libere decurrit; idque in ratione inversa latitudinum alveorum, aut quæ harum instar sunt: Sed in principio, distantia inter orbes Martis & Veneris est ad eorundem distantiam in

in puncto opposito, (nempe in principio κ) fere ut 3 ad 2; adeoque Vorticis fluidum intermedium, Tellurem deferens, velocius feretur in eadem ratione in principio κ quam in principio ω ; utpote intra angustiores limites contentum; (nam fluidi Martem & Venerem deferentis semitæ cancellorum vel alvei vices gerunt;) hoc est, Tellus è Sole visa in principio κ dimidio velocius feretur quam cum eadem è Sole in principio ω conspicitur, vel Sol è Tellure visus in principio ω dimidio velocius inter Fixas moveri videbitur quam in principio κ : Contrarium tamen accidit, ex observatione omnium omnino Astronomorum: & Sol in principio ω è Tellure visus motu diurno conficere videtur tantum minuta prima 58, cum in principio κ integrum gradum pari tempore confecisse videatur.

5. Corpus à Vortice abreptum, & ejusdem densitatis cum partibus Vorticis inter quas versatur, in orbem rediens, si alias non impediatur, circulum describit; cujus plano perpendicularis est axis sphaeræ centralis, quâ fluidum in Vorticem circumagitur: & si corporis semita ad hoc planum inclinata sit, paulatim minuetur ista inclinatio, tandemque coincident. Etenim ex demonstratione Prop. præc. patet, quamlibet particulam fluidi Vorticem componentis hujusmodi circulum describere; quare & Planeta, qui non nisi ab hisce particulis defertur, inter eas relative quiescens talem etiam describet, & si per vim aliquam exterius ingruentem hinc deflectat, paulatim minuetur inclinatio ab occurso particularum fluidi prædictos circulos describentium, & hujusmodi circulum describet ipse, sic tandem in Vorticis fluido relative quiescens & simul cum ipso delatus. Verum ne vel unus reperitur Planeta, ad cujus orbitæ planum Axis Solis normalis est; neque per bis mille annos, quibus observationes instituuntur, inclinatio orbitæ alicujus Planetæ ad istud planum diminuta deprehenditur; neque ullæ ab hisce Philosophis Planetis assignantur fibræ latitudinis, quibus inclinatio hæc eadem conservetur. Apologia autem, quam pro Planetarum excentricitate varia, varia etiam orbitarum ad se invicem inclinatione, varioque apheliorum situ affert *Cartesius* paragr. 34. *Part. Tert. Princip.* (nempe hæc; *Sed ut in omnibus aliis rebus naturalibus contingere videmus; ista tantum præterpropter talia esse, ac etiam labentibus sæculis continuo mutari.*) plane ostendit illum in calculo Astronomico prorsus peregrinum. Quamvis enim Causas Phycas, in Syderum motibus locum obtinere non sit negandum, inæqualitates tamen casuales penitusque irregulares (quales *Cartesius* innuere videtur) in illis admittendas nullus his affuetus censet; quin potius cum acutissimo & ad speculationes Astronomicas optime comparato *Jer. Horoccio*, adversam (ut ipse ait) sententiam tutari percupiente, dicet, *Mirari nos merito funditores aliquos aut sclopetarios, qui ex balistis & bombardis suis incredibili penitus collimationis certitudine tela projiciunt. Sin autem momentaneis illis, quæ per crassum & inquietum aera moventur, tantam inesse certitudinem videamus, annon longe majorem*

expectabimus in corporibus illis perpetuis in placidissimo ac purissimo aethere aeternâ lege revolutis?

6. Cum globuli fluidum Vorticis Solaris componentes sint prope Solem minores, & proinde illorum massa, in dato spatio contenta illudque replens, minus densa quam in majore à Sole distantia; sequitur & Planetas, qui ejusdem sunt densitatis cum Vorticis particulis, quibus innatant, quo propiores sunt Soli minus esse solidos; quod & agnoscit *Cartesius* paragr. 147. *Part. Tert. Princip.* Cujus tamen contrarium inferius, proprio loco, ostendemus: nempe Planetam quemvis, quo Soli vicinior est, eo & solidiorem sive densiorem esse; hoc est, plus materiæ sub æquali magnitudine continere. Quod & melius congruit rationibus archetypicis, concinnitati geometricæ, & causis finalibus: ex quibus palam est collocasse Deum Planetas in diversis distantis à Sole, ut quilibet pro gradu densitatis calore Solis majore vel minore fruatur; & proinde densiorem Planetam esse Soli etiam propiorem, cum materia omnis densior ad operationes naturales obeundas majorem calorem requirat. Et quamvis non sit ea densitatis ratio in Planetis, quam posuit *Keplerus*; nempe reciproca radicum distantiarum à Sole; sed reciproca distantiarum à Sole ductarum in radices diametrorum apparentium: tamen hic (ubi maxime erravit) generale illud consecutus est *Keplerus* per rationes archetypicas, quod Planetæ densiores essent Soli viciniore; cum interim tempore posterior *Cartesius*, ex neglectu (aut potius contemptu) rationum archetypicarum & causarum finalium, opiniones foverit causis istis finalibus & veræ Physicæ sive mechanicæ (quæ plerumque ad idem deducunt) plane contrarias; & inter alias hanc, quod Planetarum Soli viciniorem soliditas sit minor quam remotiorum.

7. *Tycho* olim ex Cometarum motu demonstravit Planetas in solidis orbibus non moveri; quia nimirum Cometæ orbes Planetarios trajiciunt. Iidem Cometæ nunc Planetas à Vorticibus corporeis non deferri æque evidenter ostendunt; quoniam Cometæ plerumque vias valde obliquas, quandoque Zodiaci planum ad angulos rectos secantes, & nonnunquam cursui Planetarum directe contrarias sequuntur, motusque hosce liberrimos quidem diutissime conservant, universali huic legi obnoxii, quod radio ad Solem ducto areas describant temporibus proportionales; quod prorsus impossibile esset, si integra Vorticis materia circa Solem ageretur vi sufficienti ad ingentia Planetarum corpora devehenda. Neque *Cartesium* juvat, quod Cometæ ultra Saturnum relegat contra observationum fidem, (quas *Tycho* & Astronomi non detorserunt, ut hypothesebus propriis inferirent, quod innuere vult *Cartesius*;) cum Vorticis Solaris materia ultra Saturnum (secundum ipsum) momentum majus habeat ad illos secum rapiendos, quam prope Venerem & Mercurium; cum quod globuli Vorticem constituentes majores sint illic quam hic; tum præcipue quod multo celerius moveantur, quippe circuitum immentè majorem intra paucas hebdomadas absolventes; ut habet *Cartesius*

Lib. I. & GEOMETRICÆ ELEMENTA. 99
tesius paragr. 62. Part. Tert. Princip. Ex hisce ergo omnibus & singulis constat hanc Vorticum hypothefin cum phænomenis Astro-
 nomis omnino pugnare, & non tam ad explicandos quam pertur-
 bandos motus Cœlestes conducere.

PROPOSITIO LXXVII.

C*ausas Motuum Cœlestium à celeberrimo D. Leibnitio adductas recensere & explicare.*

In quærendis motuum Cœlestium causis adeo pronum est eas ab ambiente fluido æthere petere, ut Philosophi Planetas considera-
 rint circa Solem delatos similiter atque palcæ vel festucæ innatan-
 tes aquæ deferuntur ab aqua, in vorticem acta à baculo, in medio va-
 fis quiescentis circa axem suum rotato. Sententia hæc vetustissima
 neglecta diu jacuit: sed superiore sæculo à magnis Viris est re-
 fuscitata; quippe ante *Cartesium*, (de quo supra,) *Torricellio* &
 ipsi *Galileo* probata; propter rationes proculdubio sub initio Prop
 LXXI. summatim expolitas.

Tam vehementer autem placuit hæc sententia, ut acutissimus
 Philosophus *D. Leibnitius* (etiam post edita *Newtoni Princip. Math. Philos. Nat.*) illi nomen suum dederit; qui *nihil aliud superesse judi-
 cat, quam ut ostendatur quomodo cause motuum Cœlestium à moti-
 bus ætheris sive (Astronomicè loquendo) ab orbibus deferentibus
 quidem, sed fluidis oriantur.* Tam celebre inter Geometras nomen
 meretur certe, ut ejus *Tentamen de motuum Cœlestium Causis* (quod
 cum orbe literato communicavit in *Actis Erudit. Lipsiæ editis Mensè
 Februario Anni MDCLXXXIX.*) exactissime confideretur. *D. Leibnitius*
 enim (si quis alius) Vortices motibus Cœlestibus accommodare valet,
 & *Legum Cœlestium à Keplero inventarum rationes reddere.* Præser-
 tim cum aliqua in eo genere illi lux affulserit, & *inquisitio commode
 admodum & naturaliter successisse* ipsi perspicacissimo videatur, *ut
 inde in eam sit erectus spes, veris motuum Causis à se appropin-
 quatum esse.* Hujus igitur Philosophi modum magna hæc opera
 explicandi paucis & suis fere verbis trademus.

Primo, pro certo assumit *Leibnitius* omnia corpora, quæ in fluido
 lineam curvam describunt, (ipsosque adeo Planetas,) ab ipsis fluidi
 motu agi. Omnia enim curvam describentia ab ea recedere conantur
 per rectam tangentem, (ex natura motûs;) oportet igitur esse quod
 coerceat. Nihil autem contiguum est nisi fluidum, (ex hypothefi,) &
 nullus conatus coercetur nisi à contiguo & moto, (ex natura cor-
 poris;) fluidum ergo ipsum in motu esse necesse est.

Cum ex observatione exactissima constet Planetam quemlibet pri-
 marium orbitam circa Solem describere, eâ lege motûs, ut radiis à
 Sole ad Planetam ductis arcæ semper abscindantur temporibus pro-
 portionales; consentaneum est Ætherem seu Orbem fluidum cu-
 jusque Planetæ circulatione circa Solem moveri, quæ dictæ motûs
 legi congruat. Hoc vero demum fiet, si orbium innumerorum cir-
 cularium

cularium concentricorum exiguae crassitudinis, in quos orbis Planetæ fluidus cogitatione dividitur, quilibet suam habeat propriam circulationem, tanto velociorem proportionem quanto quisque est Soli propior; hoc est, si velocitates circulandi, quæ sunt in partibus fluidi, sint radiis seu distantis à Sole reciproce proportionales. Unde fit, quod, siue Planeta magis siue minus à Sole distet, sectores æqualibus temporibus à radio vectore descripti æquales sint. Nam dicti sectores sunt in ratione composita ex directa ratione radiorum seu distantiarum à Sole, & reciproca arcuum siue circulationum; ideoque (ex hujus circulationis natura) in ratione æqualitatis. Circulationem supra descriptam (ubi velocitates circulandi sunt distantis à centro reciproce proportionales) vocat *Harmonicam*, quia positis distantis à centro crescentibus æquabiliter seu Arithmetice, circulationes decrescunt in Harmonica progressionem; quippe quantitatis in progressionem Arithmetica positis reciproce proportionales, quam esse Harmonice proportionalium proprietatem vulgo notum est.

Ponit itaque Vir celeberrimus Planetam moveri motu duplici seu composito ex circulatione Harmonica orbis sui fluidi deferentis, & motu *paracentrico* accessus ad Solem & recessus ab eodem. Facit autem circulatio ætheris, ut Planeta circuletur harmonice, non velut motu proprio, sed quasi tranquillâ natatione in fluido deferente, cujus motum sequitur. Unde nec impetum circulandi velociorem retinet, quem habuerat in orbe inferiore seu propiore, sed cum elanguescentem, dum superiores (majori velocitati quam suæ resistentes) trajicit, continuo deponit, & sese orbi ad quem accedit insensibiliter accommodat; & vicissim dum à superioribus ad inferiores tendit, impetum eorum accipit. Itaque non tantum in arcibus circuli, sed & in curva alia quacunque describenda, circulatio harmonica locum habet. Nam area temporis elemento descripta, à radiis è Sole ad Planetam in alia quavis curva motum ductis abscissa, comparabiliter non differt à sectore circuli, cujus idem est angulus ad centrum, & radius præcedentium alteruter.

Alter motus cum priore motum Planetæ integrum componens (nempe paracentricus) duplici ex causa ortum ducit; nempe ex *impulsione excussoria circulationis* & *attractione Solari* (aut quod hujus instar est) inter se compositis. Cum enim omne mobile à linea Curva, quam describit, recedere conetur per tangentem; per hunc motum solum, Planeta à Vortice harmonice circulato delatus à Sole recedet. Et ejus conatus centrifugi ab Autore ostenduntur esse in ratione radiorum reciproca triplicata. Altera motus Planetæ paracentrici pars componens est attractio Solaris, siue, quæ hujus vices gerit, Planetæ Gravitas: & licet hanc vim Attractionem vocet, eam ab impulsu fluidi ambientis derivari (sicut & ipsas actiones magneticas) nullus dubitat.

Porro, quoniam ex observatione constat quemlibet Planetam primum orbitam describere Ellipticam, in cujus altero focorum est Sol, ita ut radiis è Sole ad Planetam ductis areæ semper abscindantur

tempo-

temporibus proportionales; nulla autem est in Vortice circulationis Lex, quæ ultimam conditionem adimpleat, præter harmonicam. Reliquum est ut quærat Gravitatis lex, quæ, juncta cum conatu centrifugo mobilis harmonice circulantis, motum faciat paracentricum, qui una cum circulatione harmonica mobile in perimetro Ellipsis movere facit, quam (post præmissum Lemma rationem circulationis in con Sectione ad velocitatem paracentricam ostendens) definit, Theorema sequens demonstrando: *Si mobile, quod gravitatem habet, feratur in Ellipsi (aut alia Sectione con) circulatione harmonica, sitque in foco Ellipseos centrum tam attractionis quam circulationis; erunt attractiones seu gravitatis sollicitationes ut quadrata circulationum directæ, seu ut quadrata radiorum sive distantiarum à foco reciproce.* Invenit igitur ineffe Planetis Gravitatem ad Solis centrum tendentem, cujus ea est Lex, ut sit quadrato distantiae à foco reciproce proportionalis. Hanc porro legem antea notam fuisse D. Newtono ultra agnoscit; quippe cujus *Princip. Philos.* antea edita fuerant, & in hisce Aëis relata.

Post subnexa Corollaria quædam ex primario suo Theoremate pulchre consequentia, finem *Tentamini* huic Physico-Astronomico imponit, duo agnoscens in hoc argumento potissimum præstanda ipsi superesse: Unum, ut explicet quis motus ætheris Planetas graves faciat, seu versus Solem pellat, & quidem in reciproca duplicata ratione distantiarum, five (ut ipse loquitur) in duplicata ratione viciniarum. Deinde, quæ sit causa comparationis motuum inter diversos Planetas Systematis ejusdem, ita ut tempora periodica sint in sesquiplicata ratione mediarum distantiarum. Cumque (secundum Autorem) horum utrumque pendere necesse sit à contiguis corporibus, quæ omnia Ætheris nomine indigitat, duo hæc eo collimant, ut distinctius explicetur motus Vorticis, seu Ætheris Systema unumquodque constituentis. Sed cum hæc altius repetenda sint, & propterea brevitati schædiastatis includi non possint, quid illi consentaneum visum sit, rectius separatim exponendum ait.

PROPOSITIO LXXVIII.

QUæ in supra recensitis Causis Motuum Cælestium, à D. Leibnitio in Tentamine assignatis, minus Physica sunt indicare.

Contra modo descriptum celeberrimi Leibnitii Tentamen de Causis Motuum Cælestium faciunt quædam ex superius adductis rationibus contra Vortices corporeos Planetas deferentes: nempe quod Cometarum quorundam viæ sint ad Zodiacum valde obliquæ, quandoque hujus planum ad angulos rectos fecent, immo nonnunquam cursui Planetarum directæ contrariæ. Cumque Cometæ (dum à nobis observantur) areas circa Solem describant temporibus proportionales, pari jure Vorticem harmonice circumferentem ponere oporteret, cuius Cometæ æque ac Planetæ circumvehendo necessarium; hoc est, Vorticem Vortici contrarium.

Considerando quidem unicum Planetam circa Solem (vel aliud quodvis centrum) rotatum, si hic per Vorticem deferendus sit, nullo proprio motu agitatus, sed quasi tranquillâ natatione in fluido deferente, cujus motum sequitur, (quod Autor supponit;) oportet Vorticem harmonice circulari, ut areæ per radios à Planeta ad Solem ductos abscissæ sint proportionales temporibus. Alia nulla Vorticis constitutio rationem inter areas efficiet eandem quam inter tempora. Unde si Autoris Vortex Planetarum motibus non satisfaciat, certe alius nullus obtinebit. Atque hoc semel posito, reliqua, quæ per Geometriam inde deducit Autor, optime procedunt, ut illi solent. Quibus ego addo, hujusmodi Vorticem (cujus nempe fluidum in plano per centrum, cui axis est normalis, harmonice circuletur) mechanice producendum, si sphaera solida in fluido uniformi & infinito, circa axem positione datum, uniformi cum motu revolvatur, & ab hujus impulsu solo agatur fluidum in orbem, & hujus pars unaquæque perseveret uniformiter in motu suo. Atque hoc tertium Autori restabat circa motum Vorticis Solaris, seu Ætheris, explicandum; nempe quomodo in circulationem harmonicam impelli & incitari possit. Nam, quoniam universaliter Tempora percurrendi sunt ut spatia percurra directè, & velocitates inversè; & in motu circulari spatia unâ revolutione percurra sunt ut radii, & in circulatione harmonica velocitates sive circulationes reciproce ut radii; patet tempora periodica partium Vorticis harmonice circulantis esse in duplicata ratione radiorum: Atqui hanc eandem esse proprietatem circulationis in plano per centrum, cui axis est normalis in Vortice, per sphaeram centralem ad motum incitato, demonstravimus Prop. LXXV.

Verum, si duorum aut plurium Planetarum motus inter se comparentur, apparebit materiam fluidam Vorticis Solaris non moveri circulatione harmonicâ. Nam hæcenus demonstravimus tempora periodica partium fluidi harmonice circulantium (& consequenter etiam corporum, quæ tranquillâ natatione in fluido deferuntur) esse in duplicata ratione radiorum. Verum tempora periodica Planetarum non sunt in duplicata, sed tantum in sesquuplicata ratione distantiarum à centro: Et igitur Planetæ diversi non moventur circulatione harmonicâ.

Dicet proculdubio Autor se non ponere totum fluidum Vorticis Solaris moveri circulatione harmonicâ continuâ, & nullibi interruptâ, à Mercurio usque ad Saturnum inclusive; sed fluidum deferens Mercurium moveri circulatione harmonicâ à perihelio usque ad aphelium; deinde interruptâ hâc harmoniâ rursus circulari harmonice à Veneris perihelio usque ad ejus aphelium, sed non continuatâ harmoniâ cum priore circulatione prope Mercurium; hoc est, ita ut circulatio fluidi deferentis Venerem sit ad circulationem fluidi deferentis Mercurium ut distantia Mercurii à Sole ad distantiam Veneris ab eodem; atque rursus (interruptâ priore harmoniâ) fluidum Terram deferens moveri harmonice quidem à Terræ perihelio

perihelio ad aphelium, si solitaria spectetur hæc harmonia; & non comparetur cum harmonia fluidi ad Venerem vel Mercurium; atque ita in reliquis deinceps Planetis: hoc est, per crassitiem cujusvis orbis harmoniam obtinere particularem à cæteris separatam & distinctam; similiterque in Jovis & Saturni satellitibus ascendendo à Jovis & Saturni centro. Fatendum tamen est Autorem circulationem suam harmonicam etiam ad diversos Planetas extendere videri *paragr. 17.* ubi ait: *in distantia dupla tantum quarta pars anguli à Sole spectati eodem temporis elemento absolvitur, in tripla tantum nona*: Nam certe hi numeri in eodem Planeta locum non habent. Quod si (quod maxime oporteret) de interrupta harmonia partium fluidi circulantium expresse loquatur, ægre Philosophis persuadebit rem ita se habere; quod nempe per crassitiem orbis Mercurii à perihelio ad aphelium circulatio sit harmonica, sive fluidi velocitates ut distantia à centro reciproce: comparando vero circulationem hanc cum circulatione ætheris ad alterum quemvis Planetam, illa sit ad hanc in reciproca subduplicata ratione radiorum: Nam independentem ab omni causa physica demonstravimus (Prop. XXVII. & XXVIII.) Planetarum celeritates esse reciproce in subduplicata ratione distantiarum à Sole. Monstruosus certe futurus est Solis Vortex, & hi fluidi orbis deferentes deferentibus solidis absurdiores, si per crassitiem cujusvis è sex deferentibus orbibus harmonica circulatio locum habeat, & harmonia interim hæc quinque interruptatur; nempe ad interstitia deferentium. Et contra hanc interruptionem facit, quod Cometa per Zodiacum in consequentia delatus, & interstitia hæc orbium Planetas deferentium trajiciens ita moveatur, ac si deferretur ab æthere harmonice circulante; id est, ita ut arcus à radio vectore descriptæ sint temporibus proportionales. Advertatur porro quam disformiter disformis esset Solaris Vortex, in quo Orbis Saturni crassities, ubi circulatio ætheris harmonica obtinet, major est quam distantia Mercurii à Venere, vel Veneris à Terra, vel etiam Terræ à Marte, in quorum singulis interruptitur harmonia; & ubi, deposita ratione radiorum reciproca quam in harmonia servant, circulationes in horum binis quibusvis inter se comparatis sunt in subduplicata ratione radiorum reciproca, mox resumpturæ priorem harmoniam. Videtur ipsum celeberrimum Autorem hanc Vorticis harmonice circulantis labem detexisse, cum illud superesse agnoscat, ut explicet quæ sit causa comparationis motuum inter diversos Planetas systematis ejusdem, ita ut tempora periodica sint in sesquuplicata ratione medianum distantiarum: Illud enim non esse circulationis harmonice effectum satis perspexit.

Mirum fortasse videbitur celeberrimum D. *Leibnitium*, qui ex causis (primo obtutu) tam diversis à prius stabilitis Planetarum motus deduxit, in eandem tamen incidisse legem Gravitatis quæ quisque in Orbita Elliptica retinetur. Istius coincidentiae hæc est ratio. Licet *Leibnitius* ad Planetam circumducendum adhibeat materiam

Vorticis

Vorticis harmonice circulantem; quia tamen in Planeta sic circumducto, & curvam quamvis describente, agnoscit conatum excussorium, quo fieret ut Planeta in recta tangente Curvam moveretur nisi coereretur; idem facit ac si Planetam æquabiliter in Recta moveri statuisset nisi coereretur: Nam hi duo motus simul istud efficiunt; id est, idem ac si nullâ externâ Vi agitatus in spatiis liberis feratur. In utroque enim casu lineam Rectam motu æquabili describet: Nam mobile lineam rectam æquabili motu describens illam ita percurrit (per Prop. 1. Elem. 6.) ut areae per radios ad quodvis datum punctum ductos abscissæ sint temporibus proportionales. Cum ergo circulatio harmonica & conatus excussorius simul eadem præstent atque motus æquabilis in recta, fieri non potuit quin inveniret legem Gravitatis eandem cum prius inventa; nempe quæ Planetam ab eadem tangente recta, quam eodem modo percurreret, ad eandem Sectionem coni detrudat versus Solem eodem modo positum.

SECTIO XI.

De aliis Mundi Systematibus, & Viribus ad illa conservanda necessariis.

Hactenus vetus Systema Mundi *Philolaicum* explicuimus, ostendendo quænam Phænomena in illo contingant, quodque hæc cum observatis congruant. Fuse etiam actum est de Directione & Lege Virium, quibus Systema Solare in isto statu continetur, quibusque modis istud fieri senserint Philosophi hujus Assertores. Reliquum est ut paucis expediamus, quem Ordinem, quemque Motum Corporibus hujus Systematis tribuerint alii Philosophi, quæ dogmata hodie Assertorum suorum *Systemata* appellantur; & simul indicemus Directionem & Legem Virium, quibus Systemata ista subsistere possint.


PROPOSITIO LXXIX.

M*undi Systema Semi-tychonicum describere.*

Dogmatis hujus Assertores statuunt Tellurem loco immotam in centro Sphæræ, in cujus superficie *A B C D* Fixas collocatas volunt; Tellurem interim super axem suum ab oriente in occidentem motu diurno rotari concedunt. Porro, in hoc Systemate Sol circa Tellurem movetur spatio annuo ad distantiam æqualem illi, ad quam Tellus circa Solem in Systemate *Philolaico*: & circa Solem, seu centrum, Planetæ quinque sc. Mercurius, Venus, Mars, Jupiter & Saturnus revolvuntur versus eandem plagam, & ad easdem distantias, quas in illo. Præterea, circa Terram Luna, & circa Jovem & Saturnum sui revolvuntur Satellites, iisdem periodis quibus supra est dictum ad Prop. xv.

Hic

Hic Ordo & hi Motus magnorum Mundi corporum Astronomis plerisque placent, quibus displicet alterum istud Systema superius fufe explicatum, quod ab instauratore *Copernico Copernicanum* vulgo audit, ut *Longomontano* & aliis. Nam in hoc apparens revolutio diurna Syderum omnium ab ortu in occasum, & motus Planetarum



proprii five secundi, prorsus eadem erunt atque in Systemate *Copernicano*, & Tellus interim in Sphæræ Fixarum centro consistens solâ revolutione circa proprium axem cietur. Et licet Fixas collocet in superficie sphaerica, cujus centrum est Tellus, istud magis Astronomicum censendum est quam Physicum: Poterunt namque Fixæ ad diversas distantias, per omne spatium Mundanum quasi sparsæ, salvo hoc Systemate, collocari; earumque motus in consequentia explicabitur tribuendo Telluris Axi motum lentissimum, qualem Prop. LXIV. explicuimus.

PROPOSITIO LXXX.

Directionem & Legem Virium, quibus Systema Semi-tychonicum conservari posset, explicare.

Patet primo iisdem opus esse Viribus, & eâdem directione, ad conservandum

servandum Planetas quinque primarios Mercurium, Venerem, Martem, Jovem & Saturnum in Orbitis suis circa Solem, & Jovis Saturnique Comites in Orbitis suis circa Jovem & Saturnum, atque in Systemate *Copernicano*: Eadem namque sunt Orbitæ istorum Primariorum circa Solem & Comitum circa proprios primarios in utroque Systemate. Innotescit igitur Lex Vis centripetæ, quâ in hoc Systemate Planetæ secundarii Jovis tendunt ad Jovem, Satellites Saturni ad Saturnum, & Primarii Mercurius, Venus, Mars, Jupiter & Saturnus horumque Satellites ad Solem: Est enim Vis illa, quam Prop. LXVII. demonstravimus eandem esse cum Gravitate nostra, quæ est quadrato distantiae reciproce proportionalis. Patet porro, posito hoc Systemate, Lunam in Orbita sua retineri per Gravitationem versus Tellurem eâdem Lege propagatam: Nam Prop. XLVI. ubi istud demonstratur, perinde obtinet, siue Tellus in eodem loco immota maneat, siue motu annuo circa Solem feratur. At cum differentia inter Systema *Copernicanum* & *Semi-tychonicum* fit, quod in hoc Sol (cum suis quasi comitibus Planetis quinque primariis horumque secundariis) circa Terram feratur in Orbita simili & contrario posita ei, in qua Terra cum suo comite circa Solem fertur in illo; præter Vim Gravitationis necessariam ad Systema *Copernicanum*, ut Terra cum suo comite circa Solem feratur, opus erit Vi huic æquali, at cum directione contraria, ut Sol una cum comitibus Planetis circa immotam Tellurem moveatur in Systemate *Semi-tychónico*: Namque duæ hæ Vires æquales & contrariæ in Tellurem impressæ, illam immotam tenent. (Immo si motum Terræ Comitisque Lunæ secundum tangentem Orbis magni progressivum, contrarius impetus unicus & non repetendus fuit, & postea alia ista Vis jam descripta in universum Systema Solare agat, mutabitur Systema *Copernicanum* in *Semi-tychonicum*.) Igitur ad *Semi-tychonicum* conservandum opus est & supra explicatâ Gravitate acceleratrice corporum omnium in omnia, quæ in data distantia est ut corpus versus quod fit, & dato corpore versus quod fit, reciproce ut quadratum distantiae; & etiam Gravitate quâdam aliâ, æquali nempe illi quâ Tellus versus Solem tenderet, agente æqualiter in Solem, Mercurium, Venerem, Terram, Martem, Jovem & Saturnum, horumque Comites per lineas parallelas rectæ jungenti Solem & Terram, & cum directione à Sole ad Terram. Nam Vim illam, quâ Tellus circa axem suum rotatur, hisce non annumero; quippe semel tantum imprimendam Terræ sicut & reliquis corporibus Mundi magnis circa axes revolutis: neque (propter eandem rationem) Vim illam, quâ Planetæ in Orbitalium suarum tangentibus progredierentur: Nam de Viribus earumque Lege nunc agitur quibus Systema conservari, non quibus produci possit.

PROPOSITIO LXXXI.

MUndi Systema Tychonicum describere.

Hoc in nullo differt à Systemate descripto in Prop. LXXIX, præterquam quod Terra omni motu privata prorsus quiescat; ideoque Stellæ omnes, tam Fixæ quam Erraticæ, non tantum motibus secundis feruntur, sed etiam communi illo sive primo ab ortu in occasum spatio diei naturalis. Systema hoc magno *Tychoni* placuisse perhibetur; licet alii negent *Tychonem* motum diurnum expressè Syderibus concessisse. Fatendum est tamen illum contra Telluris Diurnum motum æque ac Annuum disputasse: Unde satis certo concluditur eum motum diurnum ipsi Cælo Syderibusque cunctis tribuisse.

PROPOSITIO LXXXII.

Directionem & Legem Virium, quibus Systema Tychonicum conservari posset, explicare.

Æadem Vires, quæ requiruntur ad Systema *Semi-tychonicum*, requiruntur etiam ad *Tychonicum* hocce, cum iidem motus Solis & Planetarum in utroque supponantur; sed & illæ insuper, quibus Stellæ omnes, cum Fixæ tum Erraticæ, à motibus rectilineis retrahuntur & retinentur in Orbitis suis, quas motu diurno circa Tellurem describunt. Vires autem hæ, cum eadem sit Periodus in omnibus, sunt (per Corol. 1. Prop. xxvi.) ut semidiametri circulorum quos describunt. Et ideo, præter vires Prop. LXXX. explicatas, opus erit Vi versus Terram tendente, quæ in recessu à Terra augeatur in ratione distantie auctæ; contra quam fit in Gravitate per Universum Systema Solare, & in Virtute omni naturali à centro, vel ad centrum, in lineis rectis undique per regiones in circuitu propagata, quæ (per Prop. xlviii.) in recessu à centro minuitur in duplicata ratione distantie auctæ. Atque ut facilius æstimetur Vis ista, quâ stellæ retinentur in Orbitis per motum diurnum descriptis, conferatur hæc apud Lunam cum Vi gravitatis, quâ (per Prop. xlv.) Luna retinetur in Orbita, quam spatio menstruo circa Tellurem percurrit. Et cum circuli à Luna per motum menstruum & diurnum descripti sint æquales, Vires, quibus Luna in iis retinetur, (per Corol. 3. Prop. xxvi.) sunt reciproce ut quadrata temporum; hoc est, Vis, quâ retinetur Luna, (cum in Æquatore motu diurno circa Solem fertur,) ne per rectam tangentem Orbitam excutiat, est ad Vim, quâ retinetur in Orbita, quam mense periodico circa Terram percurrit, ut 27×27 ad 1; sive ut 729 ad 1. Verum Vis hæc versus Terram tendens obtinet in iis tantum stellis, quæ in Æquatore sunt positæ: Nam Vis, quâ Stella quævis extra hunc versus Polorum alterum declinans à motu rectilineo retrahitur & in Orbita Æquatori parallela continetur, (per Prop. xii.) tendit ad


circuli istius centrum, non ad Terram extra ejus planum positam; estque (per Corol. 1. Prop. xxvi.) ut circuli istius semidiameter; hoc est, in data ab Axe distantia æqualis five eadem, & in data à Terra distantia ut sinus complementi declinationis.

Ad Systema igitur *Tychonicum* conservandum requiritur, 1°. Gravitas ista acceleratrix corporum omnium in omnia, quæ datâ distantia est ut corpus versus quod fit, & dato corpore versus quod fit, est inverse ut quadratum distantiae. 2°. Vis quædam alia acceleratrix, æqualis nempe illi, quâ per superiorem Vim Tellus versus Solem tenderet, æqualiter agens in Solem, Mercurium, Venerem, Terram, Martem, Jovem, Saturnum, horumque Comites per lineas parallelas rectæ jungenti Solem & Terram, & cum directione à Sole ad Terram. 3°. Vis acceleratrix versus punctum proximum Axis Mundi tendens, distantiae ab isto puncto proportionalis, ad ultimas usque Fixas porrecta. 4°. Vis alia similis ad punctum proximum Axis Eclipticæ tendens, & distantiae ab illo proportionalis. Vis hæc ea est, quâ retinentur Fixæ in Orbitis, quas motu proprio ab occasu in ortum super Eclipticæ Polos describunt; & in locis inter centrum & Fixas intermediis omnino non agit, sed apud Fixas agere incipit; estque (per Corol. 3. Prop. xxvi.) ad Vim consimilem in Axe Mundi in duplicata ratione Diei naturalis ad Periodum Fixarum super polos Eclipticæ. Atque hæc quatuor sufficerent.

PROPOSITIO LXXXIII.

Mundi Systema Ptolemaicum describere.

In hoc Systemate Terra in centro immota prorsus consistit. Huic proxima Luna, dein Mercurius, postea Venus, supra Venerem Sol, proxime Mars, tum Jupiter, & Saturnus Jovem ambiens; ut in schemate ab occidente in orientem sub Zodiaco periodos suas absolvunt. Supra Saturnum Fixarum sphaera integra (in cujus centro est Terra) super Eclipticæ polos etiam ab occasu in ortum lentissime revolvitur. Sed & Fixæ & omnes dicti Planetæ super polos Aequatoris ab ortu in occasum spatio diei naturalis revolvuntur. Quos supra Fixas ponunt Orbes



Affertores *Ptolemaici* Systematis, non numeramus; cum *Theorie* tantum intersint, & Mundum aspectabilem non spectent. Et propter eandem rationem omittimus etiam cujusque Planetæ Epicyclos: In Orbitis enim hic delineatis deferuntur centra Epicyclorum, in

in quorum circumferentiis ipsa Planetarum corpora moventur. In hoc schemate Planetarum Orbitas non delineavimus juxta proportionem quam in Cœlis fervant; tum quod hanc non declaraverit ipse *Ptolemæus*, præterquam in Sole & Luna; quodque licet circuli deferentes centra Epicyclorum distent, ipsi Planetarum Cœli in hoc systemate sunt contigui, inferiore quandoque in Apogæo ascendente à Tellure ad distantiam æqualem illi, ad quam proxime superior descendit in Perigæo: tum quod Mercurii & Veneris (ut de Luna taceam) Orbitæ ex *Ptolemæi* Theoriis petitæ evanescant fere respectu Orbitæ Saturni, & ideo in eodem schemate vix sint describendæ: Nam in hoc Saturni distantia à Terra centies sexagies major est distantia Mercurii à Terra; at in *Copernicano* Systemate Mercurii distantia à Sole vigesies & quater tantum superatur à distantia Saturni ab eodem.

Licet Ordo Planetarum supra descriptus Philosophorum & Astronomorum vulgo placuerit, non defuere tamen qui Lunæ Solem immediate superponerent, Soli Mercurium & Mercurio Venerem; quæ opinio *Platoni* vulgo tribuitur: *Porphyrius* vero Soli Venerem immediate superposuit & Veneri Mercurium, tribus reliquis (Marte, Jove & Saturno) ut prius manentibus: hæc forte ratione ducti, quod Luminaria bina Terris proxima esse conveniens judicarent; cum illi ad motus magis attendentes medium inter Planetas locum tribuerint Soli, à cuius motu reliquorum Planetarum motus in suis Epicyclis dependere compertum habebant.

PROPOSITIO LXXXIV.

Directionem & Legem Virium, quibus Systema Ptolemaicum conservari possit, explicare.

Primo, ad continenda Sydera in Orbitis, quas motu diurno circa Tellurem describunt, similibus opus est Viribus atque in Systemate *Tychonico* ad eundem effectum producendum; nempe quæ à quovis Mundi puncto tendant ad proximum punctum Axis, sintque in ratione distantiarum ab illo. Secundo, ad Fixas continendas in Orbitis, quas motu proprio ab occasu in ortum describunt, similibus opus est Viribus atque in supra descripto *Tychonico*; sc. quæ tendant ad punctum proximum Axis Eclipticæ, sintque in eadem ratione cum distantis ab illo. Deinde ad Luminaria (Solem & Lunam) continenda in Orbitis, quas per motus suos secundos describunt; cum Orbitæ istæ similes sint earum Orbitis in Systemate *Tychonico*, similibus etiam opus erit in hoc Systemate Viribus ad illa in dictis Orbitis retinenda atque in illo; nempe (per Prop. LXXX.) gravitate acceleratrice trium Corporum Solis, Terræ & Lunæ versus se invicem, (quæ alia nulla corpora Mundana afficiat, licet sint intermedia,) quæ in data distantia sit ut corpus versus quod sit, & versus datum corpus sit reciproce ut quadratum distantiae ab illo; prætereaque gravitate quâdam aliâ æquali illi, quâ

Tellus versus Solem tenderet, agente æqualiter in Solem, Terram & Lunam per lineas parallelas rectæ jungenti Solem & Terram, & cum directione à Sole ad Terram, sed quæ alium nullum Planetam afficiat. Nam Vis illa, quæ retinetur Sol in Orbita annua, non est eadem cum illa, quæ retinetur Luna in Orbita menstrua, ad Solem usque propagata: Etenim Vis, quæ Luna retinetur, eadem est (per Prop. XLVI.) cum Gravitate apud nos. Quod si Sol retineretur per eam ipsam consueque propagatam, Cubi distantiarum Solis & Lunæ (per Prop. XXVII.) eandem haberent rationem quam Quadrata Temporum periodicorum eorundem; adeoque, posita Lunæ distantia à Terra 60 semidiametrorum Terræ, Sol non ultra 340 Terræ semidiametros distaret; & ejus Parallaxis horizontalis ultra 9 scrupula prima ascenderet, reclamante observatione; & præterea non daretur locus pro Epicyclis Mercurii & Veneris inter Cælos Lunæ & Solis, ubi secundum hoc Systema collocantur.

Philosophi quidam hujus Sectæ nolunt Solis & Lunæ motus sub Zodiaco à motibus diurnis super polos Æquatoris nisi mente distinguere, ita ut cujusque motus sit reipsa in eadem simplici Linea Spirali, orta ex compositione prædictorum motuum, in quos motus isti Cœlestes ab Astronomis (propter majorem facilitatem) dividi intelliguntur; & motus simplicissimus in recta poterit ex duobus vel pluribus motibus componi. Quoniam vero Spiralis ista non est Linea in plano descripta, nequit (per Prop. XI.) corpus in illa retineri per Vim unicam ad immotum punctum tendentem. Vel igitur Viribus diversis supra descriptis opus erit, vel illis æquipollente Vi unicâ tendente ad punctum interea prorsum & retrorsum motum, & quidem in Linea satis composita.

Porro, ad continendos Planetas reliquos (Mercurium, Venerem, Martem, Jovem & Saturnum) in Orbitis, quas motu proprio describunt, Vires ad Tellurem tendentes non sufficiunt, (ut Prop. XIII. est demonstratum;) neque Vires ad Solem tendentes, cum Veneris & Mercurii Orbitæ Solem in hoc Systemate non cingant, & proinde non sint in omnibus partibus versus illum cavæ: unde ex Prop. XI. constat propositum. Nullumque est in Systemate punctum, (necum Corpus notabile,) quod possit esse centrum, ad quod tendant Vires quibus Planetæ retinentur, ne secundum tangentes rectas exeant; reclamante nimirum supradictarum rationum alterâ.

Quod si Systema hoc *Ptolemaicum* ad literam intelligatur; hoc est, si motus à *Ptolemaeo* descripti non habeantur pro motibus per mentem tantum separatis, sed talibus qui revera Planetis insunt; tum opus erit Vi in centro Epicycli uniuscujusque à Planetis (Saturno, Jove, Marte, Venere & Mercurio) tendente ad centrum deferentis; nempe in imaginario puncto (sive ubi corpus nullum consistit) ad imaginarium punctum; & præterea opus erit Vi in ipso Planeta quæ tendat ad centrum Epicycli; nempe Vi in Corpore, quæ tendat ad imaginarium punctum. Sed & Vires hæ, quibus quisque Planeta

Planeta ejusque Epicycli centrum urgentur, non propagantur ultra suum punctum suumque Planetam, nec alios afficiunt; & peculiari opus est Vi ad continendum unumquodque Epicycli centrum & unumquemque Planetam in propria Orbita, ita ut nulla sit Lex quæ omnes respiciat: Gravitas autem ordinaria Satellitum Jovis & Saturni versus centra Jovis & Saturni respectiva illibata interim manet.

Postquam Veneris & Mercurii Phases per Telescopium inspectæ sunt, Systema Mundi *Ptolemaicum* à Philosophis rejectum est: inde enim clare evincitur Mercurium & Venerem Orbitis suis Solem cingere; ut in Scholio Prop. VI. est ostensum. Qui igitur pro Terræ immobilitate steterunt, Mercurium & Venerem in Epicyclis circa Solem seu centrum moveri statuerunt, Mundi Systema *Philolaicum* in tantum amplexi, & *Aegyptiorum* Vetus postluminio reduentes; quod etiam *Vitruvio* probatur in suo de *Architectura Libro*, & Venerabili *Bede* in suo de *Natura Rerum*. *Ricciolus* in *Almagesto* Solis satellitio Martem adjungit, ita ut Solis sint Satellites, qui satellitio proprio non gaudent; circa Tellurem vero seu centrum immediatum, præter Luminaria, soli rotentur Saturnus & Jupiter, qui Comites habent; atque Systema hoc fere *Tychonicum* suum dicit.

Non erit necessarium Vires earumque directionem explicare, quibus Systema *Aegyptiacum* & alterum illud paulo diversum *Ricciolicum* conservari possent: Istud enim ex supra dictis facile apparet. Prout enim illa ex supra descriptis Systematibus componuntur, ita Vires ad illa conservanda necessariæ partes sunt supra explicatarum Virium respectivarum.

SCHOLIUM.

Sectio hæc in eum finem subjungitur, ut non tantum Astronomi, (qui motuum Cœlestium multipliciter minime reformidant, & pro postulato habent Stellam quamvis motu quovis movere,) diversa Systemata pensantes, quod Phænomenis optime congruat amplectantur; sed ut Physici etiam Systema eligant, quod rationibus Physicis optime respondeat; nempe vel vetus *Philolaicum* sive *Copernicanum*, quod Phænomenis congruit & conservari potest per solam Gravitationem eodem tenore per Universum propagatam; Vim nempe acceleratricem corporum omnium in omnia, quæ est in data distantia ut corpus versus quod fit, & dato corpore versus quod fit, reciproce ut quadratum distantiae: vel *Semi-tychonicum* Prop. LXXIX. descriptum, quod eadem prorsus præstat (phænomena quod spectat) cum *Copernicano*, sed quod præter eandem istam Gravitationem, quæ requiritur ad Systema Copernicanum, (per Prop. LXXX.) opus habet Vi quâdam aliâ, cujus magnitudo & directio perpetuo mutantur; est quippe Vis ista æqualis illi, quâ Tellus versus Solem tenderet, agitque æqualiter in corpora omnia Systematis Solaris secundum rectas parallelas rectæ jungenti Solem & Terram, & cum directione
à Sole

à Sole ad Terram: vel (si Telluri quietem omnimodam asserere certo sit constitutum) ipsum *Tychonicum* Prop. LXXXI. descriptum, paria faciens quoad Phænomena, in quo (per Prop. LXXXII.) præter duas prædictas Vires opus est aliis duabus; nempe Vi æquali in singulis punctis axis Mundi, quæ augetur pro ratione distantiae auctæ, estque apud Lunam ad Vim gravitatis in duplicata ratione mensis periodici ad diem naturalem; & Vi aliâ simili & similiter propagatâ in singulis punctis axis Eclipticæ, quæ in solas Fixas agit, quæque apud Fixas fit ad priorem Vim in axe Mundi in duplicata ratione diei naturalis ad annum magnum, five Periodum Fixarum super polos Eclipticæ: vel ipsum *Ptolemaicum* Prop. LXXXIII. descriptum; atqui hoc Phænomenis non congruit, ut Prop. LXXXIV. ostensum. Verum si, sepositis Phænomenis Phasium Veneris & Mercurii, ad ea sola Phænomena motûs attendatur, quæ *Ptolemæo* innotuere, & illius Systema pro vero habeatur; (per Prop. LXXXIV.) præter duo genera Virium attractricium, per axem Mundi axemque Eclipticæ æqualiter dispersarum, opus erit Gravitate acceleratrice Solis, Terræ & Lunæ versus se invicem, Planetas reliquos haud afficiente, quæ in data distantia est ut Corpus versus quod fit, & versus datum corpus reciproce ut quadratum distantiae ab illo; & præterea Gravitate quâdam aliâ (æquali illi, quâ Tellus versus Solem tenderet) agente æqualiter in Solem, Terram & Lunam per lineas parallelas rectæ jungenti Solem & Terram, & cum directione à Sole ad Terram. Opus præterea est Vi particulari in centro Epicycli cujusque è Planetis Saturno, Jove, Marte, Venere & Mercurio, quæ tendat ad centrum Deferentis sui; & Vi particulari in ipso Planeta tendente ad centrum proprii Epicycli, salvâ interim gravitate ordinariâ Satellitum Jovis & Saturni. Si vero vel *Egyptiacum* (vel *Ricciolicum*) arrideat, (quod quidem Phænomenis respondere poterit,) opus erit (præter Vires in axibus Mundi & Eclipticæ residentes) Gravitate mutuâ Solis, Mercurii, Veneris, Terræ cum Luna, (& Martis,) ut in *Copernicano* & *Tychonico*, sed quæ ad Jovem & Saturnum non pertingat; & præterea Vi æquali illi, quâ Tellus versus Solem tenderet, agente æqualiter in Solem, Mercurium, Venerem, Terram cum Luna (& Martem) per lineas parallelas rectæ jungenti Solem & Terram, & cum directione à Sole ad Terram; prætereaque Vi particulari in centro Epicycli utriusque Planetæ Jovis & Saturni, quæ tendat ad centrum sui Deferentis, & Vi particulari in ipso Jove & Saturno tendente ad centrum proprii Epicycli.

ASTRONOMIÆ PHYSICÆ & GEOMETRICÆ ELEMENTA.

LIBER SECUNDUS

De Primo Motu.

IN Libro præcedente jacta sunt fundamenta Astronomiæ Veræ & Physicæ; id est, Stellarum motus, prout in ipsa rerum natura revera fiunt, generatim sunt explicati: Verum & apparentiarum habenda est ratio; hoc est, Astronomiæ ad illas aptatæ Elementa condenda sunt. Sicut enim cuivis Philosopho phænomenon Cœlestium rationes expendenti extra dubium est positum Terram inter Planetas referri, ita cuivis visu prædito constat Tellurem in Mundi medio immotam apparere, Cœlumque & omnia inibi contenta circa hanc ad sensum moveri. Hujus phænomeni non tantum ratio est reddenda, (quod in Libro præcedente hætenus est factum,) sed etiam modi explicandi, quos ad Stellarum loca è Tellure visa definienda adhibuerunt Astronomi, qui vel rem ita se habere cum vulgo statuunt, vel qui Systema hoc apparentiarum retinendum censent, utut rem prorsus aliter se habere certo sciant; & ex hoc Systemate cum vulgo plerumque loquendum, & visui aliisque sensibus semper & ubique à ratione & veriore Physica vim non esse inferendam. Huic igitur fini destinatus est Liber hic Secundus; Vocibus nempe in Astronomia usitatis explicandis; & Sphærarum, Globorum & reliquarum Machinarum, quibus Motum præcipue Diurnum imitantur artifices & ob oculos ponunt, descriptioni & usui tradendis, & generatim illis omnibus è Physico Systemate eruendis, & secundum apparens Systema tractandis & Calculo subducendis, quæ *Doctrina Sphærica* nomine ab Astronomis indigitantur: Et quamvis *Doctrina* hæc Sphærica à scriptoribus omnibus prius tradatur; ordinem tamen invertere non sumus veriti, tam quod hæc methodo melius cavetur, ne, qui Astronomiam juniores discunt, Systemati Terræ immotæ primo affuefacti illud pro vero & indubio habeant, cui etiam à Sensibus proniores sunt; quam quod Sphærica hæc ex *Kepleri* sententia multis rebus ex *Theorica* (quæ est *Doctrina* de motu Planetarum proprio, Lib. præc. adumbrata) per *anticipationem petitis indiget*, illa vero per seipsam tradi & comprehendendi potest, nullo indigens adminiculo motus diurni seu primi, aut hunc tractantis *Doctrinæ Sphæricæ*.

S E C T I O I.

De Genesi circulorum Sphærae, & Vocibus in Astronomia usitatis inde pendentibus.

PROPOSITIO I.

Eclipticæ & Zodiaci genesin & naturam, eorumque divisiones, item Secundariorum Eclipticæ, horumque officia exponere, & Voces in Astronomia usitatas hinc pendentes explicare.

Observator in Tellure constitutus, visu suo (quatenus non impeditur) undique æqualiter prolato, Mundum per superficiem sphericam sibi (hoc est, Telluri) concentricam definit, & remota omnia, quorum distantia est incognita, utut revera inæqualiter admodum diffusa, quasi in eadem dicta concava superficie collocari iudicat, velut Fixas, Solem, ipsamque Lunam; ut Prop. xxxii. Lib. i. ostensum est. Sphæra hæc Telluri concentrica illique circumdata, visu definita, & Fixis micantibus interstincta, spatii absoluti vices gerens, immota prorsus spectatur dum abstrahimus à motu diurno, quo universa hæc sphæra vel potius totum Cælum ab oriente in occidentem spatio 24. horarum revolvitur. Cum autem, per motum Telluris annum circa Solem, Sol è Tellure spectatus videatur ad stellas magis orientales quotidie progredi, (ut Prop. ii. Lib. i. ostensum,) Sol in sphæra immobili five spatio Mundano moveri videbitur; cuius semita inter Fixas notata *Ecliptica* dicitur, quod Luminarium Eclipses non nisi in illa contingant; ut supra est ostensum.

Stabilità semel Eclipticâ hæc, manifestum est quod sicut Planetarum orbitæ circa Solem non sunt in uno plano omnes, sed illorum quivis è Sole spectatus nunc in hanc nunc in illam Viæ Telluris inter Fixas notatæ partem excurrit; sic Planetæ iidem è Tellure spectati nunc in hanc nunc in illam Eclipticæ partem excurrunt, & varie etiam in iisdem Orbitalium suarum punctis excurrere videntur, pro vario Telluris situ, (ut Prop. v. & viii. Lib. i. ostensum;) sed maximus illorum excursus intra decem gradus continetur: Astronomi igitur tractum istum Cœli stellati, quem Sol, Luna & Planetæ motibus suis insignire videntur, quique Zona est 20 gradus lata, (decem nempe ad utrumque Eclipticæ latus,) uno nomine *Zodiacum* dixerunt ab imaginibus animalium, quas Fixæ in isto tractu referre visæ sunt. Harum duodecim constituerunt, vel quod hic numerus aptissimus sit, quippe in partes, duas, tres, quatuor, sex & duodecim absque residuo divisibilis; vel quod, dum Sol Zodiacum spatio annuo peragrarè videtur, duodecim proxime contingant Lurationes, five Luna phases omnes duodecies fubeat. Zodiaci partes hæc *Signa* dicuntur, harumque notæ sunt, Aries ♈, Taurus ♉, Gemini ♊, Cancer ♋, Leo ♌, Virgo ♍, Libra ♎, Scorpio ♏, Sagittarius ♐, Capricornus ♑, Aquarius ♒, Pisces ♓. Horum Signorum quodvis

quodvis rursus in partes 30 æquales dividitur, ut integer circulus (reliquorum omnium instar) in 360 dispescatur. Quamvis Zodiaci aut alterius circuli nullum sit proprie initium, nullus finis; Astronomi initium numerandi faciunt à primo puncto Arietis, in quo Sol è Tellure videtur cum dies noctibus æquantur, & ver incipit borealis hemisphærii Telluris incolis, quod etiam est punctum communis interfectionis Eclipticæ & Æquatoris; ut Prop. xxxiii. Lib. I. ostensum. Numeratio autem fit ab ν ad ϑ , II, & ita denuo, donec ad initium ν reversionem fuerit, in eandem plagam, in quam Sol circa Terram moveri videtur. Atque progressus in hanc plagam dicitur fieri in *Consequentia Signorum*, sive secundum eorundem Seriem; in eandem nempe, in quam Sol, Luna & plerumque cæteri Planetæ moveri videntur: Sed phænomenon, quod inverso ordine sive ab ϑ ad ν vel ab ν ad π fertur, dicitur contra seriem signorum sive in *Antecedentia* moveri.

Exinde vero quod Axis Telluris post plures revolutiones circa Solem à situ parallelo illi, quem prius habuerat, aberrat describens superficiem conicam, imagines stellarum migrarunt ex Zodiaci Signis, quibus olim nomina ob viciniam dederunt. Atque hoc fit non ex Stellarum aut Zodiaci motu, sed quod una cum Telluris Axe Æquator Terrestris moveatur, ita ut Æquatoris Cœlestis interfectiones cum Ecliptica, sive puncta Æquinoctialia (& proinde etiam omnia Zodiaci puncta, quatenus numeris exprimentur) migrent in antecedentia; & Imagines sive ipsæ Fixæ respectu horum in consequentia transferri videantur; ut Prop. lxxv. Lib. I. ostensum est.

Si per Eclipticæ polos ducti intelligantur circuli innumeri, Eclipticæ ad angulos rectos occurrentes, & hujus *Secundarii* dicti; horum ope quodvis in Cœlo punctum ad Eclipticam refertur: nempe phænomenon quodvis in eo Zodiaci vel Eclipticæ puncto esse intelligitur, in quo hujusmodi semicirculus per phænomenon transiens Eclipticæ occurrit. Et phænomena, quæ hoc modo ad idem Zodiaci punctum referuntur, conjuncta dicuntur sive in *Conjunctione*; quæ vero ad opposita referuntur, in *Oppositione*. Si Zodiaci quadrans interjaceat puncta, ad quæ phænomena referuntur, dicuntur esse in aspectu *Quadrato*; si vero Zodiaci triens, in aspectu *Trino*; denique si interjaceat Zodiaci sextans, aspectum dicuntur habere *Sextilem*.

Porro, arcus Eclipticæ inter initium Arietis & dictum interfectionis punctum interceptus, & in consequentia numeratus, dicitur phænomeni vel puncti istius *Longitudo*, sicut & Secundarii arcus inter Eclipticam & dictum phænomenon aut Cœli punctum interceptus ejusdem *Latitudo* appellatur; unde & Secundarii hujus nomen *Circularum Latitudinis* inditum. Latitudo est vel *Borealis* vel *Australis*: Cœlum enim ab Ecliptica (circulo Cœlesti, quoniam is in Cœlis primitus consideratur) in Hemisphærium Boreale & Australe ab Astronomis dividitur.

PROPOSITIO II.

Æquinoctialis Cœlestis ejusque Secundariorum & Parallelorum genesin, naturam & officia exponere, & Voces in Astronomia usitatas hinc pendentes explicare.

Si *Æquatoris Terrestris* five circuli medii inter polos, super quibus Tellus motu diurno circumvolvitur, planum undiquaque productum intelligatur; interfecabit illud sphaericam Cœli superficiem Telluri concentricam in circulo correspondenti in Cœlo, & Axis Terræ productus signabit Polos in eadem sphaera. Et quamvis Tellus cum suo Axe & *Æquatore* motu annuo circa Solem deferatur, tantillus est tamen circulus à Terra peragratu respectu sphaeræ Fixarum, ut Axis & *Æquator* Terrestris (sibi ipsis ubique paralleli) producti in easdem ad sensum Fixas incident, adeoque Fixæ reliquæ omnes, quæ eundem inter se situm retinent, eundem etiam respectu *Æquatoris* & Polorum Cœlestium situm retineant, nisi quatenus Axis & *Æquator* in Terra sibi ipsis paralleli non manent; de quo Prop. sequenti. Et quoniam Tellus super Axe proprio spatio diei naturalis revolvitur ab occidente in orientem, corpora quævis à Terra separata circulum in cava sphaera Cœlesti *Æquatori* parallelum eodem tempore ab ortu in occasum describere videbuntur, oculo in Tellure posito, qui se suumque domicilium immotum judicat; ut Prop. xxxii. Lib. I. fuse est explicatum.

Verum quia Tellus circa Solem motu annuo defertur, *Æquator* Terrestris sibi semper parallelus non nisi bis in anno Soli ita se applicat, ut Sol in ejus plano producto reperiatur, & proinde Solis lumen ad utrumque Telluris polum pertingat, & quodlibet Telluris punctum motu diurno revolutum tam diu in luce versetur quam in tenebris (ut Prop. xxxiii. Lib. I. ostensum est) hoc est, non nisi bis in anno Sol motu diurno *Æquinoctialem* circulum Cœlestem describere videatur, quo casu omnibus Telluris incolis dies noctibus æquantur: Namque *Æquinoctialis* *Eclipticam* interfecat in puncto in quo Sol inter Fixas apparet, cum ejus lumen ad utrumque Telluris polum pertingit, & *Æquinoctium* per totum Terrarum orbem efficit. In omni enim alio casu Sol motu diurno (reliquorum Cœlestium instar) circulos describere videtur *Æquinoctiali* parallelus, inter quos eminent illi, quos Sol in cœlo describere videtur, cum Poli Terræ maxime annuunt ad Solem; hoc est, cum Sol è Tellure in initio Signorum Cancrī & Capricorni inter Fixas spectatur; quique proinde *Tropici Cancrī & Capricorni* vocantur, quia Sol inde versus *Æquatorem* statim revertitur. Sunt & alii duo circuli circulo *Æquinoctiali* paralleli (quos nimirum *Eclipticæ* Poli motu diurno percurrere videntur; tantumque proinde ab *Æquinoctialis* Polis distant quantum *Tropici* ab *Æquinoctiali*) *Polares* dicti, vel quod ab *Eclipticæ* Polis per motum primum five diurnum describantur, vel quod vicini sint Polis *Æquinoctialis*, qui & *Poli Mundi*

Mundi dicuntur, quia omnis præter Terram Mundus super illos revolvi videtur spatio 24 horarum. *Æquinoctialis* circulus, ut vulgo, in 360 gradus dividitur, & gradus hi numerantur versus eandem partes cum *Eclipticæ* aut *Zodiaci* gradibus; nempe ab occasu in ortum, secundum seriem Signorum, & ab eodem etiam initio; nempe primo puncto Arietis. Sicut per *Eclipticæ* *Secundarios* quodlibet in Cælo punctum ad *Zodiacum* refertur, ita per *Æquatoris* *Secundarios* ad *Æquinoctialem*. Et *Secundarii* arcus inter punctum & *Æquatorem* comprehensus dicitur istius puncti *Declinatio*; *Australis* vel *Borealis*, prout versus hunc vel illum Polum fit. Punctum enim tantum declinare dicitur, quantum à primario hoc circulo (quippe motus diurni in oculis maxime incurrentis medio & præcipuo) distat: Distantia hæc sive *Declinatio* penes *Æquatoris* *Secundarios* est, qui proinde *Declinationum Circuli* appellantur. Horum præcipui sunt *Coluri* duo, quorum alter per *Eclipticæ* & *Æquatoris* intersectiones sive puncta *Æquinoctiorum* transiens vocatur *Colurus Æquinoctiorum*; alter priori ad angulos rectos *Colurus Solstitiorum* dicitur, quoniam *Eclipticæ* occurrit in punctis ab *Æquatore* remotissimis, ubi *Solstitia* celebrantur.

PROPOSITIO III.

Æquatoris Terrestris ejusque Secundariorum & Parallelorum naturam & officia exponere, & Voces in Astronomia & Geographia usitatas hinc pendentes explicare.

Æquator proprie est circulus *Terrestris*, quippe in Terra primitus existens, & non nisi ratione primi motus (qui in Cælo est tantum apparens) in Cælum inductus. Hujus vero *Paralleli* quatuor præcipui, duo *Tropici* & totidem *Polares*, possunt in Terra intelligi vel quasi ejusdem nominis circulis *Cœlestibus* (quorum genesin *Prop. præc. exposuimus*) directe subjecti, vel (quod magis naturaliter fit) in ipsa Tellure primitus geniti. Et *Tropici* hoc pacto erunt circuli in Terra *Via* Solis diurnæ apparenti directe subjecti, quando Telluris Polus proximus ad Solem maxime annuit: *Polares* autem qui Terræ tractus definiunt quibus tunc perpetua est Dies aut Nox; ut *Prop. xxxiii. Lib. I.* explicatum est.

Quatuor hi circuli *Æquatori* paralleli Telluris globum in quinque *Zonas* dividunt; quarum *Torrida* est, quæ utroque *Tropico* continetur, viæ quippe Solis subjecta, & ejus radios directos & proinde fortes excipiens. Hujus incolæ dicuntur *Amphiscii*, quoniam hominis erecti umbra movetur tam versus dextram quam versus sinistram respicientis ipsam, & quod umbra meridiana versus utrumque Polum diversis anni temporibus projiciatur. Qui *Polaribus* includuntur Terrarum tractus, binas *Zonas* constituunt; *Frigidas* quidem, quod obliquos & proinde debiles radios Solis patiantur, qui glaci vim hyeme & nocte longâ gelu contractam, æstate & die licet productiori, resolvere nequeunt. Harum incolæ,

umbræ respectu, *Periscii* sunt, quod umbra (Sole non occidente) circum illos gyretur: Inter mediam Torridam & extremas Frigidas intermediae jacent duæ *Zonæ Temperatæ*, quippe utriusque extremæ adjacentis affectionum participes: quarum *Borealis* Tropico Cancrî & Polari Arctico; *Australis* vero Tropico Capricorni & Polari Antartico clauditur. Et quamvis Veteres has solas Temperatas & habitabiles dixerint, experienciâ constat Frigidas ipsas, & præcipue Torridam, animalibus & vegetabilibus alendis aptissimas esse; aliis causis, partim Physicis partim Astronomicis, radiorum incidentiam nimis directam aut obliquam compensantibus. Temperatarum Zonarum incolæ *Heteroscii* appellantur; nempe quibus umbra meridiana versus alterum tantum polum sc. proximum dirigitur, & quibus umbra versus unam tantum plagam circumducitur, uti nobis in Zona Temperata Boreali degentibus, & umbram propriam respicientibus versus dextram.

Rursus, ad Æquatorem Terrestrem degentibus Dies Noctibus perpetuo æquantur, quoniam tam Æquator quam Circulus partem Terræ à Sole illuminatam ab obscura distinguens sunt sphaeræ maximi, & igitur (per Prop. XI. *Lib. I. Theod.*) se mutuo bisariam secant; unde quodvis in Æquatore punctum æquabiliter motu diurno circumvectum tamdiu in luce versatur quam in tenebris. Verum incolæ extra Æquatorem versus alterutrum polum degenti Dies longiores sunt Noctibus, quando polus Terræ proximus annuit ad Solem, & longissimæ cum dictus Terræ polus maxime annuit ad Solem: Et quo magis distat incola ab Æquatore, eo longiores sunt illi Dies longissimæ, donec tandem ad Polarem æstate nulla sit Nox; ut Prop. XXXIII. *Lib. I.* fuscè ostensum est. Hinc ergo factum est, ut *Ptolemæus* alique Geographi Terram dividerint per circulos *Parallelos* Æquatori, à se mutuo, & ab eorum initio (ipso nempe Æquatore) ita distantes, ut longissima Dies augeatur horæ quadrante de *Parallelo* in *Parallelum*. Divisionem in minores partes neglexerunt, quippe insensibiles; & spatium hoc (licet proprie zonulam) pro indivisibili secundum latitudinem habuerunt, & ideo *Parallelum* dixerunt, subintelligentes circulum. Posito ergo ipso Æquatore primo *Parallelo*, secundus per ea Terræ loca transit, ubi dies longissima est horarum 12½; tertius per ea, ubi Dies est 12½ horarum; atque ita denuo, & similiter in altero hemisphaerio. Duo autem hujusmodi spatia *Clima* constituunt, quæ proinde semi-horæ augmento distinguuntur. *Clima* quodvis ab insigni aliquo loco prope medium sito denominarunt: Horum ergo numerantur 24 inter Æquatorem & Polarem alterutrum, quum dies maxima augeatur 12 horis. Verum Vetiustiores hanc numerationem non ab ipso Æquatore inceperunt, sed primum *Clima* per *Meroen* Insulam traduxerunt, ubi hætenus dies longissima per integram horam aucta deprehenditur supra 12 horas, vel quod regionem hanc prope Æquatorem pro mundo recto relinquerent, respectu cujus regiones ad latera *Eximæ* dicuntur; vel quod interiora forsân pro inhabitatis haberent:

berent: quamvis *Ptolemæus* dicat multos etiam tum fuisse, qui contenderent sub ipso *Æquinoctiali* esse habitationes, quasi in regione temperata, sed suæ ætatis homines ad illum usque diem illò non penetrassè. Ex altera parte computum Parallelorum exactum ad Polarem usque non produxit *Ptolemæus*, cum ibi & crebriores sint, & in Borealioribus omnia exacte nimis scrutari operæ pretium non duxerit. At ultra *Æquatorem* versus Polum Antarcticum nomen imposuit Clima cuiusvis, quo indicatur Clima istud ignotum tantum distare ab *Æquatore* versus Austrum, quantum notum quoddam ab eodem distat versus Boream; ut Clima *Arctici-Meridi*, *Arctici-Zoni*, &c.

Sicut Stellarum aut punctorum in Cœlo loca secundum longitudinem & latitudinem computantur per *Eclipticam* (circulum propriæ Cœlestem) ejusque Secundarios; ita locorum in Terra Longitudines & Latitudines computantur in *Æquatore* (circulo propriæ Terrestris) ejusque Secundariis, per polos Terræ transeuntibus. Hujusmodi autem Secundarius per locum aliquem in Terra traductus istius loci *Meridianus* dicitur, quoniam cum per revolutionem diurnam Tellus ad eum pervenerit situm, ut Sol in istius circuli plano producto fuerit, fit Meridies; ut infra fusius explicabitur. Loci cuiusvis *Latitudo* est arcus Secundarii *Æquatoris* sive Meridiani inter *Æquatorem* & Locum interceptus: Estque vel *Borealis* vel *Australis*, prout locus ab *Æquatore* versus hunc vel illum Polum distat. Loci vero *Longitudo* computatur in ipso *Æquatore* ab occasu ortum versus, quia Terræ aridæ terminus versus occasum notior est quam quo ad ortum finitur. Verum cum in *Æquatore* nullum sit initium, neque etiam hic, ut in Cœlis, aliquod punctum cardinale per ejus interfectionem cum *Ecliptica* signatum; Geographorum arbitrio stabilendus erat Primus Meridianus, à cujus nempe interfectione cum *Æquatore* numerationis initium sumeretur. Illi vero Terram aridam & habitabilem nullam agnoscebant præter continentem, quam ipsi incolebant cum adjacentibus insulis: Meridianum igitur Primum per locorum notorum maxime occidentalem (ut Azores, vel Fortunatas) traductum fingeant, atque exinde Terrarum loca omnia, quæ in longum patent, ortum versus secundum Longitudinem disponebant; Locique *Longitudinem* dicebant arcum *Æquatoris* interceptum inter *Primum Meridianum* & *Meridianum* Loci. Ex quo vero Telluris globus circumcirca habitatus reipsa deprehenditur, & locorum occidentalissimus nullus detur, paulatim prædictus Longitudinem locorum numerandi modus negligitur, in Veterum monumentis intelligendis præcipue utilis; (licet etiamnum adhiberi possit;) & quisque Meridianum Urbis propriæ pro præcipuo habet, & quomodo aliorum locorum Meridiani ad ortum vel occasum positi ad hunc referuntur notat, sive quot horæ effluent, ex quo Meridianus orientior Solem reliquit, donec occidentior eundem assequatur; vel ex quo Sol orientaliorem Meridianum relinquere visus ad occidentaliorem pertingit.

Rurfus,

Rurfus, ratione Meridianorum & Parallelorum comparati incolæ Telluris, alii Geographis dicuntur *Periœci*; qui in eodem Parallelo Terrestri & oppositis Meridianis degunt. (Oppositi Meridiani dicuntur ejusdem circuli oppositæ semiffes à Polis computatæ, quoniam quæ in hujusmodi oppositis semicirculis sunt loca, ad opposita Æquatoris Terrestris puncta referuntur.) Unde Periœci Tempestates Anni easdem experiuntur, propter polum Terræ utrisque proximum annuentein ad Solem, vel ab eodem abnuentem; vel, secundum apparentiam immotæ Terræ loquendo, quoniam Sol ad utriusque loci parallelum (quippe eundem) pariter accedit, & ab eodem recedit: At meridiei & mediæ noctis vices subeunt alternas, prout horum vel istorum Meridianus per Telluris revolutionem diurnam Soli subjicitur, vel (quod tantundem valet) prout Sol ad horum vel istorum Meridianum revolutione diurnâ apparente gyratus accedit; nisi fuerint in Zona Frigida, ubi die simul fruuntur. Alii rursus dicuntur *Antœci*, in eodem Meridiano at oppositis Parallelis habitantes, ita ut meridies vel media nox utrisque simul contingat; quippe qui eandem habeant longitudinem. At horum æstas evadit istorum hyems, prout Tellus motu annuo nunc ipsius polum borealem nunc australem Soli magis obvertit; vel prout Sol ad hunc vel istum Polum ab Æquatore declinat. Alii denique vocantur *Antipodes*, quod in oppositis Meridianis æque ac Parallelis versantes adversis è diametro pedibus incedant. Hisce omnia contraria eveniunt: His nimirum æstas & longæ dies vel noctes nullæ eodem tempore quo illis hyems & breves dies vel noctes perpetuæ; nox vero ibi quando hic dies, & dies quando hic nox. Patet Æquatoris incolam sibi esse Antœcum; eundem vero esse huic & Periœcum & Antipodem: Poli autem utriusque incolam sibi esse Periœcum, & ejus Antœcum eundem esse qui Antipodem.

PROPOSITIO IV.

Horizontis ejusque Secundariorum & Parallelorum genesis & naturam exponere, Vocesque in Astronomia usitatas hinc pendentes explicare.

Præter jam dictos Eclipticæ & Æquatoris circulos, respectu quorum loca stellarum è Tellure visa determinant Astronomi, est & alius *Horizon* dictus, qui est magnus ille circulus, quem quisque in planitie constitutus visu circumactò definit, quo Cœli pars conspicua dividitur ab inconspicua. Circulus hic est omnium in sphaera ad apparentiam præcipuus; quippe à quolibet Observatore vel maxime rudi statim determinatus. Ejus genesis ex vero Systemate tradita est superius Prop. xxxii. Lib. I. Verum quoniam superficies sphaerica, ad quam phænomena Cœlestia referimus, Telluri non oculo concentrica intelligitur; planum per oculum Tellurem contingens hanc in æqualia segmenta non dividit, quare Horizon ibi descriptus, per sectionem dicti plani & Sphæræ genitus, *Sensibilis* proprie dicitur; quippe

quippe Sensu definitus: Et *Rationalis* istius spectatoris Horizon ille est, qui fit per sectionem dictæ superficiei sphaericæ cum plano Horizonti sensibili parallelo; per ipsum Telluris centrum transeunte. Hæc autem plana parallela producta eundem in superficie sphaeræ valde magnæ, in qua Fixæ spectantur, circulum signant, cum ipsa Tellus ad Fixarum sphaeram comparata puncti rationem habeat. Ex quibus patet Horizontem inter Fixas consideratum esse circulum in sphaera maximum, à puncto Vertici hominis (cujus est Horizon) incumbente, *Zenith* dicto, & huic opposito *Nadir* æqualiter undique distantem: Quæ proinde puncta Zenith & Nadir sunt Horizontis Poli in quibus se invicem decussant Horizontis Secundarii per omnia Cœli puncta traducti, qui proinde *Verticales* nuncupantur, & quandoque *Azimutbi*: Horizontis vero paralleli, sive supra illum versus Zenith intelligantur, sive infra versus Nadir, *Almicantarath* dicuntur. Inter Circulos Verticales eminent præcipue duo, quorum alter per Zenith (communem Verticalium omnium nodum) & Mundi polos traducitur, vocaturque *Meridianus*; nempe *Cœlestis*, quippe directe incumbens Meridiano Terrestris: Circulus hic Horizontem interfecat in Cardinibus *Meridiei* & *Septentrionis*, illosque signat. Verticalium principalium alter est huic ad angulos rectos, & Horizontem in punctis Ortus & Occasus interfecat; & quoniam prior ille, licet Verticalis, alio item nomine sc. Meridiani indigitatur, posterior hic *Verticalis Primarii* appellationem sibi habet relictam. Per Horizontem ejusque Secundarios quodlibet in Cœlo punctum secundum Altitudinem supra aut Depressionem infra Horizontem, & Azimuthos disponitur: Nempe cujusvis puncti *Altitudo* aut *Depressio* est circuli Verticalis arcus inter dictum punctum & Horizontem interceptus: *Azimutbus* vero est Horizontis arcus interceptus inter cardinem Meridiei vel Septentrionis & punctum, in quo Verticalis per Phænomenon traductus occurrit Horizonti; qui *Orientalis* vel *Occidentalis* est, prout à Meridiano in orientalem vel occidentalem Cœli partem numeratur. Quandoque Azimuthus numeratur à Cardine Orientis vel Occidentis versus Septentrionem aut Meridiem. At à Cardinibus hisce perpetuo numeratur *Amplitudo Ortiva* vel *Occidua*, quæ est Horizontis arcus inde ad punctum oriens vel occidens numeratus, & utraque proinde *Borealis* vel *Australis*; quanquam denominatio hæc primum fluxisse videatur à Constellationibus integris, quaesitumque quam amplum Horizontis spatium occupet oriendo vel occidendo constellatio quælibet.

Quatenus quælibet superficiei convexæ Telluris portio, cui insistit spectator, tanquam planum habetur Horizonti parallelum; in illo considerantur Ventorum Plagæ, quarum Cardinales sunt Septentrio & Meridies, Oriens & Occidens; quæ nempe subsunt Meridiano & Primario Verticali supra descriptis, sive sectiones sunt plani Horizontalis cum planis dictorum circulorum. Quatuor has Plagas monstrat nobis Cœli motus; Plagam nempe Orientis, ubi Sol in Æqui-

noctiis oritur: Occidentis, ubi se Sol condit eodem die: Septentrionis, quā Polus mundi nobis Borealis hemisphærii Terræ incolis conspicitur, & Stellæ septem Triones dictæ perpetuo apparent: denique Plagam Meridiei, unde Sol nobis Medio die radiat. Voces enim Astronomicæ Terrarum tractibus in Zona temperata Boreali fitis accommodatæ sunt, quia Astronomia primum in iis solis colebatur. Mediæ totidem inter quatuor Cardinales nomina habent (in Anglicana & cognatis linguis) composita ex nominibus Cardinalium suorum lateralium, ita ut præponatur in compositione nomen præcipui Cardinis. Jam inter has octo collocatæ medio loco aliæ octo iterum ex nominibus priorum octo composita habent nomina, singula ex binorum lateralium sibi vicinorum, præposito nomine Cardinalis in compositione; unde fit, ut nomen præcipuorum Cardinum statim duplicetur, & reliquorum Cardinum nomina sint in initio & fine dictionis sic compositæ. Inter sedecim plagas, nominatas interjectæ sedecim aliæ composita habent nomina, singulæ ab una primarum octo, cui cum præpositione annectitur nomen Cardinis quorsum illa declinat; exsurguntque triginta & duæ Ventorum Plagæ, quæ sunt communes interfectiones planorum totidem Verticalium cum plano Horizontis, & ventis satis præcise distinguendis inserviunt. Pro Phænomenon vero Cœlestium Azimuthis numerandis adhibemus Horizontis gradus, incipiendo ab aliquo quatuor Cardinum; ut supèrius dictum est. Porro Plagæ hæ (dum in plano Horizontali considerantur) rectæ linæ habentur; si vero Terræ superficies tanquam sphærica consideretur, (qualis revera est,) dictarum Plagarum per Terræ superficiem productarum nulla recta est, Cardinales tantum sunt circuli; nempe qui Septentrionem & Meridiem indicat maximus atque idem cum Meridiano loci unde initium sumunt; qui vero Ortum & Occasum ostendit est circulus minor, parallelus nempe Æquatori, per locum transiens; nisi locus sit in ipso Æquatore, quo casu etiam major est; quippe ipse Æquator: Reliquæ Plagæ per Terræ superficiem productæ, quæque nunc *Rhumbi* & *Loxodromiæ* dicuntur, Curvæ sunt Spirales sui generis, Meridianos omnes in datis angulis secantes.

PROPOSITIO V.

M*eridiani Cœlestis aliorumque Circulorum Horariorum generis & naturam explicare.*

Prop. III. explicatum est, qualis circulus sit Meridianus cujuscunque loci in Terra consideratus; nempe circulus Terram cingens, per utrumque Polum & dictum locum tractus; & proinde maximus, quia per opposita puncta transiens. Et Meridianus Cœlestis ejusdem loci est huic in Cœlo directe superincumbens & respondens; nempe per Polos in Cœlo & loci Zenith tractus. Et quoniam Observator in eodem loco manens Tellurem & proinde sui ipsius locum ejusque verticem pro immotis habet, Meridianum Cœlestem per

per immotos Polos immotumque Verticem traductum, tanquam circulum Cœlestem immotum concipit: verum cum Cœlum & omnia Sydera motu diurno revolvi videantur, Meridianum sui loci motûs hujus minime participem, tanquam extra Cœlum mobile concipit, Cœlumque intra illum revolutum. Et in quovis loco fit Meridies, cum Sol, per Cœli revolutionem diurnam apparentem, ad prædictum immobilem Meridianum Cœlestem supra Horizontem pervenisse videtur; media vero nox, cum Sol ad ejusdem partem infra Horizontem pertingit. Nam quoniam Meridianus hic Cœlestis per Horizontis & Æquatoris polos transit, & (per *Prop. xv. Lib. I. Sphæric. Theodosii*) Horizontem & Æquatorem hujusque parallelos omnes ad angulos rectos interfecat; patet Meridianum omnium Æquatori parallelorum circularum segmenta ab Horizonte facta in æquales partes dividere; adeoque cum Sol per motum diurnum hujusmodi parallelum quandam describat, (arcum quidem illius supra Horizontem exstantem Diu, ejusque arcum infra eundem depreffum Noctu,) constat Meridiem fieri, cum Sol ad circulum Meridianum supra Horizontem appellit, mediamque noctem cum ad ejus partem oppositam infra Horizontem latentem pertingit: unde & huic nomen est impositum. Et ob easdem rationes medium punctum moræ cujusvis Syderis supra aut infra Horizontem incidit, cum Sydus illud Meridianum attingit: Ubi simul ejus elevatio supra Horizontem est maxima, quæ & Altitudo Meridiana ejus Syderis dicitur.

Rursus, cum spatium temporis inter duos proximos meridies in 24 partes æquales (*Horas dictas*) divisum intelligatur, & ob æquabilem Telluris revolutionem diurnam circa proprium axem, Sol æquabiliter Æquatorem aut huic parallelum aliquem super Polos Æquatoris Cœlestis describere videatur; præter Meridianum alii undecim concipiendi sunt circuli *Horarii* per Æquatoris polos traducti, qui una cum Meridiano Æquatorem in 24 partes æquales dividant; atque hi (ejusdem loci respectu) immobiles intelliguntur Meridiani instar extra sphaeram positi, interea dum Cœlum æquabiliter subter illos revolvitur. Unde patet arcum Æquatoris inter duos hujusmodi circulos proximos interceptum esse 15° ; nempe partem 24^{am} integræ peripheriæ. Sed mutato Meridiano Terrestri, Observator omnes suos Horarios circulos mutat. Horarii dicuntur, quoniam Sol ad illorum quemvis per motum diurnum apparentem pervenisse spectatus, talem ante vel post meridiem Horam efficit, qualis est ordine circulus iste Meridiano orientior vel occidentior. Imaginari licet & alios infinitos hujusmodi circulos Horarios, prout Horam divisam supponimus in 60 scrupula prima, quorum quodvis rursus in 60 secunda dividitur, atque ita porro. Circuli hi Horarii iidem sunt positione cum Declinationum circulis, (de quibus *Prop. II*;) quippe Æquatoris secundarii: sed in hoc discrepant, quod Declinationum circuli una cum ipsis Stellis punctisque Cœli, quorum Declinationem mensurant, circumacti; Ho-

rarii vero (ut dictum est) immobiles concipiantur. In Cœlo etiam respondent Horarii Meridianis in Terra; & quidem Meridiani Terreſtres ſunt reiſpſa circuli Horarii, & non niſi per apparentiam in Cœlum inyeſti. Nam ſicut fit in loco dato merides, cum Tellus motu diurno revoluta in eum ſitum pervenerit, ubi Meridiani planum productum in Solem incidit: ita talis eſt ante vel poſt meridiem Hora, qualis eſt ordine Meridianus Terreſtris ille, in cujus plano producto Sol tunc reperitur, à Meridiano loci.


PROPOSITIO VI.

Varias Sphæræ Mundi appellationes, aliasque Voces in Aſtronomia uſitatas, à varia inclinatione Horizontis ad Æquatorem pendentes explicare.

Cum pro diverſitate locorum Terreſtrium Horizon omniſque proinde Cœli facies; (hoc eſt, ipſa Mundi Sphæra) diverſa ſit; hanc diverſitatem triplicem conſtituunt, pro triplici poſitione Horizontis ad Æquatorem. Aut enim Loci Horizon rectus eſt ad Æquatorem ſecans illum ad angulos rectos, aut obliquus, aut illum omnino non ſecat, ſed cum eo coincidit. Quibus primum contingit, illi dicuntur incolere *Sphæram Rectam*; quibus vero ſecundum, *Obliquam*; quibus tertium accidit, eorum *Sphæra* dicitur *Parallela*, quod iis Stella quævis per motum diurnum videatur deſcribere circulum Horizonti parallelum.


In Sphæra Recta, (nempe ubi Æquator EQ ad Horizontem HO erectus eſt, ut in Figura,) Æquator (per *Prop. xv. Lib. I. Theodoſii*) per Horizontis polos Zenith & Nadir tranſibit: ipſe ergo locus in Telluris ſuperficie in Æquatore Terreſtri erit; tales namque ſoli Zenith & Nadir in Æquatore Cœleſti habent. Sphæram igitur Rectam incolunt omnes, illique ſoli, qui ſunt per longitudinem Æquatoris Terreſtris diſperſi. Horum Horizon per polos Mundi A & a tranſit (per ſupra citatam *Theodoſii Prop.*) & quodvis in Cœlo punctum recta ſuper Horizontem aſcendere videtur; quippe circulum motu apparenti diurno deſcribens Æquatori (qui ad hunc Horizontem rectus eſt) parallelum. Et puncta, quæ ſimul oriuntur, ſimul etiam ad Meridianum pertinent, ſimulque occidunt; quia poli, circa quos motus diurnus, quo Sydera Oriri, ad Meridianum pervenire & Occidere videntur, ſunt tam in Horizonte quam Meridiano huius Sphæræ. Atque ex hoc Sphæræ ſitu originem ducit modus reducendi puncta Cœli ad Æquatorem. Nempe *Aſcenſio Recta* cuſſibet in Cœlo puncti eſt arcus Æquatoris verſus ortum numeratus, interceptus inter initium Arietis & punctum Æquatoris, quod ſimul cum dicto in Cœlis puncto aſcendit in Sphæra Recta:

Simi-



Similiterque intelligitur quid sit *Descensio Recta*: & loco Horizontis Sphæræ Rectæ, cujusslibet loci Meridianus assumi potest. Exinde quod soli Æquatoris Terrestris incolæ Sphæram habeant Rectam, ex supra dictis (præcipue ad Prop. xxxiii. Lib. I.) patet, quænam sint hujus Sphæræ affectiones; nempe noctes diebus hic perpetuo æquari, & quodlibet Cœli punctum tamdiu supra Horizontem conspici, quamdiu infra illum latet.


In Sphæra Obliqua, ubi Horizon HO Æquatorem EQ ad angulos obliquos secat; horum neuter per alterius polos transit, adeoque alter Æquatoris five Mundi Polus supra Horizontem est, alter infra eundem: ille igitur semper apparet, hic vero latet: neque Æquator per verticem Z transibit, sed vertex erit inter Æquatorem & polum conspicuum. Hujusmodi Sphæræ duo erunt genera; vel enim polus Boreus & elevatur supra Horizontem HO , & Australis latet, vel è contra Australis attollitur, depresso Boreali. Prioris generis Sphæram habent omnes, qui inter Æquatorem Terrestrum & Polum Arcticum degunt; posteriorem, qui inter Æquatorem & Antarcticum. Et præcipua utriusque phænomena quoad æstatem & hyemem hæctenus explicata videre est Prop. xxxiii. Lib. I. secundum



verum Mundi Systema. Et in Systemate apparenti, cum quodvis in Cœlis punctum æquabili motu diurno describat vel Æquatorem vel illi parallelum quendam; solus vero Æquator, parallelorum autem nullus in duas æquales partes ab Horizonte obliquo dividatur; Sol & Stellæ omnes extra Æquatorem versus Polum conspicuum declinantes diutius supra Horizontem morantur quam infra; & è contra quæ versus Polum latentem declinant, diutius sub Horizonte latent quam supra eundem versantur. Atque hoc ad certum usque terminum versus utrumque Polum obtinet. Si enim Declinatio augeatur, donec Syderis distantia à Polo conspicuo minor sit quam Poli elevatio supra Horizontem, Sydus omnino non occidit: At si minor sit ejus distantia à Polo inconspicuo, supra Horizontem non ascendet; hoc est, non orietur. Et paralleli OV, HI semper conspicua & inconspicua in dato loco Sydera concludentes, Horizontemque tangentes, Veteribus quibusdam (ut *Euclid* in *Phænomenis*, *Manilio* in *Astron.*) ejus loci *Polares* dicuntur, qui proinde majores sunt & longius à Cœlesti Polo remoti, quo locus, ejus sunt Polares, est ab Æquatore Terrestris remotior; hoc est, quo obliquior est Sphæra. Omnes autem inter Polares hæc intermediæ Stellæ vicissitudines habent ortus & occasus, ascensionis & descensionis. *Ascensio* Stellæ aut cujuscvis Cœli puncti *Obliqua* est Arcus Æquatoris versus ortum numeratus, interceptus inter initium Arietis & punctum Æquatoris quod simul cum Stella oritur, in data Sphæra Obliqua: atque hæc pro varia Sphæræ obliquitate varia est. Et

Differentia Ascensionalis est differentia inter Ascensionem rectam & obliquam. Eademque de *Descensione Obliqua* sunt intelligenda.


In Sphæra Parallela, ubi Horizon HO cum Æquatore EQ coincidit, unumque ex motûs diurni parallelis constituit, illorum Poli (nempe Zenith & Mundi Polus) etiam coincident: adeoque hæc Sphære positio solis ad binos Terræ Polos degentibus competit; omniaque Cœlestia per motum diurnum circulos Æquatori parallelos describent etiam circulos Horizonti parallelos. Unde nullus erit per motum hunc diurnum ortus aut occasus, nullaque adeo in hac Sphæra Ascensio Descensio, nullusque Meridianus, cum hic per Polum locique verticem traducatur; cumque hi duo in hac Sphæra coincident, circulum nequeunt determinare, quolibet verticali Meridiani nomen pari jure sibi vendicante. Solis vero phænomena ex motu Terræ annuo oriunda, in Sphæra parallela conspicua, Prop. xxxiii. Lib. I. explicata sunt; competentia nempe alterutrius Poli incolis. In Systemate vero apparenti patet Solem, dum ad illum ab Æquatore Polum declinat qui Zenith occupat, perpetuo conspici, semestremque diem constituere; sicut ex adverso semestrem esse noctem, dum Sol ad alteras Æquatoris ac proinde Horizontis partes declinat; dieique & noctis initia incidere in Solis ingressus in puncta Æquinoctialia.



PROPOSITIO VII.

Latitudo loci est arcus similis arcui elevationis Poli supra Horizontem.

Sit $ae\bar{b}q$ Tellus, cujus centrum τ , Poli a & b , Æquator eq . Sumatur in hujus superficie locus quivis l , cujus Latitudo est le arcus Meridiani inter ipsum & Æquatorem interceptus. Sit concentrica Sphæra Cœlestis, cujus Poli, Æquator, & Meridianus β, A, EQ , & βEAQ respondeant Polis, Æquatori, & Meridiano Terrestribus. Sit loci l Zenith z & Nadir n ; nempe in rectæ τl productæ intersectionibus cum superficie sphæricæ Cœlestis. Quare HO circulus in Sphæra maximus super polos z & n descriptus est loci Horizon, & Meridiani arcus OB est Altitudo Poli conspicui β supra Horizontem, quem aio similem esse arcui le , Latitudini nimirum loci. Nam quia A & β sunt Poli circuli EQ , est (per Prop. x. Lib. I. Sphæric. Theod.) angulus βTE rectus; & ob eandem rationem angulus $z TO$ est rectus. Si ergo ab æqualibus βTE , $z TO$ auferatur communis angulus $z\bar{t}\beta$, reliqui



liqui ETZ, BTO erunt æquales. Et igitur (per Prop. XXXIII. El. 6.) arcus eI , BO, quibus illi insistant ad centrum, sunt similes. Q. E. D.

PROPOSITIO VIII.

Crepusculi causas exponere, ejusque Limites definire.

Crepusculum est crepera illa five dubia Lux ante Solis ortum & post ejus occasum. Si nulla esset circa Tellurem Atmosphæra, neque ullus Auræ Ætheræ Soli proximæ splendor, quamprimum per Telluris motum diurnum quilibet in illius superficie locus in Telluris umbram volveretur, vel quamprimum Sol motu apparenti diurno infra ejus loci Horizontem descenderet, meræ essent tenebræ; quippe Spectator à radiis Solaribus relictus luce destitueretur: Verum non tantum Sol, sed & Soli proxime circumfusa aura Ætheræa (illiusque quasi Atmosphæra accensa) etiam splendet; cumque hæc oriendo aut occidendo tempus majus infumat quam ipse Sol, ante Solis ortum Aurora manifestâ circulari figurâ enitetur, surgens in claritatem figuræ ejusdem, quæ est istius segmenti circuli hæctenus orti Atmosphæra Solaris, & diversa prorsus ab illa, quæ ab illuminatione Atmosphæra Terrestre ab ipso Sole facta procedit: Quod & de Crepusculo post Solis occasum similiter est intelligendum. Verum quia materia splendens ob Solis viciniam nunc magis nunc minus splendet, Crepusculi hinc orti termini non erunt usque adeo certi, præsertim cum conjungatur cum alia potentiorique Lucis hujus creperæ causa. Nam postquam Telluris incola superficiei insistent ultra Lucis metas in Telluris umbram revolvitur, Telluri circumjecta Atmosphæra, satis longe supra Terram expansa, etiamnum illuminatur, locumque observatoris radiis reflexis illustrat. Hæc etiam causa subinde mutatur, prout plures aut pauciores in Atmosphæra suspensæ reperiuntur particulae, radiis Solaribus reflectendis aut aliter ad nos detorquendis idoneæ; & prout particulae hæc in majorem aut minorem emergunt altitudinem, quod ab Aeris (quippe fluidi cui innatant) gravitate per Baroscopium indicanda pendet. Nam si prope Terræ superficiem humiles admodum hærent, statim etiam & hæc, paulo post cum loco cui incumbunt in umbram revolutæ, radios Solares non amplius exciperent: Si vero aut raræ admodum in expanso spatio narent, aut lumini detorquendo parum idoneæ, lumen Solis aut non omnino aut saltem tenuissimum & movendo sensui vix sufficiens ad nos mitterent; sicut revera experimur in expanso illo omni extra Telluris umbram, quod (licet perpetuo radiis Solaribus pateat) tam debile lumen versus nos remittit, ut vix illius nomen fortia-

Cum ex utraque causa Crepusculi duratio varia sit, observatione tamen constat Diluculi matutini initium plerumque fieri, cum jam Sol non amplius quam 18° infra Horizontem deprimitur; & vespertino Crepusculo finem imponi, cum Sol ad similem profunditatem

tatem pervenit. *Tycho* quidem depressionem Solis, quæ Crepusculo terminum ponit, 16" esse vult: Alii ad 19" usque hanc extendunt; donec nimirum Fixæ minimæ cerni possint. *Cassinus* ex propria observatione ad 17" tantum hanc extendit. *Ricciolus* ex sua hanc aliam mane, aliam vespere, & diversis anni tempestatibus diversam invenit.

SCHOLIUM.

Crepusculo cognatum videtur Lumen istud ab oculatissimo D. *Cassini* primum Anno 1683. paulo ante *Æquinoctium* Vernum vespere observatum, à Sole Orientem versus secundum *Eclipticam* protensum. Sequentes observationes ipsius D. *Cassini* & D. *Fatio* evicerunt Lumen hoc ab utroque Solis latere diffundi secundum *Eclipticam* fere, sed ordinario ab hac ad septentrionem potius quam ad meridiem deflectere. Forma est utrinque acuminata; cuspides binæ à Sole nunc magis nunc minus distantes, initio duobus Signis aut paulo amplius à Sole remotæ, & post tres annos distantia in tria Signa aut etiam 100" excrevit: ejus latitudo est ultra 30" prope Horizontem: nequit vero Phænomenon hoc conspici ubi latissimum est; nempe ad ipsum Solem secundum latitudinis circum-
lum. Ejus latera sunt fere recta, nonnihil quandoque circa medium, Solem inter & alterutram cuspidem, gibba; angulo nunc majore nunc minore ad invicem inclinata. Angulus hic in mediocri sua quantitate circiter 21". Ex hisce patet Phænomenon hoc Luminosum simul cum Sole iisdemque passibus per *Eclipticam* moveri: quod & de utraque cuspide etiam verum est; nisi quatenus hæc per totius incrementum aut decrementum à Sole magis minusve distant. Claritas ejus est Viæ Lactææ Caudæve Comæ claritati haud abfimilis, hujusque instar translucens; in medio major, versus extrema minor, sensim deficiens, & in circumfuso cæruleo Cœlesti extincta: Unde diversis Observatoribus pro oculorum acie, eodem tempore & loco diversæ magnitudinis, & pro Cœlo puro aut turbido, Crepusculi proprie sic dicti & lucidorum Syderum absentia vel præsentia, magis minusve extensa varietate terminata, mane semper debilior quam vespere apparet. Lumen hoc propter crepuscula pernoctia nequit mediâ æstate in regionibus prope alterutrum Polum conspici; mane & vespere ejusdem diei circa mediam hyemem (silente Lunâ) videri potest: in locis prope *Æquatorem* idem quovis anni tempore fiet. In locis quibuscvis eo clarius videtur, quo ad Horizontem erectum magis; quippe ex Crepusculo & Vaporibus prope Horizontem hærentibus magis exstans: adeoque in regionibus hisce Borealibus optime videtur mane post *Æquinoctium* Autumnale, ineunte scil. *Octobri*; & vespere, exeunte *Februario*; *Eclipticâ*, secundum quam protenditur, tum (initio & fine Crepusculi tunc brevissimi) ad Horizontem magis erectâ; punctis *Æquinoctialibus* in illo constitutis.

Corpus (aut potius corpusculorum congeries) cujus hæc sunt Phæno-

Phænomena, videtur Lentis formâ Solem ambire; ut D. *Fatio* con-
jecit. Planum per Lentis aciem est in Eclipticæ plano, aut saltem
non procul ab illo: ipsa acies inter Orbitas Veneris & Telluris, ast
huic propior. Particulæ istud lentiforme spatium replentes (ut At-
mosphæræ Solaris particulæ, de quibus modo dictum) lumen So-
lis reflectendo prædictam speciem producere videntur: Annulus
enim, cujus oppositæ facies planæ sunt & parallelæ, Ellipticos spe-
ciem præ se ferret, versus cuspidēs obtusioiem quam Phænomenon
hoc. D. *Cassini* particulas hæc Solis lumen remittentes, spatio hoc
contentas, pro innumeris Planetis habet, cum separatæ, Planetarum
instar, motus suos circa Solem exerceant; quo modo Lumen hoc
matutinum & vespertinum ab innumeris Planetis ortum ducit,
sicut Via Lactea ab innumeris Fixis.

D. *Fatio* Lumen hoc Mundo cœvum esse suspicatur: *Cassinus*
è contra, brevi ante primam ejus observationem à se factam na-
tum esse, atque illud duobus ante annis non exstitisse, cum in loco,
quem tum obtinere debuit, Cœlo intentus Cometam oculis fre-
quenter intueretur. Illud vero antea exstitisse, posteaque evanuisse
latis ducit verisimile ex historiis antiquis, quæ illud describere viden-
tur; præsertim vero ex observatione D. J. *Childrey*, qui illud procul-
dubio vidit, ut patet ex ejus descriptione pag. 183, 184. in monito
ad calcem *Libri*, quem sub titulo *Britanniæ Baconicæ* idiomate
Anglico Anno 1661. edidit; quippe eodem in loco, iidemque con-
stellationibus, quibus istâ anni tempestate nunc apparat. Ejus verba
latine reddita hæc sunt: *Aliud insuper est, quod Mathematicorum*
observationi commendatum volumus; nimirum Mense Februario,
pauloque ante & post hunc (sicut per plures annos observavi) circa
horam sextam à Meridie, cum Crepusculum Horizontem jam pene
deseruit, Scimita Luminosa à Crepusculo versus Pleiadas porrecta,
illasque quasi contingens, se plane videndam præbet. Scimita hæc
quovis tempestate serena videtur; optime autem illumi Noctē.
Et paulo post: Credimusque Phænomenon hoc olim exstitisse, &
debinc semper ad dictam anni tempestatem appariturum. At quæ-
nam sit illius causa & natura, conjecturis assequi nequeo; sed poste-
riorum indagini relinquo.

PROPOSITIO IX.

Quid per Stellarum Ortum & Occasum Poeticum intelligatur,
explicare, ejusque species, Cosmicum nempe, Achronicum &
Heliacum exponere.

In præcedentibus actum est de vero ortu & occasu syderum;
ascensu nimirum supra Horizontem certi loci, & descensu infra
eundem, sive potius depreffione dati Horizontis infra sydus, & ele-
vatione eiusdem supra illud; atque istud quidem absque ulla Solis
consideratione. Comparandi vero jam sunt ortus & occasus Syde-
rum cum motu Solis per Eclipticam, adeoque cum luce diurna

& cum Anni Tempestatibus. Hisce enim signis veteres Agricolaë & ex eorum traditionibus Scriptores rei rusticæ, nec non & Medici, Poetæ & Historici sunt usi ad Anni Tempestates designandas, qui proinde sine harum vocum explicatione intelligi non possunt.

Tres vulgo numerantur species ortûs & occasûs Poetici, *Cosmicus*, *Achronymus* & *Heliacus*. Oriri *Cosmice* vulgo dicitur Stella, quæ oritur oriente Sole, & occidere *Cosmice*, quæ occidit oriente Sole; adeo ut ortus & occasus *Cosmicus* idem sit ac matutinus, quasi principium dici artificialis, sive Solis ortus idem sit qui Mundi ipsius. Oriri vero & occidere *Achronyce* vulgo dicitur Stella, quæ oritur vel occidit occidente Sole; adeoque *Achronymus* ortus vel occasus idem sonat atque vespertinus. *Keplerus* vero hæc voces alio sensu accipiendas contendit; ita nempe ut oriri & occidere *Cosmice* idem sonet quod supra Horizontem ascendere, vel infra illum descendere; oriri vero aut occidere *Achronyce* sit idem quod oriri aut occidere in Solis opposito, sive in altero Acro aut termino Noctis: quo sensu & *Ptolemæus* & ad hunc usque diem Astronomi plerique Planetam *Achronymum* appellant, cum est Soli oppositus & totâ nocte fulgidus: Adeo ut oriri *Achronymice* sit, ut vulgo, idem quod oriri occidente Sole; occidere vero *Achronymice* idem sit quod occidere oriente Sole; qui occasus vulgo *Cosmicus* dicitur.

Oritur Stella *Heliace*, quando quæ prius latebat sub radiis Solis, sic ut eodem fere tempore cum Sole & oriretur & occideret, postridie è radiis Solis emerfit in tantum, ut Sole latente sub Horizontem ipsa primum cerni possit, jamjam vel occubitura sub Horizontem vel exstinguenda superventu lucis diurnæ. Occidit vero Stella *Heliace*, quæ cum prius, Sole non multum infra Horizontemmerso, adhuc cerneretur supra, jam in tantum se condidit Solis radiis, ut postridie orta ex Horizonte, vel occubitura sub illum, cerni amplius non possit. Si nullum esset crepusculum, Ortus hic & Occasus ejusdem stellæ *Heliacus* (qui rectius Apparitio & Occultatio dicrentur) non nisi per unicum diem ut plurimum inter se distarent. Nam in illo casu Stella vel ante Solis ortum conspiceretur, si ejus ascensio obliqua in dato Horizonte vel tantillo minor esset quam ea Solis, vel post ejus occasum cerneretur, si tantillo major. Immo si nulla prorsus esset Atmosphæra, stellæ minimæ vel interdiu ipso Sole lucente conspicerentur. Ratio enim, cur nunc non apparent, hæc est: Atmosphære particulæ à Sole fortiter illustratæ tam vividam stipatamque lucem in oculum spectatoris effundunt, ut retina (aliudve si quod sit visûs sensorium) debili admodum stellulæ imagine prorsus non moveatur, illamque proinde non videat. Quod si nulla esset Atmosphæra Telluri circumfusa, nec circumjecta ulla Terrestria corpora quæ lumen reflectant; si Solis radii directi ab oculo arcerentur, oculus à radiis corporis aut valde lucidi aut fortiter illustrati (similiter atque nunc noctu) vacuus stellas minimas clare videret, nisi hæc sub Atmosphæra Soli circumfusa laterent: hæc enim cum Sole corpus unum lucidum constituunt. Cum vero pro

pro minore Stellæ claritate majore opus fit depreffione Solis infra Horizontem, ut ea cernatur; patet Occafum Heliacum citius fieri & Ortum tardius. Ac primo, opus eft totali Crepufculi abolitione feu Solis depreffione 18^æ, ut Stellæ minimæ cernantur: pro sextæ magnitudinis Stellis cernendis Opus erit depreffione Solis 17^æ, & ita denuo, donec ad primæ magnitudinis Stellas cernendas, in Horizontis ea Plaga quæ ad Solem eft, opus fit Solis demerfione 12^æ. Planetæ clariore pleniorque fulgentes luce tantâ non opus habent, adeo ut Marti & Saturno Gradus tantum 11 debeantur; Jovi & Mercurio circiter 10: Veneri vero cernendæ 5^æ demerfionis neceffarii vulgo habeantur; quamvis hæc etiam fplendente Sole non raro cernatur, licet non ad Ortum vel Occafum Heliacum. Verum hæc in Planetis pendent à varia illorum à Tellure diftantia, & plenior orbe minufve pleno inferiorum.

Stellæ omnes Fixæ fub Zodiaco fitæ, item Planetæ superiores Saturnus, Jupiter & Mars, quos nempe Sol motu annuo verfus orientem factò antevertit, oriuntur Heliace mane, paulo ante Solis ortum; nempe paucis poft diebus quam Cofmice oriuntur: occidunt vero Heliace vefpere; paulo nempe ante quam Achronyce occidunt. Luna vero, quæ Solen perpetuo antevertit, oritur Heliace vefpere; cum nempe nova ex radiis Solaribus emergit: occidit vero Heliace mane, cum jam vetus ad conjunctionem cum Sole properat. Inferiores vero Venus & Mercurius, qui aliquando Solem antevertunt, aliquando verfus occidentem poft Solem relinquuntur, (ficut Lib. I. fufe eft oftentum,) quandoque Heliace oriuntur mane, cum nempe retrogradi funt; quandoque vefpere, cum directi; quod & de Occafu Heliaco fimiliter eft intelligendum. Fixæ vero, longe extra Zodiacum verfus Polum elevatum poftæ, poffunt uno eodemque die fimul & oriri & occidere Heliace, aliasque fubire viciffitudines hujusmodi ortûs & occafûs refpectu; ut confideranti patebit.

Græci & Romani olim utebantur Anno ad Solis motum non exacto; unde fiebat ut nunc prævenirent Solem, nunc fequerentur. Cum autem Tempeftates Anni non revertantur cum erroneo Calendario, fed cum Sole & Solstitiis; ut operæ rufticæ, domesticæ, militares, fuâ quæque tempeftate fierent, Veteres propofuerunt ortus & occafus Syderum Calendarii loco. Cum enim Stellæ Fixæ ab Æquinoctialibus & Solftitjalibus punctis non nifi lente admodum & motu tum temporis vix percepto moverentur, non dubitabant Solem ad eundem refpectu ejusdem Stellæ locum reverfum, ad eundem etiam refpectu Æquinoctiorum & Solftitiorum fitum denuo perveniffe; hoc eft, cum eadem Fixa rurfus Cofmice, Achronyce aut (quod præcipue attendebant) Heliace oritur vel occidit, eandem rurfus Anni Tempeftatem Orbi redditam, ac proinde ad eandem operas revertendum effe; adeo ut ftatas Anni Tempeftates Sydera appellarent. Verum deprehenfum eft Fixas poft elapfos plurimos annos ex fedibus fuis exceffiffe; adeoque fi dies Ortûs vel Occafûs datæ Fixæ apud Veteres ad noftrum Calendarium reducendus

fit, ratio est habenda motûs Fixarum intermedio tempore facti. Verum cum hodie exemplaria Calendarii facile comparari possint, & Calendarium Romanum (quo nos utimur) ad Solis motum, quo Anni Tempestates ordinantur, propius accedat quam Fixarum Ortus & Occasus; fit ut paulatim observatio hujus Ortûs & Occasûs neglecta jaceat, nec ab aliis usurpetur quam à Poetis, qui Tempora per circumstantias tam varii Ortûs & Occasûs tot Syderum (quibus nihil pulchrius) describere & veluti pingere solent; quamvis plerumque erroneè, quippe qui Calendarii nostri diem per ejusdem Stellæ ortum describunt nunc, per quem recte describebatur tempore Cæsaris, cum tamen tempora discrepent 14 diebus fere.

SECTIO II.

De Temporis Divisione, aliisque hinc pendentibus.

PROPOSITIO X.

Temporis Divisionem in Horas Dies & Hebdomadas, Vocesque in Astronomia usitatas hinc pendentes explicare.

Haftenus genesis circulorum sphaeræ in Systemate Mundi apparenti, & voces in Astronomia usitatiores inde pendentes explicuimus: Cum vero nullæ voces in Astronomicis sæpius occurrant quam illæ, quibus Temporis spatium aliquod indicatur; necesse est ut de hisce breviter hic agamus, Temporisque dispositionem Civilem obiter ostendamus, quatenus in calculo Astronomico usurpatur.

Temporis partes præcipuæ sunt *Dies, Hora, Mensis & Annus*. Inter has primo occurrit *Dies*, (quippe spatium temporis notissimum;) estque vel Naturalis vel Artificialis. *Naturalis* dies est duratio integre revolutionis apparentis Solis circa Terram. *Artificialis* est illa ejus pars, quâ Sol est supra Horizontem; opponiturque *Nocti*, quæ pro mora Solis infra eundem accipitur: Naturalis vero Dies utrumque comprehendit. Dies Naturalis vel est Astronomicus vel Civilis; qui quidem inter se non differunt nisi principio, pro Civitatis consuetudine & Astronomorum placito: estque Astronomicus temporis spatium quod effluit ex quo Sol datum Meridianum Cœlestem reliquit, donec ad eundem proxime revertatur; hoc est, spatium quo revolutio integri *Æquatoris Cœlestis* peragitur, & præterea istius ejus partis quæ respondet *Eclipticæ* portioni, quam interim Sol motu annuo in ortum percurrit. At quia *Æquatoris* portio hæc *Æquatori* integro superaddita non est ubique æqualis, (licet ejus quantitas mediocris sit unius proxime gradûs,) tam propter *Eclipticæ* obliquitatem, quam quod motus Solis annuus circa Terram apparens non est æquabilis, Dies Naturales sive Astronomici non sunt præcise inter se æquales: verum de inæqualitate hac inferius proprio loco agetur; minutias enim nunc negligimus. Astronomi plerique Diem inchoant

inchoant à Meridie. *Copernicus* vero *Hipparchum* secutus à media Nocte, quod in Tabulis *Prutenicis* dictis retinetur. Civitates variae varium Diei initium statuunt. *Babylonii* Diem auspicabantur ab ortu Solis; *Judei* & *Athenienses* ab occasu, quod etiamnum faciunt *Itali*. *Aegyptii* à media Nocte, quod etiamnum apud *Britannos*, *Gallos*, *Germanos*, aliasque *Europæ* gentes obtinet. Immo tacite olim à *Judeis* idem fiebat. Naturaliter enim Noctem, quam somno & silentio transfigimus, partim ad præcedentem, partim ad insequentem Diem referimus; hoc est, *Nycthemeron* à media Nocte incipimus. *Umbri* olim à Meridie, quod adhuc *Arabes* retinent.

Licet dies Artificialis olim vix aliâ ratione vulgo divideretur quam in Matutinum Meridianum & Vespertinum tempus, & nox in Vigiliis; posterius tamen dies Naturalis accuratius in 24 partes dividebatur, *Horas* dictas. Hora alia est æqualis, alia inæqualis. *Æqualis* est pars diei naturalis vigesima quarta. Hujusmodi Horâ semper usi sunt Astronomi, & nunc omnes fere gentes eâ utuntur. Horam primam, secundam, tertiam & ita denuo usque ad 24^{am} ab initio Noctis (Diei quippe Civilis principio) numerant *Itali*; eorumque horologia ita comparantur. Nos autem cum *Gallicis*, &c. non 24 sed bis 12 Horas numeramus; forte ne tædiosus esset pulsum ab horologio factorum numerus. Unde fit ut bipartiamur diem in Horas ante & post Meridiem. Licet Hora vulgo dividatur in quatuor tantum Quadrantes, (qui & à quibusdam Puncta dicuntur,) cum ulterior divisio in plerisque negotiis inutilis sit; Astronomi (& nunc politiores quique) illam in 60 scrupula prima, & quodlibet primum in 60 secunda subdividunt. *Hora inæqualis* est pars duodecima diei Artificialis, & pars item duodecima noctis. Dicitur etiam Temporalia, quod diversis anni temporibus variae sit quantitatis. Sic hora diurna æstiva longior est hybernâ, & nocturna brevior; & hora diurna æstate longior est nocturnâ, & hyeme brevior: Tempore vero *Æquinoctii* diurnæ horæ nocturnis æquales sunt, & horæ hæ inæquales tunc eadem sunt cum æqualibus supra descriptis; unde & æquales illæ horæ ab Auctoribus *Æquinoctiales* appellantur. Horis hisce temporariis usi sunt *Judei*, *Græci* & *Romani*. Qui mane vel vespere civilem diem inchoant, id faciunt, quod Sol tum sit in Horizonte, circularum sphaeræ maxime sensibili. Illi hoc habent commodi, quod ex ipso horarum æqualium numero sciant quota pars diei naturalis, hoc est, quantum temporis elapsum sit ab ortu Solis; hoc vero incommodi, quod tempora occassus Solis, Meridiei & mediæ noctis, diversis anni temporibus diversis horarum numeris insigniantur, qui non nisi per computationem innotescant: Hi hoc habent commodi, quod immediate dignoscant quantum temporis adhuc restet ad Solis occasum, ut itinera aliosque labores huic accommodare possint; & hoc incommodi, quod non nisi per computationem horam ortus, Meridiei mediæque noctis numerare possint. Qui à meridie mediave nocte diem civilem auspicantur, hoc faciunt, quod Sol sit tunc in

maxima elevatione aut depressione; at nomen horæ, quâ Sol oritur occiditve, non nisi subducto quasi calculo tenent. Qui vero horis inæqualibus modo descriptis uterentur, Solis ortum & occasum perpetuo per duodecimam horam indicarent; Meridicm & mediam noctem perpetuo per sextam; solamque horæ quantitatem calculo dignoscendam haberent.

Hebdomas est dierum collectio omnium antiquissima; ut ex Sacro Codice constat. Hâc usi sunt olim *Judei*, & à Christiana Fide recepta gentes aliæ. Cuilibet Hebdomadis diei nomen impositum est à Planetarum aliquo, hâc ratione: cum Horæ diei naturalis sint viginti quatuor, Planetæ vero septem, hoc ordine in Systemate vulgari, Saturnus, Jupiter, Mars, Sol, Venus, Mercurius, Luna; inceperunt à prima Hebdomadis *Judaicæ* die, tribuentes Soli (authori diei) primam illius Horam, Veneri secundam, tertiam Mercurio, quartam Lunæ, tum incipientes à Saturno quintam eidem tribuebant Horam, & ita deinceps; unde fit ut diei sequentis Hora prima Lunæ contingat, ac proinde isti Hebdomadis diei nomen de suo imponat: Quod in sequentibus ad Hebdomadis finem usque continuatur.

PROPOSITIO XI.

Temporis Divisionem in Menses, Annos, horumque varia genera & collectiones explicare.

Licet *Mensis* sit proprie spatium temporis, quo Luna Zodiacum percurrit; cum tamen duodecim præterpropter labantur Menses interea dum Sol Eclipticam semel peragrat, factum est ut *Mensis Solaris* nomine veniat etiam tempus illud, quo Sol Zodiaci Signum percurrit; quod fit diebus fere 304. Rursus, *Lunaris* Mensis alius est *Periodicus*, quo Luna digressa ab aliquo Zodiaci puncto ad idem revertitur, estque paulo minor diebus 27; alius *Synodicus*, paulo major quam dierum 29, quo Luna omnes Phases subit, & ob hoc in Temporis notatione usûs præcipui. Uterque Mensis, tam Solaris quam Lunaris Synodicus, vel est *Astronomicus* (de quo hætenus) vel *Civilis* pro civitatis cujusque instituto. Gentibus enim quibusdam, ut *Aegyptiis*, Solares placuere Menses, quorum quemvis posuerunt 30 dierum; atque ut annum completerent, post duodecim hujusmodi Menses posuerunt quinque dies confectos ex duodecies denis illis horis, quibus Mensis quisque Solaris 30 dies superat. Plerisque autem Veteribus Lunaris Synodicus Mensis placuit, ut olim *Judeis*, *Græcis*, & ad *Julii Cæsaris* tempora *Romanis*; & hodie *Muhammedanis*. Verum ut hujusmodi Menses Lunares, qui ex integris diebus non constant, ad usus civiles (in quibus dierum fragmenta considerari nequeunt) aptentur; Menses Civiles alternatim dierum 30 & 31 constituebant, (illos *Plenos*, hos *Cavos* dixere;) sic ut duo hujusmodi Menses duobus Lunaribus, quorum quisque est dierum 29; æquarentur; & ut Novilunium à Mensis Civilis

Civilis die primo sensibilibiter non digrederetur in Annorum aliquot curriculo.

Annus aliquando accipitur pro tempore revolutionis Planetæ per Zodiacum; quo sensu Mensis quandoque Annus dicitur: immo & interdum pro Tempore integræ revolutionis apparentis Fixarum per Zodiacum, quod *Annum Magnum* vocant: *Annus* autem proprie est Tempus, quo Sol Zodiacum perlustrat. Estque duplex, Astronomicus vel Civilis: & Astronomicus rursus duplex etiam pro duplicibus Solaris revolutionis metis; Sydereus nempe & Tropicus. *Sydereus* Annus est spatium temporis, quo digressus Sol ab aliqua Fixa ad eandem revertitur; estque dierum naturalium 365, horarum 6, scrupulorum primorum fere 10. *Tropicus* sive *Vertens* est quo digressus Sol ab uno punctorum cardinalium, Æquinoctiali nimirum aut Solstitiali, ad idem revertitur; qui Sydereus aliquanto est minor, quia ipsa Eclipticæ puncta cardinalia regrediuntur, & Soli obviam quasi facta efficiunt ut Sol ad idem Eclipticæ punctum revertatur aliquanto citius quam ad eandem Fixam, ubi punctum istud Eclipticæ fuerat, cum Sol prius in dicto puncto versaretur: estque Annus Tropicus dierum 365, horarum 5, scrupulorum proxime 49½; deficiens utique à Sydereis scrupulis fere 21.

Annus *Civilis* est spatium temporis, ad quod motus Solis vel Lunæ vel utriusque digitum intendit, populari cujusque gentis instituto receptum. Ex quo patet tres esse Anni Civilis formas; aut nempe erit pure *Lunaris*, aut pure *Solaris*, aut ex utroque compositus *Luni-Solaris*. Annus *Lunaris* constat ex duodecim Lunationibus sive Mensibus Synodicis, qui diebus 354 absolvuntur, post quos finitos Annum Civilem denuo incipiunt. Cumque hic à Solari Anno vertente, qui tempestates reducit, deficiat diebus 11; fit ut Anni hujus initium nunc in ver incidens post 8 annos incidat in hyemem, inde post alios totidem in autumnum, post in æstatem, & denique exactis annis circiter triginta & tribus, rursus in ver transeat. Atque hic vocatur *Annus Lunaris Vagus*, quod ejus initium vagetur per omnes Anni tempestates, idque unius hominis memoriâ: dicitur & *Solutus*, nempe à motu Solis, qui in illius ordinatione prorsus non consideratur. Tali anno utuntur *Turcæ*; & primo excogitatus videtur in regionibus, ubi discrimina æstatis & hyemis non sunt admodum evidentia; & ubi, ob Astronomiæ defectum, reditus Solis in puncta Zodiaci cardinalia, qui Annum Solarem definit, non facile cognoscitur: unde factum est, ut signa temporum à Luna petentes exordia suorum Annorum ab exordio Phasium petierint; nullusque sit Lunationum numerus, qui tam prope ad Solarem Annum (cujus aliquam saltem cognitionem habebant) ac duodenarius accedebat. A Luna etiam petendam esse rationem crediderim, cur Diem civilem ab occasu Solis inchoarent: necesse enim habebant Diem civilem simul cum Anno & Mense inchoare; hoc est, cum Novilunio, quod initio non aliter quam per oculorum indicium dignoscebant; cum nempe vespere immediate post Solis occasum

occasum novam Lunam spectarentur. Et hinc etiam factum est, quod hujusmodi Mensis dies prima, secunda, tertia &c. vocetur Luna prima, secunda, tertia &c. & Dies Plenilunii consequenter quarta decima Luna.

Veteres, qui Lunarem Annum retinere volebant, illum tamen ita ad Solarem ligare, ut ejus initium quodammodo fixum censendum sit, retineatque Anni Cardines per tempestates indicatas, ne à Mensibus suis multum dilabantur, Mensibus utebantur Intercalariis five Embolimæis. Ac primo ex undecim diebus reliquis ex quovis Anno Solari, post finitos duodecim Menses Synodicos, spatio trium Annorum Mensem conficiebant integrum, tertio quoque Anno intercalandum. Verum cum ne hoc artificium exactum esset, tres Menses, quorum quivis est 30 dierum, intercalabant in octo Annis: (nempe post tertium, quintum & octavum, alii vero aliter,) tandemque 8 Menses in Annis 19. Unde patet horum Annorum quosdam esse simplices, dierum nempe 354 vel 355, quot sunt in Lunari Vago; quosdam embolimæos five intercalarios, dierum 384 vel 385, cum nempe Anno insunt tredecim Lunationes. Horum Annorum Lunarium fixorum, five Luni-solarium, est usus apud *Judeos* & Ecclesiasticos Pontificios.

Annorum Solarium, five ad unicum Solis motum atque hinc pendentes Tempestatum vicissitudines comparatorum, tria sunt genera; *Ægyptiacum* nempe, *Julianum* & *Gregorianum*. *Annus Ægyptiorum* est dierum 365, quem in duodecim Menses Solares diviserunt, quorum quisque dierum 30, & quinque dies ad finem superadjectos, (qui ~~intercalarij~~ dicebantur;) sicut superius dictum. In hujus Anni constitutione nulla est motus Lunæ habita ratio: Verum cum deficiat hic Annus à Solari Tropico horis 5, scrupulis 49, five fere 6 horis; quatuor Annis antevertit Solarem Tropicum uno fere die integro, adeoque annis 1460 initium ejus vagatur per omnes Anni tempestates; unde quodammodo Vagus dici poterit, licet unius hominis ætate, five annis 60, illum non amplius quam 15 diebus antevertat.

Julius Cæsar deprehendens Annum *Ægyptiacum* ideo antevertere Tropicum, quod sex horæ, quibus à Tropico defecit, prorsus negligantur in ejus constitutione; ideo sex hæc horas Anno *Juliano* cuivis addidit, adeo ut *Julianus* quisque sit dierum 365, horarum sex. Verum quia fragmentum hoc, five diei quadrans, in usu civili considerari nequit; ex illis constatum in quatuor Annis diem quarto cuique Anno addidit inter 23^{ium} & 24^{um} diem *Februarii*, (quia ante *Cæsarem*, cum adhuc Anno Lunari uterentur *Romani*, mensem embolimæum ibidem intercalabant,) quo fit ut tum scribatur *bis sexto* Kalendas Martii; unde & Anno illi nomen *Bissextilis* inditum. Atque Annus hic *Julianus* constans diebus 365, & adjiciens in quatuor Annis diem unum, ut post tres simplices quartus sit dierum 366, est Astronomico computo maxime accommodus; quippe qui inter Annum utrumque naturalem, nempe vertentem dierum 365, hora-

horarum 5 & scrup. 49; & Sydereum dierum 365, horarum 6 & scrup. 10, est medius, & naturalem repedationem Æquinoctiorum ad oculum quasi ostendit. Hæc Anni forma penes omnes gentes politiores inde à *Cæsare Augusto* (qui fere collapsum restituit) observatione continuâ trita est usque ad Annum 1582, quo à *Gregorio XIII. Pontifice Romano* reformatum est *Calendarium Julianum*. Illo tamen adhuc utuntur *Britanni, Hyberni*, aliique. Fatendum tamen est quantitatem Anni *Juliani* esse nimiam, quare Anni hujus initium paulatim præreptu respectu Tempestatum, vel (quod eodem redit) tempora Æquinoctiorum & Solstitiorum repedant respectu dierum hujus Anni. Cumque singulis Annis repeditio hæc sit 101 scrupulorum, Annis 133 circiter erit unius diei, & proinde ab Anno Christi 325, quo *Concilium Nicanum* celebratum est, ad Annum 1582, quo Pontifex *Calendarium* reformavit, nempe 1260 annis repeditio hæc fuit 10 dierum. Atque exinde evenit ut cum tempore *Nicæni Concilii* Æquinoctium vernalis contingeret circiter ad Diem xxi *Martii*, Anno 1582 deprehensum sit sensim adrepisse xi *Martii*. Quare cum restituere cuperet Æquinoctium pristinae sedi, suppressi sunt mense *Octobri* Anni 1582 decem dies, & Dies 5^a mox habita pro 15^a; quomodo factum ut qui alias fuisset xi Dies *Martii* insequentis, & Æquinoctii tempus, evaderet xxi *Martii*; hoc est, ut Æquinoctium fieret Die xxi *Martii*, sicut fiebat tempore *Concilii Nicæni* Paschatis celebrandi terminos instituentis. Verum exemptis sic è Calendario 10 diebus, si alia nulla reformatio fuisset adhibita, post aliquot annos simili modo sublaberentur Anni Cardines. Cavit igitur Pontifex ut semel in 133 annis (in quibus excessus Anni *Juliani* supra Tropicum excrescit in diem solidum) unus dies eximeretur è Calendario; hoc est, ut tres dies eximerentur in Annis quadringentis: quod fieri iussit, faciendo Centesimum quemque *Æræ Christianæ* Annum communem, qui secundum *Julium* est Bissextilis; at Quartum quemque Centesimum, ut in *Juliano*, Bissextilem. Nova hæc Anni forma, à Pontifice *Gregorio XIII.* cujus Auctoritate stabilita est *Gregoriana* dicta, obtinet per *Italiam, Galliam, Hispaniam, Germaniam* ubicunque Pontificis *Romani* auctoritas valet; & exeunte sæculo proxime elapso à multis *Germaniæ* Reformatis admissa est quoad menses civiles: Ad *Lunam* vero *Paschalem* inveniendam se astrinxerunt *Kepleri Tabulis Rudolphinis*, donec aliquid certius constituitur.

Sicut Anni forma apud varias nationes varia, ita & ejus Principium varium. *Judei* Annum Ecclesiasticum incipiunt à Novilunio mensis, cujus Plenilunium proxime insequitur Æquinoctium vernalis: *Ecclesia Romana* Annum suum à Dominica quæ in dictum Plenilunium incidit, vel illud proxime insequitur; sive *Festo Resurrectionis Domini*, quod ante Annum 1564 in *Galliæ* regno etiam obtinuit. *Judei* Annum Civilem incipiunt à Novilunio cujus Plenilunium proxime insequitur Æquinoctium Autumnale. *Græci* Annum suum auspicabantur à Novilunio proximo Solstitio

S

Æstivo:

Ætivo: & *Romani* olim suum à Novilunio insequente Solstitium Hybernium. Atque hæc videtur causa, cur *Julius Cæsar* principium sui Anni (licet Solaris) non posuerit in ipso Brumali Solstitio, sed expectarit Novilunium insequens, ubi secundum modum tum receptum initium sui Anni sive Calendas Januarias poneret. Sed & forsitan nondum penitus abolita erat vetus opinio, Solstitia confici in octavis partibus Signorum Cancrī & Capricorni, non in ipsis horum Signorum initiis: (quā nihil aliud apud peritiores intellectum est, quā quod Sol revera in octavis partibus Signorum versaretur, cum vulgo in eorum initio haberetur; quod idem sonat atque *Æquinoctia* & Solstitia per 6 aut 7 dies anticipasse.) Et si Sol fuisset in primo Capricorni puncto 1x: Cal. Jan. fuisset satis exacte in ejus octavo gradu ipsis Calendis Januariis. Quin & hoc artificio illud consecutus est, ut Calendis Mensis Quintilis, quem suo nomine *Julium* dixit, celebrarentur Ludi Olympici; forsitan ex antiquissimo ritu propter Solstitium *Æstivum* instituti.

Quamvis Calendæ Januarii fere per totam *Europam* pro Anni, sive *Juliani* sive *Gregoriani*, capite nunc habeantur; alii tamen alia vel olim vel etiam nunc illi capita assignant. De mobili Festo Paschatis hæcenus dictum. *Æquinoctium* vernal pro capite Anni habent *Veneti*, *Florentini*, *Pisani* in *Italia*, & *Treviri* in *Germania*. VIII Cal. *Apriles* sive Festum Annunciationis, hoc est, Incarnationis Christi, pro capite Anni statuerunt Veteres Ecclesiastici: statuit & adhuc Ecclesia *Anglicana*. Sed & Annum Civilem hinc etiam incipit *Anglia*, licet vulgus illum à Cal. *Januarii* cum vicinis gentibus inchoet.

Collectiones Annorum celebriores, sive tempora per repetitos Annos mensurata, sunt *Olympias*, Annorum 4; *Lustrum*, Annorum nunc 4 nunc 5; *Jubileum*, Annorum 49 aut 50; *Seculum*, Annorum 100; *Annus Magnus*, qui, si significet revolutionem integram apparentem Fixarum donec ad idem unde digressæ sunt punctum revertantur, est 25000 vel 26000 Annorum circiter.

PROPOSITIO XII.

EPOCHAS præcipuas & notabiliores recensere, & earum ad se mutuo relationem declarare.

Sicut Astronomi in corporum Cœlestium motibus supputandis certa assumunt Cœli puncta, à quibus initium sumant; ita & certa temporis momenta, à quibus, seu radicibus, supputatio incipiat indeque procedat. Radices hæ, quas etiam *Epochas* & *Æras* dicunt, ordinario denominantur à celebri quodam & memorabili casu aut facinore, quod circa cujusvis initium accidit.

Illustrissima omnium & nobis maxime familiaris est *Epocha Nativitatis Christi*, sive Calendæ ejus *Januarii*, quem supponimus proxime insequentum Nativitatem Domini: Atque 45 ante annis est *Epocha Julii Cæsaris*, sive *Anni Juliani caput*; quando nempe re-

jecto

jecto vetcri Anno *Romano* ab usque, uti credunt, *Nisma* continuato, Annum *Julianum* per Imperium *Romanum* observandum proposuit *Cæsar*. Verum quidem est Annum hunc non fuisse ab initio usque observatum, sed post varias & confusas intercalationes præter ordinem; Anno demum quinquagesimo post ejus caput, hoc est, quinto *Æræ* vulgaris Nativitatis Christi, ab *Augusto* fuisse restitutum, eodem ordine ac si absque interruptione fuisset ab initio continuatum, mutato *Sextili* in *Augustum*.

Quamvis Epocha Nativitatis Christi superius descripta sit ex usu vulgari stabilita jam & fere universaliter recepta, *Anglia* tamen & *Hibernia* in negotiis Ecclesiæ & Reipublicæ Epochâ utuntur integro Anno posteriore: & Christum natum ponunt, non VIII Calendas *Januarias* finiente Anno quadragesimo quinto *Juliano*, sed Anno sequente; nempe finiente Anno *Juliano* quadragesimo sexto: & Christum conceptum ponunt VIII Calendas *Apriles* Anni quadragesimi sexti *Juliani*: & Annum numerant non denominatum à Nativitate sed ab *Incarnatione* Christi, hoc est, Conceptione; ac proinde numero eundem, per maximam Anni partem, cum reliquo Orbe qui Annos à Nativitate numerat. Verum in tribus fere mensibus, inter Calendas *Januarias* & VIII Calendas *Apriles*, diversum (ut ex sua *Æra* oportet) numerant Annum à reliquis. Ut differentia hæc inter *Æras* à Christo denominatas melius intelligatur, advertendum est *Dionysium Abbatem*, cognomento *Exiguum*, Annis post Christum plusquam quingentis *Æræ* hujus Auctorem fuisse, à quo primum tempore Anni à Christo Nato vel Incarnato numerari cœperunt, cum prius numerarentur per Consules, & ab Urbe Conditâ, in Imperio *Romano*; & extra illud per Annos quibus Rex quisque regnaverat. Atque *Æra* hæc, quæ ab Auctore *Dionysiana* aliquando dicitur, pro exacta & historica habenda non est. Nam nondum extra dubium est positum, num natus sit anno uno vel altero, vel etiam tertio, quarto aut quinto ante *Æram* vulgarem; ut ex *Kepleri* Libro *de Anno Natali Christi* constat. Sed *Æra* hæc hypothetica est à vera non nimis remota, quod ad *Æram* sufficit. Atque secundum *Dionysium* *Æræ* auctorem, Christum conceptus est VIII Calendas *Apriles* primi Anni currentis hujus *Æræ*, & natus Brumâ sequente, exeunte Anno 46^o *Julii Cæsaris*. Computus hic Anni fuit primo universaliter receptus, at in *Anglia* sola nunc relictus, una cum Anni tam Civilis quam Ecclesiastici capite (nempe Festo Annunciationis) tunc temporis obtinente: Nam in reliquo Orbe Christiano ab ista Epochâ tacite secessum est; opinio quippe vulgaris nunc est Christum Natum Brumâ antecedente Annunciationem *Dionysianam*, nempe exeunte Anno *Juliano* 45^o, ideoque Annos à Nativitate numerant: atque sic Christum Anno uno majorem natu faciunt quam *Dionysius* *Æræ* auctor, & cum illo *Angli*.

Cum *Æræ* Christianæ communiori Tabulæ Astronomicæ nunc pleræque adaptentur, ad hanc reliquæ celebriores exigendæ sunt.

Ac primo celebratur *Epocha Orbis conditi*, de qua tamen insignes sunt controversiæ. Alii contendunt Mundum conditum ante Æram Christi vulgarem Annis 3950, quos ad veritatem propius accedere ait *Gassendus*, quodque Astronomis *Gallis* etiamnum probatur. Alii Annis 3983, cum quibus facit *Petavius*. *Keplerus* Annis 3993, mediâ æstate, ex Astrologia. *Hevelius* Anno currente 3963^{mo} ante Christum, 24 *Octobris* *Anni Juliani* retro producti, Horâ vi vespertinâ in Meridiano Edensi, cum ex suis Tabulis Solaribus invenerit tum temporis Solem in principio ♋, ejusque Apogæum in principio v. Alii illum multo antiquiorem ponunt, etiam usque ad 5199 Annos ante Christum.

Olympiadum Epochâ est inter profanas Antiquissima & Nobilissima, quæ refertur ad æstatem Anni ante Christum 777 ipsis Calendis *Julii*, in Anno *Juliano* retro producto.

Non multo posterior est *Epocha Urbis conditæ*, quæ ad Annum ante Christum 752 communiter refertur.

Æra Nabonassari, Astronomis semper celebris, incepit ad diem 26 *Februarii* *Anni Juliani* retro producti, Annoque ante Christum 747. Cumque hic dies fuerit primus Anni *Ægyptiaci*, *Ptolemæus* & post illum reliqui Astronomi, ipseque *Copernicus*, motus syderum per Annos *Ægyptiacos* inde computant. *Ægyptiorum* enim Annus dierum 365, licet in usu communi incommodus, quia ejus cardines per omnes tempestates vagantur, in Calculo Astronomico imprimis commodus est, quia nullâ intercalatione perturbatus.

Sequitur *Epocha Obitus Alexandri Magni*, die 12^{ma} *Novembris* tunc suppositi, Anno ante Christum 324. Cumque hic fuerit etiam vagi *Ægyptiaci* Anni primus (sic enim Ærarum conditores voluerunt, licet eventus ante vel post initium Anni inciderit) Annos *Ægyptiacos* dehinc computarunt *Theon*, *Albategnius* & alii qui illâ usi sunt. Inter Æras *Nabonassari* & *Obitus Alexandri Magni* interfunt Anni *Ægyptiaci* præcise 424.

Transco nunc Æram *Abyssinorum*, quæ & *Diocletiani* & *Martyrum* est: Item Æram *Arabum*, quæ & *Hegiræ* five *Fugæ Muhammedis*: Epocham etiam *Persarum* five *Jesdegird* dictam aliasque, quas (inter nos paucioris usus) apud Auctores videre licet; & etiam Epocham *Periodi Julianæ* Annorum 7980, à *Scaligero* excogitatæ, Annis *Julianis* 4714 ante Æram Christi, adeoque ante Mundum conditum.

SECTIO

SECTIO III.

De Sphæris, aliisque Machinis ad Motum Primum adumbrandum excogitatis, & earum usu.

PROPOSITIO XIII.

Machinas vulgatiores, per quas Motum Primum sive diurnum imitantur Artifices & ad oculum demonstrant, nempe Globum Cœlestem & Sphæram describere.

Ut prædicti in Cœlis circuli melius concipiantur, Cœli stellati imaginem nobis sistunt Artifices in Globo Cœlesti, quæ est Sphæra ex Metallo, Charta vel simili aliqua materia constans, super duobus Polis facile mobilis. In superficie convexa notantur loca præcipuarum Stellarum Fixarum ita inter se & Polos Sphæræ disposita, sicut Stellæ, quas referunt, disponuntur ad se invicem & ad Polos, circa quos Cœlum motu diurno revolvi videtur. Depinguntur item imagines & deformationes Asteris minorum, quos Stellæ istæ Veteribus, vel similitudine vel religione ductis, referre visæ sunt.

Delineantur præterea in superficie Globi Æquinoctialis circulus inter Polos medius, atque huic paralleli duo Tropici hinc inde ab Æquinoctiali gradibus 23½ remoti, totidemque Polares tantundem ab utroque Polo distantes. Delineatur etiam Ecliptica ad utrumque Tropicum pertingens, & Æquinoctialem in Globi superficie interfecans in punctis ita versus Stellarum loca relatis, sicut puncta Æquinoctialis Cœlestis (ubi Sol apparet Æquinoctiorum tempore) referuntur ad ipsas Stellas, sæculo quo Globi conficiuntur. Tam Æquinoctialis quam Ecliptica in gradus dividitur, initio factò à puncto Æquinoctii verni punctum referente; & Æquinoctialis quidem continuato numero usque ad 360, Ecliptica vero in 12 Signa propriis characteribus distincta, quorum quodvis rursus in 30 gradus dispescitur: & per cuiusvis Signi initium ducti Eclipticæ secundarii in ejus polis coeuntes Globum universum in Signa etiam dividunt. Æquatoris vero duo tantum secundarii, Coluri nempe, in Globo Cœlesti depinguntur, quorum alter, nempe Solstitionum Colurus, Eclipticæ etiam secundarius est. Globus hujusmodi, Firmamentum stellatum referens, volubilis est circa prædictos polos, ita in Meridianum, circulum aereum immobilem extra Globum positum, insertos, ut alteri Meridiani hujus faciei, quæ gradibus distinguitur, congruant; quæ facies proinde pro Meridiano vero habenda est, circuli crassitie ad firmitatem tantum conducente. Porro, Globus Meridiano (ut dictum est) cinctus in compagem (ligneam communiter) Horizontem referentem ita demittitur, ut ejus dimidium exstet supra compagis superficiem superam, quæ proinde pro Horizonte habenda est. Et ut Globus ad Horizontem satis prope undique accedat, in Horizonte sunt crenæ, ut Meridianus

extra Globum prominens in illas inferatur hinc inde. In Horizonte hoc artificiali satis lato, præter circulum intimum in gradus suos à convenientibus initiis numeratos divisum, est Calendarium *Julianum* pariter & *Gregorianum*, cum gradibus Signorum Eclipticæ juxta positis, quos Sol isto seculo præterpropter diebus istis occupat: est etiam & alius Ventorum sive plagarum circulus. Horizon hic suffultus est quatuor aut pluribus columellis pedamento infixis, cui etiam Pyxis Nautica imponitur, ut Globus præterpropter ad Mundi plagas dirigatur. Est præterea & Quadrans Altitudinis, qui ad Meridiani punctum supremum ope cochleæ affigi potest. Hujus margo in gradus divisa pro vero Quadrante habenda est: & numerantur gradus 90 ab ejus extremo Horizontem attingente sursum versus Zenith. In Globis, sicut hodie communiter fabricantur, adeff etiam & Circulus *Horarius* dictus, Meridiano affixus, cui Polus est centrum. Dividitur circulus hic in bis 12 horas, ut ad nostrum horas numerandi morem accommodetur, à Meridiano incipientes. Et cum Polus Indicem gestet, horas pro Globi revolutione ostendet index, si duodecimam diurnam attingeret, dum Solis locus Meridiano subjiceretur.

Sphæra vulgo sic dicta in hoc differt à Globo, quod ejus superficies non sit unita & perfecta ut in Globo, sed circuli principales ex Armillis conflati (unde & Sphæræ hujusmodi *Armillaris* nomen) sphæricam superficiem adumbrent. In hujusmodi Sphæra, præter Horizontem & Meridianum (intra quos immotos, Globi instar, rotatur) sunt quatuor circuli maximi; nempe *Æquator* & *Ecliptica* sive potius *Zodiacus* (nam fasciæ instar 10° latus est hic circulus) duoque *Coluri*; & quatuor minores, sc. duo *Tropici* & totidem *Polares*: unde fit quod decem vulgo numerentur Sphæræ Circuli. Ita excavata est Sphæra hæc, ut transparentia quasi sua Mundi effigies sit, ostendatque in sui medio Terræ globulum immotum ab axe suspensum, quod in Globo, cujus superficies integra est & unita, non tam bene procedit. Ex dictis patet in Sphæra Armillari supra descripta Fixarum loca non posse notari, si paucas excipias, quæ in Zodiaco videntur, quæ tamen plerumque etiam negliguntur; & ideo quæ Fixas attinent problemata, non posse per istiusmodi Sphæram solvi. Cum vero in superficie Globi Circuli Sphæræ dicti delineati sint, omnia, quæ per Sphæram Armillarem fiunt, per Globum etiam facillime confici possunt. Adeoque Sphæræ, licet sub initio renascentis Astronomiæ magni fuerint nominis, raro nunc, præterquam ad Juniorum imaginationem adjuvandam adhibentur.

Sphæris hæc Armillaribus quandoque adduntur Planetæ simulati in diversis circulis mobiles, ordine quo ab Astronomis Sectæ *Ptolemaicæ*, *Tychonicæ* aut *Copernicæ* numerantur; unde & Machinis istis nomen. Adeoque in Sphæra *Ptolemaica* & *Tychonica* Planctæ intra Armillas, quibus Fixarum Cælum repræsentatur, in plano Zodiaci in diversis circulis feruntur circa Terrellam

in

in medio immobilem. At cum ad Motum Primum five diurnum repræsentandum requiratur ut superficies Sphærica (ab Armillis adumbrata) sit Terræ concentrica, & hæc sit in *Sphæra Copernicana* mobilis; ideo in illa Planetas simulatos extra Armillas Terræ circa mentitum Solem mobili circumdatas ponunt Artifices. Quandoque Sphæræ istiusmodi & Globi Elatere aut Pondere ita animantur, ut Fixarum ortum & occasum, omnemque motum diurnum mentiantur: quandoque etiam Planetæ circuitus suos debito tempore perficiunt: Verum hæc non sunt hujus loci.

PROPOSITIO XIV.

Globum Terrestrem, qualem vulgo construunt Artifices, describere.

Globus hic Terrestris à supra descripto Cœlesti non differt, præterquam quod loco Stellarum & ex hisce constellatorum Asterismorum delineantur Terrarum & Marium deformationes. Horum Tractus, Sinus, Promontoria, reliquæque Terrestria, in superficie sphærica convexa ita depinguntur, ut illorum imagines cum inter se & Polos, circa quos Globus in Meridiano convertitur, situm obtineant, quem habent loca Terrestria, quæ referunt, Polique circa quos Tellus revera motu diurno revolvitur. Telluris autem hujus simulatæ loca tum demum situm istum obtinebunt, si quisque secundum longitudinem latitudinemque observatam in hanc quasi Terrellam transferatur. Depinguntur etiam in Globo Terrestri Æquator, ejusque secundarii five Meridiani per denos gradus transeuntes: inter quos unus præcipue eminet, qui per *Insulas Azores* aut *Fortunatas* traductus primus Meridianus appellatur; à quo nimirum cujusque loci Longitudo computatur, ut dictum est; & ab hoc proinde Meridiano numeratio graduum Æquatoris versus ortum continuatur. Depinguntur item Æquatoris paralleli, Tropici nimirum & Polares, aliique denis semper gradibus inter se distantes, & etiam (in spatiis præsertim ampla valtaque maria referentibus) Rhumbi Navium cursus per Pyxidem Nauticam ordinatos referentes. Porro, ut Globus Terrestris præter usus proprios etiam Sphæræ Cœlestis (deficiente hæc) vices subire possit, Eclipticam illi aptarunt artifices. Cum vero circulus hic sit pure Cœlestis, & in Tellure locum nullum habeat, ideo ejus intersectionem cum Æquatore Terrestri (quam ubivis ponere potuissent) posuerunt ubi primus Meridianus Æquatorem interfecat.

PROPOSITIO XV.

Varia Problemata circa Situm locorum Terra ad se invicem, & Motum Astroorum diurnum, per Globos resolvere; hoc est, usum præcipuum utriusque Globi ostendere.

Quamvis sequentium Problematum solutio per Globos non fit accurata,

accurata, ad Juniorum tamēn animos formandos plurimum conducit: Ea autem omnia unicā Propositione absolvemus. In illorum praxi per Globos exercenda concipiendus est Globus Cœlestis tanquam ipsa Mundi Machina; Sol vero & Stellæ, omniaque quæ in concavo Firmamento aspicimus, concipienda sunt tanquam super convexam superficiem spectata ab oculo extra superficiem illam posito: in Terrestri non opus est hâc fictione. Et quoniam Globi sunt instrumenta quibus in hac Propositione utimur, ii pro perfectis habendi sunt, neque quomodo fabricandi sint nunc inquirendum, sed hæcenus fabricati adhibendi ad Problemata sequentia & similia.

1. *Dati in Globo Terrestri Loci Longitudinem & Latitudinem invenire.*

Datum Locum admove Meridiano (intellige semper faciei ejus numeris distinctæ, quæ (ut supra dictum) verus est Meridianus) & gradus Æquatoris, qui tum sub Meridiano reperietur, numero suo ostendet Longitudinem quæsitam. Nam initium numerandi gradus hocce sumitur à Meridiano primo; ut superius dictum. Porro, ab Æquatore computa in Meridiano ad Locum usque datum gradus Latitudinis: Nam Meridianus dividitur in quater 90 gradus, quorum bis 90 incipiunt numerari ab Æquatore versus utrumque Polum; at reliquorum bis 90 graduum numeratio incipit ab utroque polo, desinitque in Æquinoctiali, sub Horizonte. Latitudo autem Septentrionalis erit aut Meridionalis, prout Locus datus ab Æquatore recedit ad hunc vel illum Polum.

2. *Datis Longitudine & Latitudine, Locum in Globo Terrestri, cui illæ congruunt, assignare.*

Quære in Æquatore gradum Longitudinis datæ; patet Locum quæsitum esse in Meridiano per punctum hoc in Æquatore sumptum traducto. Punctum igitur hoc admove Meridiano diviso, & ab Æquatore numera gradus Latitudinis datæ versus Polum Arcticum, si borea sit, vel Antarcticum, si australis, & punctum in numerationis fine erit ipse Locus quæsitus.

3. *Globum utrumque ad datam Latitudinem, nec non Quadrantem Altitudinis Globo aptare; & Globos uti decet ad Mundi Cardines disponere.*

Si Latitudo loci data sit borea, elevetur Polus Arcticus supra Horizontem, si australis Antarcticus, donec arcus Meridiani inter Polum & Horizontem interceptus totidem sit graduum, quot ipsa loci Latitudo: per Prop. enim VII. Elevatio Poli est arcus similis Latitudini loci; hoc est, totidem gradus continens. Unde ad oculum patet quænam Stellæ sint perpetuæ apparitionis; nempe quæ, voluto Globo sic aptato, Horizontem non subeunt: quænam è contra perpetuæ occultationis. Deinde ab Æquatore computa in Meridiano sursum gradus Latitudinis datæ, & punctum, in quod desinit numeratio, erit vertex dati loci: (Nam Altitudo Poli æqualis est distantia Æquatoris à vertice, cum idem arcus, nempe distantia Poli &

& Verticis sit utriusque complementum ad quadrantem:) Vertici sic invento affigatur Quadrans altitudinis ope cochleæ, ita ut ejus margo in gradus divisus (quæ Quadrantis vicem gerit) inde quasi procedat. Denique ope Pyxidis Nauticæ pedamento Globi affixæ, recta, quæ est communis sectio planorum Horizontis & Meridiani, in linea Meridiana collocetur, ita ut Polus Globi elevatus Mundi Polum ibi conspicuum respiciat. Supponimus enim acum Magneticam secundum lineam Meridianam dirigi; saltem ejus declinationem (quo minus istud contingat) notam esse. Unde & Meridianus Globi cum Meridiano loci congruet, & reliqui cardines cum reliquis cardinibus. Planum autem, cui insitit Globus, Horizontale est eligendum, ut Globi Horizon Loci Horizonti parallelus fiat, uti decet.

4. *Gradum quem Sol in Ecliptica ad datum tempus tenet, ope Calendarii & adjuncti Circuli Signorum super Horizontis superficie delineatorum indagare, indeque Locum ejus in ipsa Ecliptica assignare.*

Quære in dicto Calendario Mensem & Diem propositum, & è regione invenies Signum ejusque gradum quem Sol tum occupat. Deinde in Ecliptica, superficiei Globi inscripta, quære dictum Signum ejusque gradum, qui erit Locus Solis quæsitus. Si exactius procedere libeat, Locus Solis ex Ephemeridibus inventus in Ecliptica in superficie Globi descripta, ut prius, determinandus est. Eodemque modo Planetarum loca ex iisdem quæsitæ in Globi superficie designare licebit; quærendo nimirum primo longitudinem Planetæ in Ecliptica, & ejus latitudinem ab hac vel illa Eclipticæ parte ope circini ex Ecliptica protrahendo. Pro gradu, quem Sol præterpropter dato tempore in Ecliptica tenet, necesse tantum est scire, quo Die cujusque Mensis Sol Eclipticæ Signum ingreditur, & gradum unum pro quovis deinde Die computare. Ad illud consequendum recitantur versiculi, quos apud Doctrinæ Sphæricæ scriptores videre est.

5. *Ascensionem rectam & Declinationem Solis, vel Stellæ, vel puncti cujusvis dati invenire, adeoque Tempus Culminationis datæ Stellæ vel puncti invenire.*

Ascensio recta Solis, aut cujusvis puncti in Globo Cœlesti, similiter investigatur atque longitudo & latitudo loci in Globo Terrestri; (per Probl. 1:) idem enim in Cœlesti sunt Ascensio recta & Declinatio, quod in Terrestri longitudo & latitudo. Porro, loco Solis ad Meridianum admoto, adijunge indicem horarium horæ duodecimæ, (nam duodecimam numeramus cum Sol est in Meridiano;) & circumvoluto Globo, donec Stella aut punctum datum culminet, ostendit index simul delatus horam, quâ illud continget. Quoniam vero circellus hic horarius parvus nimis est, horæ partes in illo vix distingui possunt: sic ergo accuratius procedere licet. Quia integer Æquator (cum ejus portione quadam, competente nimirum motui Solis proprio interea factò) Meridianum spatio diei natu-

ralis pertransit, idque æquabiliter; patet *Æquatoris* partem 24^{m} , five gradus 15, in una hora Meridianum pertransire, & illius gradum unum in quatuor scrupulis primis horariis; atque sic porro. Si ergo ab Ascensione recta Stellæ auferatur Ascensio recta Solis, relinquetur portio *Æquatoris*, quæ Meridianum pertransit, labente tempore intermedio inter Culminationem Solis & insequentem Stellæ Culminationem: quod si tempus assumatur necessarium ut pertranseat dictus *Æquatoris* arcus, (concedendo pro quindecim gradibus horam unam, & pro quovis gradu minuta horaria 4, ut dictum est; quæ Operatio communiter dicitur *Conversio arcus Æquatoris in Tempus*;) invenietur tempus Culminationis Stellæ à meridie. Quod si Stellæ Ascensio recta minor sit Ascensione recta Solis, ita ut hæc ab illa subduci nequeat, illi addendus est integer circulus, five gradus 360.

6. *Dato Loco Solis vel Stellæ cujusvis, Ascensionem ejus & Descensionem Obliquam, nec non Amplitudinem Ortivam & Occiduam invenire.*

Datum Locum Solis vel Stellæ adjuuge Horizonti ortivo, (Globo prius ad loci latitudinem per Probl. 3^{am} composito,) & nota gradum *Æquatoris* qui una ascendit: Arcus enim *Æquatoris* inter initium Arietis & punctum notatum interceptus (qui per numerum exprimitur puncto adpositum) est ipsa Solis vel Stellæ Ascensio Obliqua: Tum à cardine Orientis (hoc est, ab intersectione *Æquatoris* & Horizontis) ad Locum usque Solis vel Stellæ, arcus in Horizonte interceptus est Amplitudo Syderis Ortiva. Sin eundem Locum Solis vel Stellæ adjungas Horizonti occiduo, erit gradus *Æquatoris* simul descendens Descensio Obliqua, & Horizontis arcus interceptus inter Occidentis cardinem & Sydus occidens est ejus Amplitudo Occidua.

7. *Datâ Ascensione Solis vel Stellæ rectâ pariter atque obliquâ, dimidiatam ejus moram supra & infra Horizontem; & si Sol sit, cujus Ascensiones dantur, Longitudinem Diei & Noctis, Horamque Ortûs & Occasûs Solis; si vero sit Stella, ex dato tempore Culminationis Horam Ortûs & Occasûs ejusdem invenire: Et è contra, datis Loco Solis & Longitudine Diei, Loca in Tellure, quibus illa competit, determinare.*

Si indicem horarium aptaveris horæ duodecimæ Meridianæ circuli horarii, cum locus Solis sub Meridiano est, voluto retrorsum Globo, donec idem locus Solis sit in Horizonte ortivo, ostendet index Horam Ortûs Solis; si vero Locus hic Solis ad occiduum Horizontem volvatur, indicabitur tum Hora occasûs; ostendetque index Horam, quâ Stella data culminat, occidit vel oritur, quando Stella in Globo notata pervenit ad Meridianum vel Horizontem ortivum vel occiduum. In hisce enim omnibus ipsam rerum naturam imitatur. Ex Hora vero Ortûs & Occasûs, mora Syderis supra vel infra Horizontem per se constat.

Ex datis Ascensionibus absque Globo idem accuratius per computum

tum sic elicitur. Differentia Ascensionalis in tempus conversa, & addita sex horis si Sydus ab Æquatore declinet ad Polum Mundi elevatum, vel subducta à sex horis si declinet ad Polum depresso, dabit dimidiatam Syderis moram supra Horizontem: Hæc vero addita momento Culminationis dabit Horam Occasus, ab eodem vero subducta exhibet Horam Ortus Syderis. Unde dabitur mora ejus integra supra Horizontem, (quæ cum de Sole agitur, est Longitudo Diei,) & reliquum ad 24. horas est ejus mora infra Horizontem.

Si vero quærat Locus in quo Dies est datæ Longitudinis, cum Sol datum in Ecliptica punctum occupat; Locum Solis adjuget Meridiano, indicemque horæ duodecimæ, & volvatur Globus donec index ostendat Horam Ortus vel Occasus Solis datæ Diei longitudini congruam; tum, elevando vel deprimendo alterutrum Polum, in eum situm adducatur Globus, ut Solis locus Horizontem occupet dum index dictam Horam ostendit; in quo casu Globus est in eo situ, in quo Sol in dato Eclipticæ puncto existens Diem efficit Longitudinis datæ. Omnia ergo Terræ Loca, quorum Latitudo æquatur Altitudini Poli Globi sic compositi, quæsito satisfaciunt. Et si datus Solis Locus sit in Tropico versus Polum conspicuum; (hoc est, si Locus desideretur cujus dies longissima est datæ longitudinis.) Problema hoc Climatibus & Parallelis distinguendis inserviet.

8. *Datis Latitudine Loci & Loco Solis, si præterea ex his tribus, nimirum Horæ diei, Altitudine Syderis & ejusdem Azimutho, unicum detur, reliqua duo invenire.*

Compone globum ad Latitudinem Loci datam, per Probl. 3; Locum Solis adjuget Meridiano, indicemque horæ duodecimæ; tum si Hora detur, volve Globum donec index ostendat Horam istam, vel accuratius, donec tot quindenarij Æquatoris gradus Meridianum prorsum vel retrorsum transeant, quot Horæ à meridie elapsæ sunt, aut ad meridiem adhuc deficiunt; & si Horæ datæ adhæreant scrupula, pro singulis quaternis scrupulis horariis pertranseat Æquatoris gradus unus. Firmato in hoc situ Globo, Solis vel Stellæ Altitudo & Azimuth mensurentur per Quadrantem Altitudinis ad Zenith prius affixum: Altitudo nempe in Quadrante ab Horizonte sursum numeranda est; Azimuth vero computandus est in Horizonte à cardine Meridiei vel Septentrionis ad ipsam intersectionem Quadrantis cum Horizonte. Si vero Solis vel Stellæ Altitudo detur, volve Globum donec Stella data attingat Altitudinem, (quod Quadrante Altitudinis experiri statim licet) ostendetque pes Quadrantis ejusdem Azimuthum, & index horarius Horam. Dato vero Azimutho, adjuget pedem Quadrantis ipsi Azimutho dato, & volve Globum donec Sydus datum Quadrantis marginem attingat, statimque innotescet Altitudo Syderis in Quadrante computata, & Hora ex indice: nisi satis sit hanc determinare ex numero graduum Æquatoris, qui Meridianum pertransierunt, ex quo Locus

Solis illi fuerat adjunctus. Per Horas hic intelligimus *Æquinoctiales* à meridie vel media nocte numeratas, quas tamen ad *Italicas* vel *Babylonicas* pronum est reducere, quærendo (per Probl. præc.) horam Ortus vel Occasus Solis, unde illæ (itidem *Æquinoctiales*) numerantur: Facile etiam est horam *Æquinoctialem* numero datam, à quovis principio numeratam, ad inæqualem sive *Planetariam* reducere, adhibita longitudine diei. Quod si Planetarum loca (ex Ephemeridibus ad idem istud tempus inventa) in superficie Globi signentur, ex Globo facillime Constellationes Fixarum & ipsi Planetæ discernentur, si nocte serenâ Globus sic ad noctis horam compositus cum ipsa Cæli facie comparetur, & labente nocte paulatim rotetur Globus, ut eundem cum Cælis situm conservet.

9. *Invenire Tempus, quo data Fixa Cœlnice vel Achronyce oritur vel occidit.*

Datam Stellam adjuuge Horizonti ortivo, & nota punctum Eclipticæ coariens; & quando Sol illud occupat, (quod in Globi Horizonte facile deprehendes ex circulo Signorum cum adjuncto Calendario,) Stella oritur Cœlnice: Si vero Tempus Occasus Cœlnici quærat, nota in Globo punctum Eclipticæ oriens cum data Stella Horizontem occiduum attingit, & Tempus quo Sol notatum punctum Eclipticæ tenet est Tempus quæsitum. Pro ortu vero Achronyco, notetur punctum Eclipticæ occidens cum Stella oritur, & Tempus quo Sol punctum istud occupat est illud quod quæritur. Si vero Eclipticæ punctum notetur quod simul cum Stella Horizontem occiduum attigerit, die quo Sol illud occupat dicta Stella occidit Achronyce. Atque hæc sufficiunt, si per Ortum & Occasum Cœlnicum & Achronycum intelligatur Ortus & Occasus matutinus & vespertinus, ut vulgo fit. Si vero Ortus & Occasus Cœlnicus (ut vult *Keplerus*) idem significant atque supra dati loci Horizontem ascensus, & descensus infra eundem, tum hic quotidie (siquidem omnino) cuius Fixæ accidit; cuius momentum ex Probl. 7 determinatur. Atque Ortus Stellæ Achronycus (qui secundum eundem significat ortum Stellæ dum Sol occidit) idem erit eodemque modo reperietur quo prius: Occasus vero Achronycus eodem recidit cum Occasu Cœlnico in sensu vulgari.

10. *Tempus invenire, quo data Fixa Heliace oritur vel occidit.*

Cum Fixæ omnes Heliace orientur mane & occidant vespere, ad inveniendum Tempus quo data Fixa (ex. gr. magnitudinis primæ) oritur Heliace, determinandum est Eclipticæ punctum, quod 12^o infra Horizontem ortivum deprimitur cum illa oritur: Cum enim Sol dictum Eclipticæ punctum occupat, tantum deprimitur infra Horizontem, quantum requiritur ut Stella ista nunc supra Horizontem emersa conspici possit. Ut hoc per Globum inveniatur, admove Stellam Horizonti ortivo, & per Quadrantem Altitudinis explora punctum Eclipticæ 12 gradus supra Horizontem occiduum elevatum: Huic oppositum illud ipsum est quod quæritur, sc. 12 gradus depressum infra Horizontem ortivum: Die igitur quo Sol punctum

punctum istud Eclipticæ tenet, (quod ex Calendario circulo Signorum in Horizonte Globi adjuncto facile exploratur,) dicta Stella magnitudinis primæ oritur Heliace. Si stella sit magnitudinis secundæ, inveniendum est Eclipticæ punctum, quod tredecim gradibus deprimitur infra Horizontem, dum stella illi adjungitur: si tertiæ, 14. opus erit gradibus, & ita deinceps; uti ex Prop. ix. patet. Quod si tempus Occasus Heliaci datæ Stellæ primi honoris desideretur, adjunctâ Stellâ Horizonti occiduo, reperiatur ut prius punctum Eclipticæ, quod eo momento 12 gradus elevatur supra Horizontem ortivum; & huic oppositum (quod nempe totidem gradibus deprimitur infra Horizontem occiduum) est ipse Solis locus in Ecliptica, dum dicta Stella occidit Heliace. Pari modo invenietur locus, quem Sol in Ecliptica tenebat, cum data Fixa dato præterito tempore Heliace oriebatur vel occidebat; ac proinde tempora à scriptoribus rei Rusticæ & Medicæ olim consignata cum nostris comparari poterunt: vice enim datæ Stellæ, prout hodie in Globis nostris depingitur, adhibendus est ejus locus, quem dato illo sæculo occupabat; nempe pro quolibet sæculo elapso Longitudinem Stellæ gradu uno & triente minorem quam hodie sumendo, & eandem Latitudinem conservando.

11. *Ad datam Tempus initium Crepusculi matutini & finem vespertini determinare.*

Composito Globo ad latitudinem Loci, (quæ in hoc & ubique in præcedentibus data supponitur,) Locus Solis dato tempore congruum adjuget Meridiano, indicemque horarium (uti decet) horæ duodecimæ; tum volvatur Globus ortum versus, donec punctum Eclipticæ Solis loco oppositum elevetur supra Horizontem occiduum 18 gradibus, quo casu locus ipse Solis totidem gradibus deprimitur infra Horizontem ortivum; adeoque (per Prop. viii.) incipit Crepusculum matutinum: hujus proinde momentum ostendit index. Præstat vero arcum Æquatoris, qui Meridianum pertransiit, (interea dum Globus volvitur in situm hunc ab eo quem obtinebat cum Locus Solis Meridianum attingeret,) in tempus convertere à duodecim horis subducendum, ut habeatur Tempus initii Crepusculi matutini. Similiter finis Crepusculi vespertini obtinetur,volvendo Globum donec punctum Solis loco oppositum elevetur 18 gradibus supra Horizontem ortivum, &c.

12. *Datorum in Terra duorum Locorum Distantiam invenire, & Angulum Positionis; nempe quem circulus maximus per data Loca tractus comprehendit cum Meridiano utriusvis.*

Distantia proxima duorum Locorum, quæ in circulo maximo computatur, invenitur capiendò distantiam eorundem in Globo depictorum; (circino nempe cruribus incurvis ad istud comparato,) & interapedinem hanc ad Æquinoctialem vel Meridianum primum applicando, ut numerus graduum inter bina Loca innotescat; & pro quovis gradu 60 milliaria *Anglica* vel 15 *Germanica* computando. Ea enim est Telluris magnitudo, ut gradus circuli maximi in ejus

superficie descripti fit præterpropter 60 milliarius *Anglicorum* vel 15 *Germanicorum*. Ad inveniendum Positionis Angulum, volvatur Globus donec Locus primus attingat Verticem, (quod fiet cum ad Meridianum pervenerit, si Globus ad loci istius latitudinem fuerit compositus;) tum Quadrantem altitudinis Vertici & proinde Loco primo affixum circumduc donec secundum attingat; arcus Horizontis inter Meridianum & Quadrantem altitudinis interceptus crit mensura Anguli Positionis inter Meridianum Loci primi & circum maximum (nempe dictum Quadrantem) per Loca traductum comprehensi, quoniam Zenith est Horizontis polus. Eiusdem Quadrantis arcus inter Loca data interceptus in milliaria conversus (absque opo circini superius adhibiti) exhibebit distantiam locorum. Quod si, eadem praxi repetitâ, quaeratur angulus, quem idem circulus per bina Loca traductus facit cum aliquot intermediis Meridianis; (per singulos v. g. gradus *Æquatoris* incedentibus;) determinabuntur *Rhumbi*, secundum quos, ad loca intermedia in dictis Meridianis posita, eundem est, ut præterpropter in circuli maximi arcu (hoc est, brevissimâ viâ) iter fiat inter Loca data.

13. *Datâ Horâ in dato Loco numeratâ, Horam eodem momento in alio dato Loco numeratam determinare; & Locum invenire, in quo data Hora numeratur.*

Adjunge Locum Meridiano, & indicem Horæ datæ ibi numeratæ; deinde solve Globum donec alter Locus datus Meridiano subijciatur; ostendit index Horam quaesitam. Pro secundo casu adjunge Locum datum Meridiano & indicem Horæ datæ ut prius; dein volvatur Globus donec index Horam alteram datam ostendat; Loca omnia Meridiano tum adjuncta datam illam Horam numerabunt.

Si vero per calculum procedere libeat, ita accuratius fiet. Si Loca duo data sub eodem sint Meridiano, sive eandem habeant longitudinem, eandem quoque à meridie vel media nocte numerant Horam; si vero eorum longitudes sint diversæ, Differentia longitudinum per Globum explorata in Tempus (ut in Probl. 5) conversâ dat intervallum Horarum in Locis istis eodem momento numeratarum, ita ut Locus orientior numeret Horam majori numero insignitam. In posteriori casu, ubi Temporis differentia datur, convertatur hæc in arcum *Æquatoris*: hic arcus erit Differentia longitudinis, quæ addita longitudini Loci dati, si hic priorem numerat Horam, vel ab illa subducta, si posteriorem, exhibebit longitudinem quaesitam; omniaque Loca Telluris in Meridiano, cujus ista est longitudo, satisfaciunt proposito. Quodque de Horis nostris à meridie vel media nocte numeratis hic dictum est, facillime ad *Italicas* vel *Babylonicas* vel etiam *Planetarias* reducendo transfertur; sicut Probl. 8. ostensum est.

14. *Locum Telluris assignare, cui Sol dato Tempore perpendiculariter imminet; item Loca omnia, quibus dicto tempore Sol in Horizonte apparet oriens vel occidens.*

Composito

Composito Globo Terreſtri ad latitudinem loci tui & ad Mundi Cardines, volvatur Globus donec ille Verticem occupet; & Globus ſic compoſitus Solis radiis exponatur, (amotò Horizonte qui Solis radios impediret,) atque uno oculi iſtù apparebit quibus Terræ locis Dies ſit, quibus Nox; quibus Sol oriatur, quibus occidat. Nam quoniam Globus hic ipſaque Tellus ſunt Figuræ ſimiles, ſimiliterque poſitæ; ſimiliter etiam illuſtrantur à Sole, cujus diſtancia immenſa pro infinita habetur. Locus vero ille, qui polus eſt circuli per confinia lucis & umbræ ſignati, ipſe eſt cui Sol perpendiculariter imminet, & qui mechanicè facile determinatur, quærendo locum, ubi ſtyli ſuperficiæ globi normaliter inſiſtentis umbra nulla eſt, ſive in ipſum ſtyli pedem incidit. Si vero eadem deſiderentur cum Sol non ſplendet, quærat (per Probl. præc.) Meridianus locorum ubi tum eſt meridies, & in hoc Meridiano ſume Terræ Locum, cujus eadem eſt & verſus eundem Polum latitudo, atque Solis declinatio tum temporis; erit hic ipſe Locus cui Sol normaliter imminet, qui ſi in vertice ponatur, Horizon oſtendet confinia lucis & umbræ, ſive Loca omnia, quibus Sol in Horizonte videtur; ex quibus facile diſtinguuntur ii quibus Sol oriſtur, ab illis quibus occidit.

15. *Sciotericum Horizontale dato loco congruum ope Globi conſtruere.*

Componatur Globus (ut ſæpe ſupra) ad Loci latitudinem & Mundi cardines: Si præter Meridianum alii undecim Horarii circuli (hoc eſt, 24 Horarii Semicirculi) extra Globum immobiles circumſtarent, & Globus omnis diaphanus eſſet præter Axem circa quem revolvitur; patet Solem in Meridiano poſitum Axis umbram in alteram Meridiani ſemiſem projicere, & Solem in circulo Horæ primæ poſt meridiem conſtitutum opaci Axis umbram in circumulum Horæ primæ poſt mediam noctem ſimiliter projicere, alteram nempe ejuſdem Horarii circuli medietatem ultra Polos; & ſic in cæteris Horariis accidere. Si præterea concipiatur planum Horizontale Axis umbram in ſe projectam reflectendo oſtendere; cum Sol in Meridiano conſiſtit, Axis umbra in Horizontale planum projecta erit in parte ea communis ſectionis Meridiani & Horizontis, quæ ultra centrum eſt; hoc eſt, in recta jungente centrum cum puncto interſectionis Meridiani & Horizontis: cum Sol ad circumulum Horæ primæ pervenit, umbra opaci Axis in Horizontale planum projecta erit pars ea communis ſectionis circuli Horæ primæ cum Horizontali plano, quæ ultra centrum jacet, ſive quæ conjungit centrum cum communi interſectione circuli Horæ primæ poſt mediam noctem; quæque adeo cum linea Horæ duodecimæ ſive Meridiana angulum comprehendit, quem metitur arcus Horizontis interceptus inter Meridianum & circumulum Horæ primæ poſt meridiem aut mediam noctem. Eodemque modo Sol, in circulo Horæ ſecundæ poſt meridiem poſitus, umbram Axis ſuper Horizontale planum projicit in rectam jungentem centrum & interſectionem

tionem circuli Horæ secundæ post mediam noctem & Horizontis; quæque proinde cum linea Meridiana angulum comprehendit, cujus mensura est Horizontis arcus inter Meridianum & circulum Horæ secundæ comprehensus: atque similiter in reliquis lineis Horariis super Horizontale planum, earum quælibet cum linea Meridiana comprehendit angulum, cujus mensura est Horizontis arcus inter Meridianum & ejusdem Horæ circulum interceptus.

Ut ergo Horologium Sciotericum in Horizontis plano delineetur, puncto quolibet seu centro describatur circulus Horizontem in Globo repræsentans, (namque hujus centrum refert centrum Terræ sive, in casu præsentis, Mundi centrum;) per centrum ducatur Meridiana recta, nempe quæ producta ad cardines meridiei & septentrionis pertingeret; & ex centro erigatur recta opaca Axem mundi repræsentans, quæ ad Polum dirigitur; hoc est, quæ in plano Meridiani cum linea Meridiana comprehendit angulum æqualem angulo elevationis Poli supra Horizontem loci. Hisce constitutis, linea Horæ primæ post meridiem ducatur ex centro circuli ad latus orientale Meridianæ lineæ, cum illa angulum continens, quem metitur arcus Horizontis inter Meridianum & circulum Horæ primæ comprehensus. Quoniam vero circuli Horarii in Globis non reperiuntur, eligatur certus Æquatoris secundarius, (v. g. Colorum alter,) atque ita collocetur Globus, ut assumptus hic circuli Horæ primæ locum teneat; hoc est, ut 15 gradus Æquatoris inter Meridianum fixum & assumptum hunc intercipientur, & numerentur in Horizonte ejus gradus inter fixum Meridianum & assumptum intercepti. Volvatur dein Globus, donec assumptus ille Æquatoris secundarius locum teneat circuli Horæ 2^æ pomeridianæ, hoc est, donec 30^æ Æquatoris ipsum & Meridianum fixum interjaceant; numeratisque Horizontis gradibus inter Meridianum & circulum assumptum sic positum interceptis, ducantur ad latus ejus orientale lineæ ex centro Scioterici cum Meridiana linea angulos continentes iisdem numeris graduum mensuratos, eruntque hæc ex supra dictis lineæ Horæ 1^æ & 2^æ. Et procedendo subsequen-
tium Horarum lineæ similiter ducantur, donec ad Horam perveniatur quâ Sol die longissimâ occidit: Ubi patet lineam Horæ sextæ ad Meridianam lineam esse normalem, cum in omni latitudine 90 gradus Horizontis intercipientur inter Meridianum & circulum Horæ sextæ. Similiter determinabuntur anguli, quos lineæ dimidiarum Horarum aut aliarum quarumvis partium comprehendunt in Horizontali plano cum linea Meridiana. Absolutâ vero linearum Horarium delineatione ab una parte lineæ Meridianæ, v. g. pro Horis post meridiem, lineæ Horariæ antemeridianæ ita ducuntur, ut lineæ referentes Horas à meridie æqualiter distantes æqualibus quidem angulis cum linea Meridiana inclinentur, sed ad alteras partes jaceant. Pari modo (adhibendo etiam Probl. 13.) Horologium Sciotericum in quovis plano describetur: quodvis enim planum est cujusdam Loci Horizontale planum.

SECTIO

SECTIO IV.

De Determinando per observationes situ & respectu, quem Circuli Sphaeræ ad se mutuo obtinent.

PROPOSITIO XVI.

Planum Meridiani Circuli, in data Habitatione, per observationes determinare.

Datâ Habitatione, datur ejus Horizon: hic enim circulus visu definitur. Cumque solus sit in sensum incurrens, reliqui hujus respectu determinandi veniunt; ac primo quidem Meridianus. Observentur duo plana circulorum Verticalium, quos Sydus declinationem non mutans occupat, cum æquialtum est ante & post maximam supra Horizontem elevationem; planum verticale bifecans angulum sub observatis duobus planis comprehensum erit Meridiani planum, quod visu in Cœlos productum signabit Meridianum quæsitum. Quoniam (ex hypothefi) Sydus declinationem non mutat, motu diurno describet circulum Æquatori parallelum: hujus ergo circuli (sicut ipsius Æquatoris) punctum altissimum est in Meridiano circulo, & puncta æqualiter alta hinc inde à Meridiano æqualiter distant. Quare è converfo, circulus à quo verticale, in quibus Sydus ejusdem erat altitudinis, æqualiter distant hinc inde, Meridianus est; hoc est, circulus, cujus planum bifecat angulum à prædictis verticalibus comprehensum, est ipse Meridianus. Q. E. I.

Præxi quod attinet, sic commode conficitur Problema: Super planum Horizonti parallelum, hoc est, cui Perpendicularum sive filum pondere onustum normale est, (cûm Zenith & Nadir, in quæ perpendicularum productum incidit, sint Horizontis poli,) erigatur Gnomon, cujus radice (sive puncto apici directè subjecto) ceu centro describatur in plano Horizontali circulus, noteturque punctum in hujus circumferentia, in quod apicis umbra à Sole facta ante meridiem incidit; rursusque ejus punctum, in quod ejusdem umbra post meridiem incidit: Recta conjungens centrum circuli cum puncto bifecante arcum inter notata duo puncta interjectum est communis sectio plani Meridiani cum plano Horizontali, quæ & *Linea Meridiana* nuncupatur; quippe cardines meridiæ & septentrionis directione suâ monstrans. Super hanc ergo erectum planum ad Horizontem rectum est Meridiani planum quæsitum. Cum Sydus in hac præxi adhibitum sit Sol, patet illam tunc exercendam cum Sol declinationem suam sensibilibiter non mutat; (illud enim in Sydere ad hoc electo necessarium est;) hoc est, tempore Solstitiali. Quoniam vero observationes instituendæ sunt ante & post meridiem, Solstitium æstivum eligendum est, quoniam in brumali, ob Solem tum temporis Horizonti vicinum, Refractiones incertæ præxi redderent dubiam: & præterea Sol oblique nimis tunc ascendit descenditque,


verticalem multo magis quam elevationem mutans; quod incommodum est in praxi hac, ubi verticalis ex elevatione determinandus est. Unde, Sole in æstivo Solstitio existente, ita ducendus est in plano Horizontali circulus, ut Gnomonis umbræ extremitas in illum incidat, cum Sol elevationem multum, Azimuthum parum mutat; adeoque plures concentrici circuli ducendi sunt, ut commodior eligatur.

Ad Lineam Meridianam determinandam, ad quam instrumenta perfectiora sunt collocanda, sæpius repetenda esset hæc praxis, & aliæ adhibendæ, quas apud Auctores passim videre licet, & quilibet per se facile excogitabit: quod & de aliis quibuscvis observationibus intelligendum est, quæ fundamentales sunt, quibusque aliæ longâ serîe superstruuntur. Gnomonum, præcipue altiorum, alii sunt commodissimi in observando usus: loco tamen extremitatis opacæ commode adhibetur, in ædificio magno, foramen radios Solis intra tectum transmittens; ut in Templo S^{ci} Petronii Bononiæ à Cl. D. Cassini factum est.

PROPOSITIO XVII.

Altitudinem Poli & Situm Equinoctialis circuli respectu Horizontis per observationes determinare.

Ubi Polus alter elevatur, observetur per instrumentum in plano Meridiani (per præced. determinato) collocatum Fixæ cujusvis nuncquam occidentis Altitudo maxima os , & minima $o\sigma$ supra Horizontem HO , quarum utraque in Meridiano contingit. Harum differentiæ $s\sigma$ dimidium ps vel $p\sigma$ est distantia Syderis à Polo: Hæc ergo $p\sigma$ vel ps minori Altitudini $o\sigma$ addita, vel à majore os subducta, facit op Altitudinem Poli quæsitam. Si Sydus in Altitudine maxima sit ad alteram verticis z partem, inter z & H ; tum loco maximæ Altitudinis Syderis, in calculo prædicto, adhibendum est ejus complementum ad semicirculum.



In observatione hac instituenda, summâ curâ & diligentia procedendum est: hinc enim reliquæ omnes Solis & Fixarum observationes, ac proinde Astronomica quævis superstruuntur. Quare Fixa talis seligenda est, quæ in minima Altitudine Refractioni minime sit obnoxia; hoc est, Polo vicinior quævis, quæ Horizonti non admodum appropinquat: nam Refractio Syderum loca prope Horizontem observata incerta reddit; ut inferius ostendetur.

Si Polorum neuter satis fuerit supra Horizontem elevatus, tum ex Altitudine Meridiana Syderis, cujus nota est declinatio, res perficitur; ut in Corollario Prop. sequentis ostendetur. Immo in locis plerisque, ubi paucas tantum observationes instituere decretum est, rem

rem sic conficiunt. Verum, cum declinationis Syderum observatio à Poli Altitudinis notitia pendeat, æquum est modum tradere hanc observandi, qui ab illa non pendet; quique à cautis omnibus observatoribus, qui Stellarum loca determinare volunt, aliorumque observatis (quæ repetere licet) minime fidere, necessario usurpanda est.

Inventa Altitudine Poli, Altitudo *Æquatoris* five *HE* arcus *Meridiani* inter *Horizontem* *HO* & *Æquatorem* *EQ* interceptus determinatur; est enim prioris complementum ad circuli quadrantem: Nam quia *HZO* est semicirculus, & *PE* quadrans, erunt *PO* & *HE* simul quadranti æquales. Determinatur igitur *Æquatoris* situs respectu *Horizontis* dati *HO*: Illum enim interfecat in punctis veri Ortus & Occasus, quæ per rectam signant *Meridianæ* lineæ (Prop. præced. inventæ) normalem; ejusque planum inclinatur ad planum *Horizontis* angulo, cujus mensura est arcus *HE* modo inventus.

SCHOLIUM. (c)

Ope harum duarum Propositionum Telluris magnitudo innotefcet. Si fecundum Lineam Meridianam (per Prop. xvi. ductam) iter factum exactiffime menfuretur, & ex obfervata (per Prop. xvii) Altitudine Poli ad initium & finem itineris, arcus Meridiani Terreftreis intercepti ratio ad integrum Meridianum determinetur; non latebit ambitus integri Meridiani Terreftreis: ac proinde, ex cognita circuli dimenfione, Telluris Diameter, & exinde (per Geometriam) illius fuperficies & foliditas innotefcunt. Porro, quoniam in hac praxi iter fub quolibet Meridiano confectum, five longitudo viæ ubique quamproxime proportionalis deprehenditur obfervatæ mutationi elevationis Poli; conftat communem fectionem fuperficieï Telluris & plani Meridiani cujufvis, effe circulum, & proinde Telluris figuram effe fphæricam. Abftrahimus nunc à parva elevatione à Equatore; (de qua Prop. xxxi. Lib. I.) quæ in prædicta praxi erit infenfibilis.

PROPOSITIO XVIII

Cujusvis Syderis Declinationem observare.

Propoliti Syderis Altitudo Meridiana obferretur. Si Sydus fuerit in Meridiani quadrante zH , in quo Equator EQ Meridianum interfecat, ut ad e ; erit differentia altitudinis Equatoris HE & altitudinis Syderis $H\bullet$ (nempe $E\bullet$). Declinatio Syderis quaesita. Si vero Sydus fuerit in Meridiani quadrante zO , in quo Polus, ut in s ; tum differentia altitudinis Poli p & altitudinis Syderis os , (nempe ps), five distantia Syderis a Polo, est complementum Declinationis quaesitae. Q. E. L.

Nihil hic de observationum praxi & instrumentorum constru-

etione addimus, in quibus horum præcipua difficultas consistit: Artificem enim in *Geometria Practica*, *Mechanicis* & *Opticis* versatissimum supponimus. Patet vero cuivis Fixarum loca determinaturo commodissimum fore, si Quadrantem aut potius Semicirculum in Meridiani plano prorsus immotum, & in gradus horumque partes secundum artem divisum habeat, super cuius centrum index Pinnacidiis Telescopicis instructus movetur, ut Syderis cuiusvis Altitudo Meridiana prompte mensuretur, cum ad Meridiani planum appellit: hæc enim Declinationis Syderum observatio in Fixarum locis restituendis præcipua est.

COROLLARIUM.

Sicut ex datis Elevatione Poli vel Æquatoris & Altitudine Syderis Meridiana ejus Syderis Declinatio invenitur, ita è converso, ex datis Syderis Altitudine Meridiana & Declinatione, Æquatoris vel Poli Elevatio habetur. In quadrante enim zeh , summa vel differentia ipsarum he , eo dat Æquatoris elevationem he . In quadrante vero zpo , summa vel differentia ipsarum os & ps exhibet altitudinem Poli.

PROPOSITIO XIX.

Inclinationem Eclipticæ ad Æquatorem, sive Eclipticæ Obliquitatem observare, ejusque ac proinde Colorum, Tropicorum & Polarium situm respectu Æquatoris determinare.

Quotidie circa Solstitium utrumvis observetur (per præced.) Solis Declinatio: Hæc, ubi maxima, ipsa est Eclipticæ Obliquitas quæ sita. Quoniam enim Ecliptica est ipsa via Solis, quanta est Solis declinatio maxima, tanta etiam est ipsius Eclipticæ; unde observata illâ, simul observatur & hæc. Q. E. F.

Verum cum, ex praxi præcedente, Syderis Declinatio observari nequeat, nisi cum Sydus istud est in Meridiano; si contingat Solstitium celebrari, Sol in Observatoris Meridiano non existente, (quod certe plerumque fiet,) paululum aberrabitur: hoc autem tantillum est, ut sit merito negligendum. Præcipimus enim quovis meridie Declinationem inquirere; adeoque aberratio maxima est cum Solstitium mediâ nocte celebratur; nempe temporis puncto à meridie remotissimo. Error igitur cum maximus est, tantus erit, quanto Solis Declinatio 12 horis ante aut post Solstitium deficit ab ejus Declinatione maxima: hic autem defectus ad quatuor minuta secunda non ascendit; cum tamen ipsa Obliquitas intra minutum primum aut etiam duo ab Artificibus nondum sit definita. E Solstitiis eligendum erit illud; in quo Sol commodissime observari poterit absque erroris periculo; v. g. in regionibus hisce prope Polum septentrionalem Solstitium æstivum, quoniam Sol in Solstitio hyberno ipso meridie refractionum periculis non caret; quæ res in hujusmodi observatione maximi est momenti. Dantur & habitationes, ubi ad Obliquitatem Eclipticæ inquirendam consultum sit altitudinem

dinem Meridianam Solis, in uno Solstitiorum positi, subducere ex ejusdem altitudine Meridiana in altero Solstitio, si Sol in utroque casu sit ab eadem verticis parte; sed si ad diversas, ex posterioris Meridianæ altitudinis complemento ad semicirculum, ut relinquatur distantia Tropicorum, cujus semissis est ipsa Obliquitas quæsitâ.

Ad exquisitam autem indagationem Obliquitatis Zodiaci, ait Observatorum solertissimus *Hevelius* plurimorum annorum continuatas, omnibusque numeris absolutissimas, majoribus & fide dignissimis Organis administratas observationes requiri. Atque hinc fit quod etiamnum hodie, quando instrumenta sunt & magna & accurate divisa, & Telescopiis instructa, discrimen satis sensibile interfit inter Zodiaci Obliquitates ab Artificibus positas. Siquidem *Hevelius* illam ponit $23^{\circ} 30' 20''$, eandem quam *Ricciolus* in *Astronomia Reformata*: *Moutonus*, qui integrum fere librum hac de re scripsit, illam post multas & repetitas observationes, mediamque inter extremas eligens hanc, constituit $23^{\circ} 30'$, quam etiam Obliquitatis mensuram ex selectis observationibus *Ricciolus* in *Almagesto* ponit: hanc etiam ponit *Streetius* in *Astronomia Carolina*, & generaliter Artifices usurpant. Quo non obstante Cl. D. *De La Hire* in *Tabb. Astron. Part. Prior. de Motibus Solis & Lunæ* illam minuto primo integro minorem constituit; nempe tantum $23^{\circ} 29'$, idque ex observationibus prope Zenith & extra refractionis periculum factis. Si vero Veterum hac de re placita notare libet, tanta reperitur inter Obliquitatem ab illis observatam, & illam quæ nunc ex Coelis deducitur, differentia, ut plurimi Auctores eam mutabilem posuerint præter mutationem his quolibet anno restitutam; de qua utpote fere insensibili hic non disputamus: quandoquidem tempore *Aristarchi Samii*, qui 300. prope annis ante Christum natum floruit, ea ipsa habitæ est 24° : vivente vero *Ptolemæo* annis post Christum 140. non amplius quam $23^{\circ} 51'$: & rursus *Albategnii* tempore 600. fere post Christum annis, tantum $23^{\circ} 35'$: & *Tycho* $23^{\circ} 31' 30''$ eam per observationes prodixit. Verum diligentissimi hujus sæculi Observatores illam nihilominus constantem voluit; *Gassendus*, nempe, *Ricciolus*, *Horroxius* & ipse *Hevelius*, qui Veterum observationibus hæud adeo multum tribuendum esse in *Prodromo* censet; cum nec instrumenta omnibus numeris perfecta adhibuerint, nec tutiori viâ inceserint. Immo Antiquiores ipsæque *Ptolemæus* in *Almagesto* idem censent; & *Albategnii* ob eandem cum *Hevelio* rationem Veterum observationes suis postponit. Et *Gassendus* in *Vita Peireskii* ostendit per observationes à se institutas, eandem esse hodie Zodiaci Obliquitatem, quæ fuerat tempore *Alexandri Magni*; eandem quippe à se observatam rationem Gnomonis ad suam umbram in meridie Solstitii æstivi *Massiliæ*, quæ fuerat in eadem urbe tum observata à *Pythæa Massiliensi*.

Porro, puncta in Cælo, ubi Ecliptica Æquatorem interfecat, illa sunt,

sunt, in quibus Sol apparet dum dies noctibus æquales sunt Observatori, cui Polorum alteruter elevatur supra Horizontem. Eclipticæ ergo situs is est, ut Æquatorem intersecet in dictis punctis; & ad Æquatorem inclinetur in angulo supra determinato, ejus dimidio ad Polum Boreum vergente, in quo Sol versatur dum dies noctibus sunt longiores Borealis hemisphærii Terræ incolis. Eclipticæ situ dato, protinus datur situs Tropicorum; quippe qui Æquatori paralleli Eclipticam contingunt, suntque tantum ab Æquatore remoti, quanta est Eclipticæ Obliquitas: & Polares tantundem à Polis proximis distant. Colorum etiam situs hinc deducitur: nam in Polis hæcenus per observationes determinatis, ad angulos rectos se mutuo interfecantes, per puncta Æquinoctialia & Solstitialia supra inventa transeunt.

PROPOSITIO XX.

Datâ Eclipticæ Obliquitate, Ascensionem rectam & Declinationem dati in ea puncti, item Angulum, quem ad dictum punctum comprehendit Ecliptica cum Meridiano, per calculum eruere; & converso, Eclipticæ punctum, cui horum aliquod competit, definire, & proinde locum Solis in Ecliptica, ex observatione per Prop. XVIII. facta, determinare.

Referat BQ Æquatorem, cujus Polus P ; BL Eclipticam; & E Æquinoctii, alterutrius punctum; L punctum in Ecliptica datum, per quod traductus concipiatur circulus declinationis PLQ . In triangulo sphaerico BLQ datur latus BL , nempe distantia puncti dati ab L , & angulus QEL Eclipticæ Obliquitas; datur item angulus Q , nempe rectus, quia P est Polus circuli EQ . Invenietur igitur (per Trigonometriam sphaericorum) latus QL puncti L Declinatio quæsitâ, quæ borealis est vel australis pro Poli adjacentis natura; item latus BQ , quod (pro situ puncti L in hoc vel illo Eclipticæ quadrante, & natura puncti E) erit vel ipsa Ascensio recta quæsitâ, vel illius complementum ad quadrantem, vel semicirculum, vel tres quadrantes, vel integrum circumulum. Datur etiam angulus QLP , quem Ecliptica in dicto puncto facit cum Declinationis circulo sive Meridiano. Hujus conversum similiter construitur: advertendum tamen duo esse Eclipticæ puncta, quorum eadem est versus datum Polum Declinatio; adeoque opus esse determinatione aliqua.



SECTIO

S E C T I O V.

De Stellis Fixis, earum Locis per observationem definiendis, aliisque huc attinentibus.

PROPOSITIO XXI.

S *Tellarum Fixarum classes varias explicare, in quas ob diversam magnitudinem apparentem dividuntur; hujusque differentie rationes reddere.*

Propositionibus quibusdam præcedentibus modum tradidimus, quo præcipuorum Sphæræ circulorum Positio respectu Horizontis sensu definiti determinatur; Meridiani nempe, Æquatoris, Zodiaci, Coluri utriusque, Tropicorum & Circulorum Polarium: consequens est ut Fixarum loca circulorum istorum respectu inveniendi modum tradamus. Oportet autem prius aliquid de ipsis Fixis, harumque differentiis & ordine præfari.

Et primo cuivis Cœlum nocte serenâ & illumi aspicienti ingens Stellarum diversitas apparet quoad magnitudinem apparentem & radorum vim. Hujus respectu Astronomi illarum sex fecerunt classes, quarum maximas appellarunt *Primæ Magnitudinis*, minimas *Sextæ* & intermedias eodem ordine. Diversitatem hanc aliqui in ipsam Stellarum veram magnitudinem rejiciunt, alias aliis esse revera majores afferentes, dum omnes æqualiter distant; quippe secundum hos in superficie sphærica locatæ: Alii Veteres secuti causam diversæ Magnitudinis rejiciunt in diversam earum distantiam.

Huic sententiæ numerus Fixarum primæ & secundæ magnitudinis multum favet. Nam si Fixa quælibet Solis officio fungatur in spatii Mundani portione fere æquali huic, cui Sol noster imperitat, tot erunt Fixæ magnitudinis primæ, quot hujusmodi Systemata nostrum tangentes circumstare possunt; hoc est, quot æquales Sphæræ mediam æqualem contingere possunt. Ex Geometria autem constat tredecim Sphæras mediam illis æqualem circumcirca contingere; (perperam enim *Keplerus* duodecim hujusmodi pro numero angularum *Icosædri* reperiri asserit, in *Lib. I. Epit.*) & totidem observantur incontraversæ Stellæ magnitudinis primæ. Advertendum enim inter ipsos Fixarum observatores, de illarum numero non prorsus constare: Nam *Hevelius* *Lucidam in scapulis Aquilæ* ad secundam magnitudinem refert, quam *Tycho* primæ magnitudinis dixit; & contra *Hevelius* *Canem minorem* & *dextrum Hummerum Orionis* primæ censet, quas tamen *Tycho* secundæ ponit. Aliæ interim reperiuntur, de quarum classe dubitat ipse *Hevelius*.

Rursus, si quæratür quot Sphæræ prioribus æquales prædictum primum ordinem Sphærarum, Sphæram ab initio positam circumstantium (sive potius priores illas 13 cum decimaquarta centrali comprehendentem Sphæram,) contingere possunt; inveniatur harum numerus

numerus 52, five 4×13 . Nam Sphærarum harum secundi ordinis centra versantur in superficie sphaerica, quæ quadrupla est ejus in qua versantur centra Sphærarum primi ordinis intimam tangentium, cum illius diameter diametri hujus dupla sit; Et totidem præterpropter deprehenduntur Fixæ magnitudinis secundæ; *Helio* illas circiter 50 statuente, dum *Keplerus Tychonem* secutus ipsas 58 ponit; *Ptolemæus* non ultra 45; inter quos nos medium assumimus: in Stellis enim magnitudinis secundæ, magis quam in iis magnitudinis primæ, diversi observatores diversa sentiunt. Nec in numero Fixarum reliquarum magnitudinum hæc methodo determinando magis aberratur. Ad hanc rem ulterius confirmandam, restat ut ostendamus eundem inter Fixas primi honoris observari ordinem, qui inter corpora centralia Sphærarum intimam Sphæram (prope cujus centrum oculus ponitur) circumcirca contingentium; eundem inter Fixas secundæ magnitudinis, qui inter corpora centralia Sphærarum ordine secundarum ab his; atque ita denuo. Atque hic quidem res non æque procedit, (quæ causa fuit, cur *Keplerus* in aliam abiit sententiam;) ut vel exinde constat quod primo obtutu quidam Firmamenti tractus Stellis innumeris quasi scatentes cernantur, alii vero ab iis tantum non vacui deprehendantur. Ast in primæ & secundæ magnitudinis Stellarum ordine adeo non est aberratum, ut comparanti patebit: Nam sex sunt Stellæ primæ magnitudinis in Zodiaco, tres ad Boream, & quatuor ad Austrum, præterpropter uti ex hac theoria decet.

PROPOSITIO XXII.

Constellationes, in quas Fixæ ab Astronomis distribuuntur, enumerare.

Veteres vel lineamenta secuti dispositionis variæ Fixarum, vel religione ducti distribuerunt Fixas omnes, in Zona nostra Temperata conspicuas, in Imagines 48: Quarum 12 in Zodiaci longitudinem incidunt, ejusque Dodecatemoniis nomina imponunt sua: Suntque in Boreali Zodiaci dimidio, *Aries, Taurus, Gemini, Cancer, Leo & Virgo*; in Australi, *Libra, Scorpius, Sagittarius, Capricornus, Aquarius & Pisces*. Reliquæ imagines in Hemisphæris per Zodiacum distinctis locantur: in Septentrionali 21, nempe *Ursa minor, Ursa major, Draco, Cepheus, Bootes, Corona Septentrionalis, Hercules, Lyra, Cygnus, Cassiopeia, Perseus, Andromeda, Triangulum, Auriga, Pegasus, Equuleus, Delphin, Sagitta, Aquila, Serpentarius, Serpens*. Hisce postea adjectæ sunt Constellationes *Antinoi* ex informibus prope Aquilam, inter hanc & Capricornum & Sagittarium, & *Comæ Berenices* ex informibus prope Caudam Leonis. Antinoui ad Aquilam & Equuleum ad Pegasus reducit *Ptolemæus*. Ad Australem Zodiaci partem sunt Asterisimi 15 Veteribus cogniti, nempe *Cetus, Eridanus, Lepus, Orion, Canis major, Canis minor, Argo-navis, Hydra, Crater, Corvus, Centaurus, Lupus, Ara, Corona Australis, Piscis Austrinus*.

Hisce

Hiscæ nuper adduntur, quæ circa Polum Austrinum sunt nobis inconspicuae, Constellationes 12. *Phœnix, Grus, Indus, Pavo, Apus, Triangulum Australe, Musca, Chamæleon, Piscis volans, Toucan sive Anser Americanus, Hydrus, Xipbias sive Dorado.*

Extra depictarum imaginum limites sunt Stellæ quædam ad illas irreducibiles, quas idco *Informes* vocant, atque ex hisce insigniores Fixarum Observatores novos Asterismos subinde confingunt, nominaque imponunt. Cl. nempe *Edmundus Halleius*, dum in *Insula S^a. Helenæ* Stellas Polo Austrino vicinas primus exacte observaret, jure suo usus est in nova Constellatione sub specie Quercûs ex informibus inter Argum Navem & Centaurum condenda, & sub nomine *Roboris Carolini* consecranda, in perpetuam sub illius latebris servati *Caroli II.* memoriam in Cœlum translati. Sic *Bartschius* in Globo suo Quadrupedali novas duas fundavit Constellationes, *Camelopardum* & *Monocerotem*, quas retinet *Hevelius*. Ipse autem *Hevelius* omnium longissime in hac materia progressus est, pluraque ex informibus prius Stellis construxit Sydera nova quam Recentiorum quivis, ut ex ejus *Firmamento* patet; nempe inter Leonem & Ursam majorem *Leonem minorem* invexit, & *Lyncem* inter Ursam majorem & Aurigam supra Geminos; *Canes Venaticos* post Ursam majorem & sub ejus Cauda reposuit, ita ut quæ *Tychoni* fuit informis inter Caudas Helices & Leonis, (quæ postea *Cordis Caroli* nomine fuit ab *Anglis* insignita,) *Hevelio* sit in *Annulo Armillæ Charæ*; *Lacertam* sive *Stellionem* inter Andromedam & Cygnum; *Uranie Sextantem* inter Leonem & Hydram; *Scutum Sobiescianum* inter Aquilam & Serpentarium; *Vulpeculam cum Ansere* inter Aquilam & Lyræ sub Cygno; *Triangulum minus* inter Triangulum Boreale & Arietis Caput. Veteres etiam Constellationes quasdam immutavit paululum, aliasque illis adjunxit; ut *Antinoum* prius inermem *Arcti* & *Sagittæ* armavit, in *Herculis* genu inflexi finistram *Cerberum* induxit, & sub *Bootis* pedibus *Montem Mænalum* posuit. Prædicta Sydera in Locis descriptis collocavit ad fabulæ veteris adjacentium Syderum continuationem, ne Astrologorum placita & regulas nimium turbaret, vel ad facinoris nobilioris memoriam perpetuandam.

Alii rursus integra Sydera novis nominibus iisque *Christianis* designanda censent; cujus specimen dedit *V. Beda* in *Astris Zodiaci*, & continuavit in suo *Cælo Stellato* anno 1627 edito *Julius Schillerus*. Consilium tamen hoc merito improbarunt *Copernicus, Tycho, & Hevelius* in *Firmamento*, aliique Astronomi, qui priscas formas & antiqua nomina retinenda censent, ne Veterum Astronomia paulatim deperdatur, & confusio oriatur. Modo enim hucusque ab ipsis Astronomiæ primordiis recepto, quod in hac re præcipuum est consequimur; nempe (ut ait *Copernicus*) *ut tanta Stellarum multitudo per partes discerneretur, & ut hæ denominationibus quibusdam designari possent.*

Ad Asterismos etiam pertinet *Via Lactea*, quam nostrum sæculum

innumerarum minutarum Fixarum congeriem esse deprehendit, pro-
ut Veterum quidam, teste *Mamilio*, censuere: Estque Circulus latus
candore Lactis perfusus, totum Cœlum ambiens; nonnunquam du-
plici tramite, plerumque simplici incedens per Cassiopeiam, Perse-
um, Aurigam, Pedes Geminorum, Clavam Orionis, Monocerotis
anteriora, Caudam Canis majoris, Argum Navem, Robur Carolinum,
Crucem & Centauri pedes, quos ultra, è regione Aræ, in duplicem
dividitur tramitem; cuius pars Orientalior transit per Aram, extre-
mam Scorpii Caudam, Pedemque Serpentarii orientaliorem, Arcum
Sagittarii, Scutum Sobiescianum, Antinoi Pedes & Cygnum, ubi
maxima ejus pars alteri jungitur: Occidentior autem per priorem
partem Caudæ Scorpii, Serpentarii Dextram & Cygni Sydus; ab-
solvitque periodum suam in Cassiopeia, unde ejus descriptionem in-
cipit *Manilius*. Sunt etiam & aliæ *Galaxiæ* divisiones minores,
quas videre licet in *Hevelii Firmamento*. Viæ Lactæ etiam affines
sunt duæ *Nubecule* prope Polum austrinum sitæ, in *Europa* incon-
spiciuæ, quæque à nautis *Nebulæ Magellanicæ* appellantur; illius
enim albedinem (teste Cl. *Halleio*) exacte referunt, & Telescopio
inspectæ hinc inde Nebulas parvas & exiguas Stellæ ostendunt.
Harum major inter Hydram & Doradonem; minor inter Anserem
Americanum sive Toucan & Hydram collocatur.

PROPOSITIO XXIII.

Datis Solis Theoriâ & Horologio Automato, Fixarum Ascensio-
nem Rectam per observationes determinare.

Explicatâ Fixarum diversitatē tam secundum apparentem magni-
tudinē, quam secundum figuras Asterismorum, in quos commu-
niter dividuntur, restat ut cujusvis ex illis locum determinandi meth-
odum ostendamus respectu circularum Sphæræ, quorum situs su-
perius est determinatus, ac primo quidem respectu Æquatoris;
in quem finem cujusvis Declinationem observare Prop. XVIII. docui-
mus: Reliquum est ut illius Ascensio Recta etiam inveniat. Ve-
rum, quoniam Æquatoris initium, à quo Syderum Ascensio Recta
numeratur, est illius intersectio cum Eclipticâ; in qua licet Sol re-
periatur semel in anno, ineunte sc. nostro Vere, inde tamen statim
discedit, & punctum istud relinquit obscurum, nullo phænomeno,
quod in sensus incurrat, insignitum, & tale denique unde Stellarum
Ascensiones nequeunt immediate per observationes deduci; ali-
quod igitur eligendum est Phænomenon, cujus Ascensio Recta quo-
libet momento datur, ut aliorum Ascensiones Rectæ hinc obser-
ventur. Inter omnia vero ad hoc opus Sol est maxime commo-
dus, quippe cujus motus est maxime simplex, cujusque Ascensio
Recta ex dato ejus loco in Ecliptica expedite invenitur per Prop.
XX. Hujus ergo Theoriâ datâ; hoc est, ad datum tempus dato ejus
loco in Ecliptica, & dato etiam Horologio Automato indicem æ-
quabiliter circumagente, sic observantur Fixarum Ascensiones Rectæ.

Primo, ita ordinetur Horologium, ut index 24 horas numeret
labente

labente tempore, quo Fixa quævis à Meridiano digressa ad eundem revertitur, quod die naturali paulo est brevius. Horologii sic ordinati index ad initium numerationis constituatur, dum Sol Meridianum attingit, & notetur hora ab Horologio numerata, quando Fixa, cujus Ascensio Recta quæritur, eundem attingit. Horæ earumque partes ab indice numeratæ in *Æquatoris* gradus & illorum partes convertantur, ut supra est dictum: Prodebit intervallum Ascensionum Rectarum Fixæ & Solis; hoc vero additum Ascensioni Rectæ Solis exhibet Fixæ Ascensionem Rectam quæsitam.

Si vero, in Automato ad motum Fixæ diurnum ordinato, loco 24 horarum ostendantur 360 gradus horumque partes sexagesimæ, & dum Sol est in Meridiano, indices statuuntur ad numerum graduum & scrupulorum, ex quibus Solis Ascensio Recta tum constat; ostendent hi (absque ulteriore reductione) Ascensionem Rectam Fixæ, cum hæc Meridianum attingit.

PROPOSITIO XXIV.

Datis Declinatione & Ascensione Recta unius Syderis, & Declinatione alterius una cum Syderum Distantia, posterioris huius Ascensionem Rectam invenire; & è converso, Syderum, quorum Ascensiones Rectæ & Declinationes dantur, Distantiam invenire.

Referat *EQ* *Æquatorem*, cujus Polus *P*; sintque Sydera *A* & *B*, ex quorum Declinationibus *CA*, *DB* datis dantur horum complementa sive distantie à Polo, nempe *PA*, *PB*, daturque etiam (ex hypothefi) Syderum distantia *AB*. Quare in triangulo *APB*, datis lateribus invenietur angulus *APB*, & proinde ejus mensura *CD* arcus; differentia nempe Ascensionum Rectarum Syderum *A* & *B*, quæ proinde addita vel subducta Ascensioni Rectæ datæ unius, (prout circulus Declinationis per hoc transiens est ad ortum vel occasum circuli Declinationis per illud transeuntis,) dat alterius Ascensionem Rectam quæsitam.



E converso, datis Syderum *A* & *B* Ascensionibus Rectis, datur harum differentia *CD*; hoc est, angulus *CPB*, cujus iste arcus est mensura: & in triangulo *APB*, dantur latera *PA*, *PB* datarum Declinationum complementa, una cum angulo comprehenso *APB*: invenientur igitur reliqui anguli, & latus *AB* Syderum Distantia quæsitæ.

Pariterque duorum in Telluris superficie Locorum, quorum Longitudines & Latitudines dantur, invenientur Distantia in circulo maximo computata, & anguli quos hic (qui communi Azimutho Cœlesti respondet) cum utroque Meridiano continet.

PROPOSITIO XXV.

Datæ Stellæ Ascensionem Rectam per observationes determinare, mediante Phænomeno interdiu & noctu conspicuo.

Observetur Phænomeni diu noctuque conspicui Declinatio (per

Prop. XVIII.) & distantia tam à Sole quam à Stella; hæc noctu, illa interdiu. Ex Phænomeni Declinatione, Distantia à Sole, & Solis loco, elicitur (per præced.) Phænomeni Ascensio Recta; ex qua & ejusdem Declinatione observata, una cum observatis Stellæ Declinatione & Distantia à Phænomeno, similiter invenietur Stellæ Ascensio Recta quæsitæ. Q. E. F.

SCHOLIUM.

Veteres, qui temporis mensurâ accuratâ (qualem Prop. XIII. requirit) carebant, (Clepsydre enim ab Antiquissimis adhibitæ erant nimium fallaces,) Fixarum loca mediante Lunâ exquirebant, capi-endo distantiam Lunæ à Sole secundum Æquatorem aut Eclipticam computatam de die, & distantiam Stellæ à Luna noctu, unde Distantiam inter Stellam & Solem, ac proinde (ex Solis Theoria) Distantiam Stellæ ab Eclipticæ initio concludebant.

Recentiores Venerem adhibuerunt loco Lunæ, quod hujus diameter parva minorem in distantia observanda errori anam præbeat; & quod Lunæ locus observandus sæpenumero veniat per Fixarum loca prius correctæ, ut ejus Theoria, in hunc diem (præsertim circa quadraturas, quando Veterum observationes hæc instituebantur) minus accurata, corrigatur; & etiam quod Veneris motus neque sit tam velox, neque tam incertus. Ideoque Venerem observare conveniet in maxima elongatione à Sole, cum illius motus motui Solis propemodum est æqualis; & etiam cum ob elevationem Sol & Venus Refractioni minime sunt obnoxii. In hujusmodi observationibus faciendis præcipue curandum, ut sæpius repetantur tam cum Venus orientior est Sole, quam cum occidentior; ut ex observationibus diversis ad eundem Fixæ locum determinandum conspirantibus verus locus certo constet. *Ricciolus* loco Veneris *Sirium* substituendum censet, quem ait splendere adeo ut circa Æquinoctia octo & amplius minutis ante occasum Solis *Martio*, & post ortum Solis *Septembri*, videri possit. Sed & *Regulus* & *Arcturus* tandem in Meridiano, lucente Sole, nudis oculis observati sunt à Regiæ Scientiarum Academiæ *Gallicæ* Astronomis; etiam cum Sol extra incertas Refractionis limites elevaretur: quod ope Telescopii in quavis Fixa illustriori quotidie fieri poterit.

PROPOSITIO XXVI.

Datis Altitudine Poli, Horâ à Meridie & Loco Solis, si præterea Syderis Altitudo & Azimuth observatione innoteſcant, invenire Syderis ipsius Ascensionem Rectam & Declinationem.

Referat *PZHO* Meridianum; *HAO* Horizontem, cujus Polus est Zenith *Z*; *ERQ* Æquatorem, cujus Polus *P*; *s* Stellam, per quam traducti intelligantur circulus verticalis *ZSA* & declinationis circulus *PSR*. In triangulo *szp*, dantur *zp* latus, complementum elevationis Poli *op*; *zs* latus, complementum altitudinis Stellæ *sa*; & angulus *szp*, quem mensurat arcus *ao* ex Azimutho datus: Invenitur igitur latus *ps*, complementum arcus *rs* Stellæ Declinationis

clinationis quæsitæ; & etiam angulus ZPS , & proinde ejus mensura, nempe arcus ER . Sed ex data Hora datur arcus Æquatoris interceptus inter Meridianum & circulum Declinationis per Solem tractum; horum ergo arcuum datorum dantur summa & differentia. Hæc autem summa, si Sol & Stella fuerint ad diversa Meridiani latera; vel differentia, si ad idem, est differentia Ascensionum Rectarum Solis & Stellæ. Et ex dato Solis loco datur ejus Ascensio Recta, (per Prop. xx); quare innotescit etiam Stellæ Ascensio Recta quæsitæ.



PROPOSITIO XXVII.

Datæ Stellæ Longitudinem & Latitudinem investigare.

In schemate EQ repræsentet Æquatorem , cujus polus P ; EC Eclipticam, cujus polus B ; punctum E communem horum circulorum intersectionem, initium v vel α ; s Sydes datum, per quod ducti intelligantur Eclipticæ & Æquatoris secundarii BSL , PSA . Et circulus maximus PBQC ipsos polos conjungens est Colurus Solstitiorum. Invenitur per Prop. xviii. Syderis Declinatio AS , unde habebitur ejus complementum PS ; & per Prop. xxiii. vel xxv. Stellæ Ascensio recta EA , (saltem ex data Ascensione recta dabitur E A_2) unde habebitur ejus complementum QA , & angulus QPA , cujus est mensura. In triangulo igitur BPS , dantur latus PS & latus PB , distantia nempe Polorum Æquatoris & Eclipticæ hujus obliquitati æqualis, una cum angulo ab iis comprehenso BPS : Innotescit igitur latus BS , hujusque proinde complementum SL , Stellæ Latitudo quæsitæ. Invenietur etiam angulus PBS , vel huic deinceps CBL , ejusque mensura arcus CL , adeoque hujus complementum LE . Atqui arcus hic vel est ipsa Longitudo quæsitæ, vel ejus complementum ad unum, duos, tres vel quatuor quadrantes.




Similiter ex dato situ Stellæ respectu Eclipticæ determinabitur ejusdem situs respectu Æquatoris .

PROPOSITIO XXVIII.

Datæ Longitudine & Latitudine duorum Syderum, & Distantiæ tertii ab utroque, tertii istius Locum invenire.

Referat CED Eclipticam, cujus Polus P ; A & B Stellæ, quarum Longitudo & Latitudo dantur, per quas tracti intelligantur Latitudinis circuli PAC , PBD ; anguli CPD sub illis comprehensi mensura est Eclipticæ arcus CD , Longitudinum datorum differentia, ac

proinde datur. In triangulo APB , datis lateribus PA , PB , Latitudinum CA , DB complementis, & angulo APB , invenietur AB latus, & angulus PBA . Rursus, in triangulo ASB , datis omnibus lateribus; nempe SA , SB , distantis Stellæ s à duabus A & B , & prius invento AB , reperietur angulus ABS ; adeoque SBP , hujus & prius inventi PBA intervallum: & tandem in triangulo SBP , datis duobus lateribus BP , BS , cum angulo ab illis comprehenso SBP , invenietur PS , & consequenter ejus complementum ES , nempe Syderis s Latitudo; & angulus BPS , hujusque mensura DE , differentia nempe Longitudinum Stellarum B & s , addenda Longitudini Stellæ B ut fiat Longitudo Stellæ s , si PSE sit orientior quam PBD ; subtrahenda vero, si occidentior. Alii sunt hujus Problematis casus pro vario situ punctorum A & s , sed qui omnes similiter solvuntur.



Eodemque prorsus modo, si detur situs Stellarum A & B respectu alterius cujusvis circuli, *Æquatoris ex. gr.* hoc est, si dentur earum *Ascensiones Rectæ* & *Declinationes*, & *Distantia* tertiæ s ab utraque; dabitur etiam hujus situs respectu ejusdem circuli. Atque hæc in Tellure fiunt similiter.

PROPOSITIO XXIX.

Fixarum Catalogum condendi modum describere; præcipuos ejus Conditores, methodosque, quibus sunt usi, indicare, & Globum Cælestem construere.

Cujusque Asterismi Stellæ singulæ pro loco, quem quævis in Asterismo obtinet, ordine describantur; & è regione cujusvis, ejus Longitudo & Latitudo per Prop. xxvii. inventæ adscribantur; atque postea ejus Magnitudo notetur. Si plures fuerint in eadem Asterismi parte (capite *ex. gr.* vel manu) Stellæ, in descriptione distinguantur in borealiores & australiores, & in præcedentes, medias & sequentes; ubi illæ præcedentes ab Auctoribus *Ptolemæum* secutis vocantur; quæ ad occidentem sitæ sunt; sive quæ *Zodiaci* partes præcedentes i. e. initio Arietis viciniore obtinent; hoc est, quæ in motu diurno præcedunt: A quibusdam etiam distinguuntur per literas alphabeti adscriptas. Si Stella notabilis in Asterismo occurrat, quæ singulari nomine indigitatur, nomen hocce etiam apponitur; ut *Arcturus* in Boote, *Regulus* in Leone, *Sirius* in Cane, &c. Post Stellas cuique Asterismo proprias adjiciuntur & informes circa eundem, similiter per viciniam hujus vel illius partis (cui sc. adstant) descriptæ, cum cujusque Longitudine, Latitudine & Magnitudine.

Primus, qui Fixas omnes in Catalogum reducere, earumque loca determinare est aggressus, fuit *Hipparchus Rhodius* annis ante Christum circiter 120, ex *Plinii* sententia ausus rem etiam Deo improbam; adnumerare posteris Stellas & Sydera ad normam expandere.

gere. Ex *Ptolemæo* tamen constat. *Tymocharidem* & *Aristyllum* plurimas circa hanc rem observationes; 180 annis ante *Hipparchum* factas, reliquissæ. *Menelaus* item Geometra anno *Trajani* primo quædam de Fixarum locis observavit *Romæ*. Post hos *Claudius Ptolemæus*, circa annum à nato Christo 140, nonnulla de Fixarum progressionem in consequentia animadvertere ac literis mandare aggressus est; *Hipparchico* tamen circa earum ad invicem quoad longum & latum collocationem retento abaco, qui ad Fixas 1026 ascendit. Neque præter ea, quæ à *Ptolemæo* sunt consignata, Veterum observata amplius existant. Idem quoque fecit *Albategnius Syrus* circa annum Christi 880: nam in Libro quem inscripsit de *Scientia Stellarum*, Cap. 111. pag. 202. ait se 11 gradus & dimidium & tertiam partem addidisse locis, in quibus, in *Ptolemæi* Libro, eas scriptas invenit. Neque etiam *Persæ Astronomi* aut *Alphonsini*, neque illis recentior *Copernicus* omnes Fixas observarunt, sed *Hipparchico* Catalogo acquieverunt, additâ solummodo in respectivis Catalogis portione motionis in omnibus interea factæ; de qua inferius. *Copernicus* interim Stellarum omnium Longitudines numerat à duarum in Arietis Cornu Præcedente, quam *Omnium Primam* vocat; quæque proinde omni ævo sunt eadem, dum Primæ hujus Longitudo ab Æquinoctii puncto indies augetur.

Hi omnes ad Stellarum loca determinanda Armillarem Sphæram, vel ejus partem (quam *Astrolabium* dixerunt) ut plurimum adhibuerunt. Ejus descriptionem vide Cap. 1. Lib. v. *Magnæ Constructionis*. Hoc enim instrumento ad Mundi cardines & Loci Latitudinem composito, Armillam Eclipticam referentem de Die ope radiorum Solis (cujus locum ex ejus Theoria notum habebant) in eum componebant situm, quem tum Horizontis istius respectu Ecliptica obtinebat, & Lunæ locum in Ecliptica, ope circuli Latitudinis in Astrolabio mobilis, exinde observabant. Nocte deinde insequente, mediante Lunâ, (pro cujus motu interea factò locum prius inventum corripiebant,) Armillam illam Zodiacalem in situm isti temporis puncto congruum (quemadmodum prius mediante Sole) componebant, unde cujusvis Stellæ longitudinem secundum Eclipticam numeratam observabant, sicut prius Lunæ Longitudinem interdiu observassent (per mobilem Latitudinis circulum collimando) ejusque Latitudinem ope pinnacidii in dicto circulo itidem mobilis. Hunc observandi modum plene descriptum videre licet Cap. 4. Lib. VII. *Magnæ Constructionis Ptolemæi*, & Cap. 14. Lib. II. *Copernici de Revolut.*

Quamvis Veteres Lunam credidere prorsus necessariam ad Stellarum loca respectu Æquinoctialium & Solstitialium punctorum definienda, & cum iis sagacissimus *Copernicus* Cap. 14. Lib. II. sic loquatur; *Etenim sine ipsa non erat modus locis Stellarum comprehendendis, utpote quæ ex omnibus sola Diei & Noctis sit particeps*; nihilominus *Hieronymus Cardanus*, in Libro quem inscribit *Supplementum Almanach*, (postquam monuit Fixas ad Lunam comparandas

randas esse tempore Eclipsæ Lunaræ, quia locus Lunæ Solis respectu est tum temporis optime perspectus, quippe oppositus,) Veneris Stellam in hoc negotio Lunæ feliciter substituit, quippe diei & noctis etiam participem, cuiusque alia etiam sunt commodæ, Schol. Prop. xxv. exposita.

Proximus post *Hipparchum*, qui Fixas de novo observavit, fuit *Ulugh Beigh Tamerlanis Magni* Nepos. Hic quidem in Præfatione ait se observasse omnes, quæ observari poterant, præter 27 australiores. Mortuus est Princeps hic circa annum Christi 1449. Stellarum loca notavit in *Catalogo* suo (à D. *Tho. Hyde* latine reddito) ad annum Christi 1437.

Sæculo demum post Christum natum decimosexto illuxit sæculi istius Atlas, immortalis *Tycho Brahe*, qui indefesso labore Fixas omnes supra Horizontem *Uraniburgicum* facile conspicuas denuo observavit. Eodemque tempore *Gulielmus Illustrissimus Hassiæ Landgravius* hoc ipsum opus *Cassellii* aggressus est, & cum Mathematicis suis *Rothmanno* & *Byrgio* ultra 30 annos continuavit. Stellarum longitudinem & latitudinem calculo quæsit, ex Ascensione Recta & Declinatione prius observatis per Methodum Prop. xxviii; ut *Tycho* testatur *Cap. 2. Part. 1. Progymnasmatum pag. 147*: quam tamen non usquequaque probat *Tycho*, ob difficultatem tempus à Meridie exacte numerandi, quod utut à se sæpius tentatum fuerit per Horologiorum constructionem, modisque aliis in *Progymnasmatum. Cap.* citato descriptis, nunquam tamen satis pro voto successit. At licet Principis observationes non extendantur ad plures quam 400 Fixas, & instrumentis paulo minoribus fuerint factæ, illas tamen ipsius *Tychonis* laboribus præfert *Hevelius* in *Prod. Astr.* quod ex sua sententia maiorem diligentiam adhibuerit Princeps cum suis coobservatoribus, quam *Tycho* cum suis. Princeps postea per Veneris Stellam rem perfecit. *Tycho* autem, licet *pag. 146. Lib. 1. Progymnasmatum.* exprobet *Cardano* errorem in loco Meridionalioris & Lucidioris Lancium Libræ per Venerem constituendo maiorem, quam est in *Alphonsinarum Tabularum*; fatetur tamen hoc exinde profluxisse, quod Veneris situs nullis tum numeris adstrictus esset: Veneremque ille etiam ad idem opus adhibet modo Prop. xxv. descripto. Loco Armillæ Zodiacalis à Veteribus adhibitæ ad Syderum longitudinum differentias & latitudines observandas, *Tycho* optimis rationibus permotus Armillas Æquatorias substituit; quibus nempe Ascensionum rectarum differentias & declinationes etiam extra Meridianum observaret, altitudine Meridianâ ad alias comprobandas semper adhibitâ. Reliquas, quas diligentissimus Observator adhibuit, cautiones videre licet *Cap. 11. Lib. II. Progymnasmatum.* Ex positis semel quarundam Stellarum locis, per methodos hæcenus traditis inventis, aliarum Stellarum prope Æquatorem aut Eclipticam collocatarum loca modo Prop. xxiv. adducto determinavit: Cuiusvis vero ignotæ Stellæ Ascensionem rectam per binas, quarum loca hæcenus verificata erant, inquisivit, & si paululum inter

inter se discrepantes essent ejusdem Stellæ Ascensiones Rectæ sic inventæ, mediam pro vera absque omni hæsitatione assumpsit: postea ex Ascensione Recta & Declinatione ejus Longitudinem & Latitudinem, modo Prop. xxvii. demonstrato, supputavit. Stellarum vero prope Polos positarum loca ex prioribus deduxit per praxin Prop. xxviii; verificato tamen loco sic invento per distantiam à Stella tertia prius determinata observatam. Et universaliter, Fixæ loco unicâ tantum observatione determinato, nunquam acquievit; sed singula tum per methodos supra indicatas, tum per Armillas suas Æquatorias, tum per praxin Prop. xxiii, Horologiis optimis ad mensurandum tempus adhibitis, & hydrargyro plumboque arte Chymicâ in pulverem redactis, & decursu per foraminulum tempus simul indicantibus; quæ omnia in *Progymnasim.* graphice descripta videre licet.

Hæc curâ & diligentia ad Annum mdc conditus *Catalogus* 777 *Fixarum Tychonicus*, ex ipso Cœlo desumptus, tandem prodit, Anno mdcx in *Astron. Instaur. Progymnasim.* editus; & deinde Anno mdcxxvii in *Tabulas Rudolphinas* translatus, & Stellis 223 auctus ex aliis *Tychonis* observationibus, ita ut *Catalogus* hic in *Tabulis Rudolphinis* ad mille Fixas ascendat. Addidit *Keplerus* classẽ secundam Fixarum, quas de vetusto *Hipparchi* Catalogo à *Ptolemæo* repetito & emendato *Tycho* omisit, quasque *Semi tychonicas* appellat: Tertiam subjungit xii Imagines Cœlestes complectentem, in Zona nostra temperata Septentrionali inconspicuas. Hasce à *Lusitanis* denominatas, & à *Petro Theodori* ad normam Astronomicam correctas, in Catalogum refert. Fama est Australiores hasce postea observasse quendam *Fredericum Houtmannum Batavum*, & ex illis observationibus *Globum Cœlestem Blavianum* correctum fuisse. Verum hunc laborem, prout Astronomum decuit, primus exantlavit Cl. *Edmundus Halleus* in *Insula S^m Helenæ*, & Fixarum 350 Australiorum ad Annum Incarnationis 1677 completum restitutarum *Catalogum* edidit, *Catalogi Tychonici* vere *Supplementum*. Distantias Australium ignotarum à *Tychonicis* quibusdam observavit; & illarum loca ex assumptis locis quarundam *Tychonicarum* (per Prop. xxviii.) calculo supputavit, adjectis etiam ipsis distantis observatis.

Proximus post *Tychonem*, qui integrum Fixarum Catalogum proprium Orbi ostendit, est R. P. *Ricciolus*, in *Astr. Reform. Lib. iv.* ad Annum Christi mdcx completum. Verum Catalogus hic, qui continet plane tot Stellas, quot *Tycho* habet, ex *Tychonico* desumptus est, præterquam in Stellis 101, quas solas ex Cœlo per Observationes deduxit. In reliquis, paululum citra ultravæ à *Tychone* recedit, ejus errores manifestissimos in suum etiam transtulit, Stellasque quasdam à *Tychone* vere observatas, sed *Riccioli* tempore haud amplius conspicuas, in *Catalogo* suo conservavit, sicut *Hevelius Prod. Astron.* p. 133. & seqq. notat.

Prodiit denique Illustris Viri Jo. *Hevelii Dantiscani Fixarum Catalogus*,

Catalogus, Stellas in universum 1888 continens; nempe 950 Veteribus cognitæ, 603 quas suas dicit, utpote quas ante illum nemo recte & rite determinavit debitis instrumentis, & 335 *Halleii* in Horizonte *Gedanensi* inconspicuas. In hoc condendo sancte proficitur se ad nullius Auctoris observationes attendisse, sed negotium hoc ita suscepisse, ac si nullus *Catalogus* fuisset in rerum natura. Immo aliena fundamenta rejecit prorsus omnia, Solisque Theoriam Tabulasque Solares suas de novo construxit, propriis observationibus unice nixas. Sincere denique affirmat se nemini quicquam surripuisse, aut Stellæ minimæ Locum in *Catalogo* retulisse, quem non per diversas distantias & altitudines Meridianas ipse eruerit.

Catalogus duos instruxit *Hévelius*, primum sive Majorem exhibentem tam Longitudines & Latitudines, quam Ascensiones Rectas & Declinationes ad Annum Christi completum MDCLX, cui annexa sunt Loca secundum Longitudinem & Latitudinem, ad eundem annum reducta, Fixarum olim à *Tychone Brabe*, Principe *Hassiae*, *Ricciolo*, *Ugho Beigh* & *Ptolemæo* observata; alterum sive Minorem earundem Fixarum loca secundum Longitudinem & Latitudinem exhibentem, ad Annum Christi MDCC completum, cui subnectitur Cl. *Halleii Catalogus Stellarum Australium*, ex observationibus *Gedanensibus*, quoad Longitudinem partim correctus, ad idem tempus reductus: Adeo ut *Catalogus* Major exhibeat simul omnium Antecessorum *Catalogos*, quo protinus ad oculum pateat quousque observationes omnium inter se convenient vel discrepent. Hisce subnectit Tabulam Ascensionis Rectæ & Declinationis plurimarum Fixarum ad Annos Christi 1660 & 1760, cum earundem differentiis pro 100 istis annis.

Ex hujusmodi Fixarum *Catalogo* facile construitur Globus Cœlestis: Signatis enim in superficie Globi Eclipticæ ejusque Polaris, Fixarum loca à *Catalogo* deprompta secundum Longitudinem & Latitudinem ad Eclipticam istam exacta itidem signentur, additis Asterismorum imaginibus. Delineetur etiam Viæ Lactæ tractus per loca Fixarum, quas pertransit; addanturque Æquinoctialis Circulus, Eclipticam in assumpto numerationis initio & puncto huic opposito secans & ad illam debite inclinatus, Tropici etiam & Polares, reliquaque necessaria; de quibus supra Prop. XIII. dictum est. Atque ad hunc præcipue finem *Catalogum* Minorem destinavit *Hévelius*, & hinc etiam Uranographiam suam sive Tabulas omnium Syderum in plano delineatas deduxit, quas sub *Firmani* *Sobieskiani* Titulo Anno MDXC in lucem edidit. Hæ enim à Globo Cœlesti differunt sicut Regionum Tabulæ à Globo Terrestris. Schemata hæc Asterismorum Uranographica in plano ita sunt delineata, ac si Cœlum convexum ab extra, ut in Globis artificialibus contingit, aspiceremus; quod à Prædecessoribus, qui Cœlum contemplati sunt, Fixarum *Catalogos* condiderunt, aut de Astris scripserunt, factum est. *Bayerum*, quia in *Uranometria* contrarium molitus est, incogitato animo Sydera omnia invertere dicit *Hévelius*;

lius; & quod per ejus Figuras nihil amplius præstant, quam quod totum Cœleste negotium perturbent, & quod omnes Stelle, quæ in Globis ad sinistram sunt constitutæ, ad dextram appareant. Firmamenti ab Hevelio editi ope Globi Cœlestis Constructio longe erit facilior, quia Asterisminorum Figuræ in illo apte sunt delineatæ, cum Via Lactea ejusque quasi rivis diversis. Fixarum vero Catalogum longe omnium amplissimum expectare jubent Clariss. D. Flamstedii Observationes, per plures annos instrumentis magnis simul & commodis in hunc finem institutæ.

PROPOSITIO XXX.

Mutationes aliquas notabiliores inter Fixas recensere.

Jam olim Hipparchi ævo Stella Nova inter Fixas apparuit. Atque hæc, teste Plinio, in causa fuit cur Hipparchus aggressus sit annu-merare posteris Stellas, Syderaque ad normam expandere, organis excogitatis, per quæ singulorum loca & magnitudines signaret; ut facile ex eo discerni posset, non modo an obirent nascerenturve, sed an omnino aliquæ transirent moverenturve; item an crescerent minuerenturve, Cœlo in hereditate cunctis relicto. Et quamvis non pauciores quam sex Stellas Novas tempore medias inter hanc & celebrem illam, quæ in Cassiopeia Anno 1572 apparuit, numeret Ricciolus; cum tamen vel vix omnino vel ab imperitis sunt observatæ, de iis nihil fere dicendum restat. Nova hæc in Cassiopeia, maximarum in Cœlo æmula, primo apparuit circa initium Novembris Anni 1572, duravitque usque ad Martium Anni 1574. Hæc non secus atque Hipparchæa illa occasionem præbuit Tycho- ni observandi, novis ac maximis instrumentis, Fixas, easque de novo ad normam expandendi; ut ipse in *Progymnasim.* testatur, ubi de Nova hac expresse agit.

Anni 1596 mense Augusto, Novam magnitudinis 3^{ia} in Ceto observavit David Fabricius, quæ post duos menses evanuit.

Anno 1600 Nova apparuit in pectore Cygni, prius ab aliis, postea ab ipso Keplero visa, qui de ea narrationem conscripsit Astronomicam. Hæc ad Annum usque 1659 teste Hevelio (qui illam ab Anno 1638 majoribus organis observaverat) ejusdem mansit magnitudinis, sc. tertię; verum ab Anno 1659 notabiliter decrevit, & ex-eunte Anno 1661 plane evanuit. Elapso vero quinquennio, nempe Septembri 1666, illa rursus Hevelio 7^{ma} aut 6^{ta} magnitudinis nudo oculo apparuit, eundem præcise Cœli locum retinens.

Anno 1604 circa initium Octobris, Nova in dextro pede Serpen-tarii visa est, quæ Jove major & Veneri propemodum æqualis apparuit: duravit per integrum annum; quippe post Octobrem 1605 invisâ. De hac Librum edidit Keplerus, Physicis & Astrologicis disputationibus plenum. Novas istas tres, nempe in Cassiopeia, Cygno & Serpentario, subministravit Galaxia, quæ propterea Stellarum Novarum Promptuarium à quibusdam dicitur. Observatæ sunt

& aliæ Novæ, nempe illa An. 1612 in cingulo Andromedæ à *Simone Mario Mundi Jovialis* Auctore, & alia in Antinoo à *Justo Byrgio Principis Hassiæ Automatopæo* & aliis.

Anno 1638 *Joannes Phocyllides Holnuarda Franequeræ* observavit Novam in collo Ceti tertiæ magnitudinis, aut etiam amplius. Quomodo hæc singulis annis dispareat, ac rursus prodeat, sed non semper eodem prorsus tempore, (licet *Bullialdus* aliter sentiret,) postea per quatuor integros annos plane delituerit, ex ejus Historia ab *Hevelio* conscripta & *Mercurio* suo annexa, & ex *Anno Climacterico* abunde patet. D. *Cassini* easdem hujus Stellæ Phases exactis prope 330 diebus recurrere ex observationibus comperit; sic tamen ut 15 diebus aliquando restitutio hæc retardetur aut prævertat. Hæc Stella eadem videtur esse cum illa, quam Anno 1612 observaverat *Fabricius*; loca enim congruunt.

Anni 1670 mense *Julio*, Novam tertiæ magnitudinis sub capite Cygni detexit *Hevelius*, quam ad Vulpeculam suam in *Catalogo* refert; brevi autem adeo diminuta est, ut circa finem *Augusti* 1671 penitus sit exstincta: sed proximo *Martio* rursus affulsit, initio instar minutissimæ Stellulæ, deinde vero ad tertiam magnitudinem crevit, ac postea denuo sensim imminuta sicut alterâ vice, *Septembri* Anni 1672, penitus evanuit, amplius non visa.

Non tantum Fixæ Novæ nunc primum apparent, sed & aliæ magnitudinis sextæ, quintæ & quartæ, Veteribus cognitæ & ab ipso *Tychone* observatæ, penitus evanuerunt, cujus exempla in *Hevelii Catalogo* passim videre est. Ipse quatuor memorat in *Prodr. Astr.* nempe Stellam in sinistro femore Aquarii, contiguam in cauda Capricorni præcedentem, secundam ventris Ceti, & post lances Libræ informium primam. Aliæ etiam circa hæc factæ sunt ab Astronomis *Gallis* observationes. Sed & notabiles Fixæ primæ, secundæ & tertiæ magnitudinis claritatem & magnitudinem suam sensibilibiter mutare deprehenduntur; ut ex Auctorum circa Fixas primæ & secundæ, vel secundæ & tertiæ, magnitudinis diversis sententiis dilucide constat. Ut autem Posterius de mutatione Fixarum notabiliorum facilius & absque errore dijudicare valeant; plura huc spectantia à se observata adscripsit *Hevelius* in *Prodromo*.

Transco nunc alias in Fixis mutationes ope Telescopii observatas, quales sunt quæ à D. *Cassini* noviter detectæ perhibentur; quod nempe quædam, ut Arietis prima & præcedens caput Geminorum, aliquando in binas æquales intervallo diametri utriusvis distantes divisæ apparent; quædam aliæ, ut Pleiadum aliquæ & media in gladio Orionis, quandoque triplæ aut etiam quadruplæ videantur. Phænomena enim hæc, præterquam quod nudis oculis (de quibus solis nos hic agimus) non cernantur, aliunde originem ducere videntur, & alio proinde loco tractanda veniunt.

PROPOSITIO XXXI.

Punctorum *Æquinoctialium Præcessionem* veram, sive *Fixarum Motum in consequentia apparentem* definire; & ad datum *tempus Locum* cuiusvis *Fixæ* ex dato *Fixarum Catalogo* determinare.

Hipparchus olim, referente *Ptolemæo* Cap. 1. Lib. VII. *Magnæ Constructionis*, ex comparatione suarum observationum cum illis *Aristylli* & *Tymocharidis*, suspicionem habuit motûs *Fixarum* in *Zodiaco* sitarum in consequentia: *Ptolemæus* vero ex *Hipparchi* & aliorum observatis, comparatis cum suis, hunc diserte affirmavit de omnibus, & quidem in circulis *Eclipticæ* parallelis factum; quod in plurimis notabilioribus *Fixis* Cap. II. & III. comprobatur, comparatis earum locis respectu *Æquatoris* ab Antecessoribus & à seipso observatis. Motumque hunc progressûs comperit esse unius gradus in Annis centum. *Albategnius* ex *Reguli* locis à *Menelao* & à seipso observatis, intercedentibus annis 785, motum *Fixarum* esse unius gradûs in 66 annis Cap. III. Libri de *Scientia Stellarum* colligit. *Uluh Beigh*, pluribus adhuc annis interpositis edoctus, singulis septuagenis Annis Solaribus *Fixas* per unum gradum moveri in *Præf.* ad *Tabulas* suas pronunciat. Posteriores *Astronomi*, comparatis veteribus, *Albategnii* intermediis, & recentioribus circa hanc rem observationibus, invenerunt & motum hunc esse æquabilem, & celeriore quam credidit *Ptolemæus*, tardiore vero quam *Albategnius* eundem fere quem *Uluh Beigh* posuit. *Tycho* enim in *Progyrnasmi*, Lib. 1. hunc colligit gradûs unius & 25' in centum annis, sive 51" in uno anno. *Copernicus* licet motum hunc inæqualem habuerit, medium ex observationibus antiquis & suis invicem collatis posuit 1": 23': 40": 12" in annis 100: At paulo minorem posuit *Ricciolus*, nempe 1": 23': 20" pari tempore, quem retinet D. *Flamstedius*. *Streetius* in *Astronomia Carolina* eum adhuc minorem ponit, quippe non ultra 1": 20'. *Bullialdus* in *Astronomia Philolaica* hunc ponit 1": 24': 54" in annis 100, dum novissime *Hevelius* in *Tabb. Solar.* in *Prodr.* eum vult tantum 1": 24': 46": 50".

Pro singulis igitur annis, prorsum ab Anno cui *Catalogus* aptatur, addantur *Longitudini* *Fixæ* per *Tabulas* inventæ 50", (numero rotundo inter variorum numeros intermedio,) fietque *Longitudo* quæ sita: *Latitudo* interim invariata manet, cum & *Fixæ* & *Ecliptica* sint in *Cœlo* immobiles, solusque *Æquator* (circulus origine *Terræ* sitis) luxatus quasi pristinas suas sedes deferat. Pro singulis vero annis, retrorsum ab Anno *Catalogi* dato, subducantur 50" à *Longitudine* *Tabulari*, ut proveniat *Longitudo* dato tempori congrua. Si vero *Catalogi* dati is sit ordo, ut singularum *Fixarum* *Longitudines* à *Primi Arietis* numerentur, (ut fit in *Copernici* *Fixarum Catalogo*, item *Clavii*, & quarundam *Tabulis Carolinis* adjuncto,) numero *Longitudinis* *Tabularis* (quippe perpetuæ) addatur *Longitudo* *Primæ Arietis* (quæ incunte Anno 1701 ex *Hevelio* est 29°: 00': 58", & singulis post annis augetur per 50", singulis vero ante minui-

tur per totidem, ut superius dictum) tempori dato congrua, & constabitur Longitudo quæsitæ ab Æquinoctio verno, rejecto integro circulo, si summa hunc exceßerit. Quod si ad tempus datum quærantur Fixæ Ascensio Recta & Declinatio, ex inventis ejus Longitudine & Latitudine ad tempus datum ut prius, fiet propositum per conversam Prop. XXVII.

SECTIO VI.

De Primi Motus Problematibus insignioribus per Calculum resolvendis.

PROPOSITIO XXXII

Datorum duorum in Telluris superficie Locorum Differentiam Meridianorum sive Longitudinum per observationes determinare, & Loca illustriora Telluris cum Latitudinibus & Meridianorum Differentiis in Catalogum referre, & Globum Terrestrum construere.

Ab observatoribus in datis Locis observetur Phænomenon aliquod instantaneum, (initium ex.gr. aut finis Eclipses Lunæ nostræ, aut Eclipsis cujusvis è Satellitibus Jovis,) notatâ in utroque Loco horâ; Differentia horarum indicatarum in Æquatoris arcum conversa dat Longitudinum sive Meridianorum Differentiam quæsitam. Locorum autem propositorum ille est orientior, qui plures post meridiem numerat horas; si vero eandem numerent, sub eodem sunt Meridiano. Nam quoniam idem Temporis punctum diversis nominibus horarum in duobus illis Locis gaudet, tantum inter se distabunt Locorum Meridies, aut aliæ quævis horæ eodem nomine insignitæ, quantum diversæ illæ horæ in eodem Loco; adeoque Æquatoris arcus inter Locorum Meridianos interceptus rite reperitur tribuendo cuilibet horæ 15°. Dictum autem Temporis intervallum Meridianorum Differentia vocatur, apposite satis, quia est revera Meridierum.

Pariter, si Horologium Automaton horas in Locorum altero exacte indicans ad alterum deportetur, ut cum alio horas illic indicante comparetur; Differentia horarum ab Horologiis numeratarum in Æquatoris arcum conversa dat Longitudinum Differentiam quæsitam: sic enim, ut in casu priori, cognoscitur intervallum inter horas eodem momento in binis Locis numeratas. Horologium enim deportatum supponitur horas similiter indicare, ac si suo in loco constitisset.

Locorum illustriorum in Catalogum repositorum cuivis adponatur Latitudo propria, eodem numero graduum designata (per Prop. VII.) quo Altitudo Poli ibi observata per Prop. XVII. Adjiciatur etiam in altera columna Differentia Meridianorum per horas earumque partes expressa (ex supra descriptis inventa) Loci propositi

fiti

siti & Loci præcipui assumpti, cum titulo Additionis vel Subtractionis, prout illius Meridianus ad occasum jacet vel ad ortum respectu Meridiani hujus.

Facillime ex datis Locorum Latitudinibus & Differentiis Meridianorum construitur Globus Terrestris: Polis enim & circulo super illis maximo in Sphæra ad id comparata signatis, qui Telluris Polos & Æquatorem referant, ducatur per Polos Circulus Meridianum Loci (ad quem reliquorum in Catalogo Locorum Meridiani referuntur) repræsentans, in quo notetur punctum totidem gradus ab Æquatore ficto distans, quot numerantur in Loci Latitudine tabulari; & propterea illud ipsum erit, quod dictum Locum refert. Alius quivis Locus ponitur in circulo per Polos transeunte, inter quem & Meridianum hæcenus positum tot interjiciuntur Æquatoris ficti gradus, (& quidem pro Loci secundi situ, versus ortum vel occasum numerati,) quot reperiuntur in Longitudinum Differentia tabulari supra inventa; & tot gradus ab Æquatore ficto versus alterutrum Polum, quot sunt in ejus Loci Latitudine tabulari. Similiter reliqua Loca illustriora in superficie Globi signantur. Intermedia vel minus illustria per Chorographiam vulgarem & itinera supplentur, adhibita quorundam Latitudine ad correctionem; hæc enim facilius observatur quam Differentia Longitudinis. Globo sic perfecto, vel Meridianus Loci proprii, vel alius quivis per Azores vel Fortunatarum aliquam traductus, pro primo haberi poterit; hoc est, Æquatoris gradus ab ejus intersectione cum Meridiano dicto (ceu initio) versus orientem numerandi sunt. Reliqui circuli aliaque necessaria Prop. XIV. descripta addantur secundum artem.


PROPOSITIO XXXIII.

DAta Elevatione Poli, & Stellæ vel alterius in Cælo puncti Ascensione Rectâ & Declinatione, ejusdem Differentiam Ascensionalem, adeoque Ascensionem Obliquam, Moram supra Horizontem, & Amplitudinem Ortivam invenire.

Traditâ in præcedentibus methodo situm circulorum Sphæræ pro qualibet habitatione determinandi, Stellarum loca respectu dictorum in Sphæra Cœlesti circulorum, Locorumque in Tellure situm respectu eorundem in Telluris superficie consideratorum per observationes inveniendi; ordo postulat, ut præcipuorum (quæ reliqua sunt) circa hæc prius determinata & inventa Problematum per calculum resolutionem breviter indicemus, ad quorum exemplum alia quævis circa Motum Primum similiter resolvere proclive erit.

In casu præsentî, repræsentet EQ Æquatorem, cujus Polus P ; Hor Horizontem, quorum communes intersectiones, o & punctum huic oppositum, sunt puncta veri Ortus & Occasus, poli nempe Meridiani P & Q . Sit s Sydus oriens vel occidens per quod traductus intelligatur circulus Declinationis PSA . In triangulo

oas dantur, præter rectum ad A, angulus soa, cujus mensura est HE altitudo Æquatoris; latus as, Stellæ Declinatio data; invenitur ergo oA, Differentia Ascensionalis quæsitæ: nam o est punctum Æquatoris simul cum Stella ad Horizontem pertingens; a ejusdem punctum quod simul ad Meridianum appellit. Hæc igitur Differentia Ascensionalis detracta ex Ascensione Recta Stellæ declinantis ad Polum elevatum, addita vero Ascensioni Rectæ Stellæ declinantis ad Polum depressum, dat ejusdem Ascensionem Obliquam; & è contra in Descensione Obliqua. Ast hæc eadem Differentia Ascensionalis, quadranti addita vel ab eodem subducta, dat arcum semidiurnum Stellæ, prout hæc declinat ad Polum elevatum vel depressum: Hic autem in Tempus conversus dat dimidiatam Syderis Moram supra Horizontem. Invenitur etiam in triangulo oas latus os, Syderis Amplitudo Ortiva vel Occidua.



Similiter prorsus resolvendo idem triangulum oas solvitur Problematis hujus conversum; ex datis nempe Syderis punctive Ascensione Recta, Declinatione & Mora supra Horizontem, Poli Elevationem invenire.

PROPOSITIO XXXIV.

DAta Poli elevatione, si Stellæ, cujus Ascensio Recta & Declinatio sunt notæ, Altitudo observatione innotescat, Temporis momentum & Syderis Azimuthum invenire.

Iisdem Sphæræ circulis per easdem literas denotatis, intelligatur porro per Sydus s verticalis zsa traductus. In triangulo pzs dantur omnia latera; nempe pz, complementum Elevationis Poli; zs, complementum Altitudinis Stellæ supra Horizontem; & ps, ejusdem Stellæ distantia à Polo sive Declinationis complementum: Invenitur ergo angulus pzs, quem metitur Azimuthus quæsitus oA; item angulus zps, cujus mensura est Æquatoris arcus ER. Sed ex dato loco Solis datur ejus Ascensio Recta: ergo datur differentia inter hanc & Stellæ Ascensionem Rectam ex hypothese etiam notam: Dabitur ergo horum arcuum summa vel differentia; nempe arcus Æquatoris interceptus inter Meridianum pEH & circulum Declinationis per Solem traductum, qui in tempus conversus exhibet tempus ante vel post meridiem, prout Sol ad hujus latus orientale vel occidentale situs est.




Idem fiet, si loco Altitudinis Stellæ ejus Azimuthus observatione notus sit.

PRO-

PROPOSITIO XXXV.

Datis Longitudine Loci, Diei Horæ & Solis Loco, situm Eclipticæ respectu Horizontis determinare; hoc est, Eclipticæ & Horizontis angulum, (sive gradus Eclipticæ ab oriente puncto Nonagesimi Altitudinem supra Horizontem,) punctum Eclipticæ orientis (indeque gradum Nonagesimum) punctumque Horizontis, in quo Ecliptica illum intersecat, invenire.

Reliquis manentibus ut prius, sit in Ecliptica MSEA Sol s. Ad Horam datam inveniatur (per Prop. xx.) ejus Ascensio recta, sive (posito PSB declinationis circulo) punctum B in Æquatore, ejusve adeo distantia ab E proximo Æquinoctiali puncto, nempe EB. Cumque Hora detur, innotescit Æquatoris arcus BQ inter B & Meridianum interceptus, adeoque & BO ejus complementum ad Æquatoris quadrantem QO: sed datur BE, unde notus est EO arcus. In triangulo igitur AEO inter Eclipticam, Æquatorem & Horizontem comprehenso, dantur anguli AEO Eclipticæ obliquitas & AOE inclinatio Æquatoris ad Horizontem, & modo inventum latus EO: unde innotescent reliqua; quorum EAO hujusve complementum ad duos rectos MAH est angulus, quem Ecliptica facit cum Horizonte, ab Altitudine gradus Nonagesimi mensuratus; EA distantia puncti Eclipticæ orientis ab Æquinoctiali puncto E, indeque punctum altissimum; sive gradus ab oriente puncto A Nonagesimus innotescit; & OA distantia orientis puncti A à vero Ortu o, in Horizonte computata. Q. E. F.



PROPOSITIO XXXVI.

Idem datis, Syderis, cujus Longitudo & Latitudo dantur, situm respectu Horizontis, sive Altitudinem & Azimuthum invenire; item punctum angulumque, in quo Verticalis per dictum Sydus Eclipticam intersecat, determinare.

Syderis s locus secundum Longitudinem & Latitudinem datus (per convers. Prop. xxvii.) reducatur ad Æquatorem; hoc est, quærantur ejus Ascensio Recta & Declinatio. Cumque Solis Ascensio Recta detur, dabitur & Ascensionum harum differentia. Sed ex Hora data notus est Æquatoris arcus inter Meridianum & circulum declinationis per Solem tractum interceptus: innotescit igitur & QR arcus Æquatoris inter Meridianum & PS declinationis circulum per s transeuntem; adeoque, quem hic mensurat, angulus QPR. In triangulo ZPS dantur latera PZ, PS (illud complementum Elevatio-



nis Poli, hoc dati Syderis distantia à Polo, ex illius Declinatione cognita) cum modo reperto angulo zps ; unde innotescunt latus zs & angulus pzs : zs est Altitudinis es complementum, & angulum pzs mensurat re arcus Horizontis, qui Azimuth dicitur; cumque ro sit quadrans, inventus est arcus oe distantia inter o punctum veri Ortus & verticalem ze per s traductum. Porro, in triangulo eca inter verticalem zse , Horizontem hor & Eclipticam acm comprehenso, dantur anguli ad e & a (hic supra inventus, ille rectus) cum latere interjecto ea , cognitorum arcuum oe , oa summa vel differentia: ergo dantur reliqua; nempe ac distantia puncti c ab oriente puncto cognito a , ec latus, & angulus eca , quem verticalis zse per Sydus s traductus cum Ecliptica continet. Q E F.

Licet Probl. hoc sit Prop. xxvi. quasi conversum, illud ipsum tamen, ob frequentem usum, placuit inferere.

COROLLARIUM.


Iisdem datis, eadem operâ determinatur Terræ locus, cui Stella s est in vertice. In triangulo enim zps , in quo omnia latera angulique innotescunt, latus ps indicat distantiam loci Terræ à Polo ipsi p subiecto; unde ejus latitudo nota est, & angulus pzs est distantia Meridianorum Loci dati & quæsit. Quod si s sit in ipsa Ecliptica, Problema simplicius evadit; & adhuc magis tale, si sit Sol, cive oppositum punctum.

PROPOSITIO XXXVII.

Datâ Elevatione Poli & Ascensione Obliquâ Stellæ, ejus Ortum Cosmicum & Achronycum invenire.

Sphæræ circulus per literas ut sæpe supra designatis, in triangulo EOA datur angulus ad e , nempe Eclipticæ Obliquitas; latus EO Syderis s Ascensio Obliqua (saltem distantia puncti A Equatoris coorientis ab A Equinoctio proximo, ex Ascensione Obliqua data) & angulus EOA inclinatio A Equatoris ad Horizontem, vel hujus complementum ad duos rectos: Dabitur ergo EA latus, adeoque punctum in Ecliptica cum Stella oriens. Igitur quo tempore Sol locum hunc in Ecliptica tenet, Stella s oritur Cosmice; Sole vero punctum huic oppositum occupante, eadem Stella Achronyce oritur. Similique modo ex Stellæ Descensione Obliqua (per Prop. xxxiii. inventa) Occasus Cosmicus & Achronycus Stellæ eliciuntur.

Quod si Ortus & Occasus Cosmicus idem significant, quod supra Horizontem Ascensus infraque eundem Descensus; Ortus & Occasus Cosmici tempus per præced. determinatur: Stellæ enim Altitudo (quippe in Ortu & Occasu nulla) datur, unde temporis momentum innotescet. Et tunc Ortus Achronycus idem quod vulgo sonat;




sonat; nempe vespertinus: Occasus vero Achronycus eodem redit cum Occasu Cosmico vulgo dicto, sive matutino.

PROPOSITIO XXXVIII.

Datæ Stelle Ortum & Occasum Heliacum definire.


Reliquis manentibus sit D locus quem tenet Sol, cum Stella s oritur Heliace. Datur igitur in triangulo AFD , præter rectum ad F , FD latus, sc. arcus depressionis Solis requisitæ ut Stella datæ magnitudinis appareat; item angulus DAF , quem Ecliptica comprehendit cum Horizonte, cum Stella s oritur, per Prop. xxxv. repertus: invenietur igitur latus AD . Hic autem arcus adjunctus arcui EA (per præced. invento) dat ED distantiam Solis ab Æquinoctiali puncto E , quando s oritur Heliace. Innotescet igitur tempus Ortus Heliaci dati Syderis s ; idem nempe quo Sol inventum Eclipticæ punctum D tenet. Similiterque Occasus ejus Heliacus reperietur.



PROPOSITIO XXXIX.

Datæ Latitudine Loci & Loco Solis, initium Crepusculi Matutini & finem Vespertini invenire.

Designet $ZEPN$ Meridianum; EQ Æquatorem; HO Horizontem, cujus Poli Zenith Z & Nadir N ; s Solem infra Horizontem depressum: per quem traductus intelligatur Declinationis circulus PSR , & verticalis ZSN . In triangulo ZPS dantur omnia latera; nempe PZ complementum Elevationis Poli; PS distantia Solis à Polo, ex ejus Loco nota; & latus ZS , compositum ex quadrante & depressione Solis ad initium vel finem Crepusculi necessaria: Innotescet igitur angulus ZPS , cujus mensura est arcus RE , qui in Tempus conversus exhibet horas quæsitæ, post Meridiem numerandas ad finem Crepusculi vespertini; harumque complementum ad 12 horas, sive arcus RQ , horas à media nocte numerandas ad initium Crepusculi matutini.




PROPOSITIO XL. LEMMA.

Si Circulum in Sphæra maximum duo maximi ad angulos æquales fecerint, omnium huic parallelorum circulorum arcus à duobus secantibus intercepti sunt inter se similes; interfecantium vero arcus inter binos parallelos comprehensi sunt inter se æquales.

Circulum maximum EQV secant duo maximi HEO , HQR in E
 Z &

& q, ita ut anguli HEQ , HQV sint æquales. Dico cujuslibet circuli PAL ipsi EQV paralleli arcum AP , ab ipsis HEO , HQR interceptum, similem esse ipsi EQ ; ipsorum vero HEO , HQR arcus PE , AQ inter binos parallelos interceptos esse inter se æquales. Per Polos ipsius EQV ducantur circuli maximi PB , HC . Estque Sinus arcus AC . Sinum AQ :: (Sinus AQC . Radium :: Sinus PEB . Radium::) Sinus PEB . Sinum PE . Sed arcus PE , AC (per Prop. X. Lib. 2. Sphæric. Theodosii) æquantur, adeoque & horum Sinus: ergo etiam arcus AQ , PE æquales sunt. Porro, in triangulis PEB , AQC , in quibus anguli B & c (quippe recti) & E & Q (ex hypothesi) sunt æquales, item latera PE , AQ & PB , AC hæcenus ostensa æqualia, erunt etiam & latera EB , QC æqualia, adeoque arcus EQ , BC æquales. Sed AP , BC (per Prop. X. Lib. 2. Sphæric. Theodosii) sunt arcus similes, ergo & QE , AP etiam similes sunt. Et quoniam circulus PAL sumptus est utcumque, omnium ipsi EQV parallelorum circulorum arcus à circulis HEO , HQR comprehensi sunt ipsi EQ & proinde inter se similes. $Q.E.D.$




PROPOSITIO XLI.

Parallelum invenire, in quo Sol versatur tempore Minimi Crepusculi.

Longe diversam esse rationem incrementi & decrementi Crepusculorum ab incremento & decremento Dierum Artificialium jam olim est observatum: Dies enim augentur Sole à Tropico hyemali ad æstivalem redeunte; Crepuscula vero non item. Hæc enim minuuntur post brumam usque ad certum terminum ante Æquinoctium vernum, ubi minima sunt; & postea augentur, dum Sol Æquatorem transit & ad Tropicum æstivum tendit: inde vero minuuntur ad certum terminum post Æquinoctium autumnale; post hunc vero ad mediam hyemem augentur rursus. Proponatur inquirendus Parallelus à Sole per motum diurnum descriptus, cum Crepusculum in data habitatione est minimum.

In schemate sit $ZSNM$ Meridianus, SEM Horizon, cui sit parallelus Circulus minor CAR Crepusculorum dictus; is nempe in quo Sol hæret ad initium Crepusculi matutini & finem vespertini. Ponatur AP parallelus quæsitus. Per punctum A , ubi hic interfecit CR , ductus concipiatur $AQHO$ circulus maximus Horizonti HO in O & H occurrens, qui Æquatorem EQ secat in Q , ita ut angulus AQE sit æqualis angulo PED vel TEK . Et (ideo per præc. Lemma) EQ arcus similis est arcui PA ; & alterius cujusvis circuli Æquatori paralleli arcus ap , inter OES & OAL interceptus, eidem AP vel QE similis etiam erit; eorumque quilibet erit mensura durationis Crepusculi, dum Sol parallelum PA percurrit. Quoniam vero (ex hypothesi) istud minimum est, horum arcuum nullus, præter PA , ad CR pertinet. (Nam dum Sol motu diurno alium quævis parallelum

lum describit, durationis Crepusculi mensura est ejus arcus pb , inter Horizontem SEM & Crepusculorum circulum CAR interceptus; quæ cum (ex hypothesi) major sit quam Crepusculi Minimi mensura PA , patet pa ad CR non pertingere, quia major pb eoque tantum pertingit.) Et igitur Crepusculorum circulus CAR circulum maximum oAH contingit: & quia ejus pars infra Horizontem (nempe oAH) est semicirculus, & CAR Horizonti parallelus, patet HLA vel oA esse circuli quadrantem. Ideoque polis o & H per A descriptus circulus $NATZ$



Æquatorem ad K interfecans maximus est, & per Zenith & Nadir transit, & Horizonti ad angulos rectos in T occurrit. Porro, in triangulis sphaericis ETK , QAK anguli ETK , QAK (per *Prop. xv. Lib. I. Theod.*) recti sunt & proinde æquales, item anguli TEK , AQK (per constructionem) æquales, & reliqui TKE , AKQ æquales; (quippe ad verticem positi:) unde (ex sphaericis) invicem æquilatera sunt ista trianguia; hoc est, arcus TK æqualis KA , & TE æqualis QA : Sed (per præced. Lemma) QA æqualis EP , quare TE æqualis EP . Præterea, in triangulo sphaerico ETK rectangulo ad T (per *Prop. Trigonomet. Sphaeric. notissimam*) est radius ad tangentem complementi anguli TEK inclinationis Æquatoris ad Horizontem, sicut tangens arcus TK ad finem arcus ET : & permutando, radius ad tangentem semissis arcus depressionis circuli Crepusculorum infra Horizontem sicut tangens Elevationis Poli ad finem arcus ET vel EP . Rursus, in triangulo EDP (posito DP circulo Declinationis) rectangulo ad D sinus arcus EP est ad finem arcus DP ut radius ad finem anguli DEP ; hoc est, ad finem complementi Elevationis Poli: Sed in omni arcu tangens est ad finem sicut radius ad finem complementi; quare sinus arcus EP est ad finem arcus DP ut tangens Elevationis Poli ad ejusdem finem. Et invertendo ac permutando, tangens Elevationis Poli est ad finem arcus EP , sicut sinus dictæ Elevationis ad finem arcus DP : Sed est (ex superius ostensis) in casu Minimi Crepusculi, ut radius ad tangentem semissis arcus depressionis circuli crepusculorum ita tangens Elevationis Poli ad finem arcus EP ; & igitur est radius ad tangentem semissis arcus depressionis crepusculorum, sicut sinus Elevationis Poli ad finem arcus PD ; nempe declinationis Paralleli, quem Sol decurrit dum Crepusculum est Minimum. Q. E. I.

SCHOLIUM.

Si depressio circuli Crepusculorum infra Horizontem sit 18° , (ut communiter statuitur,) erit radius ad tangentem 9° ut sinus Latitudinis ad finem declinationis Solis versus Polum depressum tem-

Z 3


pore

pore Minimi Crepusculi. Datis vero paralleli Declinatione & Obliquitate Eclipticæ, inveniuntur (per Prop. xx.) Eclipticæ puncta bina, & (ex Theoria Solis) tempora Anni, quibus Sol est in datis locis; hoc est, quando Minimum fit Crepusculum. Sic *Londini* Minimum Crepusculum est Sole ab *Æquatore* declinante versus austrum $6^{\circ} 7'$, & $15^{\circ} 30'$ vel π occupante, quod hoc ævo circa diem 22 *Februarii* & 27 *Septembris* Anni *Juliani* contingit. Hoc à *Blancano* in *Sphæra* annotatum est, qui ait Crepuscula brevissima circa dimidiam *Libram* ac dimidios *Pisces* contingere. Problema hoc proposuit ac solvit (per binas tamen analogias) *Petrus Nonius* in *Libro de Crepusculis* Anno 1541 edito, quem sequuntur *Ambrosius Rhodius* & *Clavius*.

PROPOSITIO XLII.

IN dato positione plano, cui Horologium Sciotericum est inscribendum, Lineam Meridianam, Angulum Styli, & Lineam Subsylarem determinare.

Planum omne, cui Sciotericum Horologium inscribitur, per centrum Sphæræ transire supponitur, (quia respectu distantiae Solis ejus distantia à centro insensibilis est,) adeoque hujus intersectio cum Sphæræ superficie est circulus maximus. Sit tale planum $IRSMCT$ per Mundi centrum T transiens, quod ad superficiem productum circulum efficit $IRSMC$. Sit HIO habitationis Horizon, HZO Meridianus (in quo Polus P , & Zenith Z) priorem circulum ad M interfecans. Ex data plani $IRSC$ positione datur ejus *Declinatio*, per angulum ITH sive arcum IH mensurata, quæ nempe plani $IRSC$ recta Horizontalis IC declinat ab HO linea Meridiana in plano Horizontali per Prop. XVI. ducta. Datur etiam ZR ; nempe arcus circuli verticalis ad $IRSC$ normalis inter Zenith & dictum circulum interceptus, *Inclinationis* vel *Reclinationis* plani dati mensura. In triangulo Sphærico MZR rectangulo ad R datur ZR , & angulus RZM æqualis complemento anguli ITH ad rectum: (Nam verticalis ZR in circulum $IRSC$ normalis tantum declinat à verticali primario (per ortum & occasum *Æquinoctialem* traducto) quantum IT ab HT , adeoque illius complementum, nempe RZM , æquale est hujus ITH complemento.) Invenietur ergo latus RM , sive (quem hoc mensurat) angulus in Scioterici plano RTM . Sed datur TR positio; (est enim in plano dato perpendiculi succedaneum, sive recta Horizontali rectæ ITC normalis;) quare dabitur quæsitæ Meridiana recta TM in plano Scioterici, sive communis sectio plani Meridiani cum plano Scioterici. In eodem triangulo MZR inveniuntur etiam latus ZM & angulus RMZ , usui modo futura. Rursus, per Polum Mundi P ducatur arcus circuli maximi PS ad $IRSC$ normalis: Et in triangulo PSM rectangulo ad S datur angulus




gulus PMS modo inventus, & latus PM prius inventi arcus ZM , & distantiae Poli à Zenith, nempe ZP summa vel differentia: innotescet igitur tum arcus PS , five, quem hic metitur, angulus PTS inclinatio Axis PT ad planum $IRSC$; hoc est, Styli Angulus quæsitus; tum latus MS , five, quem hoc mensurat, angulus rectilineus in Scioterici plano STM comprehensus inter TM lineam Meridianam prius determinatam & Substylarem rectam TS , cui nempe insitens planum Gnomonis PTS , cujus acies altera est Mundi Axis PT umbram faciens, est ad Scioterici planum normale. Q.E.F.

PROPOSITIO XLIII.

Invenire angulum, quem linea Horæ datæ comprehendit cum Meridiana in plano Scioterici; & inde Horologium Sciotericum in dato plano describere.

Isdem manentibus, sit circulus Horarius HPB , cujus plani cum plano positione dato IMC intersectio Tb quæritur. Ex data circuli hujus Hora datur angulus HPB vel MPb , quem hic cum Meridiano comprehendit. In triangulo igitur sphærico PMB , dantur (ex Prop. præc.) latus PM & angulus PMB , & etiam angulus MPb : Invenitur ergo arcus Mb ; &, quem hic metitur, angulus rectilineus in plano Scioterici MTb , quem linea Horaria Tb cum Meridiana TM continet. Datâ ergo (per Prop. præc.) positione TM rectâ, determinabitur Tb linea Horaria quæsitâ in Scioterici plano dato. Q.E.F.




Atque hoc modo Horologium Solare perficitur, Meridianam & Substylarem (per Prop. præc.) ex puncto pro centro assumpto du- cendo, & super Substylarem rectam Stylum in angulo, per præ- ced. etiam invento, erigendo, reliquasque Horarias in angulis cum Meridiana TM per Prop. hanc determinatis ducendo, propriisque numeris notando. Sic Tb est linea Horæ undecimæ post mediam noctem, si PB circulus sit ad orientem Meridiani PZH , cum illo continens angulum 15° ; hoc est, si Tb sit ad occidentalem lineæ Meridiane TM plagam, & angulus MPb in superficie Sphæræ 15° . Similiterque Tx ad easdem partes sita erit linea Horæ decimæ, si MPx sit 30° ; & ita porro.

PROPOSITIO XLIV.

Horæ datæ lineam ducere in Horologio Scioterico, cujus planum per Polos transit; & inde Sciotericum Polare describere.

Quoniam circuli horarii omnes in Axe Mundi se mutuo inter- secant, hic autem Axis semper est in plano Polari; patet lineas Ho- rarias, in tali plano, omnes in ista recta reperiri: Verum ut dif- cretæ sint, non cum Substylari confusæ, concipiendum est Horolo- gium non in ipso plano IMC per centrum transeunte describi, (ut in omni alio casu,) sed in alio plano $im\gamma$ priori parallelo & proximo; adeo

adeo ut recta opaca umbram projiciens & cum Axe Mundi coincidens distet à plano $im\gamma$, rectâ ps . Cumque distantia Solis pro infinita habcatur, quævis data ps ejus respectu evanescit, planaque parallela per imc , $im\gamma$ traducta proxima æstimantur; & circulorum Horariorum hpm , vpb &c. se mutuo in Polo p decussantium portiones pm , pb &c. inter Polum & circulum $im\gamma$ interceptæ pro rectis habendæ sunt; & sphericæ superfici ei pars quam portiones hæ occupant (cum sit respectu totius infinite exigua) pro plano est habenda.



In plano igitur Polari, inventâ (per Prop. XLII.) Substylari rectâ, erigatur Stylus cujusvis assumptæ latitudinis, ut ps , cujus acies altera in Mundi Axe posita est Substylari parallela; namque nullus est hic Styli angulus. Ad inveniendam lineam Meridianam advertatur, in triangulo rectilineo psm præter rectum ad s dari latus ps , nempe Styli altitudinem; & angulum smp æqualem angulo mpz , ad Prop. XLII. invento: invenietur ergo sm distantia Meridianæ lineæ à Substylari in rectâ sm , quæ est ad Substylarem normalis, quia mp (ad $i\gamma$ parallela) normalis est ad pt ; invenieturque etiam latus pm . Per punctum ergo m ducta recta Substylari parallela (quia, ut supra ostensum est, lineæ Horariæ & Substylaris, quæ etiam est harum una, in hujusmodi plano parallelæ sunt) erit in proposito Scioterico linea Meridiana. Si ducenda est linea alterius cujusvis Horæ datæ, cujus nempe circulus est vp , $v. g.$ in triangulo vpb dantur anguli vpm & mpb , (ille superius inventus, hic æqualis angulo ad verticem zpb dato ex Hora circuli pb datæ;) item latus vp prius determinatum: invenietur ergo mb , cujus terminus m datur, quare dabitur & b . Per hoc igitur ducta recta Substylari parallela erit linea Horæ, cujus circulus est pb . Similiterque reliquæ omnes Horariæ ducentur, & Horologium in plano Polari perficietur. Q. E. F.

Sunt & alii faciles modi Scioterica Horologia describendi: nos maxime obvium & ad doctrinam Primi Motûs elucidandam accommodum arripuimus; ad horum autem exemplum alia quævis per Gnomonis umbram indicanda in Scioterico describere proclive erit.

SECTIO VII.

De Parallaxi Syderum.



PROPOSITIO XLV.

Parallaxis naturam describere, ejusque varias species enumerare.

Per totum hunc Librum supposuimus Phænomena, de quorum locis

locis agimus, esse inter Fixas sita; vel (si locum fortiantur inter centrum sive Tellurem & superficiem sive Fixas intermedium) illa ad Fixas referri ope rectorum à centro per Phænomena protensarum; hoc est, ex centro spectari. Et licet Tellus respectu Sphæræ Fixarum centri vicin gerat, & puncti naturam induat, respectu tamen distantiarum aliorum Syderum idem non contingit; sed fiet ut Phænomenon aliquod intermedium, spectatum è Telluris superficie, diversum fortiatur locum inter Fixas (sive in superficie Sphæræ concavæ Terræ concentricæ infinite dissita) ab illo quem è centro spectatum sortiri videretur; & Diversitas hæc voce aptissimâ *Parallaxis* vocatur: Ut si LT designet Terram, cujus centrum c ; L locum in ejus superficie, cujus Zenith z ; zsh Fixarum Sphæram; Phænomenon p ex L spectatum inter Fixas ad s referetur, sed è centro c ad s ejus locum verum. Differentia inter locum verum s & visum s , sive arcus se , est Phænomeni p Parallaxis: Sed & hæc eadem per angulum spo vel lpc exponitur; nam quia LT respectu circumferentiæ zsh evanescit, etiam & zpb (ad quam LT sensibilem habet rationem) ipsius zsh respectu centri instar est; hoc est, arcus so considerari potest tanquam centro p descriptus. Unde liquet per Parallaxin Phænomenon quodvis Horizonti propinquius in circulo verticali videri, & quidem tanto magis (cæteris paribus) quanto depressius est; & Phænomenon in vertice, ut in z , spectatum è superficie in L ad eundem inter Fixas locum referri atque si è centro c spectaretur, sive Parallaxin esse in Zenith nullam.

Per Parallaxin supra descriptam (quæ vel *Parallaxis Altitudinis* vel etiam simpliciter Parallaxis dicitur) mutatur etiam Phænomeni Locus secundum Longitudinem & Latitudinem: Sit enim Locus Phænomeni verus c , visus γ , ita ut Parallaxis sit $c\gamma$; si ducti concipiantur per c & γ circuli Latitudinis ce , γe Eclipticæ el occurrentes in e & s , erit Locus visus in Ecliptica s , verus e ; adeoque mutatio Longitudinis propter Parallaxin facta est es , quæ & *Parallaxis Longitudinis* vocatur. Latitudo autem vera ce mutatur in visam γe , quarum differentia γo (posito eo parallelo Eclipticæ) est *Parallaxis Latitudinis*. Quod si contingat verticalem, ut $z d n$, per Phænomenon d transeuntem esse etiam Eclipticæ normalem, (quod fit cum per Eclipticæ punctum altissimum a sive nonagesimum ab oriente gradum incedit,) tum omnis Parallaxis Latitudinem solam afficit. Per Parallaxin enim locus in verticali tantum mutatur, & quoniam (in casu præfenti) hic cum Latitudinis circulo congruit, locus in hoc solo mutatur, immutato manente Eclipticæ puncto, ad quod per dictum



Latitudinis circulum refertur: similiterque Longitudo sola quandoque afficitur, immutatâ Latitudine; nempe quando Phænomenon est in Ecliptica per Zenith transeunte. Ex quibus constat Phænomeni ad orientem ab Eclipticæ gradu nonagesimo positi Longitudinem per Parallaxin augeri, quia adhuc magis in orientem ab hac causa promovetur; inde ad occidentem vero positi Longitudinem minui: unde præter alium omnem motum Phænomeno competentem, ex Parallaxi moveri videbitur, quoniam ob mutatam Parallaxin ejus locus visus mutatur. Atque motus hic, qui non verus est sed visus, *Parallaxis Motus* à quibusdam dicitur. Quæque de Phænomeno respectu Eclipticæ ejusque Secundariorum, de eodem ad Aequatorem relato similiter sunt intelligenda.

PROPOSITIO XLVI.

Distantia Phænomeni à centro Terræ est ad semidiametrum Terræ, ut sinus distantiae apparentis à vertice ad finum Parallaxis.

Sit T centrum Terræ; locus in ejus superficie L , cujus Zenith z , Horizon TH ; sitque Phænomenon in P . Estque (ex notissima trianguli rectilinci proprietate) TP ad TL sicut sinus anguli TLP (sive hujus complementi ad duos rectos ZLP) ad finum anguli TPL ; hoc est, distantia Phænomeni à centro Terræ ad semidiametrum Terræ sicut sinus distantiae apparentis à vertice ad finum Parallaxis. Q. E. D.



Hinc datâ Parallaxi datæ altitudini competenti, dabitur distantia Phænomeni à centro Terræ, & vicissim.

PROPOSITIO XLVII.

Sinus distantiarum apparentium Phænomeni à vertice sunt sicut sinus Parallaxium.

Etenim (per Prop. præc.) sinus distantiae apparentis à vertice est ad finum Parallaxis ut distantia Phænomeni à centro Terræ ad semidiametrum Terræ; hoc est (in eodem Phænomeno) in ratione constanti. Quare ut sinus distantiae apparentis à vertice in prima observatione ad finum distantiae apparentis à vertice in observatione quavis alia ita sinus Parallaxis in observatione prima ad finum Parallaxis in secunda observatione. Q. E. D.

PROPOSITIO XLVIII.

Duorum Phænomenon inæqualiter à Terræ centro remotorum, quorum æqualis est distantia appars à vertice, Parallaxes sunt reciproce ut distantiae à centro Terræ.

Reliquis ut prius designatis, sint duo Phænomena p & p in æquali

quali distantia apparenti à vertice z , per angulum zlp mensurata. Patet sinum anguli lpt esse ad sinum anguli ppt vel lpt , hoc est, sinum Parallaxis Phænomeni p ad sinum Parallaxis Phænomeni p sicut tp ad tp , hoc est, reciproce ut Phænomenon distantiae à centro t .



PROPOSITIO XLIX.


Ratio sinûs Parallaxis unius Phænomeni ad sinum Parallaxis alterius Phænomeni componitur ex ratione inversa distantiarum à centro Terræ, & ratione directâ sinuum distantiarum apparentium à vertice.

Nam datâ distantia à centro Terræ, sinus Parallaxis est ut sinus distantiae apparentis à vertice, (per Prop. XLVII;) & datâ apparenti distantia à vertice, sinus Parallaxis (per præced.) est inversè ut distantia à centro Terræ: & igitur neutrà datâ, sinus Parallaxis est ut distantia apparens à vertice directè, & distantia à Terræ centro inversè conjunctim. Q. E. D.

PROPOSITIO L.

Phænomeni declinationem non mutantis, inter Polum & verticem transcurrentis, Parallaxin investigare.

Sit zp Meridianus, in quo z Zenith, p Polus; Phænomeni cujus parallelus à primo motu descriptus va , locus verus sit v , visus l ; Verticalis à Meridiano remotissimus za , z parallelum va tangens, in quem à Polo p demittatur normalis arcus pa . In triangulo sphaerico zap rectangulo ad a , è datis latere zp complemento Elevationis Poli & angulo pza , sive Azimutho per observationem cognito, invenietur latus, pa vel huic aequalis pv distantia vera paralleli à Polo p ; hujus & zp summa vel differentia est zv distantia vera (sive ex centro Terræ visa) à vertice z : & differentia inter hanc & apparentem zl , nempe vl , est Phænomeni Parallaxis altitudini in v competens. Q. E. I.



PROPOSITIO LI. LEMMA.

Datâ summâ vel differentia duorum arcuum, una cum ratione sinuum, ipsos arcus invenire.

Primo, si arcuum summa detur, Problema eodem recidit cum Problemate Trigonometrico vulgari, quo ex datis trianguli rectilinei bac duobus lateribus ab , ac , cum angulo bac ab illis comprehenso, reliqui duo anguli b & c quærentur: Nam qui dato angulo bac est deinceps bad est ipsorum b & c summa, & laterum ac , ab eadem est ratio quæ sinuum angulorum b & c . Solvetur igitur hoc Problema eodem modo, quo



A a 2

illud;

illud; nam constat esse summam laterum AB , AC ad illorum differentiam, hoc est, summam terminorum rationis datæ ad eorundem differentiam, ut tangens semi-summæ angulorum B & C , vel arcuum qui hocce mensurant, ad tangentem semissis differentiæ eorundem: sed dantur summa & differentia terminorum rationis datæ, & ex data arcuum summa datur tangens semi-summæ; innotescet ergo tangens semi-differentiæ, & proinde ipsa semi-differentia; atque hinc & ex semi-summa innotescunt ipsi arcus. Quod si arcuum differentia detur, dabitur ejus semissis hujusque tangens, ac proinde (ex priore analogia) ipsorum semi-summæ tangens ipsaque semi-summa inveniuntur; unde ipsi arcus similiter atque prius noti fient. Q. E. F.


PROPOSITIO LII.

D Atà utrâque altitudine meridianâ Phænomeni, neque declinationem mutantis neque occidentis, ejus Parallaxin invenire.

Sit ZH Meridiani quadrans à Zenith ad Horizontem protensus, in quo Polus P ; locus Phænomeni verus supra Polum A , visus α ; infra Polum ejus locus verus B , visus β . Si Phænomenon transeat inter Polum & verticem, differentia inter visas à Polo distantias, nempe $P\beta - P\alpha$, est Parallaxium in α & β summa; nam Polo P descriptus per A circulus transit etiam per B , quia Phænomeni eadem est vera declinatio. Si porro per α describatur super eodem Polo circulus αC , erit $PC = P\alpha$; adeoque $P\beta - P\alpha = (P\beta - PC = C\beta =)$ summæ Parallaxium in α & β . Datâ vero summâ Parallaxium in α & β , & ratione sinuum earundem, (eâdem nempe, per Prop. XLVII. cum ratione sinuum distantiarum apparentium à vertice,) inveniuntur per præc. Lemma ipsæ Parallaxes quæsitæ.



Si Phænomenon transeat ultra verticem respectu Poli, tum differentia inter $P\beta$, $P\alpha$ visas à Polo distantias est æqualis Parallaxium differentiæ. Cum enim $B\beta$ sit Parallaxis in viso loco β , & $A\alpha$ five (eâdem adhibitâ præparatione quæ prius) Bc in loco α , est $c\beta$ (hoc est $P\beta - P\alpha$) differentia Parallaxium in locis visis β & α . Datâ vero duorum arcuum differentiâ, cum ratione sinuum, (eâdem nempe cum ratione sinuum distantiarum apparentium $z\alpha$, $z\beta$ à vertice,) inveniuntur ipsi arcus five Parallaxes quæsitæ.



Si vero Phænomenon transeat per ipsum verticem; hoc est, si puncta Z , A & α coincident, item B & C ; tum $B\beta$ vel $c\beta$ est ipsa Parallaxis loci visi β .


PROPOSITIO LIII.

D Atà utrâque altitudine Phænomeni, declinationem non mutantis, in eodem verticali circulo observatâ, illius parallaxin investigare.

Reliquis

Reliquis ut prius designatis, sit ZAB verticalis, in quo Phænomenon bis observetur, visum nempe in α & in β , sed cujus loca vera sint A & B , & ABE Phænomeni parallelus per motum primum descriptus. Eodem Polo P per α describatur alter circulus αc , & verticalis portiones $A\alpha$, $B\beta$ inter illos interceptæ (per. Prop. 13. Lib. 2. Sphæric. Theodosii) sunt inter se æquales; adeoque $c\beta$ est vel summa vel differentia Parallaxium $A\alpha$, $B\beta$.

Ad hanc inveniendam ducti intelligantur circuli in Sphæra maximi $P\alpha$, $P\beta$. Et in triangulo $Z\alpha P$, ex datis ZP complemento altitudinis Poli, $Z\alpha$ distantia visa Phænomeni in α à vertice Z & angulo comprehenso αZP ex Azimutho, observatione cognito, invenietur αP , cui æqualis est arcus cP . Rursus, in triangulo PZc , ex datis duobus lateribus PZ , Pc , cum angulo PZc , innotescet Zc , cujus defectus ab observato arcu $Z\beta$ est $c\beta$ summa Parallaxium in locis α & β , cum PZ excedit $P\alpha$; vel earum differentia, cum PZ deficit à $P\alpha$. In utroque autem casu, cum præterea detur ratio sinuum dictarum Parallaxium, (eadem nempe, per Prop. XLVII. cum ratione sinuum distantiarum apparentium à vertice,) invenietur utraque Parallaxis locis visis α & β competens.




PROPOSITIO LIV.

Distis duabus Altitudinibus Phænomeni eodem temporis momento in datorum Locorum Terrestrium communi Azimutho observatis, Phænomeni Parallaxin investigare.

Sint duo in Tellure Loca A & B , quorum vertices Z & X , communis Azimuthus ZDX : sitque Phænomeni verus locus D , locus ex A visus δ , ex B vero visus d : sintque primo puncta hæc inter vertices Z & X . Summa distantiarum apparentium à vertice, (nempe arcuum $Z\delta$ & Xd), observatione cognitorum, excedit verticuni distantiam ZX (per Prop. XXIV. inventam) excessu æquali $d\delta$ Parallaxium summæ. Quod si puncta $Dd\delta$ sint extra arcum XZ , differentia distantiarum apparentium à vertice, (nempe $Z\delta$ dempto Xd), excedit verticum distantiam XZ excessu æquali $d\delta$ Parallaxium quæsitaram differentiæ.


Præter Parallaxium summam vel differentiam modo supradicto inventam, datur ratio sinuum dictarum Parallaxium; eadem nempe (per Prop. XLVII.) cum ratione sinuum arcuum $Z\delta$, Xd distantiarum apparentium à vertice. Unde (per Prop. LI.) in utroque casu invenientur ipsæ Parallaxes. Q. E. F.



PROPOSITIO LV.

D *Abis duabus altitudinibus Phænomeni e datis in Tellure Locis, eodem temporis articulo etiam extra communem Azimuthum observatis, Phænomeni Parallaxin invenire.*


Ex datis Locorum longitudinibus idem temporis momentum, ad observationem in binis Locis instituendam necessarium, designatur per numeros horarum à Meridie vel media nocte respective numeratarum, quarum differentia æqualis est differentiæ longitudinum in tempus conversæ, orientaliore Loco plures horas numerante; quod inter observandum determinatur in præc. cum Phænomenon in communi Azimutho reperitur, nisi uterque locus sit in Æquatore. Sit xz communis Azimuthus duorum Locorum Terreſtrium, quorum vertexes x & z ; è quibus eodem temporis momento (diversis licet appellationibus designato) observetur Phænomenon, cujus verus locus D ; ejusque visus locus ex habitatione cujus vertex x sit d , ex habitatione cujus vertex z sit δ . In triangulo xDz , ex datis angulis x & z (quos nempe observati Azimuthi cum Azimutho habitationum communi comprehendunt) & latere xz verticum distantia (per Prop. xxiv. inventa) inveniuntur xD , zD arcus, qui subducti ab arcubus observatis $x\delta$, $z\delta$ relinquunt $D\delta$, $D\delta$ Parallaxes quæſitas. Q. E. F.



PROPOSITIO LVI.

P *Phænomeni Parallaxin per methodum præcedentibus duabus baud abſimilem exactiſſime inveſtigare, adhibendo vicinam aliquam Stellam Fixam.*

Cum Phænomenon, cujus quæritur Parallaxis, eſt in communi Azimutho xDz duarum habitationum in Terra ad hoc designatarum, quarum vertexes x & z ; observetur illud cum vicina aliqua Fixa: ſitque Fixæ locus s , Phænomeni locus ex habitatione infra x ſit d ; adeoque hæc observatione dantur arcus $x\delta$ distantia viſa Phænomeni à vertice, arcus $s\delta$ distantia inter Phænomenon & Fixam, & angulus $x\delta s$ inter hunc & communem Azimuthum comprehenſus. Eodem temporis articulo ex habitatione infra z , è qua Phænomeni locus viſus eſt δ , observentur $z\delta$, $s\delta$ & angulus $s\delta z$: & quamvis arcus $x\delta$, $z\delta$ nequeant quam exactiſſime observari, (utpote ad quorum dimensionem quadrantem adhibere opus eſt;) poſſunt tamen fatiſ accurate ad noſtrum inſtitutum: & ſi poſſent quam accuratiſſime, Phænomeni Parallaxis (per Prop. LIV.) inde immediate pateſceret. Tamen arcus ds , δs & anguli ad d & δ poſſunt accuratiſſime observari, Phænomeni & vicinæ Fixæ s imaginem ope ſpeculorum aut lentium in planum projiciendo, in quo recta eſt ducta communem Azimuthum



muthum xz referens, ejusque imaginis (si quam projiceret) locum tenens, (ut in Opticis & Astronomicis observationibus versato satis constat) & igitur in triangulo dsd , ex datis lateribus sd , sd cum angulis ab illis subtenfis d & d , invenietur dd basis, quæ est Parallaxium summa; ex qua & ratione sinuum segmentorum sd , dd , (posito in Phænomeni loco vero,) eadem nempe (per Prop. XLVII.) cum ratione sinuum zd , xd distantiarum apparentium à vertice, innotescunt (per Prop. LI.) ipsa segmenta dd , dd Parallaxes quæsitæ. Nec secus invenietur Parallaxium differentia, indeque ipsæ Parallaxes (per dictum Lemma) si d , d , d sint extra xz , sed in illo producto.


Si Phænomeni locus verus D sit extra habitationum communem Azimuthum xz , iisdem per eadem atque prius designatis, per vertices x & z & Phænomeni loca visa respectiva ducantur circuli verticales xd , zd , quorum intersectio est verus Phænomeni locus D . Ducantur etiam per Fixæ locum s verticales xs , zs , junganturque puncta s , d , d circulis maximis sd , sd , dd . Observator infra x exactissime observet (præter arcum xd) angulos xds , $xs d$ & latus sd , vel modo superius infinuato vel accuratiori quovis; item observator infra z (præter zd) angulos zds , $zs d$ & arcum sd . Porro, ex datis habitationibus (per Prop. XXIV.) datur zx , & ex hujus situ, per Fixæ s observationem, habentur anguli zxs , xzs ; unde innotescet angulus xsz , qui ex summa ipsorum xsd , zsd ablatus relinquet dsd , ex quo & lateribus sd , sd cognitis inveniuntur anguli sdd , sdd & dd latus. Sed prius noti erant, per observationem, sdx , sdz ; quare & reliqui dd , dd innotescunt, per quos & cognitum latus dd in triangulo dd inveniuntur latera dd , dd Parallaxes quæsitæ.



PROPOSITIO LVII.

E Datis duabus observationibus Phænomeni fixi, hoc est, cujus nullus est motus præter diurnum, ejus Parallaxim invenire.

Referat ECL Eclipticam; B Phænomeni locum verum, Eclipticæ respectu prorsus fixum. Et in observatione altera sit ZBL circulus verticalis, in quo Zenith Z , & Phænomeni locus visus B ; in altera sit XBL verticalis, X Zenith, (etenim punctum verticale considerari potest moveri respectu Eclipticæ immotæ, æque ac Ecliptica respectu immoti verticis, & quidem magis propriè) & B Phænomeni locus visus. Ex prima observatione (per Primi Motûs Problemata supra constructa) determinabuntur Eclipticæ punctum L , ubi verticalis per B transiens




Eclipticæ occurrit; & arcus ZL , portio nimirum verticalis circuli inter Zenith & Eclipticam interceptus; & angulus ZLE inter dictum verticalem & Eclipticam comprehensus. Similiterque in observatione secunda Phænomeni in B innotescunt punctum Eclipticæ c , arcus xc , & angulus xcl . In triangulo igitur bcl , ex datis angulis bcl , bLC & latere interjecto cL (distantiâ nempe notorum in Ecliptica punctorum) innotescunt latera bL , bC , quæ ab arcubus prius inventis ZL , xC ablata relinquunt ZB , xB . Atque hi rursus ablatis à $Z\beta$, $x\beta$, cognitis distantis apparentibus à vertice, relinquunt $B\beta$, Bb Phænomeni Parallaxes momentis observationum congruentes.

PROPOSITIO LVIII. LEMMA.

Sint duo triângula rectilinea ABC , DEF habentia angulos ABC , DEF datos; sintque datæ rationes AB ad DE , AC ad DF , & BC ad EF : oportet ex dato latere AB utrumque triângulum invenire.

Fiat angulus gbc æqualis DEF , sumaturque BG talis, ut ratio BA ad BG æqualis sit rationi compositæ ex rationibus datis BA ad ED & EF ad BC , quod fiet capiendo BG æqualem quartæ proportionali ipsis EF , BC & ED . Deinde, in BC positione data eligatur punctum c tale, ut junctarum AC , GC ratio æqualis sit compositæ ex datis rationibus AC ad DF & EF ad BC , quod fiet ut prius. Deinde, sit BG ad BH in ratione BC ad EF , sitque HI parallela GC : Dico triângula ABC , BHI esse quæsitâ.

Manifestum est ex constructione, rationem BC ad BI esse æqualem rationi BC ad EF ; item angulos ABC , HBI esse æquales datis. Porro, ratio AB ad BG (per constructionem) componitur ex rationibus AB ad ED & EF ad BC : Sed ratio AB ad BG componitur ex ratione AB ad BH & ratione BH ad BG , seu EF ad BC ; & idco AB eandem habet rationem ad BH quam ad ED . Rursus, ratio AC ad CG (per constructionem) componitur ex ratione AC ad DF & ratione EF ad BC , seu HI ad GC : Sed ratio AC ad CG componitur etiam ex ratione AC ad HI & HI ad GC ; & proinde AC eandem habet rationem ad HI quam ad DF . Triângula igitur ABC , BHI requisitas habent condiciones.




PROPOSITIO LIX. LEMMA.

E datis ratione sinuum arcuum integrorum ad datum circum pertinetium AB , CD , ratione sinuum arcuum ablatorum AE , CF & ipsis arcubus relictis EB , FD ; arcus integros & ablatis AB , CD , AE , CF invenire.

Sumpti concipiantur, ex circulis dato æqualibus, arcus GL , LH , IM , MK respective dupli ipsorum AE , EB , CF , FD : unde & GLH , IMK ipsorum AB , CD erunt respective dupli. Complicantur triângula recti-

rectilinea LGH, MIK, in quibus dantur ratio GL ad IM, eadem
 nempe cum ratione
 data sinus arcus AE
 ad sinum arcus CF;
 ratio LH ad MK,
 eadem nempe cum
 ratione finuum ar-
 cuum datorum EB,
 FD; ratio GH ad
 IK, quæ eadem est cum ratione data finuum arcuum AB, CD. Dan-
 tur etiam & anguli LGH, MIK arcubus cognitis insistentes, & ideo
 (per Prop. præc.) innotescunt anguli LGH, MKI, & inde arcus GL, IM,
 & horum semisses AE, CF: Sed dantur ipsi EB, FD arcus; igitur &
 toti AB, CD noti erunt.



Similiterque, ex datis ratione sinus arcus integri ad sinum arcus
 ablati ipsoque arcu reliquo, invenientur totus & ablati. Pona-
 tur enim GLH duplus arcus totius, & GL arcus ablati; unde LH ar-
 cus reliqui erit duplus. Junctis porro GH, GL, LH, in triangulo
 LGH datur ratio laterum GL, GH; eadem nempe cum data ratione
 finuum totius arcus & ablati: datur etiam angulus LGH, dato ar-
 cui LH insistent. Et igitur (per *XL. Datorum Euclidis*) dantur an-
 guli GLH, GHL; adeoque arcus quibus insistent; sc. comple-
 mentum ipsius GLH arcus ad integram peripheriam, & GL arcus;
 ideoque ipsi GLH & GL, horumque dimidia, nempe arcus quæfiti.

PROPOSITIO LX.

EX datis duabus *Altitudinibus Phænomeni* *declinationem non*
mutantis & Azimutibus correspondentibus ejus Parallaxin
invenire.

In duabus Phænomeni fixi observationibus quinque dari possunt;
 duæ nimirum *Altitudines*, duo *Azimuthi*, & *Tempus* inter observa-
 tiones intermedium; è quorum quatuor quibuscumque *Parallaxis* in-
 notescit, unde emergunt tria *Problemata* sequentia.

Ad primi solutionem referat P Polum; L Phænomeni locum ve-
 rum; & in observatione altera sit LM circulus
 verticalis, & Phænomeni locus in illo visus M,
 adeoque *Parallaxis* LM; in altera circulus ver-
 ticalis per L transiens sit LN, & observationis
 hujus *Parallaxis* LN. Ducti intelligantur cir-
 culi maximi PM, PN, MN. Ex *Altitudinibus*
 & *Azimutibus* observatis, & *Poli elevatione*
 innotescunt arcus PM, PN distantie visæ à
 Polo P, & anguli PML, PNL inter declinationum circulos & ver-
 ticales comprehensi: datur præterea ratio sinus *Parallaxis* LM ad
 sinum *Parallaxis* LN; eadem nempe (per Prop. XLVII.) cum ratione
 finuum distantiarum observatarum à vertice. Dantur ideo angulo-
 rum integrorum PMN, PNM ratio finuum, eadem nempe cum ra-



tionis finium notorum arcuum PN , PM ; item ratio finium angulorum ablatorum LMN , LNM , eadem cum ratione superius inventa arcuum LN , LM ; item anguli reliqui PML , PNL prius ex calculo inventi. Innotescunt igitur (per præcedens Lemma) ipsi anguli PMN , PNM , LMN , LNM . Rursus, in triangulo MPN , ex datis lateribus PM , PN cum angulis ab illis subtenfis invenitur basis MN . Et denique in triangulo LMN , ex datis basi MN & angulis adjacentibus LMN , LNM invenientur latera LM , LN Parallaxes quæsitæ. Q. E. F.


Si observationum altera facta fuerat Phænomeno in Meridiano existente, tum triangulorum PML vel PNL alterum mutatur in arcum, & calculus multo simplicior evadit.

Si vero Phænomenon L Declinationem mutet, & quidem æqualiter, (quod in una Terræ revolutione præterpropter fiet,) ejus Parallaxin venabimur nihilo minus, loca Phænomeni per Declinationis partem proportionalem sic corrigendo: Quando Phænomenon primo, deinceps post observationem primam, Azimuthum LM attingit, observetur ejus Altitudo apparens, quæ diversa erit ab altitudine prædictæ observata, alias eandem retineret Declinationem. Sit differentia A . Vocetur intervallum temporis inter primas duas observationes in M & N factas, B ; & tempus inter binas Phænomeni observationes in LM Azimutho, C . Et si prædicta Altitudinum differentia A sit excessus, Altitudini apparenti in M addatur $\frac{BA}{C}$; si vero differentia hæc defectus sit, auferatur ab eadem. Hæc summa vel differentia erit correctæ Altitudo apparens, quæ (loco prioris Altitudinis in LM) in calculo præcedente posita exhibebit Phænomeni Declinationem mutantis Parallaxes quæsitas.

PROPOSITIO LXI.

EX duabus Phænomeni Altitudinibus, cum Azimutho earum alteri respondente & Tempore inter binas observationes, Phænomeni Parallaxin investigare.

Sit Polus P , Phænomeni locus verus E , apparens F cum Zenith est x , & H cum Zenith est z . Dantur duæ distantie apparentes à vertice, nempe XF , ZH , & angulus PDF , cum detur unus Azimuthus, & angulus XPZ ex tempore notus. In triangulo PXZ isoscele, è datis æqualibus lateribus PX , PZ & angulo XPZ inveniantur PXZ , PZ : Cumque detur PDF , invenitur etiam ZXF . Dantur igitur in XZF triangulo XZ , XF , ZXF ; & propterea innotescunt ZF , ZFX . Datur igitur ratio sinus anguli ZFH ad sinum anguli ZHF ; eadem nempe quæ sinus arcus



arcus ZH ad sinum arcus ZF ; & ratio sinus anguli ZHF ad sinum anguli EFH , seu sinus arcus EF ad sinum arcus HE , vel sinus arcus XF ad sinum arcus ZH . Datur propterea ratio sinus anguli ZFH ad sinum anguli EFH ; & datur angulorum differentia, nempe ZFE : & ideo (per Prop. LIX.) innotescunt ipsi anguli ZFH , EFH ; ac proinde etiam EHF . Et tandem in triangulo EHF , è datis HF , EHF , EFH innotescunt Parallaxes quæsitæ EF , EH . Q. E. F.

PROPOSITIO LXII.

E Duobus Phænomeni Azimuthis, cum Altitudine eorum alteri respondente & Tempore inter binas Azimuthi observationes, Phænomeni Parallaxin investigare.

Iisdem in eodem schemate positis, inveniuntur eodem modo PXZ æqualis PZX & XZ . Ex binis Azimuthis dantur anguli PXE , PZE , & ideo innotescunt anguli XZE , ZXE ; è quibus, unâ cum XZ , invenitur XE . At propter Altitudinem datam datur ejus complementum XF , & proinde innotescet EF Parallaxis quæsitæ. Q. E. F.


Si vero, in casu utriusvis hujus Problematis, Phænomenon motum aliquem habeat, post integram Terræ revolutionem, cum Zenith x ad idem Coeli punctum redit, observabitur Phænomenon, non in F (sicut ante) sed in alio loco, puta G ; & observatione innotescunt FG , XFG . Fiat igitur ut integer circulus ad FG ita angulus XPZ ad FL , ductus intelligatur circulus maximus XL secans ZH in M . In triangulo XFL , è datis XF , FL , XFL dantur XL , FXL ; & ideo datur ZXL . Demum, sumendo puncta L , M loco ipsorum F , E , inveniatur (ut ante) HM Phænomeni Parallaxis. Q. E. F.

Sunt & alia observationum genera, ex quibus Phænomeni Parallaxis Geometrice determinari potest; ut ejus Ingressus in umbram Planetæ; & Conjunctio corporalis visâ inter Phænomena. Verum cum hæc ad Parallaxin generaliter consideratam non pertineant, in libris sequentibus locum sibi vendicant.

PROPOSITIO LXIII.

D Atis Phænomeni loco respectu Eclipticæ & Parallaxi Altitudini datæ congruâ, item Solis loco & Diei horâ, Phænomeni Parallaxin Longitudinis & Latitudinis invenire.

Sit VH Horizon, ECB Ecliptica, & ZCV circulus verticalis per Phænomenon traductus. Sit A locus Phænomeni in illo verus, a visus; adeoque Aa Parallaxis altitudinis. Per A & a ducantur Latitudinis circuli AB , ab Eclipticæ occurrentes in B & b . Dantur autem (per Prop. xxxvi.) angulus vCB & arcus VA , VC , horumque proinde differentia Ac . Sed quoniam datur Parallaxis altitudini cuidam datæ congrua, dabitur (per Prop. XLVII.) & illa, quæ altitudini datæ VA congruit; arcus sc. Aa . Datur ergo horum arcuum



ca & aa summa vel differentia ca . In triangulo igitur acb , præter rectum ad b , dantur angulus acb latusque ac ; unde innotescunt latera cb , ab . Sed quoniam Phænomeni A locus respectu Eclipticæ notus est, & punctum Eclipticæ c (per Prop. xxxvi.) etiam notum, noti sunt arcus ab & cb . Innotescit igitur differentia inter ab & ab , nempe Parallaxis Latitudinis; & differentia inter cb & cb , nempe Parallaxis Longitudinis. Q.E.F.

Hujus Problematis conversum eodem modo solvitur; si nempe detur Parallaxis Longitudinis bb , aut Parallaxis Latitudinis differentia inter ba & ba , dabitur (ex hætenus dato Phænomeni loco respectu Eclipticæ, indeque arcubus cb & ba) cb vel ab . Cumque præterea detur angulus ad c in triangulo rectangulo cba , dabitur ca , & proinde va , cum hætenus detur (per Prop. xxxvi.) ipse vc : Sed notus est va ; non latebit igitur Parallaxis altitudinis aa . Si Phænomenon ipsam Eclipticam teneat, ut Sol, casus est multo simplicior.

Quoniam vero corporum Cœlestium, etiam vicinissimorum, Parallaxis arcus est satis parvus; ideo Problema hoc, de inveniendi Parallaxi Longitudinis aut Latitudinis ex data Altitudinis Parallaxi, sic expeditius construunt Practici: Per a ducta intelligatur linea ab ipsi bb parallela. In triangulo igitur parvo abb , quod pro rectilineo habent, datis præter rectum ad b , angulo baa ipsi acb æquali & laterum uno aa Parallaxi Altitudinis, inveniuntur reliqua latera ab Parallaxis Longitudinis & ab Parallaxis Latitudinis, solo trianguli plani resolutione.

Quod si non ipsa Parallaxis Phænomeni absoluta detur, sed relativa respectu alterius Phænomeni remotioris; hoc est, excessus Parallaxeos Phænomeni vicinioris supra Parallaxin remotioris; ex dato tali excessu in verticali dabitur excessus secundum alium quemvis circumulum. Namque Parallaxis Phænomeni absoluta est excessus Parallaxeos ipsius Phænomeni supra Parallaxin circuli Sphæræ, quæ nulla est, quia hic infinite diffusus supponitur.

SECTIO VIII.

De Refractione Syderum.

PROPOSITIO LXIV.

Propter Atmospheram Æthere densiorem Telluri circumfusam, Stella quevis supra Horizontem elevatur in eodem circulo verticali apparet, quam appareret si nulla esset Atmosphæra.

Designet τ Tellurem, cui circumfunditur Atmosphæra aed ; s Stellam quamvis; o Spectatorem in Terræ superficie positum. Si nulla esset Atmosphæra, aut si illa æquidensa esset atque circumfusus Æther, Radii lucis directe ab s ad o pertingerent, neque uspiam incurvarentur; quippe in medio homogeneo. Si vero Radii post

trajectum

propter Refractionem in Atmosphæra factam, in eodem verticali, sed supra Horizontem elevatior apparet. Q. E. D.


SCHOLIUM

Ex Prop. præc. demonstratione apparet eandem esse Refractionem in Stella Terræ propiore atque in remotiore (*ex.gr.* in f atque in s .) dummodo eadem sit illarum Altitudo apparens supra Horizontem: In hoc enim casu recta eo super axem TO rotata locum apparentem ipsius f attingit. Porro, verisimile est Terræ circumfusam Atmosphæram ad Lunam sese non extendere, nedum ad Stellas remotiores; & igitur ejus lineæ $s/ABCO$ pars directa sA (antequam ab Atmosphæra incurvari incipit) Stellam proximam f stringet. Et Radius proinde ab illo procedens (nempe fA) simili, immo eodem prorsus modo in Atmosphæra incurvatur in $ABCO$, quo sA à remotiore propagatus; cum perinde sit (ad Refractionem in Atmosphæra factam quod attinet) utrum Radius ab s vel ab f incipiat. Luminis igitur naturæ repugnat, ut Stellæ propioris Radii aliter refringantur (cæteris paribus) quam remotioris. Verum quidem est angulum eos majorem esse angulo eos , sed horum differentia f o s excessui Parallaxos Stellæ propioris supra remotioris Parallaxin ortum debet, non Refractioni.

PROPOSITIO LXV.

Stellæ humiliores ex Refractione ad Atmosphæram magis ele-
vantur, ceteris paribus, quam altiores.

In Dioptrici demonstratum est, iisdem positis mediis, quo obliquior est Radii incidentia, eo angulum inter Radium refractum & incidentem rectâ productum esse majorem; id est, in casu præsentis, Radii $ABCO$ ab humiliore Stella s provenientis partem AB majorem angulum cum sA producta continere, quam Radii $FGKO$ ab altiore R provenientis partem FG cum RF producta; quia sAQ angulus major est quam RFL , posito quod LF producta in T incidat. Similiter BC continebit majorem angulum cum AB producta, quam GK cum FG producta, & ita deinceps; hoc est, linea $ABCO$ in singulis sui partibus curvior est quam $FGKO$ in partibus correspondentibus, sive æqualiter à Terra remotis. Et igitur recta contingens curvam $ABCO$ in o majorem angulum continebit cum os recta, quam recta ibidem tangens $FGKO$ cum recta OR . Stella igitur humilior magis ex Refractione elevatur quam altior. Q. E. D.



COROLLARIUM I.

Phænomeni in Zenith positi locus ex Refractione non mutatur: Nam Radii in superficies omnes mediorum, ex quibus Atmosphæra conflatur, normaliter in isto casu incidentes non refringuntur; sed rectâ

rectâ ad Oculum in o progressi Phænomenon in eadem rectâ ostendunt, in qua, absente Atmosphærâ, appareret. Et ob eandem rationem Oculo in centro τ constituto, Refractionis ad Atmosphæram factæ nullæ essent vires ad Stellæ locum apparentem mutandum: nam quodlibet in Cœlo punctum huic pro Zenith esset.

COROLLARIUM 2.

Hinc etiam ratio redditur, cur Sol aut Luna prope Horizontem figuræ ovalis appareat. Quoniam enim superior margo parum elevatior justo apparet, inferior multum elevatior justo, hic per Refractionem illi appropinquare videbitur. Itaque Luminaris diameter erecta sive verticalis videtur contracta, transversa sive horizontalis non itidem, quia ejus extrema ex Refractione æqualiter elevantur. Ob eandem rationem duarum Fixarum distantia observata minor est sensibiler, (si instrumento mensuretur,) cum illarum in eodem verticali positarum altera est prope Horizontem, quam dum utraque propter magnam altitudinem est à Refractione immunis.

COROLLARIUM 3.

Hinc etiam fit, quod Sol, Luna, reliquæ Sydera citius aliquanto supra Horizontem attollantur, seriusque infra illum descendant, quam oporteret pro eorum locis prædictis definitis. Radii enim à punctis Cœli paululum infra Horizontem positis manantes in Atmosphæra ita incurvantur, ut rectæ illas tangentes ad extrema in Oculum impingentia productæ sint supra Horizontem. Unde Luna defectum pati est visa, Sole adhuc supra Horizontem hærente; cum tamen Luminarium tunc temporis (per Prop. XVIII. Lib. I.) oppositorum altero supra Horizontem elevato alterum necessario infra eundem revera deprimatur. Eidem ergo Atmosphæræ Telluri circumfusæ debent ejus incolæ, quod unicuique illorum Sol diutius luceat quam absque illa luceret; quodque Sole tandem per Terræ superficiem gibbam, ne amplius datum incolam illustret, impedito, densissimæ tenebræ non statim ingruant, sed Crepusculo gaudeat per tempus satis notabile, quod lumen sensim exstinguit.

PROPOSITIO LXVI.

Quanto Stella in data Altitudine apparente per Refractionem elevetur, definire; & Tabulam Refractionis Stellarum construere.

Eligatur Stella, cujus nulla est sensibilis parallaxis; Fixarum nempe aliqua, quæ supra Observatoris Horizontem multum elevatur. Hujus locus (per Prop. XXVI.) determinetur ex observationibus factis dum multum elevatur, adeoque dum extra Refractionis sensibilis effectus versatur. Tempus notetur cum ad Altitudinem datam vel ascendendo vel descendendo postea pervenerit, quæratque per calculum Stellæ (cujus locus est cognitus) Altitudo temporis notato congrua, quæ ab Altitudine observata deficit, quanto Stella in data ista Altitudine apparente per Refractionem attollitur.

Hoc modo Tabula Refractionis Syderum omnium tutissime construetur,

struetur, si Fixæ Altitudines veræ, temporibus per Horologium Oscillatorium exacte numeratis competentes, conferantur cum ejusdem Altitudinibus, iisdem punctis temporis apparentibus: Intervallum enim inter Altitudinem apparentem & veram est Refractio dictæ Altitudini competens. Cumque longissime distantis Fixæ & alterius cujuscvis Stellæ propioris eadem sit (per Schol. Prop. LXIV.) Refractio in eadem Altitudine apparente, patet constructam esse Tabulam Refractionis Stellarum. Q. E. F.

SCHOLIUM.

Si nota esset Atmosphæræ densitas *Dioptrica* in data quavis à Tellure distantia, sive ratio Sinus anguli incidentiæ ad sinum anguli refracti in transitu Radii per ejus superficiem Terræ concentricam, cujus distantia à Terra innotescit; tum ex Geometria inveniri posset natura Linæ, in quam Radius propter Atmosphæræ continuam Refractionem incurvatur. Unde ex dato per Observationem angulo, quo Stella in data Altitudine propter Refractionem plus justo elevatur, definiri posset angulus, quo in alia quavis Altitudine proposita plus justo elevaretur, eadem manente Atmosphærâ; hoc est, Refractionis Tabula construi posset ad singulos gradus elevationis Stellæ. Quoniam vero huic obstat prædicta Refractionis in Atmosphæra celebratæ Lex nondum perspecta, satius erit illam ex observatione construere; ut in præcedente. Porro, utrique methodo condendæ Tabulæ Refractionis obstat Atmosphæræ in diversis locis diversitas, & in eodem mutatio, propter quam sit ut eadem Tabula omnibus locis non sit accommodata. In locis enim prope alterutrum Telluris Polum Refractio major est in eadem ab Horizonte distantia, (ut ex *Batavorum* in *Nova Zembla* hybernantium observatione notissima satis patet;) & in eodem loco diversis Anni tempestatibus, sicut non tantum ex observatione *Batavorum*, sed etiam ex celebrioribus Observatoribus constat, qui Refractionem Hyemalem Æquinoctiali, & hanc rursus Æstivali majorem ponunt, Tabulasque Refractionis integras huic mutationi superstructas condunt. Sed & hanc etiam in horas mutatam demonstrant summitates Montium quandoque ex dato loco conspicuæ, quandoque inconspicuæ, nullâ impediende caligine: Quorsum etiam faciunt experimenta ab *Hugenio*, in *Tractatu de Lumine* consignata; quod nempe Turris alteriusve cujuscvis rei immobilis pars humilior mane & vespere, pars altior meridie videatur per Telescopium immotum manens; quodque ex eodem loco Turris remotioris fastigium supra propioris summitatem quandoque eminere videatur, quandoque infra illam latere. Hæc enim omnia, præter mutatam in horas Radium Refractionem in Atmosphæra, ostendunt eorum curvedinem, (ex natura rerum supra ostensam,) cum è loco altiore in humiliores oblique propagantur, aut vicissim.

Fatendum tamen est Refractionis mutationem hanc omnem intra satis arctos limites contineri: prædictæ enim Observationes, de Solis, Montium, Turriumque Altitudine apparente mutata, in exigua

exigua supra Horizontem elevatione factæ sunt, neque ultra tertium ab illo gradum extenduntur. Vaporum à Terra assurgentium, item caloris & frigoris, quibus vapores rarefiunt & condensantur, tanta est prope Terram vicissitudo, ut nihil certi de medii densitate statui possit. Radium porro Lucis inclinatio tam valde est obliqua ad incidentiam in Atmosphæram, dum Phænomenon non ultra 3 aut 4 gradus elevatur, ut illius locus ex Refractione admodum mutetur. Immo superficiei Terræ quandoque infidet tam densa, licet diaphana satis, vaporum quasi Nubes, ut oculo extra hanc eminenti, quæ infra ipsam sunt visibilia, nempe valde humilia, prorsus invisæ maneat propter radios superficiem superioris rariorisque medii non penetrantes, sed ab illa deorsum reflexos; ut fieri oportere ex *Dioptricis* constat: Quæ vero supra extraque ipsam immediate consistunt, nempe paulo altiora, præterquam quod radio directo videntur, apparent etiam inversa per reflexionem ad prædictæ Nubis superficiem factam tanquam ad speculum horizontale. Verum hæc non sunt hujus loci, neque ad Astronomiam directe pertinent. Satis interim ostendunt Tabulæ cuius Refractionis Syderum infra tertium Altitudinis gradum non esse fidendum; neque proinde observationibus ad Phænomeni locum determinandum in ista Altitudine factis.

Si vero non ex observatione Fixæ Refractionis Tabulam condere, sed à fundamentis *Dioptricis* illam extruere liceat, sic tutissime procedere licebit. Atmosphæra ad 40 aut 50 milliaria in altum protensa supponatur, divisa per 8 aut 10 superficies parallelas in totidem media diversæ densitatis; ita tamen ut quod binas proximas superficies interjacet medium ejusdem sit densitatis, quæ ad dictam superficiem mutetur instanter in rarius sursum, densiusque deorsum: non quod res revera ita se habeat, (proculdubio enim Atmosphæræ densitas descendendo per minima augeatur;) sed ad calculum ineundum. Octo decemve hæc media ita attentando attemperentur ad se invicem, ut in una, duabus aut pluribus Altitudinibus (nam quo plures, eo accuratior erit Tabula) totales Refractiones ad omnia ista media factæ eadem sint cum Refractionibus, quæ per observationes exactissimas Altitudinibus istis respectivis congruere deprehenduntur. In quo casu Refractio, in assumpta qualibet Altitudine, ad dicta media facta, & per *Dioptrices* leges calculo cognita, quamproxime est æqualis Refractioni ex Cælo depromptæ, quæ eidem Altitudini respondet. Hoc modo etiam Linea quamproxime determinabitur, in quam Radius Atmosphæram oblique trajiciens incurvatur. At in exquirenda per hanc methodum Refractione correspondente elevationi tribus quatuorve gradibus minori, Mediorum prædictorum (ex quibus conflatur Atmosphæra) inferius, vel inferiora bina ternave, paululum rariora supponere oportebit; nam, in Terræ vicinia calefacta, talia revera sunt.

S E C T I O IX.

*De Tabulis Primi Motus & Fixarum Libro
Secundo innixis.*

Licet singula ad Motum Primum pertinentia per Methodos Libro hoc demonstratas possint inveniri, prout fert occasio; cum tamen aliqua sint frequentioris usus, illorum *Tabulas* construunt Artifices, ut inde depromantur expedite, quæ calculo de novo essent inveniendæ perpetuo. Et præter Tabulas ex aliis disciplinis petitas, ut Rectarum circulo inscriptarum & adscriptarum, Logarithmorum &c. construunt Astronomicas, quarum quæ huic Libro innituntur Tabulæ sunt duorum generum: nimirum vel quæ sunt eadem omnibus totius Terræ incolis; atque hæc rursus vel Primum Motum attinent vel Stellas Fixas, quarum motus motu primo non est multo magis compositus; vel quæ tantum in certa Terræ habitatione locum habent.

PROPOSITIO LXVII.

Tabulas describere omnibus Terræ incolis communes, quæ Motum Primum attinent.

Æquator Cœlestis & Ecliptica omnibus Telluris incolis iidem sunt, horumque insignes sunt perpetuoque occurrentes in Astronomicis usus: Illius nempe, quia Motus primi sive diurni Cœlorum apparentis medius est & quasi norma; hujus, quia Solis (Dici Tempestatumque arbitri) via est & semita. Horum igitur circulorum mutua habitudo & ad invicem in singulis punctis respectus in Tabulas disponitur: Cuique nempe gradui Eclipticæ proprio nomine (hoc est numero, quem in suo Signo tenet) insignito Declinatio ab Æquatore, Ascensio Recta & Angulus, quem Ecliptica cum Meridiano ad illud comprehendit, correspondentes adscribuntur; ut Prop. xx. ostensum est. Et ideo commode tres hæc Tabulæ in unam coalescunt, ferentem universalem Titulum *Declinationis & Ascensionis Rectæ singulorum Eclipticæ graduum, Angulorumque Eclipticæ cum Meridiano*. Et quia in huiusmodi Tabulis vel iidem numeri denuo recurrunt, vel iidem aucti quadrante, semisse aut tribus quadrantibus circuli; in illis condendis non opus erit calculum ultra unicum quadrantem adhibere, cum reliqua Tabulæ pars hinc, vel per primæ columnæ mutationem vel per solam additionem, facile fluat.

Porro, cum apparens revolutio integra Æquatoris Cœlestis Diem naturalem efficiat, & proportionaliter in revolutionis hujus partibus, ob motus Terræ diurni æquabilitatem; Tabulam etiam construunt, ex qua Tempus cuique parti revolutionis Æquatoris, & vicissim revolutionis pars cuiusvis Tempori respondens, prompte excerpitur. Et quia apud gentes politiores, ubi Astronomia viget,
Dies

Dies naturalis in 24. horas dividitur, Hora autem in 60 scrupula prima, quorum rursus quodvis in 60 secunda dividitur, & ita porro; Tabulæ prædictæ ad hancce Temporis divisionem accommodantur.

PROPOSITIO LXVIII.

Tabulas describere omnibus Terræ incolis communes, quæ Stellarum Fixarum attinent.

Fixarum loca quoad Longitudinem & Latitudinem disponuntur per methodos Prop. XXIX. explicatas. Hujusmodi Tabula (sive Catalogus) est omnis Syderalis scientiæ fundamentum: & quoniam Planetarum loca ex cognitis Fixarum locis exquiruntur, Fixarum in Zodiaco positarum loca summâ curâ notant Astronomi; immo non tantum quæ nudo Oculo, sed etiam quæ minori Telescopio armato conspiciuntur.

Quoniam vero Fixarum Longitudo continuo crescit propter punctorum Æquinoctialium regressum, *Regressus hujus Tabula* Fixarum Catalogo subnectitur; hoc est, quantus hic sit in Anno, hujus partibus Annisque collectis indicatur, ut Longitudo Fixæ Tabularis hinc corrigatur modo satis obvio. *Copernicus* & hunc sequuti alii Fixarum distantiam in Ecliptica Ortum versus numerant ab Arietis Stellarum in Cornu duarum præcedente, ut superius dictum est: Addendo arcui huic (in quavis Fixa constanti) distantiam puncti Æquinoctialis verni à dicta Arietis prima perpetuo auctam, ex altera ista Tabella depromendam, conflatur Stellæ Longitudo ab Æquinoctio verno.

Quoniam notabiliorum quarundam Fixarum Ascensio Recta & Declinatio frequentis sunt usus; at illas ex Longitudine & Latitudine datis (per convers. Prop. XXVII.) pro occasione exquirere opus foret tædii plenum; ad datum tempus *Notabiliorum Fixarum Ascensionis Rectæ & Declinationis Tabulam* construunt qui aliorum labori parcere volunt, additâ differentiâ utriusque pro certo Annotum numero, in quo illarum mutationem ad sensum æquabilem esse supponunt.

Prædictis de Fixarum motu Tabulis subjungitur & *Tabula Refractionis Syderum*, pro diversâ earum supra Horizontem elevatione per Prop. LXVI. construenda. Cujusvis Stellæ Altitudo observata minuenda est correspondente Refractione, ut evadat vera; vel Altitudo vera (ex vero Stellæ loco ad tempus datum per calculum inventa) Refractione dictâ augenda, ut fiat apparens. Stellæ diversæ hæc ex Refractione Altitudo diversitatem loci Stellæ secundum longum & latum, vel in alio quovis circulo, inducit, simili prorsus modo, quo supra de Parallaxi ostensum est. Tabulam hanc Refractionis hoc loco inter Fixarum Tabulas numeravimus, licet aptius forsân ad præcedentes referenda fuerit tanquam omnibus Phænomenis Cœlestibus communis: Alii interim illam Tabulis Prop. insequenti describendis censebunt annumerandam, cum aliâ atque aliâ opus sit Refractionis Tabulâ pro diversâ Atmosphæræ densitate in diversis locis.

PROPOSITIO LXIX.

Tabulas enumerare vulgatiores, quibus Locorum Terrestrium insigniorum situs mutuus & respectu Aequatoris describitur, quibusque Tempus in eorum aliquo numeratum ad Tempus secundum alterius usum reducitur.

In Catalogo Locorum insignium cuique loco adscribitur Elevatio Poli in isto loco, (per Prop. xvii. definita;) cui æqualis est Latitudo Loci. Adscribitur etiam (per Prop. xxxii. inventa) Differentia Meridiani Primi (sive is per Astronomi habitationem, sive per Azores aut Fortunatas insulas tractus supponatur) & Meridiani dicti loci, & in Aequatoris partibus, vel in horis horæque partibus expressa. Sic enim Locorum istorum situs ad se invicem & ad Aequatorem constat, quo pro re nata in Geographicis & Hydrographicis uti licebit. Hora in locorum altero numerata, si augcatur Differentiâ Meridianorum in horis horæque partibus expressâ, exhibet horam in Orientaliori loco numeratam; si minuatur Meridianorum differentiâ, horam in Occidentaliori numeratam ostendit, modo uterque locus eodem genere horarum utatur: si diverso utuntur, adhibita pro diversitate reductione ad idem reducantur.

Præsto etiam sunt Tabulæ, quibus Tempus in Locorum altero per Calendarium quodvis expressum, & ab Epochâ quavis cognita numeratum, ad Tempus datæ formæ in altero usitatæ expedite reducitur. Nam cum (per Propp. xi. & xii.) & Epochæ inter se conferri possint, & Annorum apud varias gentes formæ variæ, patescit harum Tabularum (hominibus negotia historiarum tractantibus æque ac Astronomis necessariarum) fundamentum & construendi ratio.

Porro, circuli Climata ac Parallelos determinantes in Tabulas à quibusdam rediguntur. Si enim initium fiat ab ipsò Aequatore, habetur Longissimæ Dici quantitas ad finem cuiusvis Climatis & Paralleli, initiumve proximi; hoc est, mora puncti solstitialis ad Polum conspicuum declinantis supra Horizontem. Dantur præterea dicti solstitialis puncti Declinatio (nempe Eclipticæ Obliquitas) & Ascensio Recta: datur ergo (per convers. Prop. xxxiii.) Elevatio Poli in illo loco; hoc est, circuli propositum Clima vel Parallelum terminantis distantia ab Aequatore.

PROPOSITIO LXX.

Tabulas describere vulgatiores, quibus Primi Motûs Problemata in diversis Terræ locis promptius solvuntur.

Ad loca temporaque definienda ortûs & occasûs Fixarum aliorumque Syderum, quorum nota sunt loca, aliaque circa hæc solvenda Problemata Artifices calculum adhibent, prout fert occasio. Verum, cum Motûs Solis longe insignior & frequentior sit usus, ipsæque Sol Anni curriculo diversos Eclipticæ gradus teneat; Tabulæ, quæ respectum horum punctorum ad Horizontem ostendant, ad omnes Latitudines conducuntur: nempe ad quemvis Latitudinis

ab

ab *Æquatore* gradum, *Differentia* inter *Ascensionem Rectam* & *Obliquam* ejusque *Eclipticæ* gradus (per Prop. xxxiii. inventa) isti *Eclipticæ* gradui suo nomine insignito adjungitur, ex quibus Tabula fit, five potius Tabularum congeries; siquidem pro quovis *Latitudinis* gradu opus sit Tabulâ ad singulos *Eclipticæ* gradus sese extendente. Vocantur hæc *Tabule Differentiarum Ascensionalium*.

Differentiis *Ascensionalibus* sic in Tabulas redactis, facile per solam additionem aut subtractionem *Ascensiones* *Obliquæ* *Arcus*que *Diurni* singulorum *Eclipticæ* graduum similiter in Tabulas reguntur; indeque *Horæ* *Ortus* *Occasus*que *Solis* puncta ista tenentis. Verum *Operationes* hæc tam leves sunt, ut illas ad proprium *Calculatoris* laborem rejiciant: Nisi quod plerumque *Astro*nomus, supputationibus multum detentus, ipsas hæc ad *Dominus* propriæ locum supputatas habeat. Aliquando etiam *Amplitudinum* *Ortivarum* singulorum *Eclipticæ* graduum vel ad plures *Latitudines*, vel saltem ad *Latitudinem* sibi propriam, *Tabulas* (ope Prop. xxxiii. constructas) in procinctu habet.

Alia insuper est *Tabula* (per Prop. xxxv. construenda) *Anguli* *Orientis*, nimirum quem *Ecliptica* cum *Horizonte* comprehendit pro diversis *Eclipticæ* punctis *Orientibus* in *Latitudine* data, vel (quod eodem recidit) *Altitudinis* supra *Horizontem* gradus ab *Oriente* puncto *Nonagesimi*. Et quoniam in *Solis* *Defectibus* supputandis & aliis, hujusce *Anguli* maximus est usus, *Tabulas* ejus condunt pro singulis *Latitudinis* gradibus ab *Æquatore* ad *Polum*.

Quandoque etiam *Initii* & *Finis* *Crepusculi* *Matutini* & *Vesperini*, pro gradu *Eclipticæ* quem *Sol* tenet, ad diversas *Latitudines*, (vel saltem ad *Habitationis* propriæ *Latitudinem*,) *Tabulæ* conduntur per Prop. xxxix.

In omnibus hisce *Tabulis* condendis laboris calculique compendia occurrunt, qualia Prop. lxxvii. ostensa sunt; breviorque & ornatior *Tabulas* ordinandi ratio inde oritur.


ASTRONOMIÆ PHYSICÆ & GEOMETRICÆ ELEMENTA.

LIBER TERTIUS

De Theoria Planetarum Primariorum.

Libro Primo ostensum est, quibus legibus oportet Planetam moveri, ut Ellipsin describat circa Solem in ejus umbilicorum altero constitutum, quam solam inter figuras patiuntur Phænomena, quod fusc ex observatis ostendit *Keplerus* in suis *Commentariis de Motibus Stelle Martis*, & nunc omnes Astronomi agnoscunt. Ipsi Veteres Astronomi cum *Ptolemæo* (quibus nihil placuit in Cælo præter perfectos Circulos, corporibus ingenerabilibus & incorruptilibus, qualia Cœlestia habuerunt, aptissimos,) per Phænomena compulsi in hanc sententiam pene transierunt, dum motum in Excentrico commenti sunt vere inæqualem, sed æqualem in circulo *Æquante*, cujus centrum tantum ultra Excentrici centrum inde distabat, quantum veri motus centrum citra illud; hoc est, dum Excentricitatem bisecabant, & Orbitam Planetæ ex puncto bisectionis tanquam centro describebant. Excentrica enim hujusmodi Planetæ Orbita Circularis non differt ab Orbita Elliptica, cujus Foci sunt dicta centra, præterquam quod illa circa medium crassior sit, hæc gracilior; quæ crassitie Orbitæ differentia in plerisque Planetis propter parvam Excentricitatem insensibilis fere est, & per Veterum observationes non distinguenda. Illam tamen ex *Tychonis* observationibus clarissime & citra dubium evincit *Keplerus* *Cap. XLIV. dictorum Commentariorum*. Verum quidem est *Ptolemæum* ad Theoriam Solis simplicem Excentricum adhibere, neque Excentricitatem Orbitæ bisecandam censere; at in reliquorum Planetarum quolibet, præter Epicyclum (quo Phænomena revera à motu Telluris ipsi non agnito orta explicat) usus est (*Cap. v. Lib. IX. Magn. Construct.*) Excentrico descripto ex centro bisecante Excentricitatem. Immo ipse *Copernicus* perfectionem motus & viæ Planetarum tam ratam habuit, ut Excentricitatis bisectionem (*Cap. II. Lib. V.*) propterea censeat rejiciendam, quod absurdum sit concedere motus circularis æqualitatem fieri posse circa centrum alienum & non proprium, (quam & *Ptolemæi* quondam fuisse sententiam liquet ex *Cap. III. Lib. III.* ubi pronunciat *Stellarum motus æquales omnes esse circularesque naturæ*; id est (ut ipse explicat) *omnes lineas, quæ Stellas aut circulos earum circum-*

circumducere intelliguntur in omnibus simpliciter æqualibus temporibus æquales Angulos ad centra cujuscunque circulationis interciperi, licet hanc postea mutaverit citato Lib. IX.) & Cap. IV. ejusdem Lib. Epicyclum cum simplici Excentrico potius inducendum vult, paria cum Excentrico & Æquante facientem; vel etiam Concentricum cum duobus Epicyclis. Sed nondum factæ erant exactissimæ illæ & multiplices *Tychonis* observationes, quibus solis nixus *Keplerus* Planetarum Orbitas Ellipticas esse ostendit; licet *Riccio* oblique insinuet cœpisse *Keplerum* suspicari Viam Planetæ per Auram Ætheream esse Ovi-formem; id scilicet pro sua sagacitate subodoratum ex inspecta figura Ovali, quam *Reinholdus* in fine *Theoricarum Purbachii* adjecisset ad Lunam pertinentem. In hujusmodi igitur vera Planetæ Orbita Elliptica ALP , ubi s Focus alter est Solis locus, ASP linea Apsidum, A Aphelium, P Perihelium, L Locus Planetæ ad libitum assumptus, ALS Area sub rectis SA , SL & curva Elliptica AL comprehensa (computata ab SA in consequentia Signorum,) vocatur *Anomalia Media*, id est, Æquabilis; hæc enim Area crescit æquabiliter, nempe in eadem ratione cum tempore: Et ASL Angulus, à linea Apsidum SA & radio vectore SL comprehensus, dicitur *Anomalia Cœquata*, sive *Vera*. Decuit enim Astronomiæ Physicæ Cultores quam minimum fieri posset ab antiquis vocibus discedere; quippe non solum usu stabilitis, sed revera etiam aptissimis.



SECTIO I.

Generalia ad Planetarum omnium Theoriam spectantia.

PROPOSITIO I. LEMMA.

Si super Ellipseos PBA , cujus centrum C , majorem axem PA tanquam diametrum describatur circulus PDA , & à puncto G in circuli circumferentia ad libitum assumpto ad PA demittatur perpendicularis GE , Ellipsin ad L interfecans; & ab aliquo in axe AP puncto (ex. gr. focorum alterutro S) ad G & L ducantur rectæ SG , SL ; erit trilineum AGL sub rectis SA , SG & curva circulari AG comprehensum ad integrum circulum, sicut trilineum ALS sub rectis SA , SL & curva Elliptica AL comprehensum ad integram Ellipsin.

Ducatur enim ad EG utcumque parallela eg , diametro in e , Ellipsi in l , & circulo in g occurrens. Eritque (per *Prop. XXI Lib. I. Conicorum Apollonii*) el ad CB in subduplicata ratione rectanguli sub Pe , eA ad rectangulum sub Pc , CA , sive CDq ; & eg ad CD est etiam


diæ & correspondentis cœquatæ ad singulos arcus Anomalie Excentri, quærat inter eas Anomalia media data; correspondens Anomalia vera est ea quæ quæritur. Quod si Anomalia media proposita inter Canonicas istas non reperiatur, per partem proportionalem (modo vulgo noto) invenietur Anomalia vera quæsitæ. Si sine Tabulis operandum sit, *Keplerus* Regulam Positionum (Falsi etiani dictam) adhibere suadet; ponendo scilicet Anomaliam Excentri AG arcum, vel ACG angulum, vel AGC sectorem (tria enim hæc eodem numero designantur) partium quotlibet, eique sic sumptæ addendo vel subducendo, prout opus fuerit, congruum *Æquationis* parti Physicæ analogum triangulum, nempe gsc , ut fiat Anomalia media AGS . Nam si ea tanta prodit quanta est quæ proposita fuit, bene posita erat Anomalia Excentri, & huic congrua Anomalia vera est ea quæ quæritur; quippe Anomalie mediæ datæ competens: At si non tanta prodit, ex illa quæ prodit emendanda erit positio, laborque repetendus. Ad Planetæ Distantiam à Sole inveniendam, in triangulo Lcs datur angulus Lsc , superius nempe inventa Anomalia cœquata; item angulus Lcs , reliquus ad duos rectos ipsi LCA , cujus tangens est ad tangentem anguli ACG Anomalie Excentri ut Orbitæ axis minor ad majorem: datur etiam Excentricitas sc , unde innotescit sL distantia Planetæ à Sole.

Parique modo, vel ex Tabulis jam conditis vel per Regulam Positionum, ex data Anomalia vera determinabitur media.

PROPOSITIO IV.

Semicirculum, per rectam ex dato diametri punctoeductam, in data ratione dividere.

Sit semicirculus AGB , cujus centrum c , diameter AB , punctum in diametro datum s ; è quo nempe educenda est recta sg peripheriam in g interfecans, ita ut area AGS sit ad aream $BHGS$ in ratione data, nempe P ad Q . Ponatur factum, & ex g in AC demittatur perpendicularis GE .



Vocentur semidiameter AC vel CB , R ; AE , x ; quarta proportionalis rectis sc , CA & semiperipheriæ AHB , M . Unde fiet semiperipheria AHB ducta in radium CA ; hoc est, duplus semicirculus AHB , æqualis $sc \times M$, five $M = \frac{2AHB}{sc}$. Rursus, quoniam ex hypothesi Area AGS est ad $BHGS$ ut P ad Q , erit $AGS + BHGS$; hoc est, semicirculus AHB ad AGS ut $P + Q$ ad P : unde $P \times AHB = AGS \times P + Q$, & hinc $\frac{P \times 2AHB}{P + Q} = 2AGS$. Vocetur porro $\frac{P \times M}{P + Q}$, a : adeoque, loco M ponendo illius valorem $\frac{2AHB}{sc}$, erit $a = \frac{P \times 2AHB}{P + Q \times sc}$; hoc est, ipsi $\frac{2AGS}{sc}$; five $sc \times a = 2AGS$. Sumatur præterea ad partes B , CT quæ sit ad CB ut CB ad cs , voceturque AT , b ; unde $CT = b - R$, adeoque

adcoque $sc = \frac{R^2}{b-R}$; & $sc \cdot a$, hoc est, $2AGS = \frac{R^2 \cdot a}{b-R}$. Cumque $CE = R - x$ erit $SE = R - x + \frac{R^2}{b-R}$. Atqui $2AGS = 2AGE + 2GSE = 2AGE + GE \cdot ES$. Sed ex Serierum doctrina nunc vulgo nota, in circulo cujus femidiameter vocatur R , segmentum cujus sagitta AE est x ; hoc est,

$$2AGE = \sqrt{2} R^{\frac{1}{2}} x^{\frac{1}{2}} - \frac{2R^{-\frac{1}{2}} x^{\frac{3}{2}}}{3\sqrt{2}} - \frac{a^{-\frac{1}{2}} x^{\frac{5}{2}}}{28\sqrt{2}} - \&c.$$

Et ipsa $GE = (\sqrt{2}RX - X^2)^{\frac{1}{2}}$, ex ipsa operatione,)

$$\sqrt{2} R^{\frac{1}{2}} x^{\frac{1}{2}} - \frac{R^{-\frac{1}{2}} x^{\frac{3}{2}}}{2\sqrt{2}} - \frac{R^{-\frac{3}{2}} x^{\frac{5}{2}}}{16\sqrt{2}} - \&c. \text{ Unde } SE \cdot EG, \text{ five}$$

$$2SEG \text{ Triang.} = \begin{cases} \sqrt{2} R^{\frac{1}{2}} x^{\frac{1}{2}} - \frac{2R^{-\frac{1}{2}} x^{\frac{3}{2}}}{3\sqrt{2}} + \frac{2R^{-\frac{3}{2}} x^{\frac{5}{2}}}{16\sqrt{2}} \\ + \frac{R^2}{b-R} \text{ duct. in } \sqrt{2} R^{\frac{1}{2}} x^{\frac{1}{2}} - \frac{R^{-\frac{1}{2}} x^{\frac{3}{2}}}{2\sqrt{2}} - \frac{R^{-\frac{3}{2}} x^{\frac{5}{2}}}{16\sqrt{2}} \&c. \end{cases}$$

$$\text{Adcoque } 2AGS = \frac{R^2 \cdot a}{b-R} = \begin{cases} \sqrt{2} R^{\frac{1}{2}} x^{\frac{1}{2}} - \frac{2R^{-\frac{1}{2}} x^{\frac{3}{2}}}{3\sqrt{2}} - \frac{a^{-\frac{1}{2}} x^{\frac{5}{2}}}{28\sqrt{2}} & \&c. \\ \sqrt{2} R^{\frac{1}{2}} x^{\frac{1}{2}} - \frac{2R^{-\frac{1}{2}} x^{\frac{3}{2}}}{3\sqrt{2}} + \frac{2R^{-\frac{3}{2}} x^{\frac{5}{2}}}{16\sqrt{2}} & \&c. \\ \frac{R^2}{b-R} \text{ duct. in } \sqrt{2} R^{\frac{1}{2}} x^{\frac{1}{2}} - \frac{R^{-\frac{1}{2}} x^{\frac{3}{2}}}{2\sqrt{2}} - \frac{R^{-\frac{3}{2}} x^{\frac{5}{2}}}{16\sqrt{2}} & \&c. \end{cases}$$

Et post ordinatam reductamque æquationem secundum artem inveniatur,

$$a = \sqrt{2} b R^{-\frac{1}{2}} x^{\frac{1}{2}} - \frac{2R^{-\frac{1}{2}} x^{\frac{3}{2}}}{3\sqrt{2}} + \frac{\sqrt{2} b R^{-\frac{3}{2}} x^{\frac{5}{2}}}{12} - \frac{\sqrt{2} R^{-\frac{3}{2}} x^{\frac{5}{2}}}{20} + \&c.$$

Et quadrando utramque æquationis partem ad tollendam asymmetriam, eamque ordinando deletis terminis se mutuo destruentibus, fiet

$$a^2 = \frac{2b^2}{R} \cdot x + \frac{b^2}{3R^2} \cdot x^3 + \frac{2}{9R} \cdot x^5 - \frac{4b}{3R} + \frac{4b^3}{45R^3} - \frac{14b}{45}$$

$$\text{Unde } x \text{ seu } AE = \frac{Ra^2}{2b^2} + \frac{R^2 a^4}{6b^4} - \frac{Ra^4}{24b^4} + \frac{Ra^6}{720b^6} \&c.$$

Sumptâ igitur AE æquali tot hujus seriei terminis quot libuerit, & ex E erectâ ad AB perpendiculari AG , occurret hæc circulo in quæsito puncto G . Q. E. F.

Et per Prop. I. eadem EG Ellipsi cuius AKB super majorem axem AB descriptæ occurret in L , ita ut junctâ SL dividat semi-ellipsin AKB in duas partes ALS , $BKLS$ datam habentes rationem.

Quo minores fuerint distantia punctorum c & s (hoc est, quo minor Ellipseos excentricitas) & ratio P ad q , eo pauciores hujus Seriei termini in usum aliquem sufficient: Nam oportet rationem P ad q parvam esse ut series, quæ est valor segmenti AGE , cito convergat; hoc est, ut pauci illius termini sint segmento proxime æquales.

Problematis istius solutionem hanc jam olim dedi in *Exercitatione Geometrica de Dimensione Figurarum* Anno 1684 *Edinburgi* edita: placuit tamen illam hoc loco (quippe suo) denuo inferere.


PROPOSITIO V.

Ellipsin haud admodum excentricam rectâ per focorum alterum ita dividere, ut *Aræ Ellipticæ portio inter maiorem Axem & ducendam rectam comprehensa sit quamproxime ad integram Ellipsin in data ratione minoris inæqualitatis.*

Methodus Prop. III. tradita Anomaliam veram ex media inveniendi tentativa & indirecta habetur: Geometrica vero quævis ut elegans (qualem per Cycloidem protractam olim exhibuit Celeb. D. Wallisius) calculo Astronomico minus apta; quæ vero per Series rem conficit (ut Prop. IV) laboriosa nimis; unde ad approximationes confugiunt Astronomi, imprimis sequentem.

Proponatur Ellipsis ALP , cujus centrum c , focus alter s , alter F . Ex foco s ducenda est recta SL , ita ut trilineum ALS datam quamproxime habeat rationem ad integram Ellipsin $ALPA$.

Ad Focum alterum F fiat angulus AFL , eandem habens rationem ad quatuor rectos, quam oportet trilineum ALS habere ad integram Ellipsin, cujus crus FL Ellipsi occurrat in L , juncta SL propositum quamproxime conficiet. Nam, coeuntibus focus s & F cum centro c , propositum exacte conficitur, ut ex Prop. XXXIII. *El.* VI. constat; error ergo tantus est quantus ab Excentricitate provenit: Ea igitur parvâ existente, hoc est, in Ellipsi haud admodum excentrica, area ALS est ad integram Ellipsin sicut angulus AFL ad quatuor rectos; id est in ratione data.



SCHOLIUM.

Ipse *Keplerus*, qui primus ostendit Ellipsin ita à Planeta percurri, ut aequalibus temporibus æquales arcæ per rectas ad Solem in Foco positum ductas abscissæ describantur, advertit etiam ad hanc approximationem, eamque *Cap. III. Part. Alter. Lib. v. Epit.* describit dicens; *ut si L esset Planeta, AFL angulus esse posset loco Anomalie mediæ fere.* Ab illa tamen proffus abstinuit, tum quod in Planeta Marte aperte dissentiat à Cœlo, tum præcipue quod elegantes demonstrationes motuum à Causis suis Physicis hoc pacto prorsus neglectæ & incultæ, quippe penitus ignotæ, jacerent; maluitque in vera Physica Planetarum Theoria persistere, licet methodum indirectam adhibere compulsus fuerit, ut ex Anomalia media coæquatam inveniret, quam aliam à naturali alienam sequi, in qua istud facillime & directe fieri possit.

Postea tamen Celeb. Astron. *Sethus Wardus* hanc tanquam ab ipsa Rerum Natura adhibitam Planetarum Theoriam usurpavit; cuius

vis

vis nempe Planetæ Orbitam esse Ellipticam assumit, in cuius Foco altero est Sol, quem Motuum Planetariorum verum atque Physicum instrumentum agnoscit; super alterum interim Focum ita temperari Planetæ cuiusque motum, ut temporibus æqualibus æquales illic angulos absolvat; & super hanc hypothesin *Astronomiam* suam *Geometricam Ellipticam* (opus egregium & cui plurimum debet omnis sanior Astronomia) exstruxit. Geometriam enim (quæ pollebat) adeo feliciter ad Astronomiam applicuit, ut non tantum ex data Anomalia media veram directe & Geometricè invenerit, sed omnium Planetarum Orbitas tum quoad figuram & situm, tum quoad magnitudinem (assumptâ Orbitâ Telluris pro mensura) determinaverit. Attamen *Astronomiæ ad hærentem* *ἡγυμνευμένης* *labem* minime *delevit*: Ista enim solvit Problemata Astronomica non in genuino & vero Systemate, in quo ad eorum solutionem Geometras provocaverat *Keplerus*; sed in vicario & ficto, licet vero proximo. Maximi tamen est usus Astronomiæ suæ Methodus: cum enim Planetarum ellipticæ Orbitæ non sint admodum excentricæ, sed ad circulos fere accedant, neque *Wardi* hypothesin, in qua motum circa Focum à Sole diversum statuit æquabilem, ab accurata multum abluet; & ad determinandas quamproxime Planetarum Orbitas conducet plurimum, quæ (repetendo calculum, ut inferius ostendetur) poterunt denuo accuratiores ad libitum reddi.

Verum quidem est Clariss. *Ismaelem Bullialdum* in *Astronomia Philolaica*, dum Planetam quemque in Ellipsi moveri statuit, & Ellipsin hanc ita ex Cono secat, ut Coni axis per Ellipseos umbilicorum alterum transeat, & denique dum *Cap. xv. Lib. I. motum Planetæ æqualem* ponit *circa Centrum* & in circulis *basi Coni æquidistantibus*; æquabile incrementum angulorum ad Focum à Sole diversum, (illum nempe per quem Coni axis transit,) hoc est, *Wardi* Hypothesin nescientem supposuisse: neque hoc prius agnovit quam Cl. *Wardus* in Astronomiæ illius fundamenta inquireret, in cuius *Inquisitionis Cap. I.* istud demonstrat. *Bullialdus* igitur ipse, qui *Kepleri* propter errores suos & defectus in Geometria miseretur, vicissim ab *Acutiss. Wardo* pœnas luit, dum hic ostendit *Bullialdo* (præter errores aliquammultos quos admissos ingenue fatetur in *Astron. Philolaic. Fundament. Assert. contra S. Wardum*) suam Hypothesin sibi minime fuisse perspectam, dum motum æquabilem circa Ellipseos Focum à Sole diversum inscius supponit; quam tamen si expresse agnovisset, maximam Astronomiæ suæ partem felicius multo & facilius absolvisset.

Sed & *Comes Paganus* hanc ipsam hypothesin, motus nempe angularis æquabilis Planetæ circa Ellipseos Focum à Solis loco diversum, pro vera & genuina serio arripuit, & *Planetarum Theoriam* huic superstructam *Parisiis* Anno MDCLVII. Gallico idiomate edidit; dissensumque ejus à Cœlo, qui in Octantibus ab Apudibus est maximus, in Observatorum errores audacter rejicit ad finem suæ Theoriæ. Et licet *Pagani Theoria* hæc *Wardi Astronomiæ Geometricæ*

metricâ posterior sit anno integro, & tribus minimum annis *Inquisitione in Bullialdi Astr. Philol. Fundamenta*, (ubi Astronomiæ suæ omnis fundamenta jecerat, & Problemata præcipua construxerat;) tamen ulterius non pergit *Paganus*, quam ad Planetæ locum in sua Orbita data ad tempus assignatum ejusque à Sole distantiam determinandum, hoc est, ipsa Astronomiæ principia stabilienda; omisâ omni Astronomiâ comparativâ, in qua, per Geometriam excolenda, operam tam pulchre collocaverat Celeb. *Wardus*.

PROPOSITIO VI.


Positâ approximatione modo descriptâ pro satis accurata, (id est, in Hypothesi Wardi,) ex data Anomalia media Anomaliâ coæquatâ & Planetæ à Sole Distantiam invenire in Orbita data.

Proponatur ALP Planetæ Orbita elliptica circa Solem in s tanquam Focum constituta; hujus Aphelium sit A, Perihelium P, Axis major AP: ex data Anomalia media AFL angulo invenienda est Anomalia coæquata, nempe angulus ASL, & Planetæ in L Distantia à Sole, sc. SL; hoc est, hujus rectæ ratio ad FS vel AP.

Producatur FL ad B, ut sit LB æqualis LS; & jungatur BS. Et quoniam (per *Prop. LII. Lib. III. Conic. Apollonii*) FL & LS simul æquantur axi AP, erit FB eadem AP æqualis. Adeoque in triangulo BFS datis lateribus BF, FS cum angulo intercepto BFS, Anomaliæ mediæ datæ AFL complemento ad duos rectos aut ad quatuor, (prout L est in primo vel secundo Anomaliæ semicirculo;) innotescant anguli FSB & FBS, five LSB, quorum differentia ASL est Anomalia coæquata quæsitâ. In triangulo porro LFS ab initio dantur angulus LFS & latus FS, & nunc inventus est angulus FSL, adeoque & reliquus FLS; invenietur ergo latus LS in partibus datæ distantiae Focorum SF; hoc est, Planetæ à Sole Distantia. Q. E. F.

In quærendis angulis FSB, FBS in triangulo BFS, ex datis BF, FS cum angulo BFS; fit (per vulgatum Trigonometriæ canonem) BF & FS simul ad BF dempto FS, sicut tangens semissis angulorum B & FSB ad tangentem semissis differentiæ eorundem. Sed BF & FS simul æquantur ipsis AP & FS simul; & BF dempto FS æqualis AP dempto FS, five bis SP; & summa angulorum B & FSB æqualis externo AFL, nempe Anomaliæ mediæ; illorum vero differentia æqualis FSL Anomaliæ coæquatæ. Et igitur summa ipsarum AP & FS est ad 2 PS, five illius semissis SA ad hujus semissem PS; hoc est, distantia Planetæ aphelios ad ejusdem distantiam perihelion, ut tangens dimidiæ Anomaliæ mediæ ad tangentem dimidiæ Anomaliæ coæquatæ: in qua analogia primi duo termini sunt constantes in dato Planeta.

Simili



Simili modo ex data Anomalia coæquata invenietur media. Quod si non Anomalia coæquata ASL datæ mediæ AFL congrua quærat, sed angulus FLS , (*Æquatio Elliptica* dicta;) erit hic duplus anguli FBS prius inventi. Hic vero angulus subtractus ab Anomalia mediæ AFL , Planetâ ab Aphelio ad Perihelium descendente, five in primis sex Anomaliæ Signis, relinquit coæquatam ASL : additus vero Anomaliæ mediæ in ultimis sex ejusdem Signis coæquatam conficit; unde & *Prosthaphæresis* dicitur.

PROPOSITIO VII.

Approximationis præcedentis correctionem à Cl. Ismaele Bullialdo adductam applicare; & quomodo (eâ posita) Anomalia coæquata & Planetæ Distantia à Sole inveniantur, ostendere.

Cl. Ismael Bullialdus, dum *Astronomiam Philolaicam* tuetur adversus *Wardum* in Libro cui titulus *Astronomiæ Philolaicæ Fundamenta explicata*, Cap. I. & II. ex quatuor observationibus à *Tychone* factis ostendit Hypothesin modo descriptam *Wardi* Marti non convenire, sed in primo & tertio Anomaliæ mediæ quadrante Martem esse promotiorem quam pro hac Hypothese esse debet, at in quadrante Anomaliæ mediæ secundo & ultimo Martem minus esse promotum quam postulat hæc Hypothesis. At ne nunc quidem ad sagacissimum *Keplerum* respexit, secundum cujus Systema physicum rem ita se habere in omni Ellipsi oportet, & quidem in Marte sensibilibiter, (quippe cujus Orbita sensibilibiter est excentrica;) & prout ipsi numeri à *Keplero* adducti ostendunt. Sed Hypothesin *Wardi* corrigere certus, quo illi paria rependere possit, hujusmodi correctionem Anomaliæ mediæ, ut supra inventæ, Cap. IV. dicti Libri adduxit. Sit $ALBP$ Planetæ Orbita elliptica, cujus Foci, Apfides, Centrum &c. designantur iisdem literis quibus sæpius supra: Sitque angulus AFL Anomalia media in Hypothese *Wardi*; nempe angulus AFL ad quatuor rectos, sicut tempus quo Planeta percurrit arcum ellipticum AL ad integrum tempus periodicum. Et quoniam punctum L in primo & tertio quadrante Anomaliæ mediæ (hoc est, dum angulus AFL est minor recto, vel major duobus, minor vero tribus) non est tam promotum quam requirunt observationes, in secundo vero & quarto quadrante justo promotius; hoc est, quoniam AFL angulus est in primo casu parvus nimis, in secundo nimius; ideo angulum hunc ita corrigit *Bullialdus*. Per L ad AP ducatur perpendicularis AXi ; huic in E , circulo vero diametro AP descripto occurrens in G , jungatur FG ; angulus AFG pro Anomalia media assumatur loco ipsius AFL ; & angulum AFG vocat *Bullialdus*, pro jure suo, *Anomaliæ Mediæ veram*, relicto nomine *Mediæ* angulo AFL , qui Tempori est proportionalis: Adeoque locus Planetæ correctus in sua




sua Orbita erit v punctum, ubi FG Orbitæ occurrit. Angulo autem Anomalie mediæ AFL correspondens angulus Anomalie mediæ veræ AFV expedite invenitur, sumendo angulum cujus tangens est ad tangentem Anomalie mediæ, sicut major axis Ellipsis ad minorem; eritque hic is qui quæritur. Nam GE tangens anguli GFE est ad LE tangentem anguli LFE ad eundem radium FE, ut DC (sive CA) ad BC. In triangulo porro VFS (prorsus ut Prop. præced. in triangulo LFS) datis latere FS, angulo externo AFV & summâ laterum FV & VS, invenitur FSV Anomalia cœquata, & latus VS Distantia Planetæ correctæ à Sole. Q. E. F.

Atque hæc est *Wardi Hypotheseos* correctio à *Bullialdo* adducta, satis quidem felix si pro correctione approximationis ad verum Systema tantum habeatur, prout decet; quippe quâ effecit ut vel tandem ex Anomalia media colligeretur cœquata à priori, simulque calculus satisfaceret observatis, quod ante eum (ex N. Mercatoris sententia) in *Hypothesi Elliptica præstiterat nemo*. At cum illam pro vero & genuino Systemate venditat *Bullialdus*, & illius causas Physicas (Cap. III. & IV.) suo more ex *Cono* petit, non tantum Astronomiæ suæ *Philolaicæ* Fundamenta inexplicata relinquit, sed & quasi nulla prorsus forent Physica Astronomiæ fundamenta disputat.

PROPOSITIO VIII.

Describere Orbitam, in qua Planetam circa Solem deferri censet *Celeb. Astronomus* Dominicus Cassini, ejusque cum Causis Physicis & Phenomenis convenientiam & discrepantiam explicare.

Circuli AKBH diameter AB dividatur bifariam in c puncto, per quod ducatur recta indefinita DE ad AB normalis. Dividatur rursus AB in G, ita ut AG sit ad GB sicut Planetæ (cujus Orbita est describenda) Distantia à Sole aphelios ad Distantiam perihelion; & capiaturs CF æqualis CG. Ex F ad AB erigatur normalis FH circulo occurrens in H. Centro F distantia FH describatur circulus secans indefinitam DE in D & E punctis, quæ erunt extrema minoris Axis Orbitæ describendæ. Ad inveniendâ reliqua ejus puncta ducatur per F utcunque recta IFK circulo in I & K occurrens. Centro F distantia IF vel KF describatur circulus; centroque G distantia æquali alteri rectæ IFK segmento, nempe KF vel IF, alter circulus; Horum circulorum intersectiones L, L, L, L erunt ad Orbitam. Atque hoc modo, propter binos super utroque centro circulos, quatuor Orbitæ puncta eadem operâ determinantur. Similiter alia atque alia illius puncta determinabuntur, aliam atque aliam ducendo rectam per F transeuntem & à circulo utrinque terminatam. Quoniam rectangulum



gulum sub segmentis rectæ per punctum F ductæ & à circulo terminatæ datum est, nempe rectangulo sub AF , FB (per Prop. xxxv. Elem. III.) æquale; patet rectangulum sub rectis FL , GL à punctis F & G ad quodvis curvæ ALB punctum L ductis etiam dari, & rectangulo sub AF , FB vel sub AG ; GB æquari; & ideo esse AG ad GL sicut FL ad GB vel FA . Sicut in Ellipfi vulgari summa rectarum à duobus Focis ad punctum quodvis in circumferentia inclinatarum data est, ita rectangulum sub rectis à punctis F & G ad quodvis in curvæ $ADBE$ punctum ductis datur, unde & punctis hisce F & G Focorum nomen indidit D. Cassinus.


Curvam hanc vult esse Planetæ Orbitam, quam ita circa Solem in Foco G positum percurrit, ut anguli ad alterum Focum F proportionales sint Temporibus; quem proinde Focum seu Centrum medii Motûs appellat, sicut alterum G Motûs veri, ubi Solis Mundi-que Centrum locat. Unde Planetæ distantia quælibet binæ à Foco veri Motûs sunt reciproce ut ejusdem distantia à Foco Motûs medii. In Orbita hac ex data Anomalia media, nempe angulo AFL , Anomalia vera AGL determinatur, si in triangulo LFG ex datis basi FG alteroque angulorum adjacentium LFG , (ipsius AFL Anomalie mediæ complemento.) & rectangulo sub reliquis duobus lateribus FL , LG comprehenso inveniantur reliqua.

Hypothesis hæc *Cassiniana*, in *Tractatu de Origine & Progressu Astronomiæ* breviter tradita, hoc habet commodi, quod dum angulus AFL est Anomalia media, Area ALG est etiam Anomalia media; sive quod AFL angulus est ad quatuor rectos, sicut Area ALG ad integram Ovalis $ADBE$ aream; uti inferius demonstrabitur. Et igitur Planeta curvam ALD ut hic supponitur, describens (nempe ut ducta FL ubique ad Planetam, angulus AFL sit Tempori proportionalis) isti etiam legi Prop. XI Lib. I demonstratæ obtemperat, ut area ALG , quam radius vector GL è Sole exiens verit, sit etiam Tempori proportionalis. Unde, urgente Vi Centripetâ versus Solem, cujusdam certi generis (cujus lex per Corol. Prop. xxxvii Lib. I. innotescet) Planeta Orbitam $ADBE$ circa Solem describeret, ita ut angulus AFL æqualibus Temporibus æqualiter augeatur. At supra descriptæ *Wardis* & *Pagani* Hypotheses sunt physice impossibiles: Impossibile utique est ut Planeta, quâcunque Vi Centripetâ ad Solem tendente agitetur, Ellipseos vulgaris perimetrum describat, ita ut anguli ad Focum (à Sole diversum) sint Temporibus proportionales. Nam hoc posito, areæ ad Solem non essent Temporibus proportionales, ut supra ostensum; quod tamen necessario fit; ut Prop. XI Lib. I. demonstratum est.


Demonstrabimus autem quod in Figura supra descripta $ADBE$, aucto angulo AFL æqualibus incrementis LFM , MFN , Area ALG incrementa simul facta, nempe LMG , MNG , etiam æqualia sunt.

Rectæ FM , GL se interfecent in V , rectæque FN , GM in T . A puncto L ad FM demittatur normalis LO , ab M ad FN recta MP ,
 E c &

& in LG recta MR ; ab N denique in MG normalis NK . Concipiuntur porro anguli LFM , MFN minimi, unde anguli LGM , MGN minimi erunt: ideoque rectæ FL , FM , FN erunt fere inter se parallelæ, sicut & GL , GM , GN ; curvæque pars LMN à recta non abludet. Unde triangula LVM , MTN rectilinea sunt & æquiangula, & proinde similia. Et ob æquales angulos LFO , MFP , triangula rectangula LFO , MFP etiam sunt similia; & igitur FL est ad FM ut LO ad MP . Et ob similia triangula LVM , MTN , LO est ad MP ut MR ad NK : Unde (per *Prop. XI. El. v.*) FL est ad FM ut MR ad NK . Sed, ut prius ostensum, ex natura hujus figuræ est FL ad FM ut GM ad GL ; & igitur GM est ad GL ut MR ad NK : Et proinde trilinea LMG , MNG (quippe quorum bases sunt altitudinibus reciproce proportionales) æqualia sunt. Quoniam autem simul incipiunt angulus AFL & area ALG , nempe cum Planeta Aphelium A tenet; & labente tempore, aucto illo per minimos æquales angulos augetur & hæc per minimas æquales arcus, donec, Planetâ ad A reverso, ille adæquet quatuor angulos rectos, hæc integram arcum Ovale; patet quod ubicunque reperiat Planetâ, (ex mente *D. Cassini* in hujusmodi Orbita motus,) v. g. in L , esse angulum AFL ad quatuor rectos sicut area ALG ad integram figuram $ALDBE$. *Q. E. D.*



Prædicta vero Hypothesis in eo laborat, quod Anomalia vera, & congrua Anomalia media Planetæque Distantia à Sole Phænomenis Cœlestibus minime quadrent. Cum enim Ellipsis vulgaris & Phænomenis & causis physicis congruat, altera illa *Cassiniana*, cujus diversa est natura, illis congruere nequit. Ut enim de rationibus physicis taceamus, alius erit, ad tempus datum, Planetæ locus in Ellipsi vulgari $AYBZ$, alius in Orbita *Cassiniana* $ADBE$, iisdem verticibus A , B iisdemque Focis F , G descripta, tum quoad Anomaliæ veram sive angulum cum AB ad G contentum, tum quoad Distantiam à Sole respectu Apheliæ distantia GA . Et licet in Orbitis, quarum Excentricitas est admodum parva, differentia non sit valde sensibilis; ubi Excentricitas est magna, res aliter se habet. In priori casu ipse circulus $AQBX$ diametro AB descriptus Phænomenis fere satisfacit. Omnes tamen Astronomi hodie agnoscunt Orbitam circularem esse circa medias longitudes, ut Q & X , latam nimis; Orbitaque hæc *Cassiniana* $ADBE$ è contrario peccat gracilitate nimia in iisdem locis. Ponatur ex. gr. Ellipsis vulgaris



vulgaris $AYBZ$, cujus major Axis est minoris sesqui-quartus: Iisdem verticibus & focus descripta intelligatur Orbita *Cassiniana* $ADBE$; deficit hujus minor Axis DE à veræ Orbitæ ellipticæ minore Axe YZ plusquam hujus triente, cum interim Orbitæ circularis latitudo QE minus excedat YZ ; ejus nempe tantum quadrante. Orbita igitur hæc licet ingeniose admodum excogitata, & *Wardi* hypothesin (calculo aptissimam) de angulis ad Focum à Sole diversum tempore proportionalibus conjungens cum vero illo Planetarii motûs symptomate, (nempe quod area per radium vectorem descripta sit tempore proportionalis;) cum tamen neque Rationes Physicæ respondeant, (ad illam enim describendam opus esset Vi Centripetæ ad Solem abhorrente ab illa per rerum naturam usurpata, quæ, alterius omnis virtutis naturalis, à centro vel ad centrum, in lineis rectis per regiones in circuitu propagatæ instar, est ut quadratum distantiae à centro inverse;) neque Orbita Phænomenis observatisque Cœlestibus congruat, propter minoris Axis brevitatē, Orbisque medii gracilitatem inde ortam; Orbita, inquam, hæc ex Astronomia est rejicienda.

SECTIO II.

*De Telluris Orbita determinanda, & Theoria Telluris
è Sole visæ, sive Solis è Tellure.*

PROPOSITIO IX.

Orbis Telluris Speciem, & Positionem Axis; Telluris item Tempus periodicum per observationes definire.

Cum Libro hoc propositum sit Orbitalium Planetarum primariorum circa Solem ordinarum Species determinare, & illarum Positionem ad se invicem ex observatis colligere; oportet ab Orbita Telluris circa Solem ordiri, tum quod hæc eadem sit cum illa quam Sol tempore annuo circa Tellurem peragrarè videtur, tum præcipue quod hujus Species & Positio requirantur ad similia in reliquis determinanda. Nam cum observantis oculus simul cum Tellure deferatur, hujus Viam oportet omnium primum cognitam habere, si aliorum Planetarum Vias perspectas volumus.

Observetur Solis motus apparens in Ecliptica cum hic velocissimus est; hoc est, cum dato temporis spatio maximum arcum versus ortum conficit; in isto enim casu (per Corol. 2. Prop. XII. Lib. 1.) Tellus est in Perihelio P : cum vero motus iste deprehenditur tardissimus Tellus est in Aphelio A . At loco Solis è Tellure observato plane oppositus est Terræ locus è Sole visus, & igitur habetur locus Eclipticæ è Sole visus Aphelii & Perihelii Telluris; hoc est, Positio lineæ Apſidum Terræ. Sed Lib. II. ostensum est quomodo Fixarum loca Eclipticæ respectu, hoc est, Eclipticæ cardines reliquaque puncta Fixarum respectu determinari possint, unde lineæ Apſidum

tertio repetatur. Et ex locis sic inventis & tempore interjecto æstimabitur Tempus ipsius Æquinoctii.

In hoc Problemate & hujusmodi observationes Solis corrigendæ sunt (ut semper) per Parallaxin & Refractionem congruam, reliquæ cavenda quæ calculum incertum redderent; v. g. observationes binæ ad easdem partes Temporis definiendi; sed potius duæ observationes seligendæ erunt, quarum altera Æquinoctium præcedit, altera sequitur.

PROPOSITIO XI.

Tempus Solstitii utriusvis determinare.


Quoniam Tropicus tangit Eclipticam in puncto Solstitii, Tropici & Eclipticæ portionem exigua prope Solstitium referet schema annexum; ubi TR est Tropicus; EC Ecliptica illum in Solstitii puncto s contingens; & rectulæ dl, dl ad TR normales repræsentant deviationes punctorum Eclipticæ l, l à Tropico, sive Declinationis eorundem mutationes: In quo casu rectulæ dl, dl sunt (per Prop. xxiv. Lib. I.) ut quadrata arcuum sl, sl , vel hisce proxime æqualium rectarum sd, sd respective. Unde Eclipticæ portio exigua prope Solstitium s sensibilibiter non abluet à Parabola ESC ; figura nempe, cujus ea est proprietas, ut sit dl ubique ut quadratum rectæ sd respective. Rursus, arcus sl, sl sunt ut tempora quibus illi à Sole describuntur: nam quoniam Orbitæ Ellipticæ, quam Sol ad sensum describit, Apides prope Solstitialia puncta hoc tempore hærent, Solis motus apparens erit ibi æquabilis; hoc est, arcus sl, sl ut tempora quibus describuntur. Ex quibus tandem conficitur Eclipticæ portionem prope Solstitium (puta quam Sol decem plus minus diebus percurrit, quinque nempe ante Solstitium totidemque post) minime discrepare à Parabola sll , in qua abscissæ sp, sp sunt defectus Declinationis Solis quovis momento à Declinatione maxima: & consequenter harum differentiæ pp, pp sunt ut ipsarum Declinationum differentiæ; hoc est, ut intervalla Altitudinum Solis supra Horizontem (vel distantiarum ejusdem à Vertice) in Meridiano vel alio quovis verticali: & ordinatim applicatæ pl, pl sunt respective ut tempora quibus Sol prædictas Declinationes acquirit, harumque intervalla ut intervalla illarum.

Hiscæ demonstratis, erigatur Gnomon AB , cujus umbra facta à Sole prope Solstitiorum alterutrum constituto & in planum CD (cui fere perpendicularis est recta BH Solem & Gnomonis verticem B connectens) excepta signat punctum H : Et interjectis aliquot diebus (v. g. 3 aut 4) observetur rursus punctum ubi apicis B umbra cadit, Sole eundem tenente verticalem; sitque illud F : Ac postea similis repetatur observatio, & punctum notatum sit G . E datis tri-

bus punctis H, F, G inveniendum est Tempus ipsius Solstitii. Patet rectas HF, GF esse intervalla distantiarum Solis in eodem verticali ab Horizonte, vel à Vertice; (hoc est, per supra ostensa, mutationes Declinationis.) Nam FGH minime differt ab arcu circuli centro B distantia BG descripti, quia FBG, HBG anguli sunt admodum parvi. Et si loco plani CD, cui BG est normalis, umbra excipiat in aliud quodvis planum CE ad CD inclinatum angulum DCE non admodum magno, ex. gr. in punctis h, f, g; rectæ hf, gf eandem fere habebunt inter se rationem quam HF, GF, quia rectæ fF, gG, hH sunt fere parallelæ; quippe quæ concurrunt non nisi ad B punctum satis diffusum respectu distantiarum fF, gG, hH. Problema igitur de inveniendis Solstitio ex datis punctis F, G, H, & Temporis momentis quando Sol in eodem verticali positus puncti B umbram ad ista projicit, ad sequens Problemata pure Geometricum reducit.

Trium rectarum parallelarum AB, TY, ES in eodem plano jacentium datis mutuis distantibus AT, TE; describere Parabolam KLM, cujus axis CVD est ipsis AB, TY, ES parallelus, illas secantem in punctis K, L & M, ita ut ductis ad axem ordinatis KH, LF, MG, interceptæ axis portiones FG & FH sint rectis datis æquales.

Ita enim fiet, ut (si FG & FH æquales fuerint ipsis FG, FH per supra descriptam observationem signatis, & ratio AT ad TE eadem cum ratione Temporis inter observata puncta H & F, ad Tempus inter observata puncta F & G) KH, LF, MG respective repræsentent Tempora inter observationes punctorum H, F & G, & ipsum Solstitii momentum; id est, ut punctis A, T & E repræsentantibus Temporis momenta quibus observata est Gnomonis umbra in punctis H, F & G, punctum C repræsentet ipsum Solstitii momentum. Vocetur linea AT, a ; TE, b ; FH, c ; FG, d ; TC, x . Unde AC five KH = $a + x$, & EC five GM = $b - x$. Parabolæ latus rectum principale vocetur r . Erit per Parabolæ naturam $x^2 = VF \cdot r$, adeoque $VF = \frac{x^2}{r}$. Similiter est $VH = \frac{a^2 + 2ax + x^2}{r}$, & $VG = \frac{b^2 - 2bx + x^2}{r}$. Quare $c = (FH = VH - VF) = \frac{a^2 + 2ax}{r}$; & $d = (FG = VG - VF) = \frac{b^2 - 2bx}{r}$. Rejctisque, ope duarum harum æquationum, ipsa r ; invenietur $\frac{a^2 + 2ax}{c} = \frac{b^2 - 2bx}{d}$. Ordinatique æquatione ut vulgo, fiet quæsitæ $x = \frac{b^2c - a^2d}{2ad + 2bc}$; hoc est, spatium temporis interjectum inter notum momentum



momentum per T repræsentatum, (quando nempe Gnomonis umbra in F observata est,) & momentum Solstitii quæsitum: Unde dabitur ipsum Solstitii Tempus. Q. E. F.

Quod si quærat Tempus interjectum inter observationem umbræ in H & ipsum Solstitium, ipsi T.C. modo inventæ addatur AT, fietque quæsitæ $AC = (a+x) = \frac{b^2c+2abc+a^2d}{2ad+2bc}$. Pari modo erit $EC = (b-x) = \frac{b^2c+2abd+a^2d}{2ad+2bc}$. Si vero is sit observationum ordo, ut observatio umbræ Gnomonis in F sit exacte media inter ejusdem observationes in H & G; hoc est, si $AT=TE$, five $a=b$, æquatio paulo simplicior fiet; erit nempe distantia Temporum Solstitii & observatæ umbræ in F æqualis $\frac{ac-ad}{2d+2c}$, Solstitii distantia à Tempore observationis umbræ in H æqualis $\frac{3ac+ad}{2c+2d}$, & à momento observationis umbræ in G æqualis $\frac{ac+3ad}{2c+2d}$; hoc est, in schemate, sicut $2FH+2FG$ ad GH , five $4HF-2GH$ ad GH , five $2HF-GH$ ad $1GH$, ita semissis Temporis inter primam observationem umbræ in H & ultimam ejusdem in G versantis ad tempus interjectum inter observationem mediam umbræ in F & ipsum Solstitii momentum quæsitum.

Primus modum hunc Solstitiorum Tempora determinandi excogitavit & publico impertivit Acutiss. Ed. Halleius in *Transact. Philos.* ineunte Anno 1695, & exemplis Solstitiorum binorum, per observationes *Waltheri & Gassendi*, ex hoc definitorum illustravit; ubi etiam in praxi advertenda quædam notat de Gnomonis situ & figura commoda, de Umbræ accurata observatione aliisque.

PROPOSITIO XII.

Anni Vertentis quantitatem definire.

Cum Annus vertens five Tropicus sit Temporis spatium quo Anni tempestates eadem denuo redeunt; hoc est, quo Sol ab aliquo Eclipticæ puncto (puta illo in quo Tropicum contingit) digressus ad idem revertitur; patet ejus quantitatem definiri, si Sol bis in eodem Eclipticæ puncto observetur, (v. g. bis in eodem Æquinoctio per Prop. x, aut in eodem Solstitio per xi,) & tempus interjectum dividatur per numerum revolutionum Telluris circa Solem interea factarum. Si quis sit error in Æquinoctii vel Solstitii momento definiendo, ne hic Anni Tropici mensuram turbet, convenit Solstitia vel Æquinoctia adhibere quam fieri potest maxime inter se distantia, ut error in plures partes discriptus (divisione factâ per magnum revolutionum interjectarum numerum) insensibilior evadat.

Sed quoniam Solstitiorum Tempora difficulter discerni Veteribus videbantur, ut ipse *Ptolemæus* ait, qui propterea *Metonis & Eudæmonis* ipsiusque *Aristarchi* Solstitia prætermisit; quod & Recentioribus usque adco verum est visum, ut *Ricciolus* asseruerit *Ptole-*

mæum

meum nimis confidenter sperasse in Solstitialibus nec se nec *Archimedes* in observatione atque computatione ad quartam usque partem dici errasse; & *Hevelius* Cap. iv. *Prodr. Astron.* dicat *Solstitia, licet optimis & maximis instrumentis etiam ab omnium exercitissimo observatore sint deprehensa, nequaquam profecto posse in ipsis minutissimis particulis determinari*: Astronomi adhibuerunt *Æquinoctiorum* observationes, quorum momenta accuratius definienda crediderunt, propter magnam & sensibilem circa *Æquinoctiorum* tempora Declinationis Solis mutationem. Verum Solstitiorum tempora, methodi præcedentis ope, saltem æque accurate ac ipsorum *Æquinoctiorum* deinceps determinari possunt.

Loco quod Sol nunc tardius nunc celerius moveri videtur, (pro varia nempe velocitate Telluris circa Solem,) si concipiatur æqualiter moveri, ita ut tempore per Prop. hanc definito *Eclipticam* percurrat; talis Motus aptissimo nomine dicitur Solis *Motus Medius*, (quippe inter celerissimum & tardissimum revera talis,) & locus quem Sol sic motus teneret, ejus *Locus Medius* appellatur.

PROPOSITIO XIII.

Anni Syderei quantitatem definire.

Comparando locum quem data Fixa olim in *Ecliptica* tenebat. cum illo quem nunc tenet, inveniatur *Præcessio Annua* *Æquinoctiorum*; hoc est, quantum quodlibet *Eclipticæ* punctum à data Fixa versus Occasum spatio unius Anni recedit, quod Lib. II. Prop. xxxi. factum est: Et (per Prop. præced.) determinetur Temporis spatium requisitum ut Sol arcum *Eclipticæ* inventæ *Præcessionis* æqualem faciat. Hoc ergo quantitati Anni Tropici additum dat quantitatem Anni Syderei, constantis nempe ex Anno Tropico, quo Sol ab *Eclipticæ* puncto digressus ad idem sibi interim paululum obviam factum revertitur, & illo præterea quo Sol describit arcum istum per quem dictum *Eclipticæ* punctum Soli interim obviam est factum; hoc est, quo Sol à puncto immoto (Sydere v. g. Fixo) digressus ad idem denuo reverti videtur.

PROPOSITIO XIV.

Ex datis tribus Solis Locis, Prop. xx. Lib. II. definitis, & Telluris Tempore Periodico, proxime æquali Anno Syderico per Prop. præc. definito, Orbitæ Telluris Speciem, Lineæ Apseudum Situm & Tempus quo Tellus Apbelium tenebat invenire.


Methodi Prop. ix. traditæ Speciem & Positionem Orbitæ Telluris inveniendi observationes requirunt usque adeo accuratas, ut praxi minus sint idoneæ: sequentem ergo usibus Astronomicis accommodatiorem hic apponimus. Dentur tria Solis Loca observata, nempe cum Tellus est in tribus Orbitæ suæ punctis B, C, D. Habentur igitur positione tres rectæ SB, SC, SD, sive tres anguli ASC, CSD, ASD. Et ex periodo Telluris data & Temporibus inter observatio-

nes

nes datis, dantur rationes inter Aream totam Ellipseos $ACPB$ & ejusdem partes BES , CDS & BDS . Problema igitur eo reducitur, ut describatur Ellipsis super Focum datum s talis, ut tota ejus Area sit ad ejus partes sub rectis positione datis SB , SC , SD & curva Elliptica comprehensas, in datis rationibus.

Intelligatur AP Orbita Telluris, cujus Foci s & F , Aphelium A , Perihelium P . Porro, centro s semidiametro æquali Axi majori descriptus concipiatur circulus, cujus circumferentiæ occurrant rectæ SB , SC , SD productæ in R , Z & Y .

Jungantur rectæ FB , FC , FD , FR , FZ , FY ; quarum una ZF producatur donec iterum peripheriæ occurrat in G , & jungantur RG , GY , YZ , ZR . Si $ACDPB$ sit vera Telluris Orbita, erunt (per Prop. V.) anguli BFC , CFD , BFD respective ad quatuor rectos quamproxime ut Tempora inter observationes ad Tempus periodicum: & vicissim, si dicta ratio obtineat in angulis hisce, $ACDPB$ est Telluris Orbita quæ-



sita. Istud igitur restat faciendum, ut ex datis, præter angulos BSC , CSD & BSD , rationibus angulorum BFC , CFD & BFD ad quatuor rectos Positio rectæ sf vel AP & Ellipseos Species inveniantur.

Quoniam dantur anguli RSZ , ZSY , RSY , nempe differentie Longitudinum observatarum, & anguli BFC , CFD , BFD ; nempe Motus Terræ medii fere pro temporum spatiis inter observationes interjectis; ideo dantur & RFZ , ZFY , RFY arithmetice proportionales inter BFC & RSZ , CFD & ZSY , BFD & RSY respective. Nam quia SR æqualis est AP per constructionem, & summa rectarum SB & BF eidem æqualis, (per Prop. LII. Lib. III. Conicorum Apollonii,) erunt BR , BF æquales; similiterque ostendentur CZ , CF , item rectæ DY , DF æquales. Unde æquales erunt BRF & BFR ; CZF & CFZ ; item DYF & DFY . Sed angulus $BFC = RFZ + BFR + CFZ$; & $RFZ = RSZ + BRF + CZF$. Quoniam igitur BFC tantum superat RFZ , quantum hic angulum RSZ ; patet hos esse arithmetice proportionales. Similiter sunt CFD , ZFY , ZSY ; item anguli BFD , RFY , RSY arithmetice proportionales. Porro, in triangulo YFG dantur omnes anguli; nempe YFG æqualis complemento ad duos rectos anguli YFZ , medii nempe arithmetici inter notos CFD & CSD , & YGF semissis observati ZSY : Et igitur posito YF partium quocunque ad libitum, dabitur FG in iisdem partibus. In triangulo RFG datis omnibus angulis (nempe RFG complemento ipsius ZFR ad duos rectos & FGR semisse anguli ZSR) & latere FG , dabitur FR . Et in triangulo YFR datis FY & FR & angulo YFR , (quippe medio arithmetico inter BFD & BSD ,) dabitur YR & anguli FRY , FYR .

Ff

Deinde,

Deinde, in triangulo isoscele YSR dantur omnes anguli (quia datur YSR ad trianguli verticem) & YR ; dabitur ergo YS . Denique in triangulo FYS datur angulus FYS (intervallum nempe notorum rys, rYF) & latera FY, YS ; invenietur ergo angulus YSF & latus SF : Sed datur rectæ YS Positio, nempe Locus Solis in tertia observatione, cum Tellus esset in D ; dabitur ergo Positio lineæ Apfidum AP , quippe in noto angulo YSF inclinata ad YS positione datam. Sed in iisdem partibus, in quibus exprimitur YS , inventa est recta SF ; datur ergo ratio inter YS vel huic æqualem AP Orbitæ Axem majorem & SF Distantiam Focorum; id est, Species Orbitæ. Neque ex observationibus aliud quidvis determinari potest: quælibet enim Orbita Elliptica ipsi $ACDP$ similis, Foco s descripta, cujus Axis major positio est idem cum SF recta, propositis observationibus faciet fati. In triangulo porro DFS datis latere SF , angulo DSF & angulo SDF , duplo ipsius SYF modo inventi, invenitur DFS , & proinde huic deinceps DFA . Tempus vero quod est ad integrum Tempus periodicum ut angulus DFA ad quatuor rectos, illud est quod interjicitur inter momentum observationis in D & momentum quo Tellus Aphelium tenebat: hoc igitur innotescit.

Methodus Orbitæ Speciem & Lineæ Apfidum Positionem determinandi, hic tradita, alteri cuivis Planetæ circa Solem delato æque ac Telluri competit, modo suppetant tres observationes tantundem facientes in altero isto Planeta, atque tres hic adhibitz in Tellure.

PROPOSITIO XV.

Positionem Lineæ Apfidum & Orbitæ Speciem supra determinatas ad libitum corrigere.

Sumantur Lineæ Apfidum Positio & Orbitæ Species per præcedentem inventæ pro veris & accuratis, (neque enim multum inde abludunt per Prop. v.) ex quibus & Tempore periodico temporibusque inter observationes datis inveniantur anguli correcti ad F , temporibus observationum in punctis B, C & D factarum congruentes; & quidem si primam tantum Correctionem (*Bullialdi* nimirum) adhibere libet, hoc fiet per Prop. vii; ad quantam libet vero exactitudinem procedere licebit per Prop. iv. Per angulos istos sic correctos, loco priorum qui simpliciter temporibus proportionales erant; id est, in Phrasi Astronomica per angulos Anomaliz mediæ sic æquatos, loco angulorum Anomaliz mediæ simplicis prius adhibitorum, repetatur calculus Prop. præc invenianturque Positio Lineæ Apfidum & Orbitæ Species, quæ erunt accuratiores.

COROLLARIUM.

Hinc Apfidum Orbitæ Telluris Motus determinabitur: Comparando nimirum Locumquem Aphelium nunc tenet, cum Loco quem ante plura sæcula tenebat, (quorum uterque per Prop. xiv. invenitur, & per Prop. xv. corrigitur,) & arcum à dicto Aphelio interea factum dividendo per Annorum intermediarum numerum, prodibit Aphelii Motus Annuus, qui ad Anni partes etiam extendetur.

PRO-

PROPOSITIO XVI.

Ad datum Tempus Telluris Locum è Sole visum, ejusque à Sole Distantiam invenire.

Specie Orbitæ Telluris & Aphelii loco ad quodvis Tempus cognitum per ultimas duas Propositiones definitis, quærat^r Aphelii locus ad Tempus datum: nempe si hoc sit posterius Tempore ad quod Aphelii locus fuit determinatus, addatur motus Apfidum interea factus, per Prop. præc. Corollarium definitus, ad Aphelii locum prius definitum; vel ille ab hoc auferatur si Tempus datum prius fuerit, conficieturque Aphelii Locus ad Tempus datum. Determinetur porro (per Prop. XIV.) Tempus quo Terra aliquando Aphelium tenuit, cumque per XIII. innotescat Telluris Tempus periodicum; inde innotescet Tempus quo proxime ante Tempus propositum Tellus Aphelium tenebat, & proinde nota est ratio inter Tempus Terræ periodicum & Tempus elapsum à proximo Aphelio; hoc est, in figura ATP , Orbitam Telluris referente, ratio integræ Ellipseos ad aream ATS : Et proinde (per Prop. III, IV, VI vel VII.) innotescet AST angulus. Cumque rectæ AS positio nota sit, nota etiam erit positio rectæ ST ; hoc est, Telluris Locus è Sole visus. Porro, per Propositiones supra citatas, innotescit ratio rectæ TS ad AP rectam; hoc est, Distantia Telluris à Sole in partibus Axis majoris.



PROPOSITIO XVII.

Dierum Naturalium Inæqualitatem explicare, & quomodo Tempus æquetur ostendere.

Cum Astronomi munus sit Stellarum motum ostendere, & hic in Tempore fiat, nec absque illo concipi possit; Temporis vero pars maxime sensibilis fit Dies naturalis, nempe per quem sæpius repetitum Anni, per eundem divisum Horæ harumque partes fiunt; cumque in motibus supputandis Dies omnes inter se æquales supponere oporteat; quantum hoc à vero abest, tantum & motus Cœlestes è Tabulis deprompti à Phænomenis dissidebunt, nisi inæqualitatis hujus ratio habeatur. Ad hanc vero intelligendam, advertatur Diem naturalem esse Temporis spatium, quod effluit ex quo Sol datum Meridianum Cœlestem reliquit donec ad eundem revertitur; hoc est, spatium quo revolutio integri Æquatoris Cœlestis peragitur, & præterea istius ejus partis, quæ respondet Eclipticæ portioni, quam interim Sol motu Annuo in Ortum percurrit. At quia Æquatoris portio hæc, integro Æquatori superaddita, non est ubique æqualis, tam propter Eclipticæ obliquitatem, quam quod motus Solis Annuus circa Tellurem apparens æquabilis non est; neque Dies isti naturales inter se æquales erunt: Adeoque tum de-

mum forent æquales, si Sol è Terra visus motu Annuo & æquabiliter & in ipso Æquatore moveretur; patetque in isto casu, postquam integer Æquator Meridianum pertransit, relinqui quæ adhuc pertranseat portionem illam quam Sol interim motu Annuo versus Ortum conficeret, quæ semper sibi æqualis esset, cum motum hunc æquabilem ponamus; adeoque & Tempus mensurans transitum per Meridianum totius Æquatoris & portionis hujus additiæ esset sibi perpetuo æquale: Pingamus igitur Solem alium, ut dictum est, in Æquatore motum, ac proinde Tempus æquabile sive medium mensurantem: Patet differentiam Temporis, quæ intercedit inter appulsum Solis veri & ficti ad Meridianum, vel alium quemvis circulum horarium, eam esse, quæ ex Meridie apparenti faciat Meridiem medium, vel ex medio apparentem; hoc est, ipsam *Temporis Equationem*. Et quoniam Sol verus & Æquatoris punctum, ubi desinit ejus Ascensio recta, simul ad Meridianum appellant; Æquatio autem Temporis est Temporis spatium, quod labitur dum arcus Æquatoris inter extremum punctum Ascensionis Rectæ Solis veri & locum Solis ficti comprehensus Meridianum pertransit, si arcus hic convertatur in Tempus, fiet Temporis Æquatio quaesita: Porro, Locus Solis ficti tantum in Æquatore distat à puncto Æquinoctii verni, quantum locus Solis medius in Ecliptica ab eodem: & igitur prædictus arcus Æquatoris, Æquationis Temporis mensura, æqualis est differentiæ inter Solis veri Ascensionem rectam & distantiam loci medii Solis ab Æquinoctio verno. Atqui vulgo notum est differentiam duarum quarumvis quantitatum α & β æqualem esse differentiæ inter α & assumptam quamlibet x , & differentiæ inter hanc x & β simul. Assumpto igitur tertio arcu, nempe distantia veri loci Solis ab Æquinoctio verno, erit Arcus, temporis Æquationem mensurans, summa duorum arcuum, quorum alter est differentia inter Solis Ascensionem rectam ejusque locum verum in Ecliptica, alter autem differentia veri & medii Motus Solis. Accidit autem aliquando, ut duarum quantitatum differentia æquipolleat summæ illarum simpliciter sumptarum; nempe cum altera negativa est, altera positiva; Quare Arcus in tempus convertendus, ut fiat Æquatio Temporis, semper est summa vel differentia duorum arcuum, quorum alter est differentia veri Motus Solis & Ascensionis ejus rectæ, alter autem est differentia veri & medii Motus Solis. Quoniam autem Arcus hic duabus partibus constat, illas seorsim considerabimus. Ac primo abstrahamus ab inæquali motu Solis sub Ecliptica; hoc est, illum jubeamus paulisper esse æqualem; adeoque motus Solis ficti in Æquatore æqualis erit motui Solis veri in Ecliptica, sive Sol verus & fictus æqualiter distabunt ab utroque Æquinoctio. Et quoniam in primo quadrante Eclipticæ, sive ab initio γ ad initium \odot , Solis distantia ab initio γ major est ejusdem Ascensione recta; Sol fictus magis distat ab initio γ versus Ortum quam est Ascensio recta Solis veri, & igitur Sol verus citius ficto appellit ad Meridianum, quippe qui Occidentior est; hoc est, Tempus appa-

appa-

apparens præcedit medium: unde cum Sol est in primo quadrante Eclipticæ, Equationis Temporis pars illa, quæ est differentia veri Motûs Solis & ejus Ascensionis rectæ, in Tempus conversa detrahenda est ab apparenti, ut fiat Tempus medium sive æquabile. Solis vero versantis in secundo Eclipticæ quadrante Ascensio recta est major distantia Solis ab ν initio, (quoniam Ascensionis rectæ complementum ad semicirculum minus est distantia Solis ab initio ω ;) & igitur Sol fictus (qui, ex hypothesi, tantum in Æquatore distat ab initio ν , quantum Sol verus in Ecliptica distat ab eodem) minus distat ab initio ν quam Sol verus; & proinde ad Meridianum citius pertingit, & ideo Meridies medius præcedit apparentem; hoc est, Tempus medium numerat horas 12, cum apparens nondum numerat tot, licet idem sit Momentum varie appellatum. Adeoque in hoc casu, cum Sol est in secundo Eclipticæ quadrante, Equationis Temporis pars hæc (quæ ab obliquitate Viæ Solis ad Æquatorem oritur, estque differentia inter Solis Motum ejusque Ascensionem rectam in Tempus conversa) addenda est apparenti ut fiat medium Tempus, sive detrahenda medio ut fiat apparens. Quod si Sol sit in tertio Eclipticæ quadrante, idem faciendum ac si esset in primo; hic enim Distantia Solis ab initio ν major est ejusdem Ascensione rectâ, ut in primo: Et Sole in quarto Eclipticæ quadrante existente, idem obtinet quoad Equationis Temporis partem hanc ac si in secundo hæreret, ac propter easdem rationes.

Consideremus deinde Dierum naturalium Inæqualitatem ab inæquali motu Solis in Ecliptica oriundam, sive Temporis Equationem hinc ortam, sepositâ tantisper Eclipticæ Obliquitate; hoc est, considerando Solem similiter eodemque passu motum in Æquatore atque revera in Ecliptica moveri deprehenditur, hosque duos Soles verum & fictum simul ab Apogæo discedere. Cumque fictus moveatur Motu medio, præcedit ille Solem verum dum ab Apogæo ad Perigæum progreditur; hoc est, Orientalior est fictus vero: verus igitur citius ad Meridianum appellit; ergo apparens Meridies præcedit medium. Et differentia inter loca Solis veri & ficti, sive inter Motum Solis verum & medium, in Tempus conversa est Equationis Temporis ex inæqualitate hac motûs Solaris oriunda: hanc ergo Equationem, dum Sol ab Apogæo tendit ad Perigæum, sive (in phrasi Astronomica) in sex primis Anomalie Signis, detrahendum est ab apparenti Tempore ut fiat Tempus medium, vel medio addere ut ex illo fiat apparens. In Perigæo Sol verus assequitur fictum, & inde usque ad Apogæum Orientalior est: fictus ergo toto isto tempore, nempe ultimis sex Anomalie Signis, citius appellit ad Meridianum; hoc est, Meridies medius præcedit Meridiem apparentem, quanto arcus inter fictum Solem & verum in transitu per Meridianum infumit; hoc est, quantum arcus ille, nempe differentia inter Motum Solis verum & medium, in tempus conversus conficit. Hæc ergo Temporis Equationis pars in hoc casu addenda est ad Tempus apparens ut fiat medium, vel medio demenda ut fiat apparens.

Obtinente vero (quod res est) utrâque hâc *Æquationis* Temporis causâ, horum utrumque faciendum est; hoc est, ad Tempus æquandum Locus Solis dupliciter considerandus est, videlicet & in quo *Eclipticæ* quadrante versetur, ut altera *Æquationis* pars addatur vel dematur apparenti, prout supra dictum; & quo *Anomalix* femicirculo, ut ejusdem pars hinc pendens pro sua natura dematur etiam vel addatur. Atque hinc fit quod *Æquatio* Dierum naturalium (quæ ex supradictis, absolute loquendo, est *Differentia* medii loci & *Ascensionis* rectæ veri loci Solis in tempus conversâ) duabus constat partibus. Et quoniam *Æquinoctium* vernum & *Solis* *Apogæum*, harum partium capita sive initia, non eandem perpetuo inter se conservant positionem, sed illud in Occidentem latum hoc deferit, ut Lib. I. est ostensum; fit ut ex hisce conflata *Æquatio* Temporis (absoluta & unica) non sit perpetua, sed in Annis non adeo multis inutilis reddatur, Sole non amplius eundem *Anomalix* gradum occupante sive eundem respectu *Apsidum* situm, cum ad idem *Eclipticæ* punctum redit.

Supra descriptam Temporis *Æquationem* diserte demonstrat *Ptolemæus* Cap. x. Lib. III. *Magn. Constr.* quo non obstante *Vendelinus* & alii eam omnem inutilem dixerunt, & Tempus apparens & medium indiscriminatum usurpant. *Keplerus* è contra tertiam æquandi Temporis causam suspicatus est, exinde ortam quod Telluris revolutio diurna non sit prorsus æquabilis, sed intendatur & remittatur pro minore aut majore ejus distantia à Sole, motûs fonte; atque *Æquationis* partem hinc pendentem *Physicam* appellat, relicto nomine *Demonstrativæ* alteri illi superius descriptæ, ex binis partibus conflatæ. Hujus remissionis & concitationis Primi Motûs suspicionem etiam habuit *Tycho*, & hinc alteram *Æquationis* partem à Solis *Anomalia* pendentem pensari voluit; nam alteram tantum ex obliquitate *Eclipticæ* oriundam adhibuit, quamque *Empyricam* dixit, quia *Eclipsibus* à se observatis calculo subducendis sufficeret. *Streetius* vero hanc Primi Motûs inæqualitatem eam credidit, quæ sufficeret ut pars à *Tychone* neglecta sub titulo contrario usurparetur, sicut eam in *Astronomia Carolina* posuit.

PROPOSITIO XVIII.

Solis Locum à Terra visum, per Prop. XVI. inventum, corrigere.

Si datum Tempus est medium, Locus inventus nullâ indiget correctione; etenim hætenus est verus: Sin secus, Tempus apparens datum convertatur in medium (per Prop. præced.) ex assumpto Solis Loco superius Prop. XVI. invento tanquam accurato: (Etenim Solis Locus iste revera satis accuratus est ad Temporis *Æquationem* definicndam, cum hæc proxime eadem maneat, sive Locus Solis sit is qui supra est inventus, sive verus & correctissimus;) & ad medium hocce rursus (per dictam XVIII.) quærat^{ur} Locus Solis, erit sic inventus correctus & accuratus. Namque Tempus medium solum est aptum

ad

ad usus Astronomicos, unde *Astronomicum* dicitur; hoc ergo adhibendum esset: Atqui ad medium ex dato apparente determinandum Locus Solis est necessarius; ergo ille præterpropter erat prius inveniendus, Tempus apparens, quasi medium fuisset, adhibendo, ut Temporis Aequatio inveniatur. Hæc vero semel inventa, & apparente Tempore ad Astronomicum reducto, ad Tempus istud (idem quod propositum est momentum, sed numero ad ingressum in Tabulas apto expressum) quærat (per eandem Prop. XVI) Solis Locus, & Distantia Telluris à Sole, quæ patet esse vera & correctæ.

Non absimiliter Problematis hujus conversum constructur, Tempusque inveniatur, quo Sol è Tellure visus datum Locum tenebit.


SECTIO III.

De reliquorum planetarum Primariorum Orbitis determinandis, & horum cum è Sole, tum è Tellure spectatorum Theoria condenda.

PROPOSITIO XIX.

Positionem Lineæ Nodorum Orbis Planetarii, & ipsius Planetæ in Nodo versantis à Sole Distantiam per observationes determinare.

In Figuris binis ad binos casus superioris & inferioris Planetæ accommodatis referat s Solem; τ Orbitam Telluris, cujus Focus s; nn Lineam Nodorum Planetæ propositi. Sitque primum Terra in τ , & ex hac observetur Planeta in Ecliptica, ideoque in Nodo suo, puta p: nunquam enim Planeta in Ecliptica videbitur è Tellure in Eclipticæ plano versante, nisi cum in Eclipticæ plano etiam fuerit. Post integram revolutionem observetur Planeta in eodem Nodo, cum Terra ad t pervenerit. Ductæ intelli-



gantur rectæ st , pt , item st , pt se mutuo interfecantes in x puncto. In triangulo stx dantur anguli tsx ex Theoria Terræ & Tempore inter observationes interjecto, & stp observata Elongatio Planetæ à Sole, & latus st Distantia Telluris à Sole in observatione prima: invenitur ergo sx ; & ideo xt , cum data sit st Distantia Telluris à Sole in observatione secunda: Rursus, in triangulo txp datur angulus txp angulo txs in priori æqualis, & angulus stp Elongatio Planetæ à Sole secundo observata, & latus tx modo inventum; & proinde invenietur latus pt . Denique, in triangulo stp datis lateribus ts , tp , cum angulo comprehenso pts , invenietur sp Distantia

Distantia Planetæ in Nodo à Sole, & angulus $\angle sp$, quem Nodi p Locus Centricus (five è Sole visus) continet cum st positione data, nempe Loco Terræ è Sole viso tempore secundæ observationis; & huic oppositus est alterius Nodi Locus Centricus; hoc est, determinatur Positio Lineæ Nodorum nn .

Hinc Motus Nodorum Orbium planetariorum determinabitur, comparando Nodi cujusque Planetæ Locum ex Veterum observationibus erutum cum ejusdem Loco ex recentibus observationibus definito.

Pari modo, si Planeta bis in alio quovis Orbitæ suæ puncto è Terra observetur, Planetæ Locus è Sole visus & à Sole Distantia determinantur.

PROPOSITIO XX.

Cujusvis Orbis planetarii Inclinationem ad planum Eclipticæ per observationes definire.

Referat s Solem; circulus nnn Eclipticam inter Fixas; & nan viam propositi Planetæ è Sole visam inter easdem: Et recta nsn erit Linea Nodorum (per Prop. præc.) positione cognita. Quando Tellus ad dictam Nodorum lineam pervenerit, quod bis quotannis fit, cujus Tempus per Prop. XVIII. notum est; observetur (per XXVII. Lib. II.) Planetæ p Locus Geocentricus A ; cujus Latitudo AB arcus ad Eclipticam normalis, & Longitudo vB . Cumque nota sit Solis Longitudo vN , nota etiam erit harum Longitudinum differentia nB . In triangulo sphærico ANB , rectangulo ad B , dantur latera AB , nB ; & igitur innotescet angulus ANB mensura Inclinationis plani nan Orbis planetarii ad nnn planum Eclipticæ.




PROPOSITIO XXI.

Ex observatione Planetæ in Oppositione aut Conjunctione cum Sole, ejus Secundam Inæqualitatem exuere, & à Sole Distantiam invenire.

Præter Inæqualitatem in Planetarum motibus veram oculo etiam in Sole, Orbitalium omnium umbilico communi, posito conspicuam, datur nobis in Terra degentibus & alia Optica, ex motu Terræ annuo oriunda. Prior illa Planetis propria apto satis nomine *Inæqualitas Prima* appellatur; alia vero est Planetæ quasi secundaria, ideoque *Inæqualitas Secunda* apud Astronomos merito audit: Et hanc proinde exuere dicitur, qui Locum Planetæ indicat, quem è Sole spectaret Observator.

Referat s Solem, t Terram, p Planetam in sua Orbita, nn Eclipticam inter Fixas, na intersectionem Orbis Planetæ cum Sphæra Fixarum, N Nodum: Cumque Sol sit in plano Orbitæ cujusvis Planetæ, erit recta sn Linea Nodorum. È Sole videatur Terra t inter Fixas ad a , & Planeta p ad A . Et quoniam Planeta vel opponitur

ponitur Soli (ut in fig. 1.) vel eidem conjungitur (ut in 2^a;) arcus circuli maximi puncta A & B conjungens est arcus circuli Latitudinis, & proinde ad Eclipticam perpendicularis. Et in triangulo sphaerico rectangulo ABN datur angulus ANB, mensura Inclinationis plani Orbis planetarii ad Eclipticam, per Prop. præc. inventæ,




& latus BN; inclinatio nempe rectæ ts (ex Theoria Terræ) positione datæ ad SN Lineam Nodorum (per Prop. XIX.) positione inventam. Innotescunt igitur latus AB Planetæ Latitudo Centrica & AN Distantia Planetæ in suo Orbe à Sole visa à Nodo N, quod est Planetæ Inæqualitatem Secundam exuere. Porro, in triangulo rectilineo PST dantur ST ex Terræ Theoria, & angulus PTS Latitudo Planetæ visa aut ejus complementum ad semi-circulum, & angulus PST Latitudo Planetæ Centrica superius inventa; quare innotescunt PS & PT Planetæ à Terra & Sole Distantiæ.

PROPOSITIO XXII.

EX unica Planetæ observatione quacunque ejus Inæqualitatem Secundam exuere, & à Sole Distantiam invenire.

Observetur Planeta P, cujus Nodorum linea NS, ex Terra T cum Latitudine apparente PTB. Planum Latitudinis apparentis producat, donec secuerit planum Orbis planetarii in PN, & planum Eclipticæ in recta BTN. Ex P demittatur PB perpendicularis rectæ NB, & ex T erigatur TO eidem NB perpendicularis, quæ (per Prop. XXXVIII. ELXI.) plano Eclipticæ normales erunt, quia planum Latitudinis PNB Eclipticæ plano rectum est. Ex T ducatur TE perpendicularis rectæ NS, & jungatur OE, quæ eidem NS normalis est; &



angulus OET æqualis erit Inclinationi planorum Orbis planetarii & Eclipticæ. In triangulo NST dantur latus ST & angulus TSN ex Theoria Terræ & Nodi loco cognito, & ex observatione angulus NTS Elongatio Planetæ à Sole in Ecliptica computata, aut ejus

G g com.

complementum ad duos rectos; innotescant igitur latera TN & NS & angulus TNS . In triangulo TEN rectangulo ad E datur NT & TNE ; & proinde TE . In triangulo OTE rectangulo ad T datur TE latus modo inventum, & TEO Inclinatione planorum Orbis planetarii & Eclipticæ ex Prop. xx. hujus cognita; invenietur ergo OT . In triangulo OTN rectangulo ad T dantur OT & TN prius inventa; ideoque & angulus ONT . In triangulo PNT datur NT & angulus TNP , & etiam PTN Latitudo Planetæ apparens observatione nota, aut ejus complementum ad duos rectos; idcirco innotescet NP . In triangulo NPB rectangulo ad B , datis NP latere & angulo PNB modo inventis, reperientur PB & NB . In triangulo BNS , datis NB & NS & angulo BNS , notus erit NSB Longitudo Planetæ Centrica à Nodo suo computata, & etiam latus SB . Deinde, in triangulo PBS rectangulo ad B , notis PB, BS , innotescet PS Distantia Planetæ à Sole, & angulus PSB Latitudo ejus Centrica. Denique, in triangulo PNS , datis omnibus lateribus, innotescit angulus NSP Distantia Planetæ Centrica in Orbe suo à positione data (per Prop. xix.) Nodorum Linea in Orbe suo computata. Exuta est igitur Inæqualitas Planetæ Secunda, ejusque Locus à Sole visus determinatus est: Sed & porro Planetæ Distantia à Sole inventa est in partibus Distantiæ mediæ Telluris à Sole, quæ pro mensura habetur.

PROPOSITIO XXIII.

Cujusvis Planetæ Tempus periodicum circa Solem definire.

Observetur Planeta propositus in Nodo, (ut Prop. xix. factum,) & rursus cum ad eundem Nodum proxime revertitur: Tempus inter has observationes intermedium est proxime Planetæ Tempus periodicum quæsitum. Nam quoniam Nodorum lineæ sunt (per Prop. lIII. Lib. I.) fere immotæ, quando Planeta totam descripsit Orbitam, ad eundem Nodum revertitur, & vicissim.

Non tantum ope Planetæ in eodem Nodo bis observati ejus Periodus determinatur, sed si bis in alio quovis Orbitæ suæ puncto Inæqualitate Secundâ exutus spectetur, periodicum Tempus patebit. Quod si Planetæ Locus Centricus ab Æquinoctiis computetur, habenda est ratio Præcessionis Æquinoctialium punctorum interim factæ. In Planetarum Temporibus periodicis definiendis utile erit cautionem adhibere, quam ad Anni Tropici quantitatem exacte definiendam adhibuimus; nempe ut observationes adhibeantur quam maxime inter se distantes, ut error insensibilis fiat, divisione factâ per magnum revolutionum numerum. Ne autem in una integra revolutione peccetur, sufficit Periodum veræ propinquam & numero rotundo novisse, quod fiet si in una Planetæ revolutione Loca Centrica bina aut plura quærantur in Oppositione vel Conjunctione cum Sole, (cum nempe Inæqualitate Secundâ caret,) & Tempus periodicum assumatur in ea ratione ad Tempus inter binas quasvis observationes elapsum, ut distantia inter Loca Centrica ad integrum circulum. Si

non

non contingat Planetam in ipſo Nodo, vel in ipſa Oppoſitione cum Sole obſervare, (quod plerumque fit;) tum iſtud momentum ex obſervationibus ante & poſt factis determinatur.

Si Planetæ Periodus cenſeatur Temporis ſpatium, quo Planetæ Locus Centricus idem eſt ruruſ in ſpatio Mundano ſive inter Fixas qui prius fuerat: licet accurate loquendo talis nulla detur, poſito Nodos moveri; hoc eſt, ipſa Orbium plana mutari; tamen ſi hæc diverſa fuerit à Periodo ſuperius definita, poterit ea definiri (ſecundum Longitudinem conſiderata) ope obſervationum per Prop.præc. factarum, quando Planetæ Locus Centricus eſt prope eaſdem Fixas,

PROPOSITIO XXIV.

Longitudinem Axis majoris Orbitæ cujuſvis Planetæ primarii invenire.

Haſtenus planorum Orbium planetariorum ſitum ad ſe mutuo definivimus: ad ipſas nunc Orbitas in planis definitis deſcribendas accedimus. Quod quidem variis modis faciemus, ut hic aut ille uſurpetur pro obſervationum commoditate, & alter alterum correctiorem reddat; & ut Orbitæ per omnes aut plurimos modos in unum collimantes determinatæ accuratiores habeantur. Ac primo, quomodo illarum Axes majores definiantur, oſtendemus. Capiendus eſt Orbitæ cujuſvis Planetæ primarii Axis major ad Axem majorem Orbitæ Terræ, in ſubſeſquuplicata ratione periodici Temporis propoſiti Planetæ (per Prop.præc. inventi) ad Tempus periodicum Telluris circa Solem per Prop. XIII. determinatum: Sic enim fient Cubi majorum Axium Orbitalium, Planetæ & Terræ, ut Quadrata Temporum periodicorum Corporum iſtorum circa Solem, quod demonſtratum eſt (Prop. XL. Lib. I.) obtinere in corporibus circa idem centrum revolutis, & agitatſ Vi Centripetâ, quæ eſt quadrato diſtantiæ ab iſto centro reciproce proportionalis: hanc vero eſſe conditionem Planetarum primariorum circa Solem revolvantium oſtenſum eſt Prop. XLII. Lib. I.

PROPOSITIO XXV.

Datis tribus Locis Centricis Planetæ & Tempore periodico, ejus Orbitam deſcribere, & Temporis momentum quo Planeta Apbelium tenebat invenire.

Eodem modo quo Prop. XIV. ex datis tribus Telluris Locis ex Sole viſis (hoc eſt, Telluris Locis Centricis) & Tempore periodico, Orbitæ Telluris Species & Poſitio linæ Apſidum determinatur, ſimile ex iſſdem datis in Planeta propoſito fiet, & Orbita ſic deſcripta per methodum Prop. XV. indicatam corrigetur. Et ſicut Telluris Orbita deſcripta eſt in plano Eclipticæ prius (Prop. XIX. Lib. II.) determinato, ita planum Orbis Planetæ propoſiti, in quo deſcribenda eſt ejus Orbita, determinatum eſt per Prop. XIX. & XX. Porro, ex Temporibus periodicis Telluris & Planetæ invenitur (per Prop.præc.) ratio majorum Axium Orbitalium eorundem: ex

assumpta igitur majore Axe Orbitæ Terræ (sive hujus semisse Telluris Distantia media à Sole) habebitur magnitudo Orbitæ Planetæ: penitus igitur determinatur Planetæ Orbita. Et Tempus, quando Planeta hic Aphelium tenebat, similiter determinatur, atque idem in Planeta Tellure Prop. xiv. factum.


Quoniam Orbitæ Planetæ Ellipticæ Species sola ex datis determinatur, (ut ex Prop. xiv. constat,) & ejus Orbitæ magnitudo respectu Orbitæ Terræ ex comparatione Temporum periodicorum horum Planetarum per præc. concluditur; idem potent aliunde inferri; faciendi nempe ut Orbita certæ Speciei (ex tribus Locis Centricis determinatæ) ex Sole ut Umbilico descripta, transeat per ipsum Locum Planetæ in linea Nodorum per Prop. xix. hujus inventum: Hoc namque punctum, in Planetæ Orbita datum, tantundem valet ad illius magnitudinem respectu magnitudinis Orbitæ Terrestris determinandam, atque ejusdem Axis major supra definitus: Istius enim puncti Distantia à Sole in partibus linearum Orbitæ Telluris determinata est; potestque alter horum modorum describendi Orbitam per alterum examinari & corrigi.

Et hinc motus Apsidum cujuscvis Primarii definitur; nimirum eodem modo quo prius Nodorum motus.

PROPOSITIO XXVI. LEMMA.

Datis umbilico & longitudine axis majoris, describere Ellipsin per data duo puncta transeuntem.

Sit s figuræ describendæ umbilicus, AP longitudo axis majoris, L & I duo puncta per quæ Ellipsis transire debet. Centro L distantia æquali excessui rectæ AP supra rectam LS describatur circulus CF ; & similiter centro I distantia æquali excessui rectæ AP supra Is describatur circulus RF priorem secans in F ; erit F Ellipseos describendæ umbilicus alter: Hisce igitur umbilicis s & F , & axe majore æquali rectæ AP , descripta Ellipsis erit ea quæ quæritur. Quoniam enim LF æqualis est $AP - LS$, crit $LS + LF$ æqualis AP . Pari modo AP æquatur $Is + IF$: Unde (per Prop. LII. Lib. tert. Conicorum) Ellipsis umbilicis s & F descripta, axem majorem habens æqualem rectæ AP , transibit per puncta L & I .



Facile est ex hujusmodi constructione Geometrica calculi modum Astronomiæ accommodatum excogitare. Ex datis enim tribus punctis s, L & I , hoc est, ex datis tribus lateribus trianguli sLI , innotescunt anguli. Rursus, in triangulo LIF dantur omnia latera; nempe LI ut prius, LF differentia datarum rectarum AP & LS , & IF differentia ipsarum AP , Is ; innotescit igitur angulus FLI : sed prius notus erat sLI , ergo dabitur angulus sLF . In triangulo igitur sLF , è datis LS, LF cum angulo sLF innotescet latus sF distantia focorum, & angulus LSF inter LS positione datam & axem majorem;

majorem; datur ergo axis hic positione; sed & magnitudine datus est: unde omnia ad Ellipsin pertinentia eliciuntur.

PROPOSITIO XXVII.

Datis duobus Locis Centricis Planetæ & à Sole Distantiis, una cum ejus periodico Tempore, Orbitam Planetæ determinare.


Sit s Sol; sint Planetæ duo Loca Centrica data in rectis sL , sI positione datis, & Planetæ Distantiæ à Sole sint rectæ sL , sI magnitudine datæ. Unde L & I sunt puncta per quæ Ellipsis transire debet. Porro, ex Tempore periodico noto (per Prop. xxiv.) determinatur PA Axis major Orbitæ Ellipticæ. Describatur igitur (per præc.) Ellipsis, cujus Focus s , habens Axem majorem longitudinis datæ, quæ transeat per data puncta L & I . Loca Centrica Planetæ ejusque Distantiæ à Sole vel in Oppositione aut Conjunctione cum Sole determinantur, ut Prop. xxi; vel ex observatione ubivis facta, ut Prop. xxii. Ille tamen assumi poterit, qui determinatus est Prop. xix, dum Orbis planetarii situs Eclipticæ respectu definiretur. Quod si plura quam duo Loca Centrica cum Distantiis à Sole correspondentibus suppetant, tum ex quibuscvis binis definita Orbita, videndum num sic definitæ congruant, illaque retineatur (si discrepent) quæ à pluribus Observationibus probatur; ut in calculo Astronomico fieri consuevit.



PROPOSITIO XXVIII. LEMMA.

Ad Ellipseos ALP majorem axem AP ex umbilicorum altero s erigatur normalis SR Ellipsi occurrens in R , per quod acta recta DR Ellipsin contingens cum axe AP producto concurrat in G , & ex G ad axem ducatur perpendicularis GF . Hisce positis, si ex quovis Ellipseos puncto L inclinentur duæ rectæ LS , LE , altera LS ad assumptum umbilicum s , altera LE ad FG normalis; dico LE esse ad LS in data ratione GP ad PS .

Per punctum L ad axem AP ducatur normalis LC axi occurrens in c & tangenti DR in D , & huic ex P parallela PN : Eritque CD æqualis rectæ sL (per Prop. cxxxix. Lib. iv. Gregorii à S^r. Vincentio) & PN ipsi PS . Sed GC est ad CD in data ratione, nempe GP ad PN ; & igitur EL est ad LS in data ratione GP ad PN , sive GP ad PS .



Hinc sequitur GA esse ad AS in eadem dicta ratione GP ad PS ; qui est casus particularis hujus Propositionis, nempe cum libere assumptum punctum L coincidit cum A : Et hoc exinde etiam patet, quod (ex Prop. xxxiv. Lib. i. Conicor.) ob RG contingentem, AS est ad SP ut AG ad GP ; unde permutando

G g 3 &

& invertendo GA est ad AS ut GP ad PS . Propositio hæc etiam obtinet in reliquis Coni Sectionibus.


PROPOSITIO XXIX. LEMMA.

Ellipsim circa datum umbilicum describere, quæ transeat per data tria puncta.

Dentur puncta L, l, λ , & focus s . Jungatur recta Ll , & producatur ad F ita ut sit LF ad lF ut sL ad sL . Item juncta λl producatur ad f , ut λf sit ad lf ut $s\lambda$ ad sL . Jungatur recta Ff in quam ex L & s demittantur normales LE, sG , dividatur sG in P ita ut GP sit ad PS sicut LE ad LS , & producatur ad A ita ut GA sit ad AS in eadem ratione: verticibus A & P & foco s ; hoc est, axe majore PA & latere recto quadruplo ejus rectæ quæ est ad sP ut sA ad AP , (per *Prop. LIV. Lib. I. Conic.*) descripta Ellipsis transibit per puncta L, l & λ .

Ex l & λ in FG demittantur perpendiculares $le, \lambda e$. Quoniam ex constructione est LF ad lF ut sL ad sL ; erit etiam (ob parallelas LE, le) LE ad le ut sL ad sL , five LE ad sL ut le ad sL . Sed ex constructione est etiam GP ad PS , item GA ad AS ut LE ad sL ; & igitur ut GP ad PS ita est le ad sL . Pari modo est per constructionem λf ad lf (hoc est, λe ad le) ut $s\lambda$ ad sL ; adeoque λe ad $s\lambda$ ut $(le$ ad sL); hoc est, ut modo demonstratum, ut) LE ad sL . Cum igitur sL ad LE , item sL ad le , & etiam $s\lambda$ ad λe , sit ut GP ad PS , five ut GA ad AS , atque hæc sit Ellipseos proprietas Lem. præc. demonstrata; patet puncta L, l & λ esse in Ellipsi, cujus focus s & axis majoris extrema, five vertices, A & P . Atque hinc facile constat, quando Problema est impossibile, & quando loco Ellipseos Parabola aut Hyperbola exit.

Si desideretur calculus Astronomis familiaris, illum ex præcedente constructione facile erit elicere, modo *ex.gr.* sequenti. Quoniam $s\lambda$ est ad sL ut λf ad lf ; erit dividendo $s\lambda - sL$ ad sL ut λl ad lf ; dantur autem ex datis punctis s, l, λ priores tres termini analogiæ; innotescet igitur quartus lf . Similiterque, quia $sL : sL :: LF : lF$, dividendo erit $sL - sL : sL :: L l : lF$, & ex datis primis tribus notus erit quartus terminus; nempe lF recta. Porro, ex datis trianguli $sL\lambda$ tribus lateribus datur angulus $sL\lambda$, & ex trianguli sLl lateribus notis innotescit sL ; ergo datur & angulus $L\lambda$ horum differentia vel summa, & huic ad verticem æqualis Flf . In triangulo igitur Flf datis lateribus lF, lf modo inventis, una cum angulo comprehenso Flf ; invenietur angulus Ffl , & proinde hujus complementum ad rectum fle . Sed ex prius noto sL angulo innotescit ejus complementum ad duos rectos sLf ; dabitur ergo angulorum notorum sLf, elf summa vel differentia eLs , ac proinde illius (propter parallelas eL, gs) ad duos rectos complementum lsG ; nempe inclinatio axis majoris ad rectam ls positione datam. Porro, in triangulo



triangulo $f e l$ rectangulo ad e dantur omnes anguli, una cum latere $f l$; innotescit ergo $e l$, sive $g m$, posita $l m$ ad $g s$ normali. Similiter in triangulo rectangulo $s m l$, datis angulis & latere $s l$, datur $s m$; ipsarum autem $g m$, $m s$ summa vel differentia est $g s$. Rursus, quoniam per Lem. præc. $e l . l s :: g p . p s$, erit componendo $e l + l s . l s :: g s . s p$, & datis tribus primis hujus analogiæ terminis, notus erit quartus $s p$: Similiter, quoniam $e l . l s :: g a . a s$, erit dividendo $e l - l s . l s :: g s . a s$; unde innotescit $a s$: Ipsarum $p s$, $s a$ summa est Axis major. Alter Ellipseos Focus tantum distat ab a , quantum s à p . Datis Focus & Verticibus a & p , reliqua non latebunt.

PROPOSITIO XXX.

Datis tribus Locis Centricis Planetæ & à Sole Distantiis, ejus Orbitam Ellipticam describere.

Dentur Loca Planetæ Centrica, ejusque à Sole Distantiæ correspondentes; nempe, posito s Sole, rectæ $s l$, $s l$, $s a$ positione & magnitudine. Per præcedentem describatur vel calculo determinetur Ellipsis, cujus focus s , transiens per puncta l , l , a . Erit hæc Orbita quæsitæ. Hujus autem respectus ad Telluris Orbitam ideo notus est, quod linearum $s l$, $s l$, $s a$ magnitudo datur in partibus mediæ Distantiæ à Sole, & situs plani Orbitæ respectu plani Eclipticæ ex Prop. xix. & xx. determinatus supponitur.



Huic Propositioni innititur methodus Cl. Halleyi Planetarum Orbitas determinandi, *Transact. Philos. An.* 1676. N°. 128 tradita. Si nempe Planeta quivis in eodem Orbitæ suæ puncto (quod quando fieri contingat, ex ejus Tempore periodico præterpropter noto satis innotescit) ter observetur è Terra, habebuntur tria Loca Terræ à Sole visa, & tres Distantiæ Telluris à Sole correspondentes in partibus Distantiæ Planetæ à Sole expressæ; adeoque ipsa Telluris Orbita per præc. determinata: Quæ cognita, si Planeta quivis bis in eodem Orbitæ suæ puncto è Terra observetur, ac proinde (per Prop. xix.) ejus Locus Centricus & à Sole Distantia determinentur, atque hoc in aliis duobus ejusdem Planetæ Locis repetatur; habebuntur tria Orbitæ planetariæ puncta, ex quibus una cum Focus altero (Solis nempe loco) datis ipsa Orbita (per Prop. præc.) determinatur. Si periodicum Tempus satis exacte sit notum, idem conficietur ex duobus Locis Centricis & à Sole Distantiis notis, quæ ex bis binis observationibus Planetæ in iisdem duobus punctis quibuscunque observati per Prop. xxvii. colligere licet: Eademque operâ Locus Nodorum & Orbis Inclinatio ad Eclipticam per Propositiones xix. & xx. determinantur.

PROPOSITIO XXXI. LEMMA.

Invenire diametros conjugatas Ellipseos, quæ per data quinque puncta transeat.


Sint data quinque puncta N , M , L , K , H , per quæ transeat Ellipseos perimeter;

perimeter; invenienda est Ellipsis istius diameter quædam FE , ejusque conjugata TY , magnitudine & positione. Ductæ intelligantur rectæ data puncta conjungentes, (ut in schemate,) quarum duæ quædam aut parallelæ sunt, aut duæ nullæ. Hoc autem facile perpicitur; cum enim dentur puncta N, M, L, K, H , dantur rectæ omnes ea omnifariam conjungentes, & anguli inter rectas istas comprehensi. Si ergo deprehendatur angulos duos alternatim positos (*ex. gr.* KMH, MHN) esse æquales, concludetur rectas duas MK, NH , in quibus prædicti anguli alternatim sunt positi, esse inter se parallelas.

Caf. I. Ponatur primo duas quoddam mk, nh esse parallelas. Bifecentur hæc in b & a , & junctæ ba producatur, donec Ellipfi occurrat in f & e ; erit hæc (ex *Elementis Conicis*) Ellipseos diameter, & quidem (per 26. *Dat.*) positione data; quippe per data puncta b & a transiens. Ducatur per L ipsi EF parallela LX , Ellipfi in x , rectæ mk in d , & nh in c occurrans. Et junctæ xk, lm occurrant rectæ hn (si opus est productæ) in punctis p & g . Per Prop. xvii.

Lib. III. *Elem. Conic. Apollonii* est rectangulum XDL ad rectangulum MDK ut ZFq ad ZYq . Item $XCL:NCH::ZFq.ZYq$. Et igitur $XDL:MDK::XCL:NCH$. Sed (ut infra ostendetur) est $XDL:MDK::XCL:GCP$. Et igitur (per Prop. IX. *Elem. v.*) est NCH rectangulum aequale rectangulo GCP . Atqui rectangulum NCH datur, quoniam ejus latera NC, CH dantur; tota enim NH initio datur tam magnitudine quam positione, item recta LC positione, (per 28. *Dat.*) quare (per 25. *Dat.*) dabitur & c punctum: item recta GC , quippe cujus termini G & c dantur; datur ergo (per 57. *Dat.*) cP magnitudine: fed & positione; ergo ipsum P punctum datum est. Datur etiam k & punctum; ergo & puncta illa conjungens recta kP positione datur, & proinde (per 25. *Dat.*) punctum x in Ellipsi (ubi positione datæ LC, kP concurrunt) etiam datum est. Jungantur rectæ NX, LH diametro EF (si opus est productæ) occurrentes in R & s : eritque (per supra citatam Prop. XVII. Lib. III. *Elem. Conic.*) tum NCH ad XCL , tum NAH ad EAF , sicut ZYq ad ZFq ; unde $NCH.XCL::NAH.EAF$. Et per inferius demonstratum est $NCH.XCL::NAH.RAS$; quare (per IX. *El. v.*) RAS rectangulum rectangulo EAF æquale est. Sed RAS datur, (cum tria puncta A, R & s dentur, A quidem ut supra ostensum, R & s per 25. *Datorum*; nempe datæ positione rectæ EF cum positione datis rectis XN, HL concursus;) rectangulum igitur EAF datum erit. Simili ratione inveniatur EBF rectangulum: & dantur puncta A & B ; ergo & ipsa EF magnitudine, ut deinceps ostendemus: Sed prius inventa erat ejus positio; quare diameter EF positione & magnitudine data est. Porro, TYq est ad EFq ut NCH ad XCL , ut supra ostensum est; hoc est, (per I. *Dat.*) in ratione data, ob data NCH, XCL rectangula; quare & prioris subduplicata ratio, nempe ratio TY ad EF (per 12.

Dat.)




Dat.) etiam data est: sed datur EF , ut supra ostensum; ergo per 2. *Dat.* dabitur TY magnitudine. At positio ejus datur per 28. *Dat.*; quippe per datum punctum z medium datæ positione & magnitudine rectæ EF , ad datam positionem rectam NH parallelæ: igitur dantur, tam positione quam magnitudine, rectæ EF , TY , diametri nempe conjugatæ Ellipseos per data quinque puncta N, M, L, K, H transeuntis.

Caf. II. Sed non sint parallelæ rectæ lineæ MH , NK , neque aliae quævis duæ: hæ ergo MH, NK (productæ saltem) se mutuo secabunt, puta in I puncto, quod per 25. *Dat.* dabitur. Ducatur per L recta LV ipsi MH parallelæ, rectæ NK occurrens in Q , quod (per 28. & 25. *Dat.*) itidem datum erit: Eritque ratio rectanguli NQK ad rectangulum LQV data; eadem nempe (per *Prop.* XVII. *Lib. III. Elem. Conic.*) quæ est dati rectanguli NIK ad datum MIH . Sed rectangulum NQK datum est cum ejus latera NQ & QK dentur, & igitur rectangulum LQV etiam est datum: Unde, cum data sit LQ , per 57. *Dat.* recta QV magnitudine data est; sed & etiam positione, quippe per datum punctum Q datæ positione rectæ MH parallelæ; ergo ipsum V punctum, per 27. *Dat.* cum detur rectæ QV magnitudo & positio & altera extremitas Q . Quare devenimus ad casum priorem; dantur nempe quinque puncta N, M, L, V, H , vel M, L, K, V, H , per quæ Ellipsis transeat, talia tamen ut rectæ duæ LV, MH sint parallelæ. Ex prædictis ergo inveniantur istius Ellipseos diametri conjugatæ. $Q.E.F.$



Sint duæ rectæ inter se parallelæ GP, MK , *in quas incidat recta linea* $XCDL$, & à quibuslibet ejus punctis X & L ducantur utcumque rectæ LMG, XPK parallelis occurrentes in M, G, P & K : dico rectangulum XDL esse ad MDK ut XCL ad GCP rectangulum.

Rectanguli XDL ad rectangulum MDK ratio (per *Prop.* XXIII. *Elem.* VI.) componitur ex ratione XD ad DK & ratione LD ad DM ; & ratio rectanguli XCL ad rectangulum GCP ex rationibus XC ad CP & LC ad CG . Sed propter parallelas MDK, GCP est $XD.DK::XC.CP$; item $LD.DM::LC.CG$. Cum igitur rationes componentes æquales sint erunt & compositæ æquales; hoc est, XDL ad MDK sicut XCL ad GCP .



Si detur utrumque rectangulum EAF, EBF , & data sint A & B puncta; dantur etiam E & F puncta, posita $EABF$ recta.

Rectangulo enim EAF æquale ponatur rectangulum BAC , & rectangulo EBF rectangulum ABD : Adeoque, cum (ex hyp.) EAF & BAC dentur, datur (per 57. *Dat.*) AC . Similiter ob data EBF & AB dabitur AD . Propter priorem æqualitatem erit (per XVI. *Elem.* VI.) $FA.AB::AC.AE$, & per conversionem rationis $FA.BF::AC.CE$.

H h

Rurfus,


Rurfus, propter posteriorem æqualitatem est $EB \cdot BD :: AB \cdot BF$, & componendo $ED \cdot BD :: FA \cdot BF$. Unde (per *Prop. XI. El. V.*) $AC \cdot CE :: ED \cdot BD$ & idcirco $\overline{C \quad E \quad A \quad B \quad F \quad D}$ rectangulum contentum sub AC & BD æquale est rectangulo sub CE, ED . Atqui rectangulum sub AC & BD datur, (utraq; enim recta data est;) ergo datum est etiam rectangulum sub CE, ED . Et quia datum hocce rectangulum applicatur ad datam rectam CD (nempe ex datis partibus CA & AD constantem) deficiens figurâ quadratâ, dabitur (per *58. Dat.*) CE ; & consequenter AE (per *4. Dat.*) Et propter datum ab initio, EAF rectangulum dabitur etiam AF recta; hoc est, ipsa E & F puncta data erunt.

PROPOSITIO XXXII. LEMMA.

Invenire umbilicos & vertices Ellipseos, quæ per data quinque puncta transeat, & Ellipsin proinde per data quinque puncta transeuntem describere.

Pappus in *Lib. VIII. Collect. Math.* hoc Probl. & præc in usus Architectonicos proponit & construit; ut nempe portione superficiei recti Cylindri datâ, cujus nulla pars in circumferentiis basium integra servatur, inveniatur Cylindri crassitudo. Hæc Astronomi deinceps in usus suos converterunt. Per præc. Lem. inveniuntur duæ quævis diametri conjugatæ Ellipseos, quæ per data quinque puncta transeat, sintque hæc AB, CD se mutuo bisecantes in centro E . Producatur BA in H , ut sit EAH rectangulum æquale quadrato ex DE ; unde (per *58. Dat.*) datur EH . Ex hujus medio puncto K erecta normalis KL concurrat cum MAG recta per A ad DC parallela, in L puncto, quod proinde datur ob rectas MG, KL positione datas. Centro L per E vel H ducatur circulus rectam MAG in M & G interfecans, cujus proinde diameter MG datur tam positione, (quia per A punctum datum datæ positione rectæ CD parallela est,) quam magnitudine, (cum sit dupla rectæ data puncta E & L conjungentis.) Junctæ rectæ GE, ME etiam dantur, tam positione quam magnitudine. Harum autem positio eadem est cum positione axium quæsitorum: Nam quoniam rectangulum EAH (per *XXXV. Elem. III.*) æquale est rectangulo MAG , & per constructionem EAH æquale quadrato à DE ; erit EDq æquale MAG , sive (per *Prop. XVII. Elem. VI.*) ED media proportionalis inter MA & AG ; ac proinde (per *Prop. LXXXVIII. Lib. III. Greg. à S. Vincentio*) Ellipseos super conjugatas diametros AB, CD descriptæ axes sunt in EG, EM rectis. Axium autem magnitudo sic expedite determinatur. Per A ad EG, EM demittantur normales AQ, AN , quæ proinde dantur. Sumatur in EG recta EO media proportionalis inter EG, EQ ; item in EM, ER media inter EM, EN : erunt rectæ EO, ER (per *24. Dat. datæ*) Ellipseos semi-axes per *Prop.*

XXXVII.



xxxvii. *Lib. I. Conic.* Si in GE producta capiatur EP æqualis EO , & in ME producta ET æqualis ER , erunt positione & magnitudine datæ OP , RT Ellipseos axes, dataque puncta O , R , P , T ejusdem vertices principales. Porro, si axis major PO ita dividatur in S & F , ut rectangulum sub PS & SO , item rectangulum sub PF & FO æquale sit quadrato ab RE descripto, erunt (ex *Prop. lvi. Lib. iii. Elem. Conic.*) puncta S & F Ellipseos umbilici. Hæc vero puncta sic inventa (per §8. *Dat.*) data sunt. Datis autem axibus & umbilicis, Ellipsis describitur per *Prop. lvi. Lib. I. Conic. Apollonii.*

Non opus est hic subungere formam calculi Trigonometrici, Problemati huic accommodati: Geometris enim satis est notum, quæ per *Euclidis Data* eruuntur facillime per calculum eodem prorsus modo progredientem similiter erui, & quidem plerumque Trigonometrico quod hic accidit: Et revera investigatio Problematum cujusvis ope *Datorum Euclidis* universalis est modus illud determinandi, Veteribus familiaris.

PROPOSITIO XXXIII.

Datis quinque Locis Centricis Planetæ, & à Sole Distantiis, ejus Orbitam describere.

In præcedentibus, dum Planetarum Orbitas determinaremus, nihil supposuimus quod non sit observationibus exacte institutis, æque ac causis Motuum physicis *Lib. I. demonstratis*, congruum: Quod nempe Planetæ cujusvis Orbita sit Ellipsis, cujus Focorum alter est immotus Sol, quodque Planeta hanc ita percurrat, ut areae seu sectores inter rectas ad Solem ductas & arcus Ellipticos comprehensi sint proportionales temporibus, quibus dicti arcus à Planeta describuntur. Licet enim *Prop. xiv.* supposuimus aliquantisper cum *Celeb. Wardo* Planetam Orbitam suam ita describere, ut æquabilis sit motus angularis ad Ellipseos Focum à Sole diversum; hoc ideo solum factum est, quod in Orbita Telluris haud valde excentrica ista sit approximatio non contemnenda ad æquabilem arearum descriptionem à radio ad Solem ducto, ut *Prop. v.* ostensum est: Et Telluris Orbitam ex ista hypothefi definitam sequenti *Prop. xv.* quantum libet correximus: In hac autem *Prop.* ne istud quidem supponemus, quod Sol in umbilico cujusque Orbitæ collocatur; sed Orbitam describemus ex datis quinque Locis Centricis, totidemque à Sole Distantiis, etiam independenter ab illo: Sic enim præcedentium veritas clarius elucet, cum Sol in Orbitarum sic descriptarum communi Foco collocatus deprehendetur.

Ex datis Planetæ Locis Centricis dantur positione rectæ, in quibus hic à Sole videtur: Sint istæ SN , SM , SL , SK & SH . Et ex datis correspondentibus Distantiis à Sole dantur (per §7. *Dat.*) puncta N , M , L , K & H . Per puncta hæc (ope præc. *Lem.*) describatur Ellipsis, quæ erit Planetæ Orbita quæsitæ. Et per idem *Lem.* invenientur Ver-



H h 2


tices,

tices, Foci, Positio Axis majoris & reliqua quæ in Planetæ Orbita quærentur. Q. E. F.

PROPOSITIO XXXIV.

Ad datum Tempus Planetæ propositi Locum Centricum & Distantiam à Sole determinare.

Plano Orbis Planetarii, Positione Lineæ Apfidum Specieque Orbitæ planetariæ ex præcedentibus determinatis; hoc est, ipsâ Orbitâ in proprio situ circa Solem descriptâ, quæ sit ex. gr. ALP: ex cognito præterea (per Prop. xxv.) momento quo Planeta aliquando Apfidem tenebat, & Planetæ Tempore periodico per Prop. xxiii; notum erit Tempus elapsum ex quo Apfidem (v. g. A) proxime tenuit, sive nota ratio dicti Temporis ad Tempus integrum periodicum; hoc est, ex lege motûs Planetarii Lib. I. demonstrata, supposito L Planetæ Loco, nota est ratio Aræ ALS ad integram Ellipsin ALPA. Invenitur ergo angulus ASL per Prop. III, IV, VI vel VII. Recta igitur SL positione, cum in dato angulo inclinetur ad PA Lineam Apfidum positione datam: Sed & magnitudine per easdem, (cum hæc detur in partibus Distantiæ Apheliæ SA, quæ supra definita est in partibus mediocris Distantiæ Terræ à Sole, quæ pro harum linearum communi mensura habetur;) hoc est, Planetæ propositi Locus è Sole visus & ejusdem à Sole Distantia.



Vicissim Tempus invenietur, quo Planeta datum Locum Heliocentricum occupabit; ex data Anomalia cœquata (ex præcedentibus) mediam inveniendi, cui Tempus est proportionale.

PROPOSITIO XXXV.


Ad datum Tempus Locum Planetæ Geocentricum, quoad Longitudinem & Latitudinem, & Planetæ à Terra Distantiam invenire.

Ad Tempus datum inveniat (per Prop. xviii.) Locus Telluris Heliocentricus in propria Orbita, & (per præc.) propositi Planetæ Locus etiam Heliocentricus in sua Orbita, cum respectivis à Sole Distantiis.

Referat s Solem, T Locum Terræ in sua Orbita, L Locum Planetæ in sua. Planorum harum Orbitalium sit recta sN communis intersectio, quæ per Solem extenditur, (quia Sol est in utroque plano,) cujusque positio per Prop. xix. datur. Porro, ex Telluris Loco T dato, dantur recta sT & angulus TSN in plano Eclipticæ; & ex Planetæ Loco L, recta sL & angulus LSN in plano Orbis planetarii. Ducantur per L & s atque per L & T plana circulorum Latitudinis Eclipticæ plano recta, quorum communis intersectio LE recta (per Prop. xix. El. XI.) est Eclipticæ plano normalis. Ducatur in

Elongatio à Sole maxima, alter TSV est Commutationis Angulus five Distantia Planetarum Heliocentrica. Quandocunque igitur modo inventus Commutationis Angulus contingit, simul etiam contingit Planetam inferiorem è superiore visum à Sole maxime elongari.

Haecenus supposuimus utriusque Planetæ Orbitam esse circula-
rem. Quod si ellipticæ earum figuræ ratio habeatur, Problema
haud abfimiliter solvitur. Datur enim angulus SVT , quem Orbi-
tam tangens recta VT comprehendit cum
radio vectore SV in assumpto angulo ad
Lineam Apfidum inclinato; datur præ-
terea SV magnitudine, cum nota sit ejus
inclinatio ad Distantiam Apheliam SA
magnitudine prius datam; & quoniam noti
sunt anguli $AS\alpha$, αSV , item angulus VST ,
(proxime æqualis illi, qui obtineret si utra-
que Orbita esset circularis;) notus etiam
erit AST angulus, ac proinde ST magni-
tudo nota; unde reliqua conficiuntur ut
prius. In hoc casu Elongatio maxima mutatur pro varia Distantia
puncti V (ubi celebratur) ab Orbis proprii Aphelio: Major quippe
est (cæteris paribus) in inferiori Aphelio α , minor in Perihelio τ ,
mediocri in media longitudine; sed & manente inferioris loco V ,
varia est pro situ superioris in T vel t .




PROPOSITIO XXXVII.

Planeta quivis Primarius ex alio quovis Primario spectatus, in
aliqua Orbitæ suæ parte Stationarius, in aliqua Directus, in
aliqua denique Retrogradus apparet.

Sit s Sol, circa quem duo Planetæ à D per c versus B rotan-
tur; Orbita propioris PT ; remotioris RZ ; arcus ab illis æquali-
bus temporum spatiiis descripti AR , PB . Ducatur utcunque SR
Orbitæ propioris in P occurrens. Inter SR & SP fit media Geo-
metricæ SM . Erit (per Prop. XXVII. Lib. I.) velocitas remotioris
Planetæ ad velocitatem propioris ut SP ad SM : Sed spatia à mobi-
libus æqualibus temporibus descripta sunt ut eorum velocitates;
& igitur est AR ad PB ut SP ad SM ; unde AR quam PB minor est.
Patetque possibile esse duas parallelas rectas $HADh$, $GRCg$ per A & R
ducere tales, ut propioris Orbitæ arcus ab illis interceptus æqualis
sit arcui PB . Ita enim duci poterunt rectæ parallelæ, ut quanto CD
(æqualis ipsi PB) major est quam AR tanto obliquior sit, (daturque
interioris Orbitæ arcus, qui ad parallelas per A & R quantumvis
obliquus est,) ut arcus CD , majore sui obliquitate majorem lon-
gitudinem compensans, utramque è parallelis rectis extremitati-
bus suis contingat. Quo posito, si Planetæ reperiantur in situ ad
se mutuo qualis hic est A & D ; hoc est, si angulus Commutatio-
nis ad Solem æqualis fuerit ASD angulo, (quod patet necessario
futurum bis inter duas proximas propositorum Planetarum Con-
junctiones

vel à D ad c ex Sole visus in consequentia movetur. Sed & inferior ex superiore spectatus eodem tempore Directus videtur: Nam inferior in F ex superiore in A ad k videbitur; posteaque inferior ad D ex superiore in R ad i cernetur: Locum vero à k ad i mutare etiam est in consequentia tendere; siquidem Sol ex Planeta quovis spectatus in consequentia moveri videtur; nempe ex s versus Q . Similiter, postquam Planeta Soli propior Stationem secundam ad d est prætergressus, rursus Directus est, talisque manet donec inferior ad situm respectu superioris (qualis est D respectu A) denuo appellat; quod fiet peractâ integrâ revolutione à priori loco D , & insuper eâ alterius parte, quæ ad dictum (respectu remotioris Planetæ interim progressi) situm denuo recuperandum requiritur.

Dico tertio, quod alter ex altero Retrogradus videbitur, postquam Planeta Soli propior supra descriptam Stationis primæ metam de transferit, & ad secundam cd non pervenerit. Sumatur CE ipsi FB aut DC æqualis; ducantur rectæ CA , ER & utrinque producantur in $OAYO$ & $NERYN$, quæ non sunt parallelæ, sed ad partes CE divergunt, & versus AR convergunt, & productæ concurrunt, puta in Y , quia ex hypothesi DA , CR sunt parallelæ, & CE æqualis est DC , sed ad RE minus obliquus quam CD ad RC . Si jam superiore in A versante inferior sit in c , hic ex illo in o videbitur, & vicissim ille ex hoc in o : Cum vero superior ad R pervenit & inferior ad E invenitur, hic ex illo ad N , ille vero ex hoc ad n cernetur. Patet vero quod ab o ad N videri moveri, vel ab o ad n , est contra Signorum ordinem moveri; siquidem ab s ad Q vel ab A ad R sit secundum illum; nempe qua Primarius è Sole visus vel vicissim hic ex illo tendere videtur. Atque Retrogradatio hæc apparens superioris ex inferiore visi, vel inferioris è superiore, durat à Statione prima ad Dc celebrata ad secundam ad cd : Sed, propter remotioris motum, Statio hæc secunda transponitur aliquantulum in consequentia, sive ultra locum cd hic depictum. Patet igitur Primarium quemvis ex alio Primario spectatum in aliqua Orbitæ suæ parte Directum esse, in aliqua Retrogradum, in aliqua denique Stationarium. Q. E. D.



COROL

COROLLARIUM 1.

Ex Propositionis hujus demonstratione liquet Planetam superiorem ex inferiore spectatum, simul Directum, simul Stationarium, simulque Retrogradum apparere, atque inferiorem è superiore illo spectatum.

COROLLARIUM 2.

Quo inæqualior est ratio inter Orbitas duorum Planetarum, eo locus in inferioris Orbita, in quo inferior reperitur dum alter ex altero spectatus apparet Stationarius, propior est ejus puncto ex quo ducta recta ad Planetam remotiorem inferioris Orbitam tangit; hoc est, ubi inferior è superiore spectatus (per Prop. xxxvi.) à Sole maxime Elongatus videtur; & angulus minor quo Sol & superior Planeta, ex inferiore visi, distare videntur. Nam quo major est ratio SR ad SP , eo major erit hujus subduplicata nempe ratio RS ad MS ; hoc est (per constructionem) ratio CD ad RA . Et ideo oportet lineam CD ad RC sive AD obliquiorem esse, ut DA, RC parallelæ evadant: Sed liquet CD eo esse obliquiorem quo propior est Orbitæ inferioris puncto, à quo recta ad R ducta hanc contingit.

Unde fit quod ad Stationem Saturno inducendam opus sit tantum parvâ Terræ recessione à puncto Orbitæ suæ, ubi recta ad Saturnum ducta hanc contingit, versus punctum ubi Terra mediam se sistit inter Solem & Saturnum; ad Jovis Stationem majore recessione à puncto contactûs Orbitæ Terræ cum recta hanc tangente ad Jovem ducta; ad Martis maximâ. Saturni igitur Statio fit, cum hic è Tellure spectatus paulo plus quam quadrante distat à Sole; hoc est, inter aspectum Quadratum & Trinum; Jupiter stare videbitur in Solis Trino fere; Mars ultra Trinum.

Hinc etiam arcus Orbitæ Mercurii, interceptus inter punctum ubi Mercurius maxime à Sole Elongatus è Terra conspicitur, & punctum ubi ejus Statio proxima videtur, minorem subtendit angulum ad Solem quam arcus Orbitæ Veneris inter hujus maximam à Sole Elongationem & Stationem proximam comprehensus: Et ideo cum & minorem subtendat angulum ad Solem, & ad minorem pertineat circulum, & præterea Terræ observanti obliquior obijciatur & ab illa remotior sit; patet Mercurii Stationes esse suis maximis à Sole Elongationibus multo propiores quam Veneris.

COROLLARIUM 3.

Atque hinc rursus sequitur, ejusdem inferioris respectu, in duobus superioribus invicem collatis, quo remotior est Planeta superior à Sole, Retrogressum ejus diutius durare; nam (per præc. Coroll.) citius incipit definitque serius: At angulus Retrogradationis minor est, quoniam dati inferioris Planetæ Orbita ex Planetarum superiorum remotiore visa sub minore angulo apparet, quanti si ex propiore cerneretur: Ex Prop. autem hac xxxvii. liquet angulum Retrogradationis (comprehensum nempe inter binas rectas à superiore Planeta Soli opposito, ad loca Orbitæ inferioris ubi alter alteri Stationarius apparet) fere æquari angulo quo

inferioris Orbita ex superiore videtur, cum prædicta Stationum puncta à contactuum punctis non procul absint.

Unde fit, quod è Terra visa Saturni Retrogradatio diuturnior sit, sed per arcum minorem facta, quam Jovis; & hæc similiter quam Martis.

COROLLARIUM 4.


At ejusdem superioris respectu, in duobus inferioribus invicem collatis, quo remotior est Planeta inferior à Sole, Retrogradatio ejus & per majorem fit arcum & diutius durat. Prius ex Coroll. præc. liquet, cum Retrogradatio in duobus Planetis mutua sit per Coroll. 1: Posterius hinc constat, quod Planeta à Sole remotior, dum Retrogradus apparet, longiorem arcum tardior percurrat, & ideo majus tempus infumat.

Unde fit, quod è Tellure visa Venus & diutius Retrograda fit, & per majorem arcum, quam Mercurius.

COROLLARIUM 5.

Hinc etiam sequitur, quod, quando Planetæ duo superiores ex inferiore spectantur conjuncti, si à Sole remotior Directus est, Soli propior etiam Directus erit; si Soli propior fuerit Retrogradus, à Sole remotior etiam erit Retrogradus. Referat s Solem; IT inferioris Orbitam; PZ, RV superiorum duorum Orbitas. Ducatur ut-

cunque SI superiorum Orbitas in P & R interfecans. Sit B Locus in Orbita inferioris, in quo inferior versatur cum remotior Planeta in R Stationarius hinc videtur; sitque A Locus in eadem ubi inferior reperitur, cum propior in P ex inferiore stare apparet. Jungantur rectæ AP, AS, BR, BS. Ex Coroll. 2. patet Locum A ipsi I puncto propinquiorem esse quam B, & PAS angulum majorem esse quam RBS. Quando Planeta in R Directus ex inferi-



ore apparet, oportet inferioris Locum magis distare ab I quam B Locus, puta in c. Ponatur jam superiorum propiorem, ex inferiori visum, remotiori conjungi; eritque ideo in E puncto, ubi recta cE Orbitam PZ interfecat. Per Prop. XXI. El. I. est angulus ECS minor quam RBS; ergo multo minor est quam PAS. Planeta ergo in E ex c spectatus Directus est; quia scilicet, ut Retrogradus sit, requiritur ut ECS major sit quam PAS ad ejus Stationem requisitus.

Inferiore vero inter B & A versante, remotior ad R Retrogradus apparebit, & propior illi conjunctus etiamnum Directus; quia Planeta spectator ad terminum A nondum pervenit.

Si vero superiorum propior ad P ex inferiore Retrogradus appareat,


reat, erit inferior inter A & I , puta in D . Si jam remotior huic conjunctus appareat, erit ille in recta DP ad Orbitam RV producta, nempe in F : Sed angulus FDS est major (per *Prop. XXI. El. I.*) quam PAS , qui rursus major est (ex modo ostensis) quam RBS . Et igitur Planeta remotior in F ex D spectatus Retrogradus apparet, cum ad hoc, ut Directus appareat, requiratur angulus ad inferiorem minor quam RBS .

Atque hinc fit quod ex Terra Saturno Directo viso Jupiter & Mars non possunt jungi, nisi & ipsi Directi fuerint; vel Jovi Directo Mars non nisi Directus: At Saturno Retrogrado jungi potest Jupiter vel Mars Directus, & Jovi Retrogrado poterit Mars Directus conjungi. At Marti Retrogrado Jupiter & Saturnus conjungi nequeunt, nisi & ipsi Retrogradi fuerint; aut Jovi Retrogrado Saturnus non nisi Retrogradus.

LEMMA.

Datis in quadrilatero $CGDK$ circulo inscripto (cujus unum latus CK est circuli diameter) latere CG & diagonali CD , item ratione inter oppositum latus KD alteramque diagonalem GK , (eâdem quæ inter datas rectas N & M ;) invenire angulum GCD comprehensum inter datum latus datamque diagonalem.


Quoniam summa quadratorum à rectis CG & KG æqualis est summæ quadratorum à rectis CD & KD , (utraq; enim summa est æqualis quadrato à C K ;) erit differentia quadratorum à rectis GK & KD æqualis differentiæ quadratorum à rectis CD & CG , & proinde data. Porro, quoniam GK est ad DK sicut M ad N , erit quadratum à GK descriptum ad differentiam quadratorum ab ipsis GK & DK sicut quadratum à recta M descriptum ad differentiam quadratorum ab ipsis M & N ; facta nempe ex illis in eadem ratione cum similiter factis ex his, quæ illis sunt proportionales: Dabitur ergo (per 2. *Dat.*) quadratum à GK descriptum; dabitur etiam quadratum ex CK , compositum nempe ex datis, quadrato nimirum à GK & quadrato à CG : Quare & ipsæ rectæ CK & GK dantur; daturque etiam DK recta, quippe datam habens rationem ad GK . Geometris vero Theorema est notissimum, ab ipso *Ptolemæo Lib. 1. Magnæ Constructionis Cap. IX.* demonstratum, quod in quadrilatero circulo inscripto $CGDK$ rectangulum comprehensum sub CD & GK æquale est rectangulo sub CG & DK , una cum rectangulo sub CK & GD . Adeoque rectangulum sub CD & GK , dempto rectangulo sub CG & KD , æquatur rectangulo sub CK & GD . Dantur autem parallelogramma rectangula quæ sub datis rectis continentur, & datorum rectangulorum datur differentia; & proinde datur rectangulum sub CK & GD , & datur CK ; unde GD etiam datur. Datisque in triangulo GCD tribus lateribus, invenietur GCD angulus. Q. E. F.



PROPOSITIO XXXVIII.

Invenire Angulum Commutationis quo distant Planetæ duo dati à Sole visi, & Angulum quo distant Sol & Planetarum alteruter ex altero visi, cum datorum Planetarum alter ex altero Stationarius apparet.

Sit s Sol, datorum Planetarum Orbitæ rv , pt ; sintque cd , ra arcus à Planetis simul descripti dum alter ex altero spectatus stare videtur, qui (per dicta ad Prop. xxxvii) dati sunt. Jungantur sr , sc , item rc , ad , quæ (per præc.) erunt parallelæ. Per c ducatur linea cg ad ra parallela, item per g recta gk ad rs , & per d recta dk ad cs parallela, quæ concurrant in k ; jungatur ck recta. Erit triangulum gkd æquiangulum triangulo rsc , (cum singula illius latera singulis hujus parallela sint,) & proinde simile. Quoniam Tempus Stationis Planetæ est parvum admodum si conferatur cum Tempore periodico etiam velocissimi, linea cd à recta differt infensibiliter, sicut & à fortiori ra five cg . Illa igitur non differt ab hc recta Orbitam pt in c tangente producta, & hæc producta erit recta cl ad sr normalis, sicut ar eidem normalis est. Porro, circulus diametro ck descriptus transit per d & g , quia anguli cgk , cdk sunt recti; quippe per constructionem rectis slc , sch æquales. $cgdk$ igitur est quadrilaterum circulo inscriptum, cujus latus unum ck est circuli diameter, & in quo dantur latus cg diagonumque cd ; item ratio inter oppositum latus dk alteramque diagonalem gk , eadem nempe quæ inter datorum Orbium semidiametros cs , rs . Et igitur (per præmissum Lemma) invenietur angulus gcd , cui æqualis est angulus ad verticem hcl ; & huic rursus (per Prop. viii. El. vi.) æquatur rsc , qui est Angulus Commutationis, quo distant Planetæ duo dati à Sole visi cum alter ex altero spectatus stare videtur. In triangulo porro rsc datis duobus lateribus sr , sc & angulo ab illis comprehenso rsc , invenientur anguli src , scr ; quorum ille est angulus quo inferior à Sole distat dum è superiore Stationarius apparet, hic angulus quo superior distat à Sole dum ex inferiore stare videtur.



Hanc Methodum Stationum puncta definiendi calculo aptam & spectatoris motui circa Solem magis naturalem & quasi innixam demonstravi, Geometricam hujus Problematis constructionem transiens à Ptolemæo Lib. xii. *Almagest.* consignatam, immobilis Terræ hypothefi accommodatam, quam jam olim Apollonius Pergæus tradidit, quam nihilo secius suis congruere principiis de motu Telluris ipse testatur Copernicus Lib. v. Cap. xxxv. de *Revolut.* quamque apud prædictos Auctores videre licet.

Si

Si duarum Orbitarum non sit idem planum, altera ad alterius planum reducatur, demittendo à singulis Orbitæ reducendæ punctis perpendiculara ad istud alterum, quo pacto Orbita circularis elliptica evadit, elliptica in alteram Ellipfin vel forsan in circulum mutatur. Verum nova Orbita facilius ducitur (ope Prop. XXXIII.) per quinque puncta, quorum duo sunt eadem cum duobus Orbitæ ad cujus planum altera reducitur, communes nempe illius sectiones cum hoc; tria alia inveniuntur quærendo Distantias à Sole Curtatas, ut Prop. XXXV. factum. Quod si Orbita altera vel utraque post reductionem elliptica sit, Problema pari modo in illis construitur, & calculus præcedens similiter ad casum istum applicatur, quo in Prop. XXXVI. factum est in casu non abfimili. At ad inveniendam rationem inter RA & CD adhibenda est Prop. XLI. Lib. I. loco XXVII. ejusdem adhibitæ in casu quo utraque Orbita est circularis.

SECTIO V.

De Planetarum primariorum Tabulis, & earum Ufu.

Propter similes rationes iis, quas ad Sect. IX. Lib. II. attulimus de construendis Primi Motûs Tabulis, Artifices construunt etiam Tabulas ad Planetarum situm, tum inter se tum respectu Fixarum, ad datum Tempus expedite inveniendum, quarum Artificium & condendi modum ex antecedentibus, Ordinem ex sequentibus, colligere licebit.

PROPOSITIO XXXIX.

Tabulas describere, quarum ope cujusvis à Planetis primariis Locus Heliocentricus & Geocentricus ad datum Tempus expedite definitur.

Primo ponitur *Tabula Equationis Temporis* duabus partibus constans, de quibus actum est Prop. XVII. Et quoniam in multiplici calculo opus esset tædii plenum binas partes componentes cum suis signis excerpere, & pro occasione invicem addere aut subducere, unicam Tabulam ex illis invicem commistis conflata construant, ad Calculatoris ævum aptatam, cum in eo situs punctorum Eclipticæ ad Terræ Aphelium sensibilibus non mutetur.

Quamvis Tabula hæc *Equationis Temporis* universalibus annumerari queat, cum ad cujusvis mobilis Locum determinandum Tempus adhibere oporteat, & quidem indicatum per aliquod æqualiter latum; Tempus autem omne communiter (& aptissime) per Solem numeretur; oportet hujus motum naturâ suâ inæqualem ad æqualitatem reducere, hoc est, hujusmodi Tabulâ uti: Tamen cum ista *Equatio Temporis*, per Solem indicata, pendeat ex duplici capite à situ Telluris ad Solem, hæc licet usu generalis, & tam in Fixarum motu ex Lib. præc. quam Secundariorum ex infe-

quente determinando necessaria, ex sua natura Planetarum primariorum Tabulis accensenda est.

Deinde Tabulæ pro unoquoque sex Primariorum, Saturno nempe, Jove, Marte, Tellure, Venere & Mercurio seorsim condendæ. Licet hic (hujusve inversus) sit Ordo Planetarum verus, & eorum Tabulæ (seorsim singulæ) sint naturaliter secundum illum disponendæ; apud nos Telluris incolas ut ipsæ Telluris Tabulæ principem locum teneant necesse est, cum quod per hæc Motus Telluris quæ-ratur, unde Solis (Planetarum choragi) apparens motus pendet; tum quod hic propter Temporis Æquationem inde pendentem, & etiam immediate ad alterius cujusvis motum definiendum imprimis necessarius sit.

In Planetarum uniuscujusque Tabulis primo omnium constituenda est Radix Motûs dicti Planetæ; hoc est, ad assumptum Temporis medii punctum celebre in loco, cui Tabulæ aptantur, numeratum notatur ex præcedentibus Longitudo Heliocentrica dicti Planetæ, Aphelii Nodique ascendentis ejusdem; quarum prima, nempe Distantia Planetæ ab Æquinoctio ex duabus constat partibus heterogencis; distantia nempe Aphelii Planetæ ab Æquinoctio, per angulum expressa, & distantia Planetæ ab Aphelio expressa per arcum suæ Orbitæ.

Secundo, Motus Medii ab Æquinoctio ipsius Planetæ, Aphelii & Nodi pro Annis, horum decadibus, centenariis &c. item pro Mensibus, Diebus, Horis & Horæ partibus in Tabulas disponuntur.

Tertio, subnectitur Tabula exhibens Planetæ Anomaliam veram ad singulos gradus Anomalix mediæ ejusdem. Hæc construi poterit vel per III. Prop. vel approximando per IV, VI, vel VII. pro natura approximationis quam quisque adhibere velit.

Quarto, Tabula exhibens Distantiam Planetæ à Sole (per eandem Propositiones, una cum Prop. XXII. inventam) in partibus, quarum mediocris Distantia Terræ à Sole continet 100000, ad singulos Anomalix mediæ gradus. Hæ duæ Tabulæ commode in unam coalescunt, cuilibet Anomalix mediæ adscribendo congruam veram Anomaliam & Distantiam congruam. Distantiis hæc, ad calculi facilitatem, adduntur Logarithmi correspondentes; vel etiam Distantiarum Logarithmi soli in Tabulas disponuntur, cum illi ad calculum sufficiant.

Quinto loco ponitur Tabula exhibens Latitudinem Centricam, five Inclinationem Planetæ ad planum Eclipticæ ad singulos gradus Distantiæ à Nodo proximo, quæ Distantia à Nodo ab Astronomis *Argumentum Latitudinis* vulgo nuncupatur.

Sexto, Tabula *Reductionis* dicta, quæ Planetæ Locus in propria Orbita ad Locum in Ecliptica reducit, ostendens quanto promotior est aut minus promota in hac quam in illa.

Septimo, Tabula ostendens quanto intervallum Planetæ à Sole in propria Orbita curtandum est, ut ad Eclipticæ planum reducatur, demittendo à Planeta perpendicularum in illud. Cumque

tres

tres hæ (nempe Inclination, Reductio & Curtatio) ad singulos gradus Argumenti Latitudinis aptentur, tres præcedentes Tabulæ in unam commode coalescent; ut prius de tertia quartaque dictum. Tria hæc per vulgarem Trigonometriam expediuntur ex determinata Orbis planetarii Inclinatione ad Eclipticam, quod fit per Prop. xx.

Octavo, commode ponitur (per Prop. xxxviii. inventus) Angulus Commutationis, efficiens in isto Planeta Stationem ex Terra apparentem. Et quoniam neque Planetæ neque Terræ Orbita est circularis, nec idem Angulus Commutationis in omni casu inservire potest, immo non idem in binis Stationibus proximis; Anguli Commutationis, Planetæ Stationem tam primam quam secundam producentes, ad quatuor octove Anomalias principales in Tabulam disponuntur.

In inferiorum unoquoque commode adnecti poterit (per Prop. xxxvi. constructa) Tabula, cum priore coalescens, Angulorum Commutationis in maxima Planetæ Elongatione à Sole tam ad Orientem quam Occidentem ad easdem Anomalias aptatorum. Adnectitur etiam Profunditas Solis sub Horizonte in articulis Ortûs Occasûsve Heliaci. Atque hæ sunt Tabulæ communiore ab Astronomis condi solitæ, ad Planetarum Loca expedite inveniendæ.


PROPOSITIO XL.

*C*ujuslibet Planetæ Locum, tam Heliocentricum quam Geocentricum, secundum Longitudinem & Latitudinem ex supra descriptis Tabulis ad propositum Tempus prompte supputare, ejusque Passiones definire.

Primo omnium propositum Tempus æquetur, ut Prop. xviii. ostensum est; & Telluris Locus è Sole visus ejusdemque à Sole Distantia ad Tempus istud medium inveniantur, ut in xviii. Cumque ex prima Tabula ad Epocham assumptam dentur distantie propositi Planetæ, ejusque Aphelii & Nodi ascendenti ab Æquinoctio; & ex secunda horum Motus Medii facti inter dictam Epocham Tempusque propositum, ut dictum est, æquatum; dabuntur Planetæ Distantia media ab Æquinoctio Distantieque Aphelii & Nodi ab eodem. Intervallum duarum priorum est Planetæ Anomalia media, cui ex tertia Tabula excerpatur congrua vera sive angularis Distantia à suo Aphelio Heliocentrica; & ex quarta Distantia ejusdem à Sole. Dabitur similiter Planetæ Distantia à Nodo, sive Argumentum Latitudinis, cui ex quinta excerpatur congrua Inclination, sive Latitudo Centrica; & ex sexta Reductio, quâ ad Eclipticam reducitur; & ex septima Curtatio, quâ subductâ à Distantia Planetæ à Sole in sua Orbita, prius ex Tabula quarta excerpta, relinquitur Distantia Planetæ à Sole Curtata.

Hoc modo habentur sequentia in schemate Prop. xxxv; sc. recta s t magnitudine, nempe Distantia Telluris à Sole; eadem positione, nempe Locus Telluris Heliocentricus; recta s z magnitudine, Curtata sc. Distantia Planetæ à Sole; & eadem positione, nempe Planetæ

netæ Locus ad Eclipticam reductus: Daturque proinde TSE angulus, inter datas positione rectas comprehensus, qui & Commutationis est; invenitur igitur angulus STE Elongatio Planetæ à Sole è Tellure visa. Sed datur locus Solis è Terra visus; & ideo dantur Planetæ Locus Geocentricus in Ecliptica & TE Distantia Planetæ à Terra.



Rursus, quoniam LE est normalis ad Eclipticæ planum $TSNE$, triangula SEL , TEL sunt rectangula ad E ; & ideo tangentes angulorum ETL , ESL sunt in eadem ratione cum ES , ET : Sed ESL est Latitudo Planetæ Heliocentrica prius ex Tabula propria deprompta, & ratio ES ad ET datur; dantur enim ipsæ rectæ, (sed & harum ratio eadem est cum ratione sinuum oppositorum angulorum STE Elongationis, & TSE Commutationis,) quare ETL Planetæ Latitudo Geocentrica innotescit.

Porro, ex supra inventis Angulo Commutationis & Planetæ Anomalia, invenitur in octava Tabula num dictus Planeta sit in Statione prima vel secunda. Quod si Commutationis Angulus minor sit quam qui in hoc Planeta Stationem facit, erit Planeta Retrogradus; si major, Directus; ut superius ostensum. Eodemque modo ex eadem Tabula invenitur num Venus aut Mercurius sit à Sole maxime Elongatus. Et ex Planetæ loco supra invento, & cognita Depressione Solis ad hoc requisita, Tabulæ huic subnexa, determinabitur (per Prop. xxxviii. Lib. ii.) num Planeta oriatur occidatve Heliace, aut sub Solis radiis lateat. Et denique per eandem methodum, quâ Lunæ Phasis delincata est Prop. xvii. Lib. i., delineabitur Martis, Veneris vel Mercurii Phasis ad Tempus datum. Jupiter vero & Saturnus semper pleno orbe fulgent; ut Prop. ix. Lib. i. dictum est.

In Propositione hac ad casuum omnium varietatem non attendimus; sc. num arcus hic ab illo, aut vicissim ille ab hoc sit subducendus; nec ad diversa symptomata Inclinationis & Latitudinis Borealis & Australis, Elongationis Orientalis aut Occidentalis, & reliquorum hujusmodi; neque quomodo, ex duobus hinc inde numeris, Tabularis numerus quaesitus intermedius per proportionem sit inveniendus; Non enim calculi præcepta tradimus Supputatori ad litteram observanda, sed ejus principia Geométrica.

SCHOLIUM.

Licet Tabulæ superius descriptæ naturales sint satis & vulgo adhibitæ, tamen ad Planetarum Loca promptius invenienda hoc modo aut simili commode construuntur Tabulæ ab iis, qui Aphelia & Nodos Orbium planetariorum pro immotis habent; ut *Streetsius* de Planetis omnibus, *D. Flamstedius* saltem de Telluris Apfidibus.

Pro Planeta unoquoque constituendæ sunt Radices, non Longitudinis Planetæ ejusque Aphelii & Nodi ut prius, sed Anomalie mediae Planetæ: Et Motus Anomalie pro Annis expansis & collectis; Mensi.

Mensibus, Diebus, (vel potius ad singulos Dies singulorum Mensium currentium,) Horis &c.

Hiscæ adduntur sequentia, quæ eadem semper manent, Orbis planetarii situm definitientia ejusque Theoriam integram per numeros expressam exhibentia; nempe 1. Distantia in Ecliptica computata Aphelii à Fixarum aliqua, (puta Arietis prima,) sive differentia Longitudinis dictæ Fixæ & Aphelii planetarii, quæ & *Longitudo Aphelii à Fixa* vocatur; 2. Longitudo Nodi ascendentis Planetæ ab eadem Fixa; 3. Inclinatio Orbis Planetæ ad Eclipticæ planum; 4. majoris Axis Orbitæ planetariæ ejusque Excentricitatis Magnitudines expressæ in partibus, quarum Distantia à Terra mediocri continet 100000: Ex hisce enim, per Propositiones respectivas, inveniuntur ad quamlibet Anomaliam Planetæ mediam Planetæ Longitudo ab Arietis prima, Inclinatio sive Latitudo Heliocentrica Borealis vel Australis, & Distantia Planetæ à Sole Curtata. Ex quibus Anomalix mediæ, cui congruunt, secundum artem descriptis Tabulæ conficiuntur; loco tamen ipsius Distantiæ Curtatæ ad calculum sufficit ejus Logarithmus. Nam quia (per Prop. XLIII. Lib. I.) Fixæ & Orbium Planetariorum situs mutuus manet, sive Nodorum Apfidumque Lineæ quiescunt, (saltem ab hujus artificii Autoribus pro immotis habentur,) ad idem ejusdem Orbitæ punctum, hoc est, ad eandem Anomaliam mediam, hæc tria in eodem Planeta eadem & invariata manent. His ex Tabulis excerptis, reliqua sunt ut supra in Propositione. Longitudo autem primæ Arietis ad Tempus datum invenitur ex Tabulis Fixarum, de quibus Prop. LXVIII. Lib. II. Reliqua de Planetarum Passionibus similiter exequenda atque superius.

Quæ prædictis ad usum paratiorēs sunt Tabulæ, *Motuum Cælestium Ephemerides* vocantur, ex perpetuis supra descriptis ad certos Annos supputatæ, Planetarumque singulorum Loca secundum longum & latum, Passiones, & Aspectus mutuos tam ex Solis quam ex Terræ centro visos, ad singulos dies ostendunt; quibus adduntur Lunæ Loca etiam ad dies singulos computata, ejusdem Phases, Solis Lunæque Defectus, aliaque ex Libro sequente reperta.

PROPOSITIO XLI.

IN Planetis primariis invicem collatis Quadrata Temporum Periodicorum sunt ut Cubi majorum Axium Orbitalium Ellipticarum, quas circa Solem describunt.

Rescat s Solem; MFTN Orbitam Terræ, cujus Apfides M & N; AEPB alterius cujusvis Planetæ Orbitam, cujus Apfides A & P, quæ ita in schemate annexo delineata intelligantur, ut linearum MN, AP eadem sit inclinatio ad invicem, quæ ex præcedentibus inter dictorum Planetarum Lineas Apfidum in Cælo deprehenditur; & eadem ratio inter illarum Cubos, quæ intercedit inter Quadrata Temporum periodicorum eorundem Planetarum. Dico, quod manente

K k

Orbitâ

Orbitâ Telluris, alter Planeta nequit moveri in alia quavis Orbita præter modo descriptam $AEPB$. Si enim fieri potest, sit dicti Planetæ Orbita $\alpha\pi\beta$ diversa; hoc est, major vel minor quam Orbita $AEPB$. Designet F punctum in Orbita Terræ, in quo Tellus versatur cum Planetæ alteri juncta est Helio-centrice. Ducta SF (& si opus est producta) ostendit in Orbita $AEPB$ punctum B , in quo alter Planeta tum reperiretur si in Orbita hac moveretur; & in Orbita $\alpha\pi\beta$, quam describere supponitur, punctum β , in quo revera reperitur. Digressâ vero Tellure ab F alteroque Planetâ à β , post certum tempus reperiat illa in T , hic in ϵ : juncta S occurrat Orbitæ $AEPB$ in E puncto, in quo Planeta repertus fuisset si Orbitam $AEPB$ descripsisset, cum periodicum Tempus satis sit cognitum & certum. Ductis rectis ET , ST , erit angulus STE Elongatio Planetæ à Sole ad dictum Tempus: Hæc autem Elongatio observatis non congruit, siquidem Elongatio STE (deducta ex hypothesi quod Planeta Orbitam $AEPB$ describat) iis congruat. Et igitur posita $METN$ Telluris Orbitâ, Planeta iste alter non describit Orbitam $\alpha\pi\beta$ ab $AEPB$ Orbita diversam. Orbitalium vero $AEPB$, $MFTN$ Axium majorum Cubi sunt ut Planetarum in Orbitis illis motorum Temporum periodicorum Quadrata. Idemque de aliis Planetis cum Tellure collatis, propter similes rationes, colligitur: Et igitur, ex æquo, in duobus quibuscvis Planetis primariis inter se collatis Quadrata Temporum periodicorum sunt ut Cubi majorum Axium Orbitalium, in quibus feruntur.

Et generaliter congruentia Locorum supputatorum cum observatis Orbitæ cujufvis Planetæ Situm verum & veram Speciem arguit æque ac Magnitudinem veram. Tam vario enim inter se miscentur Situs Terræ & aliorum Planetarum, ut errores notabiles in cujufvis Orbita & Theoria ordinandis admissi se quandoque manifesto proderent, sensibilesque admodum fierent: è contrario vero ex Tabulis dictis Theoriis innixis deducta Planetarum Loca observatis mire congruunt. Interim tantilla ab observatis discrepantia aliis causis debetur; Actioni nempe Planetarum in se mutuo, cujus effectus in Planetarum motibus perturbandis inferius considerandi sunt, & Orbitæ Planetarum inde rectificandi.

PROPOSITIO XLII.

Dato Planetæ Loco Geocentrico dato Tempori congruo, ejusdem Locum ex data in superficie Habitatione visum ad dictum Tempus ex Tabulis depromere.

Si Habitatio data non fit in eodem Meridiano Terrestri cum Loco, ad quem Tabulæ constructæ sunt, Tempus datum numeratum in illa reducatur ad Tempus numeratum sub hoc, ope Tabularum

rum, Sect. ix. Lib. II. descriptarum. Ad Tempus illud inveniantur (per Prop. xxxvi. Lib. II.) è centro Terræ visa ejus Altitudo supra Horizontem Habitationis datæ & Azimuthus. Altitudini sic inventæ congrua excerpatur Solis Parallaxis ex Tabula per Prop. XLVII. Lib. II. constructa, ex Parallaxi unius Distantiæ uniusque Altitudinis, vel per aliquam Prop. Lib. II, vel per aliquam è subsequenti- bus cognita: Eritque (per Prop. XLVIII. Lib. II.) Parallaxis Planetæ in eadem Altitudine supra Horizontem ad supra excerptam Solis Parallaxin ut Distantia Solis à Terra ad Distantiam Planetæ ab eadem: Sed Distantiæ hæc in Planetæ Loco per præced. compu- tando notæ erant; quare & Planetæ Parallaxis Altitudini isti com- petens invenitur. Hæc ergo subducenda est ab Altitudine Geocen- trica supra inventa, ut evadat Altitudo semel correctæ in Habita- tione data. Altitudini per Parallaxin sic correctæ addatur Refractio congrua, ex Tabula Refractionis per Prop. LXVI. Lib. II. constructa, de cujus usu actum est Prop. LXVIII. ejusdem; consicieturque Planetæ Altitudo apparens in Habitatione data, Azimutho primum invento manente immutato. Ex Altitudine hac apparente & Azimutho inveniatur per Propositiones xxvi. & xxvii. Lib. II. Planetæ Locus, qui in data Habitatione erit apparens. Tempus propositum in Me- ridiano cui Tabulæ aptantur numeratum & postea ad Meridia- num datæ Habitationis reductum, cum sit medium, (quali opus est ad Tabularum usum,) reducitur ad apparens per Prop. XVII: Ita- que Planetæ Locus apparens, ad datum Tempus nunc apparens fa- ctum, inventus est.

SECTIO VI.

De Orbium planetariorum Magnitudine.

In præcedentibus ipsos Planetas tanquam puncta in Orbitis suis mota consideravimus; hoc est, ab illarum Magnitudine abstraxi- mus. Et in isto casu perinde est, quoad Phænomena, cujus Magni- tudinis ponatur cujusvis Orbita, modo reliquæ omnes ad hanc ratio- nem & positionem habeant quas in ipsa rerum natura obtinent. Ideo communem Orbitarum omnium earumque partium mensu- ram ubique posuimus Axem majorem Orbitæ, quam Tellus (specta- toris domicilium) circa Solem describit, aut hujus semissem, Tellu- ris à Sole Distantiam mediocrem, de hujus mediocris Distantiæ Mag- nitudine parum solliciti. Nunc vero cum reliquorum Planetarum Magnitudo cum Telluris Magnitudine comparanda venit, oportet prædictas Distantias cum Telluris Diametro comparare; quod ex cognita Parallaxi fiet, ut Lib. II. est ostensum. Et licet Planetæ Parallaxis per aliquam Parallaxis inveniendæ methodum Lib. II. traditam investigari possit, si quantumvis accurate observare lice- ret; quoniam tamen plurima nimis obvia huic obstant, methodos duas proponemus, quibus observatio hæc, imprimis lubrica, absque

notabilis erroris periculo institui possit. In prima per binas observationes in duobus Telluris Locis simul factas; in secunda ope duarum in eodem Loco factarum res conficietur.

PROPOSITIO XLIII.

EX duorum Planetarum Coniunctione, in datis duobus Terræ locis observata, utriusque Planetæ Parallaxin investigare.

Sint Loca vera duorum Planetarum in Coniunctione Corporali (hoc est, ubi alter alterum contingere vel tegere videtur) observatorum L & E . Ductus concipiatur circulus AB per Locorum Terreſtrium vertices A & B . Ducantur verticales circuli AEM , ALO , BEP , BLN . Observentur Planetæ è Locorum datorum altero (cujus nempe vertex est A) in o & M . Cumque dentur Loca ubi Observationes instituuntur, dabitur (per Prop. xxxii. Lib. II.) differentia Meridianorum; adeoque nomina horarum, quibus idem quodvis temporis instans in dictis duobus Locis insignitur: & propterea idem temporis momentum poterit eligi ad observationem in datis Locis instituendam. Eodem igitur instanti, quo Planetæ in o & M observantur è Loco cujus vertex A , observentur è Loco cujus vertex B , ex. gr. in N & P . Ducantur circuli maximi LE , OM , NP . Observentur quoque (vel per Micrometrum, vel, quod hujus instar est, fila varie in Telescopii foco tensa, vel etiam ope Icoscopii imaginem in planum projiciendo, vel alio quovis modo Artificis industriæ relinquendo) arcuum NP , OM (qui in Coniunctione Corporali, ob parvitatem, erunt rectæ) & angulorum PNB , NPB , AOM & AMO magnitudines. Datur jam, ex horum Planetarum Theoria, ratio Distantiarum eorundem à Terræ centro, ex qua & eorum Altitudinibus (exacte satis ad hoc propositum observatis) dantur (per Prop. XLIX. Lib. II.) rationes inter sinus arcuum LN , EP , LO , EM , & proinde (per 1. Dat.) dato uno innotescunt omnes. Ex puncto P in Azimuthum BN productum demittatur perpendicularis arcus PR : Et in triangulo sphaerico rectangulo PNR , è datis latere PN & angulo PNR , inveniantur latera NR , RP & angulus RPN ; innotescit igitur angulus RPE . Ponatur (more Analystarum) Sinus Parallaxis LN computationis Radix: Et è datis sinibus arcuum LN , NR inveniat (per ea quæ tradit *Ptolemæus Cap. IX. Lib. I. Almagest.*) sinus arcus LR eorum summæ. Deinde, in triangulo sphaerico LPR rectangulo ad R , è datis sinibus laterum LR , RP , inveniantur sinus lateris LP & anguli LPR : E datis itaque sinibus angulorum LPR & EPR (per ostensâ à *Ptolemæo* in loco citato) inveniat (per 1. Dat.) sinus differentie eorum; nempe anguli LPE . Ex puncto L in Azimuthum BP demittatur arcus perpendicularis LT . In triangulo igitur sphaerico PLT rectangulo



rectangulo ad T , è datis finibus lateris LP & anguli LPT , inveni-
antur finus laterum LT , TP . Datur igitur finus arcus ET , differentie
nimirum arcuum EP , TP . Et tandem in triangulo sphaerico ETL
rectangulo ad T , è datis finibus laterum LT , ET , inveniatur finus
lateris EL . Eodem profus modo inveniatur finus lateris EL , è
datis finibus arcuum LO , EM , expressus per prius positam Radi-
cem: Dabitur ergo æquatio inter finum arcus EL primo inven-
tum & finum eundem secundo inventum, cujus resolutio dabit va-
lorem Radicis, five Sinus arcus LN ; unde omnia quaesita innotescunt.

Quod si eligantur Loca talia in Terra, ut Planetæ communem
Locorum Azimuthum transcant, atque istud temporis instans in
quo horum alter dictum communem Azimuthum tenet: con-
structio hæc migrabit in particularem istam *Prop. LXXXVII. Opt.*
Prom. Jacobi Gregorii.

LEMMA.

Datis intervallo duarum quantitatum & ratione inter illas,
quantitates invenire.

Sumatur quantitas, quæ est ad notum intervallum sicut major
terminus rationis datæ ad differentiam terminorum; erit hæc quæ-
sitæ major: Nam in quatuor proportionalibus, facta ex duabus
prioribus sunt in eadem ratione cum similiter factis ex duabus
posterioribus. Si major multetur dato intervallo, relinquetur minor.

PROPOSITIO XLIV.

EX Observationibus duabus ejusdem Conjunctionis Corporalis
duorum Planetarum, in eodem Loco habitis, utriusque Pla-
netæ Parallaxin determinare.

Observeetur, prope Conjunctionem Corporalem, motus visus duo-
rum Planetarum ad Eclipticam reductus, à se mutuo (vel ad se mu-
tuo) dato tempore factus: Et per notam, ex præcedentibus, utrius-
que Planetæ Theoriam determinetur eorum motus à se mutuo, in
Ecliptica computatus, ex centro Terræ spectatus, eodem tempore
factus; quod satis accurate fieri poterit, si tempus non sit nimis
magnum. Ex hisce igitur arcibus datis, nempe vero & viso Pla-
netarum motu à se mutuo eodem tempore facto, determinanda
est utriusque Parallaxis.

Referat HO Horizontem, Z Zenith & EC Eclipticam: Sitque SV
arcus Eclipticæ, quo Planetæ (ex centro Terræ
spectati) dato tempore à se mutuo moventur,
ex eorum Theoria notus; & AB arcus Ecli-
pticæ, quo à se invicem eodem tempore mo-
veri videntur, observatione cognitus; datur
ergo horum differentia. Per A & B intelligan-
tur ducti Latitudinis circuli AD , BF , vertica-
libus ZH , ZO per S & V ductis occurrentes in
 D & F : estque SA Parallaxis Longitudinis pro-



prioris Planetæ à remotiore, five excessus majoris Parallaxis Longitudinis supra minorem in hoc situ; & VB excessus majoris Parallaxis supra minorem in altero. Ratio arcus AS ad arcum BV componitur ex rationibus AS ad SD , SD ad VF , & VF ad BV ; ratio autem AS ad SD innotescit, quia in triangulo rectilineo ASD rectangulo ad A datur angulus ASD , per Prop. xxxvi. Lib. II. inventus; ratio SD ad VF invenitur per Prop. XLVII. Lib. II.; & ratio VF ad BV invenitur ut prius ratio AS ad SD ; quare ratio AS ad BV ex hisce composita nota est: Sed arcum AS & BV nota etiam est differentia, eadem nempe cum data differentia arcuum AB & SV ; & igitur (per Lem. præc.) dabuntur ipsi arcus AS & BV . Adeoque (per 2. *Dat.*) dabuntur & ipsi SD & VF ; hoc est, excessus Parallaxis majoris supra minorem in Altitudine data: poterit enim Altitudo HD vel OP fatis exacte ad istud propositum observari. Et inde excessus majoris Parallaxis horizontalis supra minorem horizontalem (per Prop. XLVII. & LXIII. Lib. II.) etiam dabitur: Sed per Prop. xxxv. datur ratio inter Distantias datorum Planetarum à Terra tempore observationis, (nam utriusque Distantia à Tellure in partibus mediæ Distantiæ Telluris à Sole exprimitur;) & ideo ratio Parallaxium horizontalium eorundem Planetarum etiam datur, quippe (per Prop. XLVIII. Lib. II.) prioris reciproca: Et igitur (per Lem. præc.) dantur ipsæ Planetarum Parallaxes horizontales.

Atque hinc omnium Planetarum Parallaxes determinantur: Nam ex data Parallaxi unius Planetæ dantur Parallaxes omnium per Prop. XLIX. Lib. II; quia, ex præcedentibus, ad tempus datum datur ratio inter illorum Distantias à Telluris centro.

SCHOLIUM.

Quamvis duo quilibet Planetæ in qualibet Coniunctione (modo in Prop. præced. ostenso) adhiberi possint ad utriusque Parallaxin determinandam, immo Planeta quivis (Mars v. g. in situ Achronychio Terræque proximo) conjunctus Fixæ, cujus Parallaxis est nulla, ad ejus Parallaxin (tum temporis maximam) definiendam sufficiat, inferiorum alter Solis discum transiens proposito est aptissimus; præcipue Venus, cujus Parallaxis est maxime sensibilis, quippe tunc propioris, & Theoria, in quantum rei huic est necessaria, satis accurate nota.

PROPOSITIO XLV.

Orbitarum planetariorum Axes majores, Excentricitates &c. in mensuris notis determinare.

Ad quodvis tempus (per præcedentium duarum aliquam vel aliam quamlibet praxin Lib. II. indicatam) inveniatu-
r cujusvis Planetæ Parallaxis cognitæ Altitudini apparenti competens; & inde dabitur ratio Distantiæ Planetæ à centro Terræ ad Semidia-
metrum

metrum Terræ; eadem nempe (per Prop. XLVI. Lib. II.) quæ est inter finem Distantiæ apparentis à vertice & finem Parallaxis. Atqui (per Prop. XXXV.) datur ratio inter Distantiam Planetæ à centro Terræ & ejusdem Distantiam à Sole ad Tempus istud cognitum; & (ex superioribus) ad idem Tempus datur ratio Distantiæ Planetæ à Sole ad Orbitæ Axem majorem ejusque Excentricitatem &c: Et igitur, ex æquo & per 2. *Dat.* dabitur ratio istarum rectarum ad Terræ Diametrum; hoc est, dabuntur omnes istæ Orbitalium dimetientes rectæ per Terræ Diametros expressæ. Cumque ex Scholio Prop. XVII. Lib. II. Terræ Diameter cognita sit in mensuris notis & familiaribus, dabuntur etiam prædictæ Orbitalium rectæ in iisdem.

Hinc ad Tempus propositum Distantiæ Solis & Planetarum primariorum à Terra per Terræ Semidiametros aliasve mensuras notas expressæ innotescunt: Nam ad dictum Tempus distantiæ istæ expressæ in partibus mediocris Distantiæ Terræ à Sole notæ sunt per Prop. XXXIV. & XXXV. & (per hanc) dicta mediocris Distantia Terræ à Sole in notis mensuris cognita est.

SECTIO VII.

De Magnitudine & Densitate Solis & Planetarum primariorum.

PROPOSITIO XLVI.

Solis Planetarumque primariorum Magnitudinem definire.

Consonum est ut hoc loco, post traditam Planetarum Theoriam, agamus etiam de illorum Magnitudine & Densitate, ex quibus conjunctim Quantitas Materiæ in singulis pendet; præsertim cum quædam in eorum Motu Orbiumque dimensione hinc rectificanda veniant.

Sit horum aliquis ABC , cujus centrum P ; sitque O oculus Observantis. Jungatur recta OP , per quam ductum intelligatur planum secans Solis vel Planetæ corpus sphericum in ejus circulo maximo BAC . Ex O ducantur rectæ hunc tangentes OA , OB , & jungatur PA recta. Angulus AOB idem est cum dicti corporis Diametro apparenti ex O , secaturque hic bisariam per OP rectam. Observetur hæc per methodos Astronomis satis notas, quo pacto in triangulo AOP noti erunt omnes anguli: nam (per Prop. XVI. *El.* III) A est rectus, & AOP est observatæ Diametri apparentis semissis; unde innotescit ratio laterum OP & AP : Sed (per Prop. XLV.) datur ratio inter Terræ Semidiametrum & OP Planetæ Distantiam; & igitur, ex æquo, datur ratio inter Semidiametros Terræ & Planetæ; ergo & hujus triplicata etiam est data,



nempe

nempe ratio inter Terram & Planetam. Datur autem Terræ Magnitudo per Schol. Prop. XVII. Lib. II; & igitur Planetæ Magnitudo (per 2. *Dat.*) data est. Q. E. F.

Si per Terræ & Planetæ centra T & P tractatum planum secet utrumque, erunt hujus plani cum istis corporibus sectiones communes circuli in illis maximi. Quod si ducantur tangentes rectæ TA , PD , & jungantur TP , TD , AP ; hæ duæ ultimæ coincidunt fere cum arcibus centris T & P & distantia TP descriptis; ac proinde sunt in eadem ratione cum angulis TPD , PTA quos subtendunt, quorum hic est Semidiameter Planetæ apparens, ille ejus Parallaxis horizontalis: & proinde inverse Diameter Planetæ est ad Terræ Diametrum ut Semidiameter Planetæ apparens ad Parallaxin ejus horizontalem. Dantur autem tres posteriores hujus analogiæ termini; ergo & primus, Planetæ nempe Diameter.



SCHOLIUM.

Per methodum prædictam Solis Planetarumque præter Terram omnium Magnitudines inter se accurate comparari poterunt. Nam illorum Diametri sunt in ratione composita ex ratione Distantiarum & ratione sinuum semi-angulorum sub quibus videntur, hoc est, fere, Diametrorum apparentium: Ratio vero Distantiarum per Prop. XXXV. inventa eadem est cum vera per Prop. XLI; & Diametrorum apparentium ratio ex observatione citra dubium constat. Verum comparatio Magnitudinum istorum corporum cum Magnitudine Telluris pendet à Planetæ alicujus Parallaxi. Si hæc accurate non detur, dicta comparatio accurate institui nequit. Optimos ejus investigandæ modos supra propriis locis tradidimus: Sed horum ultimus Prop. XLIV. traditus ad præxim maxime accommodus videtur, si ad Venerem in Solis disco visam applicetur; quod nondum factum est, nec ante Annum 1761 (cum Venus in Sole secundo ab hominibus videbatur) fieri poterit. Si interim Terræ Diameter ex Sole visa statuatur mediocris inter reliquorum quinque Diametros ex eodem visas, (quod verisimillimum est à vero non multum aberrare, & porro Solis Parallaxi per Mercurii in Sole visi observationem, aliasque observationes aliter institutas, definitæ proxime congruit,) Planetarum omnium & Solis Magnitudines prædibunt illorum veris Magnitudinibus satis propinquæ, & pro veris habendæ, donec aliquid certius de Parallaxi Solis ex observationibus statuatur.


PROPOSITIO XLVII. LEMMA.

Invenire rationem Distantiæ dati Secundarii à suo Primario ad Distantiam dati Primarii à Sole.

Referat s Solem; T Terram; P Planetam quemvis, cujus Satelles A . Observetur ex T maxima hujus Elongatio à P , nempe angulus ATP . Igitur in triangulo $PA'T$ rectangulo ad A , dato angulo T dabitur

bitur ratio lateris AP ad PT : & per Prop. XXXV. datur ratio PT ad TS , & ratio TS ad Distantiam alterius cuiusvis Planetæ à Sole: etiam est nota; & igitur non latebit ratio inter Distantiam dati Satellitis à suo Primario & Distantiam cuiusvis Primarii à Sole.


Quod si Satelles propositus sit Luna nostra, Problema aliter solvi nequit quam (per aliquam ex methodis supra traditis aut similem) investigando Distantiam Solis à Terra, & (per eandem, aliamve vel hæcenus traditam vel inferius Lib. IV. tradendam) Distantiam Lunæ ab eadem.



PROPOSITIO XLVIII.

Invenire rationem Quantitatis Materiæ in Sole ad Quantitatem Materiæ in dato Planeta primario, circa quem Satelles revolvitur.

Sit s Sol; P Planeta primarius datus, circa quem afflecla A rotatur; sitque v alter quivis à Primariis ad libitum assumptus: fiat PB æqualis sv , & concipiatur corpus quodvis in B locatum: eritque (per Prop. XLIX. Lib. I.) Quantitas Materiæ in s ad Quantitatem Materiæ in P , ut gravitas acceleratrix corporis v versus s ad gravitatem acceleratricem corporis B versus P . Et ratio gravitatis acceleratricis corporis v versus s ad gravitatem acceleratricem corporis B versus P componitur ex ratione gravitatis acceleratricis corporis v versus s ad gravitatem acceleratricem corporis A versus P , & ratione gravitatis acceleratricis corporis A versus P ad gravitatem acceleratricem corporis B versus idem P . Sed (per Prop. XXVI. Lib. I.) gravitas acceleratrix corporis v versus s est ad gravitatem acceleratricem corporis A versus P in ratione composita ex ratione rectæ sv ad PA rectam, & ratione duplicata Temporis periodici Satellitis A circa P ad Tempus periodicum Primarii v circa Solem; & gravitas acceleratrix corporis A versus Planetam P est ad gravitatem acceleratricem corporis B versus eundem in duplicata ratione rectæ PB (five huic æqualis sv) ad rectam PA . Et igitur gravitas acceleratrix corporis v versus s est ad gravitatem acceleratricem corporis B versus P ; hoc est (ut supra ostensum) Quantitas Materiæ in s est ad Quantitatem Materiæ in P , in ratione composita ex sequentibus tribus; viz: ratione rectæ sv ad rectam PA , duplicata ratione Temporis periodici Satellitis A circa Planetam P ad Tempus periodicum Primarii v circa Solem, & duplicata ratione rectæ sv ad rectam PA . Prima vero ratio componens & ultima faciunt triplicatam rationem



tionem rectæ sv ad pa : Unde Quantitas Materiæ in s est ad Quantitatem Materiæ in p in ratione composita ex triplicata ratione sv ad pa , & duplicata ratione Temporis periodici Satellitis a circa p ad Tempus periodicum Primarii v circa Solem. Utraque autem componens ratio datur; nempe ratio sv ad pa per præmissum Lemma, & ipsa Tempora periodica per observationem: non latebit igitur ratio composita; nempe ratio Quantitatis Materiæ in Sole ad Quantitatem Materiæ in Primario p .

Hinc invenietur ratio Quantitatis Materiæ in Planetis tribus Satellitio donatis; inveniendò sc. rationem Quantitatis Materiæ in illorum unoquoque ad Quantitatem Materiæ in Sole.

SCHOLIUM.

Similiter invenietur ratio Gravitatis Acceleratricis in superficie Solis ad Gravitatem Acceleratricem in superficie cujusvis Planetæ Satellitem habentis. Habentur enim ratio Gravitatis in superficie Solis ad Gravitatem in v , duplicata sc. rationis Distantiæ sv ad Semidiametrum Solis ex præcedentibus cognitæ, & ratio Gravitatis in v versus Solem ad Gravitatem in a versus Planetam, inventa ut supra; item ratio Gravitatis in a ad Gravitatem in superficie Planetæ p , duplicata notæ rationis quam habet Semidiameter Planetæ ad Distantiam Satellitis à Primario. Liquet jam rationem ex tribus hisce notis rationibus compositam eandem esse cum ratione Gravitatis in superficie Solis ad Gravitatem in superficie Planetæ p . Et hinc rursus, ex æquo, determinabitur ratio Gravitatis in superficie unius Planetæ ad Gravitatem in superficie alterius, si uterque Satellite gaudet.

PROPOSITIO XLIX.

Invenire rationem Densitatis Solis ad Densitatem Planetæ cujusvis Primarii, circa quem Satelles revolvitur.

Si duo corpora a & b sint ejusdem magnitudinis, patet quantitatem materiæ in a esse ad quantitatem materiæ in b ut densitas ipsius a ad densitatem ipsius b : Et si ejusdem fuerint densitatis, quantitas materiæ in a est ad quantitatem materiæ in b ut corporis a magnitudo ad magnitudinem corporis b : Et igitur, licet neque magnitudines neque densitates æquantur, ratio quantitatis materiæ in a ad quantitatem materiæ in b componitur ex directa ratione densitatum & directa ratione magnitudinum eorundem. Unde ratio densitatis corporis a ad densitatem corporis b componitur ex ratione quantitatis materiæ in a ad quantitatem materiæ in b , & ratione magnitudinis corporis b ad magnitudinem corporis a ; hoc est (in casu præsentis) Densitas Solis est ad Densitatem Planetæ in ratione composita ex ratione Quantitatis Materiæ in Sole ad Quantitatem Materiæ in dicto Planeta, & ratione Magnitudinis Planetæ ad Magnitudinem Solis. Sed (per Prop. præc.) datur componentium rationum prior, si Planeta Satellite gaudet;

&

& (per Prop. XLVI) datur posterior; ergo datur ratio ex iis composita, nempe Densitatis Solis ad Densitatem Planetæ.

COROLLARIUM

Hinc, ex æquo, habetur ratio inter Densitates trium à Planetis primariis, nempe Saturni, Jovis & Terræ. Trium reliquorum Densitates hinc analogice derivare licebit. Nullum est dubium, quin sapientissimus Mundi Conditor Deus O. M. Planetas in diversis à Sole distantis collocaverit, ut quilibet pro gradu Densitatis calore Solis majore vel minore fruatur: Materia enim densior ad operationes naturales obeundas majorem calorem requirit. Sed & Magnitudinis Planetarum aliquis proculdubio est respectus, cum similium corporum minora, cæteris paribus, fortius intimiusque calefiant; quippe respectu suæ molis majorem superficiem habentia, ac proinde plures radios excipientia.

PROPOSITIO L.

Orbitarum planetariorum Axes majores superius inventas corrigere.


Prop. xxiv. capti sunt Orbium Axes majores in ratione subsequeplicita Temporum periodicorum: nempe à Massis Planetarum abstractum est ut decuit ante illarum determinationem, & Planetæ pro punctis habiti in Ellipsis circa immotum Solis centrum in umbilico positum revoluti. Quoniam vero propter Solis & Planetæ Actiones mutuas, quibus fit (per Prop. LVIII. Lib. I.) ut Planeta Ellipsin describat cujus Focus est commune gravitatis centrum sui & Solis, similem (per Prop. LI. Lib. I.) illi quem circa immotum Solem viribus iisdem attractus describeret; & (per Prop. LIV. Lib. I.) ostensus est major Axis Ellipseos, quam Planeta quivis describit circa Solem simul circa commune centrum gravitatis revolvantem, esse ad Axem majorem Ellipseos, quam idem Planeta circa Solem quiescentem eodem Tempore periodico describere posset, in subtriplicata ratione summæ Massarum Solis & Planetæ ad Massam Solis; ideo Orbitæ cujusque Planetæ Axis major (per Prop. xxiv. inventus) augendus est in dicta ratione subtriplicata summæ Massarum Solis & Planetæ ad Massam Solis, ut evadat correctus. Datur vero (per Prop. XLVIII.) ratio inter Massas Solis & Planetarum; & igitur datur ratio, in qua Orbitalium Axes majores (per Prop. xxiv. inventi) sunt augendi, ut evadant correcti.

PROPOSITIO LI.

Errores motus Planetarum circa Solem à mutua Actione oriundos æstimare.

Si s referat Solem, ABCB & DL duorum Planetarum Orbitalitas; patet, dum Soli propior est in A remotiorque in D, (Planetis nimirum ad Conjunctionem Heliocentricam tendentibus,) per mutuam Attractionem Soli propiorem aliquantulum accelerari,
L 1 2
remo-

remotiorem retardari; & cum post Conjunctionem ad fitum qualis est c & d pervenerint, remotiorem accelerari, propiorem retardari; & prope Conjunctionem Heliocentricam Distantiam remotioris à Sole minui, propioris augeri. Cumque Massæ Solis & utriusque Planetæ (per Prop. XLVIII.) datæ sint, & Distantiæ mutæ ex superioribus etiam sint datæ, & quidem (per Prop. præc.) correctæ; dabitur ratio Attractionis cujusque in Solem ad Attractionem in alterum, & inde ratio Erroris à mutua Attractione oriundi ad effectum Vis ejus, quæ quisque in Orbe proprio circa Solem retinetur.



Quod si Error omnis in Planetam à Sole remotiorem rejiciatur, propioris Orbitæ manente, hoc fere fiet (per Prop. LVIII. Lib. I.) constituendo umbilicum Orbis exterioris in communi centro gravitatis Solis & interioris.

Erroris isti in Jove & Saturno maxime sunt sensibiles, propter ingentes istorum Planetarum Massas.

SCHOLIUM.

Sunt & inæqualitates ex mutua Actione Primarii & suorum Satellitum oriundi: Nam (per Prop. LXIII. Lib. I.) non Primarii centrum, sed centrum gravitatis Primarii & Satellitum, Orbitam Ellipticam circa Solem describit. Quoniam vero hæc à quantitate materiæ in istis Secundariis pendet, cujus determinandæ ratio ad Librum sequentem proprie spectat, de illis nunc tacemus.

SECTIO VIII.

De Figura Solis & Planetarum.

PROPOSITIO LII.

Determinare Telluris Figuram; hoc est, rationem quam ejus Axis habet ad Diametros eidem normales.

Libro primo Prop. XXXI. generatim, ex causis propriis, est ostensum Solem & Planetas Figurâ indutos esse versus Polos depressâ, versus medium inter Polos circulum elevatâ, ad Sphaeroidem prolatam accedente. Nunc ad Figuram hanc ex observationibus determinandam accedimus. Ac primo Telluris Figura definienda est.

Referat Figura *APBP*, cujus centrum *c*, Tellurem; *pp* ejus Axem; *AE* Æquatoris Diametrum quamvis Axi normalem. Mensurentur longitudines Pendulorum dato temporis spatio in Cycloide oscillantium in locis *A* & *P*: erunt *Ac*, *Pc* reciproce ut dictæ Penduli longitudines, adeoque in ratione nota. Idem fiat in loco quovis intermedio *B*, cujus Latitudo (sc. *ACB* angulus) per Prop. XVIII. Lib. II. innotescit; eruntque *Ac*, *Bc* reciproce ut longitudines Pendulorum pari temporis spatio in locis istis *A* & *B* oscillantium, & proinde in ratione data.

Concipiatur enim canalis fluido plena inflexa ab *A* ad *c*, & inde ad

ad P. Ex fluidi quiete manifestum est fluidum in canalis crure AC in æquilibrio esse cum fluido in ejusdem crure PC, vi centrifugâ ex motu circa Telluris Axem ortâ & majore à centro Terræ distantia attollentibus & retinentibus fluidum in crure CA ad majorem altitudinem quam in CP crure Unde & portio quælibet fluidi in CA in æquilibrio est (sive æqualiter gravis est) cum simili & similiter posita fluidi portione in crure CP, (quod proinde etiam verum est de corporibus quibuscvis homogeneis, etiamsi fluida non sint;) & suprema crurum puncta A & P similiter in cruribus sita sunt: Et igitur corpora homogenea in A & P constituta, quæ sunt ut AC, PC, æquigravia sunt versus Terræ centrum. Sed gravitas corporis in A positi, quod est ut PC, est ad gravitatem alterius homogenei ibidem consistentis, quod est ut AC, sicut PC ad AC, (nempe homogeneorum corporum juxta positum pondera ut ipsa corpora;) & igitur corporum homogeneorum æqualium in A & P positum gravitates sunt ut PC & AC; hoc est, reciproce ut distantia à centro. Simili prorsus ratione ostendetur gravitas corporis in B ad gravitatem æqualis & homogenei in P ut CP ad CB; etenim fluidum in canale BCP immotum permanebit, ut in priori ACP: Unde, ex æquo, æqualium & homogeneorum corporum in Telluris superficie ubicunque consistentium gravitates absolutæ sunt reciproce ut distantia à centro. At corporis gravitas acceleratrix est ut ejus gravitas absoluta applicata ad ejusdem molem: Adeoque corporum in Telluris superficie constitutorum gravitates acceleratrices sunt ut locorum distantia à centro inverse. Porro, quoniam oscillatio corporis penduli ad A positi, & in Cycloide moti, æquidioturna ponitur (ex observatione) cum oscillatione alterius ad P; & (per *Prop. xxv. Part. II. Horologii Oscillatorii Christiani Hugenii*) tempus descensus liberi per Cycloidis axem datam habet rationem ad tempus oscillationis in ista Cycloide; & (per *Prop. vi. & vii. Part. III. dicti Libri*) axis Cycloidis, quam grave Pendulum describit, datam habet rationem ad longitudinem fili dictum grave suspendentis; & proinde tempus descensus liberi per axem Cycloidis datam etiam habet rationem ad tempus descensus liberi per fili longitudinem, nempe prioris subduplicatam: erit tempus descensus liberi per longitudinem penduli ad A positi æquale tempori descensus liberi per longitudinem penduli ad P positi. Sed spatia ad A & P, æqualibus temporibus casu libero percurra, sunt ut gravitates acceleratrices in dictis locis A & P, sc. effectus ut causæ; & dictæ gravitates acceleratrices hætenus ostensæ sunt ut distantia à centro Terræ inverse; & igitur longitudo penduli ad A est ad longitudinem penduli ad P æquali tempore oscillantis ut CP ad CA. Similiterque ostendetur longitudo penduli ad B esse ad longitudinem penduli ad P æquali tempore oscillantis ut CP ad CB: Unde, ex æquo, erunt universaliter longitudines pendulorum æqua-




libus temporibus oscillantium reciproce ut distantiae locorum à centro Terræ. Cum igitur inventæ sint ratio ipsius AC ad quamlibet BC & inclinatio dictæ BC ad AC , ac (inter cætera) ratio ipsius AC ad PC ; definita est natura Figuræ $APEP$, sectionis nempe Telluris cum plano Meridiani, cuius rotatione circa Axem PP ipsa Telluris Figura gignitur. Q. E. F.

Si Terræ figura modo supradictò definienda sit, non opus est mensuratâ longitudine penduli dato temporis spatio oscillantis ad ipsum Polum P : per plures enim ejusmodi longitudes observatas in diversis Latitudinibus tuto concludetur longitudo penduli dicto temporis spatio oscillantis ad ipsum Polum. Rursus, in solvendo hoc Problemate non opus erit in diversis locis pendulum ita aptare, ut eodem temporis spatio oscillationes suas peragat: sufficit pendulum uni loco aptatum ita ut ejus oscillationes singulæ dato temporis spatio respondeant, in alia loca transferre, & notare quantum horologium, cui dictum pendulum est pro libratorio, tempore unius revolutionis apparentis Fixæ ad eundem locum, retardetur aut acceleretur, prout loca, in quæ transfertur, \mathcal{A} Equatori aut Polo viciniore sunt quam est is cui aptatum est automaton, & ex ista retardatione aut acceleratione calculo colligere quâ opus sit penduli longitudine, ut oscillationes singulæ pari tempore peragantur quo peractæ sunt in loco, cui pendulum primo erat aptatum.

COROLLARIUM.

Hinc sequitur, si (iisdem manentibus) intervallo CA vel CB describatur circulus, & producatur utcunque ducta CB ad D , esse DB ut incrementum gravitatis acceleratricis in recessu ab \mathcal{A} Equatore versus alterutrum Polum, sive ut incrementum supra longitudinem penduli dato tempore ad \mathcal{A} Equatorem oscillantis loco B congruum. Nam supra est ostensum, si AC exponat gravitatem aut longitudinem penduli ad Polum, quod CP repræsentabit gravitatem aut longitudinem penduli pari tempore oscillantis ad \mathcal{A} Equatorem; & ideo (productâ PP ad F & G) PF repræsentabit incrementum gravitatis aut longitudinis dicti penduli ad Polum P . Similiter, si CB exponat gravitatem aut longitudinem penduli ad A , AC (hoc est, DC) exponet gravitatem aut penduli longitudinem ad B ; & consequenter DB excessum sive incrementum gravitatis longitudinisve penduli ad B , supra gravitatem pendulive pari tempore oscillantis longitudinem ad A .

Si $APEP$ sectio Telluris cum plano Meridiani sit Ellipsis, erunt gravitatis pendulive longitudinis incrementa in diversis locis superficie Terræ, supra gravitatem pendulive longitudinem ad \mathcal{A} Equatorem, quamproxime in duplicata ratione sinuum rectorum Latitudinum istorum Locorum. Per D ducatur DM Axî PP parallela, Ellipsi in L rectæque AE occurrens in M puncto, ex quo in CD demit-



demittatur perpendicularis mk ; sumatur dh æqualis pf , unde ch æqualis cp , & jungatur lh . Quoniam ape est Ellipsis, est (per *Prop. xxi. Lib. I. El. Conic.*) cpq ad mlq ut rectangulum sub ac & ce ad rectangulum sub am & me : Et, per eandem, in circulo afe est cfq ad mdq etiam ut rectangulum sub ac & ce ad rectangulum sub am & me ; & ideo cfq erit ad mdq sicut cpq ad mlq . Unde cf est ad md sicut cp ad ml ; adeoque (per *Prop. xix. El. v.*) pf est ad ld sicut cp ad ml ; hoc est, hd est ad ld sicut ch ad ml ; & igitur (per *Prop. II. El. vi.*) lh parallela est ad cm ; & proinde triangulum ldh simile triangulo mdc , & similiter positum. A trianguli autem cmd angulo recto m ducta est ad hypotenusam dc perpendicularis recta mk , quod etiam quamproxime factum est in triangulo hld , existente curvæ Eclipticæ particulâ lb & fere rectâ, & ad cd normali, propter Ellipsin $apep$ non multum abluentem à circulo $afeg$: Unde cd similiter dividitur in k atque hd in b divisa est; id est, hd est ad db sicut cd ad dk , sive pf ad bd sicut cd ad dk . Rursus, propter triangulum rectangulum cmd divisum per rectam mk ad cd normalem (per *Prop. viii. El. vi.*) erunt cd , dm , dk proportionales, sive ratio cd ad dk duplicata rationis cd ad dm ; hoc est, rationis cf ad md . Sed hæcenus est ostensum esse pf ad bd sicut cd ad dk ; & igitur pf est ad bd in duplicata ratione cf ad md : Sed cf est sinus totus, & md sinus rectus anguli acb , nempe Latitudinis loci b ; & pf , bd sunt incrementa gravitatis vel longitudinis penduli dato tempore oscillantis locis p & b congrua, supra gravitatem pendulive longitudinem ad Æquatorem: Et igitur, posita $apep$ Ellipsi, incrementum gravitatis vel longitudinis penduli ad Polum, supra gravitatem pendulive longitudinem ad Æquatorem, est ad simile incrementum in alio quovis superficiei Terræ loco b quamproxime in duplicata ratione radii ad sinum rectum Latitudinis dicti loci b . Atque idem ostendetur de alio quovis loco in Terræ superficie: Et igitur, ex æquo, si $apep$ fuerit Ellipsis, erunt gravitatis pendulive longitudinis incrementa in diversis locis superficiei Terræ, supra gravitatem pendulive pari tempore oscillantis longitudinem ad Æquatorem, in duplicata ratione sinuum rectorum Latitudinum istorum locorum quamproxime.

SCHOLIUM.

Præmissa omnia vera sunt ex hypothesi quod Terra ex materia uniformi & æquidensa constat. Supposuimus enim fluidum, quo canales ace , bcp impleti sunt, uniforme esse & homogenum. Verum si materia, ex qua Terra constat, densior sit ad centrum quam versus superficiem, prædicta incrementa distantiarum à centro perendo à Polis ad Æquatorem, hisque proportionalia incrementa gravitatis longitudinisque penduli dato tempore oscillantis perendo ab Æquatore ad Polos, majora erunt quam pro calculo superioribus innixi; & Terræ Axis minor erit respectu Diametrorum eidem normalium. Nam si materia ista versus centrum, quâ Terra
ibi

ibi densior est, subducta concipiatur, aut potius seorsim spectetur ut materia reliqua sit ubique æquidensa; ex præcedentibus patet gravitatem acceleratricem in diversis superficiei Terræ hujus æquidensæ locis esse reciproce proportionalem distantiae à centro. Sed dicta gravitas acceleratrix adhuc augetur propter materiam istam redundantem circa centrum; & quidem (ut ex Lib. I. patet) quamproxime in inversa duplicata ratione distantiae ab istius, id est, Terræ centro. Cum igitur in casu Terræ uniformiter densæ illius superficies versus Æquatorem elevetur, versus Polum vero deprimatur; gravitasque ad Æquatorem minor sit quam ad Polum in ratione distantiae Poli à centro ad Æquatoris semidiametrum; & porro, ad prædictam materiam redundantem circa centrum gravitas ad Æquatorem minor sit quam ad Polum in ratione duplicata distantiae Poli à centro ad Æquatoris semidiametrum, quæ ratione priore simplice minor est, cum ratio ista sit minoris inæqualitatis; & igitur ex utraque simul causa, sive in casu Terræ versus centrum densioris, gravitas ad Æquatorem, ex prioribus binis composita, minor est quam gravitas ad Polum in ratione minore, quam est ea quam distantia Poli à centro habet ad Æquatoris semidiametrum. Et ideo ex minore hac gravitate ad Æquatorem, respectu ejus quæ obtinet ad Polos, Tellus magis ad Æquatorem elevabitur quam pro superioribus. Idemque obtinet in longitudine penduli dato temporis spatio oscillantis; quippe quæ superius ostensa est gravitati acceleratrici proportionalis.

PROPOSITIO LIII.

D*eterminare rationem, quam Solis aut dati Planetæ Axis habet ad Diametros eidem normales.*

Inveniatur per Prop. xxvi. Lib. I. ratio Vis Centrifugæ in medio inter Polos circulo Solis dativæ Planetæ ad Vim Centrifugam in Æquatore Terræ: Datur autem ratio inter Vim Centrifugam in Æquatore Terræ ad gravitatem in Terræ superficie, eadem sc. cum superius inventa ratione quam habet excessus Diametri Terræ secundum Æquatorem ad ejusdem Axem; & ex *Schol. Prop. XLVIII.* datur ratio gravitatis in Terræ superficie ad gravitatem in superficie Solis dativæ Planetæ: Et igitur dabitur ratio ex datis hisce composita, nempe ratio quam habet Vis Centrifuga in medio inter Polos circulo Solis dativæ Planetæ ad gravitatem in superficie ejusdem. Atque hæc eadem est cum illa, quam habet excessus Diametri Æquatoris Solis vel dati Planetæ supra ejusdem Axem ad dictum Axem, cum (per Prop. præc.) excessus iste à Vi illa Centrifuga sola proveniat, & proinde sit illi proportionalis: Dabitur igitur (per 6. *Dat.*) ratio inter Solis dativæ Planetæ Axem ejusdemque Diametrum Axi normalem.

SECTIO

S E C T I O IX.

De Distantia Fixarum.

PROPOSITIO LIV.

Distantiam Fixæ per Observationem determinare.

Definitis Distantiâ & Magnitudine Solis & Planetarum primariorum, restat ut de Fixarum Distantia paucis differamus. Et licet Fixarum Distantia tam immense major sit quam Telluris Diameter, ut hæc præ illa evanescat penitus & insensibilis evadat; adeoque omnes methodi hoc Libro & præcedente traditæ ad Phænomeni cuiusque Parallaxin, & consequenter Distantiam, inveniendam in hoc negotio inutiles sint: videri tamen poterit Diametrum Orbitæ, quam Tellus spatio annuo circa Solem describit, etiam cum Distantia Fixarum comparari posse; cumque nos Terra vecti nunc hoc nunc illud Diametri dictæ Orbitæ extremum teneamus, sensibilem admodum oriri debere Fixarum Parallaxin ex adeo sensibili Observatoris translatione. Observatio commodissime modo sequenti aut simili instituetur.

Referat s Solem, *A M B* Orbem magnum. Eligantur duæ Fixæ propinquæ invicem *c* & *f* non procul ab Ecliptica sitæ. Observetur harum Distantia cum illarum altera *c* Soli opponitur, sc. angulus *f a c*. Observetur rursus illarum Distantia cum *c* est Soli conjuncta, nempe *f b c* angulus. In triangulo igitur *f a b*, ex datis omnibus angulis, datur ratio laterum; nempe *f a* Distantiæ Fixæ ab *a* ad *a b* Diametrum Orbis magni per Prop. XLV. notam; determinatur igitur *a f*. Similiter eruetur Fixæ Distantia, si observatio secunda Distantiæ Fixarum apparentis instituatur cum *c* non est Soli conjuncta, (quod forsan, propter Solis splendorem, difficile foret.) sed in alio quovis noto Telluris situ, v. g. dum hæc est in *m*: Nam *a m* recta, ejusque ad notam *a b* ratio, per supra citatam Prop. XLV. innotescit.

Definitâ semel Fixæ alicujus Distantiâ, illius Magnitudo definietur per methodum Prop. XLVI. traditam, modo Fixæ Diameter apparens sit sensibilis.

S C H O L I U M.

Quoniam supra descriptæ observationes, simileve ad Fixarum Distantiam definiendam necessariæ, tam lubricæ sunt tantamque requirunt subtilitatem, ut hanc se consecuturos Artifices spondere non audeant; insignem tamen victoriam reportasse videantur, si esse aliquam Fixarum Parallaxin, magni Orbis respectu, observatione ostendant: sic enim Telluris Motum ultra dubium ponerent, quod

M m

operæ



operæ pretium esse agnoscunt omnes. Hoc autem haud incommode fiet modo sequenti.

Reliquis manentibus, Fixæ duæ F & c non sint prope Eclipticam. Per illas & Solem trāductum planum fecet Telluris Orbitam in A & B , quæ satis exacte ad præsens institutum ex dictis in præc. Lib. dabuntur. Observentur anguli CAF , CBF (sive Fixarum F & c Distantiæ apparentes, visæ ex Tellure in A & B versante) qui satis notabiliter diverſi erunt, si AB respectu Ae sit sensibilibus & Stellæ c & F admodum inæqualiter à Sole distent, quod in Stellaris diverſæ Magnitudinis obtinere verisimillimum videtur. Immo si loco binarum Stellarum c & F , binæ, quales sunt d & D , conspiciantur, (quod in tanta Syderum multitudine contingere poterit,) ex A videbitur D ad unam à c plagam, ex B ad alteram; vel fortasse videbuntur duæ Stellæ unâ Anni tempeſtate coincidentes, alterâ notabiliter inter se distantes: in quo casu, absque ullo instrumento ad Stellarum intercapedinem observandam necessario, solius Telescopii beneficio patebit Telluris circa Solem Motus Annuus.

Predicta observandi ratio, præterquam quod omne recipiat incrementum, quod hætenus instrumenta quævis recipere aut in posterum recipient, nullius fere est sumptus, cum solo Telescopio Micrometro instructo indigeat; nullus requiritur Observatorii apparatus, nulla Perpendicularis rectificatio, quæ omnia admodum sunt incerta, cum neque muros licet firmissimos, neque ipsas rupes montesque eundem perpetuo situm servare certissimum sit. Huc forsan referenda sunt, quæ de Fixis ab Oculatissimo & Celeberrimo Astronomo *D. Cassini* noviter detecta sunt; quod nempe Arietis prima aliquando in binas æquales intervallo Diametri utriusvis distantes divisa appareat, quod & de præcedente capite Geminorum itidem observavit; & aliæ quædam, ut Pleiadum aliquæ mediæque in Orionis gladio, quandoque triplæ aut etiam quadruplæ appareant.

PROPOSITIO LV.

Obris magni Parallaxin observare per accessum & recessum Fixæ à Polo Æquatoris diversis Anni tempeſtatibus factum.

Referat s Solem; HME Orbitam Telluris, cuius puncta E & H sunt Telluris loca in Solstitiis. Sit porro F Fixa Polo Mundi vicina, hoc est, Telluris ATB Axis AB cum recta Tellure in Fixamque connectente angulum BHF aut BEF satis parvum comprehendat; sitque Stella hæc non procul à Coluro Solstitiorum, adeoque Soli in Solstitiorum altero fere conjuncta, sive planum EFH rectum ad Eclipticæ planum HME . Patet angulum BHF Distantiam Fixæ à Polo Mundi, cum hæc Soli opponitur, minorem esse angulo BEF ejusdem





ejusdem Distantiâ à Polo, cum Fixa Soli conjungitur. Et è converso, si angulus BHF observatione minor deprehenditur quam BEF , inæqualitas hæc in Orbis Annuæ Parallaxin refundenda est. Fixæ vero Distantia inde hoc modo elicitur: Differentia angulorum BEF , BHF æqualis est angulo F ; & in triangulo FEH datur alter angulus FEH ; Fixæ nempe Latitudo ad Tempus, quo Tellus est ad E : Unde innotesceat ratio inter HE Diametrum Orbis magni & HF Fixæ Distantiam.

SCHOLIUM.

Hanc methodum Orbis magni Parallaxin per observationes erudiendi adhibuit solertissimus Observator D. *Jo. Flamstedius*, atque sic respondet objectioni illorum, qui cum *Ricciolo* motum Telluris circa Solem negant, quia hic per Orbis magni Parallaxin observatam non confirmatur. Stellæ quippe Polaris distantiam à Polo Mundi Boreo majorem invenit circa Solstitium Æstivum quam Hyemale circiter 40 aut 45 scrupulis secundis, idque ope Observationum per continuos septem annos factarum, post consideratas instrumenti correctionem & Loci Stellæ mutationem propter punctorum Æquinoctialium regressum: sicut acute differit D. *Flamstedius* in Epistola ad Cel. D. *Wallisum* 20 Dec. An. 1698. data, in *Oper. Math. Wallisii* Tom. III. edita. Verum methodus hæc Fixæ Parallaxin determinandi supponit Telluris Axem AB sibi exactissime esse parallelum, cum hæc in E & H punctis suæ Orbitæ versatur, quando observationes instituuntur. Et licet Axis Nutatio ista exigua, quæ

consequitur exinde quod (per *Coroll. xx. Prop. LXVI. Lib. I. Phil. Nat. Princ. Math. Cel. Newtoni*) inclinatio Eclipticæ & Æquatoris ad Solstiria minuatur, ad Æquinoctia augeatur, observationi huic minime obstat, sicut ipse D. *Flamstedius* in dicta Epistola notat; alia aliunde orta Nutatio totam hanc Stellæ Polaris à Polo distantiam diversitatem producere poterit: Si nimirum Hemisphærii Terræ Australis paulo major sit densitas quam Hemisphærii Borealis, (vel propter minorem illi Ætatem quam huic majusque frigus, vel propter continentium Terræ ad Polos politorum inæqualitatem, vel aliam causam quandam nobis ignotam,) cum in Solstitio Hyemali Polus Austrinus A annuat ad Solem & simul illi propior sit quam est Polus Boreus B , cum tempore Solstitii Æstivi




M m 2

Æstivi

Æstivi hic ad Solem annuit, inclinabitur HA magis ad *Eclipticæ* planum tempore Hyemali quam EA *Æstivali*; unde BHF minor erit quam BEF , licet ipsæ rectæ HF , EF parallelæ forent. Cum igitur totum, quod per *D. Flamstedii* observationem conficitur, illud sit quod BHF angulus minor sit quam BEF ; atque hoc ex duplici causa oriri possit, nempe ex rectarum HF , EF concursu ad partes F , si Terræ Axis in observationum una parallelus sit eidem in altera, (quod à *D. Flamstedio* supponitur, & in Figura Prop. LV. designatur,) vel ex rectarum HA , EA concursu ad partes G partibus F contrarias, positis rectis HF , EF parallelis, ut in figura annexa; ex observatione illa Fixarum Parallaxis non evincitur, quoniam Observatio integra consistere potest, rectis EF , HF parallelis manentibus; hoc est, Orbis magni Parallaxi positâ nullâ.

Immo hæc observatio ne vel Telluris Motum Annuum immediate astruit: Nam licet Tellus in medio maneat, (circa Axem ut in Systemate *Semi-tyconico* rotata coelestium Motum diurnum apparentem efficiens;) Sol in Signis Australibus Hemisphærium Terræ Australe, propius & forte densius, Soli tum obversum ita attrahere poterit, ut angulus BHF , Distantia Fixæ à Polo, minor sit quam BEF , cum in Signis Borealibus Sol remotior ejus Hemisphærium Boreale, etiam forte minus densum, minus attrahit.



Idem similiter de varia Distantia Fixæ à Zenith dicendum, quo modo *Cl. D. Hookius* Fixarum Parallaxin olim rimabatur. Nam si Axis Terræ directio mutatur, alterius cujuscvis rectæ in Terra (cujus positio ad Axem datur) directio similiter mutabitur: Et Terræ motus circa Solem, ex varia inclinatione rectæ Fixam & Terram conjungentis ad rectam istam in Tellure, certo concludi nequit. Optandum igitur est ut oculatissimi Observatores deinceps observationes suas ad Motum Terræ Annuum hoc modo astruendum secundum Prop. præc. ejusve Schol. dirigant: Nam sic tandem Fixarum Parallaxis respectu Orbis magni (modo sensibilis fuerit) certo elicietur, cum angulorum istorum mutatio ex alia causa, præter mutatum Telluris locum aut Fixarum inter se situm, oriri nequeat; Fixarum vero idem ad se invicem situs principii loco habeatur ab omnibus, qui illarum Parallaxin investigant. Interim rationes Propositione sequente explicandæ ne movent, ut cum *Copernico* credam Orbis magni Diametrum respectu Fixarum (etiam proximarum) Distantiæ insensibilem esse.

PROPOSITIO LVI.

Distantia Solis à Terra, respectu Distantiæ Stellæ Fixæ (etiam proximæ) à Terra, evanescit fere & insensibilis est.

Cum Sol & Stellæ Fixæ sola sint magna Mundi corpora luce propria gaudentia, jure à Philosophis ejusdem generis habentur, & ad

ad similes usus destinata; & hominis est res suas plus æquo æstimantis credere Solem esse illorum omnium maximum. Ponantur igitur æqualia, cum excessus hujus supra illud nulli fundamento innitatur.


Sit T Terra; AEB Sol, cujus centrum S ; CGD Soli æqualis Fixa, cujus centrum F . Cumque angulus BTS , quo semidiameter Solis ex Terra spectatur, excedat 16 scrupula prima, erit BS , vel illi æqualis CF , pars fere ducentesima ipsius ST ; five 200 CF ipsi TS æquales. In triangulo FST rectangulo ad S est finus anguli SFT ad latus ST sicut radius ad latus FT : similiterque in triangulo CFT finus anguli CTF est ad latus CF ut radius ad latus CT ipsi FT æquale: Unde (ex *Prop. XI. Elem. V.*) finus SFT est ad ST sicut finus anguli CTF ad CF . Cumque, in parvis hisce angulis, anguli ipsi sint sicut eorum finus, erit vicissim angulus SFT ad CTF angulum ut recta ST ad CF rectam; & ideo 200 CTF ipsi SFT æquales, five 100 CTD ipsi TFS . Acutissimus vero Observator *Christianus Hugenius* (in *Systēmate Saturnio*) asserit se adjutum Telescopio (cujus ope speciei per Tubum visæ ad eam quæ nudo oculo percipitur ratio secundum diametrum est centupla) Fixarum etiam maxime splendorum Diametros nullâ unquam magnitudine cernere potuisse, sed tantum minimi puncti instar; hoc est, angulum DTC centuplo majorem factum etiamnum esse insensibilem; five centuplum CTD (hoc est, SFT) sensu percipi non posse. Semidiameter igitur Orbis magni ST ex Fixa proxima (qualem splendidissimam æstimare oportet) visâ minimi puncti instar appareret; hoc est, TS respectu SF vel TF evanescit & insensibilis est.

Parvitas hæc apparentium Diametrorum Fixarum in causa esse videtur Scintillationis earundem: Corpuscula enim opaca minima, per Atmosphæram semper mota, Fixam quamvis penitus tegunt, statimque retegunt; hoc est, Scintillantem reddunt.

SCHOLIUM.

Quoniam ST ad SF comparata insensibilis est, perinde est ex quoniam Orbis magni puncto Fixæ observentur; totus quippe Orbis magnus quasi punctum est respectu Distantiæ Fixarum: Cumque Saturnus Planetarum extimus à Sole non distet decuplo amplius quam Tellus, immensa erunt Spatia inter extimum hunc Planetam proximamque Soli Fixas, in quæ Cometarum Orbes admodum excentrici ecurrant, de quibus *Prop. xxxv. Lib. I.* dictum est: Sed & propter immensam hanc Distantiam fit, quod Fixæ nullos edunt sensibiles effectus in nostri Solis Systēma, Planetasque inibi contentos non perturbent.

Quia igitur Fixarum Distantia per observationes in diversis Orbitæ Terræ locis factas determinari nequit, restat ut illa ex ratio-



rum centra τ & p , sint Planetæ bini quivis. Jungantur st , sp , per quas tractum planum secet sphaeras in circulis ab , cd ; & ex s ducantur rectæ dictos circulos contingentes. Centro s , distantia quâvis ducatur arcus circuli rectis sa , st , sb , sc , sp & sd occurrens in f , e , l , h , g & k ; jungantur rectæ ef , gh . Figura $afset$ rotata concipiatur circa st axem, & $chsgp$ circa sp axem. Erunt omnes Radii ex s puncto manantes qui in Planetam τ incidunt (sc. omnes intra conum asb) ad omnes in Planetam p incidentes (nempe omnes in cono csd) ut superficies sphaerica rotatione arcus ef descripta ad superficiem sphaericam rotatione arcus gh descriptam; hoc est (per *Prop. XLIX. Lib. I. Archimed. de Sph. & Cyl.*) ut circulus radio ef descriptus ad circulum radio gh descriptum, sive in duplicata ratione rectarum ef , gh : Sed ef & gh sunt chordæ angulorum ast , csp ad radium se ; & dicti anguli sunt Parallaxes horizontales Solis s ex Planetis τ & p spectati; & igitur Radii omnes ex s puncto manantes & in Planetam τ incidentes sunt ad omnes in p incidentes in duplicata ratione chordæ Parallaxis Solis ex τ spectati ad chordam Parallaxis Solis ex p spectati. Cumque idem similiter verum sit de Radiis ab alio quovis Solis puncto manantibus, patet propositum.

Loco chordarum ipsi arcus, iisve proportionales anguli quos subtendunt, possent assumi, ut in præcedente.

SCHOLIUM.

Pari modo sphaeræ lucidæ & undiquaque radiantis radii omnino omnes sunt ad radios ejus omnes in sphaeram datam incidentes illamque illustrantes in duplicata ratione diametri (sive chordæ semicirculi) ad chordam parallaxis horizontalis corporis lucidi ex sphaera illustrata spectati; sive ut quadratum diametri ad quadratum chordæ dictæ parallaxis horizontalis. Et consequenter, (sumendo antecedentium dimidia,) semissis radiorum omnium sphaeræ lucidæ, sive radii omnes ab hemisphaerio radiante manantes (posito altero hemisphaerio opaco) sunt ad radios ejus omnes incidentes in sphaeram illustrandam, cui illud pleno orbe fulget, ut semissis quadrati diametri (hoc est, quadratum circulo inscriptum) ad quadratum chordæ parallaxis corporis lucidi ex sphaera illustrata spectati.

PROPOSITIO LIX. LEMMA.

Ratio Illustrationis Terræ à Sole ad ejusdem Illustrationem à Planeta pleno Orbe fulgente componitur ex duplicata ratione chordarum Parallaxium Solis ex Terra & Planeta isto spectati, & ratione quadrati circulo inscripti ad quadratum chordæ Parallaxis horizontalis dicti Planetæ à Terra visi.

Radii,

Radii, quibus Planeta Terram illustrat, illi sunt qui à Sole primitus manantes à Planeta reflectuntur in Terram. Supponimus igitur Planetam quemvis radios omnes Solares in se incidentes undiquaque reflectere; hoc est (ad maiorem facilitatem) supponimus Planetam (lucidi primarii instar) radios à sui hemisphærio Soli obverso undiquaque emitte, tot sc. quot à Sole in illum incident. Palam est Illustrationem Terræ à Sole esse ad Illustrationem ejusdem per Planetam pleno Orbe fulgentem ut radii omnes Solares in Terram incidentes ad omnes radios à Planeta manantes in eandem incidentes: Sed ratio radiorum Solarium in Terram incidentium ad radios Planetarios in eandem incidentes componitur ex ratione radiorum Solarium in Terram incidentium ad radios Solares in Planetam incidentes, (hoc est, omnes radios à Planetæ hemisphærio manantes,) & ratione omnium radiorum à Planetæ hemisphærio manantium ad omnes ex illis qui in Terram incident. Et componentium harum rationum prior, sive ratio radiorum Solarium in Terram incidentium ad radios Solares in Planetam incidentes, æqualis est (per Prop. præc.) duplicatæ rationi Parallaxis horizontalis Solis è Terra spectati ad Parallaxin horizontalem Solis ex isto Planeta spectati; posterior vero, nempe ratio radiorum omnium à Planetæ hemisphærio Terram illustrante manantium ad omnes ex illis qui in Terram incident eamque illustrant, æqualis est (per Schol. præc.) rationi quam habet quadratum circulo inscriptum ad quadratum chordæ Parallaxis horizontalis dicti Planetæ ex Terra spectati. Et igitur ratio Illustrationis Terræ à Sole ad ejusdem Illustrationem à Planeta pleno Orbe fulgente componitur ex duplicata ratione chordarum Parallaxium horizontalium Solis ex Terra & Planeta isto spectati, & ratione quadrati circulo inscripti ad quadratum chordæ Parallaxis horizontalis dicti Planetæ è Terra visi. Q. E. D.

PROPOSITIO LX.

S*tellæ Fixæ Distantiam definire.*

Eligatur Fixa ejusdem quamproxime splendoris cum Planetarum aliquo, quando pleno Orbe fulget; quo casu Terra ab istis duabus Stellis æqualiter illustratur. Sed ex cognitis (per Prop. XLV.) Solis, Terræ & Planetæ Distantiis mutuis ad Tempus observationis prædictæ, & (per Prop. XLVI.) horum trium corporum Magnitudinibus, innotescent (per Prop. XLVIII. Lib. II.) Parallaxes horizontales Solis & Planetæ è Terra visorum & angulus quo dictus Planeta ex Sole videtur, cujus semissis est Parallaxis horizontalis Solis ex isto Planeta visi. Ac proinde (per Prop. præc.) innotescit ratio Illustrationis Terræ per Solem ad ejusdem Illustrationem per dictum Planetam; hoc est, ratio inter Illustrationes Terræ per Solem & per Fixam: Sed (per Prop. LVII.) illustratio Terræ per Solem est ad Illustrationem ejusdem per Fixam (Soli æqualem & æquilucidam) in duplicata ratione Distantiæ Fixæ à Terra

Terra ad Distantiam Solis ab eadem: Innotescit igitur ratio inter Distantias Fixæ & Solis à Terra; ac proinde ipsa Distantia Fixæ à Terra nota est.

SCHOLIUM.

In prædictum usum commodè assumuntur Jupiter in situ Achro-nychio & Stella Sirii, quæ (si alia quævis) Soli æquiparari poterit. Cum autem Jupiter in dicto situ splendore Sirium superet, & præterea radii Solares in Jovem incidentes non sine debilitatione in Terram reflectantur, sed plurimi ad Jovis superficiem suffocentur; Distantia Sirii hoc modo definita minor erit verâ.

PROPOSITIO LXI.

S *Tellæ Fixæ Distantiam aliter æstimare.*

Cum Fixæ etiam splendidissimæ Diameter nequeat per Tubum Opticum ullum hætenus fabricatum eousque ampliari, ut sensibilis evadat & cum Solis Diametro conferatur; saltem Solis Diameter eousque minuatur, ut illius sic minutæ lumen (sensuum judicio) non sit majus lumine Sirii noctu scintillantis, quod fiet si in Tubum ejus radii admittantur per foramen fati parvum; vel si ejus imago ope Lentis eousque minuatur, vel partim hoc modo partim illo: Imaginis enim Solis sic minutæ Diameter licet insensibilis, (si immediate aspiciatur,) ex datis foraminis Diametro, Lente & situ oculi, calculo Opticæ & Dioptricæ superstructo innotescit. Atqui Solis imaginis, oculo positione dato æquilucidæ atque Sirius, æqualis est Diameter Sirii Diametro; innotescit igitur per calculum Sirii Diameter apparens prius insensibilis: Sed Sol & Sirius æquales ponuntur; eorumque proinde Diametri æquales: eritque ideo Distantia Sirii ad Distantiam Solis ut sinus Diametri apparentis Solis ad finem Diametri apparentis Sirii, five (ob parvitatem horum angulorum) ut Diameter Solis apparens ad apparentem Sirii Diametrum; notaque proinde erit Sirii Distantia. Q. E. I.

ASTRONOMIÆ PHYSICÆ & GEOMETRICÆ ELEMENTA.

LIBER QUARTUS

De Theoria Planetarum Secundariorum.

Post jacta in Lib. I. Astronomiæ Physicæ fundamenta vera & genuina, explicata in Lib. II. Primi Motûs phænomena à Telluris motu circa proprium Axem oriunda, & Planetarum primariorum Theoriam Lib. III. traditam; hoc est, quomodo eorum Orbitæ describantur, & loca, cum ex Sole, tum ex ipsorum aliquo visa ad tempus datum determinentur; item Primariorum Magnitudo, Densitas, Distantia mutua reliquaque hujusmodi definiantur: Ordo postulat ut ad Secundariorum, qui circa Primarios revolvuntur, Theoriam tradendam Lib. hoc IV. descendamus. Licet Primarii cujusque Planetæ motus satis sit simplex, quippe compositus (projecti motûs instar) ex uniformi progressivo in recta Orbitam tangente, alioque descensivo, quo (quasi attractus) ad Solem descendit, immensâ eorum à se mutuo distantia actionis seu gravitatis mutue effectus insensibiles reddente; Secundariorum longe alia erit ratio: Nam eorum quivis (licet maxime ad Primarium suum respectivum tendat) eadem gravitate acceleratrice versus Solem, in eadem ab illo distantia, urgetur atque ipse Primarius; in majori minus, in minori magis. Ex diversa hac ad bina corpora, Solem nempe suumque Primarium, tendentia Secundarii motus maxime compositus redditur, iisque afficitur inæqualitatibus, quas Astronomi Hypothesibus salvere potius quam Philosophi ex Causis Physicis explicare, ante felicissimum *Newtonum*, sperabant.

SECTIO I.

*De Erroribus quos Sol producit in motu Satellitis, cum ejus
Orbita Primario suo est Concentrica.*


PROPOSITIO I.

SI Planeta primarius circa Solem revolvens secum deferat Satellitem, hic circa Primarium ita movebitur, ut à Quadratura cum Sole ad Conjunctionem aut Oppositionem proxime insequentem acceleretur perpetuo; à Syzygia vero ad Quadraturam retardetur: Adeoque prope Syzygias Satelles velocius feratur, prope Quadraturas vero tardius.

Quoniam

Quoniam Libro I. ostensum est in tribus hisce corporibus, Sole nimirum, Planeta primario ejusque Satellite, attractiones binorum quorumcunque in tertium esse inter se reciproce ut quadrata distantiarum ab eodem; manifestum est casum hujus Propositionis eundem esse cum illo Prop. LX. Lib. I: Adeoque si, ut illic, s denotet Solem, T Planetam primarium in Orbe $E T E$ revolvantem, L Satellitem Orbitam $B C D$ circa primum describentem, in qua puncta B & G Syzygias cum Sole designant, c & D Quadraturas: Si porro $s K$ mediocris distantia

Satellitidis à Sole exponat attractionem acceleratricem ipsius Satellitis à Sole in ista media distantia, & quicumque supponatur Satellitis locus L in sua Orbita, sumatur in LS (eave producta) $s A$ quæ sit ad $s K$ in duplicata ratione $s K$ ad $s L$; hæc $s A$ exponet attractionem Satellitis ad L positi versus s . Jungatur $T L$, & huic parallela ducatur $A M$ cum $s T$ in M concurrens. Notissimum



est attractionem $s A$ resolveri in attractiones ut $A M$ & $M S$, & cum harum rectarum directionibus: quarum ea, quæ per $M S$ exponitur, reducitur ad attractionem ut $M N$, auferendo attractionem ut $N S$ Satelliti Primarioque communem; ut fusc ad dictam Prop. LX. Lib. I. ostensum est. Adeoque hoc modo Satelles L triplici attractione agitur: Prima nempe & præcipua illa est, quâ T trahit L ; Secunda est illa, quæ est ut $A M$ cum directione $A M$, hoc est, cum directione $L T$ ipsi $A M$ parallela. Unde Vis ex binis hisce composita etiam dirigetur versus T ; corpusque L , si ex hisce solis composita agitaretur, areas circa T describeret etiamnum temporibus proportionales per Prop. XI. Lib. I. Sed Satelles in L Vi tertiâ etiam urgetur, quæ nempe est ut $M N$ & cum directione ab M versus N ; hoc est, ab L versus F , (positâ $L F$ ad $M N$ parallelâ;) quæ cum ad T non tendat, neque ex tribus hisce composita Vis, totalis nempe illa quâ L revera urgetur, ad T tendit. Quapropter Satelles L non describet areas circa T temporibus proportionales, sed Vis hæc per $M N$ exposita arearum descriptionem temporibus proportionalem perturbabit: nempe in semicirculi $E G D$ quadrante $c G$ motum corporis L circa T à c versus G facti accelerat: post conjunctionem vero in G , in quadrante $G D$, cum rectæ $L F$ directio ab L versus F sit in antecedentia, Vis secundum hanc agens motum retardat. Satellite L ad

quadraturam in D pervento, MN evanescit (quoniam SK , SL , ac proinde etiam & SA , tunc æquales sunt) & proinde Vis per illam ubique expositæ nulli hic sunt effectus: Satelles igitur L reliquis Viribus agitatus areas per radium vectorem temporibus proportionales nunc describit. Dum vero L quadrantem DB peragrat, SM deficit ab SN , & Vis perturbans descriptionem areæ per radium vectorem TL , quo minus sit tempori proportionalis, quæ est ut MN , directionem ab M versus N five ab L versus F (hoc est, in consequentia) habet, ac proinde motum Satellitis in illo quadrante accelerat: post oppositionem vero in B , LF tendit in antecedentiam, motumque retardat, donec in quadratura ad c evanescat rursus MN , ejusque proinde effectus cessent. Rursus, cum Vis MN perturbans descriptionem areæ quam radius TL verrit, ne sc. hæc sit tempori proportionalis, in transitu Satellitis à c ad g , vel à D ad B , perpetuo augeatur & in g ac B sit maxima, & hinc rursus perpetuo diminuatut donec Satelles perveniat in D vel c ubi evanescit; patet Satellitis sic perturbati motum esse velocissimum (cæteris paribus) in Syzygiis B & g , tardissimum in Quadraturis c & D . Q. E. D.


PROPOSITIO II.

Idem positis, Satellitis L Orbita circa Primarium T descripta (cæteris paribus) magis curva est in c & D Quadraturis cum Sole, quam in Syzygiis g & B .

Cum enim Satelles L velocius moveatur in Syzygiis quam in Quadraturis, minus deflectet à recto tramite, quem vi inistâ solâ describeret, in illis quam in hisce; hoc est, Satellitis Orbita minus curva est in Conjunctiōe & Oppositione quam in Quadraturis. Sed & major hæc Curvedo ex alia etiam causa provenit: Vis ut MN (de qua Prop. præc.) in Conjunctiōe & Oppositione ad g & B contraria est Vi, quâ Corpus T trahit L , adeoque illam minuit: Minus ergo urgetur L versus T ad g & B quam ad c & D ; minusque propterea à recto tramite deflectet in illis quam in hisce. Satellitis igitur Via curvior est in Quadraturis c & D quam in Syzygiis B & g .

COROLLARIUM.

Ex prædictis sequitur Satellitem L , (cæteris paribus) longius recedere à Primario T in Quadraturis quam in Syzygiis. Hoc pacto Satellitis Orbita circa Primarium Elliptica quasi fit, cujus centrum Primarius occupat; major Axis Quadrata Solis interjacet, minor Syzygiæ: sic enim Orbita curvior est illic quam hic. Atque augmentum celeritatis Satellitis prope Syzygiæ diversum erit in Orbita hac, ab illo quod fuisset in Orbita circulari Prop. præc. quia Vis ut MN Satellitis motum accelerantis aut retardantis directio alia est in hæc, alia in illam.



Quæ

Quæ hic dicta sunt de Figura Orbitæ Satellitis circa Primarium obtinent tantum, si, exclusâ actione Vis extraneæ Solis, ejus Orbita foret Primario Concentrica. Nam si Excentrica sit, fieri potest ut Satelles L per hanc Excentricitatem longius absit à Primario τ , & ex illo spectatus tardius moveatur in Syzygiis quam in Quadraturis; cum nempe Satelles Apidem summam in Conjunctione vel Oppositione cum Sole versantem tenet. Sed & hic etiam supra demonstrata locum habebunt, cæteris paribus; celerius enim propter dictam Vim ut MN movebitur Satelles etiam tunc, & propius ad Primarium accedet quam absque illa.

Prædicta Orbitæ Satellitis figura Elliptica in Luna animadversa fuit ab Acutissimo Astronomo *Ed. Halleio*, qui Anno 1679 illam publico communicavit primus in Tractatu de *Quibusdam Lunaribus Theoriæ Emendationem spectantibus*. Sed & idem à *D. Picard* jam inde ab anno 1668 animadversum testatur *Academiæ Scientiarum Gallicæ Historia* Anno 1698 edita.

SECTION II.

De Erroribus quos Sol producit in motu Satellitis, cum ejus Orbita Excentrica est à suo Primario.

Si corporis minoris L Orbis non sit Circulus corpori magno τ concentricus, sed Ellipsis in cujus focorum altero τ corpus constituitur, Vires corporis maximi s ita corpus istud L perturbabunt, ut loco Ellipseos constantis & immotæ, quam per Prop. xxxix. Lib. I. describeret, describat Ellipsin, cujus Excentricitas perpetuo mutatur: Orbitaque ista corporis L sic perturbati talis erit, ac si istud Ellipsin suam describeret, interea dum ipse Ellipseos Axis (ac simul ipsa Ellipsis) motu angulari super Primarii centrum prorsum vel retrorsum movetur, manente plano; hoc est, dialecto Astronomicâ, Satellitis Orbitam Excentricam describentis motus à Sole ita perturbatur, ut dum hic Orbitam suam percurrit, ipsius Orbitæ Apides nunc in consequentia ferantur, nunc in antecedentia. Ad hoc probandum res altius est repetenda, & quædam Lemmata præmittenda.


PROPOSITIO III.

Invenire legem Vis centripetæ, quâ urgente, corpus in trajectory quacunque circa centrum virium revolvente moveri possit, dum corpus aliud in simili & æquali trajectory quiescente movetur.

Sit ALP trajectory quiescens, quam corpus ad centrum virium τ tendens describit, pergendo ab A per L ad P . Inveniendâ est lex Vis centripetæ ad τ tendentis, quâ urgente, corpus aliud feratur in perimetro figuræ aIp priori similis & æqualis, interea dum hæc ipsa figura aIp circa τ revolvitur vel in consequentia vel in antecedentia; ita ut dum corpus prius arcum quemlibet ut AL percurrit

in orbe quiescente ALP , posterius similem & æqualem a/p percurrat in orbe revolvente a/p .

Per centrum T in plano ALT agatur semper Tl ipsi TL æqualis, angulumque ATl angulo ATL perpetuo proportionalem efficiens; hoc est, ut hic angulus ATl sit ad correspondentem ATL ut alter quivis ATl ad suum ATL . Adeoque area, quam Tl motu angulari circa T sic lata describit, proportionalis erit areae quam TL describit. Sit A/EGH Curva quam punctum l , modo jam exposito motum, contingit: Et quoniam una cum L revolvitur corpus quod urgetur à Vi centripetâ ad centrum T tendente, area $ATLA$ (per Prop. XI. Lib. I.) est tempori proportionalis; quare & area $ATlA$ tempori etiam proportionalis erit: sed & in plano immobili consistit, eodem nempe in quo corpus L circa T revolvitur; hoc est, puncti l is est motus, ut in plano immobili per T traducto perpetuo invenitur, & areas $ATlA$, radio per T ducto descriptas, efficiat temporibus proportionales. Igitur per Prop. XII. Lib. I. manifestum est quod corpus, co-



gente justæ quantitatis Vi centripetâ, revolvi possit una cum puncto l in curva linea A/EGH , quam punctum l describit. Datur autem hæc linea curva A/EGH , quippe ex data linea $ALPA$ modo constanti & dato genita: quaeratur igitur (per Cor. Prop. XXXVII. Lib. I.) lex Vis centripetæ, quâ corpus in illa revolvi possit. Fiat angulus ATA angulo LTl , rectaque Ta rectæ TA æqualis; & igitur angulus ATl angulo ATL æqualis erit. Describatur jam figura a/p similis & æqualis ALT : adeoque punctum a est in perimetro figuræ ipsi $ALPA$ similis & æqualis circa T revolvantis. Corpus ergo una cum l latum, & figuram immotam A/EGH describens, describit etiam perimetrum a/pa Orbis ipsi $ALPA$ similis circa T revolvantis; ita ut eodem tempore describatur arcus a/p in Orbe revolvente a/pa , quo similis & æqualis AL in $ALPA$ Orbe quiescente ab alio corpore descriptus est. Inventa ergo est lex Vis centripetæ quaesita. Q. E. F.

PROPOSITIO IV. LEMMA.


Differentia virium centripetarum, quibus corpus in orbe quiescente & corpus aliud in eodem orbe revolvente æqualiter moveri possunt, modo Prop. præc. indicato, est in triplicata ratione communis altitudinis inverse.

Manen-

Manentibus quæ in præcedente posita sunt, dico differentiam virium centripetarum, quibus corpora L & I agitantur, esse reciproco in triplicata ratione communis altitudinis TL vel TI ; five esse differentiam virium in punctis L & I ad differentiam virium in aliis quibuscvis punctis orbis quiescentis & revolvantis, ubi corpora eodem momento inveniuntur, ut cubus altitudinis five distantie horum punctorum à centro virium. T ad cubum rectæ LT vel IT .

Sumantur LB , IB arcus minimi æquales, qui proinde æqualibus minimis temporibus à corporibus L & I describuntur. Ex B & b in TL , TI ducantur normales BE , be , quæ (sicut & LE , le) æquales erunt. In recta be (si opus est ad partes b producta) sumatur punctum c , ut sit ce ad be ut angulus ATL ad angulum ATI . Quoniam corporum in locis L & I existentium motus singuli distinguuntur in binos, quorum hi secundum lineas LT , IT , illi vero prioribus transversis secundum lineas ipsis LT , IT normales diriguntur; motus versus centrum erunt æquales, quia ex hypothesi rectæ LT , IT ; BT , bT , & proinde harum incrementa vel decrementa æqualia sunt. Et motus transversus corporis I erit ad motum transversum corporis L ut motus angularis lineæ TI ad motum angularem lineæ TL ; id est, ut angulus ATI ad angulum ATL , five ut ce ad be vel BE . Et igitur eodem tempore, quo corpus L motu suo utroque pervenit ad B , corpus I reperietur in loco c . Atque hæc ita se habebunt, ubi corpora L & I æqualiter secundum directiones LT , IT moventur; hoc est, æqualibus viribus centripetis urgentur: Ast cum punctum D , locus corporis orbem revolventem describentis, (per Prop. præc.) reperiri capiendo angulum ITD ad ITB in dicta ista constanti ratione (sc. ratione anguli ATI ad ATL) & rectam TD rectæ Tb vel TB æqualem, (figurâ alp & rectâ IT hic sustinentibus partes, quas illic figura alp & TA recta sustinebant;) differentia inter vires centripetas corporis in L vel I & corporis in D est ut ejus effectus CD ; locorum nempe intervallum, per quod corpus in orbe revolvente latum, ipsius actione, dato illo temporis minimi spatio transferri debet. Comparanda igitur est hæc CD five huic proportionalis differentia virium centripetarum, quibus corpus in orbe quiescente & revolvente urgetur in hoc mobilis orbitæ situ & hac corporis distantia TI à centro, ad similem differentiam in alio rerum statu, ubi eadem (five potius similia) omnia facta & constructa supponuntur quæ

hic :




auferatur Vis, quæ est reciproce in ejusdem triplicata ratione; relinquatur Vis, quâ urgente corpus describet Ellipfin ejus apfides regrediuntur: Differentia enim Virium $\frac{R \times G g - R \times F g}{A \text{ cub}}$ est in hoc casu negativa; & proinde G minor quam F, sive angulus $\angle T'P$ quam $\angle TLP$ minor.

COROLLARIUM 2.

Atque hinc rursus sequitur quod si in orbe, à circulari non multum abludente, Vis centripeta in recessu à centro decrescat magis (five minor sit) quam pro ratione duplicata distantiae auctæ; orbis apfides movebuntur in consequentia. Sit enim immota Ellipfis ALP orbis descriptus à corpore, quod urgetur à Vi ad centrum T tendente, cujus summa apfis A duplo magis distat à centro T quam ima P ; non quod talis orbis ad circulem accedat, sed hanc rationem majoris perspicuitatis & tantum exempli gratiâ ponimus. Supponamus Vim centripetam, quâ corpus in P urgetur, esse partium 400, & Vis, quâ in A urgetur, erit 100, & in locis intermediis proportionaliter; illa nempe Vis, quâ urgente corpus Ellipfin immobilem ALP describeret, sc. reciproca duplicata distantiae à centro. Si jam præter hanc Vim, corpus in P urgeatur aliâ Vi quæ sit ex. gr. ut 64, & in A Vi quæ sit ut 8, & in locis intermediis proportionaliter; nempe sit hæc Vis superaddita inverse ut cubus distantiae à centro; in hoc casu (per præc. Corol.) apfides in consequentia ferentur. Verum Vis tota in P five ex binis composita est ut 464, & Vis in A ut 108, & in locis intermediis proportionaliter; hoc est, in recessu à centro Vis centripeta minuitur magis quam pro ratione duplicata distantiae auctæ: nam si ea minueretur in illa ratione distantiae duplicata tantum, Vis in A foret ut 116. Et licet requiratur ut Vis nova, superaddita priori illi quæ est inverse ut quadratum distantiae, sit ubique præcise sicut cubus dictæ distantiae inverse, ut orbis ellipticus circa centrum Virium in consequentia revolvatur: si tamen Ellipfis hæc à Circulo non multum abludat & Vis talis integra corpus urgeat, quæ in recessu à centro minuitur magis quam quadratum distantiae corporis à centro augetur; orbis hujus apfides in consequentia movebuntur. Nam quoniam, in orbe fere circulari, distantiae à centro non multum differunt; Vis illa (cujus superadditione fit ut integra Vis, quâ urgetur corpus, minuat magis quam quadratum distantiae à centro augetur) minuitur in ratione quæ non multum differt ab inversa triplicata distantiae.

Sequitur etiam, si in orbe, circulari proximo, Vis centripeta decrescat minus quam pro ratione duplicata distantiae auctæ, (hoc est, major sit quam pro dicta ratione,) orbis apfides moveri in antecedentia. Nam eadem manente Vi in P & A , quâ corpus Ellipfin immobi-



immobilem describit, si ab illa auferatur Vis reciproce proportionalis cubo distantiae à centro; nempe ab illa in p Vis quæ est ut 64, & à Vi in A Vis ut 8, & in locis intermediis similiter; relinquatur ubique Vis, quâ urgente corpus (per Corol. præc.) describet Ellipsin cujus apfides in antecedentia moventur. Sed relinquitur in p Vis ut 336, & Vis reliqua in A est ut 92, & in intermediis distantis similiter: adeoque in recessu à centro Vis centripeta minuitur minus (sive major est) quam pro ratione duplicata distantiae auctæ; nam Vis minuta in duplicata ratione dictæ distantiae foret in A partium 84. Unde, ob rationes hæcenus expostas, si in orbe à circulo non multum abludente corpus urgeatur Vi , quæ in ejus recessu à centro minuitur minus quam in duplicata ratione distantiae auctæ; orbis apfides in antecedentia ferentur. Sed & hæc patent ope Corol. 1. Prop. IV.

PROPOSITIO VI. LEMMA.

IN orbibus ellipticis, qui sunt circulis finitimi, ex data lege Vis centripetæ determinare motum apsidum; & è contra, ex dato apsidum motu invenire legem Vis centripetæ, modo Vis centripeta sit ut altitudinis dignitas aliqua.

Si ex data Vis centripetæ lege quæatur motus apsidum, Problema solvitur faciendo ut orbis, quem corpus in Ellipsi mobili revolvens describit in plano immoto, accedat ad formam orbis cujus apfides requiruntur, & inveniendò apfides orbis sic descripti. Orbes autem ad eandem accedunt formam, cum Vires centripetæ, quibus describuntur, in æqualibus à centro distantis proportionales fiant.

Sit (in quavis Fig. præced.) punctum A summa apsis, T centrum Virium. Vocetur AT maxima altitudo T , & alia quævis indeterminata A , harumque differentia x . Et Vis, quâ urgetur corpus in Ellipsi circa ejus umbilicum T revolvente, est (per præc.) ut $\frac{Fg}{A^g} + \frac{R \times Gg - R \times Fg}{A \text{ cub.}}$, sive ut $\frac{A \times Fg + R \times Gg - R \times Fg}{A \text{ cub.}}$; & denique (substituendo $T - x$ pro A) ut $\frac{T \times Fg - x \times Fg + R \times Gg - R \times Fg}{A \text{ cub.}}$. Vis centripetæ, cujus lex datur, valor ad similem fractionem reducatur; hoc est, talem cujus denominator est idem $A \text{ cub.}$ & numeratores (factâ homologorum terminorum collatione) statuendi sunt analogi; ex qua collatione eruetur ratio G ad F , sive motus apsidum quæsitus. Detur Vis centripetæ lex, puta sit hæc ut distantiae à centro dignitas cujus exponens est data p , sive ut A^p , hoc est, ut $\frac{A^{p+1}}{A^1}$. Loco datæ $p + 3$ ponatur n , & loco A in numeratore $T - x$; eritque Vis centripeta ut $\frac{T - x^n}{A^1}$. Reducatur hujus fractionis numerator $T - x^n$ ad seriem infinitam, nempe ad $T^n - n \times T^{n-1} x + n \times \frac{n-1}{2} \times T^{n-2} x^2 - \&c$; conferantur termini hujus numeratoris cum terminis numeratoris præcedentis, nempe $T \times Fg - x \times Fg + R \times Gg - R \times Fg$; nimirum dati cum datis, & non dati (sive in quibus indeterminata x reperitur)

cum non datis; & fiet $T \cdot Fg + R \cdot Gg - R \cdot Fg$ ad T^* sicut $-Fg \cdot x$ ad $-n \cdot T^{n-1} \cdot x + n \cdot \frac{n-1}{2} \cdot T^{n-2} \cdot x^2$ &c; hoc est, sicut $-Fg$ ad $-n \cdot T^{n-1} + n \cdot \frac{n-1}{2} \cdot T^{n-2} \cdot x$ &c. Cumque Ellipsis, de qua nunc agitur, sit circulo finitima, in qua semi-latus transversum & rectum, five T & R æquantur, & omnes altitudines five à centro distantiae prope eadem, adeoque x illarum respectu fere nulla; hoc est, termini ab hac affecti evanescentes; per mutuam terminorum destructionem & evanescentium neglectum analogia prior mutabitur in hanc $R \cdot Gg$ ad T^* sicut $-Fg$ ad $-n \cdot T^{n-1}$; & ponendo etiamnum T loco R in primo termino, fiet $T \cdot Gg$ ad T^* sicut Fg ad $n \cdot T^{n-1}$; adeoque Gg ad T^{n-1} sicut Fg ad $n \cdot T^{n-1}$, & vicissim Gg ad Fg ut T^{n-1} ad $n \cdot T^{n-1}$; id est, ut 1 ad n : adeoque G ad F , id est, angulus ATL ad angulum ATL , ut 1 ad \sqrt{n} . Quare cum angulus, quem corpus in Ellipsi immota describit in descensu ab apside summa ad imam, 2 rectis æqualis sit; erit angulus, quem corpus (quod urgetur à Vi centripeta proportionali altitudinis dignitati cujus exponens p five $n-3$) in orbe propemodum circulari conficit in descensu ab apside summa ad imam, ad duos rectos ut 1 ad \sqrt{n} ; adeoque in phrasi arithmetica æqualis $\frac{180^\circ}{\sqrt{n}}$: & æquali angulo repetito, corpus ab apside ima ad summam redibit; & sic in perpetuum.

Et vice versa, si Vis centripeta sit ut aliqua altitudinis dignitas, inveniri potest dignitas illa ex motu apsidum. Nimirum, si motus angularis, quo corpus descendit à summa apside ad imam, sit ad motum angularem semi-revolutionis unius (five 180°) quo in Ellipsi immota à summa apside ad imam descendit, five motus totus angularis, quo corpus ab apside discedens ad eandem redit, ad motum angularem revolutionis integræ (seu 360°) ut unitas ad numerum \sqrt{n} ; erit Vis centripeta ut altitudinis dignitas cujus exponens est $n-3$. Posita enim Vi centripetâ ut A^{n-3} , per Prop. hujus partem priorem dicta ista ratio inter motus angulares five inter G & F prodibit; & igitur hæc lex Vis centripetæ ex ista ratione inter G & F pendet. Inventa ergo est lex Vis centripetæ quæsitâ. Q. E. F.

SCHOLIUM.

Hujus Problematis exempla aliqua dabimus in casibus quibusdam illustrioribus. Quæritur angulus, quem corpus conficit in descensu ab apside summa ad imam in orbe fere circulari, dum illud urgetur à Vi centripeta uniformi five eadem in omni altitudine. Quoniam in hoc casu Vis centripeta est constans, five ut A^0 , five ut A^{1-4} , est $n=3$, & $\sqrt{n}=\sqrt{3}$; adeoque angulus à corpore confectus ab apside summa ad imam est $\frac{180^\circ}{\sqrt{3}}$ five $103^\circ. 55'$; & hoc angulo rursus descripto ad apsidem summam redit, apsidibus velociter in antecendentia latis. Si vero Vis centripeta sit ut ipsa altitudo five A^1 , hoc est, ut A^{2-3} ; erit $n=4$, & angulus inter apsidem summam & imam $\frac{180^\circ}{\sqrt{4}}$, five 90° ; hujusmodi igitur orbis apsidem in antecendentia feruntur

runtur eâdem celeritate angulari, quâ corpus orbem describens in consequentia fertur. Similiter, si Vis centripeta sit ut A^1 inverse, five ut A^{-1} , five ut A^{1-1} , erit $n = 1$ & $\sqrt{n} = 1$; adeoque angulus inter summam apsidem & imam, qui est $\frac{180^\circ}{1}$, est 360° ; hoc est, corpus, urgente hâc Vi, de apside summa discedens, & subinde perpetuo descendens, perveniet ad apsidem imam ubi complevit revolutionem integram; dein perpetuo ascensu, complendo aliam revolutionem integram, redibit ad apsidem summam; & sic per vices in perpetuum.

Proponatur è converso motus apsidum datus, & quærat lex Vis centripetæ: quærat *ex. gr.* lex Vis centripetæ, quâ urgetur corpus quod revolutione integrâ & præterea alterius revolutionis parte dimidiâ de apside summa ad apsidem summam, alterno descensu & ascensu, redierit. Quoniam in hoc casu motus angularis quo corpus descendit à summa apside ad imam est 270° , erit quarta proportionalis ipsis 270° , 180° , & 1, five \sqrt{n} , æqualis 1, & ideo $n = 1$: Ac proinde (per Part. 2. hujus Prop.) Vis centripeta est ut A^{1-1} ; id est, reciproce ut A^{-1} five A^1 . Rursus, quærat lex Vis centripetæ, quâ corpus urgetur, quod ab apside summa ad apsidem summam conficit 363° ; hoc est, quod fertur in orbe propemodum circulari, cujus apsis summa singulis corporis revolutionibus confecerit in consequentia 3° . Quoniam motus totus angularis, quo corpus ab apside summa discedens ad eandem redit, est ad motum angularem 360° ut 363 ad 360 ; \sqrt{n} , five quarta proportionalis ipsis 363 , 360 & 1, erit $\frac{360}{363}$; adeoque n erit $\frac{129600}{131769}$: & Vis centripeta ut $A^{\frac{129600}{131769}-3}$ five ut $A^{\frac{-265707}{131769}}$; hoc est, inverse ut $A^{\frac{265707}{131769}}$, five inverse ut $A^{\frac{4}{242}}$. Vis igitur, quâ urgetur corpus describens orbem cujus apsidem in una corporis revolutione moventur 3° in consequentia, in recessu à centro decrescit in ratione paulo majore quam duplicata, sed quæ plusquam 60 vicibus propius accedit ad duplicatam quam ad triplicatam.

COROLLARIUM.

Hinc patet, quod si Vis centripeta, quâ corpus urgetur in ejus accessu ad centrum, in triplicata altitudinis minutæ ratione aut minore crescat, corpus, si incipiat descendere, nunquam perventurum ad apsidem imam, sed ad centrum usque descendere; fin vero ab apside ascendat minimum, in infinitum ascensurum, neque unquam ad apsidem summam pervenire. Nam quoniam Vis centripeta est reciproce ut A^1 , hoc est, ut A^{-1} , hoc est, $p = -3$; erit $n (=p+3) = 0$, & $\sqrt{n} = 0$; & angulus quo descripto ab apside summa ad imam pervenit, aut è contra, æqualis $\frac{180^\circ}{0}$, five infinitus: nunquam ergo ad alteram apsidem pertinet, sed post innumeras revolutiones vel descendet ad centrum vel ascendet in infinitum. Si vero Vis in recessu corporis à centro decrescat in majore quam triplicata ratione distantiae, n erit negativa quantitas, & \sqrt{n} impossibile

fibile quid; unde patet propositum. Et è converso patet, quod si corpus ab apside ad apsidem, alternis vicibus descendens & ascendens, nunquam appellat ad centrum; Vis in recessu à centro aut augebitur, aut in minore quam triplicata altitudinis ratione minuetur: & quo minor fuerit angulus descriptus à corpore, dum ab apside ad apsidem redierit, eo longius ratio Virium recedet à ratione illa reciproca triplicata.

PROPOSITIO VII. LEMMA.

In orbibus ellipticis, qui sunt circulis finitimi, ex data lege Vis centripetæ determinare motum apsidum, modo Vis centripetæ sit ut summa vel differentia aliquarum duarum altitudinis dignitatum.

Reliquis manentibus, sint m , b & c quantitates datæ quælibet, quarum m est exponens dignitatis, qualis etiam est n , ut in præcedente; deturque hæc lex Vis centripetæ, ut illa sit ubique ut $\frac{bA^m + cA^n}{A^1}$; five, ponendo $T - x$ loco A , ut $\frac{b \cdot T - x^m + c \cdot T - x^n}{A^1}$. Reducendo hunc valorem ad seriem infinitam, erit Vis centripetæ ut $bT^m - bT^{m-1}x + b \cdot m \cdot x^{m-1}T^{m-1} - b \cdot \frac{m-1}{2}T^{m-2}x^2 + cT^n - c \cdot nT^{n-1}x + c \cdot n \cdot x^{n-1}T^{n-1} - c \cdot \frac{n-1}{2}T^{n-2}x^2$ &c.

Statuendi sunt analogi valor hic Vis centripetæ & valor prius inventus istius Vis, quæ urgente corpus in Ellipsi mobili movetur, nempe $\frac{T \cdot Fg - x \cdot Fg + R \cdot Gg - R \cdot Fg}{A^1}$; hoc est, cum valores hi eundem hæcenus habeant denominatorem, pars data numeratoris unius ad hujus partem alteram non datam & pars data numeratoris alterius ad ipsius partem non datam in eadem ratione ponendæ sunt; hoc est, $R \cdot Gg - R \cdot Fg + T \cdot Fg$ ad $-Fg \cdot x$, sicut $bT^m + cT^n$ ad $-b \cdot mT^{m-1}x + b \cdot m \cdot x^{m-1}T^{m-1} - c \cdot nT^{n-1}x + c \cdot n \cdot x^{n-1}T^{n-1}$ &c. Cumque orbes fere circulares ponantur, erunt T & R æquales. Porro, applicando consequentes ad $-x$, negligendo terminos ab x (quippe infinite parvo) porro affectos, quia minimos; fiet $T \cdot Gg$ ad Fg sicut $bT^m + cT^n$ ad $b \cdot m \cdot T^{m-1} + c \cdot n \cdot T^{n-1}$. Majoris simplicitatis gratiâ, ut nempe omnes ipsius T dignitates æquales deveniant, ponatur T unitas; eritque tum Gg ad Fg sicut $b + c$ ad $b \cdot m + c \cdot n$. Et inde g ad F , five (in figura Prop. IV.) angulus ATL ad angulum ATL ut $\sqrt{b+c}$ ad $\sqrt{b \cdot m + c \cdot n}$, five ut 1 ad $\sqrt{\frac{b \cdot m + c \cdot n}{b+c}}$. Et propterea, cum angulus inter apsidem summam & apsidem imam in Ellipsi immobili sit duobus rectis æqualis, erit angulus, quem corpus, Vi centripetâ quæ est ipsi $\frac{bA^m + cA^n}{A^1}$ proportionalis, in descensu ab apside summa ad imam aut è contra describit, ad duos rectos, ut 1 ad $\sqrt{\frac{b \cdot m + c \cdot n}{b+c}}$; & in phrasi arithmetica, angulus iste est $\sqrt{\frac{b \cdot m + c \cdot n}{b+c}} \cdot 180^\circ$. Si Vis centripetæ sit ut differentia duarum dignitatum altitudinis, (puta ut $\frac{bA^m - cA^n}{A^1}$), ponendo $-c$ loco $+c$ in valore supra invento, fiet angulus inter apsidem

dem summam & imam, mobilis orbis fere circularis, æqualis $\sqrt{\frac{1+c}{1-c}} \times 180^\circ$. Nec secus resolvetur Problema in casibus difficilibus.

SCHOLIUM.

Si corpus Vi centripetâ, quæ sit reciproce ut quadratum altitudinis, revolvatur in mota Ellipfi umbilicum habente in centro Virium, & huic Vi centripetæ addatur vel auferatur Vis alia quævis, cujus lex & quantitas datur; per hanc Prop. determinabitur motus apsidum ex data illa Vi oriundus: Nempe si à Vi ut $\frac{1}{A^2}$ auferatur Vis extranea, quæ est ut altitudo seu distantia à centro, nempe ut cA ; Vis reliqua, quâ corpus urgetur, erit $\frac{A-CA^2}{A^3}$, ubi $\theta=1$, $m=1$, $n=4$: Adeoque angulus revolutionis inter apsidem est $\sqrt{\frac{1-c}{1+c}} \times 180^\circ$. Ponatur *ex. gr.* Vim extraneam ablatam esse $357,45$ vicibus minorem quam Vis primaria, quâ corpus revolvitur in Ellipfi, quamque facilitatis gratiâ vocavimus 1; eritque proinde $c = \frac{1}{357,45}$ five $\frac{100}{35745}$, & $1-c = \frac{35645}{35745}$, & $1-4c = \frac{35345}{35745}$, adeoque $\frac{1-c}{1-4c} = \frac{35645}{35345} = 1,008487754$, & $\sqrt{\frac{1-c}{1+c}} = 1,004234$. Et igitur $\sqrt{\frac{1-c}{1+c}} \times 180^\circ$, five angulus inter apsidem in orbe mobili, erit $1,004234 \times 180^\circ$, seu $180^\circ, 76228$, id est, $180^\circ. 45'. 44''$: Inventus igitur est motus apsidum in una semi-revolutione, five dum corpus ab apside summa ad imam descendit, sc. $45'. 44''$ in consequentia, & tantundem progreditur dum corpus ab ima apside ad summam ascendit; nempe singulis corporis revolutionibus apsis $1^\circ. 31'. 28''$ in consequentia fertur.

Et è converso, ex dato angulo inter apsidem determinabitur ratio Vis extraneæ, cujus lex datur, ad Vim quâ in immota Ellipfi moveretur: Puta, si corpus discedens de apside summa & ad apsidem summam reversum motu angulari conficiat angulum 315° , ipsâ apside interim in antecedentia motâ 45° , & quærat ratio Vis hujus superadditæ, quæ est ut altitudo, ad Vim primariam quâ solâ corpus in Ellipfi immota moveretur. Nam quoniam Prop. hâc demonstratum est angulum inter apsidem summam & imam esse $\sqrt{\frac{1+c}{1-c}} \times 180^\circ$, five inter apsidem summam & summam esse $\sqrt{\frac{1+c}{1+c}}$ $\times 360^\circ$, i.e. (in casu præfenti, ubi Vis superaddita est ut altitudo,) $\sqrt{\frac{1+c}{1+c}} \times 360^\circ$; erit $315^\circ = \sqrt{\frac{1+c}{1+c}} \times 360^\circ$. Et resolutâ hâc æquatione, valor ipsius c reperietur $\frac{5}{44}$. Cum autem Vis ista primaria, quâ in Ellipfi immota moveretur corpus, posita sit unitas; erit hæc ad Vim istam additam (quæ est ut altitudo, quæque facit ut apsidem tam velociter regrediantur) ut 44 ad 5.


COROLLARIUM.

Ex præced. Schol. & Corol. 2. Prop. v. sequitur, si à Vi quæ est in duplicata ratione altitudinis inversa, auferatur Vis, quæ est directe ut ipsâ altitudo, relinqui Vim quæ in recessu à centro decrefcit magis (five minor est) quam pro ratione duplicata altitudinis

tertia Vis MN in hoc casu nulla est,) non est ut Quadratum distantiae LT inverse, sed in recessu à T decrefcit in minore quam duplicata ratione distantiae auctæ: & igitur cum Vi , quæ est Quadrato distantiae à centro sive altitudinis reciproce proportionalis, quâ nempe T trahit L , addatur Vis extranea quæ est ut ipsa altitudo; componetur (per Corol. Prop. præc.) Vis quâ urgente corpus Ellipsin describit, cujus Apfides in antecedentia moventur. Satellite igitur in Quadraturis versante, Orbis elliptici Apfides regrediuntur.

Quod si Satelles L sit in Coniunctione G vel Oppositione B cum

Sole s , in quo casu Vis ut AM evanescit, præter Vim quâ T trahit L , quæque est reciproce ut Quadratum altitudinis TL ; corpus L urgetur Vi ut MN , ab M versus N urgente, quæ non est ut Quadratum altitudinis TL inverse, sed crescente ipsa crescens, & fere ut ipsa TL directe. Cum ergo à Vi Quadrato altitudinis reciproce



quâ T trahit L , auferatur Vis extranea (nempe ab actione Solis orta) quæ est fere ut ipsa altitudo; relinquetur (per Corol. Prop. præc.) Vis quâ urgente corpus fertur in Ellipsi, cujus Apfides in consequentia moventur. Igitur quando Planeta secundarius in Syzygiis cum Sole versatur, Orbis elliptici ab illo descripti Apfides progrediuntur.

Satellite vero in locis versante inter Syzygias & Quadraturas cum Sole, pendet motus Apfidum ex utraque causa supra descripta conjunctum; nempe ex Vi extranea addititia ut AM & ablative ut MN ; adeo ut pro hujus vel illius excessu progrediantur illæ vel regrediantur: Bis igitur in qualibet Satellitis L revolutione circa T progrediuntur Apfides, & bis regrediuntur per vices. Q. E. D.

PROPOSITIO IX. LEMMA.

In fig Prop. præc. Vis MN in Syzygiis est fere duplo major quam Vis AM in Quadraturis.

In Syzygiis SM est ad SN in duplicata ratione SN ad SL : Distantia autem punctorum N & T præ ST distantia Planetæ à Sole evanescit, adeoque ST æqualis SN ; est igitur SM ad ST in duplicata ratione ST ad SL : Sed quantitates arithmetice proportionales ut SB , ST , SG &c, ubi illarum intervallum BT vel TO est minimum respectu cujusvis ex illis ut SG , sunt etiam quasi geometricæ pro-

portionales, & è contra; quare positâ BM (in fig. 1.) & GM (in fig. 2.) æquali TB , erunt (in fig. 1.) MS , BS , TS & LS , & (in fig. 2.) MS , GS , TS , LS quamproxime geometricè proportionales continue: adeoque (in utraque fig.) MS est ad TS in duplicata ratione TS ad LS . Sed MT est duplo major (ex constructione) quam TB , quæ (ex præc.) æqualis est AM in Quadraturis; & MN est fere æqualis ipsi MT : Et igitur MN in Syzygiis est quasi duplo major quam AM in Quadraturis. Q. E. D.

PROPOSITIO X.

IN singulis Satellitis cujusvis revolutionibus Apfides plerumque magis progrediuntur quam regrediuntur, & excessu progressus feruntur in consequentia.

Nam Vis ut MN in Syzygiis, cujus ablatione à Vi quâ T trahit L fit ut Apfides progrediuntur, est (per præc. Lem.) quasi duplo major quam Vis ut AM in Quadraturis, cujus additione ad prædictam Vim quâ T trahit L Apfides regrediuntur: Et igitur excessus in integra Satellitis revolutione erit penes MN , transferetque Apfides in consequentia. Q. E. D.

Hæc ita se habebunt ordinario & cæteris paribus: Dantur autem casus particulares (ut Prop. sequente ostendetur) in quibus, in una Satellitis revolutione circa proprium Primarium, Apfides magis regrediuntur quam progrediuntur.

PROPOSITIO XI.

IN una Satellitis L revolutione circa T , progressus Apfidum magis superat illarum regressum, cum hæc in Syzygiis cum Sole verjantur, quam si inde longius distant; regressus vero Apfidum superat illarum progressum in una Satellitis revolutione, cum Apfides sunt in Quadraturis cum Sole; Magis tamen & velocius progrediuntur in Syzygiis suis, minus vero & tardius in Quadraturis recedunt; & excessu progressus supra regressum, in una Apfidum revolutione ad Solem, feruntur in consequentia.

Quoniam Apfidum progressus vel regressus pendet (per Corol. 1. Prop. v.) à Vi centripeta Satellitis versus Primarium suum decrescente magis vel minus quam pro duplicata ratione distantie auctæ in recessu à centro, sive transitu ab Apfide ima ad Apfidem summam, ut & à contrario incremento in accessu ad centrum, sive reditu ad Apfidem imam; patet progressum vel regressum maximum esse, ubi ratio inter Vires in Apfidibus maxime recedit ab inversa duplicata ratione distantiarum. Ponatur cum esse situm Orbitæ Satellitis respectu Solis, ut ejus Apfides sint in Syzygiis cum Sole: Vis ergo extranea MN , quæ Satellitem in Syzygiis versantem urget, ablata à Vi, quâ Primarius trahit Satellitem, relinquit Vim in Satellite ad a , cujus ratio ad Vim similiter relictam in Satellite ad o magis recedit à duplicata ratione distantiarum inversa, quam si Apfides non essent in Syzygiis; quoniam ratio inter distantias TB , TG magis inæqualis

æqualis est, five longius à ratione æqualitatis distat, quam ratio inter alias binas quasvis in hac Orbita: progressus ergo Apfidum in hoc casu maximus est. Satellite vero ad c pervento, Vis extranea ut AM , addita Vi quâ τ trahit Satellitem, non tantum inducit recessum à ratione duplicata distantiarum inversa in transitu à c ad d; quoniam distantia TC , TD æquantur: Quare huius Vis additiæ effectus minor est; hoc est, Orbis Apfides minus in hoc casu regrediuntur. Quoniam ergo Apfidibus in Syzygiis versantibus, illæ velocissime progrediuntur cum Satelles Syzygias transsit, tardissimeque regrediuntur cum Satelles

in Solis Quadrato est; patet,

in integra Satellitis revolutione circa Primarium, Apfides in hoc casu velocissime

in consequentia ferri.

Sint nunc Apfides Orbis

Satellitis in Quadrato Solis:

In quo casu Vis extranea AM

jam sæpius descripta, quæ

Satellitem in Quadratura c

versantem urget, addita Vi

primariæ quâ τ trahit Satel-

litem, conficit Vim ex utra-

que compositam, quâ Satel-

les ad c situs tendit versus

τ ; cujus ratio ad Vim similiter compositam, quâ Satelles ad d per-

ventus versus idem τ urgetur, magis recedit à duplicata ratione

distantiarum inversa, quam si Apfides non essent in Quadraturis;

quoniam ratio inter TC , TD magis inæqualis est quam ratio inter

alias binas quaslibet huius Orbitæ: regressus ergo Apfidum in hoc

casu maximus est. Satellite vero ad g vel b pervento, Vis extranea

MN Satellitem nunc urgens, ablata à Vi quâ τ trahit Satellitem,

tam magnum non inducit recessum à ratione duplicata distantia-

rum inversa, dum Planeta transit à g ad b, aut vicissim; quoniam

distantia TC , TD æquantur: unde Vis huius ablatitiæ effectus in

Apfidibus promovendis minor est; hoc est, Orbis Apfides tardius

promoventur. Ideoque ex utraque hac causa, in hoc Orbis situ re-

spectu Solis, dum Satelles integram revolutionem circa Prima-

rium suum perficit, Orbis Apfides regrediuntur.

Porro, si is sit motus Apfidum Satellitis circa τ , isque motus

Primarii τ circa Solem s, ut Apfides Orbis Satellitis in eodem fere

sint aspectu ad Solem per tempus satis notabile, five dum ipse Sa-


telles aspectus omnes ad Solem sæpius mutat; ob diuturnitatem tem-

poris quo velocitas progressus & tarditas regressus Apfidum conti-

nuantur, dum nempe Apfides prope Syzygias Solis hærent, satis

notabiliter progrediuntur: Et similiter ob diuturnitatem temporis

quo Satellitis Apfides prope Solis Quadratum hærent, & consequen-



ter quo velocitas regressus tarditasque progressus continuantur, sensibilibiter fatis recedent.

Quoniam vero Vis extranea ablatitia MN , progressum Apfidum causans; Prop. IX. ostensa est quasi duplo major quam Vis AM , quæ illas retrocedere cogit; & præterea Apfides diutius hærent in Syzygiis quam in Quadraturis, quia illic in consequentia latæ cum Sole progrediuntur, hic in antecedentia latæ Solis Quadratum in consequentia latum cito transeunt; patet Apfides velocius & diutius progredi in suis Syzygiis, tardius vero & non tam diu recedere in Quadraturis suis; & excessu progressus supra regressum, in integra revolutione Apfidum ad Solem (hoc est, dum Apfides ex T visæ omnes cum Sole aspectus subeunt,) ferri in consequentia.

Omnia prædicta eodem fere modo se habebunt, licet species Orbitæ Secundarii non maneat præcise eadem, modo mutatio Excentricitatis non sit magna nimis.


PROPOSITIO XII.

S*I Satelles in Orbe Excentrico circa Primarium suum moveatur, huius Excentricitas bis in quavis revolutione mutabitur: & in una Satellitis revolutione erit hæc maxima, cum Satelles versatur in Syzygiis cum Sole; minima vero, cum in Quadraturis: & in transitu Satellitis à Quadraturis ad Syzygias perpetuo augetur, & è contra in ejusdem transitu à Syzygiis ad Quadraturas perpetuo minuitur.*

Nam si corpus quod Ellipsin datam describebat, (quod sc. urgebatur à Vi centripeta ad focum alterum seu centrum tendente, quæ est reciproce proportionalis quadrato distantie ab eodem,) in descensu ab Apfide summa ad imam urgeatur à Vi centripeta, quæ augetur magis quam pro duplicata ratione distantie à centro sive altitudinis diminutæ; manifestum est, quod corpus sic versus centrum impulsus magis urgeretur in hoc centrum, quam si urgeretur (ut prius) à Vi crescente solum in duplicata ratione distantie diminutæ; adeoque Orbem describeret Orbe elliptico antea descripto (præterquam in ipsa Apfide summa) interiorem, & in Apfide ima propius accederet ad centrum quam prius; hoc est, Orbem Orbe priorè magis Excentricum, sive in quo distantia corporis in Apfide summa majorem habet rationem ad illius distantiam in Apfide ima, quam in priorè. Si porro Vis in ascensu corporis ab Apfide ima decrederet iisdem gradibus, quibus in descensu creverat; rediret corpus ad distantiam priorè: Sed si Vis centripeta decrescat magis quam pro dicta ratione, corpus jam minus attractum ascendet ad distantiam majorem, Orbemque describet cujus Excentricitas adhuc est major. Similiter prorsus, si corpus in descensu ab Apfide summa urgeatur Vi, quæ augetur minus quam pro duplicata ratione distantie diminutæ; patet corpus illud descripturum Orbem Orbe elliptico prius descripto (cum Vis erat reciproce ut distantie quadratum) exteriorem, præterquam in Apfide summa, unde digressum est;

est; hoc est, minus Excentricum; & Excentricitatem hanc adhuc minui, si in corporis ascensu Vis centripeta decrescat minus, five tardius quam antea creverat.

In figuris jam sæpius usurpatis ponatur Satelles L prope Quadraturam in c , in quo casu Vis ut MN evanescit, ac præter Viam quâ Primarius τ trahit Satellitem L , quæ est reciproce ut quadratum distantiae, Satelles urgetur Vi ut AM , quæ est ut ipsa distantia $L\tau$ directe. Et Vis ex hisce conflata (per Cor. Prop. VII.) in recessu à centro decrescit minus quam pro duplicata ratione distantiae auctæ, & in accessu ad illud crescit minus quam pro duplicata ratione distantiae minutæ: Adeoque corpus, si per integram revolutionem ab hac Vi versus centrum impelleretur, Orbem describeret minus Excentricum quam si abesset Vis hæc extranea ut AM , solâque Vi quâ τ trahit L quæ est ut distantiae quadratum inverse urgeretur; & igitur, in revolutionis parte illa ubi ab hac Vi impellitur, describit partem Orbis minus Excentrici quam si abesset dicta Vis extranea ut AM .



Quod si Satelles in Syzygiis versetur ut in B vel G , Vi ut AM evanescente, à Vi qua τ trahit L aufertur Vis ut MN ; hoc est, à Vi quadrato distantiae reciproce proportionali aufertur Vis ut ipsa distantia; Vis igitur reliqua quâ Satelles τ nunc urgetur (per Corol. Prop. VII.) in accessu ad centrum crescit magis quam pro ratione distantiae diminutæ, & in recessu à centro similiter magis decrescit; & præterea (per supra ostensa) si Satelles per integram revolutionem hæc Vi residuâ ad centrum impelleretur, Orbem describeret magis Excentricum quam est ille quem describeret, si solâ Vi attractrice corporis τ urgeretur; & proinde multo magis Excentricum quam est ille quem describeret, si eâ Vi centripetâ urgeretur quâ in Quadratura ad c urgebatur: Unde in revolutionis suæ parte quando Vis extranea MN est maxima (hoc est, in Syzygiis) Satelles describit partem Orbis magis Excentrici quam cum ille in Quadraturis versatur; five Orbis à Satellite descripti Excentricitas major est dum Satelles in Syzygiis versatur, minor dum in Quadraturis.

Porro, quoniam Vis extranea addititia ut AM maxima est, & Vis MN minima seu nulla Satellite in Quadraturis versante, Vis conflata ex hac & Vi qua τ trahit L est (cæteris paribus) maxima, maximeque recedit à reciproca duplicata distantiarum; adeoque in hoc casu,

casu, Orbis portio descripta pertinebit ad Orbem minime Excentricum. Satellitè à c versus b progressio, Vis extranea ablatitia ut MN simul crescit, effectusque suos proinde magis magisque edit; hoc est, Satellitem describere facit Orbis partem ad Orbem magis Excentricum pertinentem: quare in progressu Satellitis à Quadraturis ad Syzygias ejus Orbis magis magisque Excentricus evadit, donec Satellitè ad ipsam Oppositionem vel Conjunctionem cum Sole pervento, Orbis fiat omnium maxime Excentricus, ablatitiâ Vi ut MN existente nunc tum solâ, tum maximâ & maxime directâ. Postea vero, Satellitè versus Quadraturam pergente, Excentricitas rursus diminui incipit, ob auctam Vim AM quæ illam minuit. Orbis igitur Excentricitas in progressu Satellitis à Quadraturis ad Syzygias perpetuo augetur, & in ejusdem progressu à Syzygiis ad Quadraturas perpetuo diminuitur: Et maxima proinde est (cæteris paribus) in Syzygiis, minima in Quadraturis.

PROPOSITIO XIII.

Idem positis quæ in Prop. præc. in pluribus Satellitis revolutionibus inter se comparatis, dico Orbitæ Satellitis Excentricitatem maximam esse, cum ejus Apfides in Syzygiis versantur; exinde vero diminui perpetuo in transitu Apfidum à Syzygiis ad Quadratum Solis, ubi illa minima est; in transitu vero Apfidum à Quadraturis ad Syzygias Excentricitatem rursus perpetuo augeri.

Probatür eodem modo quo Propositio penultima. Nam (per Corol. Prop. VII.) Vires Satellitis in Quadraturis crescunt vel decrescunt minus quam pro duplicata ratione distantie minutæ vel auctæ: quare si Orbis Apfides sint in Quadraturis, dicta ratio incrementi ac decrementi totius in transitu inter Apfides est omnium minima. Similiter, Vires Satellitis in Syzygiis crescunt vel decrescunt magis quam pro duplicata ratione distantie minutæ vel auctæ; & propterea, si Orbis Apfides simul in Syzygiis versentur, dicta ratio totius incrementi ac decrementi Virium in transitu inter Apfides est omnium maxima; id est, ratio totius incrementi ac decrementi Virium minima est dum Apfides sunt in Quadraturis, maxima dum in Syzygiis; & propterea, in transitu Apfidum à Quadraturis ad Syzygias, in singulis Satellitis revolutionibus circa Primarium perpetuo augetur, & in transitu à Syzygiis ad Quadraturas perpetuo minuitur. Sed Prop. præc. ostensum est, quod si in singulis Satellitis revolutionibus augeatur ratio incrementi & decrementi Vis centripetæ, augebitur simul & Orbis Excentricitas; & è contra minuetur Excentricitas, si ratio illa decrescat: Et igitur in transitu Apfidum à Quadraturis ad Syzygias Orbis Excentricitas perpetuo augetur, & in transitu à Syzygiis ad Quadraturas perpetuo minuitur; maxima ergo est Orbis Excentricitas dum Apfides in Syzygiis sunt, minima cum illæ in Quadraturis versantur. Et ob diuturnitatem temporis quo Apfides prope Quadraturas aut Syzygias hærent, fit Excentricitatis incrementum aut decrementum admodum sensibile, & inæqualitas

SECTIO III.

De Erroribus quos Sol producit in motu Satellitis, cum Planum Orbis ab illo circa Primarium descripti inclinatum est ad planum Orbis à Primario circa Solem descripti.

De Satellitum Erroribus in Latitudinem supra Libro I. egimus, generatim quidem Prop. LXI. & specialius postea Prop. LXIV. dum Præcessionis punctorum Æquinoctialium ex eodem fonte manantis rationem causamque indicaremus. Liceat tamen istorum quædam huc, quippe in locum proprium, transferre, aliaque magis particula-ria de Erroribus hisce explicare.

PROPOSITIO XIV.

SI Satelles circa Primarium revolvatur in Orbe cujus planum ad planum Orbis Primarii circa Solem inclinatum fuerit, Linea Nodorum motu angulari movebitur in antecedentia velocitate inequali; celerrime quidem cum Nodi sunt in Quadrato Solis, postea tardius, donec Nodis in Syzygiis constitutis quiescat prorsus. In locis inter Quadraturas & Syzygias intermediis Nodi conditionis utriusque participes recedunt tardius; adeoque semper vel Retrogradi vel Stationarii singulis Satellitis revolutionibus circa Primarium feruntur in antecedentia: Et in eadem Satellites revolutione celerius regrediuntur, cæteris paribus, cum Satelles est in Syzygiis.

Designet, ut sæpe superius, s Solem; RTB Orbitam Primarii T ; $CBDE$ Orbitam Secundarii L circa Primarium: Ducantur rectæ SL , ST , & si opus est producantur inque iis signentur K , A , M & N puncta, & jungatur AM . Ex Prop. LX. Lib. I. patet Errores omnes Satellitis L oriri ab ejus Viribus quæ sunt ut AM , MN , & cum harum rectarum directionibus. Vis autem in L secundum directionem rectæ AM (hoc est, secundum LT rectam) agens motum ipsius L in Latitudinem neutiquam perturbat, cum LT in plano Orbis $CBDE$ jaceat. Porro, si directio Vis alterius ut MN etiam in plano Orbis $CBDE$ jaceat, hoc est, si recta per L ducta & ad MN parallela in plano $CBDE$ jaceat, neque hæc Satellitis motum in Latitudinem perturbabit. Ipsa vero MN , seu

Q q

ST,



les secundo peragrat semicirculum cgd ; Nodus nempe, five punctum in quo Satelles trajicit bcg , est in antecedentia respectu puncti in quo illud postremâ vice trajecerat, atque ita porro; hoc est, Vis hæc mn Satellitem L cogit in Orbitam, cujus Nodi singulis ipsius L revolutionibus circa T in antecedentia vergunt: celerime autem regrediuntur Nodi cum in Quadraturis c & d versantur, quoniam (ut supra ostensum est) recta mn vel lf , secundum quam agit Vis ut mn Nodorum regressum efficiens, ad Orbitam cgd in hoc casu maxime recta seu perpendicularis est.

Porro, quæ de Nodorum situ inter Quadraturas & Syzygias intermedio asseruntur, per se patent, cum recta mn ad planum cgd sit in isto casu magis obliqua, minusque propterea potenter Satellitem inde deturbet. Cumque Nodorum regressus pendeat à Vi mn , ille (cæteris paribus) maximus est cum hæc est maxima; hoc est, quando Satelles est in Syzygiis. Q. E. D.

Mutatâ Inclinatione Orbis Satellitis ad planum Orbis Primarii circa Solem, non mutatur motus Nodorum sensibilter, nisi mutatio Inclinationis fuerit nimis magna; nam Vis Nodis motum inducens in isto casu non multum mutatur.

PROPOSITIO. XV.

Idem positis, dico Inclinationem plani Orbis Satellitis ad planum Orbis, in quo Primarius circa Solem revolvitur, perpetuo mutari, & quidem maximam esse cum Nodi sunt in Syzygiis cum Sole; minimam vero (cæteris paribus) cum in Quadraturis: Et insuper in hoc casu minui dictam Inclinationem in transitu Satellitis à Quadraturis ad Syzygias, eandemque rursus augeri in Satellitis transitu à Syzygiis ad Quadraturas. Unde fit ut Satellite in Syzygiis existente, Inclinatione planorum evadat minima, redeatque ad priorem magnitudinem circiter, ubi Satelles ad Nodum proximum accedit. Dico insuper in transitu Nodorum à Syzygiis ad Quadraturas diminui hanc planorum Inclinationem, & fieri omnium minimam (cæteris paribus) ubi Nodi sunt in Quadraturis; dein crescere iisdem gradibus quibus antea decreverat, Nodisque ad Syzygias denuo reversis, ad magnitudinem primam redire.

Licet Propositionis hujus partes omnes fatis facile consequantur ex Prop. LXI. Lib. I. illas tamen hoc loco fusius explicare & demonstrare libet, proprium cuique adscribendo Schema.




Sint primo Nodi Satellitis L in Syzygiis cum Sole s , hoc est, Linea Nodorum producta transeat per Solem, in quo casu recta mn (quæ ad Prop. LXI. Lib. I. demonstrata est positione sua ostendere directionem, & magnitudine sua quantitatem Vis istius, quæ sola Satellitis motum in Latitudinem afficit) est in plano Orbis Satellitis L . Et igitur, utut illa Satellitis motum in dicto plano perturbet, Satellitem ad motum quemcunque extra dictum planum $bcgd$ neutiquam impellit; hoc est, motum Satellitis secundum

Qq 2

Latitu-

Latitudinem omnino non afficit, sed Satellitem perturbationis omnis, quoad ejus motum in latum, immunem prorsus & expertem relinquit, ut Orbem suum circa proprium Primarium describat. Cumque Vis illa perturbans MN Inclinationem Orbis Satellitis ad Primarii Orbem suâ naturâ minuât semper, neque augeat unquam nisi per accidens, propter motum Nodorum in antecedentia ab illa factum; patet dictorum Orbium Inclinationem esse omnium maximam quando Nodi sunt in Syzygiis.

Positis jam Nodis in Quadrato Solis, Satel-
telles, quamprimum Nodum c vel d tranferit,
impulfus Vi ut MN, & fecundum directionem
LF ab L verfus F, de plano Orbis cgdB (quem
abfque hac defcriberet) perpetuo trahitur, &
Orbitam defcribit, cujus planum ad planum
Orbis Primarii cgdB minus inclinatum eft.
Quod ut clarius pateat, referat (in aliis figuris annexis, oculo in Li-
nea Nodorum producto accommodatis) st planum Orbis Primarii
circa Solem, TL planum Secundarii ad planum st inclinatum an-
gulo Lts vel hujus complemento ad duos rectos. Satelles in L,



Vi ut MN ab L versus F , hoc est, de loco L in locum F tractus, describit Orbitam, cujus planum τ / minore angulo $\angle TS$ ad ST planum Orbis Primarii circa Solem inclinatum est. Atque mutatio hæc Inclinationis Orbis Satellitis ad Orbem Primarii est (cæteris paribus) eo major quo major est Vis MN illam produciens: Vis vero MN est major quo Satelles est Syzygius G & B propior. Nodis igitur in Solis Quadrato hærentibus, Inclination Orbis Satellitis est minima quando Satelles est in Syzygiis. Rursus, quoniam recta MN eique parallela LF (directio nempe Vis perturbantis & Inclinationem minuentis)

propinqui aut ab illis remoti, atque Nodi Syzygiis; patet quo Nodi propiores sunt Syzygiis, eo Inclinationem plani Orbis Satellitis ad planum Orbis Primarii esse majorem, & quo propiores Quadraturis, eo minorem. Cumque (per Prop. præc.) Nodi in antecedentia ferantur, in Nodorum transitu à Syzygiis ad Quadraturas diminuitur hæc planorum Inclination, & fit omnium minima (cæteris paribus) ubi Nodi sunt in Quadraturis; dein crescit iisdem gradibus quibus antea creverat, Nodisque ad Syzygias denuo reversis, ad magnitudinem primam redit. Q. E. D.


PROPOSITIO XVI.

Omnes supra descriptæ Inæqualitates quæ in Satellitis motu contingunt, tam quæ motum ejus in longum quam quæ in latum afficiunt, tam quæ Orbitæ Concentricæ quam quæ Excentricæ competunt, paulo majores sunt in Conjunctione Satellitis cum Sole quam in Oppositione.

Quoniam (per Prop. xxv. El. v.) in quatuor magnitudinibus geometricè proportionalibus summa maximæ & minimæ excedit summam reliquarum duarum; auferendo utrinque summam duarum minorum, intervallum maximæ & minimæ proximæ excedet intervallum maximæ proximæ & minimæ. Cumque (per construct. Prop. xiv.) Satellite in Conjunctione cum Sole ad G versante, SM sit ad SN, hoc est (ob parvitatem ipsius NT respectu SN) ad ST in duplicata ratione ST ad SG; recta MT excedit duplam TG: Nam maximæ proxima excedit SB. Cumque rursus, Satellite in Oppositione ut ad B existente, SM sit ad ST in duplicata ratione ST ad SB; recta TM (propter eandem rationem) deficit à dupla TB: ideoque TM à fortiori excedit TM, hoc est, NM excedit NM. At NM, NM representant Vires Satellitem in Conjunctione & Oppositione respective perturbantes: Major itaque est Vis perturbans in Conjunctione quam in Oppositione; & proinde majores sunt illius quam hujus effectus. Cumque præter Vires per SM, NM representatas (quæ solæ sunt quæ Satellitis in ipsa Conjunctione & Oppositione positi motus perturbant) altera Vis ut AM (quæ prope Syzygias Satellitem perturbat) major fit in Conjunctione quam Oppositione, nempe illic major quam radius LT, hic minor; patet omnes Inæqualitates Prop. præced. explicatas (cæteris paribus) paulo majores esse prope Conjunctionem Satellitis cum Sole quam prope Oppositionem cum eodem. Q. E. D.

SCHOLIUM.

Prop. præc. præcise semper obtineret, si Orbita Satellitis Primariæ
Concen-



Concentrica esset; sin aliter, saltem locum haberet in integra revolutione Apſidum ad Solem. Verum Satellitum motus exactius observati hujusmodi quid suaderent, quod Satellitis Orbitæ circularis centrum semper paulo remotius est à Sole quam ipsius Planetæ primarii centrum, eo nempe fine ut Satelles Primarium perpetuo comitetur. Nam si Orbitæ Satellitis centrum cum Primarii centro congrueret, Satelles relicto Primario ad Solem caderet. Satelles enim Orbitam suam describens facit ut Orbita hæc censenda sit quasi Annulus gravis, & Annuli hujus partis cujusque gravitas ea est censenda quæ est Satellitis in ea versantis, hujusque gravis is locus qui est centri gravitatis ejusdem. Cumque per Prop. XVI. Satellitis gravitas acceleratrix versus Solem, supra gravitatem acceleratricem Primarii versus eundem, magis augeatur in inferiori Orbitæ suæ parte prope Conjunctionem quam minuat in superiori prope Oppositionem, & tandiu in illa moretur Satelles quam in hac; prædicti gravis Annuli sive Orbitæ centrum gravitatis, ipseque proinde Annulus, majore urgetur gravitate acceleratrice ad Solem quam Primarius; relicto igitur Primario, ad Solem propius accedet: quod etiam à fortiori obtinebit, si Orbitæ circularis centrum sit Soli propinquius quam Primarii centrum. Orbitæ vero centrum ita à Deo O. M. collocatur pro cujusque Primarii distantia à Sole, ut prædicti Annuli (ceu gravis considerati) gravitatis centrum tantum à Sole distet quantum ipsius Primarii centrum, ne alterum ab altero deferatur: Quæ attemperatio in Orbibus Excentricis locum etiam habet, Satellitis morâ in quavis Orbitæ particula ad illius partis gravitatem æstimandam adhibitâ.

SECTIO IV.

De Erroribus quos Sol producit in motu Satellitis, cum Primarius movetur in Orbe Excentrico circa Solem.

PROPOSITIO XVII.

SI ob diminutam & auctam per vices Distantiam inter Solem & Primarium τ actio ipsius s augeatur ac diminuatur per vices; augebitur simul ac diminuatur Orbitæ Satellitis radius l, t , & Tempus periodicum Satellitis circa Primarium augebitur ac diminuatur in ratione composita ex ratione sesquuplicata radii & ratione subduplicata, qua Primarii τ Vis attrahens per incrementum vel decrementum actionis Solis diminuitur vel augetur.

Vis quâ Primarius τ trahit Satellitem l (quâ nempe l in Orbe suo $BCGD$ retinetur) augetur (ut sæpe superius ostensum est) cum l est in Quadraturis c vel d per additionem Vis extraneæ à Sole s oriundæ, quæ est ut am ; ac dum idem l in Syzygiis versatur, Vis illa attrahens corporis τ diminuitur per ablationem Vis ut mn . Et quia mn recta in Syzygiis (per Prop. IX.) ostensa est quasi duplo major quam

SCHOLIUM.

Si Vis attrahens Satellitem T aliunde quam per Vim extraneam à Sole oriundam augeatur, v.g. si novæ materiæ accessu ipse Primarius major evadat, & inde (per Prop. XLIX. Lib. I.) ejus attractio in eadem ratione major; Satelles L & in minori Orbita revolvetur diminuto radio TL , & ejus periodicum Tempus minuetur in ratione composita ex ratione sesquuplicata radiorum directæ, & ratione subduplicata Virium attractricium corporis T inverſe; ut supra: Similiterque, si Primarius per ablationem materiæ diminuat, augebitur Satellitis Tempus periodicum. Vis enim composita vel residua, quâ Primarius auctus vel diminutus trahit Satellitem, est præcise in duplicata ratione distantiae inverſe, quod in casu Prop. præc. tantum fere obtinet. Idemque respectu Primarii continget, quod de Secundario hic ostensum est, si Sol casu aliquo augeatur vel diminuat.

PROPOSITIO XVIII.

Iisdem positis, in Satellitis Systemate dilatato vel coarctato Virium perturbantium effectus periodici, sive Satellitis Errores lineares in qualibet revolutione, sunt ut Orbitalium radii & quadrata Temporum periodicorum conjunctim: Errores vero ejusdem angulares, è Primarii centro spectati, sunt ut dicta quadrata Temporum periodicorum.

Nam Vires perturbantes, sive Errorum productrices, AM , MN (cæteris stantibus) sunt ut radius TL ; & harum proinde effectus (sive Errores) periodici (per Corol. Prop. XXIII. Lib. I.) sunt ut Vires & quadrata Temporum periodicorum conjunctim; hoc est, ut radii & quadrata Temporum periodicorum conjunctim: Errores autem hi sunt Errores lineares, mensurati nempe per distantias corporum à figurarum similium locis illis, ad quæ corpora Temporibus iisdem proportionalibus absque Viribus istis pervenirent. Et propterea Errores angulares è centro Primarii T spectati; hoc est, anguli sub quibus prædicti Errores lineares ex dicto centro apparent, sunt in quibuscumque revolutionibus Satellitis L ut quadrata Temporum revolutionum quamproxime; alterâ componentium rationum (nempe ratione radiorum) evanescente, quia Errores lineares ad distantiam radiorum spectantur.

SCHOLIUM.

Licet omnes in Satellitis motu Errores angulares, è Primarii centro spectati, mutatâ Satellitis periodo mutantur, nempe motus Apſidum, regressus Nodorum aliæque tam in longitudine quam in latitudine supra explicatæ deviationes à Viribus extraneis Solis oriundæ; cum tamen in una Satellitis periodo horum Errorum quidam

R r

dam



Quoniam vero SA est ad SK in duplicata ratione SK ad SL , & SL infinita respectu KL ; erit AK (differentia ipsarum AS & SK) dupla KL (differentiæ ipsarum SK & SL) & AL ejusdem tripla: Sed KL est sinus rectus arcus CL , distantiae nempe Satellitis à proxima Quadratura C , posito TL radio. In hoc igitur casu datur perpetuo ratio $Vis AM$ ad $Vim MN$, eadem nempe quæ radii ad triplum sinum rectum Distantiæ Satellitis à Quadratura.

SCHOLIUM.

Eodem plane modo quo Sol extra Satellitis Orbitam constitutus ejus motum perturbat, idque multifariam, ut ex præcedentibus hujus Libri Propositionibus liquet; Planetæ superiores inferiorum, Cometæ omnium Planetarum motus perturbabunt. Supra descripta enim Satellitum perturbatio à Sole oriunda provenit ex gravitate Satellitis cujusque versus Solem, qua (inter alia) fit ut Satellitis gravitas versus suum Primarium non sit amplius in reciproca duplicata ratione distantiae ab eodem. Et actiones Planetarum in alios Planetas similes producent effectus, utut longe minores, propter illorum corpora parva, si cum Sole conferantur, & distantias immensas. Aliqui tamen erunt hi effectus, qui, si persistent, & in eandem semper plagam dirigantur, sensibiles tandem evadent: exempli gratiâ, Orbitæ Telluris Apfides post plures annos sensibilibus in consequentia latæ deprehendentur, licet admodum parvus sit hic motus, si conferatur cum motu Apfidum Lunæ in consequentia; quippe qui in viginti annis quatuor scrupula prima & scrupuli semissem non attingit, cum motus Apfidum Lunæ interim factus duas revolutiones integras & revolutionis quadrantem excedat.

Porro, perturbatiomotiû Planetarum ab aliis Planetis & Cometis oriunda valde inæqualis erit, ob distantias corporum perturbantium admodum inæquales. Cum tamen effectus omnis ejus perturbationis parvi sint, eorum inæqualitates quasi insensibiles evadent; & media cujusque quantitas ad calculum Astronomicum sufficiet.

SECTIO V.

De Motu Lunæ è Terra spectatæ.

In præcedentibus Propositionibus fuscè ostensum est, quinam sint Errores quos in Planetarum secundariorum motu Sol producit: In quorum omnium exemplum Lunam Telluris Satellitem afferemus, & summam ostendemus quibusnam Inæqualitatibus afficiatur hæc, quomodo observentur & earum aliæ ab aliis distinguantur, item quomodo ex ipsis fontibus, nempe Solis Viribus illarum generatricibus, per calculum inveniantur: Et denique pro Motibus Lunaribus Tabulas condendi iisdemque utendi methodum indicabimus, ubi obiter apparebit quas Lunæ Inæqualitates consideraverint hucusque Tabularum Conditores, quasque neglexerint.

PRO-

PROPOSITIO XXI.

Lunæ Motum ejusque Inæqualitates hætenus observatas, vel distinctas, vel cum aliis mixtas, ex superioribus consequentes describere & explicare.

Quod Tellus corpus magnum & Planeta primarius, interea dum circa Solem fertur, possit Lunæ corpus minus circum se revolvens sub Satellitis forma deferre in Orbe, cujus planum utcumque inclinatur ad planum Eclipticæ in quo Tellus circa Solem defertur; quodque Luna in Ellipsi umbilicum in Terræ centro habente quamproxime possit revolvī; patet ex Prop. LIX. Lib. I. ejusque Corollaris: Atque hæc sunt phænomena evidentissima omnium oculis expōita: hinc enim & Lunæ Phases & Luminarium Eclipses Prop. XVI, XVIII & XIX. Lib. I. explicantur. Actione autem Solis Lunæ Motus varie perturbabitur, iisque afficietur inæqualitatibus quas assiduus & accuratior observatio detexit, quarum tamen effectus, si cum prioribus illis conferantur, evanescunt fere; unde fit quod in supra citatis Propositionibus Satellitis motus circa Primarium similis quamproxime statuitur motui Primarii circa Solem, cum accuratius observatus in singulis paululum differat.

Etenim primo, absque Solis actione Luna circa Tellurem ita moveretur, ut radio ad Terram ducto areas describeret temporibus proportionales: Per dictam vero actionem fit (per Prop. I.) ut describat aream pro tempore majorem (hoc est, velocius feratur) in Syzygiis cum Sole quam in ejus Quadrato. Atque Error hic etiam mutatur, & quidem in qualibet ejus periodo in duplicata ratione temporis inter Quadraturas, per Schol. Prop. XVIII.

Secundo, si Solis actio non perturbaret Lunæ motum, Luna Ellipsin describeret umbilicum in Terræ centro habentem: nunc vero per Prop. II. patet Lunæ Orbitam fore (cæteris paribus) minus curvam in Syzygiis, curviorem in Quadraturis; adeoque propius accedere ad Terram in illis quam in his.

Tertio, Luna circa Terram Ellipsin immotam perpetuo describeret, si Sol eam non perturbaret: nunc vero ex illius perturbatione fit ut Orbita hæc ab Ellipsi longissime recedat, nec nisi per Astronomorum solertiam ad hanc reduci queat. Ejus enim Orbita est Curva, quæ generatur quidem ex Ellipsi circa immotum umbilicum five Terræ centrum mota, majore interim ejus axe motu angulari nunc prorsum nunc retrorsum oscillante; ut ex Prop. VIII. patet. Illa autem Curva immota AEGH (fig. Prop. III.) revera est Lunæ Orbita, quæ non magis est Ellipsis censenda; quam Helix est linea recta, quoniam generatur ex puncto in recta mota dum ipsa recta motu angulari circumfertur. Si tamen Astronomis veteribus morem (uti decet) gerentes Ellipsin pro Planetæ Orbita habeamus, ejus Linea Apfidum (per Prop. VIII.) bis in qualibet Lunatione progreditur, cum nempe Luna est in Syzygiis, & bis regreditur, cum Luna tenet Quadraturas; progressusque hic (per Prop. XI.) re-

gressum superat dum Lunæ Apogæum & Perigæum Syzygias tenent, at regressus vicissim progressum dum illa in Quadraturis versantur. Simpliciter ergo in priori casu (si integram Lunæ revolutionem spectes) progreditur Apogæum; simpliciter regreditur in posteriori: Cumque prior casus diutius duret, in integra revolutione Apsidum circa Solem progrediuntur simpliciter.

Quarto, si nulla foret Solis actio in Lunæ motibus perturbandis, eadem perpetuo Ellipsis circa Terram à Luna describeretur: nunc autem fit ut hæc perpetuo mutetur specie; Orbitæ enim Excentricitas indies mutatur, & (per Prop. XII.) in qualibet revolutione fit maxima dum Luna in Syzygiis versatur, minima dum hæc Quadraturas tenet; & in pluribus hujusmodi Lunæ revolutionibus inter se comparatis, maxima est Excentricitas Orbitæ (per Prop. XIII.) cum Apfides Lunæ Syzygias tenent, minima cum Quadraturas. Quod si Lunæ Apogæum & Perigæum Syzygias teneant & simul Luna in Apogæo versetur, hoc est, si Excentricitas sit omnium maxima; Luna in Syzygiis & remotissima simulque tardissima fiet, contra supradicta ad paragr. 1. & 2. hujus Prop. Verum cum in istis ab Excentricitate abstraheremus, & ibi dicta cæteris paribus obtinere tantum assertum sit, hisce nullo modo contraria sunt. Sed neque in hoc etiam casu tam lente Luna movetur, nec tanta est Orbitæ Excentricitas quanta foret, si Errores in citatis paragra-phis explicatæ prorsus abessent.

Quinto, si Sol non perturbaret Lunæ motum, hæc Orbitam circa Terram describeret in plano immoto consistentem, sicut Primarius quilibet circa Solem; quam esse præcipuam semitæ projecti proprietatem ex Lib. I. Prop. XI. constat: à Sole autem fit quod plani hujus positio varie mutetur, vel per mutatam ejus communem sectionem cum Eclipticæ plano, hoc est, Nodorum Lineam, vel mutatam ejusdem Inclinationem ad planum Eclipticæ fixum. Et per Prop. XIV. in una Lunæ revolutione circa Terram Nodi regrediuntur celerrime cum Luna Syzygias tenet, tardissime cum Quadraturas; in pluribus vero inter se comparatis, regressus Nodorum celerrimus est cum hi in Quadrato Solis versantur, tardissimus (quia nullus) cum Syzygias tenent.

Sexto, ipsa etiam plani Orbis Lunaris Inclinatione ad Eclipticæ planum mutatur. Hæc quippe Inclinatione per Prop. XV. est, in eadem Lunæ revolutione, minima cum Luna est in Syzygiis, maxima cum in Quadraturis; in diversis autem inter se comparatis, minima est cum Nodi Quadraturas tenent, maxima è contra cum hi Syzygias occupant.

Septimo, omnes supra descripti Errores ab actione Solis oriundi quolibet tempore minimo producti, hoc est, velocitates seu motus horarii Apogæi, Nodorum &c. Lunæ mutantur pro mutata Telluris distantia à Sole Errorum causa, idque (per Prop. XIX.) in triplicata ratione distantie Telluris à Sole inverse, sive in triplicata ratione diametri apparentis Solis è Terra spectati.


Octavo,

Afcensio recta, & consequenter Afcensio recta puncti huic oppositi, nempe centri Umbrae; hoc est, VD : Dabitur igitur Afcensionis verae VD & apparentis VB differentia BD , sive (quem arcus hic mensurat) angulus BDP . In triangulo sphaerico APZ dantur tria latera; nempe PZ complementum Altitudinis Poli, ZA complementum observatae Altitudinis apparentis Lunæ, & AP complementum observatae Declinationis Lunæ apparentis; dabitur ergo ZAP angulus. Rursus, in triangulo VAP dantur duo anguli modo inventi VAP & VPA , cum latere intercepto AP ; inveniatur igitur latus AV , Lunæ Parallaxis; quâ datâ, inveniatur per Prop. XLVI Lib. II. quæsitâ Lunæ Distantia à centro Terræ.

PROPOSITIO XXIII.

Lunæ Distantiam à centro Terræ, dato tempore, per observationem determinare.

Designet OR Terram, cujus centrum T ; o locum Observatoris: Sitque L Luna in priore observatione, quando ipsius Distantiæ tam à Terræ centro quam ab Observatoris oculo (nempe rectæ TL , OL) per præcedentem determinatæ sunt; & immediate ante vel post Defectum Lunæ istum quo observatio dicta facta fuit, observetur Lunæ in L diameter apparens. Sit jam Luna in alio quovis Orbitæ suæ loco, ut ad I : quæritur TI ejus Distantia à Telluris centro. Observetur Lunæ in I diameter apparens; estque (ut vulgo notum) OI ad OL ut apparens diameter Lunæ in L ad ejusdem diametrum apparentem dum est in I ; hoc est, in ratione data; datur ergo ipsa OI : Sed per Altitudinem apparentem Lunæ in I datur angulus IoT ; in triangulo igitur IoT datis lateribus OI , OT cum angulo IoT , inveniatur TI Distantia Lunæ à Terræ centro. Q. E. F.



Non est opus ut diametri apparentes in circuli partibus præcise exprimantur; sufficit si harum ratio ad invicem observatione innotescat: Nam arcus hi aut anguli non comparantur cum aliis angulis aut arcibus per circuli partes expressis, sed tantum inter se; horum enim ratio inversa est ratio Distantiarum Lunæ ab oculo temporibus observationum. Satis igitur est si illæ Micrometro Telescopio aptato observentur, & filorum Distantiæ, in æquales partes divisæ & per illarum numerum expressæ, notentur.

PROPOSITIO XXIV.

Lunæ Inæqualitates & Errores per observationem determinare & inter se distinguere.

Lunæ loca apparentia determinantur ope vicinarum Fixarum, quarum loca prius exacte per Prop. xxix. Lib. II. cognita habentur; & loca vera ex apparentibus per Prop. lxxviii. ejusdem: Distantia autem à Terræ centro tempore quovis per præcedentem est nota: Omnia ergo quæ Lunæ Motum attinent, nota sunt.

Inæqualitates in Motu Lunari Prop. xxi. recensitæ, cum jam notum sit & quales sint qualesque expectare licet, ex pluribus hujusmodi Observationibus, continuo & per plures annos factis, inter se collatis patefcent, harumque quantitates determinabuntur: ex. gr. hoc modo determinabitur, num (cæteris paribus) Luna velocius moveatur in Syzygiis cum Sole quam in Quadraturis; num longius à Terra distet hic quam illic; num Lunæ Motus medius sit velocior in Telluris Aphelio quam in Perihelio &c. Aliquibus semel determinatis (iis nempe quæ à Syzygiis cum Sole pendent, & mense Synodico semel aut forte bis definunt rursusque incipiunt) reliquæ facilius à se invicem distinguuntur, quæ vel à Telluris motu Annuo, vel à revolutione Apsidum & Nodorum Lunæ ad Solem pendent. Hisce à se invicem separatis, relinquitur Lunæ Inæqualitas, de qua generatim actum est Schol. Prop. xvi, cujus quantitas ex ejus periodo cognita per Observationes colligitur. Et tandem apparebit, comparando Periodum Lunarem hodie observatam cum illa ante plura sæcula per observationes cognita, num Telluris Globus temporis decursu auctus sit (quod suspicor) vel diminutus, & de incremento vel decremento interea facto per Schol. Prop. xvii. statuatur geometricè. Quod si aliæ hæcenus inobservatæ Inæqualitates Lunæ Motum afficiant, prædictis demptis apparebunt illæ, inque lucem protractæ Astronomiam augebunt, Lunæ Theoriam perficiendo.

PROPOSITIO XXV.

Invenire Solis Vires ad perturbandos Motus Lunæ, sive rationem determinare inter Vires hæcæ perturbantes & Gravitatis Vires nobis familiarem.

Idem politis, Vires Solis perturbantes Lunæ motum representantur per rectas AM , MN , & ob longinquitatem Solis recta MN non differt ab MT , estque tripla finis recti arcus CI distantie Lunæ à Quadratura, posito TL radio; & AM æqualis est LT , ut Corol. Prop. xx. est ostensum. Similes etiam Vires, at minores, perturbant Motum Telluris, quia non ipsum Telluris centrum Orbem magnum circa Solem describit, sed commune centrum gravitatis Terræ & Lunæ, ut Prop. lxxiii. Lib. I. ostensum est; adeo ut Terra & Luna sint quasi Satellites circa dictum gravitatis centrum revoluti. Sed Vires utraque ad Lunam referimus, propter demonstrata ad Prop. x. & li. Lib. I. Porro, per Prop. xx. Vis Solis Lunam perturbans, quæ

quæ est ut AM, est ad Vim, quâ Luna in Orbe suo retinetur, in duplicata ratione Temporis periodici Lunæ circa Terram ad Tempus periodicum Terræ circa Solem : Et Vis, quâ Luna in Orbe circa Terram immotam revolveretur ad Distantiam quâ nunc à Terra distat, (quæ per Prop. II Lib. I æqualis est Vi, quâ nunc in Orbe suo retinetur circa prædictum gravitatis centrum,) est (per Corol. I Prop. XXVI. Lib. I) ad Vim, quâ eodem tempore circa Terram revolvi posset ad Distantiam quâ Luna à dicto gravitatis centro distat, ut Distantia Lunæ à Terra ad Distantiam Lunæ ab isto gravitatis centro; nam Lunæ & Terræ Tempora periodica circa eorum commune centrum gravitatis est eadem: Et Vis prædicta, quâ Luna retineretur in Orbe suo circa Terram immotam ad Distantiam Lunæ à communi isto gravitatis centro, est ad Vim quam Gravitationem dicimus (quæ eadem quidem est Vis, sed ad minorem à centro distantiam, nempe ad Terræ tantum superficiem propagata) in duplicata ratione Semidimetri Terræ ad prædictam Distantiam Lunæ à communi centro gravitatis Lunæ & Terræ: Et igitur, Vis Solis ut AM est ad Vim Gravitationis in Terræ superficie in ratione composita ex hisce tribus rationibus; nempe ex duplicata ratione Temporis periodici Lunæ circa Terram ad Tempus periodicum Terræ circa Solem, ex ratione Distantiæ Lunæ à Terra ad Distantiam Lunæ à communi centro gravitatis Lunæ & Terræ, & ex ratione duplicata Semidimetri Terræ ad Distantiam Lunæ à communi centro gravitatis Terræ & Lunæ. Dantur autem rationes tres componentes; ergo datur & ex hisce composita ratio inter Vim Solis ut AM & Gravitatis Vim. Sed & alterius Vis perturbantis MN aut MT ratio ad AM aut LT nota est, eadem nempe quæ tripli sines arcûs CL Distantiæ Lunæ à Quadratura ad radium: Inventa igitur est ratio utriusque Vis Solaris perturbantis Lunæ Motum ad Gravitatis Vim nobis familiarem.

The diagram illustrates the geometric relationships between celestial bodies and their centers of gravity. At the bottom, a small circle labeled 'S' represents Earth. A vertical line extends upwards from S through point 'N' to point 'T'. To the left of this vertical axis, there are two concentric circles centered at 'C'. The outer circle passes through points 'A' and 'E', while the inner circle passes through points 'K' and 'L'. A line segment connects point 'A' to point 'M' at the top right. Another line segment connects point 'M' to point 'N' on the vertical axis. Point 'B' is located on the vertical axis above 'T'. Points 'D' and 'G' are also marked on the vertical axis. The diagram is used to define various distances (AM, MN, MT, etc.) and angles related to the gravitational forces discussed in the accompanying text.

Poterit abque sensibili errore media Vis componens neglgi, quippe ad rationem aequalitatis proxime accedens: Unde multo simplicior evadit solutio.

SECTION VI.

De Tabulis Lunaribus et earum Ufu.

PROPOSITIO XXVI.

TAbularum Lunarium, ad Lunæ locum à centro Terræ visum expedite inveniendum destinatarum, Ordinem exponere.

Primo omnium constituitur Epochæ seu Radix Motus Lunæ;
hoc

hoc est, (ut superius Lib. III. explicatum,) assumpto puncto notabili Temporis medii numerati in Loco ad quem Tabulæ destinantur, & regione apponuntur mediæ Longitudines Lunæ, ejusdem Apogæi & Nodi ascendentis dicto Tempori competentes. Similiterque, ad Lunæ Aspectus cum Sole prompte inveniendos constituitur Radix Motûs medii Lunæ à Sole; hoc est, adscribitur congrua dictæ Epochæ Distantia media Lunæ à Sole.

Secundo, Motus medii ipsius Lunæ, ejusdem Apogæi & Nodi, pro Annis, horum decadibus, centenariis &c; item pro Mensibus, Diebus, Horis & Horæ partibus in Tabulas disponuntur. Pariterque Motus medii Lunæ à Sole pro similiter expansis & collectis Annis, Mensibus, Diebus &c. in Tabulas disponuntur; qui facile inveniuntur subducendo Motum Solis medium ex Motu medio Lunæ eidem tempori congruo.

Tertio, ponitur Correctio Motûs medii Lunæ pro Distantia Terræ à Sole. Nam Lunæ Motus medius ex præcedenti Tabula collectus in laxiore sensu medius est, eidem in plurium Annorum curriculo competens. At per Prop. XVII. Lunæ Tempus periodicum brevius est Terræ Aphelium tenente; hæc autem inde discedente, Lunæ Tempus periodicum augetur, donec maximum fiat Tellure ad Perihelium perventâ. Locus igitur illius medius supra-inventus corrigendus est additione vel subtractione cujusdam arcûs aut anguli pendentis ab Anomalia Telluris media: Locus tamen Lunæ sic correctus medius adhuc manet. Tabula hæc Correctionis Motûs Lunæ medii à Terræ Anomalia pendentis constituitur ope Propp. XVII, XX & XXV.

Quarto, Correctiones (in phrasi Astronomica *Æquationes*) Loci medii Apogæi Lunariorum. Atque hæc *Æquationes* sunt tres: Prima pendet ab Aspectu Apogæi & Solis; Prop. enim XI. ostensum est quod Apogæum progreditur dum est in Syzygiis, & regreditur dum est in Quadraturis cum Sole; Loco igitur Apogæi medio addenda vel subducenda est *Æquatio* hæc pendens à situ Apogæi respectu Solis: Hujus *Æquationis* quantitas proportionalis est quantitati Virium productricium per Propp. XI, XX & XXV. determinandæ. Secunda Apogæi Lunariorum *Æquatio* menstrua est, pendetque ab Aspectu Solis & Lunæ. Nam licet prope Conjunctionem aut Oppositionem Apogæi Lunæ cum Sole, Apogæum progrediatur in integra Lunatione, tamen iste progressus Apogæi non est æquabilis, sed Lunâ in Quadris versante tardius progreditur, vel forsitan etiam regreditur; in Syzygiis versante Lunâ, ejus Apogæum progreditur multo celerius. Et similiter, licet prope Quadraturam Apogæi Lunæ cum Sole, Apogæum Lunare regrediatur si integram Lunationem spectes, tamen non regreditur æquabiliter, sed Luna in Syzygiis facit illud aut progredi aut saltem regredi tardius. Hæc patet ex Prop. X; unde Locus Apogæi Lunæ, primo (per Correctionem præc.) æquatus, etiam per *Æquationem* hanc Menstruam secundo corrigendus est. *Æquationis* hujus quantitas pro diversis Lunæ

ad Solem Aspectibus colligenda est ex Propp. viii, xx & xxv. Sed & tertiâ opus est *Æquatione* ad Apogæi Locum plene rectificandum: Apogæi enim Motus, sive progressivus sive regressivus, major est vel minor pro minore aut maiore Distantia Terræ à Sole; estque ejus velocitas (per Prop. xix.) in triplicata ratione Diametri apparentis Solis: Adeoque hæc ab Anomalia Terræ media pendet, sicut Motus medii correctio, de qua supra. Eius quantitas pro Anomalie gradu ope Propp. xix, xx & xxv. elicitur.

Quinto, Orbitæ Lunaris Excentricitas perpetuæ mutationi obnoxia est, & mutationis hujus eadem sunt Tempora quæ motus progressivi & regressivi Apogæi. Quippe (per Prop. xiii.) si integram Lunationem cum integra Lunatione conferas, Excentricitas maxima est cum Apfides sunt in Syzygiis, minima cum illæ sunt in Quadris. Et in una Lunatione (per Prop. xii.) maxima est cum Luna Syzygias tenet, minima cum hæc in Quadris versatur: *ex. gr.* Mense quo Apfides Syzygias tenent, Excentricitas minuitur, cum ipsa Luna ad Quadrantem pervenit, quando minima est omnium in ista Lunatione. Similiterque, Apogæo in Quadratura cum Sole versante, Excentricitas hæc parva minuitur, dum Luna à Syzygiis ad Quadraturas pervenit. Excentricitates igitur Orbitæ Aspectui Apogæi Lunarum congruæ in Tabulas disponuntur, & quidem commode inferuntur è regione *Æquationum* ipsius Apogæi ab eodem Aspectu pendendum, eandemque quasi cum illis Tabulam constituunt. Porro, Excentricitates hæc rursus corrigendæ sunt per *Æquationem* Menstruam pendentem à Distantia Lunæ à Syzygiis: Nam Luna in Syzygiis versante (cæteris paribus) Excentricitas maxima est. Sed & Excentricitas sic æquata rursus ex Propp. xviii & xix. corrigenda est pro aucta aut minuta Distantia Terræ à Sole; *Æquatioque* hæc ab Anomalia Terræ pendet: Hæc autem tres Tabulæ ex respectivis Propositionibus supra-citatis cum xx & xxv. supputantur. Cumque eosdem terminos eandemque Tempora habeant prædictæ Excentricitatis mutationes cum Apogæi Motibus prædictis, duæ ultimæ hujus *Æquationes*, Menstrua nempe & Annua, commode etiam in eandem Tabulam coalescent cum duabus ultimis *Æquationibus* illius. Correctiones hæc optime & commodissime fiunt additione aut subtractione particularum in Tabula dispositarum pro varia Lunæ Distantia à Syzygiis Solis, aut varia Telluris Distantia ab Aphelio; hoc est, sub iisdem titulis quibus Correctiones Apogæi Menstrua & Annua prius dispositæ fuerant.

Sexto, adjungitur *Tabula Æquationum Orbitæ* dicta, quæ, ex dato Tempore quo Luna Apogæum tenebat, invenitur angulus quo Luna ex Terra spectata ab Apogæo distat. Cum enim Luna in sua elliptica Orbita temporaria eodem modo circa Terram in Ellipseos foco positam moveatur, quo Primarius quivis circa Solem; hoc est, radio ad Terram ducto describat aream temporari proportionali; (saltem ab omni alia inæqualitate nunc abstrahimus, ipsarum rationem in aliis Tabulis ad Lunæ Motum æquandum habentes;)

bentes;) datâ Orbitâ Locus ejus verus è Terra spectatus eodem modo ad datum Tempus elicitur, quo Primarii Locus è Sole spectatus: hoc est, datâ Excentricitatē sive ratione distantiae focorum ad axem majorem, ex data Anomalia Lunæ media (quæ in area temporis proportionali consistit) Anomalia cōsequata eodem modo calculo elicitur hic quo illic; nempe ope Prop. III. Lib. III; vel, si approximatione uti libeat, Prop. aliqua ex insequentibus in Lib. III. adhibenda est. *Wardi* approximatio sufficit, in quo casu *Æquatio* Orbitæ sive *Æquatio* Excentrici (quæ & *Æquatio centri Lunæ* quandoque dicitur) per Prop. VI. Lib. III. pro gradu Anomalie Lunæ mediæ invenitur, & inventæ *Æquationes* pro singulis gradibus in Tabulas disponuntur, addendæ vel subtrahendæ pro Orbitæ semisse ab Apogæo ad Perigæum, vel à Perigæo ad Apogæum. Quoniam vero Orbitæ Lunaris Excentricitas perpetuo mutatur, & pro qualibet Excentricitate Tabulam construere impossibile foret; ideo communiter Artifices hujusmodi *Æquationum* Tabulas construunt ad singulos Anomalie mediæ gradus pro maxima & minima Excentricitate Orbis, quandoque etiam pro media; & *Æquationem* sumunt similiter proportionalem inter *Æquationem* majorem & minorem, atque Excentricitas Lunari Orbitæ competens est inter Excentricitatem maximam & minimam.

Septimo, subnectenda est Tabula indicans Inæqualitatem Lunæ illam, quam omni Satelliti competere ostensum est Prop. I. pro varia Lunæ Distantia à Syzygiis. Lunæ enim Motus in primo Mensis quadrante (sive pergente Lunâ à Conjunctione ad Quadraturam proximam) retardatur, in secundo acceleratur, in tertio retardatur rursus, & in quarto iterum acceleratur. Hanc Inæqualitatem in Lunæ motu primus deprehendit *Tycho*, & vocabulo satis apto *Variationem* dixit. At Variationis Tabula condenda est ex dictis in Corol. 2. Prop. II. pro Lunæ Orbita latiore inter Quadraturas, constrictiore sive angustiore inter Syzygias, quam veram esse Lunæ scmitam ostensum est Prop. II. ejusque Corol. 1. Variationis hujus quantitas maxima ex Prop. XX & XXV. elicitur, & quantitas cuique Distantie Lunæ à Syzygiis competens ex Prop. I & II. hujusque Coroll. Cæterum Variatio rursus corrigenda est ope Tabulæ per Propp. XVIII & XIX. constructæ: Terrâ enim Perihelium tenente, Lunæ Tempus periodicum augetur, atque inter alios Errores auctos ipsa hæc (de qua nunc agimus) Variatio in qualibet revolutione augetur in ratione duplicata Temporis inter Lunæ Quadraturas, per Schol. Prop. XVIII. Hæc Correctio à Terræ Anomalia media pendet, ut & alia quæ augetur Variatio aut diminuitur in triplicata ratione Diametri apparentis Solis è Terra spectati.

Octavo, Nodorum Lunæ *Æquationes* tres in Tabulas sunt disponendæ. Harum prima pendet ab Aspectu Nodorum cum Sole: Nam per Prop. XIV. Nodi in Syzygiis quiescunt penitus; dum vero hæc prope Quadratum Solis hærent, velocissime in antecedentia feruntur, atque hoc si Lunationem integram cum alia integra conferas. Nam

si unicam per se spectes, Nodi celerius regrediuntur (per Prop. XIV.) cum Luna Syzygias tenet: Atque hinc Nodorum *Æquatio* Menstrua est necessaria, quæ ab Aspectu Solis & Lunæ pendet. *Æquatio* tertia Annuæ est; Nodi enim (cæteris paribus) eo velocius regrediuntur quo Tellus Perihelio est propior, per Prop. XIX. Harum *Æquationum* quantitates (tum maximæ, tum cuilibet Aspectui Nodorum vel Lunæ ad Solem, & Anomalix Terræ congruæ) determinantur per Propp. XX & XXV. una cum XIV & XIX.

Nono, similibus Correctionibus opus est ad æquandam Inclinationem Orbis Lunaris ad planum Eclipticæ: Hæc enim (per Prop. XV.) minima est cum Nodi sunt in Quadraturis cum Sole, maxima cum Syzygiis tenent; & in eadem Lunatione minima cum Luna est in Syzygiis, maxima cum in Quadris. Hæc igitur, cum eadem habeant Tempora cum Nodorum *Æquationibus* (de quibus hætenus) quoad Aspectum tum Nodorum tum Lunæ cum Sole, commode in eandem coalescunt Tabulam. Et Inclinationis planorum Correctio commode fit per particulas Inclinationi minimæ addendas (ut prius de Excentricitate corrigenda) varias pro dictis Aspectibus Nodorum & Lunæ ad Solem, (vel, in Artificum phrasi, pro Distantiis Nodorum & Lunæ à Sole,) vel fortasse aptius per particulas ab Inclinatione maxima subducendas: hæc enim Orbitæ Lunari naturalis videtur, quippe quæ illi competeret si Sol non perturbaret ejus motum. Sed & Inclinationis hæc Correctio Annua æquanda est, quæ proinde à Distantia Terræ à Sole seu Terræ Anomalia pendet, quæque in unam cum Nodorum *Æquatione* Annuæ coalescet Tabulam. Harum trium *Æquationum* quantitates maximæ & cuique Aspectui five Distantiæ respective congruæ eliciuntur ex Propp. XV, XVIII, XIX, XX & XXV.

Decimo, Tabella est adhibenda quæ præcedentium omnium Menstruarum Correctionum, sive incrementorum & decrementorum, in Syzygiis factorum proportionem in Conjunctione & Oppositione cum Sole ostendat. Nam (per Prop. XVI.) effectus omnes in Luminarium Syzygiis contingentes majores sunt in Conjunctione, minores in Oppositione. Proportio ex Virium generatricium ratione ex præcedentibus elicitur.

Undecimo, adjungitur Tabula Latitudinis Lunæ pro singulis gradibus Distantiæ ejusdem à Nodo. Hujus constructio Doctrinæ Sphæricæ soli innitur. In triangulo enim sphærico rectangulo præter rectum datur hypotenusa, nempe Lunæ Distantia à Nodo, & angulus ad Nodum, nempe Inclinationis plani Orbis Lunæ ad Eclipticæ planum, (quæ & *Inclinatio Limitum* vocatur;) invenietur ergo latus huic angulo oppositum, nempe quæsitæ Latitudo Lunæ pro prædicta à Nodo Distantia. Quoniam vero Inclinationis plani Orbis Lunæ ad Eclipticæ planum diversis temporibus varia est, ideo communiter Tabula unica Latitudinis Lunæ ad minimam dictorum planorum Inclinationem construitur, adjunctis particulis ad Latitudinem adjiciendis cum dicta Inclinationis est maxima. In Inclinationibus

clinationibus mediis, adjunctæ particulæ pars adjicienda est, quæ ad totam se habeat ut excessus Inclinationis datæ supra minimam ad excessum maximæ supra minimam; ut in casibus similibus fieri solet.

Duodecimo, subnectitur etiam Tabula ostendens Lunæ Locum ad Eclipticam reductum pro singulis gradibus Distantiæ Lunæ à Nodo. Hujus constructio etiam à Sphæricis pendet. In eodem enim triangulo, in quo prius Latitudo inventa est, latus tertium, sive distantia inter Nodum punctumque ubi Latitudinis circulus per Locum Lunæ transiens Eclipticam interfecat, est ipsa Lunæ Distantia à Nodo ad Eclipticam reducta: Et intervallum inter hanc & Lunæ Distantiam à Nodo in sua Orbita computatam *Reductio* dicitur, & in Tabulam secundum artem disponitur. Cumque hæc etiam varia sit pro varia Inclinatione Lunaris Orbis ad Eclipticam, (simili artificio quo prius,) excessus prædictæ Reductionis cum Limitum Inclinationis est maxima notatur, ut ejus pars proportionalis assumatur cum Limitum Inclinationis est inter minimam maximamque media: Nam ipsa Reductio aptatur ad Inclinationem minimam, ut prius Latitudo.

Sed & aliis Erroribus detectis, aliæ condendæ erunt Tabulæ ad Lunæ Motum plene & perfecte rectificandum, quod in Astronomia opus est longe difficillimum. Hæc interim impræsentiarum de Tabularum harum Ordine sufficiant.

PROPOSITIO XXVII.

Tabularum Lunarum, ad Lunæ Locum è dato in Telluris superficie puncto visum expedite inveniendum, Ordinem exponere.

Quoniam Lunæ Locus è puncto in Terræ superficie spectatus sensibilibiter diversus est ab illo quem occuparet si è centro spectaretur, quemque solum ex Tabulis præcedentibus deducere licet; ideo Tabulas ad illum quoque ex priori prompte colligendum condunt Artifices. Cum autem Parallaxis sit omnis illa inter dicta Loca differentia, hujus notitia sufficit. Et quia ex data Parallaxi horizontali Parallaxis alteri cuius supra Horizontem Elevationi congrua facile invenitur, per Prop. XLVII. Lib. II; ideo solâ horizontali Lunæ Parallaxi opus est. At cum Lunæ Parallaxis horizontalis varia sit pro majore aut minore Distantia Lunæ à Terra, Parallaxium istarum Tabula est condenda: Parallaxis nempe uni Distantiæ competens per Prop. XXII. innotescit, & Lunæ à Terra Distantiæ in aliis Orbitæ suæ punctis respectu Distantiæ per dictam XXII. inventæ, ex Lunæ Orbita (ut supra ostensum est definita) determinantur; Parallaxes igitur horizontales Lunæ (quæ per Prop. XLVIII. Lib. II. sunt reciproce ut ejus Distantiæ à Terræ centro) pro ejus situ ad Apogæum & Perigæum suæ Orbitæ, hoc est, pro Anomalia ejus media, notæ fiunt & in Tabulam rediguntur.

Quoniam vero hujusmodi Tabula Parallaxium Lunæ horizontalium

lium pro una tantum Orbitæ forma infervit; ideo pro Excentricitate maxima unam, aliamque pro minima conduunt, & Parallaxin Lunæ horizontalem pro dato tempore assumunt in eadem ratione mediam inter Parallaxes maximæ & minimæ congruas, quâ Excentricitas dato isti tempori congrua media est inter Excentricitatem maximam & minimam.

Parallaxis Lunæ horizontalis sic inventa rectificanda est per *Æquationem* quandam ex alia Tabula desumendam, cujus hoc est fundamentum. Ex Prop. II. constat Lunam (cæteris paribus) longius à Terra distare in Quadraturis quam in Syzygiis. Proportionem inter distantias hæc Lunæ à Terra, ex proportionem Virium Solis qui effectum hunc producant, ope Prop. XX & XXV. invenire licet. Tabula igitur ad æquandam Lunæ Parallaxin constat ex particulis subtrahendis à Parallaxi quæ in Syzygiis obtinet, prout Luna ad Quadraturam propius accedit, ubi (cæteris paribus) Parallaxis est minima, quia Luna maxime à Terra distat: *Æquatio* igitur hæc Menstrua est, à Syzygiis Solis & Lunæ pendens.

Sed & *Æquatione* Annuâ afficitur hæc Lunæ Parallaxis; minor quippe est cum Terra est in Perihelio, major cum in Aphelio, (cæteris paribus), quia totum Systema Lunare in hoc casu contrahitur, in illo dilatatur per Prop. XVII. *Æquatio* hæc ab Anomalia Terræ media pendet, & ope Prop. XVII. item XX & XXV. construitur.

PROPOSITIO XXVIII.

Ad datum Tempus Lunæ Locum, & data in Tellure habitatione visum, ope Tabularum supra descriptarum determinare.

Tempus in habitatione data numeratum reducat (per Prop. XXXII. Lib. II.) ad Tempus numeratum sub Meridiano Loci cui Tabulæ accommodantur; ad quod (per Prop. XVII. Lib. III.) æquatum, inveniat Solis Locus.

Ad Epocham in Tabula notatam, datum Tempus præcedentem, notentur Loca media Lunæ, Apogæi Lunaris Nodique ascendentis, & colligendo horum trium Motus medios factos ab Epochâ istâ ad Tempus datum, addantur primi duo ad prædicta Lunæ & Apogæi Loca, ut fiant eorundem Loca media ad Tempus datum; motus vero Nodi interea factus subtrahatur à Loco radicali (quoniam movetur in antecedentia) ut fiat ejus Locus medius; Locusque medius Lunæ corrigatur per *Æquationem* istam à Terræ Anomaliâ media pendentem, de qua §. 3. Prop. XXVI.

Porro, Locus Apogæi medius corrigatur tribus *Æquationibus*, de quibus §. 4. dictæ Prop. XXVI. Dato enim Solis Loco & Apogæi Loco prope vero, datur Aspectus Apogæi Lunaris cum Sole, indeque *Æquatio* hinc pendens. Similiter, quia tam Solis Locus verus quam Lunæ Locus prope verus innotescunt, innotescit & Lunæ ad Solem Aspectus, indeque Apogæi *Æquatio* Menstrua inde pendens. Et datæ Terræ Anomaliæ mediæ (prius ad Solis Locum determinandum necessaria) congrua invenietur, in tertia Apogæi æquandi

quandi Tabula, *Æquatio* Apogæi Annua. Atque *Æquatio* hæc est vere Annua, à Telluris periodo circa Solem pendens: Perperam enim prima illa, pendens ab Aspectu Apogæi Lunaris cum Sole, Annua à quibusdam appellatur, cum non nisi post 400 dies absolvatur ejus periodus; Sole nempe istud tempus requirente ut digressus ab Apogæo Lunari illud in consequentia motum denuo assequatur. Similiter & Orbis Lunaris Excentricitas, ex dato Apogæi Aspectu ad Solem ex Tabula excerpta, per *Æquationem* Menstruam & Annuam corrigitur.

Invento igitur Lunaris Apogæi Loco vero Lunæque medio primo correcto, illo ab hoc subducto, relinquitur Lunæ Distantia media à suo Apogæo in consequentia numerata, sive Lunæ Anomalia media; cui (in Tabula § 6. Prop. xxvi.) invenietur Prosthaphæresis congrua pro Orbitæ Excentricitate prius inventa, per quam Lunæ Locus medius, primo correctus, denuo rectificatus exhibebit Lunæ Locum correctiorem, quibusdam *Æquatum* dictum.

Ex modo invento Lunæ Loco *Æquato*, & omnium primo determinato Solis Loco, Aspectus Solis & Lunæ nunc satis notus est, & hinc pendens Variatio ex Tabula (de qua §. 7. Prop. xxvi. actum est) innotescet; sed hæc ipsa duplici *Æquatione* Annua (de quibus ibidem) corrigenda est. Locus Lunæ æquatus per Variationem sic correctam corrigendus est; exsurgitque Lunæ Locus correctissimus in sua Orbita, sive respectu suæ Apsidis.

Ad illum vero ad Eclipticam reducendum, primo omnium Loca Nodorum determinanda sunt. Cum & Solis Locus verus & Nodorum prope verus sive medius dentur; dabitur Aspectus Nodorum cum Sole, & huic proinde *Æquatio* correspondens ex Tabula, de qua §. 8. Prop. xxvi; per quam correctus Nodi Locus medius rursus bis corrigendus est per *Æquationem* Menstruam Annuamque, de quibus ibidem actum est.

Simul, ex eodem Aspectu Nodorum ad Solem, excerptus est Excessus Inclinationis Limitum supra eorundem Inclinationem minimam, (vel Defectus à maxima,) quo Inclination minima (vel maxima) corrigenda est ut correctior evadat: sed quæ bis rursus corrigenda est; nempe pro ipsius Lunæ Aspectu ad Solem & Telluris Anomalia media; de quarum *Æquationum* Tabulis actum est §. 9. Prop. xvi. Si Lunæ Locus correctissimus in ipsis Syzygiis inquiratur, etiam correctionis, de qua §. 10. Prop. xxvi. ratio haberi poterit.

Quoniam vero innotescunt Nodi & Apogæi Lunaris vera Loca in Ecliptica, & Orbis Lunaris Inclination ad eandem, resolvendo triangulum sphaericum rectangulum, in quo præter rectum dantur angulus alter alterumque latus circa rectum, invenitur Distantia Apogæi à Nodo in Orbe Lunari computata; nempe hypothenusa. Et supra inventus est Lunæ Locus in sua Orbita ab Apogæo computatus: Et igitur non ignorabitur Distantia Lunæ à Nodo in Orbe Lunari computata. Cumque etiam data sit Inclination dicti Orbis Lunaris ad Eclipticam; invenietur tum Lunæ Latitudo, tum ejus

Locus in Ecliptica, vel per resolutionem trianguli sphaerici rectanguli inter Orbem Lunarem, Eclipticam circumque Latitudinis comprehensi, vel expeditius per Tabulas Latitudinis & Reductionis, de quibus §. 11 & 12. Prop. xxvi. ubi dictum triangulum est hæcenus resolutum, quarum usus satis est notus: namque Distantia hæc Lunæ à Nodo in Orbe Lunari computata *Argumentum Latitudinis* appellatur.

Inventus igitur est Locus Lunæ verus, sive è Terræ centro spectatus, tam in longum quam in latum. Qualem vero in dato Horizonte situm, hoc est, quam Altitudinem quemque Verticalem ad datum Tempus obtineat Phænomenon, cujus Longitudo & Latitudo dantur; Problema est solutu obvium ex Doctrina sphaerica: est nempe conversæ Propp. xxvi & xxvii. Lib. II.

Quod si Locus Lunæ apparens sive visus quaeratur, in Tabula prima, de qua Prop. xxvii, adnotetur Lunæ Parallaxis Orbis Excentricitati Lunæque Anomaliz mediæ prius cognitæ congrua, quæ per Æquationem Menstruam & Annuam (de quibus in eadem xxvii. dictum est) corrigatur. Ex Parallaxi horizontali inveniatur (per Prop. XLVII. Lib. II.) Parallaxis inventæ prius Altitudini compentens, quæ inde subtracta relinquit Altitudinem Lunæ visam: Et alia nulla est inter Lunæ Locum verum & visum differentia præter hoc Altitudinis decrementum sive Parallaxin, & communem illam ex Refractione ad Atmosphæram ortam, de qua Propp. LXIV & LXV. Lib. II. Qualem vero in Longitudine Latitudineque mutationem inducunt Parallaxis & Refractio, ex Propp. LXIII & LXVIII. Lib. II. colligitur. Inventus igitur est Lunæ Locus, tam verus quam è dato in Telluris superficie puncto visus, secundum Longitudinem & Latitudinem. Q. E. F.

PROPOSITIO XXIX.

Quasnam ex supra explicatis Correctionibus, ad Lunæ Motum attinentibus, adhibuerint hucusque Tabularum Conditores, quasque neglexerint breviter recensere.

Primo, omnes Correctiones sive Æquationes Annuas à varia Distantia Telluris à Sole (Propp. XVIII & XIX. explicatas) negligunt, unamque considerant, quæ ab aucto & diminuto Tempore periodico Lunæ circa Terram pro diminuta vel aucta Terræ Distantia à Sole provenit; hoc est, quæ ab Anomalia Terræ media pendet. Immo hanc Inæqualitatem, licet à *Tychone*, *Keplero* & *Horoxio* observatam, aliis immiscebant: Propter hanc enim compulsi sunt, reclamante naturâ rerum, Tempus apparens ad medium aliter reducere in Lunæ Locis computandis, quam in computandis Locis Solis aliorumque Syderum; & speciatim *Tycho* eam Æquationis Temporis partem, quæ pendet à Terræ Anomalia media, (à qua & hæc Lunæ Inæqualitas similiter pendet,) omisit prorsus. At *Keplerus* & *Horoxius* ulterius progressi ad Tempus æquandum partem Physicam adhibent addititiam cum vera & Astronomica subtilitatis est,

est, & è contra. Acutissimus *Ed. Halleus* hanc Inæqualitatem (quam Lunæ inesse ad *Schol. Prop. LXXXVI. Opticæ Promotæ pag. 128.* suspicatus est *Jacobus Gregorius*) ab aliis primus separavit in *Tractatu Catalogo Fixarum Australium* subnexo. Patet vero ex citatis Propp. XVIII & XIX. omnes Lunæ Inæqualitates duplici Correctione Annuâ indigere, ut veræ & accuratæ evadant.

Deinde, omnes Æquationes Menstruæ ab Aspectu Solis & Lunæ oriundæ negliguntur præter unicam Variationem. Verum quidem est harum aliquas ab aliis fere compensari: v.g. Inclinationis Limitum variatio Menstrua & Æquatio Menstrua Nodorum ita se inutuo contemperant & corrigunt, ut ambæ negligi possint in determinanda Latitudine Lunæ; Æquationes autem Menstruæ Motûs Apogæi, & differentiæ inter Excentricitatem minimam & maximam, item Nodorum & Inclinationis Orbis Lunaris ad Eclipticam, basis sunt & fundamentum reliquarum Inæqualitatum, quæ ab Aspectu Solis & Apogæi, aut Solis & Nodorum pendent; ut ex Propp. X, XI, XII, XIII, XIV & XV. abunde patet. Æquatio item Menstrua inter Novilunium & Plenilunium (de qua Prop. XVI. dictum est) negligitur.

Æquationes item illæ, tam quæ Motum Lunæ verum afficiunt quam quæ visum, (de quibus Prop. II.) oriundæ à majori Distantia Lunæ à Terra in Quadraturis quam in Syzygiis, negliguntur prorsus: neque enim Distantiæ Lunæ à Terra diversitas alia consideratur, quam quæ ab Orbis Excentricitate provenit, quæque ab Anomalia media pendet; unde & Parallaxium horizontalium Æquatio Menstrua (de qua Prop. XXVII. dictum est) etiam negligitur.

At Æquationes illæ quæ ab Aspectu Solis & Apogæi Lunaris pendent, (de quibus Propp. XI & XIII;) ut & illæ quæ ab Aspectu Solis & Nodorum, (Propp. XIV & XV. tractatæ,) ab Artificibus considerantur. Hæ enim sunt longe maximæ, magnamque partem Inæqualitatum Motûs Lunæ constituunt.

Adhibentur igitur ad Tabulas condendas, præter Æquationes præcedentes ab Aspectu Solis cum Apogæo Lunari vel cum Nodis pendentcs, una Annua unaque Menstrua, de quibus hætenus. Verum Æquationes Motûs Lunæ, in plerisque Tabulis Lunaribus, titulos præ se ferunt à veris Periodis harum Inæqualitatum adeo abhorrentes, ut satis difficile sit asserere quasnam considerarint quasque neglexerint earum Conditores. Quandoque etiam Inæqualitates aliis immiscetur & cum illis confunduntur: *ex.gr.* Æquationem Excentrici (sive Centri Lunæ) non pure ex Orbita data deducunt, sed aliis quasi contaminant; ut Inæqualitatis Variationis à Tempore inter Quadraturas pendentis parte eâ, quæ à situ Lunæ respectu sui Apogæi provenit, de qua *Schol. Prop. XVIII.* Verum cum non ex cognitis causis Physicis harumque Periodis, sed tantum ad Observationes attendendo, Tabulas condiderint; non mirum est si Inæqualitates non rite à se invicem distinxerint, illasque sub titulis disposuerint alienis minusve propriis.

SCHOLIUM.

Libet Lunæ Theoriam à D. *Newtono* in praxi usurpatam hic adjungere, quâ difficillimum istud & ab Astronomis hæcenus desperatum consecutus est celeberrimus Philosophus; nimirum ut Lunæ Locum, etiam extra Syzygias, & in ipsis cum Sole Quadraturis, Cœlo adeo consentientem ex calculo definiat, (sicuti per plurima Lunæ Loca à Cl. D. *Flamstedio* observata expertus est,) ut dissensus à Cœlo, etiam cum maximus, vix duo scrupula prima adæquet; plerumque adeo fit exiguus, ut observandi incertitudini sit jure imputandus. In hac Calculi forma, quam ipsis Auctoris verbis expressam Astronomis sistimus, non attingit omnes omnino Inæqualitates quarum causæ superius sunt explicatæ, nedum illas de quibus adhuc tantum est suspicio; sed omnis iis quas se invicem compensaturas novit, aliisque minoris efficaciz, eas duntaxat AEquationibus & Tabulis coercet, quarum majores sunt vires & effectus sensibiliores.

Lunæ Theoria Newtoniana.

‘Observatorium *Grenovicense* occidentalius est *Parisiensi* 2°. 19’, *Uraniburgo* 12°. 51’. 30” & *Gedano* 18°. 48’.

‘Solis & Lunæ Motus medios ab AEquinoctio verno in Meridiano *Grenovicensi* pono sequentes: nempe Anno 1680 *Decembris* Die ultimo *Stylo Juliano* Meridie, Motus medius Solis est 9°. 20°. 34’. 46”. Apogæi Solis 3°. 7°. 23’. 30”. Motus medius Lunæ 6°. 1°. 35’. 45”. Apogæi Lunæ 8°. 4°. 28’. 5”. Nodi ascendenti Orbite Lunaribus 5°. 24°. 14’. 35”. Et Anno 1700. *Decembris* Die ultimo *Stylo Juliano* Meridie, Motus medius Solis est 9°. 20°. 43’. 50”. Apogæi Solis 3°. 7°. 44’. 30”. Motus medius Lunæ 10°. 15°. 19’. 50”. Apogæi Lunæ 11°. 8°. 18’. 20”. & Nodi ascendenti 4°. 27°. 24’. 20”. Viginti enim Annis *Julianis*, five diebus 7305, Solis motus est 20°. 0°. 0”. 9’. 4”. Motus Apogæi Solis 21°. 00”. Lunæ Motus est 247°. 4°. 13’. 34’. 5”. Apogæi Lunaribus Motus 2°. 3°. 3°. 50’. 15”. Nodi Motus 1°. 0°. 26°. 50’. 15”. Omnes prædicti Motus sunt à puncto AEquinoctii verni. Quod si ab illis subducatur ipsis AEquinoctialis puncti Motus in antecedentia interea factus, sc. 16°. 40”; manebunt Motus respectu Fixarum in Annis 20. *Julianis*, nempe Motus Solis 19°. 11°. 29°. 52’. 24”. Apogæi Solis 4°. 20”. Lunæ 247°. 4°. 13°. 17’. 25”. Apogæi Lunæ 2°. 3°. 3°. 33’. 35”. Nodi Lunæ 1°. 0°. 27°. 6’. 55”.

‘Secundum hunc computum Annus Tropicus est 365^{dier.} 5^{hor.} 48’. 57”. Annusque Sydereus 365^{dier.} 6^{hor.} 9’. 14”.

‘Motus Medii Luminarium suprapositi variis afficiuntur Inæqualitatibus.

‘Et primo sunt Annuæ AEquationes dictorum Motuum mediorum Solis & Lunæ, & Apogæi Nodique Lunæ. AEquatio Annua Motus medii Solis pendet ab Excentricitate Orbite Telluris circa Solem, quæ est partium 16½, qualium mediocris Distantia Solis à Terra


'Terra est 1000; indeque vocatur *Æquatio Centri*: estque, cum
 'maxima, 1". 56'. 20". Maxima *Æquatio Annua Motûs medi*
 'Lunæ est 11'. 49". Apogæi ejus 20'. Nodique 9'. 30". Atque quatuor
 'istæ *Æquationes Annuæ* sunt semper sibi mutuo proportionales. Id-
 'coque cum earum aliqua est maxima, tres reliquæ sunt etiam ma-
 'ximæ; diminutâ veroquâvis, minuuntur etiam & reliquæ in eadem
 'ratione: Unde datâ *Æquatione Annua* centri Solis, dantur & tres
 'reliquæ *Annue Æquationes congruæ*; illius igitur Tabula sufficit:
 'Nam si *Æquatio Annua Centri Solis* Tempori cuius congrua inde
 'deprompta vocetur P , & fiat $\frac{1}{2}P = Q$, $Q + \frac{1}{2}Q = R$, $\frac{1}{2}P = D$, $D + \frac{1}{2}D = E$,
 '& $D - \frac{1}{2}D = 2F$; erit *Æquatio Annua* eidem Tempori congrua Lunæ
 'quidem R , Apogæi Lunarîs E , & Nodi F . Adnotandum, si *Æquatio*
 'Centri Solis est addenda, *Æquationem* Lunæ prædictam esse sub-
 'ducendam, Apogæi Lunarîs *Æquationem* addendam, Nodi vero
 '*Æquationem* subducendam; & è contra, si *Æquatio Centri Solis*
 'est subducenda, addenda erit Lunæ *Æquatio*, Apogæi vero subdu-
 'cenda, & Nodi addenda.

'Alia est *Æquatio Motûs medi* Lunæ, pendens à situ Apogæi
 'Lunarîs respectu Solis, quæ maxima est cum Apogæum Lunæ
 'versatur in Octante cum Sole, & nulla cum illud ad Syzygias vel
 'Quadraturas pervenerit. *Æquatio hæc*, quando maxima, ad 3'. 56".
 'ascendit, Sole in Perigæo versante; si vero Sol Apogæum teneat,
 'non ultra 3'. 34". In aliis Distantiis Solis à Terra *Æquatio hæc*
 'maxima est reciproce ut Cubus istius Distantiæ. At cum Lunæ
 'Apogæum est extra Octantes, *Æquatio dicta* evadit minor, estque
 'ad maximam, positâ eadem distantia Terræ & Solis, ut sinus du-
 'plæ Distantiæ Lunarîs Apogæi à proxima Syzygia vel Quadra-
 'tura ad radium. Additur hæc Motui Lunæ, dum Lunæ Apo-
 'gæum transit à Solis Quadrato ad Syzygiam; sed inde subducitur
 'in transitu Apogæi à Syzygia ad Quadraturam.

'Alia porro est Motûs Lunæ *Æquatio*, pendens ab Aspectu No-
 'dorum Orbitæ Lunarîs cum Sole; estque maxima cum Nodi in
 'Solis Octantibus versantur, evanescitque cum hi ad Syzygias aut
 'Aspectum Quadratum appellant. *Æquatio hæc* proportionalis est
 'sinui duplæ Distantiæ Nodi à proxima Syzygia aut Quadratura,
 'cumque maxima ad 47" ascendit. Additur hæc Motui Lunæ, dum
 'Nodi transeunt à Solis Syzygiis ad ejusdem Quadraturas; & sub-
 'ducitur in eorum transitu à Quadraturis ad Syzygias.

'A Solis Loco vero aufer Motum medium Apogæi Lunæ æ-
 'quatum, ut supra est ostensum; residuum erit Argumentum An-
 'nuum dicti Apogæi. Exinde computentur Lunæ Excentricitas &
 'secunda *Æquatio* ejus Apogæi modo sequenti, [qui in aliis qui-
 'busvis intermediis *Æquationibus* computandis locum etiam habet:]
 'Referat T Terram; Ts rectam conjungentem Terram & Solem;
 ' $TAcB$ rectam à Terra ductam ad Locum medium Apogæi Lunarîs
 'ut supra æquatum; angulus STA Argumentum Annuum dicti A-
 'pogæi; TA Lunarîs Orbitæ Excentricitatem minimam; Ts ejus-

dem Excentricitatem maximam. Biseca AB in c , centro c per A describe circulum AFB ; fiat angulus BCF æqualis duplo Argumento Annuo: juncta recta TF erit Lunaris Orbitæ Excentricitas, angulusque BTf erit secunda Apogæi Lunæ Æquatio. Ad horum determinationem fit mediocris Distantia Lunæ à Terra, sive Orbitæ Lunaribus Semidiameter, partium 1000000: Ejus maxima Excentricitas TB erit partium 66782, & minima TA earundem 43319; adeo ut maxima Orbis ejus Æquatio, cum sc. Apogæum est in Syzygiis, sit $7^{\circ}.39'.30''$, vel forsân $7^{\circ}.40'.00''$; (suspicio enim est hanc mutari pro situ Apogæi in ☉ vel ☿;) cum vero illud in Solis Quadrato hæret, dicta maxima Æquatio sit $4^{\circ}.57'.56''$, & ut maxima Apogæi Æquatio sit $12^{\circ}.15'.4''$.



Constructâ ex hisce principiis Tabulâ Æquationum Apogæi Lunæ & Excentricitatum ejus Orbitæ ad singulos gradus Argumenti Anni, unde Excentricitas TF & angulus BTf (sc. Æquatio secunda & præcipua Apogæi) dato Tempori congruentes facile possint depromi; ad Locum Apogæi Lunæ primo æquatum ut supra addatur Æquatio modo inventa, si Argumentum Annuum minus sit 90° , aut majus 180° , minus vero quam 270° ; secus vero ab eo subducatur: summa vel differentia erit Apogæi Lunaribus Locus secundo æquatus; quo subducto ex Lunæ Loco tertio æquato, relinquitur Lunæ Anomalia media dato Tempori congrua. Porro, ex hac Anomalia Lunæ media & modo inventa Orbis Excentricitate habebitur (ope Tabulæ Æquationum Centri Lunæ ad singulos Anomaliæ mediæ gradus, & aliquot Excentricitates v.g. 45000, 50000, 55000, 60000 & 65000 fabricatæ) Prostaphæresis sive Æquatio Centri Lunæ, ut vulgo; quâ subductâ in priori Anomaliæ mediæ semicirculo, additâ vero in posteriori ad Locum Lunæ hætenus ter æquatum, prædit Lunæ locus quarto æquatus.

Maxima Lunæ Variatio, sc. quæ contingit cum Luna est in Octantibus Solis, est fere reciproce ut Cubus Distantiæ Solis à Terra. Capiatur ea $37.25''$ cum Sol est Perigæo, & $33.4''$ cum in Apogæo: fiantque Variationis hujus in Octantibus differentiæ reciproce ut differentiæ Cuborum Distantiarum Solis à Terra, & exinde construatur Tabula prædictæ Variationis Lunæ in Octantibus Solis (ejusve Logarithmi) ad singulos denos vel senos vel quinos gradus Anomaliæ mediæ: Et pro Variatione extra Octantes, fiat ut radius ad sinum duplæ Distantiæ Lunæ à proxima Syzygia vel Quadratura ita supra inventa Variatio in Octante ad Variationem dato Aspectui congruam, quæ addita Loco Lunæ supra invento in primo & tertio quadrante, (computando à Sole,) aut ab eodem subducta in secundo & quarto, exhibet Lunæ Locum quinto æquatum.

Rursus, ut radius ad sinum summæ Distantiarum Lunæ à Sole &

& Apogæi Lunæ ab Apogæo Solis (vel finum excessus istius sum-
 mæ supra 360°) ita 2'. 10" ad sextam Loci Lunæ Æquationem,
 subducendam si prædicta summa vel dictus excessus minor sit semi-
 circulo, addendam si major.

Fiat etiam ut radius ad finum Distantiæ Lunæ à Sole ita 2'. 20"
 ad Æquationem septimam. Hanc aufer quando Lunæ Lumen au-
 getur, & (è contra) adde cum illud minuitur; & prodibit Lunæ Lo-
 cus septimo æquatus, quique est Locus ejus in propria Orbita.
 Notandum Æquationem, quæ hic effertur per mediocrem quan-
 titatem 2'. 20", non esse ejusdem semper magnitudinis, sed augeri
 & minui pro situ Lunaris Apogæi. Nam si Apogæum Lunare
 conjunctum fuerit cum Solis Apogæo, prædicta Æquatio est circi-
 ter 54" major; sin illi oppositum, tantundem minor: libratque
 inter maximam quantitatem 3'. 14" minimamque 1'. 26". Atque
 hæc obtinent ubi Apogæum Lunare est in Solis Syzygiis; ubi vero
 illud in Solis Quadrato hæret, minuenda est Æquatio prædicta 50
 circiter scrupulis secundis aut integro scrupulo primo, quando A-
 pogæum Lunæ & Solis Apogæum conjuncta sunt; si vero sunt
 opposita, propter Observationum penuriam affirmare nequeo au-
 gendane sit illa, an minuenda. Immo de suprapositis incremento &
 decremento Æquationis 2'. 20", propter Observationum satis accu-
 ratarum defectum, certo statuere non ausim.

Si Æquationes sexta & septima augeantur vel minuantur in ra-
 tione reciproca Distantiæ Lunæ à Terra, hoc est, in directa ratione
 Parallaxis horizontalis Lunæ; accuratiores fient. Atque istud
 prompte fiet, si prius Tabulæ fuerint constructæ ad singula scru-
 pula dictæ Parallaxis, singulosque senos vel quinos gradus cum Ar-
 gumenti Æquationis sextæ pro Æquatione sexta, tum Distantiæ
 Lunæ à Sole pro septima.

A Loco Solis vero aufer medium Motum Nodi ascendentis
 Lunæ æquatum ut supra; residuum erit Nodi Argumentum
 Annuum; unde ejus Æquatio secunda computabitur modo se-
 quenti: In figura præcedente referat ut prius T Terram; TS re-
 ctam jungentem Terram & Solem: Referat porro TAB lineam
 ductam ad Locum Nodi ascendentis Lunæ ut supra æquatum, &
 STA Argumentum Annuum Nodi. Capiatur TA ad AB ut 56 ad
 3, sive 18; ad I. Biseca BD in c, & centro c intervallo CA vel CB
 describere circulum AFB, fiatque angulus BCF æqualis duplo Ar-
 gumento Nodi Annuo ut supra invento; eritque BTF angulus Æ-
 quatio secunda Nodi ascendentis, addenda in transitu Nodi à Solis
 Quadrato ad Syzygiam, subducenda in ejusdem transitu à Syzygia
 ad Quadraturam. Atque sic habetur Locus verus Nodi Orbitæ
 Lunaris: Unde ex Tabulis methodo vulgari constructis supputa-
 bitur Lunæ Latitudo & Reductio Lunæ ab Orbita sua ad Eclipti-
 cam, posita Inclinatione Orbis Lunaris ad planum Eclipticæ 4°. 59'.
 35" cum Nodi sunt in Solis Quadrato; & 5°. 17'. 20" cum iidem
 in Syzygiis versantur. Ex modo inventis Longitudine & Latitudo

'tudine & data Obliquitate Eclipticæ 13°. 19', Lunæ Ascensio recta & Declinatio eruentur.

'Lunæ in Syzygiis mediocriter distantis à Terra Parallaxin horizontalem pono 57'. 30"; Motum horarium 33'. 32". 32"; & Diametrum apparentem 31'. 30"; In Quadraturis vero mediocriter à Terra distantis Parallaxin pono 56'. 40"; Motum horarium 32'. 12". 2"; & Diametrum apparentem 31'. 3". Lunæ in Solis Octante mediocriter distantis centrum distat à centro Terræ quasi 60; Semidiametrorum Terræ.

'Solis Parallaxin horizontalem pono 10"; & 32'. 15" apparentem ejus Diametrum in mediocri Distantia à Terra.

'Telluris Atmosphæra, refringendo & dissipando Solis Lumen, Umbra projicit, perinde ac si opaca foret, ad altitudinem minimum 40 aut 50 milliarium Geographicorum: (Milliare Geographicum appello partem sexagesimam Gradûs magni Circuli in Telluris superficie:) Umbra hæc in Eclipsi Lunari in Lunam incidens Telluris Umbra auctiorem reddit. Et singulis milliaribus Atmosphære Terrestris respondent singula scrupula secunda in Lunæ disco. Adeoque Umbræ Terrestris Semidiameter in Lunæ discum projecta augenda est 50 circiter secundis, aut (quod eodem recidit) in Eclipsi Lunari Lunæ Parallaxis horizontalis augenda est in ratione circiter 70 ad 69.

Si plura Lunæ Loca accuratissime observata (præsertim circa Quadraturas) cum ejusdem Locis ad eadem tempora ex supraposita Theoria supputatis conferantur; patebit tandem num aliæ sint Æquationes sensibiles, quibus Theoria hæc est amplificanda.

PROPOSITIO XXX.

Tempus mediæ Conjunctionis aut Oppositionis Solis & Lunæ proxime insequentis ad datum Tempus determinare.

Conjunctio media est cum Locus Solis medius idem est cum Loco Lunæ medio in Ecliptica: Oppositio vero media cum ille huic opponitur. Queratur ex Tabulis Motûs medii Lunæ à Sole Distantia media Lunæ à Sole dato Tempori (ad medium reducto) competens, quæ si nulla sit, vel Signorum sex, tunc erit ipsa Conjunctio aut Oppositio media; sin minor, notetur defectus, (sive arcus quem Luna percurrere debet ut Solem denuo assequatur si Conjunctio media desideretur, vel ut à Sole sex Signis elongetur si Oppositio,) & ex Tabula Motûs medii Lunæ à Sole in diebus, horis horæque partibus colligatur Tempus requisitum ad istum arcum percurrendum; subducendo nempe semper ab arcu adhuc percurrendo arcum in Tabula repertum proxime minorem, Tempus quo subductus percurritur notando, Temporaque hæc in unam summam colligendo: hæc addita Tempori dato conficiet Tempus Syzygiæ mediæ quæsitum.

Quod si Tempora aliquot deinceps Syzygiarum mediarum quærantur, addatur Tempori supra invento Tempus revolutionis integre

græ Lunæ ad Solem; inveniatur Tempus Syzygiæ ejusdem nominis proximæ. Atque hoc quoties libuerit facile repetetur, & Syzygiæ quotquot libet inveniuntur.

PROPOSITIO XXXI

Tempus veræ Conjunctionis aut Oppositionis Solis & Lunæ, proxime insequentis, ad datum Tempus determinare.

Conjunctio vera Solis & Lunæ contingit cum Locus Solis verus idem est cum Lunæ vero & correcto ad Eclipticam reducto; Oppositio vera cum ille huic opponitur. Invento (per præc.) Tempori Syzygiæ mediæ proxime insequentis, (quod exactissime determinare necessarium non est, cum illud præterpropter cognitum sufficiat,) quaerantur (per Prop. XVIII. Lib. III. & Prop. XXVIII. Lib. IV.) Solis & Lunæ Loca vera congrua, quæ si coinciderint aut opposita fuerint, Syzygia media & vera coincidunt; sin secus, notetur Distantia Lunæ à Sole, quâ nempe Luna Solem ejusve oppositum vel nondum est affecuta vel hætenus præterit. Ad inveniendum vero spatium Temporis, quo Luna arcum hunc vel percurreret vel hætenus percucurrit, sic commode procedere licet: Quaerantur Solis Lunæque Loca horâ ante vel post Temporis punctum ad quod hætenus habentur; quo pacto habebuntur Solis Lunæque Motus horarii horumque proinde differentia, sive horarius Motus Lunæ à Sole ad datum Tempus; hoc est, habebitur spatium Temporis (nempe Hora) necessarium ut Luna à Sole moveatur arcu cognito modo invento. Et igitur, supposito quod Sol Lunæque æquabiliter moveantur tantillo tempore quo Syzygia vera possit à media distare, habebitur Tempus requisitum ut Luna à Sole moveatur arcu quo à Sole distat Tempore Syzygiæ mediæ. Tempus hoc, additum Tempori Syzygiæ mediæ si Luna Solem ejusve oppositum nondum erat affecuta, aut eidem detractum si hæc illum hætenus præterit, dabit Tempus Syzygiæ veræ quæsitum.

Quod si summa desideretur exactitudo, (ut fit in Syzygiis Eclipticis,) ad Tempus Syzygiæ veræ modo inventum quaerantur rursus Solis Lunæque Loca, quæ si congrua sint aut opposita præcise, hætenus quæsito satis est factum; sin secus, Tempus hoc rursus corrigatur similiter atque prius; nempe ex Syzygiæ veræ Tempore prope vero, hætenus invento, ejusdem Tempus exacte verum eodem modo eliciatur atque dictum illud Tempus prope verum ex Tempore Syzygiæ mediæ supra invento.

Communiter Calculatores Motum horarium Lunæ à Sole invento Tempori Syzygiæ mediæ competentem non exquirunt, ut supra docuimus; sed ex Tabulis depromunt, ubi Solis Lunæque horarii Motus disponuntur pro Anomalie gradu quem respectivo tenent: nec male quidem in Sole; at in Luna, tot Inæqualitatibus obnoxia, cautius procedendum: Ulterior vero correctio tollit omnem Errorem, qui hinc oriri possit. Pari modo determinabitur Tempus alterius cujusvis Aspectus Solis & Lunæ.

S E C T I O VII.

De Eclipsi Lunæ.

Cum Lib. III. actum sit de vero Motu Telluris circa Solem, cui per omnia respondet Solis circa Terram Motus apparens; & Lib. hoc IV. de Lunæ à Terra spectatæ Motibus variis; omniaque quæ ob Diurnum Telluris Motum circa proprium Axem in Cœlis apparent Lib. II. pertractata habeantur; quæcunque Soli Lunæve accidunt ex supra traditis facile deduci poterunt. Quoniam vero *Eclipses Luminarium* Phænomena sunt inter Cœlestia admodum conspicua, quarum contemplationi, causarum investigationi & calculo plurimum (immo ipsos fere natales) debet Astronomia; illas aliorum exemplo seorsim tractabimus, præsertim cum hic plurimæ occurrant speculationes dignæ quæ plene excutiantur. In hunc finem Lemmata quædam ad utramque Eclipsin præmittemus de Luminarium Semidiametris apparentibus, Terræ & Lunæ Umbris &c. quæ vulgo nomine *Diagrammatis Hipparchi* indigitantur, quia ex harum comparatione (quæ ex Diagrammate est satis manifesta) *Hipparchus* Luminarium Magnitudines & Distantias definire est aggressus; sicut antea ab *Aristarcho* factum in *Libro De Magnitudinibus & Distantiis Solis & Lunæ*, & postea à *Ptolemæo* Cap. XV & XVI. Lib. V. *Magnæ Constructionis*.

PROPOSITIO XXXII.

Solis & Lunæ Semidiametros apparentes dato Tempore congruas invenire.

Observentur Tempore quovis Solis Lunæque Semidiametri apparentes; cumque ex Theoriis Solis & Lunæ supra traditis horum Distantiæ à Terra tam Tempore Observationis quam alio quovis dato innotescant; eorum apparentes semidiametri etiam innotescunt: Sunt enim dati corporis sphaerici Semidiametri apparentes reciproce ut ejus distantiae ab oculo.

Artifices Tabulas condunt Semidiametrorum Solis & Lunæ apparentium pro Anomaliae mediæ gradu (quinisve gradibus) quem Luminare tenet. Cumque porro sphaeræ semidiameter, in eadem distantia à Terræ centro, major sit quo Vertici propior est, quippe spectatori vicinior; & differentia hujus in Horizonte & Vertice sit in Luna sensibilis, in Sole non item: ideo Tabulas Incrementi Semidiametri Lunæ apparentis pro singulis (vel quinis) gradibus Elevationis Lunæ supra Horizontem etiam condunt.


PROPOSITIO XXXIII.

Si sphaera opaca lucidæ sphaeræ exponatur, fiet umbra totalis sive plena (hoc est, spatium mediû circumfusi ad quod nullus lucidæ sphaeræ radius pertingit) ad partes à sphaera lucida averfas, inclusa superficie conî recti, cujus axis est recta sphaerarum centra conjungens, basis circulus sphaeræ opacæ partem illuminatam ab obscura

scura determinans: & angulus verticalis trianguli per axem
 est proxime æqualis differentiæ angulorum, quibus sphaera lu-
 cida ex centro opacæ & sphaera opacæ ex centro lucidæ viden-
 tur. Et si conus umbrosus secetur utcumque plano ad planum
 basis parallelo, umbrosi circuli sic geniti diameter ex centro opacæ
 sphaeræ videbitur sub angulo proxime æquali intervallo duorum an-
 gulorum; quorum alter est aggregatum angulorum sub quibus opacæ
 sphaera ex centris sphaeræ lucidæ & circuli umbrosi videtur, alter
 angulus in quo sphaera lucida ex opacæ centro spectatur.

Sint duæ sphaeræ centris A & B, quarum altera est lucida al-
 tera opacæ: jungatur recta AB per quam traducatur planum, cu-
 jus communes sectiones cum sphaeris sint circuli DF, EG; ducantur
 rectæ DE, FG binos circulos ad partes easdem in D & E, F & G con-
 tingentes, & producantur donec cum AB etiam producta concu-
 rant in C. Patet umbram totalem sive plenam, quam alterutra
 sphaera opacæ ab altera lucente illuminata projicit, contineri sub co-
 nicæ superficie descripta per rectam DC circa axem AB rotatam; hoc
 est, superficie conici recti cujus axis est recta ABC, basis circulus
 cujus diameter est recta DE vel FG. Superficii conicæ annumero
 cylindricam factam cum expositæ sphaeræ sunt æquales.

Ex A ducantur rectæ circulum GE contingentes in H & I, & pro-



ducatur AH donec cum CD concurrat in K, & ex B ducantur rectæ
 tangentes circulum DF in L & M. Per Prop. xxxii. El. I. angulus
 ACD æqualis est AKD, dempto KAB: Sed (propter suppositam mag-
 nam sphaerarum distantiam) angulus AKD est proxime æqualis ABL;
 & igitur ACD æqualis est ABL, dempto KAB. Et fumendo horum
 duplos, angulus PCD æqualis est angulo MBL, dempto IAH angulo.

Ponatur alterutra sphaera, v.g. EG opacæ, & secetur conus umbro-
 sus ECG utcumque plano basis plano parallelo, fietque (per Prop. IV.
 Lib. I. El. Conic.) circulus; cujus diameter NO est rectæ DE vel EG

V V 2


parallela,

parallela, cujusque centrum P est in axe conii; ex quo ducantur PQ , PR circulum EG tangentes, & jungantur rectæ BO , BN . Per *Prop. xxxii. El.* $\angle PBN$ æqualis est $\angle BNE$, dempto BCN : Sed (si BN sit fere æqualis BP , quod suppono) $\angle BNE$ est proxime æqualis $\angle BPQ$, & modo est ostensum BCN esse æqualem ABL , dempto BAH ; & igitur $\angle PBN$ æqualis est aggregato angulorum $\angle BPQ$ & $\angle BAH$, dempto ABL angulo. Et sumendo horum duplos, angulus $\angle OBN$ æqualis est aggregato angulorum $\angle QPR$, $\angle HAI$, dempto $\angle LBM$ angulo. Q. E. D.

Si EG ponatur sphaera lucida & DF opaca, eadem obtinere deprehenduntur, si ON & quæ hinc pendent ducantur ultra sphaeram DF respectu B .

SCHOLIUM.

Si sphaera DF referat Solem; EG Terram, huic accensendo quicquid ei circumfufum est quod radiorum transitum impedit; EG Umbra Terræ; & NPO partem Orbitæ Lunaris: Erit angulus ABL apparens Semidiameter Solis ex centro Terræ visi; BAH Parallaxis Solis horizontalis; BPQ Parallaxis horizontalis Lunæ in distantia BP ; adeoque $\angle BCE$ semiangulus verticalis Coni umbrosi æqualis differentiæ Semidiametri apparentis & Parallaxis horizontalis Solis; & $\angle PBN$ Semidiameter ex Terræ centro apparens Umbræ Telluris (ad Lunæ transitum) æqualis summæ Parallaxium horizontalium Solis & Lunæ minutæ Semidiametro apparenti Solis. Et igitur



tur, datis tribus ex hisce quatuor non latebit quartus: *ex. gr.* hinc Solis Parallaxis, & proinde (per *Prop. XLVI. Lib. II.*) ejus Distantia, æstimari poterit: Nam Parallaxis Lunæ horizontalis & Solis Semidiametri apparentis, Observatione notarum, differentia subducta à nota (per Eclipsis Lunæ Observationem) Umbræ Terrestris ad notam Lunæ Distantiam Semidiametro apparenti relinquit Solis Parallaxin.

At si DF fit Sol, EG Luna, & NPO portio Disci Telluris (hoc est, plani Circuli in Terra maximi, cui normalis est recta Solis & Terræ centra conjungens) in quam Umbra incidit; Umbræ Semidiameter

cx

ex Lunæ centro B videtur sub angulo PBN æquali summæ Semidiametrorum Lunæ ex Solis & Terræ centris apparentium, minutæ Semidiametro apparenti Solis à centro Lunæ visi. Et quoniam, propter immensam Distantiam Solis à Terra respectu Distantiæ inter Lunam & Terram, Solis Diameter ex Luna in eodem proxime angulo videtur quo ex Terra, & Lunæ Diameter ex Sole visa pro nulla quasi est habenda, quippe sub-quadrupla fere Parallaxis Solis horizontalis; Semidiameter Umbræ Lunæ in Discum Telluris exceptæ videtur ex centro Lunæ sub angulo æquali fere differentiæ angulorum, sub quibus Solis & Lunæ Semidiametri ex Terræ centro apparent.

Vtrum, si Solis Semidiameter è Terra visa major sit Semidiametro Lunæ spectatâ ex eadem, apparens Semidiameter Umbræ (cum sit æqualis minori post demptam maiorem) negativa evadit; hoc est, post terminatam finitamque Umbram in Coni apice, circellus factus ex sectione Coni, Umbroso Cono ad verticem positi, ex Luna videtur sub angulo æquali differentiæ angulorum, in quibus Sol & Luna ex Terræ centro apparent. Circellus autem hic circelli Umbrosi locum tenet: est enim totius circuli penumbrosi maxime obscurus, & (Umbræ plenæ instar) æqualiter obscurus; cujus nempe puncta singula illustrantur ab excessu Solaris Disci supra Lunarem ex Tellure apparente: Nam præcedentia omnia vera sunt de ON recta ultra c ducta.


PROPOSITIO XXXIV.

SI sphaera opaca sphaeræ lucidæ exponatur, præter umbram totalem sive plenam fiet penumbra (hoc est, spatium medii circumfusi, à cujus singulis punctis aliqui per opacam sphaeram arcentur radii) ad partes à sphaera lucida aversas, inclusa superficie conii recti, cujus axis idem est cum axe umbræ plenæ, & angulus verticalis trianguli per axem æqualis est summæ angulorum, quibus sphaera lucida ex centro opacæ & sphaera opaca ex centro lucidæ videntur. Et si conus hic penumbrosus secetur utrunque plano ad planum basis parallelo, penumbrosi circuli sic geniti (incluso circulo plene umbroso ad ejus centrum, si quis sit) diameter ex centro opacæ sphaeræ spectata videtur sub angulo æquali aggregato trium angulorum; eorum nempe sub quibus opaca sphaera ex centris sphaeræ lucidæ & circuli penumbrosi videtur, ejusque in quo sphaera lucida ex opacæ centro spectatur.

Reliquis manentibus ut in præc. ducantur rectæ DE , FG circulos ad partes alternas contingentes, se mutuo in rectæ AB puncto C decussantes. Patet præter umbram totalem projici etiam circa hanc penumbram in partes à lucida sphaera aversas, quia spatium omne intra superficiem conicam, genitam à recta DE ultra sphaeram opacam producta circa axem AB rotata, tale est ut ab ejus singulis punctis quidam sphaeræ lucidæ radii arceantur per interpositionem opacæ; & ideo non tantum illustratur atque reliquum huic spatii conico circumfusum, à quo nulli arcentur. Et spatii hujus

partes viciniores ipsi umbræ plenæ (in ejus meditullio positæ, à quo omnes arcentur radii à lucida sphaera manantes) obscuriores sunt quam remotiores; quippe radii à minore lucidæ sphaeræ parte provenientibus illustratæ: Superficies autem penumbram circumscribens est conî recti, cujus axis est recta AB ultra sphaeram opacam protensa, basis vero circulus diametro DF vel EG descriptus.

Eodem prorsus modo quo in præc. ex A ducantur rectæ circulum GE contingentes in H & I , quarum AH cum ipsa DE producta concurrat in K ; & ex B ducantur rectæ tangentes circulum DF in L & M . Per *Prop. xxxii. El.* I. angulus ACD æqualis est AKD & BAK simul: Sed AKD est proxime æqualis ABL ; & igitur ACD æqualis est ABL & BAH simul. Et sumendo horum duplos, angulus PCD æqualis est angulis MBL & IAH simul sumptis.



Ponatur alterutra sphaera, v. g. EG opaca, & secetur conus penumbrosus plano basis plano parallelo, fietque circulus cujus diameter NO est rectæ DF vel EG parallela, cujusque centrum P est in axe conî; ex quo ducantur PQ , PR circulum EG tangentes, & jungantur rectæ BO , BN . Per *Prop. xxxii. El.* I. angulus PBN æqualis est BNC & BCN simul sumptis: Sed (si BN sit fere æqualis BP , quod suppono) BNC est proxime æqualis BPQ , & modo ostensum est BCN esse æqualem ABL & BAH simul sumptis; & igitur PBN æqualis est aggregato trium angulorum BPQ , BAH & ABL . Et sumendo horum duplos, angulus OBN æqualis est aggregato trium angulorum QPR , HAI & LBM .

SCHOLIUM.

Si sphaera DF referat Solem, EG Terram, & NPO partem Orbitæ Lunarîs; Penumbræ Semidiameter ex centro Terræ visâ æqualis est summæ Parallaxium horizontalium Solis & Lunæ auctæ Semidiametro apparenti Solis.


At si sphaera DF referat Solem, EG Lunam, NPO portionem Disci Telluris in quam Penumbra incidit; Penumbræ Semidiameter ex Lunæ centro videtur in angulo æquali aggregato Semidiametrorum appa-

apparentium Lunæ ex centrīs Solis & Terræ, & Semidiametri apparentis Solis ex centro Lunæ: & proinde, propter rationes in Schol. Prop. præc. allatas, in angulo proxime æquali aggregato Semidiametrorum Luminarium ex Terræ centro visarum.

PROPOSITIO XXXV.

Num dati Mensis Plenilunium futurum sit Eclipticum determinare; & si futura est Eclipsis, ejus Speciem (hoc est, sitne Partialis aut Totalis, cum aut sine Mora) definire.

Invenitur per Prop. xxxi. Plenilunii veri dato Mense contingens Tempus, ad quod (per Prop. xviii. Lib. ii.) queratur Locus Solis, dabiturque proinde punctum huic oppositum: Sit illud o in annexis figuris, ubi $\kappa\alpha$ refert Eclipticam. Ad idem Tempus querantur Loca Nodorum Lunæ, (quorum puncto o proximus sit α), & Inclinationis Orbitæ Lunæ ad Eclipticam. Per o ductus intelligatur Latitudinis circulus op, Orbitæ Lunæ αp occurrens in p puncto, ubi Luna versatur tempore Plenilunii veri. In Lunæ Cælo circa o centrum perpetuo versatur circulus umbrosus per r g expressus, ex sectione Umbræ Terræ conica per dicti Cæli portionem basi Coni parallelam genitus, quem si Luna mh, vel tota vel in parte, subintret, futura est Eclipsis; sin aliter, nulla. Luna vero omnium pro-




xime ad o accedit, adeoque si in Umbram immergitur omnium maxime in Umbram immergitur, cum ejus centrum punctum l tenet, quod arcus circuli maximi ol in Viam Lunæ perpendicularis ostendit: punctum enim l propius ad o accedit quam aliud quodvis Viæ Lunarī punctum. Patet vero si ol arcus excedit or & lm Semidiametros Umbræ & Lunæ simul sumptas, (ut in fig. 1.) Lunam ab Umbra illibatam in Via sua αp promoveri. Si ol ipsi dictarum Semidiametrorum summæ æqualis fuerit, Luna Umbram continget quidem, nec tamen illam subintrabit aut deficiet. Si arcus ol minor sit aggregato Semidiametrorum Umbræ & Lunæ, major tamen quam illarum intervallum, (ut in fig. 2.) Luna deficiet; Defectus tamen non erit Totalis, sed Partialis tot Digitorum quot Unciæ Diametri Lunarī Disci in Umbram immerguntur. Si vero prædictus arcus ol ipsi dictarum Semidiametrorum intervallo æquetur, Defectus Totalis quidem erit, at sine Mora: Quamprimum enim Luna tota in Umbram immergitur, Lunari Disco circulum Umbrosū interius contingente, Luna ulterius paululum progressa denuo emergere statim incipiet. Quod si ol arcus minor sit quam prædictum Semidiametrorum Umbræ & Lunæ intervallum,

tervallum, tum integra Luna in Umbram immergetur, aliqua Umbræ parte ultra Lunam protensa, (ut in fig. 3i) unde non solum Totalis erit Lunæ Defectus, sed aliquandiu durabit; hoc est, erit Totalis cum Mora, majori quidem aut minore pro arcu OL magnitudine, Umbræ crassitie Lunæque velocitate.

Quomodo vero arcus OL sit inveniendus, sic patet: In triangulo sphaerico $\triangle OP$, rectangulo ad O , datur $\triangle O$ distantia Nodi à puncto Soli opposito, angulus ad \triangle Inclinatio Viæ Lunarise ad Eclipticam tempore Conjunctionis, unde inveniuntur angulus ad P & latus OP . Rursus, in triangulo POI præter rectum ad I dantur modo inventa latus & angulus, unde OL & PI eruentur. Promptissime autem invenitur OL ex Tabulis Latitudinis Lunæ, capi-endo illum æqualem Latitudini ad argumentum Latitudinis æquale ipsi $\triangle O$:

Nam posito $\triangle =$ æquali $\triangle O$, patet $\triangle A$ arcum ad Eclipticam perpendicularem æqualem esse arcui OL ; in triangulis etenim $OL\triangle$, $\triangle A\triangle$ communem angulum



ad \triangle habentibus omnia sunt æqualia. Porro, ad Tempus Plenilunii supra inventum datur (per Prop. xxxii.) Lunæ Semidiameter apprens, & (per Schol. Prop. xxxiii.) apprens Semidiameter Umbræ Telluris, qua Luna hanc tranfit; & igitur poterit Semidiametrorum Umbræ & Lunæ summa vel differentia cum arcu OL supra invento comparari, & inde iudicium ferri de Eclipsi Lunarise specie, secundum superius demonstrata.

Communiter per Umbram Telluris non nisi totalis Umbra intelligitur; hæc enim sola omne Lumen Lunare tollit, quippe ad quam nulli radii Solares pertingunt: neque Lunam deficere dicimus nos Terricolæ, nisi istud accadat. Luna autem revera deficere incipit quamprimum Telluris Penumbram ingreditur, quippe quæ minus in hoc casu illustratur, opacâ Terrâ quosdam Solis radios ab illa arcente. Sed & ipsius Penumbræ Terrestris effectus in Lunam nobis Terricolis manifesti sunt: inde enim fit quod Luna jamjam defectura prius hebetetur & palleat, præsertim in parte qua vicina est Umbræ. Nam (ut Prop. xviii. Lib. i. explicatum est) priusquam totus Sol tegatur alicui parti Lunæ, hoc est, priusquam Luna totalem Umbram attingat, pars Solis ab ipsa per Terram intercipitur, & Solis pars major ab ejus Limbo Umbræ totali propiori: totus autem Sol clarius Lunam illustrat quam pars, & pars major clarius quam minor. Si igitur de hujusmodi Eclipsi Lunæ fermo sit, loco Umbræ totalis Terræ (de qua sola superius dictum) sumenda est Penumbra, cujus Semidiameter per Schol. Prop. xxxiv. innotescet.

COROLLARIUM.

Hinc *Termini* qui vocantur *Ecliptici* pro Luna definientur. Si enim OL minor sit quam summa Semidiametrorum Umbræ & Lunæ, aliquis saltem erit Eclipsis. In triangulo igitur $\triangle LO$ datis præter rectum

natur Sol ab s ad s , simulque tantundem Luna, nempe ab λ ad l per rectam λl parallelam & æqualem $s s$; junctus intelligatur arcus $l l$, qui erit Via quam Luna à Sole mota percurrit, licet ejus Via absoluta sit circulus $l b$. Ad determinandam Viam hanc $l l$, dantur $l a$ Latitudo puncti l in vera Lunæ Via dati, & $l a$ Latitudo puncti l eadem cum λa Latitudine puncti λ in vera absolutaque Lunari Via $l b$ etiam dati; cum detur ejus distantia λl à dato l , Via nempe Lunæ dato tempore percurſa: datur etiam $a a$ differentia Longitudinum, nempe excessus datæ $a a$ supra $a a$ vel $s s$; dabunturque proinde (per præc. Lem.) angulus inter $l l$ Viam Lunæ à Sole & Eclipticam, & angulus $l l a$ inter dictam Viam & Latitudinis circulum $a l$ comprehensus. Q. E. F.



COROLLARIUM.

Quo minor est Motus Lunæ à Sole, eo (cæteris paribus) angulus inter Eclipticam & $l l$ major est; nam, λl eadem manente, patet quo $l a$ fuerit minor angulum $\lambda l l$ esse majorem: Et quo punctum l est Nodo propius, eo (cæteris paribus) major erit angulus inter $l l$ & Eclipticam; nam quo l est propius ad Ω , λl portio minima, considerata tanquam recta, majorem angulum cum Ωc comprehendit, & igitur à fortiori $l l$: Sed & angulus $\lambda l l$ etiam major est, quia λl est ubique ad Ωc parallela.

SCHOLIUM.

Artifices Tabulas condunt angulorum horum, quos Via Lunæ à Sole cum Ecliptica comprehendit, pro vario tum Lunæ à Sole Motu horario, tum Lunæ à Nodo distantia, ut Lunæ per Telluris Umbram, Umbræve Lunarise per Telluris discum, Via prompte & facile determinetur. Tabulas hæcæ supputant ad singula gradus scrupula prima excessus Lunarise Motus supra Solarem in Horæ spatio: Sed cum in Eclipticis præcipue inserviant, harum Tabulæ ad distantiam à Nodo tantum producuntur, in qua Luna versans in Umbram Terræ incurrere potest, aut Umbram suam in aliquam Telluris partem projicere.

PROPOSITIO XXXVII.


Medice Eclipsis Lunarise dato Menſe contingentis Tempus determinare.

Referat ut prius Ωc Eclipticam; Ωz Viam Lunæ à Sole per præc. inventam pro Eclipsi Media, (si libet hanc habere, quasi obtineret toto Eclipsis tempore, quod tuto satis fit; alias licebit exactius procedere Viam hanc Lunæ à Sole sæpius quaerendo;) Ω Nodum hujus proximum; $DRCG$ Umbræ Telluris sectionem circulearem à Cælo Lunari factam, in quam Luna deficiens incurrit, cujus centrum sive potius polus o . Eodem polo describatur alter circulus AFB umbroso circulo exterior, ita ut distantia Ac inter horum circumferentias æquetur Semidiametro Lunæ apparenti.

Circuli

Circuli hi occurrant Viæ Lunari in M, N, A, B . Si ΔE non fecat circulum $A F B$, nulla erit Eclipsis per præc. Duæti intelligantur arcus circulorum maximorum OA, OB circulo $D C G$ in c & d occurrentes; item circulus Latitudinis OP Viæ Lunæ in P occurrens, ut prius.

Si per O ducatur $OR F$ arcus circuli maximi perpendicularis ad circulum ΔE , illi in L occurrens; erunt (ex *Element. Sphæric.*) arcus LB, LA , item LM, LN æquales. Adeoque Luna (quam Eclipsis tempore æquabiliter moveri supponimus) tantum temporis infumit pergendo ab A ad L



quantum ab L ad B . Centris siue polis A, B , distantis AC, AD descripti intelligantur circuli, qui Lunam rite referent (cum AC sit ad OC ut Semidiameter Lunæ ad Semidiametrum Umbrae) contingente circulum $D C G$, puta in c & d . Lunæ centro punctum A obtinente Eclipsis Lunæ incipit, (quippe Lunæ limbus Umbrae limbum in c attingit,) & centro hoc ad B progressio finitur Eclipsis ob eandem rationem; & igitur Eclipsis istius Medium incidit dum Lunæ centrum punctum L tenet, idem nempe proximè in quo versante centro Lunam omnium maxime in Umbra immergi Prop. præc. ostensum est. Similiterque ostendemus Tempus, quo Lunæ centrum punctum L attingit, in Eclipsis totalibus esse medium Obscurationis totalis, quando integra Luna in Umbra immergitur; ut verbo dicam, esse medium transitus centri Lunæ ab N ad M , quia $N L$ æqualis $L M$. Nodi Locus & Limitum Inclinatio pro immutatis habentur, non solum propter parvitatem temporis quo Eclipsis durat, sed quod Nodis in Syzygiis cum Sole versantibus hæc vere immutata manent, per Prop. xiv & xv. Problema igitur huc redit, ut determinetur Temporis punctum cum Lunæ centrum in L reperitur. Ad quod faciendum invenitur (per Prop. xxxi.) Tempus veræ Oppositionis, hoc est, tempus quando centrum Umbrae erit in O , & Luna in P ; nisi hæc duo coincidant, quod fit cum tempore veræ Oppositionis Sol Nodorum Lunarum alterutrum tenet, quo casu OL, PL & OP evanescunt: In præc. autem inventa est per resolutionem triangulorum $\Delta OP, OLP$ magnitudo arcus LP . Inveniendum igitur est tempus requisitum ut Luna percurrat PL , & quidem non PL simpliciter, sed PL ultra Solis Motum in Ecliptica; (nam interea dum Luna transit à vera Oppositione ad punctum suæ Orbitæ centro Umbrae proximum, vel ab hoc ad illam, Sol eique proinde Oppositum punctum, Umbrae centrum, in Ecliptica procedit;) quod fit inveniando Motus horarios Solis & Lunæ tempori Eclipsis congruos, & inde horum differentiam, Lunæ à Sole Motum horarium tempori Eclipsis


competentem, ut in Prop. xxxi; unde per analogiam invenietur tempus requisitum ut Luna à Sole moveatur per arcum cognitum LP . Ex figurarum respectivis casibus adaptatarum inspectione patet tempus, quo Lunæ centrum est in L puncto Umbrae centro proximo, præcedere Tempus Oppositionis veræ celebrandæ cum Luna ad P pervenerit, in casu præsentè; hoc est, cum Luna mox superavit Nodum ascendentem, quod obtinet etiam cum mox superavit Nodum descendentem: Sed cum Luna nondum afsecuta est Nodos, Tempus mediæ Eclipsis posterius esse Tempore Oppositionis veræ; unde constat quando Tempus inter veram Oppositionem mediamque Eclipsin Tempori Oppositionis addendum sit quando subducendum, ut conficiatur Tempus mediæ Eclipsis.

Artifices vulgo Tabulas condunt Temporis, quo LP arcus percurritur, addendi aut subtrahendi à Tempore Syzygiæ veræ, ut fiat Tempus Eclipsis mediæ aut Obscurationis maximæ. Tempus hoc varium est pro varia Motûs Lunæ à Sole velocitate & varia distantia à Nodo. Tabulas hæc, ut prius illas de quibus Schol. Prop. xxxvi, ad singulos gradus Terminorum Eclipticorum producant.

PROPOSITIO XXXVIII.

Tempus Initii & Finis Eclipsis Lunæ dato Mense contingentis, item Immerfionis totalis Lunæ in Umbra determinare; indeque Durationem tam integræ Eclipsis quam totalium Tenebrarum definire.

Iisdem positis quæ in præcedente, nisi quod in schemate 1. Luna deficiens versus Nodum descendentem vergere ponatur, patet Eclipsin incipere cum centrum Lunæ est in A , Lunæ limbo Umbrae limbum ad c (per Prop. iv. Lib. ii. Theod.) contingente. In triangulo igitur ALO rectangulo ad L dantur præter rectum hypotenusa OA , summa nempe Semidiametrorum Umbrae & Lunæ, & OL distantia



minima centri Umbrae à centro Lunæ Prop. xxxv. inventa; invenietur igitur arcus AL , adeoque Tempus requisitum ut Luna hunc (excessu motûs sui supra Solis motum) percurrat; hoc est, Semiduratio integræ Eclipsis. Sed ex præc. notum est Tempus mediæ Eclipsis; innotescunt igitur ejus Initium & Finis.

Ad determinandum Initium totalis Immerfionis Lunæ in Umbra

bram Terræ, reliquis manentibus ut supra, fit in schemate 2, ubi Defectus Lunæ incidit dum Luna ad Nodum ascendentem appropinquat, circulus AFB circulo umbroso CDG interior; circulus centro A, distantia AC descriptus (per Prop. III. Lib. II. Theod.) tanget CGD interius, adeoque rite Lunam repræsentabit in propria Via BA progredientem, cum primum tota in Umbram GCD immergitur. Ad inveniendum Temporis punctum quando centrum Lunæ tenet A, in triangulo rectangulo ALO dantur latera OL (per Prop. XXXV.) & OA, quod per constructionem æquale est differentiæ Semidiametrorum Umbræ & Lunæ; innotescet igitur AL arcus Viæ Lunariorum percurrendus motu Lunæ supra motum Solis, ex quo Luna tota in Umbram immergitur ad usque Eclipsis medium. Ex cognito igitur ad Eclipsis tempus motu Lunæ à Sole tempore certo (v.g. Horæ) competenti, cognoscetur tempus infumendum ut Luna (excessu motus sui supra motum Solis) arcum AL percurrat; hoc est, Semiduratio totalium Tenebrarum. Sed per præcedentem notum est mediæ Eclipsis momentum, unde Initium & Finis totalis Immerfionis Lunæ in Umbram Terræ innotescunt. Q. E. F.

SCHOLIUM.

In resolutione trigonometrica triangulorum OLP, ALO, BLO, ut & figurarum LLA, ALA, in Prop. præc. poterunt illa pro rectilineis haberi (quod & communiter fit) ob parvitatem laterum: tantilla enim superficiæ sphericæ portio tuto potest censi plana.


PROPOSITIO XXXIX.

Quantitatem Eclipsis dato Mense contingentis, tam in ejus medio, quam alio quovis dato Tempore definire.


Iisdem positis, in annexo schemate Defectum Lunæ referente contingentem paulo post superatum Nodum descendentem, invenienda est Quantitas Eclipsis mediæ partialis. Lunæ Discus Defectu medio centro L (jam sæpius determinato) descriptus secet OR rectam in M. Cum igitur detur (in partibus circuli maximi in Sphæra Cœlesti) OR Semidiameter Umbræ, & Prop. XXXV. inventus sit OL arcus, distantia minima centri Lunæ à centro Umbræ in partibus iisdem; dabitur (per 4. Dat.) horum arcuum differentia LR: Sed datur LM Lunæ Semidiameter; unde (per 3. Dat.) MR horum summa data est in iisdem; ejusque ideo (per 1. Dat.) ratio ad integram Lunæ Diametrum MH, in partibus circuli itidem notam, etiam data est: & MR est pars Diametri Lunariorum Eclipsi mediæ obscurata; datur igitur ratio Diametri partis obscuratæ ad integram; ergo & numerus Unciarum Unciæque partium Diametri obscuratæ.

Non absimiliter Eclipsis Quantitas ad datum Tempus ante vel post

X x 3



post Plenilunium verum visa inveniatur. Ex invento per methodum supra indicatam motu Lunæ à Sole horario, determinabitur arcus quo Luna distat à puncto F , ubi Plenilunium verum celebratur: Sit hic PS ; ideoque centri Lunæ Locus ad Tempus datum est s . Jungatur arcus OS Lunæ Disco in M & H , circuloque CDE in R occurrens. In triangulo POF dantur præter rectum ad O latus PO angulusque OPF ; unde inveniuntur latus OP (jam supra definitum) & angulus OPF . In triangulo rursus OPS dantur duo latera PO, PS & angulus interjectus OPS ; unde dabitur etiam OS arcus, & proinde hujus notique arcus SM differentia OM : Sed datur OR , & proinde ipsarum OR, OM differentia MR data est; omnes nempe in partibus circuli, ut supra: adeoque, ut in casu priori, Quantitas Eclipsis in Unciis Diametri & Unciæ partibus expressa.



Si MR excedat Diametrum Lunæ integrum (quem casum schema annexum refert) Eclipsis dicitur tot Digitorum quot Diametri Lunæ Uncias MR continet; abusive quidem & improprie, cum proprie loquendo Luna deficere nequeat pluribus Digitis quam ipsa habet in sua Diametro; MR autem conflatur ex Lunæ Semidiametro MS & SR distantia minima Centri s ab Umbræ margine CDE , quæ (per *Elem. Sphæric.*) circuli maximi centra O & s conjungentis arcus est.

COROLLARIUM I.

Hinc facile determinabuntur Telluris Loca, ex quibus Eclipsis Lunaribus data Phasis spectari potest. Cum enim ad istam Phasim deficientis Lunæ locus ex Prop. hac detur, & hora in dato Loco Telluris; dabitur (per Coroll. xxxvi. Lib. II.) Locus Terræ, cui Luna tum est in vertice. Omniaque Loca, quæ hinc absunt minus quadrante circuli, hanc videbunt; quæ magis, non videbunt; quæ ipso quadrante, in Horizonte videbunt.

COROLLARIUM 2.

Ex tribus ultimis Propositionibus Schema Eclipsis Lunaribus in plano graphice protrahetur. Cum enim tantilla Cœli Lunaribus pars, quam Umbra (vel etiam Penumbra) Terræ una cum Luna ad Eclipsis Initium illam tangente occupat, pro plano tuto possit haberi: Duæ rectis, se decussantibus in angulo æquali illi quem Via Lunæ cum Ecliptica comprehendit, Circulos istos, earumque concursu Nodum proximum referentibus; sumatur in recta Eclipticam referente punctum à communi rectarum concursu distans tot partibus æqualibus quibusvis quot partibus circuli (v.g. scrupulis) Centrum Umbræ five punctum Soli oppositum distat à Nodo; centro hoc describatur Circulus Terræ Umbram referens, hujus Semidiametrum tot prius assumptarum æqualium partium faciendo quot scrupulorum in Cœlo Umbræ Semidiameter revera occupat; ex hoc centro ducendo rectas tam ad Eclipticam quam ad Viam Lunarem

nam

narem normales, signabuntur in Via Lunari puncta veri Plenilunii mediæque Eclipsis. Quod si eodem centro, extra intraque circum hunc umbrosus, alii duo ducantur à priori distantes spatio tot prius assumptarum æqualium partium, quot prædictorum scrupulorum Lunæ Semidiameter apparens constat; horum circulorum intersectiones cum recta Viam Lunæ referente ostendent in Schemate puncta, in quibus Lunæ centrum versatur ad Initium & Finem Eclipsis totalisque Obscurationis. Cum porro Motus horarius Lunæ à Sole & Horarum in dato Loco numerus tempore veri Plenilunii, ut & incipientis, mediæ & finientis Eclipsis, ex præcedentibus dentur; recta Lunarem Viam repræsentans dividetur in partes æquales, quæ numeris insignientur Horas denotantibus, in data habitatione numeratas, quibus Luna puncta Cæli homologa tenet. Et Lunæ deficientis Phasis, quolibet tempore contingens, oculo commodissime subjicietur, si puncto in Via Lunari, numero Temporis dati insignito, tanquam centro & intervallo Semidiameterum Lunæ apparentem referente describatur circulus: hic, quâ parte intra circum Umbram referentem cadit, repræsentabit Lunæ partem deficientem; quâ vero extra illum prominet (si modo prominet) partem illustratam ostendet: adeoque Digiti Ecliptici per se patent, ut & ratio inter integrum Lunæ Discum & partem ejus lucidam (si quæ est) nempe differentiam inter duo segmenta datorum circulorum, quæ ex circuli dimensione innotescit.

SECTIO VIII.

De Eclipsi Solis.


Hactenus de Lunari Eclipsi dictum: Superest ut de Solari etiam agamus. Ac prius quidem hanc universaliter tractabimus, Umbramque Lunarem in Terram incidentem considerabimus, quomodo vere proprieque Eclipsis Terræ dicenda esset: Nam in hac Terra easdem vices gerit quas Luna in supra descripta Eclipsi Lunari, Lunaque easdem hic quas illic Terra. Deinde Phænomenon hocce Eclipsis Terræ considerabimus, quatenus Telluris incolæ in Lunari Umbra immerso, Cælumque suspicienti, Luna aliquam Solis partem tegit, & quâ Sol ideo deficere videtur; unde Phænomeno huic Solis Defectus nomen est inditum.

PROPOSITIO XL. LEMMA.

SI *Distantia apparens inter Solem & Lunam ex centro Terræ visa sit æqualis Parallaxi Lunæ horizontali; hæc, aucta Parallaxi Solis horizontali, æquat Distantiam inter Terræ centrum & centrumque Umbræ Lunaris in Terræ Discum exceptæ, visam ex puncto ubi recta Solis & Terræ centra conjungens Lunæ Cælo occurrat: & proportionaliter sit Distantia Solis & Lunæ major sit vel minor.*

Sit Terræ centrum τ , Solis s , ts recta conjungens centra Solis &

& Terræ, normalis ad Discum Terræ DT , Cœlo Lunæ in M occurrens. Sit OL Orbita Lunæ, in qua L Luna; OM Ecliptica; LM Distantia ex T apparens inter Solem & Lunam, Lunæ Parallaxi horizontali æqualis. Juncta SL producatur donec Terræ Disco DT occurrat in V , ubi centrum Umbrae Lunarise in Discum Terræ exceptæ versatur. Dico angulum TMV æqualem esse STL Distantiæ apparenti Solis & Lunæ & Parallaxi Solis horizontali simul. Ducatur LR parallela MT , & iungatur MR . Quoniam angulus TMV æqualis est angulis TMR & RMV simul sumptis, angulus autem TMR (per *Prop. XXIX. El. I.*) æqualis LRM , hoc est (ob viciniam punctorum R & T) LTM , & RMV (ob eandem rationem) ipsi RLV , five (per *Prop. XXIX. El. I.*) LSM æqualis; erit TMV æqualis angulis LTM & LSM simul sumptis. Porro, quia angulus LTM supponitur Parallaxi Lunæ horizontali æqualis, & L Luna; erit Distantia punctorum L & M Semidiametro Terræ æqualis; (Parallaxis enim Lunæ horizontalis est angulus in quo Terræ Semidiameter videtur ad distantiam æqualem distantiae Terræ & Lunæ;) adeoque LSM angulus est proxime horizontalis Solis Parallaxis, (angulus nimirum in quo apparet Terræ Semidiameter ad distantiam Solis & Terræ, hoc est, fere ad distantiam Solis & Lunæ,) & angulus LTM est Solis & Lunæ Distantia ex centro Terræ visa. Et igitur angulus TMV æquatur Distantiæ Solis & Lunæ ex Terræ centro visæ & Solis Parallaxi horizontali simul sumptis.



Eodemque modo si arcus LM sit semissis, sesquialter aut duplus Parallaxis Lunæ horizontalis; erit angulus TMV æqualis LTM & semissi, sesquiplæ aut duplæ Parallaxi Solis horizontali. Q. E. D.


PROPOSITIO XLI.

Num dati Mensis Novilunium futurum sit Eclipticum, hoc est, num in qualibet Terræ parte Sol partialiter aut totaliter deficere videbitur, determinare; & si futura est Eclipsis, ejus Speciem definire.

Referat DCG Tellurem, in qua Poli revolutionis diurnæ sunt punctumque huic oppositum latens. Hemisphærium in Schemate conspicuum idem sit cum illo à Sole illustrato; adeoque DCG circulus, cujus centrum T , Hemisphærium illuminatum ab obscuro determinans, cujus planum est Terræ Discus. In planum Disci Telluris DCG excepta intelligatur Umbra Lunæ à Sole facta: erit hæc sic excepta formâ circulari, puta HM , cujus centrum V ; quia conus penumbrosus est rectus, ejusque axis ad planum Disci perpendicularis fere: nam de casu quo V à T non multum distat nos tantum loquimur, cum in hoc solo Lunæ Umbra Terram attingere possit,


possit; hoc est, Solis aliqualis Eclipsis fieri. In hujus centro circellus est totaliter umbrosus, si Lunæ Umbra totalis hucusque porrigitur: reliqua circumcirca corona est pene umbrosa, cujus partes circello prædicto propiores obscuriores sunt, per Prop. xxxiv. Patet quod, si Penumbra Tellurem non tangat, nulla futura est Eclipsis per universam Terram: Sin aliqua Telluris pars Penumbrae immergatur, ea aliqualem (proprie loquendo sicut prius de Luna) patietur Eclipsin; sive tractus istius incolis Sol ob interpositam Lunam deficere videbitur. Patet autem Umbram in Terram incurrere, si circulus HM circulum DCG secet; alias non incurrere, cum circulus DCG sit Telluris maximus.

Ut autem dignoscatur an in dati Mensis Novilunio circulus HM circulum DCG secet, concipiatur Telluris Hemisphaerium à Sole illustratum & circulum penumbrosum desuper spectari ab Oculo, in rectæ Solis & Terræ centra conjungentis puncto, ubi Cælum Lunæ interfecat, constituto; quo casu Hemisphaerium istud, licet convexum, quasi Disci planum videbitur, sicut nobis Lunam intuentibus accidit; distantia Oculi abstractionem à convexitate naturaliter causante. Ecliptica, hæc ratione, tanquam recta videbitur, v.g. ATK , cum Oculus in ejus plano reperiatur: Et quia Oculus à plano Orbis Lunaris proxime abest, Orbita Lunaris in Discum excepta, sive potius Via centri circuli umbrosi, id est, linea quam hoc in plano Disci Telluris describit, erit etiam recta, puta AL . Ex Terræ centro T ducatur TV in AL normalis; erit V punctum omnium in AL punctorum centro Terræ proximum. Adeoque si penumbrosus circulus HM Telluris Discum DCG omnino attingat, hunc attinget cum ejus centrum est in V : in quovis enim alio puncto circuli hi magis inter se distant. Et ob eandem rationem, si HM in DCG incurrat, maxime incurrit cum penumbrosi circuli centrum ad V pervenerit. Patet vero circulum HM circulum DCG non attingere, si centro ipsius HM ad V pervento VT excedat TR & VM simul sumptas: Sed (per Prop. præc.) TV Oculo ut supra constituto apparet in angulo æquali Distantiæ Solis & Lunæ ex Terræ centro apparenti, auctæ angulo qui est ad Parallaxin Solis horizontalem ut dicta Luminarium Distantia ad Lunæ Parallaxin horizontalem; & TR eidem oculo apparet sub angulo æquali Parallaxi Lunæ horizontali; & VM (per Schol. Prop. xxxiv.) ab eodem videtur in angulo æquali aggregato Semidiametrorum Solis & Lunæ ex Terræ centro apparentium: Si igitur circuli penumbrosi centro ad V pervento Distantia Luminarium ex Terræ centro visa, auctæ angulo qui est ad horizontalem Solis Parallaxin



Diameter apparens parum excedat Diametrum apparentem Solis, ideoquē communiter pro centro Penumbrae habetur. Immo quandoque circellus hic vere nullus est, Solis Diametro Lunae Diametrum apparentem superante. In utroque autem casu aliquis Terrae locus totalem (vel centralem, licet non totalem) Solis Eclipsin patitur, cum Penumbrae centro in minima à centro distantia versante, Distantia visâ Luminarium aëquetur summæ Parallaxium horizontalium eorundem, aut ab illa deficiat.

Penumbra autem Lunæ integra Terram obumbrat primum, cum TV Distantia minima centrorum Terræ circuliq[ue] Penumbrofi, hoc est (per Prop. præc.) Distantia minima Luminarium visa minuta semiffie Parallaxis Solis horizontalis, (nam VM est proxime æqualis semiffi TR), æqualis est differentie ipfarum TR, HV, five excessui Parallaxis Lunæ horizontalis supra summam Semidiametrorum Luminarium. Quod si Distantia ifta excessu hoc minor fit, Penumbra integra in Terram incidit, restatq[ue] circumcirca Telluris tractus ab omni Solis Defectu immunis.



Licet Lunæ Umbra Penumbræ in Disci planum excepta sit circulus, in superficie Telluris sphaerica (ubi revera excipitur) circumscribitur lineâ minime circulari, (nisi cum umbrosi conî axis per Telluris centrum extenditur,) immo non in eodem plano jacente; de cujusmodi Lineis opusculum Anno 1663 edidit *P. Courcier*, quod & de Umbra Telluris in superficie Lunæ sphaericâ excepta similiter verum est. Verum in Eclipsi Lunæ tractanda non opus erat hujus meminisse, quia ejus sphaerica superficies Observatori Terricolæ in ipsum Discum planum abit. At in Tellure domicilio nostro res aliter se habet: Spectatores enim in Tellure omnes, eodem temporis puncto ejusdem magnitudinis Solis Eclipsin passi, in hujusmodi Linea jacent. Verum ejus determinatio non est hujus loci, nec ad Astronomiam proprie pertinet.

Distantia vero proxima inter Luminarium centra prope Novilunium ex Terræ centro visa investiganda est eodem prorsus modo, quo distantia proxima inter Lunæ Umbræque Terrestris centra prope Plenilunium Prop. xxxv. inventa est; nempe (per Prop. xxx.) inveniēdo Conjunctionis veræ dato Mense contingētis Tempus, quando sc. Luna reperitur in N Sole in s versante, posito sN Latitudinis circulo, & ad idem Tempus quærendo loca Nodorum Lunæ, quorum ipsi s proximus sit Q , ut & Inclinationem Orbite Lunaræ ad Eclipticam: quo pacto in triangulo sphaerico QsN rectangulo ad s dantur Qs Distantia Nodi & Solis, & angulus Q Inclinationi Lunaræ Orbite ad Eclipticam; unde invenientur latus sN angulusque N . Rursus, in triangulo sLN (quod propter parvitatem pro rectilineo potest haberi) præter rectum



ad L (nam SL ex constructione normalis est in Orbitam Lunarem, adeoque distantia proxima Luminarium, cum nempe Luna in L versatur) dantur modo inventa latus SN & angulus N ; unde si distantia Luminarium minima eruetur, & etiam latus NL usui postea futurum: Promptissime autem invenitur arcus SL ex Tabulis Latitudinis Lunæ, capiendū illum æqualem Latitudini Lunæ com Latitudinis argumentum æquale est arcui AS distantiae Solis à Nodo, cujus rationem ostendimus Prop. xxxv. in casu consimili.

COROLLARIUM.


Hinc Termini definientur pro Solis Eclipsibus omnimodis per totam Terram contingentibus. Si enim TV minor sit summa Semidiametrorum Disci Terræ Penumbræque Lunæ, partialis saltem erit Eclipsis in aliqua Telluris parte. Quod si TV minor sit quam TR Semidiameter Disci, totalis erit alicubi Solis Defectus; saltem centralis. In triangulo igitur rectilineo in Terræ Disco descripto AVT datis præter rectum ad V angulo VAT & latere VT , dictæ Semidiametrorum summæ æquali, invenietur latus AV , Distantia nempe centri Penumbræ Lunaris à Nodo proximo ipsiusve Lunæ à Nodo opposito, quā obtinente Tempore Novilunii veri Lunæ Penumbra Terram pertransibit, illam minime attingens: Si vero dicto Novilunii momento Lunæ distantia à Nodo proximo minor sit quam supra inventus arcus AV , Lunæ Penumbra Terræ tractum aliquem involvet, & Sol Eclipsin pati aliqualem videbitur istius tractus incolis. Similiter definientur Termini pro centrali Solis Eclipsi alicubi in Terra contingente, loco summa Semidiametrorum Disci & Penumbræ ipsam Disci Semidiametrum sumendo, ut supra est ostensum. Ob parvitatem vero anguli ad A laterumque trianguli VNT , TN parvo admodum discrimine differt à TV : unde ii erunt quamproxime Termini pro Eclipsi Solis vel omnimoda vel totali alicubi contingente; distantiae nempe Lunæ à Nodo proximo, quando Tempore Novilunii veri Lunæ Latitudo æqualis est vel summa Semidiametrorum Luminarium & Parallaxis Lunæ horizontalis minutæ sesquiplo Parallaxis Solis horizontalis, vel differentiae Parallaxium horizontalium Lunæ & Solis.

PROPOSITIO XLII.

Tempus Initii, Medii & Finis tam omnimodæ Eclipsationis à Penumbra Lunæ, quam Eclipsis Solis totalis in omni Telluris globo dato Mense contingentis, indeque harum Durationem integram definire.

Sit DCG Discus Terræ centro T descriptus, visus ex puncto rectæ Solis & Terræ centra conjungentis, ubi hæc Cælo Lunæ occurrit. Planū Eclipticæ hujusque Disci communis intersectio, sive Ecliptica in planū Disci visa, sit AK recta; & TN huic perpendicularis erit communis sectio planorum circuli Latitudinis & Disci Terræ, in qua sit N punctum, ubi Lunæ Orbitæ planique Disci communis intersectio, sive Orbita Lunæ in planum Disci projecta, dictum Latitudinis

titudinis circulum interfecat. Cum oculum, Eclipsin hanc Terræ
 videntem, collocatum supponamus in recta Solis Terræque centra
 jungente; patet hunc una cum Sole motum iri, adeoque visurum
 centrum Penumbrae Lunaris describens in Disco Terræ Viam istam
 à Sole, de qua fuse actum est Prop. xxxvi. Ducta igitur concipia-
 tur per N recta AN faciens cum TN angulos hinc inde aequales
 illis, quos Via Lunæ à Sole cum Latitudinis circulo efficit tempore
 Novilunii veri; atque Via hæc Lunæ à Sole, ad Novilunium sive
 mediam Eclipsin definita,
 manere supponatur per in-
 tegram Eclipsin; quod pro-
 xime quidem fit: at si ex-
 actius procedere libeat, il-
 lam in aliis Lunæ à Nodo
 distantis de novo licebit
 ducere. Ex T ducatur TV



ad AN normalis; eritque v punctum ad quod cum centrum Pen-
 umbræ Lunaris pervenerit, illud omnium minime abest à Disci cen-
 tro T , omniumque maxime in Terram incurrit; ut Prop. præc. osten-
 sum est. Porro (ex Prop. III. El. III.) v est etiam punctum medium
 portionis rectæ AN , quæ in circulo DCG aut alio quovis huic con-
 centrico jacet; adeoque tale est ut Penumbrae centrum in illo repe-
 riat in media Eclipsatione Terræ omnimoda, quæ ducat dum
 Penumbrae centrum percurrit rectam AB , posito TA excedere TR
 excessu AC Semidiametro circuli penumbrosi æquali; item tale ut
 Penumbrae centrum in illo reperiatur in medio tempore, quo ipsum
 Penumbrae centrum rectam EV peragrans Eclipsin Solis totalem
 & centralem in aliqua Telluris parte producit. Problema igitur
 huc redit, ut determinetur punctum temporis cum Penumbrae cen-
 trum in v reperitur. Ad quod faciendum inveniatur (per Prop.
 xxxi.) Tempus veræ Conjunctionis, quæ in N celebratur; cumque in
 triangulo TVN præter rectum ad v detur latus TN , & (per Prop.
 xxxvi.) angulus TNV , invenietur NV in iisdem partibus in quibus
 TN aut TR datur; hoc est, notum fiet qualem angulum ad oculum
 NV subtendat. Sed ex dato Solis & Lunæ Motu horario datur
 Lunæ Motus horarius à Sole, sive arcus quem Luna à Sole spatio
 Horæ percurrit, hoc est, tempus necessarium ut Luna à Sole per
 cognitum arcum moveatur; ideoque tempus immotescet quod requi-
 ritur ut Luna à Sole moveatur per arcum subtendentem angulum
 quem recta NV subtendit, hoc est, ut Penumbrae Lunaris centrum
 rectam NV in Terræ Disco percurrat; hoc est denique, tempus in-
 terjectum inter momentum Conjunctionis veræ momentumque
 Eclipsationis mediæ, respectu totius Telluris: adeoque dato illo
 invenietur & hoc Momentum enim mediæ Eclipsis Solaris re-
 spectu totius Telluris (similiter atque mediæ Eclipsis Lunaris)
 præcedit Conjunctionem veram cum Soli Lunaque mox superaverunt
 Nodorum alterutrum, illum vero sequitur cum Luminaria Nodos

nondum sunt affecuta. Ad tempus istud promptius inveniendum inserviunt Tabulæ temporis inter veram Syzygiam maximamque centrorum Disci Umbræque approximationem interjecti, de quibus ad Prop. xxxvii. dictum est.

Invento autem tempore Eclipsis Mediæ, Initium ac Finis omnimodæ Eclipsationis, sive momenta quando Penumbra Lunæ Discum Terræ primo attingit & ultimo deserit, facile definiuntur. In triangulo enim rectangulo $TV\Lambda$ dantur latera TV , TA , illud prius inventum, hoc conflatum ex Semidiamentris Disci & Penumbræ prius determinatis; dabiturque proinde AV , indeque ut prius, ex Motu horario Lunæ à Sole, invenietur tempus requisitum ut Penumbræ centrum hanc percurrat, hoc est, omnimodæ Eclipsationis dimidia Duratio; cumque detur momentum Mediæ, nota sunt Initium Finisque. Similiter invenietur Semi-mora totius Penumbræ intra Terræ Discum, si loco TA summæ Semidiamentrorum Disci Penumbræque sumatur harum differentia, prorsus similiter atque in Immerfione totali Lunæ in Telluris Umbram in Eclipsibus Lunæ totalibus.

Semi-mora vero centri Penumbræ intra Terræ Discum (sive totalis Umbræ, quæ, cum semper angusta, sæpe nulla sit, pro centro habetur) invenitur investigando EV ex datis TE , TV , tempusque requisitum ut Lunaris Umbræ centrum hanc percurrat, ut prius. Cum vero innotescant mediæ Eclipsis momentum & Semi-mora centri intra Discum, innotescit & tempus cum Umbra totalis Terram attingit deseritque; hoc est, cum Eclipsis Solis totalis Terricolæ primo ultimoque contingit.

COROLLARIUM


Hinc triangulorum rectilincorum ATN , ETN , VTN , FTN & BTN dantur omnes anguli; & hinc etiam Schema Eclipsis Disci Terræ, qualis revera est hæc de qua agimus, in plano graphice describetur, ut factum est in Eclipsi Lunæ Coroll. 2. Prop. xxxix: Figura enim præcedens est illud ipsum Schema quod quaeritur; illa igitur rite protrahatur. Cumque notum sit quantas rectæ AN portiones Umbræ Lunaris centrum Horæ spatio peragret, & quænam in dato loco numeretur Hora, quando dictum centrum tenet N vel V vel aliud quodvis punctum in AN datum; patet quod si rectæ istius rite divisæ punctis adscribantur numeri, quibus Horæ in dato loco indicantur, perfectum esse Schema quaesitum pro dato loco.

PROPOSITIO XLIII.

Eclipsis Solaris Quantitatem respectu Spectatoris Terrestris intra circulum Penumbrosum, qui est sectio Penumbræ Lunaris per Discum Terræ, datum Locum occupantis determinare.

Sit $BEFG$ circulus determinans Terræ Hemisphærium à Sole illuminatum ab obscuro, cujus proinde planum idem est cum plano Disci de quo supra. In hoc plano sit KTU Ecliptica; INV Via centri Penumbræ Lunaris; N punctum ad quod cum Penumbræ centrum

centrum pervenerit, fit Novilunium verum. Ponatur A esse Penumbrae hujus centrum quodam temporis puncto dum iter suum per rectam $l\varphi$ instituit, ipsumque circulum penumbrosus esse MQX ; erit AN itineris Penumbrae pars ea quae facienda est inter hocce temporis punctum & momentum Conjunctionis verae, celebrandae cum illud ad N pertigerit. Supponamus Observatorem intra hunc circulum constitutum, ut ad O , five potius in Hemisphaericae superficiei illuminatae puncto, quod recta ex O ad planum Disci normalis ostendit; invenienda est quanta Diametri Solaris pars à Luna tegatur praedicto Observatori. Jungatur recta AO , & producatur donec circulo MQX occurrat in M ; dico Solis Diametri partem à Luna tectam esse ad Diametrum integram ut OM ad AM .



Nam si Observator esset in M , Luna nullam prorsus Diametri Solaris partem ab illo tegeret: Observatori vero paulatim versus Penumbrae centrum A progredienti, Solaris Diametri pars major majorque per interpositam Lunam ab illo tegitur, donec tandem illo ad centrum A pervento, Sol totus (hoc est, ejus Diameter integra) ab eo tegatur, si modo Solis apparens Diameter Lunae Diametrum apparentem non excedat, (quod hic suppono, quodque in harum magnitudinibus mediocribus fere obtinet,) & Lunae totalis Umbrae vertex ad Terram usque pertingat, five circulus penumbrosus MQX centrum habeat perfecte & totaliter umbrosus: Et ideo si Solis Diameter ut As in Uncias dividatur, ex data ratione inter AM & OM , quae ex Loci intra circulum MQX situ dato innotescit, dabuntur Diametri Solis Unciae five Digiti obscurati horumque partes respectu Observatoris.

Quod si circulo MQX concentricus fit (ut in fig. separata) circellus bc vel totaliter umbrosus, vel non mere umbrosus, sed reliquo obscurior & quidem aequaliter; hoc est, si Umbrae Lunarum centrum vel ultra Spectatorem protendatur, vel citra illum definat, loco rectae AM sumenda est in priori casu recta BM Semidiametrorum AM & AB differentia; in posteriori CM illarum summa: est nempe Solis Diameter integra ad ejus partem Spectatori ad O à Luna tectam in casu priori ut BM ad OM , in posteriori vero ut CM ad OM . Nam in priori casu Spectator ad B Solem integrum videbit à Luna tectum, in posteriori Spectator in A positus circa obscuram Lunam circulum è Solari residuum lucidum videbit, coronae instar, cujus visa Latitudo aequatur Semidiametro Solari minutae Semidiametro Lunari, eidem nempe cum Semidiametro AB è Luna visa; oportetque ut Spectator in C constituitur, ut Lunae marginem Solis Discum interius contingentem cernat. Determinata igitur est in omni casu Eclipsis Solaris Quantitas. Q.E.F.


PRO.

PROPOSITIO XLIV.

P Ræcipua Defectūs Solaris Phænomena recensere, Tellurisq̃ue Loca describere ubi contingunt, dum Lunar̃s Umbra in Novilunio Ecliptico per Tellurem incedit.

Repræsentet $c d$ Telluris Globum, super Polum p alterumque latentem motu diurno ab Occidente in Orientem, five à sursum versus a revolutum. Globi hujus Hemisphærium in Schemate conspicuum idem sit cum illuminato à Sole, adeoque Sol directè & perpendiculariter incumbat circuli $c d g$ polo s . Per Polum p & punctum s traductus supponatur circulus immobilis extra Telluris superficiem extans $p s r$, item alter $k s y$ communis sectio plani Eclipticæ cum superficie Terræ & huic alter ad angulos rectos $z s x$, similiter extans, intra quos Terra motu diurno revolvitur.

Constat in quovis Telluris Loco esse Meridiem, cum ille ad circuli $p s r$ semissem hic conspicuum appellit, quoniam Sol in hujus plano versatur. Referat $a b$ iter centri Penumbrae Luna-



ris semitam $e n f$ in Telluris superficie describentis: licet Telluris Hemisphærium illuminatum à Sole, cuique proinde Dies est, supra Schematis hujus superficiem attolli supponatur; Via tamen $a b d$ à centro penumbrosi circuli peragrata concipitur in plano Disci, super quod dictum Hemisphærium insitit. Porro, licet $p s r$, $k s y$, $z s x$ sint circuli in dicto Hemisphærio illuminato, in s puncto Soli directè subiecto se mutuo decussantes, repræsentant etiam & rectas in Disco Terræ circulis istis directè subiectas, in quas nimirum dicti circuli orthographice projiciuntur ab Oculo constituto in rectæ Solis & Terræ centra conjungentis puncto longinquo.

Patet Penumbrae Lunar̃s centro ad a pervento (quando nempe circulus penumbrosus tangit Terræ Discum in c) incolæ ad o posito Eclipsin Solis incipere: Qui vero ad c consistit, per revolutionem Terræ diurnam Hemisphærium illuminatum ingredi incipit; hoc est, illi Sol oritur; Telluris igitur incolæ c , quem omnium Terricolarum Penumbra primum attingit, Sol oriens primo deficere videbitur in supremo seu occidentali sui margine. Cum ipsum Penumbrae centrum Tellurem ad e attingit, incolæ ad e orientem Solem centraliter deficientem spectat, quippe Penumbrae centro subiectus. Qui punctum Telluris habitat, ubi Penumbra tota intra Terræ Discum recepta (si quidem id accadat) eundem interius tangit, illi Eclipsis Solis ad marginem infimum finitur in Ortū: sicut illi qui punctum tenet, ubi Penumbra interius Discum ultimo tangit, jamjam ex parte ultra hunc protendenda, Eclipsis Solis ad limbum infimum incipit ipso Sole occidente. Casus hosce duos in figura non expressimus, ne confusio oriretur.

Cum

Cum circuli penumbrosi centrum ad $z s x$ rectam in Disco Eclipticæ normalem, five cum Penumbrae Lunaris axis ad circulum $z s x$ prædictæ rectæ respondentem, cujus nempe illa est Diamter, pervenerit in N ; Telluris superficiei punctum, quod puncto N exstantis circuli $z s x$ subjicitur, Eclipsin Solis centalem patitur, & Spectatori ad N aliudve quodlibet circuli $z s x$ punctum posito Sol in Eclipticæ puncto supra Horizontem altissimo videtur. Cum enim circulus $z x$ per Spectatoris Zenith transeat ex hypothesi, erit ejus Horizonti perpendicularis: sed & Eclipticæ etiam perpendicularis est ad s ; & igitur (per *Elem. Sphæric.*) distat quadrante ab dicti Horizontis & Eclipticæ concursu: sed Eclipticæ (utpote circuli maximi) dimidium supra quemlibet Horizontem exstat; unde $z x$ Eclipticæ occurrit in puncto ab oriente puncto per quadrantem distante, five altissimo. Terricola igitur, qui tum punctum N in Telluris superficie tenet, Solem centraliter deficientem in gradu nonagesimo cernit: Qui vero ab N versus z vel x , at in circulo $z s x$, degit, Solem in gradu nonagesimo deficientem quidem cernit, si intra limites penumbrosi circuli versetur; sed plus minusve deficientem pro majori aut minori ejus distantia ab N , ut Prop.præc. ostensum est. Similiter, cum Penumbrae centrum circulum exstantem immobilem $p s r$ in M attingit, Telluris incola, qui huic subjicitur, Solem ipso Meridie centraliter deficientem videt: Qui vero ab M versus alterutrum Polum sub prædicto Meridiano $p r$ degunt, Solem ipso Meridie partialiter deficientem vident, si intra Penumbrae limites confiterint. Et ille quidem, qui versus Polum, borealem p ab M removetur, Solis partem australem deficientem videt, & è contra; quod & in casu priori & universaliter in omnibus casibus obtinet. Penumbrae centro tandem ad extremum Discum ad F pervento, qui illud ipsum punctum simul attingit Spectator, Solem occidentem (quia ex illuminato Hemisphaerio in obscurum, Noctem cum Die commutaturus, transit) centraliter deficientem videt: At qui ad D ultimum Penumbrae Lunaris ictum patitur, Solem occidentem supremo sui limbo Lunæ contiguum quasi, & Eclipsis omnimodæ finem cernit.

PROPOSITIO XLV.


Telluris Locum (hoc est, ejus Longitudinem & Latitudinem) determinare, ubi Sol oriens supremo sui margine deficere videtur.

Iisdem manentibus quæ posita sunt supra, determinanda est Longitudo & Latitudo puncto c . Per Telluris punctum s , cui Sol perpendiculariter imminet, & punctum c traductus intelligatur circulus maximus $s c$, qui, in schemate ut supra delineato, quasi recta apparebit. Ducantur etiam arcus circulorum maximorum $p c$, $p z$. In triangulo sphaerico $p s z$ dantur tria latera, sc. $p s$ distantia Solis à Polo illuminato, $s z$ quadrans, & $p s$ distantia Poli Eclipticæ z (cum arcus $s z$ sit normalis ad Eclipticam $k s y$ & in quadrantem protensus)

Z z

tenfus)

tensus) à Polo *A* Equatoris *P*; innotescit igitur angulus sphaericus inter arcus circularum *sP*, *sZ*, qui idem est cum angulo rectilineo inter rectas *sP*, *sZ* in plano *D*isci ductas; sicut universaliter angulus in superficie sphaerae aequalis est angulo rectilineo, quem communes sectiones planorum circularum sphaericum angulum comprehendunt cum plano tertio ad utrumque normali continent. Porro (per Corol. Prop. XLII.) datur angulus rectilineus *NSA* eique deinceps *zsc*, adeoque huius & ipsius *zsp* summa vel differentia *psc*, sive angulus sphaericus in superficie Terrae à circulis *sP*, *sc* comprehensus: Dantur autem in triangulo sphaerico *psc* præter angulum *psc* modo inventum latera *sP*, *sc*, quorum hoc est quadrans, illud distantia Loci *c* à Polo *P*, hoc est, Latitudinis ejus complementum; angulus igitur *sPc* etiam in triangulo hoc dabitur. Sed (per Prop. XLII.) datur Tempus quando Penumbra Lunæ Discum Terræ primo in *c* attingit, numeratum in determinato quodam loco: sit locus hic *H*, cujus Meridianus *PH*; dabitur igitur angulus *sPH*, quo nempe Meridianus vel Solem præterit hæcenus, vel nondum afflictus est. Dabitur igitur angulorum *CPs*, *HPs* summa vel differentia *HPc*, differentia Meridianorum Loci *c* & dati *H*. Inventa igitur est Loci *c* tam Latitudo quam Longitudo. Q. E. F.



Similiter, inveniatur Telluris Locus, ubi Sol occidens superiori margine deficit, quem Lunaris Penumbra omnium ultimum deferit.

PROPOSITIO XLVL

Locum in Terra determinare Penumbrae Lunaris centro datâ
Horâ subiectum, sive in quo Sol centraliter ad datum Tem-
pus deficit.

Reliquis manentibus, cum datum sit Tempus quæraturneque Locus cui Sol centraliter tum deficit, & etiam Tempus Conjunctionis veræ datum, per Prop. xxxi; datur horum intervallum, adeoque ex Solis Lunæque Motu horario Motus Lunæ à Sole intervallo huic congruus. In triangulo igitur rectilineo sna , in Telluris Disco descripto, dantur (per Prop. xxxvi.) angulus sna æqualis comprehensio inter circulum Latitudinis & Umbræ Viam, latus sn finis Latitudinis Lunæ in vera Conjunctione, & an Motus centri Peumbræ intervallo inter Tempus propositum Tempusque Conjunctionis veræ congruus; dabuntur igitur latus sa & angulus asn , vel hujus complementum ad duos rectos: Sed datur (ut Prop. præc. ostensum) zsp ; ergo dabitur psa angulus rectilineus, & huic æqualis in superficie spherica Telluris angulus sphericus psa . Dantur



tur etiam trianguli sphaerici PSA latera bina SA , SP , hoc æquale distantiae Solis à Polo P , illud modo sequenti inventum: Rectis sc , SA in plano Disci ductis respondent in superficie sphaerica duo arcus à puncto S Soli directe subiecto incipientes, quorum sc est quadrans, SA est arcus, cujus sinus rectus est SA recta; arcus igitur SA , trianguli PSA latus, est ille cujus sinus est ad finem totum ut recta data SA ad datam sc ; ac proinde arcus SA cognitus est. Cognoscetur igitur in triangulo PSA latus PA complementum quæsitæ Latitudinis Loci A , item angulus SPA . Sed propter datum Tempus, in determinato Loco H numeratum, datur angulus SPH ; dabiturque proinde HPA angulus, differentia Medianorum Loci determinati H quæsitique A .

Pari modo invenietur Terræ Locus, ubi Solis Eclipsis centralis incidit in ipso Eclipticæ gradu nonagesimo ab oriente. Demonstravimus in Prop. præc. hoc contingere illi qui per Terræ revolutionem diurnam in N invenitur, cum Penumbrae Lunaris centrum illud punctum occupat: & Prop. xxxi. ostensum est Tempus in Loco H numeratum quando hoc accidit, (idem enim est cum Tempore Conjunctionis veræ Luminarium;) est igitur casus tantum particularis Problematis præcedentis.

SCHOLIUM.

Atque hinc definietur Telluris Tractus, quem Penumbrae Lunaribus centrum in dati Mensis Eclipsi Solari transit; hoc est, Loca omnia quæ successive Eclipsin Solis centram patiantur. Si (per Prop. XLVI.) quaeratur Terræ Locus cui Sol centraliter deficiens oritur, atque deinde alius cui post dimidium Horæ Horamve integram centraliter deficit, & sic denno usque ad Locum ubi occidens similiter deficit; Loca illa in superficie Globi Terrestris lineis conjuncta Tractum quæsitum monstrabunt. Quod si utrinque ad latera Lineæ hujus Zona quasi signetur, cujus latitudo Penumbrae Lunaris Diametrum adæquat; signabitur omnis Terræ Tractus Penumbra involutus, quique aliqualem Solis Eclipsin sentit. In Tractu hoc signabuntur Loca ubi præcipuæ Phases obtinent, ut ubi in nonagesimo gradu Sol deficit, ubi in Meridiano &c.

PROPOSITIO XLVII.

Locum in superficie Terræ determinare ubi Solis Defectus vel Totalis est aut Centralis, vel ubi ejus Diametri pars data versus datum Polum à Luna occultabitur in ipso Meridie.

Iisdem manentibus quæ in Prop. præc. sunt posita, patet illud Telluris punctum, quod ad M simul cum Penumbrae Lunaribus centro pertingit, Eclipsin Solis ipso Meridie pati. Ad illud invenendum advertatur in triangulo rectilineo NMS , in Disco ut supra descripto, dari (per Prop. xxxvi.) angulum SNM , (nempe quem Via Lunæ à Sole cum circulo Latitudinis continet,) NS distantiam centrorum Disci & Penumbrae ad Conjunctionem veram, angulumque NSM æqualem angulo sphaerico ZSP in superficie sphaerica inter

Eclipticæ & Aequatoris secundarios sz & pSR ad Solem comprehensum; unde dabitur NM recta, & igitur tempus requisitum ut Penumbrae centrum hanc motu suo à Sole peragret: Sed datur Tempus in dato Loco numeratum quo centrum istud punctum N occupat, idem nempe cum tempore Conjunctionis Luminarium veræ; igitur & Tempus in dicto Loco numeratum dabitur quando centrum Penumbrae est in M. Queratur igitur (per Prop. præc.) Terræ Locus qui tunc temporis Solem centraliter deficientem spectat; erit hic idem ille cui Sol ipso Meridie centraliter deficit.



Centro M descriptus concipiatur, in plano Disci, circulus penumbrosus rectam p s r in c & d interfecans, fiatque ut integra Solis Diameter apparens ad datam partem non deficientem in Loco quaesito ita Semidiameter Penumbræ ad m o, fumaturque m o versus Polum oppositum ei versus quem pars Solis deficiens jacet, (ex. gr. si versus Polum in schemate annexo latentem pars Solis deficiens jaceat, fumatur o versus conspicuum p;) erit punctum in Telluris superficie, quod recta ex o ad Disci planum normalis ostendit, Locus quaesitus, in quo Sol ipso Meridie parte datâ versus Polum ipsi p oppositum jacente deficit; ut ex Propp. XLIII & XLIV. satis constat. Quod si loco umbrosi centri m vel circulus fit totaliter umbrosus, vel nulla prorsus totalis Umbra, sed circulus æqualiter illustratus, (ut in Schol. Prop. xxxiii.) loco Semidiameteri m c sumenda est differentia vel summa Semidiameterum circuli c d alteriusque istius interioris concentrici; ut dictâ Prop. XLIII. ostensum est. Ad Loci hujus o Latitudinem inveniendam, (nam Longitudo innotescit ex cognita Hora in dato Loco numerata, dum incolæ ad o fit Meridies) advertatur dari rectam s m, nempe latus in triangulo s n m, item m o, utramque (& proinde utriusque summam vel differentiam s o) in partibus ipsius s z Semidiameteri Disci Telluris; dabiturque proinde arcus huic in superficie superincumbens, cujus s o est sinus: Sed datur arcus s p Solis à Polo p distantia; & proinde innotescet p o arcus, hujusque complementum ad circuli quadrantem Loci o Latitudo quaesita. Q. E. F.

Si punctum o extra Telluris Discum $\kappa\gamma\chi$ cadit, Problema est impossibile. Similiter determinabitur Locus ubi Solis in nonagesimo gradu, vel orientis occidentive, Defectus est datæ magnitudinis, vel ubi ad datum Tempus, in dato Loco numeratum, datis numero Digitis Sol deficit. In posteriori casu innumera sunt Loca, in utroque priori ad summum duo, quæ quæsitæ respondeant.

PROPOSITIO XLVIII.

Num in dati Mensis Novilunio futura sit Eclipsis Solaris in dato Terræ Loco visibilis definire; & si futura est, Tempus maximæ Obscuræ & Eclipsis Quantitatem determinare.

Hæterus

Hactenus Solis Eclipsin consideravimus respectu totius Terræ, (vel potius, proprie loquendo, Telluris Eclipsin,) similiter prorsus atque Lunæ Eclipsin supra: Nunc illam aggredimur considerandam quatenus ex dato superficie Telluræ Loco spectatur. Ex quo *Keplerus* Lunæ Umbram in Terræ Discum exceptam spectandam Astronomis præbuit ex Lunari Cœlo, certatim contenderunt, ut Eclipsin Solis in dato Loco visibilem, omniaque huc attinentia, ex eodem schemate Disci Terrestris, per quem Lunaris Penumbra incedit, deducant. Verum cum istud modo minus geometrico (cuique calculus trigonometricus vix indeficari potest) certe minus naturali procedat, & (fatente ipso *D. De La Hire*, qui hunc adhibet) paulo longior videatur; nos exemplo ipsius *Kepleri* in *Tabb. Rudolphin.* (qui certe inventi sui vires limitetque satis noverat) alteram insitemus viam à *Ptolemæo* in *Almagesti Lib. vi.* & optimo eius Explicatore *Regiomontano* indicatam, ut illa quoque Lectori innotescat; laudantes interim methodum à *Cl. D. Flamstedio* in *Doctrina sua Sphærica* traditam, quâ Eclipsis Solaris, appulsusve Lunæ ad Fixas in dato Loco contingens, graphice & pulchre protrahitur, Locis in altero Telluris Hemisphærio, Soli aut Stellæ obverso, orthographice in circulum ejus maximum projectis.

Designet *cN* Eclipticam, s Solis, *L* Lunæ Locum verum Tempore Conjunctionis veræ; inveniantur (per Prop. *LXIII. Lib. II.*) ad dictum Tempus (licet non summe accuratum) Solis Lunæque Parallaxes Longitudinis & Latitudinis, quibus illorum Loca in Ecliptica distantieque ab Ecliptica corrigantur: ita nempe ut ex veris præcedentibus, sive è Terræ centro visis Locis, evadant ex dato in superficie Loco visi (qui & simpliciter visi nuncupantur) s & A. Alium à priore non designamus Locum Solis, ne confusio in schemate oriretur, tum quod Solis Parallaxis tam parva est ut in calculo hoc negligi fere possit, tum præcipue quod Parallaxin Lunæ à Sole sumendo (ut in dicta Prop. *LXIII. Lib. II.* ostensum est) possit Linea *nc* pro Via Solis visa sive Ecliptica paululum luxata haberi. Locus Lunæ apparens *A* ad Eclipticam reductus sit *c*, ejusque Latitudo *Ac*. Ut autem determinetur punctum in quo Lunæ centrum à Solis centro proxime abesse Spectatori proposito videtur, hoc est, quando Obscuratio maxima (si quidem ulla) est futura; investigetur situs Viæ apparentis Lunæ à Sole, ex præcedentibus quaerendo rursus, ad tempus parum satis distans ab illo quo Luna in *A* apparet, Loca Solis & Lunæ dato Spectatori visa, & cogitando Solem ad Locum pristinum s retractum simulque Lunam tantundem. Locus Lunæ sic inventus sit *K*, & ad Eclipticam reductus faciat illius Longitudinem in *D* & Latitudinem *KD*. Datis autem arcubus *cA*, *DK* & *cD* determinabitur (per Lem. Prop. *XXXVI*) Viæ Lunaris visæ *AN* situs respectu Eclipticæ; punctum nempe *N* concursus cum Ecliptica angulusque *ANC*. Ex Solis Loco s



in AN demittatur normalis SM , eritque M punctum omnium in AN ipsi S proximum: Ad quod inveniendum advertatur dari in triangulo NSM præter rectum ad M angulum N & hypothenusam NS , utrumque modo inventum, unde innotescant MS & MN ; ideoque & MA , cum arcus AN notus sit. Quoniam igitur M est Viæ Lunarvis punctum quod à Sole S omnium minime distat; patet si ulla futura est Spectatori proposito Solis Eclipsis, tum certe futuram cum Lunæ centrum videtur in M , tumque etiam maximam Disci

Solaris partem à Luna tegendam: patetque quod si supra inventa SM major sit vel æqualis Semidiametris Solis & Lunæ apparentibus SR & MH simul, tum nullam prorsus futuram proposito Spectatori Solis Eclipsin; sin SM quam SR & MH simul fuerit minor, tum aliquam saltem futuram. Sed ad dati Mensis Novilunium inventa est SM , & (in iisdem partibus, nempe partibus circuli) supra determinatæ sunt Solis Lunæque Diametri apparentes; unde definitur num dati Mensis Novilunium futurum sit Eclipticum necne.


Si aliqua futura est, ad ejus Quantitatem determinandam advertatur esse SR & MH simul æquales MS & RH simul: Si ergo à nota summa Semidiametrorum Solis Lunæque auferatur notus arcus SM , relinquetur RH Diametri Solaris pars tecta à Luna tempore Obscurationis maximæ, quæ ad Digitos Digitique partes facile reducit, cum Solis Diameter integra & pars tecta in iisdem partibus expressæ habeantur.

Observatione autem constat Lunæ Diametrum apparentem minorem esse (vel forte Solis Diametrum majorem) in Solis Eclipsi quam in eadem ab Oculo distantia extra illam, (propter rationem Prop. XIX. Lib. I. indicatam,) atque differentiam esse fere sexagesimam partem Diametri integræ: Hujus ergo Correctionis habenda est ratio in Eclipsis Quantitate Phasibusque definiendis.

Tandem ad determinandum Tempus quo Lunæ centrum in M reperietur, advertatur dari tempus (quippe assumptum) quo Luna motu suo à Sole viso (sive apparente, composito partim ex motu Lunæ vero, partim ex ejus motu apparenti ex Parallaxi orto) Viæ visæ AN partem notam AK , sive potius Eclipticæ arcum notum CD percurrit, darique præterea arcum AM , nimirum arcuum cognitorum AN & MN summam vel differentiam; unde ex analogia dabitur tempus necessarium, ut Luna motu suo à Sole viso percurrat AM : Sed datur Tempus quo Luna in A videtur; ergo & Tempus innotescet quo in M , ubi Solem maxime Spectatori dato tegit, reperietur. Q. E. F.

Ad Tempus inventum, quo Luna in M versatur, quærantur rursus Luminarium Loca, ut omnia recte peracta esse constet, vel ut ulterior Correctio adhibeatur.

SCHO-



SCHOLIUM.


In praxi præcedente fupposuimus Lunæ Motum à Sole in Via viſa AN eſſe æquabilem, quod non eſt verum: Nam licet Motus Lunæ à Sole in Via ſua vera LB toto Eclipſis tempore inſenſibiliter differat ab æquabili, cum tamen in Motu ejus in Via viſa apparenter factò Parallaxis partes ſuas agat, (ut in Parallaxium Definitionibus Prop. XLV. Lib. II. traditis fuſe oſtenſum eſt,) ideo fit ut ab æquabili admodum diſcrepet. Adeoque ad determinationem Viæ viſæ AK aſſumendum eſt tempus poſterius illo quo Luna fuit in A , ſi c fit poſt s ; antèrius vero, ſi c fit ante s in ſerie Signorum, & quidem, quantum conjectare licet, æquale fere illi quod Lunam impendere oportet ut ab A ad M moveatur; quod propemodum æquale erit ei quod requiritur ut Luna Motu ſuo à Sole ſecundum Eclipticam percurrat notum arcum cs ; ſolo enim Motu apparenti à Parallaxi orto differunt.

Si ex s ad Eclipticam excitetur perpendicularis sv , Viæ Lunæ viſæ in v occurrens, erit v punctum quod Lunæ centrum tenet Tempore Conjunctionis à Spectatore viſæ. Invenitur autem Av fic: In triangulo NSV præter rectum NSV dantur latus NS & angulus N ; quare notum erit latus NV ; & cum notus etiam ſit arcus NA , non ignorabitur VA ; ideoque tempus ad hunc percurrendum neceſſarium cognitum erit, ipſumque adeo Conjunctionis viſæ momentum. Quoniam vero puncta M & v parum diſtant, ideo Tempus Conjunctionis viſæ vulgo habetur pro momento maximæ Obſcurationis.


PROPOSITIO XLIX.

Tempus Initii & Finis Eclipſis Solaris dato Menſe contingentis & in dato Loco viſæ, adeoque Durationem integram determinare.

Cæteris manentibus ponatur Lunam xR , in Via ſua viſa AN præcedentem, Solem HR contingere ad R : quæritur Tempus quando hoc accidit. Centra Luminarium s & L arcu circuli maximi SL jungantur. In triangulo sML præter rectum ad M dantur latera sM , sL , illud in Prop. præc. determinatum, hoc Semidiametrorum Luminarium sR , LR aggregatum; innoteſcet igitur ML arcus, per Motum Lunæ à Sole, ad viſum percurrendus inter Initium Eclipſis & momentum maximæ Obſcurationis (per Prop. præc. cognitum) contingentis cum centrum Lunæ ad M pervenerit: ideoque & huic in Ecliptica reſpondens ab s retrorſum computatus, nempe sR . Ad determinandum tempus ad hoc requiſitum, quærantur ad aſſumptum tempus (Horam binæſve Horas, prout Duratio Eclipſis magna eſt



est vel parva, quod ex parvitate aut magnitudine arcûs sM dignoscitur; atque hic rursus eo accuratiora fient omnia, quo assumptum tempus magis accedit ad Semidurationem Eclipsis) ante cognitum Obscurationis maximæ momentum Luminarium Loca apparentia, quæ ad Eclipticam reducta (Solis Loco ad s provecto) faciant distantiam in Ecliptica computatam $c s$. Cognito tempore (quippe assumpto) quo arcus Eclipticæ notus $c s$ Motu Lunæ à Sole percurritur; innotescet & tempus quo alter cognitus $e s$ eodem Motu Lunæ à Sole describitur; hoc est, tempus interjectum inter momentum Obscurationis maximæ & Eclipsis Initium: Sed illud per Prop. præc. determinatum est; igitur & hoc notum erit.



Si Motus Lunæ visus æquabilis foret, æquali opus esset tempore à momento Obscurationis maximæ ad Eclipsis Finem, quo ab Initio ad dictum momentum, quoniam MP recta æqualis est LM , posita Lunâ HY Solem RH in Eclipsis Fine contingere; & Obscuratio maxima coincideret cum Eclipsi media, ut in Lunæ Eclipsi fit, ubi nulla est Parallaxis Lunæ ab Umbra Terrestri; sunt enim contiguae. Verum quoniam secus fit, ut in Prop. præc. ostensum; ad inveniendum Tempus quando Eclipsis finitur, similes rursus operationes repetendæ erunt, quærendo quantam Viæ suæ portionem Luna conficit in assumpto post maximam Obscurationem tempore, & per analogiam investigando quantum temporis requiratur ut arcus PM (ipsi LM prius invento æqualis) Motu viso Lunæ à Sole peragretur. Hoc enim additum momento Obscurationis maximæ supra invento dabit momentum Finis Eclipsis Solaris in Loco proposito visæ: Cognito autem Tempore Initii & Finis, nota fiet Duratio integra. Q. E. F.

SCHOLIUM.

Dum maxima prædictorum triangulorum pars per Trigonometriam resolvitur, poterunt illa pro planis haberi: Propter parvitatem enim laterum sphaericæ superficiei portio ab illis occupata à plano vix differt, ut in casu simili superius est dictum ad Prop. xxxviii. Atque hoc compendium haud contemnendum affert in Eclipsium Solis calculo, si quis alius, tædii pleno, propter repetitam Parallaxium inquisitionem; sed compendio hoc caute utendum est.

COROLLARIUM.

Atque hinc Solaris Eclipsis, respectu dati Loci, Typus five Schema graphice protrahetur. Cum enim tantilla Cœli pars Solem & hunc ab utroque latere in Initio & Fine Eclipsis contingentem Lunam comprehendens pro plano haberi possit, Ecliptica cN una cum Lunæ Via visa aN , (quæ aliquando propter Parallaxis varietatem sensibilibiter à circulo maximo rectave aberrabit,) punctisque

$s, M,$

s, M, L & P ubi Solis Lunæque centra dictis temporibus versantur,
 rite protrahentur modo vulgo cognito: Centrisque s & M describendo
 circulos diametros habentes Luminarium Diametris tunc apparenti-
 bus proportionales, ex iisdem partibus desumptas ex quibus Eclipticæ
 Orbitæque visæ partes prius erant desumptæ, patebit Solis Phasis
 tempore Obscurationis maximæ. Cumque (per Prop. xxxvi. Lib. ii.)
 detur angulus quem Ecliptica comprehendit cum verticali Solis,
 ipseque verticalis situs respectu Meridiani; si Schema supra delinea-
 tum ad Meridiani planum ipsumque Horizontem debitis angulis
 modo inventis inclinetur, Schema maximæ Obscurationis perfe-
 ctum erit. Si porro Viam Lunæ visam referens Linea AN in partes
 dividatur, quas Luna horis horæque partibus (posito Sole interim im-
 moto) peragratæ videtur; & apponantur numeri quibus horæ istæ in
 Loco dato numerantur, (quod facile fiet, cum Tempora maximæ
 Obscurationis, Initii & Finis punctis M, L & P adponenda ex præ-
 cedentibus innotescant,) Schema omnibus suis numeris absolutum
 fiet: Phasisque datâ Horâ contingens statim delineabitur, si centro
 datâ Horâ signato & diametro Lunæ Diametro apparenti æquali
 describatur circulus; hic enim ex circulo centro s Solem represen-
 tante abscondet segmentum simile similiterque respectu Eclipticæ
 positum ei, quod Luna ex Sole dicto tempore tegit.

Quæ ad Eclipsium calculum necessariæ sunt Tabulæ (præter de-
 scriptas Prop. xxvi & xxvii) illarum fundamentum, descriptio &
 ordo (quatenus nostrum fuit institutum) suis locis habentur; nempe
 de Luminarium Diametris apparentibus Prop. xxxii, de Inclinatione
 Viæ Lunæ à Sole ad Eclipticam Schof. Prop. xxxvi, & de Tempore
 inter Syzygiam veram mediamque Eclipsin Prop. xxxvii.

PROPOSITIO I.

Rationem reddere cur Lunares Tabulæ hæcenus conditæ Lunæ
 Locum in Luminarium Eclipsibus, & generaliter in Syzygiis
 quibusvis, accuratius ostendant, quam in aliis Aspectibus cum Sole,
 speciatim in Quadraturis.

Præterquam quod ad Lunationes determinandas Syzygiæ Solis
 & Lunæ accuratius sunt ab Astronomis observatæ quam aliæ quæ-
 vis Phases, & speciatim in Luminarium Defectibus Lunæ Locus
 respectu Solis exactissime sit observatus, & inde Theoria ad Lunæ
 Loca in istis casibus per calculum exhibenda speciatim condita sit
 & aptata; Inæqualitates omnes Menstruæ, sive in Syzygiis cum
 Sole complendæ, Lunæ ejusque Orbitæ Motum afficientes in Sy-
 zygiis cessant; in reliquis Aspectibus effectus suos edunt. Sed hæ
 omnes, (unicâ exceptâ Variatione,) dum Tabulæ Lunares conduntur,
 ab Artificibus negliguntur, ut Prop. xxix. ostensum est; unde patet
 ratio cur Lunæ Locus ex Tabulis hisce depromptus accuratior
 prodeat in Syzygiis quam in alio quovis Aspectu cum Sole. Omnes
 autem hæ Inæqualitates majores sunt quo Luna à Syzygiis remotior;
 hoc est, maximæ cum illa Quadraturas tenet: Lunaris enim Or-

bitæ

A a a

bitæ

bitæ Apfides, quæ absolute loquendo progrediuntur, in Lunæ Quadraturis vel regrediuntur vel faltem tardius progrediuntur, per Prop. viii. Similiter Nodi, quorum Motus absolutus regressivus est, tardius regrediuntur cum Luna est in Solis Quadrato, per Prop. xiv. Et Orbitæ Lunarîs Excentricitas ejusque Inclinatio ad Eclipticam minores sunt (per Prop. xii & xv.) cum Luna est in Solis Quadrato quam in alio quovis Aspectu, cæteris paribus; unde Tabulæ Lunares hucusque conditæ à vero Loco Lunæ in Solis Quadrato sitæ determinando longissime absunt. Rursus, cum Distantiæ Lunæ à Terra majoris in Quadraturis quam in Syzygiis (de qua Prop. ii. ejusque Corol. actum est) nulla in Tabulis habeatur ratio, & hinc pendentes Lunæ Parallaxis & Locus visus perperam è Tabulis eruuntur.

Porro, cum Inæqualitates Lunæ plurimæ pendeant ab Aspectu Nodorum Lunarîs Orbitæ cum Sole, & licet harum ratio in aliquibus Tabulis hætenus conditis habeatur, tamen id summâ exactitudine factum non est: Accuratius ergo, etiam ex dictis Tabulis, Lunæ Locus definiatur cum Inæqualitates hæ cessant: cessant autem cum Nodi in Syzygiis versantur; Nodi enim per Prop. xiv. tum quiescunt, & Limitum Inclinatio tum maxima est per Prop. xv. In Luminarium porro Eclipsibus Nodi in Syzygiis aut prope illas hærent; unde patet ratio cur in hisce Lunæ Locus accuratior Tabularum ope exeat: Tabularum enim errores in Nodorum regressu vario varique Lunarîs Orbis ad Orbem magnum Inclinatione, pro vario Nodorum ad Solem Aspectu (qui aliquales certe sunt) in hoc casu locum non habent. Cessant enim Eclipses tempore causæ productrices harum Inæqualitatum minus exacte in Tabulas dispositarum; adeoque & errorum Tabularium effectus in Lunæ Loco ad utramvis Eclipsin (integrove fere Mense ante & post alterutram Eclipsin) perperam definiendo etiam cessat. Quoniam igitur in Luminarium Eclipsibus prædictorum utrumque obtinet, Luna nimirum ipsa & Lunarîs Orbitæ Nodi in Syzygiis constituuntur; Lunæ Locus tunc temporis ex Tabulis depromptus, pauciorum nempe Æquationum indigus quia paucioribus Inæqualitatibus obnoxius, magis accuratus & exactus erit quam in alio quovis vel Lunæ vel Nodorum situ & Aspectu ad Solem, ubi Inæqualitates occurrunt, quarum vel nulla in Tabulis habetur ratio vel non accurata.

SECTIO IX.

De Motibus Satellitum circa alios Primarios præter Terram revolventium.

PROPOSITIO LI.

Manente eadem Distantiâ Planetæ primarij à Sole, si plures Secundarij circa Primarium revolvantur in Orbibus excentricis similibus, & ad planum in quo Primarius circa Solem revolvitur

vitur æqualiter inclinatis, Errores omnes angulares, in Satellitum motu à Primarii centro spectati & in quovis Satellitum revolutione geniti, sunt directe ut quadrata Temporum periodicorum respective.

Quoniam corporum quorumcunque eadem est Vis acceleratrix versus Solis aut Primarii centrum in eisdem ab illo distantis, palam est diversorum Secundariorum circa Primarium revolventium eandem esse rationem atque ejusdem Secundarii, cujus Orbita dilatatur & coarctatur quantum diversorum istorum Secundariorum Orbitæ inter se distant. In hoc autem casu patet (ex Prop. XVIII.) dictos Errores angulares, à Primarii centro spectatos & in qualibet revolutione genitos, esse directe ut quadrata Temporum periodicorum. Unde constat propositum. Q. E. D.

COROLLARIUM.

Cum supradicti Errores integri, in diversis diversarum revolutionum Temporibus geniti, sint ut quadrata dictorum Temporum; qui eodem & determinato Tempore gignuntur, erunt ut ipsa revolutionum Tempora; hoc est, ipsa Tempora periodica; ablata nempe utrinque altera componentium rationum, nempe ratione simpli Temporum periodicorum.

Quoniam vero supradictorum Errorum aliqui, Motus nempe Apfidum & Nodorum, nunc in consequentia sunt nunc in antecedentia; ideo illorum Motus medii, notabili aliquo Tempore in eadem partes facti, in casu præfenti erunt ut ipsa Satellitum Tempora periodica.

PROPOSITIO LII.

SI Primarii duo Planetæ circa Solem in diversis ab illo Distantiis revolvantur, circa Primarium autem quomvis Secundarius unus revolvatur, sintque horum Orbitæ æquales, similes similiterque ad Primariorum suorum Orbes inclinatæ; Solis Pares Satellitum motus perturbantes horumque effectus, omnes sc. Errores angulares, à centris Primariorum suorum respective spectati, sunt reciproce in duplicata ratione Temporum periodicorum Primariorum circa Solem.

Quoniam enim quorumcunque Primariorum eadem est Vis acceleratrix versus Solem in eadem Distantia, palam est Secundariorum istorum, circa diversos Primarios in æqualibus Orbitis revolventium, eandem esse rationem atque ejusdem Secundarii revolventis circa Primarium qui in Orbe adeo Excentrico circa Solem revolvitur, ut illius Distantiæ à Sole, in diversis Orbitæ istius punctis, tantum inter se differant atque Primariorum binorum in casu præfenti. In isto autem casu constat (per Prop. XIX.) dictos Errores tam in longum quam in latum, à Primarii centro spectatos, esse inverse ut cubi Distantiarum Primarii à Sole. Et igitur Secundariorum, in Orbibus æqualibus, similibus & similiter inclinatis revolventium circa binos Primarios in diversis Distantiis circa Solem

motos, dicti Errores angulares, è Primarii sui centro respective spectati, sunt inverse ut cubi Distantiarum Primariorum à Sole. Sed per Propp. XL & XLII. Lib. I. quadrata Temporum periodicorum Primariorum circa Solem sunt ut cubi Distantiarum mediarum eorundem à Sole: Et igitur Secundariorum Errores angulares omnes, è Primarii sui centro respective spectati, sunt inverse ut quadrata Temporum periodicorum Primariorum circa Solem. Q. E. D.

PROPOSITIO LIII.

Errores angulares Satellitum, in singulis suis revolutionibus circa Primarios respectivos geniti & ex horum centris spectati, sunt in ratione composita ex directa duplicata ratione Temporum periodicorum Satellitum circa suos respective Primarios, & reciproca duplicata ratione Temporum periodicorum Primariorum circa Solem.

Nam per Prop. LI. si Distantiæ Primariorum à Sole essent æquales, prædicti Errores forent in directa duplicata ratione Temporum periodicorum Satellitum circa Primarios suos respective: Et per Prop. LII. si Distantiæ Satellitum à Primariis suis æquales essent, dicti Errores forent in reciproca duplicata ratione Temporum periodicorum Primariorum circa Solem: Et igitur, licet neque Primariorum circa Solem Orbite sunt æquales, neque Satellitum circa Primarios; prædictorum Errorum angularium, in singulis Satellitum revolutionibus respectivis genitorum & ex suorum Primariorum centris spectatorum, ratio componitur ex rationibus prædictis; nempe directa duplicata ratione Temporum periodicorum Satellitum circa suos respective Primarios, & reciproca duplicata ratione Temporum periodicorum Primariorum circa Solem. Q. E. D.

SCHOLIUM.

Simili ratiocinio (ex Prop. LII. & Corol. Prop. LI.) colligitur Motus medios Apfidum & Nodorum duorum Satellitum esse in ratione composita ex directa ratione Temporum periodicorum Satellitum circa suos respective Primarios, & reciproca duplicata ratione Temporum periodicorum Primariorum circa Solem.

PROPOSITIO LIV.

Motus inæquales Satellitum circa alium quemvis Planetam revolvantium determinare.

Ex supra determinatis Motibus inæqualibus Lunæ è centro Terræ spectatis alterius cujuscvis Satellitis Motus analogi ope præmissorum Theorematum determinantur, si Forma Orbitalium Satellitum & Inclinatio Orbium ad plana, in quibus Primarii respectivi circa Solem feruntur, non multum abudent à Forma Orbite Lunaris & Inclinatione plani ejus ad planum Eclipticæ, ut in circum-Jovialibus & circum-Saturniis accidit: Parva autem horum differentia Motus sensibilibiter non mutat, ut ad Propp. XI & XIV. adnotatum est.

Sint ex.gr. extimi Planetarum circum-Jovialium Motus determinandi: Patet ex Schol. Prop. præc. Nodorum dicti Satellitis Motum medium

medium regressivum esse ad Motum medium Nodorum Lunæ in ratione composita ex ratione Temporis periodici dicti Satellitis circa Jovem ad Tempus periodicum Lunæ circa Terram, & duplicata ratione Temporis periodici Terræ circa Solem ad Tempus periodicum Jovis circa Solem; & proinde dari, cum dicta Tempora periodica observatione nota sint.

Similiterque ex Motu medio Apfidum Lunæ progressivo eruetur Motus medius progressivus Apfidum Satellitis.

Eodem modo ex Prop. præc. Variatio dicti Satellitis est ad Lunæ Variationem supra inventam in ratione composita ex duplicata ratione Temporis periodici istius Satellitis circa Jovem ad Tempus periodicum Lunæ circa Terram, & duplicata ratione Temporis periodici Terræ circa Solem ad Tempus periodicum Jovis circa eundem; hoc est (per dictam Prop. præc.) ut Motus toti Nodorum Temporibus periodicis Satellitis & Lunæ ad invicem.

Et similiter Æquationes maximæ Nodorum & Apfidum Satellitis sunt ad Æquationes maximas Nodorum & Apfidum Lunæ respectu, ut Motus Nodorum & Apfidum Satellitis Tempore unius revolutionis Æquationum priorum ad Motus Nodorum & Apfidum Lunæ Tempore unius revolutionis Æquationum posteriorum.

Atque hæc omnia vera sunt similiter de alio quovis Satellite. Verum inventis semel dictis Inæqualitatibus in uno Satellitum, analogæ Inæqualitates in alio quovis circa eundem Primarium revolvente facilius determinantur per Prop. LI ejusque Corol: non opus enim erit adhibere inverfam duplicatam rationem Temporis periodici Primarii circa Solem, cum Primarius maneat idem.

PROPOSITIO LV.

Motus Apfidum Satellitum circum-Jovialium aut circum-Saturniorum Prop. præc. inventos corrigere.

Quoniam Lunæ Apfis in Syzygiis cum Sole progreditur, ut & Satellitis etiam Apfis per Prop. XI, sed tardius propter breve periodicum Tempus Telluris circa Solem respectu periodici Temporis Saturni aut Jovis circa eundem; patet Lunæ Apfidem diutius in Solis Syzygia & prope illam hæreere quam Satellitis Apfidem, utpote quæ Solem utrâvis Apfide celerius in consequentia latum propius assequitur. Et ex altera parte utraque Apfis in Solis Quadrato regreditur, Lunæ autem celerius; ideoque breviori tempore in Solis Quadrato (cui sit obviam) permanet. Cumque ob primam causam breviori tempore progrediatur Satellitis Apfis quam Apfis Lunæ, & ob secundam longiore tempore regrediatur illa quam hæc, & utriusque progressus absolutus oriatur à majore progressu quam regressu; patet hæc duas causas conspirantes Motum Apfidum Satellitis progressivum minuere magis quam pro aliarum causarum ratione. Huic ergo fundamento nixam adhibere oportebit Correctionem Motus Apfidum supra inventi, dictumque Motum minuire pro causæ hujus permanentia & effectibus in singulis Jovis vel Saturni Satellitibus.

ni omnia. SCHOLIUM.

Determinatis Inæqualitatibus hisce, in Motibus Satellitum circa alium quomvis Primarium revolventium obtinentibus, facile erit (ad notam præcedentium de Luna) Satellitum horum Loca ad datum Tempus, Immerfionem in Primarii sui Umbram, Emerfionem ex eadem, Umbræ Satellitis incesfum per Primarii Discum aliaque illorum Motum ætinentia calculo subducere, prout nempe è proprio Primario spectantur; Ex Tabularum pro determinandis eorum Motibus illinc spectatis eadem erit Forma quæ Tabularum Lunarium supra descripta; ex quibus una cum ipsius Primarii Tabulis (Lib. præced. descriptis) Satellitum horum Phænomena prompte invenire licet. Sed quoniam Satellitum Eclipses, dum in Primarii Umbram incurrunt, Phænomena sunt maxime insignia Terricolis observanda; Tabulæ ab Astronomis conduntur ad horum immediatum calculum, quarum fundamentum formaque facilis & simplex præcedentia intelligenti satis patent, exemplisque tantum opus erit ad hæc satis superque illustranda; quæ tamen in Elementis hisce Physicis & Geometricis, non Arithmeticis, locum non habent.

Advertendum est, tamen rationem esse habendam diversæ Distantiæ Telluris (Observatoris domicilii) à Phænomenis hisce Immerfionis & Emerfionis Satellitum Saturni & Jovis: Hujusmodi namque Phænomenon citius videtur cum Terra vicinior est illi, quam cum inde est remotior. Designet s Solem; $cdef$ Orbem magnum, sive Telluris viam; gfh viam Jovis; π Jovem Umbram πv projicientem; baK Orbitam Satellitis Jovis. Terricola ad c positus cernat Emerfionem Satellitis ex Jovis Umbra ad A ; nam ejus Immerfionem ad B , si Satelles Jovi propior sit, aut Tellus post Oppositionem aut ante Conjunctionem Jovis & Solis, tum non cernet propter interpositum Jovis corpus: Quod si Spectator ibidem confisteret, post certum tempus similis ejusdem Satellitis Emerfio rursus appareret, æqualique rursus tempore elapso alia rursus Emerfio, atque ita denuo. Verum procedente Terrâ à c ad d , patet longiori opus esse tempore ut simile spectaculum ad hanc in d appellat; quanto nempe opus est ut Lux (spectaculum quasi vehens) intervallum distantiarum ad , ac sive distantiam cd percurrat. Pari ratione Satellitis Immerfio ad B , Telluris incolæ ad E constituto visa, post determinatum tempus rursus videbitur, atque ita porro; sed Tellure spectaculo advenienti quasi obviam factâ, dum ab E ad F movetur, Immerfionem dum in F consistit Spectator citius videbit, quam si ad E constitisset. Atque hæc est diversâ Telluris Distantia à corporibus quorum Phænomena observantur, cujus habendam esse rationem diximus: propter diversam enim hanc Distantiam citius aut serius videntur ista, præter alias omnes Inæqualitates in ipsorum corporum



corporum Motu revera contingentes. Et ex citiore & feriore hujusmodi Phænomenon apparentia, ad Terræ in Orbe annuo Motum comparata, vicissim constat Lucis Motus successivus, ejusque velocitas hinc ex Observationibus colligitur.

S E C T I O X.

De Motu Satellitum circa propria centra respective.

PROPOSITIO LVI.

Lunæ circa Tellurem delatæ Motum circa proprium centrum describere.


In exemplum Motûs Satellitum circa propria centra adducemus Lunam nostram, cujus Motui aliorum Planetarum Satellitum Motus analogos esse æquum est credere; nam hosce in adeo immensa distantia positos minutim observare non datur. Lunæ Motus per omnia similis est Motui Terræ circa proprium centrum interea dum hæc circa Solem defertur, præterquam in Axis inclinatione & revolutionis Periodo. Luna enim circa Terram mota etiam movetur circa suum Axem: Axis hic est sibi ubique parallelus, ideoque non ad planum Orbis Lunaris normalis, (hoc enim propter Solis perturbantis actionem perpetuo mutatur,) sed ad illud inclinatus, & situm ad immutatum Eclipticæ planum fere rectum obtinens. Lunæ Motus circa hunc Axem proprium (sicut & Terræ circa suum reliquorumque Primariorum circa suos, ut Prop. xxx. Lib. I. ostensum est) uniformis & æquabilis est, eodem tenore perpetuo constans; ejusque Periodus eadem est cum Mense periodico, contra quam in Terra reliquisque Primariis circa Solem delatis obtinet, quorum quivis plures circa Axem revolutiones perficit, dum Orbitam suam semel peragrat.

PROPOSITIO LVII.

Ejusdem Meridiani Lunaris (sive circuli per Axem conversionis. Lunæ) planum productum per Orbitæ Ellipticæ (quam circa Terram describit) umbilicum à Terræ centro diversum perpetuo transit quamproxime.

Sit $ABDC$ Ellipsis, cujus peripheriam Luna circa Terram mota describit: In hujus Ellipsis foco altero τ Tellus locatur, ad quem ductus radius (quem alibi supra Vectorem diximus) areas Ellipticas temporibus quibus describuntur proportionales, describit. Et per Prop. v. Lib. III. ductis à duobus quibuscvis in Ellipsi punctis ad alterum Ellipsis focum F (à centro Terræ τ diversum) rectis AF , BF , est quamproxime angulus AFB ad quatuor rectos sicut. Tempus quo arcus AB à Luna percurritur ad integrum Tempus Lunæ periodicum. Si AM referat Meridiani Lunaris planum, quod (Lunæ centro ubique ex. gr. in A existente) productum per F transit, dico idem planum pariter productum per F transire, in quocunque Orbitæ

bitæ Ellipticæ puncto reperiatur Luna. Quoniam enim rotatio Lunæ circa proprium Axem uniformis est, & eandem habet Periodum quam Luna circa Terram; patet Meridiani planum quod in situ Lunæ A erat A M, cum Lunæ centrum ad aliud quodvis punctum ad libitum assumptum (ut B) pervenit, situm talem BE obtinere, ut positâ BM parallelâ ad AM, angulus mBE sit ad quatuor rectos sicut Tempus quo Luna per arcum AB defertur ad integrum Tempus periodicum Lunæ: adeoque (per Prop. XI. El. v.) mBE est ad quatuor rectos sicut AFB ad quatuor rectos; unde (per Prop. IX. El. v.) mBE angulus æqualis est AFB. Cumque AF & BM sint parallelæ, erit BE in directum ipsi BF; hoc est, in situ Lunæ B ad libitum assumpto ejusdem Meridiani planum, quod in priori situ A productum per F transibat, productum etiamnum transit per F. In quocunque igitur Orbitæ puncto centrum Lunæ reperiatur, ejusdem Meridiani planum productum transit per F umbilicum à Terræ centro diversum. Q. E. D.



PROPOSITIO LVIII.

Motus in Lunæ Facie ex Terra apparentes, ex Lunæ Motu circa proprium centrum oriundos, describere.

Primo patet eandem fere Lunæ Faciem semper ad Terram converti, easdemque fere Lunares Maculas ab Observatore Terreſtri ſpectari. Cum enim ejusdem Meridiani planum productum per alterum Orbitæ Lunaris focum F tranſeat, & Lunar ſ Orbita non ſit valde excentrica, hoc eſt, F à T non multum diſtet, ſive angulus FBT (cum maximus) non ſit nimis magnus; patet eandem quam proxime Lunæ Faciem ad Terram converti.

Si vero accuratius inſpectis Maculis Lunaribus Lunæ Facies Terræ obverſa exactius conſideretur, quod, Teſcopii ope delineatâ illius figurâ, tandem fiet; patebit non præciſe eandem à nobis videri. Et quidem cum ejusdem Meridiani planum A M non ad Terram T, ſed ad alterum focum F dirigatur; conſtat Lunæ ad A exiſtentis Hemisphærium è Tellure in T viſum aliquantulum diverſum eſſe ab illo, quod exinde videtur cum Luna ad B pervenerit, parte Hemisphærii Lunar ſ verſus plagam D illic ab oculo in T teſtâ quæ hic detegitur, parteque Hemisphærii alterius verſus C hic ex viſu ſublata quæ illic apparuit. Atque Motus hic Lunæ è Terra apparens, quo quædam ipſius Maculæ in partem à Terra averſam ſe recipiunt demum alia ex parte averſa in viſum Hemisphærium prædeunt, *Libratio Lunæ* apto ſatis vocabulo vocatur; & quidem quæ ob cauſam modo explicatam contingit, *Libratio in Longitudinem* dicitur, ſc. à Lunæ Motu in longum ſive ſecundum Zodiacum orta. Libratio hæc bis in quovis Menſe periodico reſtituitur; quando nempe Luna in Apo

gæo

gæo c aut Perigæo d versatur: in utroque enim casu ejusdem Meridiani planum, quod protensum in F incidit, incidit etiam in T. Atque Libratio hæc ab Inæqualitatibus omnibus Motûs in longum afficitur, & inter reliquas ab illa qua Luna in Quadraturis cum Sole à Terra removetur, de qua dictum est Corol. Prop. II.

Porro, quoniam Axis super quem Luna in se convertitur non est ad Orbem Lunæ circa Terram descriptum perpendicularis, sed ad illum inclinatus; patet nunc hunc nunc illum Lunæ Polum ad Terram annuere, (similiter prorsus & propter similem causam atque Telluris Polus nunc hic nunc ille ad Solem annuit,) adeoque Lunæ Maculas nunc huic nunc illi Polo vicinas ex Terra spectari, hoc est, aliam Lunæ Librationem ex Tellure videri; quæ, cum à situ Lunæ respectu Nodorum Orbitæ suæ cum Ecliptica pendeat, (nam Axis ejus, ut supra dictum, est fere ad planum Eclipticæ normalis,) *Libratio in Latum* jure vocatur. Absolvitur & hæc spatio Mensis periodici, five potius redeunte Lunâ ad similem respectu Nodorum situm.

Rursus, est & tertia Librationis Lunæ species, quâ fit ut licet alia ejus pars Terræ non obvertatur quam quæ ex duabus causis præcedentibus (Libratione nimirum in longum & in latum) obverti debet, tamen aliam à Sole illuminari contingit. Cum enim Axis Lunæ sit ad Eclipticæ planum proxime normalis, cum Luna ab Ecliptica versus Austrum recedit maxime (hoc est, cum in Limite Australi invenitur) Lunæ Polus boreus & etiam aliquæ ultra Polum Lunaris Globi partes à Sole illustrantur, dum interim ejusdem Polus australis aliquæque citra hunc regiones Lunares in tenebris versantur; in hoc igitur casu si contingat Solem in eadem plaga cum Lunæ Limite australi versari, Luna à Conjunctione cum Sole ad Nodum ascendentem procedens videbitur paulatim suas regiones Maculasve Polo suo boreo vicinas in Hemisphærium non illuminatum subducere, dum interim ab opposita plaga aliæ cum Polo australi ex tenebris in lucem prodeunt: contrariumque fiet semestri post, descendente Lunâ Novâ à Limite boreali; borealiores nempe Lunæ partes paulatim in lucem è tenebris prorepent, dum australiores in tenebris se abscondunt. Librationem hænc, five potius prioris Librationis in latum effectus hosce, à luce Solis, adeoque Mense Synodico, pendere palam est.

SCHOLIUM.

Ex Propositione hac apparet, quam multiplicem Lunaris Globi Librationem è Tellure spectatam simplicissimus ejus motus circa proprium Axem Prop. LVI. descriptus producat: Præcedentes enim Librationis species, pro vario Lunarium Apfidum, Nodorum & Solis inter se situ (ex quibus pendent) varie mixtæ & combinatæ, intricatissimam istam Librationem Lunæ ab Astronomis observatam componunt.

Atque hæc omnia similiter in Jovis & Saturni Satellitibus obtinere admodum est probabile, si quidem eodem prorsus modo

Primarios hosce Planetas circumeunt simulque cum illis circa Solem feruntur, perinde ac cum Tellure Luna; & quod evidentissimum istud Lunæ Phænomenon ab omni ævo observatum & celebratum, (de quo Prop. præc. initio dictum,) quod nempe eandem perpetuo Faciem ad Terram obversam tenet, Jovialibus istis & Saturniis etiam conveniat. Observatum enim est Comitum Saturniorum extimum tum solum conspici, cum Planetæ huic ad Occidentem positus est; ab Oriente vero semper eum latere: verisimile est id inde evenire quod magnâ sui parte obscuriorem (hoc est, radios Solares undiquaque copiose satis non reflectentem) superficiem habeat Satelles hic, sicut & nostræ Lunæ in planitiibus quibuscumque satis amplis contingit; quæ pars obscurior, cum ad nos conversa est, cerni nequeat præ luminis reflexi tenuitate. Cumque in Orbitæ suæ latere quod Orientem spectat, obscurata reperiatur Luna hæc Saturnia, in altero nunquam; manifestum est indicium eandem Lunæ istius Faciem semper Saturnum respicere, quoniam ex eo illud contingere necesse est, ut cuius patet. Quis jam dubitet, cum & illius omnium remotissimæ & nostræ Lunæ Facies semper eadem Primario suo obvertatur, quin idem in cæteris quæ circa Jovem ac Saturnum revolvuntur etiam obtineat, licet Observationes manifestæ illud non evincunt?

SECTIO XI.

De Magnitudine & Densitate Satellitum.

In investiganda Satellitum Magnitudine supponemus & illos, suorum Primariorum (circa quos revolvuntur) reliquorumque magnorum Mundi corporum instar, sphæricam (ex partium Gravitate versus totum totiusve centrum) ab initio, dum eorum materia fluida esset, induisse Figuram. Hoc in Luna Telluris nostræ Satellite ex mensuris Phasibus, Eclipsibus aliisque omnibus quæ excogitari possunt argumentis abunde patet, ut apud Physicæ & Astronomiæ Scriptores videre est: Hoc in aliis, Jovis nempe & Saturni Comitibus, etiam apparet; quæcumque enim Faciem Observatori Terrestris obvertunt (obvertunt vero omnes) Disco circulari perpetuo videntur, quod nulli Figuræ præter sphæricam contingere potest.

Licet Planetarum Figura sphærica sit, si integrum aliquem spectes Planetam, hoc non impedit quin inæqualitates aliquæ (cæque, si cum rebus nostris comparantur, satis magnæ) in illorum superficiebus reperiuntur, ex causis particularibus prope eorum superficies in partes jam induratas & solidas vires suas exercentibus ortæ; quales & in Terra nostra reperiuntur & in Luna, sed quæ ipsorum Globorum respectu pro nullis merito habentur, eorumque rotunditati non officiunt.

In investiganda Satellitum Magnitudine & Densitate, Lunæ nostræ exemplum adducemus, ad cuius normam in reliquis procedere licebit.

PRO.

Lunæ Magnitudinem definire.

Quoniam Lunæ Distantia angulusque sub quo apparet ex præcedentibus cognita habentur, hoc est (referente $\triangle ABC$ Lunam, cuius centrum L , & O oculus) recta OL & angulus AOB , huiusque proinde semissis AOL ; in triangulo LAO rectangulo ad A invenietur LA Lunæ Semidiameter: vel brevius sic: Diameter Lunæ est ad Diametrum Terræ ut Semidiameter Lunæ apparens cognita ad notam Lunæ Parallaxin horizontalem, uti patet. Luna autem ipsa est ad Terram (per Prop. XVIII. El. XII.) in triplicata ratione suæ Diametri ad Diametrum Terræ, ac proinde definitur. Q. E. F.




Satellitum Jovialium & Saturniorum Magnitudo similiter definitur ex cognitis Distantia & angulo quem quisque subtendit.

PROPOSITIO LX.

Quantitatem materiæ in Luna definire respectu Quantitatis materiæ in Terra.

Designet s Solem; ABC Orbem magnum, in cuius circumferentia commune centrum gravitatis Telluris T & Lunæ L circumferatur, sicut Lib. I. explicatum est. Sit A centrum istud noto Tempore Novilunii cuiusdam; B idem illud centrum prope notum Tempus Quadraturæ ex gr. insequentis: Atque ex datis duobus hisce Temporibus dabuntur (per Prop. XVIII. Lib. III.) Solis Loca ex punctis A & B visa: commune enim illud Terræ & Lunæ gravitatis centrum (per Prop. LXIII. Lib. I.) ita Orbem magnum peragrat, ut aræ per radios ad Solem ductos abscissæ sint temporibus proportionales. Observentur Loca Solis & Lunæ à Tellure in t visa. Noti ergo sunt anguli Bts , $As t$: sed prius innotuit AsB ; ergo non latebit Bst . In triangulo igitur Bst datis angulis Bts , Bst & latere sb (Orbis magni lineæ ex Sole ductæ & positione datâ, in Terræ Diametris ex Solis Theoria & Parallaxi cognitâ) innotescet & tb latus in iisdem notis mensuris: Sed ex Lunæ Theoria nota est tl Distantia Lunæ à Terra; nota ergo est (per 1. Dat.) ratio inter tl & tb , adeoque & inter Bt , bl . Porro, ex Mechanicis notissimum est eandem esse rationem gravitatis Lunæ versus longinquum Solem ad gravitatem Terræ versus eundem, hoc est (per Corol. Prop. XLVII. Lib. I.) Quantitatis materiæ in Luna ad Quantitatem materiæ in Terra, atque rectæ Bt ad bl rectam; definita ergo est ratio Quantitatis materiæ in Luna ad Quantitatem materiæ in Terra. Q. E. F.



Temporum ad hanc Observationem instituendam alterum in Solis & Lunæ Syzygia, alterum prope Quadraturam eligitur, ut angulus *BSI* major fiat.

Idem similiter & ex iisdem principiis colligitur ex diversa Semidiametro apparente Solis in Novilunio & Plenilunio; illa enim (cæteris paribus) in Novilunio minor est, in Plenilunio major.

SCHOLIUM.

Inæqualitas prædicta in Motu Terræ, exinde orta quod non ipsa Tellus sed commune centrum gravitatis Terræ & Lunæ in Orbe magno feratur areasque ad Solem describat temporibus proportionales, sese etiam in Planetarum locis observandis ostendit. Est quippe menstrua hæc Parallaxis Martis Achronychii duplo, & Veneris Soli conjunctæ & retrogradæ triplo major quam Solis, (cum in isto casu ille duplo, hæc triplo minus à Terra absit quam Sol;) in cæteris insensibilis fere. Similis quoque inæqualitas in Saturni Jovisque (quos Satellites circumcunt) motibus obtinebit, præsertim cum omnes aut plerique Satellites ab una Primarii parte versantur: sed Primarii isti respectu suorum Satellitum tam ingentes sunt, ut Inæqualitas ista fiat minus sensibilis.

PROPOSITIO LXI.

Rationem Densitatis Lunæ ad Densitatem Telluris definire.

Prop. XLIX. Lib. III. universaliter demonstratum est, quod ratio Densitatis duorum corporum componatur ex directa ratione Quantitatis materiæ in illis & inversa ratione Magnitudinis eorundem; hoc est (in casu præsentis) quod Densitas Lunæ est ad Densitatem Terræ in ratione composita ex ratione Quantitatis materiæ in Luna ad Quantitatem materiæ in Terra & ratione Magnitudinis Terræ ad Magnitudinem Lunæ: Sed per Prop. LIX & LX. dantur binæ rationes componentes; ergo datur ratio ex iis composita, nempe Densitatis Lunæ ad Densitatem Terræ. Q. E. F.

PROPOSITIO LXII.

Definire rationem Gravitatis acceleratricis versus Lunam in ejus superficie ad Gravitationem acceleratricem versus Terram in superficie hujus.

Ex supra ostensis patet, in paribus distantis à centris corporum utcumque inæqualium, modo extra illa, Gravitates acceleratrices esse ut Quantitates materiæ in dictis corporibus; & in distantis inæqualibus à centris corporum æqualium Gravitates acceleratrices esse inverse ut quadrata dictarum distantiarum: Et igitur, licet neque distantie neque ipsa corpora æquantur, ratio Gravitatum acceleratricium versus illa componitur ex ratione directa ipsorum corporum versus quæ gravia tendunt & ratione inversa quadratorum distantiarum ab illorum centris; hoc est (in casu præsentis)

Gravitas

Gravitas acceleratrix versus Lunam in ejus superficie est ad Gravitatem acceleratricem versus Terram in superficie hujus in ratione composita ex ratione Massæ Lunæ ad Massam Terræ & ratione duplicata Semidiametri Terræ ad Semidiametrum Lunæ, (nam distantie superficialium à centrīs sunt sphaerarum Semidiametri:) datur autem rationum componentium prior per Prop. LX. & posterior per Prop. LIX; & igitur non latebit ratio composita, nempe ratio Gravitatis acceleratricis in superficie Lunæ ad Gravitatem acceleratricem in superficie Terræ.

Similibus Observationibus eademque ratiocinatione Satellitum Jovialium & Saturniorum Massæ & Densitates respectu suorum Primariorum definiuntur: cumque horum Massæ & Densitates respectu harum qualitatum in Tellure Propp. XLVIII & XLIX. Lib. III. definiuntur; definitæ habentur Massæ, Densitas Gravitæque acceleratrix ad superficies Planetarum Systemate Solari contentorum.

SECTIO XII.

De Figura Satellitum & Primariorum ex mutua Gravitate oriunda.

Licet montes vallesque Terrestræ, & eminentiæ cavitatesque Lunares (quas evincunt illarum Umbræ pro diverso Solis situ in has projici visæ) corporum horum rotunditatem non tollant, ut superius est dictum; quædam tamen universales sunt à figura sphaERICA deviationes non dissimulandæ: ex. gr. illa in sphaeroidem prolatam, quam corporibus quibuscvis fluidis circa proprios axes rotatis competere ostensum est Prop. XXXI. Lib. I. Verum ob rotationis tarditatem in Globo Lunari, quippe quæ non nisi Mense periodico absolvitur, deviatio à figura sphaERICA illinc orta insensibilis admodum erit, si cum simili deviatione in Terra comparetur, ut ostendetur Prop. insequente.

Propter aliam rationem Luna figuram sphaeroidem oblongam induit, cujus axis productus per Terræ centrum transit. Cumque hujusce figuræ insignes sint causæ nec minores effectus, illam altius repetere æquum erit; præsertim cum eadem operâ explicandum sit Phenomenon Æstivæ Maris, quod inter ea quæ in Tellure contingunt celebratissimum est originisque (ut ostendetur) Cœlestis.

PROPOSITIO LXIII.

Figuram Sphaeroidem prolatam Lunæ definire.

Problema hoc eodem modo solvitur quo Prop. LIII. Lib. III. ubi aliorum Planetarum figura determinatur: Habetur enim ratio inter Diametros Lunæ & Terræ per Prop. LIX, item ratio Temporum revolutionis Lunæ & Terræ circa proprios Axes per Prop. LVI; habetur igitur (per Prop. XXVI. Lib. I.) ratio Vis centrifugæ in Æ-

quatore Lunæ ad confimilem Vim in *Æquatore Terræ*: Sed datur (per Prop. LII. Lib. III.) ratio inter Vim centrifugam in *Æquatore Terræ* & Gravitationem in *Terræ superficie*, & ex Prop. LXII. datur ratio Gravitationis in *Terræ superficie* ad Gravitationem in superficie Lunæ; & igitur data erit ratio ex tribus hiſce compoſita, nempe ratio Vis centrifugæ in *Æquatore Lunæ* ad Gravitationem verſus Lunæ centrum quæ in ejus ſuperficie obtinet, quæ (in dicta Prop. LII. Lib. III.) oſtenſa eſt eadem cum ratione exceſſûs Diametri Lunæ ſecundum ejus *Æquatorem* ad Lunæ Axem. Ideoque (per 6. *Dat.*) dabitur ratio inter Lunæ Axem & ejus Diametrum quamvis Axi normalem; hoc eſt, inter axes Ellipſis cujus rotatione circa axem minorem fit Sphærois prolata Lunæ ſimilis.


Ratio prædicta rationem æqualitatis adeo appropinquat, ut Lunæ Figura ſphæroides prolata, hinc oriunda, parum admodum differat à ſphærica.

PROPOSITIO LXIV.

Si Telluris Globus ubique profundo Mari opertus eſet, indueret hic Figuram ſphæroidem oblongam fere, cujus axis productus per Lunam tranſiret.

Designet circulus centro *T* Tellurem, circulus centro *L* Lunam: Patet, quod ſi nulla eſſet actio Lunæ nec alterius cujuſvis extranei corporis in Tellurem, hanc cum undique fluido aperta ſit ſphæricam eſſe, niſi quatenus ab hac deviat propter rationes Prop. XXXI. Lib. I. indicatas, de qua deviatione hic non agitur. Verum, quoniam Telluris partes ſingulæ graves ſunt in Lunam, & gravitas verſus Lunam (ſicut verſus corpus aliud quodvis) eſt reciproce ut quadratum diſtantiæ ab illius centro; ſi (ut in Prop. LX. Lib. I. & Prop. I. Lib. IV. fuſe explicatum eſt) recta *LT* exponat Gravitationem acceleratricem corporis in *Terræ* centro locati verſus Lunam, ſitque (in fig. I.) *E* quolibet Fluidi marini particula, ſi porro in recta *LE* (cave producta) ſumatur *LK* æqualis *LT*, & *LF* quæ ſit ad *LK* in duplicata ratione *LK* ad *LE*; exponet *LF* Gravitationem corporis ad *E* locati verſus *L*, quæ (ut vulgo notum) dividitur in Vires ut *FG* & *GL* & cum iis directionibus: Si autem à *Vi* illa qua corpus ad *E* poſitum urgetur, quæ eſt ut *GL*, auferatur Vis ut *TL* quâ *Terræ* centrum unaque integra Tellus verſus Lunam urgetur; relinquentur Vires ut *FG* & *GT* & cum directionibus *FG* & *GT*, quibus corpus ad *E* poſitum urgetur, præter Vim propriæ Gravitationis quâ *E* verſus *Terræ* centrum tendit.

In



In fig. 2. reliquis manentibus fit c punctum Telluris cui Luna est in Zenith, & A cujus Nadir Luna tenet, B & D puncta circumcirca (five potius circulus) quibus Luna est in Horizonte. Liqueat quod punctum G maxime distat à T cum punctum E est aut in c aut in A ; in priori casu G migret in M , in posteriori in N . Cum vero punctum E invenitur in circulo BD , punctum G coincidit fere cum T , nullaque in fluidi partibus in dicto circulo BD versantibus relinquitur Vis præter illam Gravitatis propriæ & alteram illam ut FG cum directione FG ; ipsa vero FG in hoc casu fit BT aut DT , puncto F cum K coincidente. Particulæ igitur fluidi ad c & A , cum præter Gravitatem propriam versus centrum T urgentur, illæ quidem Vi ut MT cum directione ab M versus T , hoc est, à c versus T ; hæc vero Vi ut NT cum directione ab N versus T , hoc est, ab A versus T ; non erunt tam graves versus centrum T atque si Vis à Luna orta abesset: Sed particulæ ad c versus Lunam attrahuntur magis quam Terra integra quæ in centro T locata intelligitur; & particulæ ad A versus Lunam attrahuntur minus quam Terra integra in T , & proinde post Terram quasi relictæ similiter afficiuntur atque si ad partes contrarias versus M traherentur: particulæ vero in circulo BD , cujus incolis Luna Horizontem tenet, graviore sunt versus T ; nam præter Gravitatem propriam alia ut BT vel DT à Vi Lunæ oriunda superadditur cum directione à B vel D versus T . In locis inter A vel c & B vel D intermediis particulæ conditionibus utrisque præditæ sunt, quarum hæc vel illa prævalet prout his vel illis sunt viciniore; nempe quo propiores sunt fluidi Terrestris partes punctis c & A eo minus graves sunt, actione nempe Lunæ (sc. Vi ut GT) Vim propriæ Gravitatis versus T minuente, & quo propiores sunt punctis B & D eo graviore sunt, eadem actione Lunari Gravitatem propriam in hoc casu augente per Vim ut FG . Cum vero Globus $ABCD$ fluido satis profundo undique opertus ponatur, hoc est, cujus particulæ aliæ aliis facile cedunt, & motum quæque proprium libere peragit; patet fluidum ad A & c positum à fluido in B & D extrudendum, levius à graviore, uti per Hydrostaticæ leges oportet. Exstabit igitur fluidum ad A & c & prope illa five attolletur & subsidebit in BD circulo & prope hunc, donec illius major moles & altitudo ab huius majore Gravitate compensatæ æquilibrium efficiant; formabiturque Tellus, fluido undique satis profundo operta, in Figuram sphaeroidem oblongam quasi, cujus axis est Ac recta quæ producta per Lunam transit. $Q. E. D.$

SCHOLIUM.

Ob eandem rationem Fluidum Terrestre Figuram induet sphaeroidem fere oblongam, cujus axis productus per Solem transit: Nam si in præcedente ratiocinatione corpus L non Lunam sed Solem designet, patet propositum. At sphaeroidis huius axis non tantum excedit diametros illi normales, quam in illa quam Luna producit. Quoniam enim Fluidi elevatio ad c sub Luna L exinde provenit, quod hoc gravius sit versus Lunam quam ipsa Tellus quæ ad T

consistere

consistere censetur, quippe vicinius; ejus vero elevatio in puncto Λ exinde, quod Terra ad τ gravior sit ad Lunam quam Fluidum ad Λ , utpote vicinior; adeo ut Fluidum ad c à Luna proleclatum (ut *Kepleri* verbo utar) Tellurem post se relinquat, Fluidum vero ad Λ à Terra quasi relinquitur: si hoc à Solis actione proveniat, effectus non erunt adeo sensibiles, quia Terræ Semidiameter τc vel $\tau \Lambda$ evanescit fere respectu Distantiæ immensæ inter Terram & Solem, quæ respectu Distantiæ inter Terram & Lunam (quæ triginta Diametros Terrestris vix excedit) satis fit sensibilis; & ideo fluidi ad c gravitas insensibiliter major versus Solem quam ad τ , & ad Λ positi insensibiliter quam ad τ minor; unde Figura sphæroides hinc facta parum supra ipsam sphæram elevabitur ad vertices c & Λ , parumque in circulo BD infra eandem deprimetur. Aliqua tamen erit hæc Fluidi Terrestris elevatio in c & Λ depressioque in BD circulo, propter immensas immensi corporis Solaris etiam longissime distantis vires.

PROPOSITIO LXV.

Maris Fluxus & Refluxus fit ex Fluidi Telluris Globum operientis Figuris sphæroidibus oblongis, quarum axes producti per Lunam & Solem transeunt.

Primus (quod sciam) *Æstus* Maris veram hanc causam attigit *Jo. Keplerus*, qui illam pluribus explicat in *Introductione ad Physicam Cælestem commentariis de Motibus Stellæ Martis* traditam, ubi postquam cujusvis corporis Gravitationem in quodvis universaliter ostendit, sic scribit: *Orbis virtutis tractoriæ, quæ est in Luna, porrigitur usque ad Terras, & proleclat aquas sub Zonam Torridam, quippe in occursum suum quacunque in verticem loci incidit, insensibiliter in maribus inclusis, sensibiliter ubi sunt latissimi alvei Oceani, aquisque spaciola reciprocationis libertas; & in Astr. Lun. Pag. 70. sic: At æstuum maris causæ videntur esse corpora Solis & Lunæ trahentia aquas maris.* Illam postea excepit & incrementis immensis ditatam suam jure fecit summus Philosophus *D. J. Newton*, qui aquas Maris intumescere ostendit & sub Luna & loco huic opposito: *Keplerus* enim credebatur quod *Impetus* præsentis Lunæ factus gignit per absentiam Lunæ, impetum alium; donec Luna rediens, fræna impetûs hujus recipiat, modereturque, & una cum suo motu circumagat. Sphæroides igitur hæc figura, quæ ultra sphæram (duorum montium instar & sub Luna & in loco huic opposito) exstat, una cum Luna (quam sequitur) motu diurno circumacta, (sive potius, secundum rei veritatem, Tellus in Orientem rotata subducens se hisce eminentiis aquarum, quæ sub Luna motu proprio lente in Orientem lata immotæ quasi consistunt,) a quam in suo itinere bis intumescere facit totiesque detumescere spatio 25 horarum, quo Luna à cujusvis Loci Meridiano digressa ad eundem redit.

Quoniam vero. (per Schol. Prop. præc.) Fluidum Terrestre tumet etiam

etiam in Locis quibus Sol in Zenith aut Nadir reperitur, licet multo minus quam ubi Luna similiter locatur; in Luminarium Conjunctione & Oppositione conjungentur etiam prædictæ aquarum eminentiæ, fietque elevatio omnium maxima, maximaque etiam depressio, cum Luminaria Horizontem simul attingunt, quia aqua per utriusque Vim tunc elevatur, nunc deprimitur. In Luminarium Quadraturis Sol attollit aquam ubi Luna deprimit, deprimitque ubi Luna attollit; & ex Virium differentia aquarum elevatio omnium minima oritur, minimaque etiam depressio. Inter Luminarium Syzygias & Quadraturas effectus producuntur inter prædictos intermediis, ut æquum est.

Si Luna in Æquinoctiali circulo versetur, aquarum eminentiæ binæ oppositæ Æquatorem Terrestrem tenebunt, & utraque maximum illum Telluris circulum motu suo describens magis agitabitur, & proinde ad littora appellens altius elevabitur ad illa; præterquam quod, Æquatoris Terrestris diametro majore existente quam recta quævis alia per Terræ centrum traducta & utrinque ad ejus superficiem terminata, aqua per Luminarium Vires (cæteris paribus) in illo ad majorem altitudinem elevabitur quam alibi. Et igitur cum Luminaria duo, in Æquatore conjuncta aut opposita, Vires suas ad Mare in Æquatore Terrestri elevandum jungunt, quod fit in Syzygiis Æquinoctio proximis, hoc est, Mense *Martio* & *Septembri* contingentibus; Æstus tum producti erunt omnium maximi & agitatissimi, Æstusque, qui dictis Mensibus in Luminarium Quadraturis contingunt, erunt omnium minimi minimeque agitati; effectus quippe differentię Virium Lunæ ab Æquatore maxime declinantis (nempe quæ Soli in Æquatore posito est in aspectu Quadrato, ac proinde in Solstitialibus Zodiaci punctis) & proinde Æstum minimum minimeque agitatum producentis, & Solis non declinantis Æstumque adeo maximum maximeque agitatum causantis; cujus contrarium accidit circa Solstitia, cum Æstus minimi in Luminarium Syzygiis contingunt (minimi inquam illorum qui in Syzygiis contingunt) maximique (eodem sensu) in eorum Quadraturis.

Rursus, Æstus (cæteris paribus) maximi sunt dum Luminaria sunt in Perigæo, minimi dum in Apogæo; cumque istud Lunæ accidat quovis Lunationis tempore, Soli autem Hyeme tantum, hoc prioribus junctum efficit ut Æstus maximi in Syzygiis & minimi in proximis Quadraturis præcedant Æquinoctium vernum & sequantur Æquinoctium autumnale.

Hucusque Æstum proprietates consideravimus quatenus universum Telluris globum afficiunt: restat nunc ut eas consideremus quæ à diversarum habitationum Latitudine diversa procedunt. In quem finem referat *BEKAQH* Tellurem, cujus centrum *T*, Poli *A* & *B*, hic borealis ille australis, *EQ* Æquator, & huic paralleli duo circuli *CD*, *FG*, quorum hic versus Boream fit, ille versus Austrum. Fluidum Telluri circumfufum ad præsentiam Lunæ se disponat

in sphæroidem figuram oblongam, cujus axis κH productus ad partes H per Lunam transeat, ut Prop. præc. ostensum est; erit recta TH vel TK maxima aquæ Altitudo (computando à centro) & TM vel TN minima, eadem nempe cum Altitudine aquæ in quovis circuli NM puncto, v. g. x vel y , ubi parallelis CD & FG occurrit. Rectæ TC , TF , TD & TG aquæ Altitudinem in respectivis punctis c , f , d & g designabunt; ductoque PO circulo ad circumulum NM parallelo, erit recta TO æqualis Altitudini aquæ in punctis o , v , s , r & p , ubi dictus circulus PO cum Æquatore & parallelis respectivis concurrit. Hisce



positis, consideremus Locum motu diurno parallelum CD describentem: patet, cum Locus hic in D versatur, Altitudinem Maris TD esse maximam, hoc est, Æstum esse cum Luna L Meridianum tenet; postea vero Altitudinem aquæ ibi esse minimam, cum dictus Locus revolvendo ad punctum x pervenit, uti prius est ostensum; rursusque Æstum esse cum Locus ad c appellit. Sed quia TD major est quam TC (nempe longissimæ TH propior) erit in casu præsentis, cum Luna ad Polum elevatum declinat, Altitudo Maris major cum Luna est in Meridiano supra Horizontem quam cum Luna Meridianum infra eundem tenet. Similiter TG minor est quam TF , quippe minimæ TM propior; hoc est, in Loco parallelum FG motu diurno describente Altitudo aquæ maxima, contingens dum Luna versus Polum depresso A declinans Meridianum supra Horizontem tenet, minor est quam ejus Altitudo maxima, quæ fit dum Luna ad Meridiani alteram medietatem pertingit.

Porro, Æstus prædicti alternis vicibus majoris & minoris (in Loco quovis extra Æquatorem posito, prout Luna ad Meridiani partem conspicuam aut latentem appellit) differentia major erit, si cum causis quibusdam prius explicatis similemque effectum fortientibus conjungantur, *ex. gr.* Solstitiorum tempore; tunc enim in Syzygiis utrumque Luminare ab Æquatore maxime declinat, à qua Declinatione Æstum alternationem pendere ostensum est. Atque effectus adhuc augebitur, si Orbitæ Lunarum Nodus ascendens Æquinoctium vernum etiam occupat; tunc enim Luna Soli conjuncta, ultra Declinationem Solis Declinationi maximæ æqualem, Latitudinis maximæ (in Limite nempe) quantitate magis adhuc in Boream aut Austrum declinat.

Hæc omnia ita se habent, si globus Telluris undique aquâ fatis profundâ tegatur: Verum propter Insulas tam majores quam minores Æstum inhibentes, atque hisce intermedia Freta, item Vada Syrtisque, per quæ Æstus sunt propagandi, infinita fere oritur hu-

jus

jus Phænomeni varietas. At omnium horum situ respectuque ad invicem probe notis, & Observationibus de Maris Æstu exacte institutis, nullum est dubium quin horum ratio ex prædictis facile & naturaliter fluat. Verum cum hæc non sint nostri instituti, immo hæcenus ostensa non nisi tanquam Lemmata ad Lunæ figuram determinandam consignentur, particularibus hujusmodi prosequendis abstinemus.

PROPOSITIO LXVI. LEMMA.

SI Globus Lunæ ubique profundo Mari nostro simili opertus esset, indueret hic figuram sphæroidem oblongam, cujus axis productus per Terram transiret: & Altitudo fluidi Lunaris, in partibus ceterioribus & ulterioribus Lunæ, supra sphæram sphæroidi inscriptam esset ad Alitudinem analogam Maris nostri in partibus Lunæ subjectis & hisce, è diametro oppositis, supra sphæram inscriptam sphæroidi, in ratione composita ex ratione gravitatis acceleratricis Lunæ in Terram ad gravitatem acceleratricem Terræ in Lunam, & ratione Diametri Lunæ ad Diametrum Terræ.

Quod fluidum Lunare in sphæroidem figuram affurgeret, cujus axis per Terram transiret, patet iisdem argumentis, quibus Prop. LXIV. probavimus fluidum Terrestre hujusmodi figuram induere. Cum enim Lib. I. satis sit ostensa gravitas omnium corporum in omnia, merito cum *Keplero* in *Astr. Lunar.* quærendum esset; Quid impedit igitur quin dicamus Terram etiam Lunares aquas trahere sicut Luna Terrestris? Porro, si gravitas acceleratrix Terræ in Lunam æqualis esset gravitati acceleratrici Lunæ in Terram, (hoc est, si æqualis esset materiæ quantitas in Luna & in Terra;) patet fluida æquidensa, quibus isti duo globi teguntur, se conformatura in figuras sphæroides similes. Nulla enim vel excogitari potest ratio, quare alterius globi fluidum in acutiorem sphæroidem figuram attollatur: Nam præter solam molem, in casu præsentē, omnia hinc inde æquantur. Et cum omnia ad omnimodam Æqua-



litem producendam necessaria possunt præter Molem, loco omnimodæ Æqualitatis produceretur Similitudo ejus succedanea. Figuræ in schemate designent figuras sphæroides similes in quas

Ccc 2

Luna

Luna (cujus centrum L) Terraque (cujus centrum T) æqualis massæ fluida alterna eleventur; figurarum harum axes LB, TA in directum jacerent per Prop. LXIV. Si sphæroidibus hisce inscriptæ concipiantur sphæræ FD, EC axes in c & d interfecantes, erit ob figurarum sphæroidum in casu præsentis similitudinem BL ad LF ut TA ad TE, & dividendo BD ad LF sicut AC ad TE, & vicissim BD ad AC sicut LF ad TE; hoc est, si æqualis esset gravitas acceleratrix Terræ in Lunam atque Lunæ in Terram, elevatio fluidi Lunaris, in partibus proximis & remotissimis supra sphæram inscriptam, esset ad elevationem fluidi Terrestris analogam, in locis Lunæ subiectis & hisce oppositis, ut Diameter Lunæ ad Diametrum Terræ. Rursus, si Terra ac Luna æquales haberent Diametros, Altitudines supra inscriptas sphæras, ad quas fluida æquidensa eleventur, essent ut gravitates acceleratrices in ipsa corpora trahentia; hoc est, sphæroidis Altitudo, ad quam elevatur fluidum Lunare supra sphæram, in partibus Telluri proximis & ab illa remotissimis, esset ad confimilem Altitudinem sphæroidis aqueæ supra inscriptam sphæram, ad quam elevatur fluidum Terrestre, ut gravitas acceleratrix Lunæ in Terram ad gravitatem acceleratricem Terræ in Lunam. Et igitur, licet neque gravitas acceleratrix Terræ in Lunam æqualis sit gravitati acceleratrici Lunæ in Terram, nec Diameter Lunæ Diametro Terræ æqualis; erit Altitudo fluidi Lunaris supra inscriptam sphæroidi sphæram, in partibus ceterioribus & ulterioribus Lunæ, ad analogam Altitudinem, ad quam Mare nostrum in partibus Lunæ subiectis & hisce è Diametro oppositis supra inscriptam sphæroidi sphæram elevatur, in ratione composita ex ratione Diametri Lunæ ad Diametrum Terræ & ratione gravitatis acceleratricis Lunæ in Terram ad gravitatem acceleratricem Terræ in Lunam. Q. E. D.

PROPOSITIO LXVII.

Figuram sphæroidem oblongam Lunæ definire.

Superius ostensum est & Lunam aliquando fuisse fluido undique tectam (quod ex illius figura sphærica patet) & fluidum hoc fuisse sphæroidis figuræ oblongæ, cujus axis per Terram transit. Quoniam autem eadem sere Lunæ facies Terræ perpetuo obvertitur, (quod propter Periodum Lunæ circa proprium Axem ejus Periodo circa Terram æqualem contingit, ut Prop. LVIII. ostensum est,) eminentiarum hujus sphæroidis extra globum Lunæ idem erit perpetuo in superficie Lunæ situs. Indurescente proinde paulatim Lunæ materiâ fluidâ seu molli, sphæroidis hujus eminentiæ in Lunæ superficie quiescentes etiam induruerunt, ipsaque Luna ex molli dura facta hanc figuram sphæroidem oblongam retinet; secus atque in Terra fit, in qua sphæroidis fluidæ eminentiæ extra inscriptam sphæram, propter Telluris motum circa proprium Axem pernecem, circa Tellurem perpetuo rotantur fluiditatemque conservant.

Ad

Ad sphaeroidis hujus figuræ speciem determinandam, advertatur demonstratum esse in Prop. præc. excessum axis sphaeroidis oblongæ supra diametrum huic normalem esse ad excessum Altitudinis maximæ Maris nostri à viribus solius Lunæ factæ supra minimam in ratione composita ex ratione gravitatis acceleratricis Lunæ in Terram ad gravitatem acceleratricem Terræ in Lunam, & ratione Diametri Lunæ ad Diametrum Terræ: Sed datur utraque ratio componens, prior ex Prop. LXII, posterior ex Prop. LIX; datur igitur composita, nempe ratio excessus axis sphaeroidis Lunæ supra diametrum illi normalem ad excessum Altitudinis maximæ Maris nostri à solius Lunæ viribus factæ supra minimam. Datur autem excessus hic per observationem; ergo & ille, nempe excessus axis sphaeroidis Lunarum supra Diametrum illi normalem: datur autem ipsa Lunarum Diameter per Prop. LIX; ergo & axis sphaeroidis figuræ quæsitus. Definita igitur est Lunæ figura sphaeroides oblonga. Q. E. F.

Lunæ figura ex sphaeroide prolata Prop. LXIII definita, & oblonga hæc LXVII determinata componitur: At si illius superficies fluido tegeretur, tertia præterea esset figura sphaeroides oblonga facta à Solis Vi perturbante, cujus axis productus per Solem transiret, cujusque proinde eminentiæ, semel in rotatione Lunæ super proprium Axem, integrum Lunæ ambitum peragraret instar Æstus Maris nostri. Hujus elevatio maxima, extra supra definitam figuram Lunarem, esset ad elevationem Maris nostri, à sola Vi Solis factam, ut Diameter Lunæ ad Diametrum Terræ, & proinde nota.

Quæ de Terra ejusque Satellite Luna dicta sunt, vera etiam erunt de Jove & Saturno & eorum Satellitibus, si vel nunc vel olim fluida fuerint ingentia ista corpora: gravitas enim mutua corporum, conatus recedendi ab axe motus in corporibus rotatis & fluidi natura eadem sunt apud Jovem & Saturnum quæ apud Terram.

SECTIO XIII.

De Saturni Annulo, ejusque Phasibus.

Post traditas & demonstratas methodos Geometricas, quibus hucusque observatorum circa Planetas secundarios & eorum Phases rationes explicantur & quantitates determinantur, restat ut eadem fiant respectu Annuli sive Fornicis Saturno circumdati, qui ejus Satellitii pars est, ideoque locum hunc, post alia de Satellitibus explicata, sibi vendicant.


PROPOSITIO LXVIII.

Annuli, quo Saturnus cingitur, Magnitudinem, Figuram & Situm describere.

Annulus, quo Saturnus cingitur, est tenuis, planus, nusquam ipsi Saturni

Saturni globo coherens, ut in figura depingitur; quorum ultimum hinc constat, quod Fixæ inter Saturnum Annulumque per eos spatium cernantur.

Annuli Semidiameter est Saturni Semidiametri dupla sesquiquarta, & interstitium inter Saturni globum & interiorem Annuli limbum gch æqualis Annuli latitudini cd . Hujus superficies duæ, $gdfhc$ hic visa alteraque latens huic parallela, planæ sunt,



non tamen politæ speculi instar, sed lumen Solis in se incidens undiquaque reflectentes. Annuli crassities, five distantia inter prædicta duo plana, sensibilis est licet non admodum magna: Solis radios in se incidentes aut non omnino aut parum admodum reflectit, vel saltem speculi instar ab uno puncto divergentes & Terram non attingentes.

Annulus hic (qui propter gravitatem versus Saturni centrum, Fornicis instar, æquali undique à Saturno intervallo sustinetur) si omnino revolvitur, circa Axem suum five rectam ex centro ad ipsius facies parallelas normalem revolvitur, adeoque eminus spectanti propter ejus uniformitatem pro quiescente habetur. Ipsum Saturnum circa eundem Axem super Polos P, p etiam revolvi admodum est verisimile; adeo ut Annulus, in Æquatoris Saturnii plano producto, Planetam hunc circumstet ad distantiam ab ejus superficie paulo majorem quam est Diametri quadrans.

Hæc omnia ad Oculum melioris notæ Telescopio adjutum patent, & ope Micrometri mensurantur; id est, cum Saturni Globo comparantur.

Saturnus Annulo cinctus in Orbita sua circa Solem eodem modo desertur atque Tellus in sua, quem Prop. xxx. Lib. I. descripsimus; nempe Annulus, adeoque etiam Saturni Æquator forte in hujus plano & Axis parallelus feruntur; & planum Annuli eodem semper angulo, nempe $23\frac{1}{2}$ graduum, ad immotum planum Eclipticæ inclinatur, ac proinde eodem semper ad planum Orbis Saturni.

Communis plani Eclipticæ planique Annuli Saturni intersectio Eclipticæ occurrebat circa Annum 1659, in $20\frac{1}{2}$ grad. Virginis & $20\frac{1}{2}$ grad. Piscium, ex observatione *Christiani Hugenii*: nam in istis punctis constitutus, tum temporis Saturnus Anis five Anulo

nulo orbatus spectabatur; in 201 gradu Geminorum & Sagittarii, à prioribus sc. remotissimis punctis, Ansæ maxime expansæ & diductæ cernebantur, quippe Annuli circulus tum minime oblique spectatus latioris Ellipseos speciem induit. Quoniam vero puncta prædicta 201st & * non multum distant à punctis, ubi communis intersectio plani Æquatoris Terrestris cum dicto Eclipticæ plano per Solem transiens Eclipticæ occurrit, & hæc duo plana æqualibus angulis ad planum Eclipticæ inclinantur; erunt hæc duo plana, nempe Æquatoris Annulique Saturnii, inter se fere parallela. Et igitur si ex Terra Annulus hic circularis oblique spectetur, indeque Ellipticus appareat, Ellipsis hujus major axis parallelus fere crit Æquatori Cœlesti.

Prædictam Rectam (quæ est communis intersectio plani Annuli Saturnii & plani Eclipticæ) motu angulari in antecedentia ferri verisimillimum est. Quod si Annulus hic cum Æquatore Saturnio magneticæ aliove quovis modo imperceptibili sit connexus, (nam Observatione constat illum nusquam coherere,) ita ut horum plana in unum semper coincidant; Æquinoctiorum Saturniorum puncta retrocedent: Annulus enim est materia ad Æquatorem Saturni redundans; unde (per Prop. LXIV. Lib. I.) constat istorum punctorum motus in antecedentia eodem modo quo Æquinoctialium punctorum Terrestrium. Quod si, Planetæ secundarii instar, Annulus motus suos peragat independenter à Saturni Globo, Lineæ prædictæ regressus ex Prop. XIV. Lib. IV. constabit.


Porro angulus, quem Annuli planum cum plano Orbis Saturnii continet, major erit per Prop. XV, cum Saturnus in horum communi intersectione reperitur quam alibi; & minimus cum Saturnus inde maxime distat: verum mutationes hæc tam parvæ sunt ut è Terra vix observari queant.

PROPOSITIO LXIX.

Annuli Saturnii Phases è Sole spectatas describere & definire.

Ab illis ordimur quæ fiunt cum Spectatoris oculus coincidit cum corpore illustrante, quippe & simplicioribus & ad alia gradum facientibus. Patet primum, Saturno ex Sole spectato ut in A vel I, (in schemate annexo ubi Saturnum cum Annulo quo cingitur parallelus delatum depinximus, cum specie qua Discus apparet post illum respectivè,) neutram Annuli faciem videri, idque ob duplicem causam: Nam primo, cum in hoc casu Annuli planum productum per Solem transeat, neutra ejus facies illustrabitur, Solis radiis utramque stringentibus tantum, adeoque videri nequit, quippe obscura; deinde, cum Oculus etiam in Sole ponatur, hoc est, in planis videndis productis, facies illæ licet illustratæ non viderentur. Quod si Annuli Acies radios Solares in se incidentes undiquaque Planetarum more reflecteret, in situ prædicto exstarent hinc inde *Brachia lucida* in recta ad Eclipticam angulo 23 1st. inclinata: Cum vero

vero Acies hæc radios non remittat (ut Prop. præc. dictum) Brachia non apparebunt ultra Saturni Discum protensa; sed quâ lucidum Saturni Discum tranfit, lineam efficiet obscuram prædicto modo inclinatam, per Disci centrum traductam: Sed & linea hæc obscura etiam alias apparebit, nunc supra Disci centrum, nunc infra illud incurvata, prout Aciei obscuræ situs postulat.



Procedente Saturno ab A per B, c &c. versus E, vel ab I per K, L &c. versus N, paulatim attollitur Sol supra Annuli faciem, vel hanc vel illam, donec Saturno ad E vel N pervento, planum per Solem & Saturnum traductum, ad Eclipticæ planum normale, Annuli plano etiam normale fuerit, & Sol supra planum Annuli circiter $23\frac{1}{2}^{\circ}$ elevatus; in quo casu facies Annuli illa, quam Sol illustrat, omnium maxime illustratur, ob radiorum Solarium incidentiam tum maxime directam: Et Annuli limbus circularis Oculo in Sole etiam constituto ex Opticæ legibus Ellipsis apparebit, cujus major axis duplus sesquialter est minoris, sicut radius est fere duplus sesquialter finis $23\frac{1}{2}^{\circ}$. Et porro, procedente Saturno ab E per F, G &c. versus I, aut ab N per O, P &c. versus A, paulatim minuitur Solis elevatio supra faciem illustratam, donec tandem neutram denuo illustret, sed utramque suis radiis stringat. In intermedio quovis situ facies illustrata minus aut magis illustrabitur pro minore aut majore distantia Saturni à situ A vel I, & circularis Annulus sub magis contractæ aut magis dilatatæ Ellipsis specie videbitur; ejus nempe major axis erit ubique ad minorem ut radius ad sinum anguli quo recta ex oculo ad ejus centrum ducta inclinatur ad Annuli planum. Prædictus angulus quo Sol (Oculusve in Sole positus) supra Annuli planum elevatur, in quovis Saturni situ (puta c) æqualis est angulo quo Sol supra planum Æquatoris Terrestris elevatur (hoc est, Solis Declinationi ab Æquatore) cum Tellus distat à puncto, ubi Terrestrialis Æquinoctium est, angulo æquali ipsi asc adeoque per Tabulam Declinationis punctorum Eclipticæ facillime invenendus: Nam (per Prop. præc.) maxima Solis elevatio supra planum Æquatoris Terrestris æqualis est maximæ ejus elevationi supra planum Annuli Saturnii.

Saturno

Saturno prope punctum A hærente Annulus minime percipietur, non tantum quia Ellipsis axis minor in isto casu est admodum parvus, sed etiam præcipue quod ob radios Solis admodum oblique incidentes parum illustretur, & proinde Oculo vix sensibilis reddatur. Experientiâ vero constat ad illustrandam Annuli faciem, ita ut videri queat, opus esse ut Sol supra illius planum elevetur tribus ad minimum gradibus; ad istud vero requiritur ut Saturni Locus Heliocentricus distet à loco A vel 1 septem aut octo gradibus: & igitur toto illo tempore quo Saturnus ex Sole spectatus citra vel ultra punctum A vel 1 (jam sæpe descriptum) intra septem aut octo gradus hæret, hoc est, dum in Orbitæ suæ partibus oppositis quindecim istos gradus percurrit, quod totidem circiter menses durat, ejus Annulus & hinc nata Brachia & Ansæ non apparebunt, sed Saturnus rotundus & solitarius videbitur. Verum limites hi diversi erunt pro observantis Oculi diversa acie, diversisque Tubi quo utitur viribus. Atque hæc sunt præcipua Phænomena Annuli quo Saturnus cingitur è Sole spectati; hic modus illa determinandi.

SCHOLIUM.

Ob easdem rationes Viæ Satellitum circa Primarium quemvis revolventium è Sole spectatæ, nunc rectæ apparent nunc Ellipticæ: rectæ quidem, cum linea Nodorum Satellitis producta in Solem incidit; quando etiam Satelles è Sole visus maxime elongatus à suo Primario maxime etiam declinat à Viâ Primarii è Sole visa, quo casu Eclipsis istius Satellitis, in Primarii umbram incurrentis, centralis erit & proinde (cæteris paribus) maxime diuturna, & Umbra Satellitis, inferiorem Orbitæ suæ semicirculum percurrentis, in Primarium incidens per Disci centrum è Sole visum transit. Unde Solis & Satellitis Phænomena, è Primario visa, ad superiorum normam definientur. Extra hunc situm Satellitis Viâ è Sole visa Ellipsis apparebit, (circulus nimirum oblique spectatus,) cujus major axis est in Primarii Viâ visa. Hæc breviorẽ obtinebit axem minorem quo propior est Primarius istis punctis ubi prior Phasis contingit, longiorẽ in quo ab illis remotior; adeoque omnium longissimum (hoc est, ipsa hæc Ellipsis, quam Satellitis Orbita circularis induit, erit latissima) dum Primarius in locis versatur inter prædicta loca mediis; nempe cum recta Solem Primariumque conjungens erit ad Satellitis Orbitæ planum minime obliqua, in quo casu Satelles in maxima Elongatione à suo Primario videbitur in Primarii Viâ è Sole visa; in conjunctione vero cum Primario à dicta Viâ maxime in hanc vel illam partem declinat, prout in superiore vel inferiore Orbitæ suæ semicirculo versatur. Unde Satelles in superiore Orbitæ suæ parte ab Umbræ Primarii axe longissime aberit, & in inferiore Satellitis Umbra à centro Disci Primarii sui è Sole visi quam maxime etiam distabit; ideoque pro inclinatione plani Orbitæ Satellitis ad planum Orbitæ Primarii, proque Orbitæ Satellitis magnitudine, Eclipses illinc ortæ erunt (cæteris paribus) vel brevissimæ, vel forsân nullæ. In locis intermediis Satellitis

D d d

Via


Via circa Primarium è Sole visa erit Ellipsis minus lata, prædictaque omnia miscebuntur. Atque Phases hæ omnes contingent bis in una revolutione Primarii circa Solem, si Nodorum Linea sibi semper parallela maneat; sin hæc moveatur, continget Phasium varietas omnis, ex quo ista Nodorum Linea producta in Solem incidit, donec rursus versus eundem dirigatur. Et è converso, ex istis Eclipsium vel longissimarum vel brevissimarum observationibus, lineæ Nodorum Satellitis positio & plani Orbitæ Satellitis ad planum Orbitæ Primarii inclinatio definientur.

PROPOSITIO LXX.

Annuli Saturnii Phases à Terra spectatas describere & definire.

Licet Annuli Saturnii Phases è Sole spectatæ sint fere eadem cum ejus Phasibus è Tellure spectatis, (quia Saturni locus Geocentricus ab ejusdem loco Heliocentrico, etiam cum maxime, vix distat sex gradibus,) & proinde per Prop.præc. definiendæ; cum tamen in quibusdam differant, præcipue Saturno rotundo apparente, illarum differentias breviter ostendemus.

Sit ut prius s Sol, *ABIN* Orbita Saturni, *DECT* Orbita Telluris annua; (neque enim ejus inclinationem ad Orbem Saturni, quippe admodum parvam, hic consideramus;) sintque *A* & *I* loca Orbitæ Saturni, in quibus Saturnus existit cum Annuli sui planum productum per Solem transit, & Equinoctium in Saturno fit, si Annulus sit in plano Equatoris & Saturnus circa proprium axem rotetur. Patet quod, Saturno in *A* vel *I* posito, Annulus non cernetur ab Oculo in Terra in quacunque Orbitæ suæ parte Tellus consistat: Nam cum neutra Annuli facies à Sole in hoc casu illustretur, neutra ab Oculo videbitur, licet satis supra illius planum elevato. Sola Annuli acies illustratur, quæ tamen non videtur, quia radios (saltem ad Terram pertingentes) non repercutit: hæc tamen, qua lucidum Saturni Discum transit, nigricans sive obscura linea apparet ob rationes Prop. præc. explicatas.



Porro si, Saturno ad *B* progresso, Tellus sit in Orbitæ suæ puncto *c*, tali ut *Bc* sit parallela ad *AI*, Saturnus etiamnum rotundus apparebit: Nam licet Annuli facies altera à Sole in hoc casu illustretur, Oculi Telluri affixus in Annuli plano producto etiamnum reperitur, ideoque illam non videt, sed solam Annuli aciem obscuram sibi obversam habet. Hoc accidit quando Saturnus ex Terra spectatus ad easdem Fixas refertur, ad quas referebatur per Oculum in Sole positum cum Sol in Annuli plano producto

reperi-

reperiretur; hoc est, quando Saturni Locus Geocentricus idem est cum ejus loco Heliocentrico, cum Sol est in Annuli plano producto, quod ex Tabulis Astronomicis facillime dignoscitur.

Rursus, ponatur Saturnus in situ H , Tellus in E , ita ut Annuli planum, sive potius hujus communis sectio cum plano Orbis Saturni recta HM , ipsi IA parallela, producta inter Solem S & Terram E cadat, quod fiet ubi Saturni Locus Geocentricus & ejusdem Locus Heliocentricus sunt ad diversas partes Loci supra Prop. LXVIII. descripti, ubi Annuli planum productum in Solem Terramve incidit, quod ex Tabulis Astronomicis, Ephemeridibus præsertim, statim constat; nam SH recta Saturni Locum Heliocentricum ostendens cadit ad unas rectæ HM partes, & EH ostendens ejus Locum Geocentricum cadit ad alteras ejusdem rectæ partes: In hoc, inquam, casu Spectator Terrestres Annulum non videbit, (præterquam quod linea nigricans lucidum Saturni Discum transit,) quia illam Annuli faciem, quæ Solis radiis exponitur, conspiciere nequit; quippe ab ipso averfam. Obversa etenim Terræ, in hoc casu, est facies illa quæ nunc umbræ vices patitur.

Contra, cum rectæ TN , SN ad Saturnum ex Sole & Terraeductæ ad easdem prædictæ NR (communis sectionis planorum Annuli Orbisque Saturni) partes cadunt, sicut fit cum Saturnus est in N ; hoc est, cum Locus Saturni Geocentricus ejusdemque Locus Heliocentricus ad easdem partes sunt respectu Loci supra descripti, ubi Annuli planum productum in Solem incidit; tum eadem facies Annuli Soli & Terræ obvertitur, ac proinde (si per alias rationes Prop. præc. explicatas liceat) facies illustrata visâ Saturno Brachia Ansæve præstare videbitur: Nempe si Sol Annuli faciem satis illustret, ut ejus lumen Oculum afficiat; hoc est, si tribus gradibus aut amplius supra Annuli planum attollatur, sive Saturnus octo gradus aut amplius a puncto A vel I absit, & Terra etiam uno circiter gradu aut amplius supra eandem faciem elevetur, (nam etiam sensibili aliquâ opus est Oculi elevatione supra planum Annuli, ne Ellipsis, quam Annulus refert, tenuissimæ lineæ similitudinem præferat, adeoque exiliorem emittat lucem quam quæ Oculum movere possit;) hoc est, si Saturni Locus Geocentricus tribus gradibus aut amplius distet a loco, ubi Annuli ejus planum productum in Terram incidit, videbitur Annulus, sicuti Prop. præc. ostensum est.

Ad definiendam speciem Ellipsis quam Annulus quovis tempore refert, advertendum est quod, cum illius planum inclinatum sit ad planum Orbitæ Terræ 23° circiter ubi Annuli circulus maxime directe videtur, Linea Terram dictumque circulum conjungens ad circuli planum in dicto angulo inclinabitur; & proinde in isto casu circulus apparebit Ellipsis, cujus major axis est duplex sesquialter minoris. Porro, in alia quavis inclinatione rectæ Terram & Saturnum conjungentis ad circuli planum, (invenienda ex distantia Loci Saturni Geocentrici ab ejus Loco Geocentrico ubi Annuli planum productum in Terram incidit, ope Tabulæ Declinationis puncto-

rum Eclipticæ, ut supra) major ejus axis erit ad minorem sicut radius ad sinum rectum anguli modo inventi, quo Oculus supra planum Annuli elevatur. Atque hæc sunt præcipuæ Annuli Phasces à Tellure visæ, & hi modi illas definiendi. Q. E. F.

Ejusdem etiam speciei est Ellipsis quæ interiorem Annuli circum refert, quippe in eodem plano cum exteriore: Verum Ellipsis hæc non est eadem cum perforata figura; Annuli enim crassities huic obstat. Perforatæ hujus figuræ citerior semissis eadem est cum prædictæ Ellipseos parte; ulterior vero est æqualis similisque Ellipsis pars axi paulo propius admota, ut ex figura Prop. LXVIII patet.

SCHOLIUM.

Ad eundem modum ex figura viæ sive semitæ Satellitis circa suum Primarium è Sole visæ, per Prop. præc. determinata, determinabitur ejusdem figura è Tellure ad Tempus propositum visa. Patet enim Satellitem Telluris incolæ videri Rectam descripsisse, cum Tellus in Orbitæ Satellitis plano reperitur, licet Sol tum temporis in eadem non versetur; & Ellipsin (quam in omni alio casu refert) ad circumulum maxime accedere, cum recta Terram & Primarium conjungens minime obliqua est ad planum Orbitæ Satellitis, licet recta à Sole ad Primarium ad idem planum tum temporis non sit minime obliqua. Et è converso, ex dictarum Phasium observatione definietur situs Linæ Nodorum, & Inclinatio plani Orbitæ Satellitis ad planum Orbitæ quam Primarius circa Solem describit.

Porro, eadem vera sunt de apparente semita Maculæ sive alterius cujusvis visibilis notæ in Planetæ primarii ipsiusve Solis superficie & circa ejus Axem rotatæ, vel de talium notarum serie circulari: apparebit enim, ex Optices legibus, circulus hic nunc Recta nunc Ellipsis, prout Tellus in ejus plano producto versatur vel extra illud.

ASTRONOMIÆ PHYSICÆ & GEOMETRICÆ ELEMENTA.

LIBER QUINTUS

De Cometis.

Explicatis Planetarum tum primariorum cum secundariorum motibus, & Phænomenis inde ortis, ad alterius generis corporum nempe Cometarum motus explicandos progredimur, quorum plures species ab Auctoribus numerantur: illos quippe dividunt secundum colores varios quibus fulgere cernuntur, Planetasque quos ita æmulantur, & Caudarum quas emittunt figuras. Nos qui Astronomica non Astrologica tractamus, horum unicum tantum genus agnoscimus, qui pro diversitate vaporis Caudam constituentis, ipsiusque Cometæ sitûs respectu Solis, diversas istas facies ostendunt.

In his tractandis primo Physica quædam expediemus, ut ad Geometrica, ipsam nempe Orbitam determinandam, accedamus postea. In Physicis tractandis opiniones quasdam & Philosophorum placita postea rejicienda recensere necesse erit, ut amplectenda melius intelligantur. Quod autem istud, in Libris præcedentibus consulto omis- sum, in hoc fiat, ignoscet Lector: neque enim Cometarum Theoria Geometrarum curas hætenus adeo exercuit atque Fixarum Plan- etarumque.

SECTIO I.

Generalia de Cometis.

PROPOSITIO I.

Philosophorum placita de Cometarum Duratione & Loco bre- viter exponere.

Philosophi vetustissimi iidemque Astronomi Cometas esse æterna Mundi Corpora credidere, Planetarum instar, gyros suos statis temporibus complementia: Nam *Aristoteles Lib. 1. Meteor. Cap. 6.* de Cometa verba faciens ait, *Τῶν δὲ Ἰταλικῶν πῶς ἡ τελευτὴν Πυθαγορεῖται, ὅτι λέ- γουσι αὐτοὶ εἶναι τὴν πλειονὴν ἀέρος, ὥστε οὕτως πολλὴν πρὸς χρόνον τὴν φασασίαν αὐτῶν εἶναι ἢ τὴν ἀσβεστικὴν ὡς μὲν, ὅτι συμβαίνει ἢ αὐτῇ τὴν ἐκκινῆσθαι.* *Italicorum autem quidam vocatorumque Pythagoreorum dicunt Cometam esse unum errantium syderum, sed non apparere nisi post multum tempus, nec*

nisi parvo tempore exflare, quod accidit etiam Mercurio. Et Plutarchus Lib. III. *De Placit. Philos. Cap. 2.* ait, Ταύτην ὁμήρου τις βεβαιῶς παρὶς ἡμῶν ἔχει καὶ τῶν ἄλλων ὅτι οὐκ εἰσι παντὶ χρόνῳ ἀπὸ τοῦ οὐρανοῦ ἔχοντες μενοειμένους ἀνταναλίσκοντες. Pythagoreorum quidam Cometam dixerunt esse stellam ex earum numero quæ in cælo non assidue quidem comparent, sed quæ statim temporibus peracto certo circuitu rursus solent exoriri. Et Seneca in *Natural. Quæst. Lib. VII. Cap. 3.* sic inquit, Democritus subtilissimus antiquorum omnium, suspicari ait se, plures stellas esse quæ currant (hoc est, Cometæ) sed nec numerum illarum posuit, nec nomina, nondum comprehensis quinque syderum (hoc est, Planetarum præter Solem & Lunam) cursibus. Et rursus, Seneca ibid. dicit Apollonium Myndium peritissimum inspicendorum naturalium asserere Cometæ in numero stellarum errantium poni à Chaldeis, tenerique cursus eorum. Apollonius hic (teste Seneca ibid. Cap. 17.) aiebat quod proprium sydus Cometæ est, sicut Solis aut Lunæ. Ceterum non est illi palam cursus: altiora Mundi secatur; & tum demum apparet, tum in initium cursus sui venit; id ipsum nempe quod Prop. X. Lib. I. ostensum est. Cui sententiæ & ipse subscribit Seneca Cap. 22. his verbis: Non existimo Cometem subitaneum esse ignem, sed inter æterna opera naturæ. Solam ille & unicam methodum tradit Cap. 2. quæ Quæstio hæc solvi queat, necessarium esse dicens veteres ortus Cometarum habere collectos; deprehendi enim propter raritatem eorum cursus adhuc non potest, nec explorari an vices fervent, & illos ad suum diem certus ordo producat. Tandemque sic vaticinatur Cap. 25. Veniet tempus, quo ipsa quæ nunc latent in lucem dies extrahat & longioris ævi diligentia. Ad inquisitionem tantorum ætas una non sufficit. Veniet tempus, quo posterius nostri tam aperta nos nescisse mirentur. Et Cap. 26. Erit qui demonstret aliquando, in quibus Cometæ partibus errent, cur tam seducti à ceteris eant, quanti qualesque sint.

Postea vero Peripateticorum Schola omnis Cometæ non corpora Mundi æterna sed noviter producta & mox rursus interitura censens, ut Cælorum ingenerabilitatem & incorruptibilitatem tueretur, illos ex exhalationibus compactos Terrestribus in regiones sublunares destruxit; quæ opinio invaluit magis post invecos in Cælum solidos orbes, per quos Cometæ trajicere nequeunt.

Tandem vero Tycho Brahe & Keplerus ex Observationibus invenientes nullam esse Cometarum parallaxin diurnam, illos in sedes supralunares reposuere. Modus parallaxin Cometæ diurnam, si qua est, investigandi maxime commodus & facillimus est sequens: Per observationes plurimum dierum ante & post factas definiatur semita inter Fixas quam teneret Cometa, si nulli parallaxi diurnæ subjiceretur. Si ergo ab Ortu ad Meridianum, vel inde ad Occasum usque, cum inter vicinas Fixas teneat Locum respectivo, quem ex supra determinata semita teneret, indicio est illum nulli parallaxi diurnæ esse obnoxium: Nam dum Horizonti propinquus est, si dicta

dictâ parallaxi afficeretur, inferior appareret inter vicinas Fixas quæ nullam patiuntur; adeoque ad Ortum vergens Cometa orientior, ad Occasum occidentior quam pro Loco ex prioribus Observacionibus isti temporis puncto congruo cerneretur. Neque modus hic refractionis Syderum incertitudini subiacet; nam proximarum Stellarum eadem quamproxime est refractionis quæ Cometæ. Omnium vero commodissime Observatio hæc instituitur, si inveniatur Locus verus Cometæ in recta inter binas Fixas ducta, ita ut Fixæ hæc tum temporis ad parvam supra Horizontem altitudinem in eodem Almicantharath aut prope reperiantur, quod in tanta Fixarum multitudine facile erit, saltem si adhibeantur quæ Oculo Telescopio adjuto videntur: Nam si Cometa parallaxi diurnæ subijciatur, extra rectam hanc & Horizonti propior videbitur; sin aliter, in recta cum Fixis etiamnum apparebit.

Cometarum sedes supralunaris ulterius confirmatur exinde quod Cometa Anni 1680 observatus fuerit à *D. Cassini* 22 aut 23 tantum gradibus à Sole distans, & interim pleno Orbe fulgens, quod prius de Cometa qui apparuit Mense *Aprilis* Anno 1665 etiam notaverat; unde certo concluditur, vel Cometæ istos tum temporis non tantum Lunâ sed & Sole fuisse superiores, (cum Mercurius & Venus in ea à Sole distantia apparente pleno Orbe non fulgeant nisi tales fuerint;) vel illos esse corpora lucida ipsius Solis aut Fixarum instar, aut saltem pellucida & Solis radios transmittentia, quod de tam magnis corporibus vix dicetur, cum Maculæ Solares utut raræ texturæ opacæ satis sint. Cometæ vero esse corpora opaca ex Umbris quas projiciunt ostendetur inferius.

PROPOSITIO II.

Philosophorum Opiniones de Cometarum Ortu & Orbitis breviter recensere.

De Cometarum Orbitis inter Philosophos nondum plene constat: *Keplerus* siquidem & post hunc *Cartesius*, *Hevelius*, aliique Cometæ in rectis trajicere statuunt. *Keplero* enim Circuli aliæve recurrentes Curvæ in Cometarum vero motu nunquam placuerunt, ideo quod non sit verisimile eorum quæ nunquam redeunt motus esse circulares. Jam vero credidit *Keplerus* in Cometar. Physiolog. liquidi *Ætheris* immensam profunditatem ejus esse naturæ, ut Cometæ ex seipso producat ne regio illa vacua sit, atque hoc fieri per facultatem animalis vel vitali similem ad auræ ætheriæ defæcationem & purgationem, cum hæc certis regionibus crassefecit. Coacta igitur illa crassa pinguedine ætheris, quasi quodam excremento, velut in quoddam *Apotheama*; fit ex natura loci, ut lumen illi accedat (cum Solis lumen ubique adsit) motusque ei instar Stellæ aliqujus concilietur: Exemplum genuinum, quomodo Cometarum huic pingui & cælesti materiæ & motus & lumen conciliatur, videre est in trajectionibus aëriis. *Hevelius* vero Cometæ oriri statuit ex Planetarum exhalationibus subtilioribus sibi mutuo in æthere casu

casu junctis & Disci formam retinentibus, cujus altera facies Soli obversa manet, postquam Cometa in linea spirali motus egressus est Planetæ Atmosphæram, ex qua prima sui rudimenta traxit.

Cartesius Cometæ cujusvis corpus posuit perenne Planetæ instar, quippe effectum, ut Planetæ, ex Fixa aliqua (sive Sole) Maculis obducta & à vicino crescente vortice abrepta. At Cometam vult de vortice in vorticem perpetuo rectà fere progredi.


Qui vero Cometam perenne corpus statuunt, & semitam eandem denuo Planetarum ritu percurrere, ejus Orbitam talem esse volunt, ut Tellus vel intra circulum hunc licet summe excentricum contineatur (ut D. *Cassini* de Cometa An. 1577, quem eundem esse suspicatur cum eo An. 1680 & 1681) & Cometa hujus peripheriam æquabiliter percurrat, quod ipsis Planetis non conceditur; vel extra, ita ut Orbitæ convexitas Terram respiciat, cui propendere videtur idem D. *Cassini* in Theoria motus Cometæ Anni 1664. Verum quidem est Orbitas hæc à D. *Cassini* ad Cometæ motum calculo subjiciendum præcipue adhiberi, nec physicum quid à cautissimo Viro super hac re definiri.

Ex plurium Cometarum Observatione quendam quasi Cometarum Tractum inter Fixas statuit D. *Cassini*, intra cujus limites plurimi (licet non omnes) Cometæ continentur, sicut Planetæ intra limites Zodiaci. Zonam hanc Cometicam Zodiaco æque latam, & illius instar Animalium figuris insignitam transire comperit per Antinuum, Pegasum, Andromedam, Taurum, Orionem, Canem minorem, Hydram, Centaurum, Scorpionem & Sagittarii arcum, & Zodiacum Cometicum appellavit.

Huc etiam spectat *Cometarum Systema* à Cl. D. *Jac. Bernoulli* An. 1682 editum, in quo ponit Planetam primarium quendam circa Solem rotatum ad distantiam à Sole 2583 Semidiametrorum Orbis magni, spatio Annorum 4 & Dierum 157, etiam si Saturnus ducenties quinquagies ostes propior id non nisi 30 Annorum spatio præstet. Circa Primarium hunc (qui tum ob corporis exiguitatem, tum ob immensam distantiam conspectum nostrum perpetuo fugit) ad diversas distantias diversi rotantur Cometæ, quorum tamen nullus ad usque Saturni Orbitam descendit; itaque Cometæ, ex mente D. *Bernoulli*, nil aliud sunt quam prædicti invisibilis Planetæ primarii Satellites, qui tum demum videri incipiunt, cum ad Perigæum se demittunt nobisque proximi evadunt.

Sententia de Cometarum Orbitis, quæ nobis verisimillima videtur, superius Prop. xxxv. Lib. I. explicata, præterquam quod simplicitati naturæ maxime est congrua, prædictarum opinionum facies fere omnes induere potest. Sit enim (fig. 1.) Sol, per s representatus, communis focus Orbitæ Telluris fere circularis TGHK & Orbitæ Cometicæ admodum excentricæ ABDEC; patet quod Cometæ Orbitæ suæ portionem EC vel BD percurrentis Phænomena fatis belle explicabuntur per motum in Recta æquabilem, siquidem BD vel CE à Recta non fit multum diversa, & præterea Cometa in illa æquabi-

æquabiliter moveatur; cum trilinea æqualia super illam constituta, quorum communis vertex est s, habeant bases etiam proxime æquales. Vix tamen primo obtutu apparebit eundem esse Cometam qui prius Ec descripsit, posteaque $\pi\pi$, interposito Tempore notabili inter has duas apparitiones, quo sc. arcum cab describens sub radiis




Solaribus delituit. Terrâ autem ut ad t constitutâ, Cometæ portionem Orbitæ ad a describentis phænomenis Curva versus Terram convexa melius convenit; talis enim revera est in fig. 1. Verum convexa versus Terram Curva Cometæ in Solis opposito conveniet nunquam in hac Theoria; concava tamen optime, si (ut in fig. 2.) sa Cometæ perihelia à Solc distantia Orbis magni Semidiametrum st superet: Cometæ enim ad a trajicientis phænomenis ex Tellure in t visis optime respondebit Curva versus t cava, quippe sua.

PROPOSITIO III. LEMMA.

SI Aer sese expandat secundum legem hanc experimentis confirmatam, nempe quod spatia in quæ comprimitur sunt ponderibus comprimentibus reciproce proportionalia; globus Aeris nostri unciam unam latus, ea cum raritate quam haberet in Altitudine Semidiametri Terrestris, impleret omnes Planetarum regiones ad usque spheram Saturni, & longe ultra.

Legem expansionis Aeris eam esse quæ hic ponitur, sc. quod spatia in quæ comprimitur Aer datæ quantitatis sunt reciproce proportionalia ponderibus comprimentibus, liquet ab Experimentis Transact. Philos. Mens. Julii An. 1671. N°. 73. consignatis. Hæc posita referat $abzz$ tubum erectum infinitum Aere plenum, cujus latera az , bz sunt invicem parallela & Horizonti perpendicularia, & fundus ab superficiem Terræ insistentem: Pater Aerem ad ab comprimi per pondus totius incumbentis Aeris $abzz$, & Aerem ad ed (ad libitum ductam ipsi ab parallelam) comprimi per pondus incumbentis Aeris $edzz$. Concipiatur Aerem per totam rectam ed expansum comprimi in ejus partem, puta ed , ut ejusdem sit densitatis cum Aere ab , & hoc etiam ad aliam quamvis rectam similiter ductam ut ed fieri, hoc est, Aerem omnem, qui prius per tubum $abzz$ expandebatur, comprimi in spatio $abzx$ ita ut ejusdem sit ubique densitatis.



Curvæ $accx$, spatium $accxzdba$ ab una parte terminanti,
 recta

Ecc

differentiæ Logarithmorum ipsarum AB , CD ex Tabulis excerptorum, nempe 0, 0133639, quartam proportionalem 314, 0000000, nempe differentiam Logarithmorum ipsarum AB & cd , quâ subductâ ex 1, 5185139 Logarithmo ipsius AB prius ex Tabulis excerpto, manebit ipsius cd Logarithmus $-312, 0000000$, cujus sc. Characteristica (ut vulgo dicitur) est -312 . Porro, ex natura Logarithmorum Tabularium numeri, cujus primus locus est unitas, Logarithmi Characteristica est nihil; cujus vero primus locus est denarius, sive secundus integrorum, Logarithmi Characteristica est unitas; cujus primus locus est tertius integrorum, Characteristica est binarius, & sic ascendendo; & similiter numeri cujus primus locus est unitate proxime inferior in progressionem decimali, sive primus locus decimalium, Characteristica est -1 , & ita porro descendendo: unde è converso, ex Characteristica Logarithmi innotescet locus quem occupat primus locus numeri; & hinc numeri, cujus Logarithmi Characteristica est -312 , locus primus est in 312^{m} loco decimalium; ergo recta cd exponitur per numerum cujus primus locus est 312^{m} decimalium. Calculo igitur subducto, patet Aeris nostri portionem, expositam per numerum cujus primus locus est 312^{m} decimalium, in altitudine Semidiametri Terrestris sese expandere in magnitudinem quæ exponitur per 33; hoc est, spatium à nostro Aere occupatum esse ad spatium quod impleret, si eâ esset raritate quam in altitudine Semidiametri Terrestris obtineret, ut unitas ad numerum notatum duobus ternariis cum annexis 312 cyphris. Verum hæc ratio immane minor est eâ, quam ad Fixarum sphaeram (ex mente *Aristarchi*) Arenæ granulum habere demonstravit *Archimedes* in *Arenario*; majorem nempe ratione quam unitas habet ad numerum notatum unitate cum 63 cyphris annexis: Nos autem modo ostendemus prædictam rationem esse multo minorem eâ, quæ est inter globum digitum unum latum & Saturni Orbem propius æstimatum, quam est Fixarum sphaera ab *Aristarcho*.

Semidiameter Terræ est, ut prius, numero rotundo 20000000 pedum: Quod si parallaxis Solis sit $10''$ (quæ est minima illi adhuc ab Astronomis tributa) cujus sinus rectus est 485 partium posito radio partium 10000000; erit Semidiameter Orbis magni 50000000000 pedum, nempe ad Semidiametrum Terræ ut radius ad sinum parallaxis Solis; & igitur Semidiameter Orbis Saturni (per Prop. XII. Lib. III. vix decuplo major) erit pedum 500000000000, & illius Diameter pedum 1000000000000, sive digitorum 12000000000000. Quare sphaera Saturni est ad globum digitum unum latum ut præcedentis numeri cubus, sive 1728 cum annexis 39 cyphris ad unitatem, sive rotunde & ad maximum, ut numerus notatus per binarium cum 42 cyphris annexis est ad unitatem. Igitur, cum globus digitum unum latus multo majorem habeat rationem ad Saturni sphaeram, quam ad spatium quod Aer nostro similis impleret, si tam rarus esset atque Aer in altitudine Semidiametri Terrestris supra Terram; patet globum istum Aeris,

cujus diameter est unius digiti, ea cum raritate quam haberet in altitudine Semidiametri Terrestris, impleturum omnes Planetarum regiones ad usque sphaeram Saturni & longe ultra. Q. E. D.

Si gravitas verius Terram in recessu à centro minui supponatur, uti revera fit; patet dictum Aeris nostri globum digitum unum latum, in altitudine supra Terram Semidiametro Terræ æquali, adhuc majus spatium occupaturum.

PROPOSITIO IV.

P*Hilosophorum Opiniones de Cometarum Caudis exponere & veram confirmare.*

Cometæ Caudam à Sole dependere exinde patet, quod hæc à Sole sit perpetuo averfa, quod tamen expresse primum à *Petro Apiano* observatum est in Cometis qui inter Annos 1530 & 1540 apparuerunt, illud licet 60 prius Annis à *Regiomontano* tantum non animadvertum fuerit. Cæterum quomodo Caudæ à Capitis per Solis actionem oriantur, triplex est Opinio.

Primo censent *Apianus*, *Cardanus*, *Tycho*, *Snellius* alique Solis radios per pellucidum Cometæ corpus sive Caput propagatis in illo velut in lente vitrea refringi, ac jubaris speciem post Cometam, sive in plaga à Sole averfa, præbere spectandam. Verum istud Dioptricæ legibus adversatur: Præterquam enim quod plerumque figura non respondeat, jubar hoc per Æthera purum propagatum Oculo ad latus posito non erit sensibile; requiritur materia aliqua reflectens in regione Caudæ quæ jubar hoc sensibile reddat, eodem modo quo opus est pulveris aut fumi particulis in cubiculo obscuro volitantibus ut jubar simile in eo contentum videatur ab Oculo extra radiorum viam posito; & quo densiores & crassiores sunt particule quibus medium inficitur, eo splendidius erit jubar, & è contra. Unde aliâ & crassiore opus erit materiâ in regione Caudæ quam alibi in Æthere Caudæ circumfuso, alias Cælum totum à luce Solis illustratum æque ac Cauda splenderet; & igitur à Solis radiis per caput translucentum propagatis non provenit Cometæ Cauda. Atque argumentum hoc æqualiter valet, sive radii ponantur in Cometæ Capite simul & huic circumfusa Atmosphæra refracti, sive in sola Atmosphæra, Capite opaco radiorum transmissiōnem prohibente, sicut *Hevelius* observavit in Cometa An. 1665 qui Umbram projiciebat, & in pluribus aliis observatum fuisse tradidit idem Auctor *Lib. viii. suæ Cometographiæ*. Cel. D. *Hookius* tamcu Umbram hanc negat, ac fortius lucere asserit in ea regione ubi Umbra (si qua esset) appareret.

Secunda Opinio est *Cartesii* ejusque sequacium, qui Cometæ Caudam ortam volunt à refractione lucis in ejus progressu à Capite ad videntis Oculum. Si istud verum esset, Fixarum Planetarumque radii per eadem media propagati non tam à refractione immunes ad oculos nostros appellerent quam observatione constat, nec Cometarum Caudæ tam liberæ à coloribus Iridis, refractionis

fractionis perpetuis comitibus. Neque difficultates has tollit *Cartesius* dicendo *Paragr. 139. Lib. III. Princip.* quod Fixarum scintillatio huc referatur, quodque harum Caudæ longiores essent si lux foret major; admotis enim Telescopiis, illarum scintillatio tollitur cum lux augetur. Porro, Planetarum Saturni, Jovis & Veneris, quorum Diametri apparentes plerorumque Cometarum satis longas Caudas emittentium Diametros adæquant vel etiam superant, & lux lucem, nullæ sunt Caudæ; & Cometarum caudatissimorum lux Capitum sæpe tenuis admodum & obscura est. Si vel Fixæ, (vel ipsi etiam Planetæ,) ut in Meteorologicis narrat *Aristoteles*, ab *Ægyptiis* comatæ nonnunquam sint visæ, hoc iis accidit non ut Cometis, sed adscribendum potius est nubium refractioni fortuitæ, quali *Cartesius* adscribit Comam ab ipso *Aristotele* circa Fixam in femore Canis visam. Denique, si Cauda Cometæ ex refractione medii cœlestis oriretur, hæc in iisdem Cœli regionibus in eandem semper plagam pergeret, quod tamen non fit, sed pro Solis situ in varias, ut dictum est.

Sunt & aliæ de Cometæ Cauda sententiæ apud Auctores proprios inspicienda; quarum confutationi non immerabimur, inter quas est hæc *D. Jac. Bernoulli* in supracitato *Systemate Cometarum*. Solem nempe concipit in medio Vorticis sui tanquam ignem in foco accensum, cujus calore circumfusi Planetæ coquuntur, unde perpetuo magna subtilissimarum exhalationum copia undique ex Planetis, ut & ex ipso Sole egreditur, & à motu rapidissimo Vorticis Solaris sursum versus circumferentiam propellitur; quo cum pervenerunt hæc effluvia, à renitentia vicinorum Vorticum repelluntur & impediuntur, quo minus ulterius ire queant. Hinc quia subinde nova materia affluit, paulatim condensantur, & Planetis secundariis in-visi istius Primarii supra-Saturnii, (de quo Prop. II. dictum est,) dum circumferentiæ Vorticis Solaris proximi sunt, adherent; non secus ac cum super igne focario suspensa est olla carnibus repleta, fumus è ligno carnibusque ascendens camino, trabibus & quicquid solidi & compacti offendit agglutinatur, unde fuligo gignitur: sic inquit in modum fuliginis exhalationes viscosæ Planetis accrescunt, illosque undique satis densiuscule ambiunt ac cingunt; unde fit ut nuclei Cometæ extremitas seu limbus plerumque male terminatus & quasi diffuens aut crispus videatur fuliginis instar. Tum vero in progressu dum Satelles hic circa primum suum voluitur, subinde novæ exhalationes (verum longe tenuiores, quam quæ ipsum immediate ambiunt, quod ob defectum solidi fundamenti nequeant tam arcte constipari) ei adherescunt, longe lateque omni ex parte circa illum sese extendentes, non quidem in modum globi, sed lati disci, cujus alterutra planities Soli obversa maneat, radique Solares cum disco perpendiculares angulos efforment, unde manifesta, ut ait, redditur ratio cur Cauda perpetuo in plagam Soli oppositam vergat; nam quamvis totus simul à Sole illuminetur discus, non tamen nisi pars illa disci, quæ nostri respectu cis nucleum, &

quidem in eodem nobiscum & cum Sole plano existit, radios ad oculum nostrum reflectit, reliquis ex adverso & à latere Cometæ aliò reperiuntur.

Cometam spectanti opinio primum occurrens est Caudam à Capite oriri. Atque hæc est Opinio vetustissimorum Philosophorum ipsiusque *Aristotelis*, qui Caudam dixit vaporem longe tenuissimum ex Capite ortum, sed accensum hunc voluit. Sagacissimus D. *Hooke* ex Cometæ inspectione sequentem excogitavit Cometam ejusque Caudam explicandi rationem, in *Cometa* An. 1678 *Londini* edito. Vult Cometam oriri à Planeta, cujus gravitas versus centrum circa quod prius rotabatur destructa est per motum quandam intestinum partium, (quo corpus ardet flammamque æmulatur,) & qui proinde suis sedibus excessit in recta tangente Orbitam in puncto in quo versabatur, cum dicta mutatio perfecta fuit. Unde trans æthera vectus in Recta (nisi quod propter materiam versus centrum positam, sive intimam, quæ mutationem hanc nondum plene subiit, aliquantulum versus Solem incurvetur) sic mutatus Planeta, ejus partes ab æthere (ut sal ab aqua, aliudve quodvis à proprio menstruo) dissolvuntur & in illum abeunt. Porro, partes hæc extimæ sic mutatæ non tantum gravitatem amiserunt, sed & porro leves factæ sunt Solis respectu; hoc est, Solem fugiunt. Unde cum in æthere absorbeantur & in altum tollantur, & simul Solem fugiant, particulae hæc igneæ speciem præ se ferent innumerorum projectorum undique recta ex Cometæ nucleo exeuntium, & versus punctum longinquum Soli oppositum gravium; ideoque (per demonstrata à *Torricellio* *Prop. xxx. Lib. II. de Mot. Projector.*) speciem præbent Conoidis Parabolici, cujus axis est in recta Solem & Cometam jungente, & cujus umbilicus Parabolæ genitricis est in Nuclei centro: talem igitur figuram induet Cometæ Cauda. Verum cum gravium, ad quæ nobis licet accedere, gravitatem intendere aut remittere non detur, sed gravitas maneat materiæ proportionalis quemcunque motum intestinum ista accipiat, gravitatis amissio & levitatis à Sole acquisitio in aliis non sunt admittendæ.

Qui Caudam accendi negant, & satis esse ad eius phænomena credunt, quod vapor è Cometa exiens à Sole illustretur radiosque Solis à sui particulis reflectendo, tractum quem occupant lucidiorum efficiat reliquo æthere, qui licet radios Solis patiatur materiâ reflectente caret, causam comminisci necesse habent quare vapor seu exhalatio reflectens in partes Soli averfas solum abeat. *Keplerus* rem sic explicat: *Coactâ Cometæ materiâ pingui & crassâ in orbem, ex natura omnium rerum que ununtur, & Sole rectis radiis pellucidum hunc globum feriente atque penetrante, existimat sequi aliquid de intima Cometæ materia, exireque viam eandem qua perrumpunt Solis radii, atque hoc pacto corpus Cometæ perlui, colari, atteri, & materiam sic congregari ad partes Cometæ à Sole averfas, quæ Solis radios reflectat Caudæque speciem præbeat.* *Jacobus Gregorius*, in *Physicis quibusdam Mathes. Part. Univers.* subnexis,

subnexis, *Cometam* vult esse corpus quoddam humidum proprios suos vapores emittens, æthera semper pererrans, ad Solem eundem semper fere situm retinens; quod & *Hevelius* tenet in sua *Cometograph.* pag. 430. qui haud absimiliter Caudam productam vult: nempe *Atmosphæræ Cometice partes tenuiores vicioris rarefieri, & à parte antica ac ab utroque latere propelli in partem à Sole averfam.* Hisce positis, ex *Gregorii* sententia necessario sequitur medietatem *Cometæ à Sole averfam, & ab illo nunquam calefactam nec illustratam, crassas & valde opacis infestari vaporibus, qui à vaporosa illa Cometæ materia continuo nutriti, nullâ unquam (ob debilem & obliquam Solis lucem) factâ ipsorum resolutione, in immensam altitudinem excrescunt, & Solis radios non satis validos ad exhalationes dispellendas undique reflectunt.* Celeberrimus *D. Newtonus* censet etiam quod *Cometæ Cauda nihil aliud est quam vapor longe tenuissimus, quem Caput seu Nucleus Cometæ per calorem suum emittit.*

Dum *Cometa* ad Perihelium suum descendit, vapores copiosissimi, qui illum in regionibus à Sole remotissimis ideoque frigidissimis versantem prius infederunt, calore Solis rarefacti ascendunt; hoc est, in partes à Sole averfas abeunt: nam particulae omnes in medio longe ultra Saturnum protenso (aura sc. ætheria) graves sunt in Solem. Aura hæc, calefacta à calidis vaporis particulis illi implicitis, rarior & inde levior fit reliquâ ambiente aurâ, & proinde ab hac propulsa sursum ascendit, unaque reflectentes particulas ex quibus Cauda componitur secum vehit; non absimiliter atque fumus ascendit in camino per impulsu aeris illum implicantis per calorem rarefacti. Quoniam vero ultra *Cometæ atmosphæram* aura ætheria est rara admodum & tantum non nulla, ideo actioni radiorum Solarium particulas atmosphæræ *Cometicæ* secum rapientium à *Keplero* propugnatae aliquid tribuam; licet præcipuam maximeque efficacem ascensûs vaporis Caudam constituentis causam (præter impetum in primo ascensu acquisitum) credam esse supradescriptam auræ ætheriæ raritatem à calore particularum jugiter à *Cometa* assurgentium in vicinia Solis, ubi aura Caudæ circumfusa densior est & gravior. Atque Cauda tunc in altum sublata, sicut ipse Nucleus, in Solem gravis tanquam alterum projectile circa Solem in Coni sectione revolvitur, ac *Cometam* comitatur in regiones longinquas, donec paulatim dissipetur.

Quamvis *Cometarum* quorundam Caudæ in immensum protensæ magnam materiæ copiam requirere videantur, quæ illis producendis sufficiat; experientiâ edocti novimus in quantam fumi molem satis parva ligni aut carbonis fossilis portio abeat, & ex præmissis Lemmate patet quam parva nostri Aeris portio in immensâ spatia vi suæ elasticitatis diffundi queat. Et licet Caudæ non sint usque adeo raræ texturæ, rarissimas tamen esse, respectu corporum nobis familiarium, exinde patet quod stellæ minimæ eas licet immensæ profun-

profundas & Solis radiis illustratas tranſſuceant, cum Atmoſphæra Terreſtris illustrata, profunditatis immane minoris, vel lucidiſſimas inſenſibiles reddat: neque facilius videntur lucida trans denſus quidvis ab Oculo remotum quam illi proximum, ſed difficilius potius, ut quotidiana docet experientia.

COROLLARIUM I.

Cum Cometæ Cauda ab illius Capite & hinc circumſufa Atmoſphæra per Solis calorem elevetur, ſequitur illam creſcere prout Cometa verſus Perihelium deſcendit, & viciffim minui in ejus reſſu à Sole; eritque hæc maxima & fulgentiſſima ſtatim poſtquam Cometa in Perihelio ſuo maxime incaluit & ex vicinia Solis exiit. Sed & Cometæ Atmoſphæra (quæ Caudæ maximam materiæ copiam ſubminiſtrat) minuitur creſcente Caudâ, & eâ parte quâ Solem reſpicit anguſtior evadit; adeoque cæteris paribus minima (unaque ipſe Cometa, cujus magnam partem conſtituere nudo Oculo videtur) apparet ſtatim poſtquam Cometa Perihelium ſuperavit, ubi quandoque fumo craſſiore & nigriore (vehementioris caloris comite) inſicitur.

COROLLARIUM 2.

Hinc etiam ſequitur quod, ſi Cauda Cometæ Telluris noſtræ Atmoſphæram attigerit, (aut etiam ſi iſtius materiæ per Cœlos tandem ſparſæ & diſfuſæ pars gravitate ſua in hanc decidat,) exhalationes ex quibus illa conſtat huic præmiſſæ (fluidum fluido) poterunt Aeri noſtro mutationes Animalibus & Vegetalibus præcipue ſenſibiles inducere: Vapores enim dicti, à regionibus longinquis & peregrinis adveſti & ingenti calore excitati, Terreſtrium craſſi inimici forte erunt; quo pacto quæ omnium ſæculorum ſuffragio & communi conſenſu conſequi obſervantur Cometarum apparitioneu (quæque ſtatim pro falſis & ridiculis habere Philoſophos minime decet) contingere poterunt.

COROLLARIUM 3.

Cauda à Cometa ejuſque Atmoſphæra jugiter, vaporis inſtar, in altum aſſurgens, hoc eſt, in partes à Sole averſas, in plano Orbis Cometæ (nempe per Solem Cometæque ſemitam traduſto) manebit: quippe nulla eſt ratio cur in æthere quieto ad hanc potius quam ad illam partem deturbetur.

Porro, cum vapor à Capite exiens duos motus conjungat & poſtea continuet, alterum aſcenſus recti à Sole non longinquo, alterum progreſſus Capitis; fiet Cauda non directe à Sole averſa, ſed aliquantulum inde declinans ad partes à Cometa relictas; immo Cauda non erit recta ſed incurvata, verſus partem anteriorem convexa, verſus alteram cava. Et licet vapor aſſurgens motum Capitis participet, tamen propter aliqualem ætheris reſiſtentiam non tam velociter progredietur atque ipſum Caput. Atque quo altius aſſurgit vapor Caudam conſtituens indeque rarior fit, hoc eſt, quo longior eſt Cauda, eo majorem patietur ætheris reſiſtentiam; unde Caudæ præcedens latus, five verſus partes ad quas Cometa tendit, convexum

convexum erit, sequens vero cavum, ipsaque proinde Cometæ Cauda non erit à Sole præcise averſa, immo nec directæ ſed incurvata. Et hæc à Solis oppoſito deviatio & curvatura tanto minor eſt quanto recta Solem & Cometam conjungens obliquior eſt ad Cometæ ſemitam: Nam ſi Cometa directè à Sole vel ad Solem tenderet, Cauda foret à Sole directè averſa & ipſa recta; unde in ipſo Perihelio Cauda maxime ab oppoſito Solis deſlectit, maxime etiam incurvatur, cum recta Solem & Cometam conjungens ſit tunc ad ejus Orbitam perpendicularis. Sed & ob ſupradictam ætheris reſiſtentiam, utut exiguam, convexa (hoc eſt, in ætherem incurrens) Caudæ facies ſpiſſior aliquanto & conſequenter lucidior videbitur & melius terminata quam cava, à qua lucem reſſectentes particulæ, relictæ quaſi, in æthera diſſunduntur. Porro, hæc Caudæ deviatio à Solis oppoſito & incurvatio (cæteris paribus) major eſt propter utramque cauſam prædictam ubi Cometæ Orbita curvior eſt: Nam ut Cauda ſit à Sole perpetuo averſa in hoc caſu, oporteret ejus extremum circumferentiam exteriorem & majorem deſcribere quam ipſum Caput, quod ex motu à Capite participato facere nequiret, quamvis nulla foret ætheris reſiſtentia quæ illum minueret. Caudæ igitur extremum à Cometa remotiſſimum, quia circumferentiam iſtam majorem tam brevi tempore non deſcribit atque Caput minorem, idque ob duplicem quam explicuimus rationem, magis in hoc caſu incurvabitur. Sed cum caſus hic incidat in Cometæ Perihelium, ubi Cauda prius in altum ſublata evanuit fere, & qui recens recta aſſurgit vapor Caudam præcipue conſtituit; ideo non tam ſenſibilis erit incurvatio.

COROLLARIUM 4.

Figura Coroll. præc. deſcripta refert Caudam quæ revera per Ætherem à Cometæ Capite porrigitur; quo non obſtante, ſi Terra & ſimul Spectator in Orbis Cometæ plano reperiatur, Caudæ curvatura neſcitum percipietur, quia tota in plano iſto jacet: Et vel tota diſparebit cum ipſum Caput Caudam inter & Oculum verſatur, vel ſi Caput minus fuerit & Cauda verſus alterum extremum latior, Crinitus ſive Comatus crinibus circumquaque cinctus videbitur, (atque horum alterutrum ſub Oppoſitionem Solis & Cometæ continget,) vel denique in Solis oppoſito præcise ſpectabitur Cauda. Si vero Spectator extra planum Orbitæ Cometæ verſetur, Caudæ curvatura ſentietur; magisque ſenſibilis evadet, quo recta à Terra ad Caudam ducta Orbis Cometæ (ipſiusque adeo Caudæ) plano magis eſt normalis, & omnia curvæ Caudæ ſymptomata Coroll. præc. deſcripta ſenſibiliora ſient. Atque hæc ſunt ſtatæ & ſolennes Caudæ Cometæ mutationes: nam quantum ad incertas iſtas & ſubitaneas, quas Auctores memorant, ortæ videntur à vaporum Atmoſphæræ noſtræ reſractione fortuita Caudarum figuras detorqueſcente; vel à motu nubium illas aliqua ex parte obſcurantium; aut à vicinis Stellis harumve congerie, aut Via Lactea pro Caudæ parte perperam ſumptis.

PROPOSITIO V.

Plures Cometæ videntur in Hemisphærio versus Solem quam in Hemisphærio opposito.


Designet s Solem; T Terram; circulus $DEFH$ centro T descriptus Fixarum sphaeram, five illam potius quàm visus terminatur. Quoniam Cometæ splendent luce Solis à se reflexâ, non videbuntur antequam à Sole ita illustrantur, ut Oculos nostros luce istâ movere possint: & præterea cum Cometæ per Caudas suas sint maxime conspicui, has autem non emittant priusquam ad Solem incaluerint aliquantulum; patet ad utrumvis consequendum, opus esse ut Cometa ad definitam à Sole distantiam accedat. Sit $ABCG$ sphaera Soli concentrica ad istam distantiam descripta; talis nempe ut nullus Cometa, propter illustrationis defectum, videatur, priusquam intra sphaeræ hujus superficiem versetur: Juncta recta ST producat utrinque, donec dictæ superficiei occurrat in A & C : Per T ducatur planum HE cui AC est normalis; hoc dividet sphaeram $DEFH$ in duo Hemisphæria, quorum HFE est Solem versus, HDE Soli oppositum. Cometæ omnes in sphaeræ segmento BCG existentes videbuntur in Hemisphærio versus Solem; omnes autem qui versantur in segmento BAG videbuntur in Hemisphærio Soli opposito. Patet vero quod segmentum BCG majus est quam BAG , quia sphaeræ centrum est in illo: Plures igitur Cometæ videbuntur in Hemisphærio versus Solem quam in opposito. Q. E. D.

Sed & plures primo videbuntur five detegentur in illo quam in hoc, cum superficiei sphaeræ pars BCG major sit reliquâ BAG : detegi autem supponuntur quamprimum superficiem hanc attingunt.

SCHOLIUM.

Quo minor ponitur sphaera $ABCG$, hoc est, quo propius à Sole abesse oportet Cometam antequam videatur, eo Cometarum in Hemisphærio Solem versus visorum numerus magis excedit numerum apparentium in opposito; quoniam tanto magis segmentum BCG excedit BAG segmentum. Et ob eandem rationem primo detectorum numerus in illo quam in hoc major est.

Si ponatur $ABCG$ esse paulo minorem quam sphaera Jovis, five quod Cometæ se prius videndos non præbeant quam sint Soli paulo propiores quam Jupiter, hoc est, si ponatur SA ipsius ST quintupla; (nam Jovis distantia à Sole excedit quintuplum distantiae Telluris ab eodem;) segmentum BCG erit propemodum duplum segmenti BAG , & ideo fere duplo plures Cometæ in Hemisphærio Solem versus videbuntur quam in Hemisphærio opposito: At superficies BCG est tantum sesquialtera superficiei BAG , ideoque dimidio plures illic quam hic primo detegentur. Si $ABCG$ sphaera minor fuerit,



v. g. si *s* a sit sesquialtera distantiae Martis à Sole, quadruplo plures Cometæ (& amplius) videbuntur in Hemisphærio Solem versus, quam in opposito; sed primum in illo detectorum numerus erit duplus sesquialter detectorum in hoc. Advertendum ex hoc numero tollendos esse qui ob nimiam Solis viciniam videri nequeunt; & ex altera parte, qui non sunt Soli nimis vicini melius in Hemisphærio versus Solem videntur, quam qui in opposito versantur; quippe quorum plures fortius illustrantur.

PROPOSITIO VI.

Cometæ Distantiam à Sole ex comparatione Lucis Cometæ cum Luce Planetæ æstimare.

Cum Cometa parallaxi diurnæ non sit obnoxius, neque ullæ observationes illinc pendentes ejus Distantiam patefacere possint; libet hujus æstimationem facere ex comparatione Lucis Cometæ cum Luce Planetæ. Et quoniam (per Prop. LVII. Lib. III.) illustrationes in diversis à Sole distantiiis factæ sunt in reciproca duplicata ratione distantiarum, & porro (propter rationes in dicta Prop. allatas) quo remotius est lucidum eo pauciores radii ab illo provenientes Oculi pupillam subeunt, idque in duplicata ratione Distantiæ auctæ, sive in duplicata ratione diametri ejus apparentis diminutæ; hoc est, lucidorum æqualium splendores sunt in ratione duplicata diametrorum apparentium eorundem; igitur (in æstimatione hac minus accurata, abstrahendo à diversâ magnitudine vera Planetæ & Cometæ) Lux Cometæ est ad Lucem Planetæ in ratione composita ex duplicata ratione Diametri apparentis Cometæ ad Diametrum apparentem Planetæ, & ratione duplicata Distantiæ Planetæ à Sole ad Distantiam Cometæ ab eodem: Et ideo quadratum Distantiæ Cometæ à Sole est ad quadratum Distantiæ Planetæ ab eodem in ratione composita ex duplicata ratione Diametri apparentis Cometæ ad Diametrum apparentem Planetæ, & ratione duplicata Distantiæ Planetæ à Sole ad Distantiam Cometæ ab eodem: Et ideo quadratum Distantiæ Cometæ à Sole est ad quadratum Distantiæ Planetæ ab eodem in ratione composita ex ratione Diametri apparentis Cometæ ad Diametrum apparentem Planetæ, & ratione subduplicata Lucis Planetæ ad Lucem Cometæ. Unde Distantia Cometæ à Sole est ad Distantiam Planetæ ab eodem in ratione composita ex ratione Diametri apparentis Cometæ ad Diametrum apparentem Planetæ, & ratione subduplicata Lucis Planetæ ad Lucem Cometæ. Sed ex observatione datur utraque ratio componens: Datur igitur composita ratio, nempe inter Distantias Cometæ & dati Planetæ à Sole. Et ex Prop. XLV. Lib. III. datur Distantia Planetæ à Sole; & igitur Distantia Cometæ à Sole non latebit.

Propter fumum crassum ipsamque Atmosphæram Cometicam Nucleum obscurantem, Nucleus (ipsūve Cometæ corpus solidum, de quo hic agitur) non tam lucidus apparet; & ideo ejus Distantia à Sole prius inventa minuenda est ut evadat vera.

SECTIO II.


De determinandis Cometæ Viæ & Loco apparente prope veris.

Præmissis Physicis de Cometis eorumque Caudis, ad illorum Orbits ex Observatione determinandas, quod Lib. v. præcipuum est institutum, progredimur. Ac primo ostendemus, quomodo per methodum sagacissimi Astronomi D. *Cassini*, ex Observationibus aliquot initio apparitionis Cometæ alicujus factis, Viæ quam porro inter Fixas ingreditur & Loca quæ quotidie tenebit determinentur proxime: non quod hæc pro accuratis haberi velimus, sed quod hinc prædici queat quo in Loco ad Tempus datum investigandus sit Cometa; num sub Radiis Solis brevi sit abscondendus, quando Terræ proximus & velocissimus sit futurus; aliaque huc attinentia.

PROPOSITIO VII.

EX Observatione cognitis duobus Cometæ Locis à Tellure visis, illius Viæ inter Fixas, hoc est, ejus Nodum & Inclinationem ad Eclipticam definire.

Referat *c* Eclipticam, sintque *b* & *d* bina Cometæ Loca observata. Per *b* & *d* traductus concipiatur circulus maximus Eclipticæ ad *a* interfecans, qui per ostensa ad Prop. x. Lib. I. erit Cometæ Viæ, cujus situs respectu Eclipticæ sic determinatur: Ducantur per *b* & *d* circuli Latitudinis *bc* & *de*, item circulus maximus *dc*. In triangulo sphærico *dce* rectangulo ad *e* dantur latera *ce* & *ed*, hoc nempe Cometæ in *b* Latitudo, illud differentia Longitudinum Locorum Cometæ *b* & *d*; invenietur ergo latus *dc*. Rursus, in triangulo *dnc* dantur omnia latera, nempe *dc* modo inventum, *bc* Latitudo Loci observati *b* & *bd* Locorum distantia observata; & ideo innotescet angulus *cnd*, hujusque proinde complementum *cba*. In triangulo denique *bac* dantur præter rectum ad *c* latus *bc* & angulus *abc*; non latebunt igitur latus *ca* & angulus ad *a*, quorum hic est Inclination Viæ Cometæ ad Eclipticam, illud est intervallum Nodi & puncti *c* in Ecliptica noti.



PROPOSITIO VIII. LEMMA.

Datis positione tribus rectis *ta*, *tb*, *td* ex eodem puncto duclis & in eodem plano jacentibus, è dato in illarum qualibet (ut *ta*) puncto *a* ducere rectam *ac*, cujus partes *ae*, *ec* inter dictas rectas interceptæ habeant rationem datam, nempe quam *r* habet ad *s*.

Ex *a* ducatur utcunque recta *ab* ipsi *tb* in *b* occurrens; in hac (cave producta) ad partes versus quas jacet *td*, fumatur (per Prop.

XII. *El. 6.*) BF quæ fit ad AB sicut s ad R; per F agatur FC ad BT parallela ipsi TD occurrens in C: erit juncta AC ea quæ queritur. Est enim per *Prop. II. El. 6.* AE ad EC sicut AB ad BF, id est (per construct.) ut R ad s.

SCHOLIUM.



Rectæ AC positio & magnitudo per trigonometricum calculum facillime definiuntur: In triangulo enim ATB dantur latus AT, angulus ATB & angulus TAB ex ductu lineæ AB cognitus; unde innotescunt ABT angulus & latus AB: Datur igitur BF ad ipsam AB datam habens rationem, adeoque & huic parallela & proinde æqualis CM. Rursus, in triangulo TMC cognitis angulo CTM (ab initio dato) & CMT ipsi FBM (hoc est, prius inventi ABT complemento ad duos rectos) æquali & latere CM, non latebit CT. In triangulo denique ACT datis lateribus TA, CA & angulo interjecto ATC, inveniuntur latus tertium CA angulique TAC & TCA; hoc est, magnitudo & positio rectæ AC.

PROPOSITIO IX.

EX tribus Observationibus sub initium apparitionis Cometæ factis Locum Perigæi, Tempusque quo Cometa illud tenebit, determinare; & ad datum Tempus Cometæ Locum invenire.

Referat T Terram, (quam hic in re minus accurata, ab illius motu abstrahentes, ut quietam consideramus,) ABDG circulum inter Fixas, per quem Cometa incidere videtur, ex *Prop. VII.* determinatum, in quo sint tria Cometæ Loca observata A, B & D. Exponatur Tempus inter Observationes in A & B per R, & Tempus inter Observationes in B & D per s: Ductæ intelligantur rectæ TA, TB, TD, & per Lem. præc. per A agatur recta AO, cujus partes AE, EC inter binas rectas TA, TB, binasque TB, TD interceptæ sint ut R ad s: Erit hæc quamproxime Cometæ Trajectoria, præsertim in aliqua notabili Cometæ à Perihelio distantia. Nam in hoc casu Via Cometæ est proxime recta, & Cometa per hanc æquabiliter incedit; ideoque spatia percursa sunt Temporibus proportionalia: Sed AE est ad EC sicut Tempus quo Cometa visus est moveri ab A ad B inter Fixas ad Tempus quo à B ad D progressus est; & hoc nulli rectæ ex A ad easdem partes ipsius T ductæ congruit præterquam ipsi AO: Hæc igitur est Cometæ Trajectoria proxime.

Dantur (per præc. Lem.) situs rectæ AO & magnitudo ipsius AC
Fff 3 respectu



respectu AT ; hoc est, in triangulo ACT dantur omnes anguli omniaque latera. Ex T in Trajectoriam rectam AO demittatur normalis TP , quæ producatur donec circulo ABD in G occurrat. Patet Cometam, in Trajectoria AO motum, in Perigæo versari ad P ; recta enim TP est brevissima, quæ à T ad AO duci potest: critique G Locus inter Fixas, quem Cometa Perigæus tenere videbitur. Ad cuius inventionem, in triangulo APT rectangulo ad P dantur latus AT & angulus PAT ; unde innotescunt latera AP , TP & angulus ATP ipsius PAT complementum ad rectum huiusque mensura arcus AG , adeoque Locus Perigæi in magno circulo inter Fixas quem Cometa describit, cum observatione cognitum sit punctum A . Hic Perigæi locus G ad Eclipticam NKL sic facile reducitur: Per G ducatur circulus Latitudinis GL Eclipticæ in L occurrens: & in triangulo NLG dantur præter rectum ad L angulus N (per Prop. VII. inventus) & NG summa (vel differentia) notorum arcuum NA , AG ; unde innotescunt NL Longitudo Perigæi à Nodo & GL Cometæ Perigæum tenentis, Latitudo. Porro, notis rationibus rectarum AC & AP ad eandem AT , nota erit ratio inter ipsas AC & AP : Sed quia Cometa æquabiliter movetur, ratio inter Tempora quibus per AC , AP movetur eadem est cum ratione AC ad AP ; & ex Observatione notum est Tempus quo ex A ad c motus est, idem nempe quod elapsum est inter Observationem primam in A & tertiam in D ; & igitur notum erit Tempus quo Cometa revera ab A ad P , apparenter ab A ad G , movetur; hoc est, inter notum Temporis punctum & illud quo Perigæum attinget. Innotescet igitur Tempus quo Cometa in Perigæo versatur.

Præterea, quaeratur intervallum inter datum Tempus ad quod Locus quaeritur & Tempus alicujus Observationis, v. g. primæ in A. Capiatur in recta AO linea AQ, quæ sit ad AC sicut modo inventum Temporis intervallum ad notum intervallum Observationum Cometæ in A & D: Jungatur TQ, & producatnr donec cum circulo NAD concurrat in puncto V, per quod tractuctus intelligatur circulus Latitudinis VX: Patet ex prædictis punctum Q in Trajectoria AO occupari à Cometa ad datum Tempus. In triangulo QAT ex datis lateribus AT, AQ & angulo intercepto T AQ invenitur ATQ angulus, ac proinde illius mensura (nempe arcus AV) innotesceat: Sed notum est A punctum; ergo & V five quaesitus Cometæ Locus in Via apparente ad Tempus datum. Loci autem hujus situs respectu Eclipticæ invenitur, ex datis in triangulo NXV rectangulo ad X angulo VNX & latere NV, inveniendò NX Longitudinem Cometæ à Nodo, & XV ejusdem Latitudinem dato Tempori competentem.

Loco Observationis primæ & secundæ poterunt Observationes
quælibet duæ, aut earum aliqua cum Loco & Tempore Perigæi su-
perius

perius inventis in hac praxi assumi. Atque hoc modo Cometæ Ephemerides fabricari poterunt.

SCHOLIUM.

In re tam parum accurata sufficiet forsitan Viam Cometæ primo apparentis in superficie Globi Cœlestis describere, ejusque Loca ad singulas medias Noctes habitationis propriæ per protractionem notare. Si enim initio apparitionis Cometæ situs inter Fixas vicinas observetur, collimando nempe per filum tensum atque sic dignoscendo quando in recta cum duabus notis Fixis jaceat, & eodem tempore inveniendi alias duas Fixas quibuscum in recta etiam jacet, quod in tanta Fixarum multitudine facile fiet; per duo (plurave) Loca observata in Globo notata (quæ quo à se invicem remotiora fuerint, eo accuratior erit praxis) transiens circulus maximus erit Cometæ futura semita. Circulus vero maximus per illa transiens commode invenietur attollendo deprimendove Polorum alterum & simul volvendo Globum, donec Loca omnia notata in Horizonte simul reperiantur; erit nempe quem Horizon tum in Globi superficie designat circulus quæsitus. Hujus ergo intersecciones cum Ecliptica erunt Orbis Cometicæ Nodi, & angulus quem Ecliptica cum Horizonte facit (mensuratus nempe per altitudinem gradibus nonagesimi) erit Inclinatio Orbis Cometicæ ad Eclipticam. Describatur circulus diametro æquali diametro Globi, *ex. gr.* ABD ejus centrum T , in cujus circumferentiâ assumptum punctum A referat Locum inter Fixas, in quo Cometa primo observatus est: Sumantur arcus AB , AD æquales distantis notatorum in superficie Globi Locorum Cometæ à Loco primum observato, & jungantur TB , TD : Et per Prop. VIII. per A ducatur recta AO talis ut AE sit ad EC ut B ad S , hoc est (per constructionem) ut Tempus inter Observationem primam & secundam ad Tempus inter Observationem secundam & tertiam. Demissa ex T rectâ TP normali ad AO & productâ (si opus est) ad circumferentiam usque ad G ; arcu ipsi AG æquali ex Loco primum observato in Viam Cometæ superius in superficie Globi designatam transposito, punctum G ostendet Locum inter Fixas quem Cometa perigæus tenebit.

Si porro recta AC dividatur (vel actu, vel ope circini proportionis *Galileani*) in tot partes æquales, quot Horæ (vel etiam Horæ scrupula, si schema sit satis capax) elapsæ sunt inter Observationem primam in A & tertiam in C ; erit harum partium quælibet Cometæ æquabiliter moti Via Horæ spatio in AO percurfa, harumque 24 Via spatio Diei naturalis, & sic porro. Locus igitur Cometæ inter Fixas, ad datum quodvis Tempus, in Globo determinatur, si tot prædictarum partium sumantur ab A versus O in recta AO , quot Horæ intercesserunt inter Tempus primæ Observationis & Tempus datum, *v. g.* AQ , & recta TQ centrum T finemque Q sumptarum partium jungens producat in V , & arcui AV æqualis à Globi puncto quod respondet ipsi A in Cometæ Viam statuatur; ostendet hujus altera extremitas Cometæ Locum inter Fixas dicto Tempori

pori congruum. Similiter ad singulas medias Noctes Loca Cometæ in superficie Globi protractione designabuntur: Unde Cometæ Longitudo, Latitudo, reliquæque (per praxes Lib. II. indicatas) facillime definientur. Quæ in Globo facta sunt in Planisphærio quovis cui Fixæ inscribuntur similiter fient.

Cometæ Via primo designata Locaque diversis Temporibus congrua per Observationes subsequentes corriguntur: Neque enim in hac praxi calculove hoc nullus error expectandus est.

PROPOSITIO X.

Definire Tempus quo vapor à Cometa exiens à Capite ad Caudæ extremum ascendit.

Designet s Solem; AB Trajectoria Cometicae portionem, in qua fit N Cometæ Nucleus ab A versus B motus; c Caudæ extremum. Cumque per Corol. 3. Prop. IV. Cauda Nc non sit à Sole exacte averſa, hoc eſt, ne non in directum cum s N, ſed vergens verſus partes A quas Cometa reliquit, cujuſque inclinatione obſervatione innotefcit; ducatur ſE ad Nc parallela Trajectoriam interſecans ad punctum D poſt Cometam. Vapor, qui nunc Caudæ extremum c conſtituit, à Nucleo aſcendere cœpit cum Cometa punctum D tenebat; quoniam vapor cum motu aſcenſus, ſive recta à Sole, componit motum Cometæ progreſſivum ipſi ante ſeparationem à Capite impreſſum. Per Prop. præc. vero definietur (ſatis exacte ad hanc præmanibus inquisitionem minus accuratam) Tempus quo Cometa punctum D tenuit, prius Tempore Obſervationis propoſito, quanto opus eſt ut Cometa rectam DN longitudine datam percurrat. Inventum igitur eſt Tempus quo vapor à Capite ad Caudæ extremum aſcendit.



Similiter definietur Tempus quo vapor ad datum Caudæ punctum ascendit.

PROPOSITIO XL LEMMA.


Datis positione quatuor rectis in eodem plano jacentibus, quin-
tam ducere, quæ à quatuor istis secetur in tres partes datam
rationem datumque ordinem inter se servantes.

Sint quatuor rectæ positione datæ AE, AC, BC & ED in infinitum productæ, & tres quantitates datæ x, s & y : Ducenda est recta secans quatuor primo datas in M, O, N & K , ita ut MO fit ad ON ut x ad s , & ON ad NK ut s ad y .

Capiatur cg quæ sit ad ce sicut s & v simul ad r ; capiatur etiâ fc quæ sit ad cd ut r & s simul ad v ; juncatæ rectæ ag , bf producantur donec concurrent; per illarum concursum h ducantur hk ad dc & hm ad mc parallelæ, cum respectivis rectis concurrentes ut in schemate: ducta mk est ea quæ queritur.

Na111

Nam propter parallelas HM & TN , est KN ad $N'M$ ut KT ad TH
 Sed quia HK parallela est ad FD , KT
 est ad TH sicut DC ad CF , hoc est,
 per constructionem ut v ad r & s
 simul; & igitur KN est ad $N'M$ sicut
 v ad r & s simul. Rursus, propter
 parallelas HK & OX , MO est ad OK
 ut MX ad XH : Sed quia HM est par-
 allela ad EG , est MX ad XH ut EC ad
 CG , hoc est, per constructionem ut
 r ad s & v simul; & igitur MO est
 ad OK ut r ad s & v simul. Sed
 hæcenus est ostensum esse NK ad MN
 ut v ad r & s simul: Divisim igitur
 tres rectæ MO , ON & NK eandem
 habent inter se rationem cum tribus
 quantitibus r , s & v . Q. E. F.



De Problematis hujus limitationibus casibusque diversis nihil hic
 dicimus, quippe quæ rem hanc tractanti satis per se sunt manifesta.
 Constructio hæc est illustris Viri D. *Christophori Wren* Equitis,
 Geometræ Celeberrimi.

SCHOLIUM.

Rectæ MK positio & punctorum M , O , N & K distantie ab A , B , C , D
 vel E sic commodè per calculum determinantur. Rectarum qua-
 tuor AE , AC , BC & BD primitus datarum intersectiones omnes, ut
 puncta A , B , C , D & E , dantur per 25. *Dat.* & anguli ad illa per con-
 vers. 29. *Dat.*; quare rectæ AC , DC , CB , CE & BD (per 26. *Dat.*)
 sunt magnitudine datæ. Sed CF & CG per 2. *Dat.* etiam dantur,
 cum datam habeant rationem ad CD & CE respective. In trian-
 gulo BCF datis lateribus CB , CF cum angulo interjecto BCF , dantur
 latus BF & angulus BFC , & huic proinde deinceps AFH . Similiter,
 in triangulo ACG ex datis lateribus AC & CG cum angulo ACG da-
 bitur CAG angulus. In triangulo igitur AFH datis duobus angulis
 AFH & FAH supra inventis cum latere adjacente AF (summa vel
 differentia notarum rectarum AC & CF) notum erit latus AH . In
 triangulo demum AHM datis angulo HAM (summa vel differentia
 notarum angulorum CAE , HAC) anguloque AMH dato AEC æquali,
 item latere AH , innotescunt latera HM & AM distantia puncti M à
 puncto noto A . Similibus prorsus gradibus invenientur latera BK
 & HK in triangulo BKH . In triangulo ergo MHK notis lateribus
 HM , HK & angulo MHK intercepto (æquali ECA primitus noto)
 innotescunt anguli HMK , HKM & basis MK : Datis autem angulis
 HMA , HMK , dabitur horum summa vel differentia AMK ; hoc est,
 positio rectæ MK , cum recta AM sit positione data. Simili modo
 AO vel BN vel BK , & anguli quos MK cum his efficit, per Trigo-
 nometriam inveniuntur.

Ggg


PRO-

PROPOSITIO XII.

Datis quatuor Cometæ Locis observatis, ejus Trajectoriam, si rectilinea fuerit, determinare.

Referat s Solem; $ABCD$ Orbem magnum: Sintque puncta A, B, C & D Loca Terræ ad Tempora Observationum nota; AE, BF, CG & DH quatuor observatæ Cometæ Longitudines. Per Prop. XI. ducatur recta EH talis ut ejus pars EF inter AE, BF intercepta sit ad FG ipsius partem interceptam inter BF & CG , ut Tempus inter Observationem primam & secundam ad Tempus inter Observationem secundam & tertiam, & ut dicta FG sit ad GH ejusdem partem inter CG & DH , ut Tempus inter Observationem secundam & tertiam ad Tempus inter Observationem tertiam & quartam; eritque ducta EH vestigium Orbitæ Cometæ in plano Eclipticæ; hoc est, si per rectam Cometæ Trajectoriam tractum concipiatur planum ad planum Eclipticæ normale, erit recta hæc EH istorum planorum communis sectio. Cum enim in hypothesis in qua nunc versamur, Cometa æquabiliter moveatur in Recta; si à Rectæ istius punctis, in quibus Cometa versabatur Temporibus quatuor Observationum, ad planum Eclipticæ demittantur normales, incident hæc in Rectas AE, BF, CG & DH respective, quoniam hæc denotant Loca Cometæ in Ecliptica; eruntque hæc quatuor puncta in eadem recta, communi nempe sectione plani per Trajectoriam tracti ad planum Eclipticæ normalis cum dicto Eclipticæ plano; eruntque porro (per Prop. II. El. VI.) distantie inter hæc puncta ut distantie punctorum in quibus Cometa inveniebatur in propria Trajectoria, adeoque ut Tempora inter Observationes: Sed EH est unica Recta, cujus partes inter rectas AE, BF, CG & DH interjectæ sunt ut Tempora inter Observationes quatuor respective; & igitur EH Recta est vestigium Orbitæ Cometæ in plano Eclipticæ.

Ut autem dati puncti hujus Rectæ distantia à Tellure cum Distantia mediocri Telluris à Sole ad datum Tempus conferatur, sic procedendum: In triangulo ASB dantur (per Prop. XVIII. Lib. III.) latera SA, SB Distantiæ Terræ à Sole ad data Tempora, & angulus interceptus ASB differentia Locorum Terræ à Sole visorum; quare non latebunt anguli SAB, SBA & recta AB chorda arcus à Tellure inter-



terim percurſi, hoc eſt, chordæ illius ratio ad Semidiametrum Orbis magni. Rurſus, in triangulo KAB dantur omnes anguli, quia dantur duo KAB , KBA , (hic nimirum ſumma vel differentia notorum angulorum SBA , SBK , ille ſimiliter ſumma vel differentia notorum SAB , SAK ;) quare datur ratio laterum AK & AB : Sed prius data erat ratio ipſarum SA & AB ; ideoque non latebit ratio SA ad KA : Similiter prorſus ex duobus Terræ Locis A & D invenietur ratio inter SA & AO ; quare nota erit ratio inter SA & KO , ipſarum AO & KO differentiam: Sed Propositione præcedente oſtenſum eſt, quomodo inveſtigare licet rationem inter KO & KE ; quare innotefcet ratio inter SA & KE , ideoque ratio inter SA & AE etiam nota erit. Porro, in Prop. præc. angulus AEH etiam inventus eſt; inventa igitur eſt AE , diſtantia in recta poſitione data veſtigii Trajectoriæ Cometæ à Terra, in partibus Semidiametri Orbis magni expreſſa, huiusque inclinatio ad dictam rectam. Similiter BF vel CG vel DH cum Semidiametro Orbis magni conferetur, angulique ad F , G & H invenientur.

Ad ipſam Trajectoriam determinandam ex E ad planum Eclipticæ (quod idem eſt cum plano huius ſchematis) erecta intelligatur EM tangens anguli Latitudinis Cometæ in Obſervatione prima, poſito AE radio; eritque M Locus Cometæ in ſpatio Mundano ad Obſervationem primam, quoniam poſitio rectæ AE eſt ejus Longitudo, & angulus MAE ejuſdem Latitudo. Similiter ad H erigatur ad idem Eclipticæ planum normalis recta HL æqualis tangenti Latitudinis quarto obſervatæ ad radium DH ; eritque L Locus Cometæ in ſpatio Mundano ad datum Tempus iſtud quartum: & ideo juncta recta ML eſt ipſa Cometæ Trajectoria rectilinea quæſita, in quam demiſſa normalis ab S oſtendet Cometæ Perihelium. Patet Diſtantiam puncti M ab A , five rectam AM , eſſe ad AE rectam ut ſecans Latitudinis in Obſervatione prima ad radium, & DL eſſe ad DH ut ſecans Latitudinis quarto obſervatæ ad radium: Ipſa vero LM invenitur in triangulo LPM , per L ducta LP ipſi HE parallelâ cum ME concurrente in P : Nam præter rectum ad P dantur latera LP , PM , illud æquale prius notæ HE , hoc æquale differentiæ cognitarum ME , HL ; quare non latebit LM , recta à Cometa æquabiliter percurſa Tempore noto, dum ſc. Tellus ab A ad D moveretur.

Porro, ad inveniendum Nodum, Tempus quando Cometa Nodum tenebit, Viæ Cometæ Inclinationem ad Eclipticam, & huiusmodi alia, producat ML donec cum BH concurrat, puta in N ; erit NH ad HL ut HE ad PM , adeoque cognita; item LN ad LH ut LM ad MP , ideoque etiam data: Capiatur Tempus quod fit ad Tempus inter Obſervationem primam & quartam ut NL ad LM ; erit hoc Tempus inter Obſervationem quartam & momentum quando Cometa Nodum tenebit; nam in motu æquabili (qualem hunc Cometæ ſupponimus) Tempora ſunt ſicut ſpatia percurſa. Sed & Locus Cometæ Nodum tenentis dabitur: Cum enim detur punctum N , & propter Tempus cognitum inter Obſervationem quartam &

circumfusæ Comæ Atmosphæram referentis determinabitur: Notis enim Cometæ Distantiâ, & Diametro apparente Nuclei & circumfusæ Nucleo Atmosphære per Observationem, horum Magnitudo innotescet eodem modo quo Planetarum Magnitudo ex similibus datis eruta est Prop. XLVI. Lib. III. Porro, Caudæ Magnitudo similiter innotescit: Ex cognitis enim Solis & Cometæ Locis notus erit angulus quem Cauda efficit cum recta Terram & Cometam jungente, & Observatione innotescit angulus ad Terram quem Cauda subtendit; ex quibus & data Cometæ Distantia à Terra (latere sc. ad dictos angulos adjacente) nota fiet Caudæ longitudo: Ejus crassities similiter inveniatur atque ipsius Cometæ.

SECTIO III.

De vera Cometæ Trajectoria determinanda.

Propositionibus aliquot præcedentibus quomodo Cometæ Trajectoria à Phænomenis non nimirum abludens investigetur ostendimus, non solum quod hujusmodi Trajectoria plurimum Cometarum Locis proxime determinandis sufficiat, quodque Cometam in Recta revera ferri censuerint Philosophi principes aliquammulti, sed etiam quod hæc viam sternant ad veram Trajectoriam Parabolicam vel Ellipticam ex Observationibus describendam, quod in sequentibus faciemus, præmissis prius Propositionibus aliquot de Cometæ Motu in Coni sectione ad ejus pleniorum notitiam faciendis, Lemmatibusque necessariis.

PROPOSITIO XIV. LEMMA.

SI Parabolam VA , cujus vertex V , axis VD , tangat recta GAB in puncto A , ad quam ex Parabole foco F demittatur normalis FC ; erit hæc media proportionalis inter rectas FA & FV .

Recta contingens & Parabolæ axis producantur donec concurrant, puta in B : per A ducatur AE parallela, & AD perpendicularis ad axem; eritque (per Prop. XXXV. Lib. I. Elem. Conic.) BV æqualis VD , & (per bene notam Parabolæ proprietatem Catoptricam) GAE angulus æqualis FAB angulo: Sed GAE æqualis est ABF ; unde FAB æqualis est FBA , & ideo FB æqualis FA , & AC æqualis CB : ergo (per Prop. II. El. VI.) juncta VC parallela est ad AD , hoc est, normalis ad BF . Unde (per Prop. VIII. El. VI.) CF est media proportionalis inter BF & VF : Sed ostensa est AF æqualis BF ; & igitur CF est media proportionalis inter FA & FV . Q. E. D.

Ggg 3

COROL.



COROLLARIUM I.

Hinc sequitur in eadem Parabola esse FC in ratione subduplicata ipsius FA , sive esse hanc FC ad aliam quamvis FC in subduplicata ratione hujus FA ad alteram FA dictæ alteri FC congruam: Nam cum VF constans sit & invariata, erit FCq ut ipsa FA , ideoque ipsa FC recta in subduplicata ratione rectæ FA .

COROLLARIUM 2.

Si in FV producta capiatur VH æqualis VF , & agatur infinita HK ad VC parallela, in quam ex quovis Parabolæ puncto A demittatur normalis AK ; erit hæc æqualis FA distantie puncti A à foco. Et è converso si AK , normalis ab A in HK rectam, æqualis fuerit rectæ AF ; erit punctum A ad Parabolam supra descriptam, cujus focus F & vertex V .


Primum hinc patet quod BV æqualis sit VD (per *Prop. xxxiii. Lib. I. Conic.*) & HV per constructionem æqualis VF , & ideo BF æqualis HD : sed prius ostensa est AF æqualis BF , & per (*Prop. xxxiv. El. I.*) KA ipsi HD æqualis; unde KA & FA æquantur.

Secundum vero hinc: ex hypothesi AK æqualis est AF , quare punctum A est in recta perpendiculari ad junctam FK ex puncto ejus medio excitata. Si jam Parabola vertice V & foco F descripta non transeat per A , transeat per aliud quodvis rectæ KA (ejusve productæ) punctum, puta α : quare (per supra ostensa) FA æqualis est $\alpha\alpha$; unde punctum α est in prædicta perpendiculari ad FK ex ejus puncto medio excitata. Dicta igitur perpendicularis occurret rectæ KA in duobus punctis A & α , quod est absurdum; Parabola igitur foco F & vertice V descripta tranfinit per A , si fuerit AK æqualis AF .

PROPOSITIO XV.

Si corpus moveatur in Parabola, (dum urgetur à viribus ad Parabolæ focum tendentibus, quæ sunt quadrato distantie à foco reciproce proportionales,) ejus velocitas in quovis Parabolæ puncto est reciproce in subduplicata ratione distantie à Parabolæ foco.

Sit DC Trajectoria corporis Parabolica, cujus focus est s : Patet (ex *Corol. 2. Prop. xli. Lib. I.*) ejus velocitatem in puncto c esse reciproce ut SE perpendiculum à foco s in rectam cE tangentem Parabolam in c , sive velocitatem corporis in c esse ad ejusdem velocitatem in c ut se ad SE : Sed (ex *Corol. 1. Prop. præc.*) se est ad SE in subduplicata ratione rectæ sc ad rectam sc ; & igitur velocitas corporis in c est ad ejus velocitatem in c in subduplicata ratione rectæ sc ad rectam sc ; hoc est, corporis velocitas est inversè in subduplicata ratione ejus distantie à foco. Q. E. D.



PRO.

PROPOSITIO XVI.

Idem positis, *velocitas corporis in quovis Parabole puncto est ad velocitatem corporis revolvantis in circulo, circa idem centrum virium ad eandem distantiam descripto, ut diameter quadrati ad ejusdem latus.*

Nam (per Corol. I. Prop. XII. Lib. I.) velocitas corporis in Parabola moti in minima à foco distantia (hoc est, in vertice Parabolæ) est ad velocitatem corporis in circulo, circa idem centrum virium ad eandem distantiam gyrantis, in subduplicata ratione principalis lateris recti Parabolæ ad duplam distantiam verticis à foco: Sed Parabolæ latus rectum principale æquale est quadruplo distantie inter Parabolæ focum & verticem; & igitur velocitas corporis in Parabola ut dictum est moti, dum in vertice ejus versatur, est ad velocitatem corporis in circulo, circa idem centrum virium ad eandem distantiam gyrantis, in subduplicata ratione quaternarii ad binarium, five binarii ad unitatem; hoc est, in ipsa ratione quam diameter quadrati habet ad ejusdem latus. Rursus (per Prop. præc.) velocitas corporis, in alio quovis ad libitum assumpto puncto versantis, est ad ejus velocitatem in vertice in subduplicata ratione distantie verticis à foco ad distantiam alterius istius assumpti puncti ab eodem: Et (per Prop. XXVII. Lib. I.) si corpora, quæ urgentur à viribus quadrato distantie à centro reciproce proportionalibus, describant circa datum centrum circulos ad easdem distantias cum prædictis punctis in Parabola, erit corporis in circulo per assumptum istud punctum transeunte gyrantis velocitas ad velocitatem corporis gyrantis in circulo per verticem Parabolæ traducto in subduplicata ratione distantie verticis à foco ad distantiam alterius istius assumpti puncti ab eodem; hoc est, in eadem ratione in qua mox ostensæ sunt velocitates corporis in Parabola lati ad easdem distantias. Et igitur permutando velocitas corporis in Parabola moti ad punctum pro libitu assumptum est ad velocitatem gyrantis in circulo ad eandem distantiam ut velocitas corporis in Parabola moti ad verticem ad velocitatem revolvantis in circulo ad distantiam dicti verticis; hoc est, ut supra ostensum, in ratione diametri quadrati ad ejusdem latus. Q. E. D.

PROPOSITIO XVII.

Velocitas cujusvis Cometæ est ad velocitatem Planetæ cujuslibet primarii in subduplicata ratione duplæ distantie Planetæ à Sole ad distantiam Cometæ ab eodem.

Ex Libro primo constat Cometæ semitam circa Solem, etiamfi Elliptica sit, propter magnam Ellipseos istius excentricitatem esse fere Parabolam in cujus foco est Sol; eâ saltem ejus parte, quâ in regionem Planetariam immerfa Observationi nostræ subijcitur, à Parabola sensibilibiter non differre: Et ex Libro tertio palam est Planetarum primariorum Orbitas propter parvam excentricitatem à Circulis

Circulis Soli concentricis parum abludere. Unde ex Prop. præc. patet velocitatem Cometæ esse ad velocitatem Planetæ primarii ad eandem cum Cometa distantiam revoluti in subduplicata ratione binarii ad unitatem. Et velocitas huius fictitii Planetæ ad velocitatem alterius cuiusvis Primarii ad distantiam quamvis gyrantis (per Prop. xxvii. Lib. I.) est in subduplicata ratione distantiae dicti ultimi huius Primarii veri à Sole ad distantiam ficti illius, hoc est, distantiam ipsius Cometæ ab eodem: Et igitur ratio velocitatis Cometæ ad velocitatem Planetæ cuiusvis primarii, ex binis prædictis composita, æqualis est subduplicatæ rationi duplæ distantiae Planetæ à Sole ad distantiam Cometæ ab eodem. Q. E. D.

COROLLARIUM.

Hinc velocitas Cometæ comparari poterit cum velocitate cuiuslibet Primarii (v. g. Telluris) circa Solem delati, si nota sit ratio inter distantiam Cometæ à Sole & mediocrem dicti Planetæ distantiam ab eodem.

PROPOSITIO XVIII.

Sit Parabola quælibet PAB cuius focus S , huiusque arcus quivis ACB cuius chorda AB bisecta in M puncto, per quod ducatur recta MV ad axem Parabolæ SX parallela Parabole occurrens in V , & producat ad G , ita ut MV dupla sit ipsius VG ; jungatur GS secans AB in Q , & producat ad E , ita ut SE dupla sit ipsius SG : si Cometa describat arcum Parabolicum ACB circa Solem S (ut in Prop. xxxv. Lib. I.) recta EC , conjungens Cometam ubi vis in dicto arcu repertum (ut ad C) & punctum E superius determinatum, secabit chordam AB in D , ita ut AD sit quamproxime ad DB ut Tempus quo Cometa describit arcum AC ad Tempus quo arcum CB describit.


Jungantur rectæ SB , SD , SC , GA & AV ; ducatur etiam GD Parabolæ in K occurrens. Quoniam MV est ipsi SX parallela, secabit hæc (per Prop. XLVI. Lib. I. *El. Conic.*) omnes rectas ipsi AB parallelas à Parabola terminatas in duas partes æquales, adeoque segmentum Parabolicum sub curva AVB & recta AB comprehensum in duas portiones æquales five semisegmenta $AHVM$ & $BCVM$ dividet. Per V ducatur VF ad AB parallela, (quæ per Prop. XVII. Lib. I. *El. Conic.* Parabolam in V continget,) rectæ GD occurrens in F , & ductæ concipiantur rectæ SF , CF .

Quoniam ex constructione est MV ipsius VG dupla, & ES ipsius SG etiam dupla, erit MV ad VG sicut ES ad SG : Sed propter parallelas VF & MD , est (per Prop. II. *El. VI.*) DF ad FG ut MV ad VG ; & igitur DF est ad FG sicut ES ad SG . Recta igitur SF rectæ EC parallela erit per Prop. II. *El. VI.*; & ideo triangula DSC , DFC (per Prop. xxxvii. *El. I.*) æqualia: Sed triangulum DFC est proxime æquale trilineo DKC propter viciniam punctorum F & K ; triangulum igitur DSC trilineo DKC proxime æquale erit. Porro, triangulum MAG est (per Prop. I. *El. VI.*) trianguli MAV sesquialterum, cum eundem habeant verticem A & basis GM sit sesquialtera basis VM : Triangulum

clinēt potius versus B quam A , propter rationem supra allatam; nempe quod error minor erit si C distat ab V versus B , quam si inde distat versus A .

COROLLARIUM 2.

Si segmenti vertex V non multum distet à Parabolæ vertice principali X , nec punctum C ab V , recta SC , ex ipso Parabolæ foco S educta, dividet chordam AB in γ fere in ratione Temporum quibus Cometa arcus AC & CB describit. Quod si SV admodum fuerit magna respectu ipsius MV , erit MQ ipsius $Q\gamma$ tripla: Nam in isto casu rectæ SQG , $S\gamma V$ sunt pro parallelis habendæ; adeoque (per *Prop. II. El. VI*) MQ est ad $Q\gamma$ sicut MG ad GV ; hoc est, ex constructione, ut 3 ad 1.




COROLLARIUM 3.

Iisdem manentibus, erit QE æqualis $3QS + 3MV$: Nam per constructionem $SE = 2SG$, adeoque $GE = 3SG$, hoc est, $GE = 3SQ + 3QG$; si ergo ab utraque parte auferatur QG , erit $QE = 3SQ + 2QG$: Sed ob QG , γV parallelas, QG est ad γV sicut MG ad MV ; hoc est, sicut 3 ad 2; quare $2QG = 3\gamma V$: & γV æqualis MV , cum anguli γMV , $M\gamma V$ sint æquales, quia rectæ SV & MV æquales angulos faciunt cum recta tangente Parabolam in V , quæ (per *Prop. XLVI. Lib. I. Conic.*) est chordæ AB parallela, ideoque $3MV = 2QG$; & igitur $QE = 3QS + 3MV$. Si positio rectæ AB paululum mutetur, erunt præcedentia omnia etiamnum proxime vera.

PROPOSITIO XIX. LEMMA.

Si in Parabola BAV , cujus focus S , ductâ chordâ AB abscindatur segmentum AVB , cujus vertex V , diameter VM chordæ occurrens in puncto medio M , & ex M ad AB excitetur normalis MI rectæ LV ad AB parallelæ occurrens in I , & compleatur parallelogrammum $VIMK$; coeuntibus punctis V & M , sive nascente segmento AVB , diagonalis IK producta in S incidit.

Nam (per *Prop. XVII. Lib. I. Elem. Conic.*) recta LI Parabolam in V contingit, unde angulus SVL æqualis est angulo MVI : Sed quia parallelogrammum $MKVI$ est rectangulum, angulus KIV est æqualis angulo MVI ; & igitur angulus KIV æqualis angulo SVL , ideoque (per *Prop. XXVIII. El. I.*) IK parallela est ad VS , atque hoc semper: coeuntibus igitur punctis I & V , hoc est, coeuntibus punctis M & V , recta IK producta per focum S transit. Q. E. D.



COROLLARIUM.

Hinc sequitur, quod si ab aliquo Parabolæ puncto C , segmenti $H h h$ 2

ACB

bolam describentis, in distantia à Sole sive altitudine sv , est ad e-
jusdem velocitatem in altitudine sr in subduplicata ratione sr ad
 sv ; hoc est, ut sl ad sv : Et longitudines eodem tempore percur-
sæ per mobilia æquabiliter lata sunt ut velocitates; longitudo igitur
in tangente descripta est ad longitudinem æquali tempore (nempe
quo Cometa arcum Parabolicum avb percurrit) descriptam à Co-
meta æquabiliter lato, ea cum velocitate quam habet in altitudine
 sr , ut sl ad sv . Cum igitur longitudo dicta in tangente descripta
candem habeat rationem (nempe quam sl habet ad sv) ad chordam
 ab atque ad longitudinem quam percurreret Cometa, motus ea
cum velocitate quam in altitudine sr habet, per tempus æquale illi
quo idem Cometa arcum avb describit; æquales erunt inter se
istæ longitudines, nempe chorda ab & longitudo à Cometa per-
cursa ea cum velocitate quam in altitudine sr habet, eoque tem-
pore quo idem Cometa arcum avb describit. Q. E. D.

COROLLARIUM.

Si sv sit magna admodum respectu vl , tres geometricæ propor-
tionales sv , sl & sr erunt etiam arithmetice proportionales pro-
xime; hoc est, l erit æqualis vl sive trienti ipsius mv , adeoque
 vr bessi ipsius mv proxime æqualis. Et igitur Cometa æquabi-
liter motus, ea cum velocitate quam habet in altitudine sive di-
stantia à Sole æquali $sv + mv$ eoque tempore quo describat arcum
Parabolicum avb , percurreret longitudinem dicti arcus chordæ
 ab æqualem.

PROPOSITIO XXI.

In eadem figura, si Cometa è quiete demitteretur ex altitudine
 ls ut caderet versus Solem s , & eà vi centripetâ nec auctâ nec
minutâ deinde urgeretur quâ in l urgebatur; Cometa hic semisse
temporis, quo arcum Parabolicum avb describat, descendendo per-
curreret rectam rectæ mv æqualem.

Per Prop. præc. quo tempore Cometa describit arcum Paraboli-
cum avb , si moveretur æquabiliter velocitate quam habet in Para-
bola ad altitudinem sive à Sole distantiam æqualem sr , describeret
longitudinem chordæ ab æqualem: Sed velocitas Cometæ in Para-
bola ad altitudinem sr (per Prop. xvi.) est ad velocitatem corporis
ad eandem à Sole distantiam gyrantis in circulo, in cujus circumfer-
rentia vi suæ gravitatis retinetur, in subduplicata ratione binarii
ad unitatem; arcus igitur quem corpus in circulo, cujus semidia-
meter sr , latum percurrit tempore quo Cometa arcum Paraboli-
cum avb describit, est ad arcus Parabolici chordam ab ut 1 ad $\sqrt{2}$,
ac proinde æqualis $\frac{ab}{\sqrt{2}}$. Sed (per Corol. i. Prop. xxv. Lib. i.) corpus
quodvis è quiete demissum versus Solem, eadem vi centripetâ per-
petuo urgente, (ut hic supponitur,) semisse temporis quo percurrit
arcum circuli distantia à Sole istâ unde deciderat tanquam radio
descripti, cadit per spatium æquale quadrato semissis dicti arcus


circularis (hoc est, quadrato semissis $\frac{AB}{\sqrt{2}}$) ad circuli diametrum five $2SR$ applicato; hoc est, quadrato $\frac{AM}{\sqrt{2}}$ applicato ad $2SR$, five $\frac{AMg}{4SR}$. Spatium igitur per quod corpus è quiete ex altitudine RS demissum cadendo percurrit, semisse temporis quo Cometa arcum Parabolicum AVB describat, æquale est $\frac{AMg}{4SR}$. Sed (per Prop. XLII. Lib. I.) vis centripeta five gravitas acceleratrix versus Solem ad distantiam SL est ad gravitatem acceleratricem versus eundem ad distantiam SR ut SRg ad SLg ; hoc est, ob proportionales SR , SL , SV , ut SR ad SV : Et igitur cum Cometa motu omni privatus & ex R demissus, semisse temporis quo arcum Parabolicum AVB describat, cadat versus Solem per spatium æquale $\frac{AMg}{4SR}$; idem pari tempore ex L similiter demissus cadendo versus Solem percurrat spatium quod est ad $\frac{AMg}{4SR}$ ut SR ad SV ; hoc est, spatium æquale $\frac{AMg}{4SV}$. Porro, ex Parabolæ natura $4SV$ est latus rectum diametri VM ; hoc est, rectangulum sub $4SV$ & VM æquale est quadrato ipsius AM , ideoque $\frac{AMg}{4SV}$ ipsi VM rectæ est æqualis: Cometa igitur motu omni privatus & demissus de altitudine LS ut versus Solem S cadat, si Vi acceleratrice five gravitate uniformi urgeatur æquali illi quâ in dicta altitudine SL urgebatur, semisse temporis quo arcum Parabolicum AVB describat, cadet per rectam rectæ VM æqualem. Q. E. D.

PROPOSITIO XXII. LEMMA.

Si ex puncto S , Parabolæ AVB foco & Circuli TTT centro, ducantur æquales rectæ SV & st , ducantur item rectæ AB , TT , chordæ arcuum quorum vertex V & t , secantes rectas SV , st in punctis D & N , ita ut VD & tN sint æquales & admodum parvæ respectu rectarum SV & st ; erit chorda AB ad diametrum quadrati, cujus latus est chorda TT , in subduplicata ratione rectæ st ad SD rectam.

Per v ducatur VM Parabolæ axi parallela, chordæ occurrens in M , quæque (per Prop. XLVI. Lib. I. Conic.) erit segmenti AVB diameter, cujus parameter est quadrupla rectæ SV , adeoque $AMg = 4SV \cdot VM$. Cumque sit (per Prop. XXXV. El. III.) $TNg = tS + sN \cdot tN =$ (quia $st = sN$) $2st \cdot tN$; erit $AMg : 4SV \cdot VM :: TNg : 2st \cdot tN$, ideoque (sumendo antecedentium quadrupla & permutando) erit $ABg : Ttg :: 4SV \cdot VM : 2st \cdot tN$. Sed (per offensam in demonstratione Prop. XX.) $VM = VD$, & ex hypoth. $VD = tN$; applicando igitur præcedentis analogiæ tertium terminum ad VM & quartum ad tN , erit $ABg : Ttg :: 4SV : 2st$; hoc est (propter SV & st ex hypothesi æquales) $ABg : Ttg :: 2st : SV$; id est, ut $2st$ ad SV five SD & duplicando consequentes, $ABg : 2 \cdot Ttg :: 2st : 2SD$;

hoc



hoc est, ut st ad sd : Ideoque AB ad $\sqrt{2} \times \sqrt{2}$ in subduplicata ratione st ad sd . Q. E. D.

PROPOSITIO XXIII. LEMMA.

SI communi foco s describantur duæ quævis Parabolæ ACB , EGF , in quibus ductæ chordæ AB & EF abscindant segmenta quorum vertices c & a , ea lege ut ductis rectis sc & sg prædictas chordas in d & h secantibus, sit cd æqualis gh ; dico AB esse ad EF in subduplicata ratione rectæ sc ad rectam sg .


Per c ducatur cm segmenti ACB diameter, & per a recta gk segmenti EGF diameter, chordis respectivis in m & k occurrentes. Harum diametrorum parametri æquantur quadruplis sc , sg , ut superius ostensum; eritque (per Prop. XLIX. Lib. I. Conic.) $amq = 4sc \cdot cd$, & $ekq = 4sg \cdot gh$: Unde amq est ad ekq sicut $4sc \cdot cd$ ad $4sg \cdot gh$, hoc est (ob æquales cd & gh) sicut sc ad sg ; & igitur am est ad ek in subduplicata ratione sc ad sg . Unde est AB (ipsius am dupla) ad EF (ipsius ek duplam) in subduplicata ratione sc ad sg .



PROPOSITIO XXIV.

Circa datum focus s , Parabolam describere, quæ per data duo puncta transeat.

Sit datum focus s , puncta duo data per quæ Parabola incedere debet A & B . Centris A & B , distantis As & Bs ducantur duo circuli, & ducatur (per Constr. Prop. cxviii. Lib. vii. Pappi Collect. Math.) recta cd utrumque contingens, in quam ex s puncto demittatur perpendicularis se , quæ bifecetur in v . Vertice v , axe vsx rectâ & latere recto æquali quadruplæ rectæ vs (per Prop. LII. Lib. I. Conic.) describatur Parabola: Erit hæc quæsitâ.



Quod s sit descriptæ Parabolæ focus constat exinde, quod in axe Parabolæ distat ab illius vertice quartâ parte lateris recti, quæ est notissima foci Parabolæ proprietas. Quod vero hæc per puncta A & B transeat, sic patet: Parabolæ axis vx ultra verticem productus est ad e , ita ut ve sit æqualis vs distantie foci à vertice; & per e ducta est ced recta ad axem Parabolæ perpendicularis, & punctum a tale est ut as ejus distantia à foco æqualis sit ac , quæ (per Prop. xviii. El. III.) perpendicularis est ex a ad cd rectam: Unde (per Corol. 2. Prop. xiv.) Parabola supradescrpta per A tranfit, & propter similes rationes tranfit etiam per B . Q. E. F.


Potuiſſet

Potuiſſet hoc Problema ſolutum cenſeri per Prop. xxv. Lib. iii. ut ibidem notatum; verum propter inſignem ejus uſum, hunc locum illi concedimus. Duo data puncta in Parabola idem hic præſtant atque tria illic in Ellipſi, quoniam uni puncto æquivalet data in omni Parabola ratio inter laſus rectum & tranſverſum. Non opus eſt apponere calculum trigonometricum, quo Parabolæ vertex, parameter &c. determinantur: hæc enim ex ſubnexis Prop. xxvi. Lib. iii. ſatis ſunt manifeſta.

PROPOSITIO XXV.

EX obſervatis aliquot Cometæ Locis invenire Locum ejus ad Tempus quodvis intermedium datum; & Tempus, quo Locum intermedium datum occupabit, determinare.

Sit linea $\nu 123$ Via Cometæ apparens, ſintque Loca obſervata 1, 2, 3, 4, 5, 6, 7, ita ut æquale Tempus labatur inter momentum quo Cometa in punctis 1 & 2 obſervatus erat, ei quod elapſum eſt dum à 2 ad 3 pervenit, vel à 3 ad 4, vel à 4 ad 5, & ita denuo. Vocetur illud τ . Sumantur horum Locorum à puncto fixo ν computatorum $\nu 1, \nu 2, \nu 3, \nu 4, \nu 5$ &c. (ut Aſtronomis ſolenne eſt) differentiæ primæ, ipſi ſc. arcus 12, 23, 34, 45, &c. quas vocabimus A, B, C, D, E, F: Sumantur rurfus eorum differentiæ ſecundæ ſive differentiarum primarum differentiæ G, H, K, L, M; tum harum differentiarum ſecundarum differentiæ ſive



arcuum $\nu 1, \nu 2, \nu 3$ &c. differentiæ tertiæ P, Q, R, S; & ita denuo, donec ad differentias perveniatur nihilo æquales, nempe immediate præcedentium æqualium differentiarum differentias. Temporum æqualium in percurrendis arcubus A, B, C &c. inſumptorum unumquodque (ſc. τ) diviſum intelligatur in partes æquales quotvis, (quo plures eo accuratius omnia ſient,) atque arcus quolibet Tempore τ à Cometa percurſus diſpertiat in tot partes in quot τ dividitur, tales ut harum partium ab ν computatarum ſimiles differentiæ ſint nihilo æquales atque ipſarum $\nu 1, \nu 2, \nu 3, \nu 4$ &c; & eodem ordine progrediantur verſus eaſdem partes auctæ vel minutæ, utque harum una in medio ſita toties contineatur in integro arcu, quoties Tempus cui hic contingit in integro tempore continetur, quod in Calculo Aſtronomico verſanti perſacile crit: *ex. gr.* ſi datorum arcuum $\nu 1, \nu 2, \nu 3, \nu 4$ &c. differentiæ tertiæ deprehenſæ fuerint nihilo æquales, tum ab ν ad diviſiones ipſorum A, B, C &c. computatorum arcuum differentiæ tertiæ ſint etiam nihilo æquales; ſi illic differentiæ tantum quartæ ſequentur nihilo, hic differentiæ quartæ etiam evaneſcant, & ita in cæteris; & puncta diviſionis arcuum

arcuum erunt Loca Cometæ ad momenta Temporis analogæ: Intermedii vero arcus poterunt tuto censerî à Cometa æquabiliter percurri.

Etenim hoc modo fiet ut arcus quilibet 12, 23, 34 vel 45 percurratur à Cometa secundum eandem legem moto atque arcus totus 17: ex constructione enim prædictorum arcuum quilibet ejusque pars quævis tot partes continens quot 17 arcus continet 12, 23, 34 &c. similiter dividitur atque ipse arcus in punctis 2, 3, 4, 5, 6; & cum Tempora inter momenta, quibus Cometa ad puncta hæc appellit, sint æqualia, sicut & illa quibus arcus 12, 23, 34, 45 &c. describuntur; patet Cometam ad inventa puncta appellere Temporibus notis congruis, siquidem Cometa eodem tenore movetur dum arcuum horum quemlibet describit, quo movebatur dum arcus præcedentes & subsequentes describeret, quod in motu quovis naturali obtinere patet. Notis vero Temporis momentis, quibus Cometa ad puncta cognita appellit, & supposito præterea Cometam intermedios parvos arcus æquabiliter percurrere, quod tuto fiet si hi arcus (ipsorum sc. 12, 23, 34, 45 &c. partes) satis sint parvi, hoc est, si τ in satis multas partes divisum supponatur; dato quolibet Tempore intermedio inter momenta quibus Cometa tenebat puncta 1 & 7, innotescet Locus quem Cometa tenet: Et vicissim Tempus innotescet quando ad datum inter 1 & 7 Locum appellit.

SCHOLIUM.

Artifices communiter prædictum Tempus τ constituunt Diem naturalem. Quod si Cometam observare non detur præcise post 24 Horas elapsas, ejus Locum unâ alterâve Horâ ante vel post observatum reducunt ad finem Diei naturalis, supponendo motum interea factum esse æquabilem, quod in tantillo Temporis spatio errori sensibilem inducere nequit. Diem naturalem, sive Tempus per τ in Prop. designatum, in hac praxi dividunt in partes quatuor sive senas Horas, quod satis esse ducunt, nisi Cometæ motus sit valde acceleratus vel retardatus, & exactissime sit procedendum; in quo casu illud (saltem senas istas Horas, in quibus invenitur datum Tempus ad quod Cometæ Locus est inveniendus) in Horas singulas dispertiant, tutoque tandem supponunt Cometæ motum Horâ unicâ factum esse æquabilem.

Accidit plerumque quod, in exactissimis Cometæ Observationibus, Locorum à fixo initio computatorum differentię tertię, quę in schemate per p, q, r, s designantur, sint nihilo æquales, sive quod illorum differentię secundę g, h, k, l, m, hoc est, ipsorum arcuum A, B, C, D, E, F differentię primę sint invicem æquales: Ideoque arcum à Cometa spatio 24 Horarum percursum dividunt Artifices in 24, tales ut qui Horæ duodecimę contingit arcus sit pars vigesima quarta arcus spatio Diei naturalis à Cometa ex observatione percursum; sive potius (cum arcus hic non sit præcise in medio, sed una cum arcu Horæ sequenti congruo locum medium inter se partiantur) ut arcus bini Horis hisce binis contingentes simul sumpti partem

efficiant duodecimam arcûs spatio diurno descripti, utque harum partium differentiæ primæ sint etiam invicem æquales, sive differentiæ secundæ nullæ, tandemque ut earum majores sint ad eandem plagam, respectu minorum, ad quam sunt in arcubus A, B, C, D, E, F, & cuique Horæ tribuunt eodem ordine unam ex dictis partibus. Sic enim fiet ut Cometa eodem tenore, similiterque acceleratus vel retardatus, describat arcum quemvis spatio unius Diei quo descripsit arcum 15 spatio quatuor Dierum: Nam quatuor tantum requiruntur Dierum invicem proximorum Observationes ut innotescat num arcuum 12, 23, 34, 45 differentiæ primæ sint invicem æquales. Et si Tempus propositum intra alios quaternos Dies cadat, rursus investigant quænam differentiæ invicem æquantur, & similiter procedunt atque prius.

Non solum modus hic adhibetur ut Cometæ Locus in Via sua apparente ad datum Tempus intermedium determinetur, sed etiam (diviso motu Cometæ ut communiter fit in Longitudinem & Latitudinem, Ascensionem rectam & Declinationem, vel ejusmodi alias) ut ex observatis aliquot ejus Locis secundum harum utramvis inveniatur illius Locus secundum eandem, ad Tempus intermedium datum: etenim hic supponitur tantum quod Cometæ motus, secundum quamvis directionem consideratus, eodem tenore progreditur quovis Die uno, quo in pluribus ante & post illum Diebus.

Hæc Methodus per differentias procedendi etiam in aliis pluribus (ex. gr. Tabulis ad minores divisiones supputandis) usus habet insignes, de quibus suse actum à R. P. *Gabriele Mouton Lugdunensi*, qui hujusmodi interpolationes perficere docet in Libro *De Observationibus Diametrorum Solis & Lunæ apparentium*.

PROPOSITIO XXVI.


Cometæ in Parabola moti Trajectoriam ex observationibus determinare.

Designet s Solem, τ t Orbitam Telluris: selignantur tres Cometæ Observationes æqualibus fere temporum intervallis ab invicem distantes, ita tamen ut tempus istud sit paulo majus ubi Cometa tardius movetur: sintque puncta τ , t & τ Loca Terræ ad dicta tempora; hoc est, τ Locus Terræ in Observatione prima, t ejus Locus in Observatione secunda, & τ in tertia. Quod si tales Observationes non dentur, inveniendus est (per Prop. xxv.) Cometæ Locus ad tempus in dictis conditionibus cum aliis duobus temporibus quibus Loca congrua sunt observata. Jungatur τ τ , ad quam ex t demittatur normalis tN : Sint rectæ tA , tC , τB tres observatæ Longitudines; dantur igitur positione tres hæ rectæ. In harum media tC capiatur utcumque punctum c pro vestigio Cometæ in plano Eclipticæ: Ex c ad Eclipticæ planum erigatur normalis recta $c\gamma$ æqualis tangenti notæ Latitudinis Cometæ in Observatione secunda, posito tC radio: Jungantur γs , cs , in quarum ultima versus s sumatur cd quæ sit ad tN notam (quippe noti arcûs τt sinum versum) ut solidum

quod Cometa casu versus Solem revera describeret, stansse temporis quo Terra describit Orbitæ suæ arcum $\tau\tau$, hoc est, semisse temporis quo Cometa describit Trajectoriæ suæ arcum interceptum inter duas Longitudines τA & τB ; & igitur punctum A est in arcus istius chorda. Et ideo si tam arcus Trajectoriæ prædicti $\alpha\gamma\beta$, inter binas extremas observatas Longitudines τA & τB intercepti, quam puncti A concipiantur vestigia in plano demissione normalium ad Eclipticæ planum signata, nempe ACB & D ; erit punctum B in chorda arcus ACB . Sed chorda arcus ACB talis est (per Corol. 2. Prop. XVIII.) ut hæc ab C dividatur fere in ratione temporum quibus Cometa ad Eclipticam reductus describit arcus AC , CB ; & per constructionem in hac eadem ratione dividitur ducta ADB recta, estque hæc unica quæ in hisce conditionibus duci poterit. Cum igitur oporteat chordam arcus, qui est vestigium portionis Trajectoriæ Cometæ inter extremas Longitudines τA , τB interceptæ, à rectis τA , τB terminari, & per D transire, & in D dividi in ratione temporum binorum inter tres Observationes; cumque recta ADB habeat omnes hasce tres conditiones, solaque sit & unica quæ illis fruitur; constat rectam ADB (ductam ut superius) esse chordam dicti arcus, adeoque puncta A & B esse proxime vestigia Cometæ in plano Eclipticæ in Observationibus prima & tertia, si C sit verum ejus vestigium in Observatione secunda.


Quoniam vero assumptum est punctum C vero non satis propinquum, & licet verum fuisset, tamen puncta A & B inde deducta non sunt accurate satis definita; libet ex hisce præterpropter determinatis omnia demum corrigere. In quem finem in schemate sequenti (ubi eadem constructio manere intelligitur, omisiss tantum iis quæ ad demonstranda superius posita fuere necessaria, in posterum vero confusionem parerent) ad M medium punctum rectæ AB ipsi AB erigatur normalis MI , cui occurrat in I recta CI , acta per C ipsi BA parallela; jungatur SI secans AB in K , & compleatur parallelogrammum $MIVK$, & sumatur MQ tripla ipsius MK : Jungatur QS & producat ad B donec QE sit æqualis $3QS + 3IK$. Puncto E determinato, deleta intelligantur signa (sive literæ) A , M , D & B ; jungatur CE ; in qua versus B sumatur nova EP in duplicata ratione rectæ SC ad rectam æqualem ipsi $SV + IK$, & per punctum P noviter inventum (op. Prop. VIII.) ducatur nova $ABAD$ τA & τB terminata, talis ut AB sit ad DB ut tempus inter Observationem primam & secundam ad tempus inter Observationem secundam & tertiam: Erunt puncta A & B magis accurate quam prius vestigia Cometæ in plano Eclipticæ in Observationibus prima & tertia, si punctum C recte assumptum sit ejus vestigium in Observatione secunda. Concipiantur demissa à singulis Trajectoriæ Cometæ punctis perpendiculara ad planum Eclipticæ, sive (quod eodem redit) intelligatur super planum Eclipticæ normaliter erecta superficies cylindrica per Cometæ Trajectoriam transiens; punctis à dictis perpendicularis figuratis in Eclipticæ plano conficietur (sive communis sectio

sectio dictæ superficiei cylindricæ cum plano Eclipticæ erit) Curva
 Parabolica ACB cujus focus s , vel ab hac parum abluens; hujus
 arcus ACB inter rectas TA, TB comprehensi chorda (ex supra ostensis)
 est quamproxime recta AB prius ducta, cujus medium punctum M .
 Cumque in dicto arcu sumptum sit punctum c non procul à seg-
 menti ACB vertice, (nam in hunc finem capta sunt tria Obser-
 vationum tempora, æqualibus fere intervallis ab invicem di-
 stantia, ita tamen ut tempus istud sit paulo majus ubi Cometa tar-
 dius movetur,) ductaque sit recta ad BA parallela cum normali ad
 AB ex M excitata concurrens in I , & juncta sit SY secans AB in K , com-
 pletumque parallelogrammum $IMKY$; cumque porro, ob immen-
 sam Solis distantiam, punctorum M & v distantia præ illa evanescat,



hoc est, coeant dicta puncta; (per Corol. Prop. XIX.) v est vertex
 segmenti ACB . Si jungatur vs secans chordam in y , erit (ob im-
 mensam puncti s distantiam) vy fere parallela ad IK , adeoque KY
 æqualis IV , & ideo ipsi MK . Sed ex constructione est MQ tripla
 ipsius MK , unde & ipsius KY tripla est, adeoque & reliquæ YQ etiam
 tripla; & igitur (per Corol. 1. Prop. XVIII.) juncta Qs talis est qua-
 lis Qs in Prop. XVIII. ejusque Corollariis; hoc est, in Qs producta ad
 partes s reperitur punctum z , à quo ducta quævis recta chordam
 AB arcumque ACB secans, chordam secat in segmenta eandem ha-
 bentia rationem cum temporibus, quibus adjacentes arcus à Cometa
 describuntur. Porro, ex constructione est QE æqualis $3QS + 3IK$, &
 IK æqualis MV , (sunt utique diametri ejusdem parallelogrammi re-
 ctanguli;) unde QE æqualis est $3QS + 3MV$. Et igitur (per Corol. 3.
 Prop. XVIII.) punctum z supra determinatum illud ipsum est, ex quo
 ducta utcumque recta chordam AB dividit in segmenta eandem ha-
 bentia rationem, quam tempora quibus arcus AB binæ partes ab e-
 dem recta producta notatæ à Cometa describuntur, quod prius
 perperam (licet non nimis erronee) de ipso foco s supposuimus.


Deletâ igitur (ad vitandam confusionem) priore cd versus s ductâ, actâ est nova versus e , quæ est ad priorem ut quadratum ipsius sc ad quadratum ipsius $sv + ik$, hoc est (propter æquales ik & mv) ad quadratum ipsius $sv + mv$, & sc est quamproxime æqualis sv : Quare nova cd est ad priorem cd ut quadratum ab sv ad quadratum descriptum ab sl , positâ vl triente ipsius mv five ik , ut in constructione Prop. xx & xxi. Sed (ex Prop. xlii. Lib. I.) gravitas acceleratrix versus Solem in loco L est ad gravitatem acceleratricem versus eundem in loco e (vel v) ut quadratum ab sc (vel sv) ad quadratum ab sl : Et ut gravitates acceleratrices versus Solem in distantis diversis, ita sunt (manentibus dictis viribus) spatia eodem quocunque tempore cadendo versus Solem percursa; & igitur nova



cd est ad priorem cd ut spatium cadendo percursum versus Solem, urgente vi acceleratrice quæ in loco L urget, semisse temporis quo Cometa describit arcum inter longitudines TA & TB interceptum, ad spatium eodem tempore cadendo percursum versus Solem, urgente vi acceleratrice quæ in loco e urget. Sed huius analogiæ consequentes æquantur, æquantur igitur & antecedentes; hoc est, noviter ductâ cd æquatur spatium a grave cadente versus Solem percursum, semisse temporis quo Cometa arcum ACB in Ecliptica describit, urgente gravitate acceleratrice, quæ in distantia sl à Sole obtinet, uniformiter continuatâ. Sed (per Prop. xxi.) spatium per quod corpus versus Solem decedit, semisse temporis quo Cometa arcum AVB describit (consideramus enim nunc motum Cometæ tanquam in Eclipticæ plano factum, loco Trajectoriæ Cometicæ ejus vestigium in plano Eclipticæ intuentes) cum urgetur ab uniformiter continuata gravitate acceleratrice versus Solem quæ in loco L obtinet, æquale est vy segmento rectæ vs inter verticem v & chordam AB intercepto; adeoque quamproxime æquale ipsius ce segmento cd inter punctum c (ipsi v proximum) & chordam AB intercepto. Unde punctum


punctum D est in chorda AB multo accuratius quam antea; hoc est, chorda arcus, qui est vestigium in plano Eclipticæ portionis Trajectoriæ Cometæ inter Longitudines TA & TB interceptæ, per punctum D ultimo determinatum quamproxime transit. Porro (per Prop. XVIII.) chorda prædicta per D traducta eum inter TA , TB fitum obtinere debet, ut AD sit ad DB sicut tempus quo Cometa describit Eclipticæ arcum inter Longitudines TA & t c ad tempus quo arcum inter t c & TB interjectum describit: Sed AB ita (ope Prop. VIII.) acta est per D , ut AD sit ad DB in eadem illa ratione, nempe sicut tempus inter Observationem primam & secundam ad tempus inter Observationem secundam & tertiam; rite igitur acta est AB & uti oportet, nimirum per D transiens, & divisa in D uti dictum. Et ideo, posito punctum c recte fuisse assumptum pro Cometæ vestigio in Observatione secunda, puncta A & B sunt ejusdem vestigia quamproxime in Observationibus prima & tertia.

Restat nunc ut dignoscatur an punctum c in media Longitudine fuerit recte assumptum Cometæ vestigium; quod si non fuerit, ut error hinc ortus corrigatur, reliquis quæ hæcenus recte sunt facta manentibus. Deleto priore parallelogrammo $IMKV$ ad priorem minusque accuratam chordam AB constituto, constituatur alterum ad posteriorem & accuratiorem AB , eadem adhibita constructione atque prius. Ad A , M & B erigantur ad AB normales AA' , MM' & BB' ,



quarum AA' sit tangens notæ Latitudinis in Observatione prima ad radium TA , & BB' tangens Latitudinis in Observatione tertia ad radium TB : Jungatur AA' cui occurrat MM' in A' . Si erigatur trapezium $AB'E$ normaliter ad planum Eclipticæ, manente rectâ AB , sunt (ut prius ostensum) puncta a & b Loci Cometæ in spacio Mundano; si punctum c sit ejus vestigium in plano Eclipticæ in Observatione secunda, & planum transiens per tria puncta a , a' & b est planum Trajectoriæ


Trajectoriæ Cometicæ : Ideoque recta $\alpha\beta$ est chorda arcûs Trajectoriæ Parabolicæ à Cometa percurſæ inter Obſervationem primam & tertiam, & $s\alpha$, $s\beta$ ſunt diſtantiæ Cometæ à Sole in Obſervatione prima & tertia reſpectivè; hoc eſt, diſtantia vera cujuſvis puncti Trajectoriæ Cometicæ à Sole eſt hypothenuſa trianguli rectanguli, cujuſ alterum latus eſt diſtantia à Sole veſtigii illius puncti in plano Eclipticæ, alterum vero perpendicularum ex iſto veſtigio normaliter ad planum Eclipticæ excitatum & ad punctum Trajectoriæ terminatum. Cum quædam ex iſtis perpendicularis ſint longiora ut $\beta\beta$, quædam breviora ut $\alpha\alpha$, ſumatur medium inter hæc, ſc. hic $M\mu$; & univerſaliter loquendo diſtantia cujuſvis puncti Trajectoriæ Cometicæ à Sole erit proxime hypothenuſa trianguli rectanguli, cujuſ alterum latus eſt diſtantia analogi puncti in veſtigio Trajectoriæ deſcripto, & alterum ipſa recta $M\mu$. Quo poſito, in MA (eave producta) ſumatur MH æqualis $SV + IK$, hoc eſt, æqualis SR , poſitâ LR æquali LV , & jungatur $H\mu$; erit hæc quamproxime æqualis puncti Trajectoriæ (cujus v eſt veſtigium) diſtantiæ à Sole auctæ beſſe rectæ interjectæ inter punctum iſtud & chordam arcûs Trajectoriæ, ipſam ſc. $\alpha\beta$ in erecto trapezio $AB\beta\alpha$; id eſt, recta $H\mu$ æqualis eſt rectæ in plano Trajectoriæ Cometæ, analogæ ipſi SR in ejus veſtigio in plano Eclipticæ; hoc eſt, $H\mu$ æqualis eſt rectæ SR in Parabola Prop.xx. Per Corol.Prop.xvii.conferatur velocitas Cometæ, dum in Parabolica ſua



Trajectoria movetur ad diſtantiæ à Sole æqualem rectæ $H\mu$, cum velocitate Telluris circa Solem, & definiatur linea quam Cometa dicta cum velocitate æquabiliter motus percurreret toto tempore quo Tellus arcum TST deſcribit, ſive toto tempore quo Cometa arcum ACB in Ecliptica percurrit, in partibus arcûs TST à Tellure interim percurſi; quod facillime fit modo ſequenti: Calculo ſubducatur longitudo arcûs TST à Tellure deſcripti inter Obſervationem primam &


& tertiam, posito quovis numero rotundo pro mediocri distantia Terræ à Sole; longitudo (puta z) quæ est ad hunc arcum in subduplicata ratione Diametri Orbis magni ad rectam notam $H\mu$, quæque proinde datur, est ipsa longitudo quæsita, nempe quam Cometa æquabiliter latus ea cum velocitate quam Trajectoriam suam Parabolicam describens habet ad distantiam à Sole æqualem ipsi $H\mu$ percurreret tempore, quo Cometa arcum cujus chorda $\alpha\beta$ revera percurrit: Nam (per Prop. XVII.) velocitas Cometæ ad dictam distantiam $H\mu$ est ad velocitatem Telluris in ratione supradicta. Sed (per Prop. XX.) dicta longitudo z æqualis est chordæ arcus quem Cometa revera isto tempore describit; igitur si deprehendatur z æqualis chordæ $\alpha\beta$, certissimum est indicium punctum c in Longitudine secundo observata recte fuisse assumptum pro vestigio Cometæ; adeoque A , c & B esse tria Loca sive vestigia Cometæ in plano Eclipticæ.

Quod si z non deprehensa fuerit equalis rectæ $\alpha\beta$, hoc est, si punctum c non sit recte assumptum in i c Longitudine secundo observata; capiantur in $\alpha\beta$ (cave producta si opus sit) $\alpha\varphi$, $\beta\pi$ aequales ipsi z , capiantur etiam AF , BP aequales $\alpha\varphi$, $\beta\pi$, ita ut F & φ ad eandem partes rectæ AA' , item P & π ad eandem partes rectæ BB' jaceant. Præterea eandem methodo, quæ ex assumpto puncto c inventa sunt



puncta A, B, D, F, P, ex assumptis aliis punctis 2 c & 3 c inveniantur nova 2 A, 2 B, 2 D, 2 F, 2 P & 3 A, 3 B, 3 D, 3 F, 3 P, ut in schemate annexo, ubi iisdem manentibus iisdemque literis notatis atque supra, ea tantum omittuntur de quibus postea non est sermo. Quod si Z minor fuerit quam α , aut AF vel BP minor quam AB (ut in annexo schemate accidit) punctum 2 c sumendum erit ipsi puncto (in quo TA & TB concurrunt) propius; & ita porro, ita ut saltem

3 A 3 F major fiat quam 3 A 3 B: Si vero è contra A F major fuerit quam A B, fumenda erit 2 c major quam 2 c; atque ita porro, ita ut saltem 3 A 3 F minor fiat quam 3 A 3 B. Per puncta F, 2 F & 3 F describatur circulus, qui rectam τB secabit inter B & 3 B, puta in o, si puncta nova 2 c, 3 c sumpta fuerint secundum prius tradita. Similiter, per puncta P, 2 P & 3 P describatur circulus rectam τA in x interfecans; erunt puncta o & x Loca Cometæ ad Eclipticam reducta sive Cometæ vestigia in Observatione prima & tertia. Nam supra fuit demonstratum puncta A & B esse vestigia Cometæ in plano Eclipticæ in Observatione prima & tertia, si c sit ejusdem vestigium in Observatione secunda: idemque similiter obtinet in 2 A, 2 B & 2 c; item in 3 A, 3 B & 3 c. Demonstratum quoque est c esse revera vestigium Cometæ in Observatione secunda, si z æqualis sit $\alpha\beta$; hoc est, si rectarum A F & B P quælibet sit æqualis ipsi A B; hoc est demum, si puncta B & F coincident, item A & P. Et igitur si, reliquis manentibus, puncta B & F coincident, tale B erit vestigium Cometæ in Observatione tertia: Similiter coincidentibus A & P, erit tale A ejusdem vestigium in Observatione prima. Ad quam coincidentiam conciliandam per tria puncta legitime reperta F, 2 F & 3 F traductus est circulus, hoc est, linea simplicissima per tria puncta transiens, re-



ctam τB in o interfecans. Cum igitur punctum o sit tam in loco punctorum B, nempe recta τB , quam in loco punctorum F, nempe circulo; quando punctum B reperitur in o, punctum F in illo etiam reperietur, hoc est, in isto casu puncta B & F coincident; & ideo punctum o est verum Cometæ vestigium in plano Eclipticæ in Observatione tertia, quippe cui conveniunt omnes conditiones requisitæ. Similiter & ob easdem rationes, punctum x est verum Cometæ

metæ vestigium in Observatione prima. Igitur si ex puncto o ad planum hujus schematis, Eclipticæ planum referens, erigatur perpendicularis recta $o\alpha$, æqualis tangenti notæ Latitudinis in Observatione tertia ad radium τo ; erit α Cometæ Locus verus in sua Trajectoria. Similiter, $x\xi$ perpendicularis ad planum Eclipticæ ad punctum x excitata, æqualis tangenti Latitudinis in Observatione prima ad radium τx , ostendet punctum ξ alterum Cometæ Locum in propria Trajectoria. Foco s per puncta α & ξ (per Prop. xxiv.) describatur Parabola; erit hæc Cometæ Trajectoria quæsitæ. Quoniam vero duæ sunt Parabolæ foco s descriptæ, per puncta bina α & ξ transeuntes, utra ex hisce sit nostri Cometæ Trajectoria, patebit ex alia quavis Cometæ Observatione: Locus enim ejus ex altera harum Parabolarum deductus Loco observato conveniet, ex altera vero nequaquam. Ex Observationibus igitur determinavimus Trajectoriam Cometæ in Parabola moti. Q. E. F.

Licebit etiam in τA vel in τB puncta ad libitum eligere sicut in τc hic factum, & puncta in reliquis duabus hinc resultantia similiter tractare atque puncta in τA , τB superius tractata sunt.

In præcedente investigatione, siue Arithmetica siue Graphica siue ex utraque composita, nulla habita est ratio Parallaxis menstruæ Solis exinde oriundæ quod non Terræ centrum sed commune centrum gravitatis Terræ & Lunæ in Orbe magno feratur; hæc namque menstrua Solis parallaxis, triplo major quam diurna, sensibilis est in quorundam Cometarum Orbitis definiendis: Observata igitur Cometæ Loca per hanc corrigantur.

Si Elliptica Orbita Cometæ melius congruere deprehendatur, illa sic describetur: Reperiatur vestigium Cometæ in plano Eclipticæ in Observatione secunda; erit utique illud eodem ordine situque inter puncta c , $2c$, $3c$ quo punctum o inter B , $2B$, $3B$, vel quo x inter A , $2A$, $3A$: ex vestigio sic invento excitetur perpendicularis ad planum Eclipticæ, quæ est tangens Latitudinis in Observatione secunda ad radium æqualem distantie inter τ dictumque vestigium; erit dicti perpendiculi extremum punctum in sublimi Locus Cometæ in propria Trajectoria secundo observatus. Foco s , per puncta α , ξ & punctum mox inventum descripta (per Prop. xxix. Lib. iii.) Ellipsis erit Cometæ Orbita quæsitæ.

SCHOLIUM.

Methodus supra adhibita ad punctum o vel x determinandum universalis est, & insignis usûs in plerisque Physicis approximandis. Convenit plerumque tria puncta, ut hic A , $2A$ & $3A$, ex tribus assumptis c , $2c$ & $3c$ secundum artem reperta, ita esse posita ut punctum quæsitum inter illorum extrema A & $3A$ jaceat, (quæ est ratio cur è tribus punctis p unum ex altera parte correspondentis puncti A collocatum volumus:) sic enim certius & proximius determinabitur quæsitum punctum per intersectionem circuli cum recta $A2A$ in qua illud necessario versatur, quam si quæsitum existente

ultra A & $3A$ illud determinandum veniat per interfectionem rectæ cum circulo ultra puncta A & $3P$; ob similem prorsus rationem atque ex observatis aliquot Cometæ (alteriusve cujuscvis secundum quamvis regulam moti) Locis ejusdem Locus & Tempus intermedium quodvis certius definitur, quam ad Tempus aliquod ante primam Observationem aut post ultimam.


Aliquando suffecerit, in hujusmodi investigationibus, duo puncta qualia sunt P & $2P$ determinare, (si nimirum horum utriusque à vero non procul absit,) & illa rectâ conjungere, cujus interfectio cum altera A $2A$ verum punctum quæsitum determinabit. Atque hic rursus puncta P & $2P$ ad contrarias puncti quæsitum partes jacere commodum erit.

PROPOSITIO XXVII.

Punctum determinare quod primâ, secundâ & tertîâ vice pro Cometæ vestigio in plano Eclipticæ assumere commodissimum erit.

Problema præcedens universaliter constructum est: Verum in praxi non quælibet puncta c , $2c$ pro vestigio Cometæ in Observatione secunda commode assumuntur, sed veris proxima eligenda, si illa præterpropter internoscere quovis modo concessum fuerit. Hoc autem ope Prop. XII. fiet per quatuor Cometæ Observationes. Ducta etenim recta, cujus partes tres inter quatuor rectas positione datas interceptæ eam habeant rationem quam temporis intervalla tria inter quatuor Observationes interjecta, non multum diversa erit à Trajectoriæ Parabolicæ portione à Cometa tum percursa. Adeoque hujus interfectio cum rectâ, Longitudinem in Observatione secunda referente, aptissime pro vestigio Cometæ in ista Observatione secunda assumetur.

Quod si angulus innotescat præterpropter, quem vestigium Orbitæ Cometæ continet cum rectâ Terram & Cometam in Observatione secunda conjungente, sive huic (per Prop. XVII. Lib. I. Conic.) æqualis $A \Delta t$, quem chorda AB continet cum tc rectâ, quod fiet vel ope Prop. IX. vel accuratius per Schol. Prop. XIII; tum punctum c primo assumendum hoc modo determinabitur: Ducatur recta AB ad rectas positione datas TA , TB utrinque terminata, rectam tc etiam positione datam in angulo æquali dato ad Δ interfecans, quæ fit ad $\sqrt{2} \times T \tau$ chordam (hoc est, proxime ad $T \tau$) in subduplicata ratione




one st ad sA ; & agatur per s recta SDC , cujus pars DC à cruribus anguli AAC intercepta æquetur rectæ tN , quod est Veterum Problema universale de *Inclinationibus*, conficiturque per eorum Methodum, vel per §. VII. *Lect. Optic.* v. aut §. III. *Lect. Geom.* VI. *Barrovii*: Punctum c sic determinatum est illud ipsum quod commode primâ vice usurpatur pro vestigio Cometæ in plano Eclipticæ. Ponatur c esse vestigium Cometæ in plano Eclipticæ, & arcum Parabolicum per A , B & c transeuntem esse vestigium arcûs Trajectoriæ inter Observationem primam & tertiam descripti: Quoniam igitur in hypothesi quod gravitas acceleratrix versus Solem eadem sit vel æqualis in distantia Telluris à Sole atque in distantia Cometæ ab eodem, (hoc est, in hypothesi gravitatis quam *Galileus* fovit, quæque à vero non multum abest,) CD & tN sunt æquales; quippe spatia cadendo versus Solem eodem tempore percurra à Cometa & à Tellure, erit (per Prop. XXII.) AB chorda Parabolæ congruit, in subduplicata ratione rectæ st ad SD rectam. Sed facta est AB ad $\sqrt{2} \cdot Tt$ in subduplicata ratione st ad sA , & etiam AB secat rectam tC in angulo debito, & porro CD æqualis est ipsi tN : Recta igitur AB habet proxime omnes conditiones requisitas ut fiat chorda arcûs qui est vestigium Trajectoriæ Cometicæ interceptæ inter Longitudinem primam TA & tertiam tB ; punctumque proinde c habet omnes conditiones ut fiat proxime vestigium Cometæ in Observatione secunda. Recte igitur assumitur punctum c vestigium Cometæ (postea quidem corrigendum) in dicta Observatione secunda.

Determinato puncto c primâ vice assumendo, quæ deinde assumuntur puncta (nempe $2c$ & $3c$) non sunt absque consideratione assumenda; nec sufficit Prop. præc. data cautio, quod nempe punctum $2c$ sumendum sit propius puncto c cum linea z minor est quam AB , & è contra: Sed cum eo tandem deveniendum sit, ut AB rite ducta æqualis sit congruæ Longitudini z ; in tC capiatur punctum $2c$, eâ lege ut distantia $c2c$ fit ad distantiam cC in ratione composita ex ratione z ad AB & ratione subduplicata sC ad $s2c$. Causa, cur prior ratio componens adhibetur, manifesta est ex prædictis: nam cum invenienda sit AB quæ sit congruæ z æqualis, si illa hâc sit major aut minor, minuenda erit aut augenda donec æquales fiant; forent autem æquales per solam priorem rationem componentem, si z effet constans & invariabilis: cum vero pro diversâ AB diversâ perpetuo proveniat longitudo z , ideo secunda componentium necessaria est. Constat autem (ex Prop. XXIII.) quod in Parabolis, arcuum ACB , $2A2c2B$, in quibus æ-


Kkk 3

quantur



dabuntur igitur & reliqua, nempe xa & $ξa$. In triangulo deinde asx dantur latera xs , xa cum angulo interfecto sxa ; non latebit igitur angulus xsx . Sed, ut prius dictum, datur positio rectæ sx , five angulus quem hæc facit cum tx , cujus positio est Observatione nota, (nam in triangulo xts dantur latera ts & tx , & angulus xts distantia inter Locum Solis cognitum Locumque Cometæ primo observatum, unde txs innotescit;) & igitur positio rectæ asx nota erit, five Nodorum Loca è Sole visa. Quod si rectæ oa , $xξ$ fuerint æquales, Nodorum Linea parallela est ad ox , ideoque positione cognita.


Ad determinandum Tempus quo Cometa Nodum tenet, fit $asξ$ Trajectoria Cometæ per Prop. xxvi. descripta per puncta a & $ξ$, in cuius plano reperiuntur rectæ sa , $sξ$, sitque superius reperta Nodorum Linea asx Trajectoriæ in a & x occurrens; erit (per Prop. xiv. Lib. I.) intervallum temporis inter Observationem primam & momentum quando Cometa ad Nodum a appellit ad intervallum temporis inter Observationem primam & tertiam ut area $asξ$ ad aream asx : Sed arearum $asξ$ & asx ratio est nota; (quippe ipsæ areæ cognitæ sunt ex Prop. xxiv. *Archimed. de Quadrat. Parab.*) igitur & Tempus quo Cometa Nodum a tenet. Pari modo innotescit Tempus quo Cometa ad Nodum alterum x appellit. Q. E. F.



PROPOSITIO XXIX.

Inclinationem plani Trajectoriæ Cometæ ad planum Eclipticæ determinare.

Iisdem manentibus, ex puncto o ad xs Nodorum Lineam ducatur perpendicularis ov , & jungatur ov . In triangulo osv præter rectum ad v datur (ex Prop. præc.) angulus osv & latus os ; innotescit igitur ov . In triangulo deinde rectangulo osv dantur latera circa rectum os & ov ; & proinde notus erit angulus ovs , qui (per Def. 6. El. xi.) est Inclinatione plani Trajectoriæ ad planum Eclipticæ.




PROPOSITIO XXX.

Trajectoriæ Cometæ Latus rectum principale, Perihelium, Tempusque quo Cometa in Perihelio versatur, determinare.

Foco s per puncta a & $ξ$ describatur Trajectoria Cometæ per Prop. xxvi; centro s per horum alterutrum (puta a) describatur circulus Trajectoriæ denuo in v occurrens; jungatur av , ad quam ex s puncto demittatur perpendicularis sv , quæ producatu donec Parabolæ occurrat in $π$; erit $π$ Trajectoriæ Perihelium, & proinde

proinde ipsius s quadrupla est ejusdem Latus rectum principale.

Primum patet; nam cum focus s in Parabolæ axe reperiatur, circulus centro s descriptus Parabolam (si omnino) in duobus punctis fecabit ab axe æqualiter remotis, & proinde intersectiones conjungens recta ov erit axi normalis: unde $s\phi$ est axis, & π Parabolæ vertex five Trajectoriæ Perihelium, & quadrupla s parameter diametri cujus π est vertex, (hoc est, ipsius axis,) five Latus rectum principale.



Capiatur Tempus cujus intervallum ab Observatione prima, cum Cometa esset in ϕ , est ad intervallum Temporis inter Observationem primam & tertiam ut area $\phi\pi s$ ad aream $\phi\pi s$; eritque illud ipsum Tempus quo Cometa Perihelium tenet.

Casuum varietatem, quando nimirum Tempus quo Cometa Perihelium tenet est ante Observationem primam & quando post illam, Artificis judicio permittimus, sicut & innumera alia Problema hoc, de Cometæ Trajectoria ejusque partibus definiendis, attinentia.

SCHOLIUM.

Hinc etiam Cometæ Perigæum ejusque Tempus determinabitur: Nam cum detur Tempus (nempe quod interjicitur inter Observationem primam & tertiam) quo data area $\xi\pi s$ à Cometa radio ad Solem ducto describitur, dabitur area uno Die similiter descripta; cumque detur ξ Locus Cometæ in Observatione prima, dabuntur Loca Cometæ in propria Trajectoria ad Dies singulos. Sed & dantur Loca Telluris in Orbita sua ad eosdem, & (ex præcedentibus) situs mutuos inter Telluris Orbitam & Cometæ Trajectoriam; unde Locus ubi Cometa est Terræ proximus, hoc est, Cometæ Perigæum notabitur facile, & Tempus quo istud contingit.

PROPOSITIO XXXI.

Cometæ Trajectoriam per Prop. xxvi. inventam corrigere.

Assumatur positio plani Trajectoriæ Cometæ Prop. xxvi. determinata, & seligantur tria Loca Cometæ exactissime observata, diversa ab illis tribus ex quibus Trajectoriam prius erat definita, & ab invicem quam maxime distantia: Commodum erit ut horum unum à Cometæ Perihelio non multum distet. Vocetur Tempus inter Observationum harum primam & tertiam interjectum s : Capiatur numerus e , qui sit ad 1 ut Tempus inter Observationem primam & secundam ad Tempus inter Observationem secundam & tertiam: Ex his Locis apparentibus, calculo trigonometrico ad normam præcedentium, inveniantur Loca tria Cometæ in prædicto Trajectoriæ plano assumpto tanquam accuratissimo; hoc est, inveniantur tria prius definiti plani puncta in quibus Cometa eandem Longitudinem Latitudinemque haberet, quam revera habere

habere deprehenditur; & (per Prop. xxix. Lib. iii, vel forsan per Prop. xxiv. Lib. v.) calculo determinetur Sectio Conica transiens per ista tria puncta, cujus umbilicus congruit cum centro Solis, ejusque areæ rectis ad Solem ductis & curvæ portionibus terminatæ determinantur, harumque proinde ratio: fit nempe ejus area inter Observationem primam & secundam ad ejusdem aream inter Observationem secundam & tertiam ut g ad 1 ; & eadem erit ratio inter Tempora quibus areæ hæ radio ad Solem ducto describerentur à Cometa. Porro, ex cognita semitæ hujus ejusque partium omnium magnitudine, respectu semitæ Telluris ejusque partium, cognoscitur (ex Prop. xli. Lib. i) velocitas quâ Cometa illam describit; ideoque Tempus quo Cometa areas duas supra inventas describeret, vocetur illud τ . Si $\tau = s$, & $g = c$, erit hæcenus inventa plani Trajectoriæ positio vera & accurata, nullâ indigenis correctione; sin secus, erit $\tau - s$ Error in Tempore toto interjecto inter Observationem primam & tertiam, ortus ex minus accurata plani Trajectoriæ positione, & $g - c$ erit exinde etiam oriundus Error in ratione Temporis inter Observationem primam & secundam ad Tempus inter Observationem secundam & tertiam; quod patet, quia in utroque casu unitas assumitur pro consequente in terminis binis experimentibus rationem inter Tempora bina.

Augurate alterutrius Nodi Trajectoriæ Longitudo (per Prop. xxviii. inventa) dicta κ , 20 aut 30 scrupulis primis quæ dicantur p , servatâ priore Inclinatione plani Trajectoriæ ad planum Eclipticæ, & similiter atque prius inveniantur in hoc novo plano tria puncta quæ tribus prædictis Cometæ Observationibus accuratissimis respondeant, & Trajectoria per illa transiens cujus focus cum Solis centro conveniat, & hujus aræ duæ inter tres Observationes per rectam ad Solem ductam descriptæ quarum ratio exprimitur per g ad 1, & etiam Tempus totum t quod Cometæ in utraque simul ista area describenda insumeret. Si Tempus t deprehensum fuerit æquale s , & g ipsi c , assumpta hæc plani positio eadem erit cum verâ; sin aliter, erit $t - s$ Error in integro Tempore inter Observationem primam & tertiam, & $g - c$ Error in ratione Temporis inter Observationem primam & secundam ad Tempus inter Observationem secundam & tertiam, uterque oriundus ex minus accurata positione plani Trajectoriæ ad planum Eclipticæ.

Augeatur per Prop. xxix. inventa Inclinationi plani Trajectoriæ ad planum Eclipticæ dicta I, 20 aut 30 scrupulis primis quæ vocentur q, manente interim Longitudine Nodi primitus per Prop. xxviii. inventa, & fimiliter atque superius inveniantur in hoc novo plano tria puncta quæ tribus prædictis Cometæ Observationibus respondeant, ut & Trajectoria per illa transiens cujus focus idem est cum Solis centro, ejusque areæ duæ inter tria Loca observata per rectam ad Solem ductam descriptæ quarum ratio eadem sit cum ea quam γ habet ad 1: Inveniatur etiam Tempus totum τ , quod Cometa in utraque simul ista area per rectam ad Solem ductam describenda

insumeret. Si τ deprehendatur ipsi s æquale, & γ ipsi c etiam æqualis, assumpta hæc plani Trajectoriæ positio est vera & ipsi rei congrua; sin focus, erit $\tau - s$ Error in Tempore toto inter Observationem primam & tertiam, & $\gamma - c$ similiter Error in ratione Temporis inter Observationem primam & secundam ad Tempus inter Observationem secundam & tertiam.

Instituatur Operatio igitur per Regulam Falsæ Positionis, cujus Operationis schema hic adnectitur, ubi k est una Positio Longitudinis Nodi, & $\tau - s$ Error hinc ortus in Tempore toto inter Observationem primam & tertiam interjecto; $k + p$ altera Longitudinis Nodi Positio, & $t - s$ Error dicti Temporis totius inde ortus: Fiat juxta dictam Regulam, ut differentia Errorum ad differentiam

$$\begin{array}{ccc} k & & k + p \\ & \diagdown & / \\ & \text{X} & \\ & / & \diagdown \\ \tau - s & & t - s \end{array}$$

$$T - t : T - s :: P : \frac{T - s}{T - t} \times P.$$

$$\begin{array}{ccc} k & & k + p \\ & \diagdown & / \\ & \text{X} & \\ & / & \diagdown \\ g - c & & g - c \end{array}$$

$$G - g : G - c :: P : \frac{G - c}{G - g} \times P.$$

Positionum ita alteruter ex Erroribus ad quartam quantitatem; erit hæc ipsa correctio Positionis istius ex qua Error assumptus fluxit. Hoc modo Error positæ Longitudinis Nodi, sc. ipsius k , in toto Tempore inter Observationem primam & tertiam est $\frac{T - s}{T - t} \times P$, & ejusdem Longitudinis x Error in ratione inter bina Tempora inter ternas Observationes est $\frac{G - c}{G - g} \times P$; adeoque vera & correctæ Longitudo Nodi est $k + \frac{T - s}{T - t} \times P$, five $\frac{G - c}{G - g} \times P$.

Similiter, Error positæ Inclinationis plani Trajectoriæ ad planum Eclipticæ, sc. I , ex primo capite est $\frac{T - s}{T - \tau} \times Q$; & ex secundo est $\frac{G - c}{G - \gamma} \times Q$; & ideo vera & correctæ Inclinatio plani Trajectoriæ ad planum Eclipticæ est $I + \frac{T - s}{T - \tau} \times Q$, five $I + \frac{G - c}{G - \gamma} \times Q$. Eædemque correctæ

$$\begin{array}{ccc} I & & I + Q \\ & \diagdown & / \\ & \text{X} & \\ & / & \diagdown \\ T - s & & \tau - s \end{array}$$

$$T - \tau : T - s :: Q : \frac{T - s}{T - \tau} \times Q.$$

$$\begin{array}{ccc} k & & I + Q \\ & \diagdown & / \\ & \text{X} & \\ & / & \diagdown \\ g - c & & \gamma - c \end{array}$$

$$G - \gamma : G - c :: Q : \frac{G - c}{G - \gamma} \times Q.$$

Longitudo Nodi & Inclinatio plani Trajectoriæ ad planum Eclipticæ provenient, si in Operatione adhibeantur Errores ex Positione secunda oriundi.

Et

Et quoniam considerandus venit uterque Error, tam in toto Tempore quam in ratione inter duo Tempora inter ternas Observationes interjecta, ponamus tam $\frac{T-s}{T-i} \times p$ quam $\frac{G-c}{G-g} \times p$ separatim æquari $m \times p$; hoc est, $\frac{T-s}{T-i} = m$, & $\frac{G-c}{G-g} = m$: Similiterque ponamus tam $\frac{T-s}{T-v} \times q$ quam $\frac{G-c}{G-g} \times q = n \times q$; hoc est, $\frac{T-s}{T-v} = n$, & $\frac{G-c}{G-g} = n$. Unde proveniet $mT - mt = T - s$, & $mG - mg = G - c$; item $nT - nv = T - s$, & $nG - ng = G - c$: unde duplum ipsius $T - s = mT - mt + nT - nv$, duplumque $G - c = mG - mg + nG - ng$; & igitur regrediendo, si tales capiantur m & n ut duplum $T - s = mT - mt + nT - nv$, duplumque $G - c = mG - mg + nG - ng$, erit tam $\frac{T-s}{T-i} \times p$, quam $\frac{G-c}{G-g} \times p = m \times p$, & etiam tam $\frac{T-s}{T-v} \times q$ quam $\frac{G-c}{G-g} \times q = n \times q$; adeoque Error Longitudinis Nodi erit $m \times p$, Errorque Inclinationis plani Trajectoriæ erit $n \times q$: Unde correctæ Longitudo Nodi est $k + m \times p$, & correctæ Inclinationis plani Trajectoriæ ad planum Eclipticæ est $i + n \times p$.

Correcto plano Trajectoriæ tam quoad ejus intersectionem cum plano Eclipticæ (hoc est, Longitudinem alterutrius Nodi) quam quoad ejus Inclinationem ad Eclipticæ planum, inveniantur (ut prius) in plano sic correcto & nunc accuratissime posito tria puncta, quæ tribus prædictis Observationibus accuratissimis satisfaciant, & (ut prius) Solis centro ceu umbilico per dicta tria puncta describatur Coni Sectio: erit hæc correctæ Cometæ Trajectoria quæsitæ.

SCHOLIUM.

Inventâ Trajectoriâ correctâ & accuratâ, ejus Axis, Latus rectum Axi congruum, Tempus quo Cometa Perihelium tenet, reliquaque huc attinentia ad normam superiorum etiam accurate definiuntur. Si contingat Ellipsin Solis centro ceu foco descriptam (non Parabolam) per tria ista puncta transire; hoc est, si Cometæ Trajectoriæ pars illa, quæ Observationi nostræ est subiecta, clare evincat Cometam in Orbem redire, non in infinitum excurrere, tum ex cognito hujus Orbitæ Axe majore, Cometæ Periodicum Tempus innotescet: Est enim (per Propp. XI. & XLII. Lib. I.) Quadratum Temporis Periodici Cometæ ad Quadratum Temporis Periodici Telluris circa Solem ut cubus majoris Axis Orbitæ Cometæ ad cubum majoris Axis Orbitæ quam Tellus circa Solem describit, five duplæ mediocris distantie Telluris à Sole.

Quod si ex cognitis principalibus Lateribus rectis, v. g. trium Trajectoriarum in tribus planis ante plenam correctionem assumptis descriptarum, sc. r primæ, r secundæ & r tertiæ, Trajectoriæ istius ultimæ in accurate posito plano descriptæ Latus rectum principale desideretur; poterit illud ex Regula Falsi ad normam superiorum inveniri: erit utique illud æquale $r + m \times r - m \times r + n \times r$. In vera enim & accurata Longitudine Nodi alterutrius superadditur ejus Longitudini in plano primo (per Prop. XXVIII. determinatæ)

excessus assumptæ Longitudinis in plano secundo supra præcedentem ductus in m , & in Inclinatione plani Trajectoriæ accurata superadditur Inclinationi plani primi (per Prop. xxix. determinatæ) excessus assumptæ in plano tertio supra Inclinationem præcedentem ductus in n . Cumque Trajectoria ejusque Latus rectum mutetur, cum ob mutatam Longitudinem Nodi tum ob mutatam Inclinationem plani ad planum Eclipticæ, Lateri recto Trajectoriæ in plano primo sive ipsi R superaddendus est $mr - mR$, sc. excessus Lateris recti in plano secundo supra Latus rectum in plano primo ductus in m ; & etiam superaddendus est $nr - nR$, nempe excessus Lateris recti in plano tertio supra Latus rectum in primo ductus in n . Atque hoc modo conflabitur verum Latus rectum, sc. $R + mr - mR + nr - nR$. Nec abfimiliter corrigetur Latus transversum, si illud sit magnitudine definitum.

SECTIO IV.

De Cometæ Loco tam Heliocentrico quam Geocentrico in Trajectoria superius determinata ad Tempus datum inveniendo; deque Tabulis ad Cometarum Motus expedite definiendos necessariis.



PROPOSITIO XXXII. LEMMA.

EX datæ Parabolæ VP , cujus vertex V & axis VE , foco s educere rectam SA , talem ut area Parabolica $VRAS$ comprehensa sub rectis VS, SA & curva Parabolica VRA æqualis sit dato rectilineo, puta quadrato à recta B descripto; rectæque SA sic educitæ longitudinem & inclinationem ad axem VE calculo definire.

Ponatur factum, & per V ducatur recta VF ad VE normalis, sitque c punctum in hac, per quod ducta CA ad VE parallela Parabolæ occurrit in puncto A , tali ut juncta SA Problemati satisfaciatur. Per A ad VE ducatur

normalis AD axi in D occurrens. Vocetur vs distantia foci à vertice, f ; eritque (ut vulgo notum) Parabolæ latus rectum principale $4f$. Vocetur incognita vc, x ; eritque AD etiam $=x$, ideoque (ex *Elem. Conic.*) VD vel huic æqualis CA erit $\frac{x^2}{4f}$:

Unde rectangulum parallelogrammum $VCAD$ æquale est $\frac{x^3}{4f}$, & spatium Parabolicum $VRAD$ (quod, ex *Archimedis Dimensioe Parabolæ*,




æquatione $GH = \frac{15f'}{8f}$ sive $\frac{1}{2}f$, quo pacto punctum H in medio puncto inter v & s cadet: Nam quia $VG = \frac{1}{2}L$, erit VG dupla ipsius VS ; & ablata hinc $GH = \frac{1}{2}VS$, erit $VH = \frac{1}{2}VS$. Porro, ponatur HK ad VS normalis $= \frac{r}{2L}$; hoc est, in casu nostro $= \frac{24f'b'}{32f^2} = \frac{3b'}{4f}$; hoc est, æqualis $3m$, si ponatur $m = \frac{b'}{4f}$, (sive rectæ ortæ fi , per *Prop. XLV. El. I.* rectilinum propositum applicetur ad Parabolæ latus rectum,) & ad illas rectæ VS partes ad quas ducenda est SA . Et circulus centro K per v descriptus Parabolam RVP secabit in puncto quaesito A , eritque AD , ad VS normalis, ipsa x sive radix præcedentis æquationis. Hæc constructio demonstratione non indiget, quippe constructio vulgata æquationis $x^4 + 12f'x - 24fb' = 0$ ex Problematis natura oriundæ: Illam vero facillime instituere licet præmissæ analysecos vestigia relegendæ.

Pari modo definietur magnitudo & positio rectæ AS ex foco s eductæ, talis ut spatium Parabolicum $QRASQ$, comprehensum inter hanc & aliam rectam sq positione datam ab sv diversam & curvam Parabolæ interjectam QRA , sit dato rectilineo Bq æquale: Ducto enim sv axe ducenda erit recta SA , ita ut spatium $VRAS$ sit æquale spatiorum Bq & QVS summæ vel differentiæ, prout sq jacet ad easdem partes ipsius sv ad quas ducere oportet SA , vel ad contrarias.

SCHOLIUM 2.

Positis duabus Parabolis quibuscunque VP & $v\pi$, quarum foci s & σ vertexque v & v , positisque arcibus VAS , $v\pi$ quadratis à B & β descriptis respectivè æqualibus; si B fuerit ad VS sicut β ad $v\sigma$ erunt AS , $\pi\sigma$, VS , $v\sigma$ proportionales, & anguli VSA , $v\sigma\pi$ æquales. Quoniam enim Parabolæ omnes sunt figuræ fimiles, & foci vertexque puncta in illis similiter posita; cumque præterea figuræ VAS , $v\pi$ sint in duplicata ratione laterum homologorum VS & $v\sigma$, (nam hisce æquales Bq & βq sunt in duplicata ratione B ad β , hoc est (ex hypothesi) in duplicata ratione VS ad $v\sigma$;) patet & hæc esse inter se fimiles, adeoque angulos VSA , $v\sigma\pi$ æquales, & AS esse ad $\pi\sigma$ sicut VS ad $v\sigma$. Atque hinc posita sv distantia vertex Parabolæ ab ejusdem foco, numero quovis rotundo expressa, inveniuntur angulus VSA & longitudo rectæ SA , pro diversa ratione inter rectilineum Bq cui VSA ponitur æquale & quadratum ipsius VS . Et magnitudines rectarum AS angulorumque VAS in Tabulas dispositæ cuivis Parabolæ inserviunt, cum (ut superius ostensum est) AS recta eandem retineat in omni Parabolæ rationem & positionem ad VS , eadem manente ratione inter B & VS .



PRO-


rectæ SN ; quare & rectæ SA positio dabitur, hoc est, locus Cometæ Heliocentricus ad Eclipticam reductus, five Cometæ Longitudo Heliocentrica. Denique, in triangulo $SA\lambda$ rectangulo ad λ dantur omnia latera, superius nempe inventa; innotescet igitur AS Cometæ Latitudo Heliocentrica, si ulla fuerit ratio Phænomeni Locum ex Sole spectatum reducendi ad Eclipticæ planum potius quam ad aliud quodvis.

Vicissim Tempus inveniatur quo Cometa datum in Trajectoria sua Locum tenet.

PROPOSITIO XXXIV.

Ad datum Tempus Cometæ propositi Locum Geocentricum, quoad Longitudinem & Latitudinem, & illius à Tellure Distantiam invenire.

Iisdem positis quæ in Propositione præcedente, sit porro BT Orbis magnus, sitque in eo T Locus Terræ ad Tempus datum per Prop. XVIII. Lib. III. inventus; jungantur TA , TS : erit (per Prop. XVIII. El. XI.) planum trianguli $TA\alpha$ ad planum Eclipticæ normale. In triangulo $TS\alpha$ (in plano Eclipticæ) dantur latera SA , ST , illud in præc. inventum, hoc ex Theoria Terræ, (utrumque in partibus mediocris Distantiæ Telluris à Sole expressum,) & angulus $TS\alpha$ ab illis comprehensus, (est enim utrumque positione datum;) innotescunt igitur latus $T\alpha$ & angulus $ST\alpha$: Sed datur TS positione, nempe locus Solis ad Tempus datum; datur igitur positio rectæ $T\alpha$, hoc est, Cometæ in A locus è T TA visus ad Eclipticam reductus, five Cometæ Longitudo Geocentrica quæsitæ. Porro, in triangulo $A\alpha T$ præter rectum $A\alpha T$ dantur bina latera $A\alpha$, $T\alpha$, hoc quidem modo inventum in partibus mediocris distantie Telluris à Sole, illud vero in iisdem Prop. præc. inventum; innotescit igitur angulus $AT\alpha$ quæsitæ Cometæ Latitudo è Tellure visa five Geocentrica; item hypotenusæ TA Distantia Cometæ à Terra. Q. E. F.



Hoc modo patebit quando Cometæ Motus retrogradus fit, respectu ejus qui prius fuerat, propter Telluris simulque Oculi motum interea factum, prorsus ut in Planetis, cum interim Cometa è Sole spectatus in eandem semper plagam tendere videatur. Et è converso Phænomenon hoc Retrogressus Cometæ è Terra observati demonstrat Cometæ à Terra non longissime distare, sed in Planetarum regionem descendere cum à nobis videntur. Porro, cum Oculus & Cometa in diversis planis circa Solem ferantur, hic ex illo visus & ad Fixas relatus ex Opticæ legibus circulum inter
illas

illas maximum describere non videbitur, sed varie ab illo deviare; cum interim è Sole, in Trajectoriæ plano collocato, spectatus circulum inter Fixas maximum accurate percussere videretur. Deviatio hæc à circulo maximo, (Planētis etiam competens, sicut prius Retrogradatio,) Cometas in Planetarum regionē citra dubium collocat.

PROPOSITIO XXXV.

Tabulas describere ad Cometarum Loca prompte & expedite inveniendæ necessariæ.

Definita Cometæ cujuscvis Trajectoriâ, si hæc inventa fuerit Elliptica, (qualem deprehensum iri credimus, quippe solam inter Conicas Sectiones quæ Cometæ Phænomenis satisfaciât, si illa fuerint corpora Mundo cœva in Orbem redeuntia Planetarum instar,) Tabulæ, quarum ope Cometæ cujuscvis Locus ad datum Tempus expedite invenitur, ejusdem erunt artificii (similiterque prorsus conditæ) cum Tabulis pro Planetis primariis, earumque usus idem qui istarum, de quibus dictum est Prop. xxxix & xl. Lib. III.

Si Cometarum istorum omnium, de quibus Observaciones accuratæ satis exstant, determinatæ fuerint præterpropter Orbitæ, illorum Periodi simul innotescunt (ut Schol. Prop. xxxi. ostensum est) & Tempora quibus denuo visui nostro subjiciuntur, & ex Observationibus tum instituendis corriguntur; tandemque Cometæ omnes ad normam reducentur, breviorē forsitan tempore quam illud factum est de ipsis Planetis, postquam eorum numerus & in Orbem reditus innotuerunt. Hoc in 24. Cometis (quorum sc. habentur loca ab Astronomis observata) hæcenus à D. Halley factum esse audio; & Cometarum numerum non esse enormiter magnum non defuit rationes ut credam: Sed quorundam Periodos tam magnas esse satis est verisimile ex immenso intervallo Saturnum inter proximæque Fixas, ut in regionem Planetarum, ubi tantum nobis sunt conspicui, non descenderint, ex quo Astronomi cœperunt Cometas pro Cœlestibus habere, illorumque Loca accuratius observare; id eoque Orbitalium, in quibus isti moventur, determinatio posteris relinquenda est: Sed & aliquando continget Cometam aliquem integram Periodum absolvere, nec tamen Astronomis sui copiam facere, propter Solis viciniam; quod ipsi Mercurio, ex eadem causa, etiam quandoque accidit. Cæterum Orbitalium Cometicarum Axes majores, propter perturbationem ex attractione vel ab aliis Cometis vel à Jove aut Saturno, poterunt situm suum paululum mutare, adeoque idem Cometa pro diversis haberi: Verum istud post plures revolutiones satis patebit; neque enim perturbatio ista ingentes admodum edet effectus, & Orbita Lunæ, indies licet mutata, Astronomico calculo subijcitur & pro eadem agnoscitur.

Verum, licet nondum determinatæ sint Cometarum Orbitæ, quædam construi poterunt Tabulæ illorum Motibus facilius definiendis, & Trajectoriis promptius describendis, apprimè utiles: *ex gr.* Ta-

M m m

bula

bula quâ, ex data Perihelii Cometæ Distantia à Sole in partibus mediocri Distantiæ Telluris à Sole numero rotundo expressæ, prompte definiatur Tempus quo Cometa, post appulsus ad Perihelium, ex Oculis nostris sese subducet recessu suo à Sole. Posito enim Semi-axe majore Orbitæ Telluris partium 100000000, erit (ex circuli dimensione) arcus 59' (qualem Tellus motu diurno mediocri describit) earundem partium 1740312, hujusque pars vigesima quarta, sive arcus à Terra motu horario mediocri descriptus, partium 71675: Diversis igitur Distantiis Perihelii Cometæ à Sole, in partibus iisdem expressis, respectivé adscribantur partes, Diei vel Horæ spatio, à Cometa in Perihelio versante percuras; quippe quæ sunt ad priores partes ut velocitas Cometæ in Perihelio ad velocitatem Terræ mediocrem, hoc est (per Prop. XVII.) in subduplicata ratione 100000000 Axis majoris Orbitæ Telluris ad Distantiam Perihelii Cometæ à Sole; vel adscribantur partes exprimentes aream quam Cometa, radio ad Solem ducto, dictis Temporibus verrit, (quippe factæ ex ductu priorum in semissem Distantiæ Perihelii à Sole,) vel utræque. Porro, cum per Observationem constet præterpropter in quam Distantia à Sole (respectu Distantiæ Telluris ab eodem) oportet Cometam collocari, ut nudo Oculo videri desinat; hoc est, cum detur ratio hujus Distantiæ ad Distantiam Perihelii Cometæ à Sole, dabitur (per convers. Prop. XXXII.) area quam oportet Cometam, radio ad Solem ducto, describere postquam Perihelium attigit, ut ad istam à Sole Distantiam pertingat, hoc est, ut videri desinat; & consequenter Tempus post Perihelium, utpote (per Prop. XI. Lib. I.) ad Diem unum ut area mox inventa ad supra inventam aream Die uno à Cometa, radio ad Solem ducto, descriptam. Adscribatur igitur cuique Distantiæ Perihelii congruum Tempus, quo Cometa post Perihelium superatum, recedendo à Sole, è visu nostro se subducit.

Similiter prorsus, & ex iisdem principiis, supputabitur Tabula prompte ostendens Tempus quo Cometa, postquam à Perihelio discessit, ad Distantiam à Sole pertingit æqualem Distantiæ Telluris à Sole, si Perihelium Cometæ minus distet à Sole quam ipsa Tellus. Et Tabula hæc priori Tabulæ jungetur, unamque quasi constituet; nempe cuique Distantiæ Perihelii Cometæ, in partibus Semidiametri magni Orbis expressæ, adscribendo (præter partes à Cometa, in Perihelio versante, Diei spatio percuras, & partes areæ quas radius vector pari Tempore verrit, de quibus supra) in una columna, Tempus post superatum Perihelium quo ad æqualem cum Tellure à Sole distantiam pertingit; in altera, Tempus quo pertingit ad Distantiam prioris quadruplam aut quintuplam, illam nempe in qua à nobis videri desinit.

Tertio, commoda admodum erit Tabula per Schol. 2. Prop. XXXII. supputata, in qua, posito numero rotundo pro Distantia Perihelii Cometæ à Sole, ad variam magnitudinem areæ *VAS* (vid. fig. prædicti Scholii) in partibus quadrati à recta *SV* descripti expressam adscribitur

scribitur congrua quantitas anguli v_{SA} , & congrua longitudo rectæ SA expressa in partibus rectæ sv . Ex hac enim, & Tabula præcedente, & nota insuper Distantia Perihelii Cometæ à Sole, prompte innotescunt Longitudo Cometæ à Perihelio à Sole visa, & Distantia Cometæ à centro Solis Tempori ante vel post Perihelium proposito congrua. Nam datâ sv in partibus mediæ Distantiæ Terræ à Sole expressâ, promptè dabitur (ex Tabula prima) area, radio ad Solem ducto, Die uno unâve Horâ à Cometa descripta: Dabitur igitur eadem expressâ partibus quadrati rectæ vs , & Tabulæ huic tertiæ apta; & proinde ex dato Tempore ante vel post Perihelium, dabitur area v_{AS} Tempori huic proportionalis in eisdem partibus; ideoque ex Tabula hac tertia statim patebunt angulus v_{SA} Longitudo Heliocentrica Cometæ à Perihelio propositiæ aræ & ideo proposito Tempori congrua, & etiam congrua rectæ SA longitudo in partibus ipsius sv , quæ per Regulam trium exprimitur in partibus Semidiametri Orbis magni.

Sed & aliæ Tabulæ, ad calculum in Cometarum Motibus supputandis facilitandum accommodatæ, ex præcedentibus conficiuntur, pro cuiusque calculi genio & natura, quas proinde Artificis industria relinquere oportet.

SCHOLIUM.

Per methodum prædictam, aut non abfimilem, D. *Halleus* determinavit Orbitam Cometæ, qui sub finem Anni 1680 & mensibus aliquot sequentibus illuxit, quam parabolicam assumit, invenitque (ut ex ejus literis ad D. *Newtonum* constat) Orbitæ ejus Perihelium esse in α 27° . $22'$. $30''$; & proinde Aphelium in Π 27° . $22'$. $30''$, Orbitæque Latus rectum principale esse partium 0, 0243, quailium mediocris Distantia Telluris à Sole est 1. Præterea, Orbitam hanc ita respectu plani Eclipticæ collocatam reperit, ut ad illud inclinatum sit ejus planum angulo 61° . $20'$. $20''$, & Nodus ascendens sit in γ 1° . $53'$, & descendens in ϕ 1° . $53'$, Cometamque ita in Orbita hac motum fuisse ut Perihelium tenuerit Anno 1680 *Decemb. Die 8. St. Jul. Hor. 0. minut. 4* post Meridiem. Invenit etiam Orbitam Cometæ Anni 1683 sequenti modo figuratam & positam; nempe ejus Perihelium esse in Π 25° . $29'$. $30''$, quod tenuit *Jul. Die 3. St. Jul. Hor. 2. 50'*; Orbitæ hujus Latus rectum esse partium 2, 2408, quarum mediocris Distantia Terræ à Sole est 1, hujusque Orbitæ planum inclinari ad planum Eclipticæ angulo 83° . $11'$, Nodumque ascendentem in κ 23° . $23'$ versari, & Nodum descendentem in λ 23° . $23'$.

ASTRONOMIÆ PHYSICÆ & GEOMETRICÆ ELEMENTA

LIBER SEXTUS

De Astronomia Comparativa.

IN Libris quinque præcedentibus Astronomiam explicuimus Terricolis congruam; hoc est, Phænomena Fixarum, Solis, Planetarum & Cometarum descripsimus qualia è Tellure spectantur, horumque omnium loca singula ad datum tempus invenire, aliaque huc spectantia expedire suo quæque loco docuimus: Libet nunc Astronomiam breviter pertexere, qualem reliquorum Planetarum, aliorumve ingentium corporum, quæ per Universum diffusa sunt, incolæ conderent. Non quod huiusmodi Astronomos uspiam esse credamus, nedum asseramus; sed quod per fictionem supponendo Oculum nunc in horum uno nunc in altero collocatum, & Astronomiam qualem pro varia statione sua Spectator conderet explicando, inde iis penitus intelligendis, quæ de hac nostra Terrestris diximus, lucem haud exiguam asserri posse speremus: Neque enim de spectaculis tam inanibus, & nulli unquam conspectis aut conspiciendis, nisi istum in finem, disseruissimus. Ideo, in decursu, Oculum supponemus non tantum in Planetis circumfolaribus eorumque Comitibus, ubi aliqua posse existere sensu prædita magni Viri olim & hodie verisimillimum existimarunt, sed etiam in Cometa aliquo, in ipso Sole & Fixis, ubi incolas statuere nemo unquam est ausus.

Ad hanc rem illustrandam magni Viri quamplures operas suas contulerunt. Multa, quæ ad hunc scopum collinant, docet *Plutarchus* in Libro de *Facie in Orbe Lunæ*. *Keplerus* de *Astronomia Lunari* Librum conscripsit, post ejus mortem sub titulo *Somnii Astronomici* editum, in quo plurima tum Physica cum Astronomica (ut alibi semper) ostendit. At in explicandis phænomenis è Luna spectandis erravit paululum, propter Lunaris corporis librationem ab illo vel neglectam, vel ad causas proprias non relata: Illam igitur totam rursus pertexere necesse habui. Novissime illustri Vir *Christianus Hugenius Cosmotheoriam* edidit, eruditis conjecturis plenam, in qua multa Astronomica, plura Physica acumine suo digna protulit. Verum duo hi insignes Viri serio de incolis Planetarum agebant; *Hugenius* præcipue qui Terricolis fere similes, certe haud absimiles, in Planetarum unoquoque existere nullus dubitat; & hunc præcipue in finem librum composuit rebus Physicis magis

magis quam Astronomicis refertum. Ego, qui sola Astronomica tractanda fufcepi, nihil de vitæ animali aut fenfitivæ neceffariis aut commodis, quæ in Planetarum unoquoque adfunt vel defunt, adjeci; folummodo Oculum (quem fi aliquando Incolam appellavero, dabit Lector verbo veniam) rerum in fublimi pofitarum fpectatorem conftitui.

Initio autem à Sole, quippe cui Astronomia omnis fimpliciffima eft, fumpto, ad Mercurium reliquosque ordine Planetas tranfeo: quæ cuique propria funt Phænomena maxime confpiciua feorfim tractantur; quæ vero pluribus communia funt, ad unam eandemque Propofitionem referuntur. Deinde Oculo ad Cometam aliquem tranflato, quæ illic fpectanda occurrant; & Corollarii loco, qualis videretur Solaris noftri Syftematis è Fixa fpectati facies, defcriptum eft. Poftremo, plurima quæ Spectatori in Lunam Telluris comitem inducto fe exhibeant Phænomena, quæque porro ex Jovis vel Saturni Satellite aliquo apparerent, enumerantur.

Qualis in fingulis hifce ftationibus futura eft Astronomia tum apparens tum vera, quibus etiam commodis illi fruuntur, quibufve premantur incommodis, qui per Obfervationes ibidem institutas verum Syftema Planetarum circumfolarium eruere, eorumque Diftantias & Magnitudines metiri velint, obiter difputo; & denique Astronomiæ fedem tam inter Primarios quam Secundarios commodiffimam definio.

Phænomena vero à Terricolis pro præcipuis habita ubique pro præcipuis habeo, viz. Diei & Noctis Viciffitudinem & Menfuram, Fixarum Ordinem, Solis Magnitudinem apparentem, Luminis ejus & Caloris Intenfionem, Anni Menfiumque Quantitatem, Æftatem & Hyemem, Lunarum Phafes, Luminarium Defectus, Planetarum Numerum, Directiones, Stationes & Retrogradationes, Phænomenon ad verum Syftema eruendum aptitudinem, Obfervationum ad rem Astronomicam colendam requifitarum exactam accuratorem & hujufmodi alia.

PROPOSITIO I.

Phænomena præcipua Oculo in Sole pofito fpectanda defcribere.

Si Oculus in Solis centro ponatur undique circumfpectans, Fixæ Planetæque omnes in fuperficie fphærica oculo concentrica videbuntur, ficut & nobis è Terra fpectantibus contingit; & quidem Fixæ & Via Lactea eodem ordine difpofitæ, & in eodem Afterifmos divifæ cernentur atque nobis in Terra degentibus. Nam cum nobis, una cum Terra circa Solem delatis, Fixarum ordo & Conftellationum figuræ non mutantur, patet hæc eadem effe Oculo ubivis intra hunc circulum collocato, adeoque in Solis centro. Si rerum, à quibus Conftellationibus nomina funt indita, facies antice & concavæ depingantur, fient Veterum fchemata; fi vero pofticæ & convexæ, prodibunt juniorum figuræ, Globis artificialibus magis congruæ quam ipfi Cælo.

Patet

Patet etiam Fixarum Ordinem eundem permanere Oculo in Solis superficie, vel in Mercurio Veneræ polito, quippe intra Telluris Orbitam contentis. Sed & propter immensam Fixarum distantiam, quâ fit ut Observatoris loco moto per integram Orbis magni diametrum Fixarum Ordo ne vel minimum mutatus deprehendatur, si Oculus in Saturno, Planetarum Solaris Systematis extimo, collocetur, Ordo hic idem manebit, aut saltem quoad sensum vix mutatus. Quæ enim nobis est insensibilis, si decuplo major fit, (quod propter decuplo maiorem Saturni quam Terræ à Sole distantiam contingere poterit,) non valde sensibilis evadet.

Licet Planetæ inter Fixas collocati videantur, Observator noster illos à Fixis distinguere brevi valebit, & uniuscujusque Periodum observare, ac inter se mutuo comparare, sumptâ unius Periodo tanquam mensura, ad quam reliquæ exigendæ sunt. Et quamvis Observatorem immotum (quippe in Solis centro) supponamus, adeoque Stationis suæ mutationem (aut quod hujus instar est) non habere, quâ Planetarum distantias metiatur, naturâ duce concludet, in duobus Planetis invicem collatis, illum esse remotiorem qui majus tempus insumit ut ad easdem Fixas redeat; adeoque Saturnum esse remotissimum, Jovem propiorem, tum Martem, huic inferiorem Tellurem, postea Venerem, & omnium infimum Mercurium.

Neque dubitationi locus est quin primi Astronomi, in Planetarum Ordine cruendo, eandem hanc adhibuerint regulam: (Nam opiniones, quarum meminit *Plutarchus Lib. II. de Placit. Philos.* nempe *Xenocratis* qui una eademque in superficie stellas moveri putat, & *Metrodori Chii* & *Cratetis*, qui Solem omnium supremum constitutum crediderunt, post quem Lunam, infra hos errantes errantesque, vel desipientium fuere, vel, quod potius crediderim, eorum qui veritatem obvelare voluerunt:) licet multo difficilius in Terra quam in Sole adhibeatur, propter Planetarum à Terra visorum Stationes & Retrogradationes; adeoque plures observare oportuit eorum revolutiones, ut ex motu medio clare dignoscerentur Periodi. Sed & cujusque revolutio integra non tam facile innotuit, cum post integram revolutionem non ad easdem Fixas à Terra spectati redirent, propter Observatoris sedem non in eodem loco repertam. Non obstantibus hiis incommodis Saturnum remotissimum censuerunt quoniam lentissimum deprehenderunt, deinde Jovem, postea Martem, & omnium infimam Lunam. De trium vero reliquorum, Solis nimirum, Veneris & Mercurii ordine disputationi locus est relictus, cum eorum motus medios per integrum Zodiacum æquales deprehenderunt. Unde aliqui Marti proximam Venerem, huic Mercurium, ac deinde Solem statuere, ut ipse *Plato* adhuc junior; alii Marti proximum Mercurium, deinde Venerem, indeque Solem posuere, ut *Porphyrus*; *Alpetragius* sub Marte Venerem, sub qua Solem, deinde Mercurium statuerebat; alii Marti proximum Solem, huic Venerem, deinde Mercurium,

ut

ut ipse *Ptolemæus*, quomodo Sol in medio Planetarum numerabatur; (quippe cui Saturnus, Jupiter & Mars sunt superiores & Venus, Mercurius ac Luna inferiores;) quod ab antiquissimo & vero Systemate, in quo Sol in Planetarum medio versari perhibetur, etiam tum temporis (saltem verbo-tenus) vix extincto, minime abhorruit. Alii interim ex æqualitate motûs mediî trium istorum Syderum, Venerem & Mercurium Solem circumire statuerunt, illorumque Orbitas à Sole quasi Epicyclos deferri, quæ sententia *Ægyptiis* Philosophis & *Ciceroni* placuit; nisi potius hunc horum trium corporum ordinem censeamus reliquias veri Systematis Mundani, apud *Ægyptiorum* Sacerdotes nondum penitus emortui.

Observatoris autem nostri Solaris rationes ab hujusmodi incommodis turbari nequeunt, sed Planetæ omnes perpetuo directi, & Periodis admodum diversis, ad easdem Fixas redire videbuntur; unde ex dicto principio illorum Ordo absque omni hæsitacione stabilietur. Quod etiam decursu temporis ulterius confirmabitur, cum (iis inter se vel magnitudine prius observatâ, vel diverso colore, fatis jam ante distinctis) inferior superiorem tegere facile deprehendatur.

Brevi etiam advertet Spectator Planetarum quemlibet ad Fixas collatum nunc tardius nunc velocius ferri, & ex prædicta regula concludet illum nunc propiorem nunc remotiorem esse; quod ex observata ejus diametro apparenti mutata plenius patebit. Verum cum observaverit velocitatem non augeri in eadem ratione cum diametro apparenti, sed in ratione fere duplicata; inveniet velocitatis mutationem non esse totam opticam, sed ejus semissem Planetæ revera inesse, alteram semissem propter majorem vicinitatem apparere.

Licet Planetarum Ordinem rite stabilitum facile teneat, non erit illi adeo proclive eorum à Sole distantias inter se comparare: deest enim hic (quâ nos Terricolæ gaudemus) Observatoris translatio de loco in locum, sive stationum diversitas, quâ Planetarum distantias à se invicem cum stationum distantia conferat.

Quod si oculum è Solis centro in illius superficiem erigamus, tum ex Planetarum Parallaxi omnia patebunt: Telluris enim Parallaxis horizontalis, oculo sic constituto, est æqualis Solis semidiametro è Terra visæ, sc. 16', & ideo satis sensibilis; ipsiusque Saturni, decuplo magis distantis, Parallaxis horizontalis sesqui-scrupulum excedet, dum proximi Mercurii ad 30' fere ascendit. Cum igitur Parallaxes istæ satis sint sensibiles, Planetarum distantiae cum Solis diametro conferentur; ideoquæ inter se mutuo. Oculo sic collocato Fixæ omnes & Planetæ revolvi videbuntur ab ortu in occasum spatio temporis viginti & quinque è nostris diebus æquali. Polus boreus revolutionis hujus erit in loco illo quem nos Terricolæ ad decimam partem Piscium referimus, cum Latitudine boreali 83 vel 84 partium; unde Stella polaris arctica erit ea ad Draconis flexuram secundam, quæque tribus gradibus ab ipso Polo non distat. Polus austrinus erit in 10 gradu Virginis, gradibus 83 vel

vel 84 latus in Austrum, vicinâ stellâ quartæ magnitudinis, quæ Cl. *Halleio* est in Argûs navis primo reme, insignis.

Et licet Observator prædictus nullam Noctis vicissitudinem patiat, quippe qui in corporis lucidissimi, Diem facientis, superficie versatur, Fixæ tamen & Planetæ arcus supra infraque Horizontem inæquales fortientur, prout ad Polum elevatum vel depresso ab Æquatore declinaverint, plane ut nobis Terricolis evenit.

Planetæ è Sole spectati diversæ Magnitudinis videntur. Saturni quidem diameter subtendit angulum 18", Jovis fere 40", Martis tantum 8", Veneris 28", & Mercurii 20". Cl. *Hugenius* remotissimorum, Jovis & Saturni, diametros multo majores ponit; Jovis nempe 54" fere; & Saturni Annulo nudati, 27". Si Telluris apparentem è Sole diametrum inter proximorum, Veneris nempe & Mercurii, diametros apparentes mediam statuamus, erit hæc 24"; si inter quatuor Soli proximorum diametros mediam (nam superiores duo, Jupiter & Saturnus, prorsus diversæ Magnitudinis sunt ab inferioribus) statuamus, erit illa 18" aut 19" circiter, quantam D. *Cassinus* illam ponit.

E Planetis hæc sex tres sunt satellitio donati; Terra nimirum Luna unica stipata, quæ ab illa digredi videbitur, cum maxime, scrupulis primis circiter 10; Jupiter quatuor Lunis comitatus, quarum extrema nunquam ad 9 à Jove clongari videbitur; Saturnus quinque Satellitibus (præter Annulum) cinctus cernitur, quorum extremus ad paræm fere à Saturno distantiam discedit. Horum Satellitum viæ è Sole visæ, nunc magis nunc minus oblique spectatæ, Ellipses nunc latiores nunc strictiores videbuntur. Aliquando harum Orbitalium plana producta per Solem transeunt, in quo casu in rectas abeunt Ellipses prius admodum angustæ, quod bis in qualibet Orbitæ istius revolutione circa Solem contingit, siquidem ipsius planum sibi ipsi parallelum maneat; unde Satelles nunc à Primario suo tegi videbitur & hunc vicissim tegere, nunc extra ejus discum in Ellipsi circumagi.

Planetæ primarii eorumque Satellites superficies habent non tantum non teras & politas, sed ne quidem adeo uniformes quin in illis reperiantur loca clariora & obscuriora, hoc est, quæ Solis radios, quibus illustrantur, magis minusve reflectunt. Maculæ hæc rotatione Planetæ circa proprium axem circulos describunt; adeoque è Sole spectatæ harum viæ in plano Disci planetarii, nunc ellipticæ videbuntur, nunc rectæ (prorsus sicut prius Satellitum viæ) prout Sol supra istorum circularum planum ad alterutrum latus attollitur, vel in eo reperitur, tempore sc. Æquinoctii in Planeta isto. Quod si macularum harum series five fasciæ reperiantur, ut in Marte & Jove contingit, hæc similiter vel in semi-ellipses incurvatæ, (altera namque semi-ellipsi post Planctam latet,) vel in rectas extensæ cernentur; quod & extremæ margini Annuli Saturnii similiter convenit. Verum macularum aliquæ nunc aliquandiu latent, nunc æque diu apparent; nempe prout Planetæ Polo à Sole averfo vel

vel eidem obverso propinquæ sunt. Hæc in Saturno & Tellure maxime conspicua sunt, in reliquis vix; quia in iis Solis illustratio ad utrumque Polum semper pertingit.

Oculus in Sole positus nullam Umbram, nullam Eclipsin cernet, utpote quæ perpetuo à Sole sunt aversæ. Aliquando Oculo, in superficie Solis constituto, cui Planeta in horizonte est, Secundarius in penumbra Primarii videbitur, vel penumbra Secundarii in Primarii discum projecta; quod ex colore aliquanto fusciori dignoscetur.

Cæterum loca Planetarum Heliocentrica (& ideo facile ex dato in Solis superficie puncto visa) facile determinantur per dicta in Libro III. Immo cujuscunque Planetæ locus Heliocentricus prius determinandus est, ut ejus locus Geocentricus definiatur.

Præter Planetas primarios sex una cum decem Satellitibus, (tot enim hucusque Terricolis videre contigit,) qui ab Observatore Solari in Zodiaco vix sedecim partes lato, & ad primi motus circulum haud multum inclinato versari, omnesque in easdem partes, inque Orbitis circularibus Soli fere concentricis, moveri videbuntur; præter hos, inquam, sunt alterius generis corpora, quorum numerus adhuc incertus, in Orbitis valde excentricis delata (Cometæ dicti) quæ nunc ad Solem proxime accedunt, nunc ab illo in immensum recedunt. Cometæ hi non in eandem omnes plagam, sed hic in unam, ille in alteram (licet quilibet per se spectatus in eandem semper) inter Fixas ferri videbuntur; neque in Zodiaco five Planetarum via, sed, ut plurimum, in viis ad hunc admodum notabiliter inclinatis, semper autem in circulis sphaeræ maximis.

Cometæ non solum maximâ motûs diversitate à Planetis distinguuntur, sed præcipue Comâ istâ, quæ, è Sole visa, non, ut nobis plerumque, Caudæ instar protenditur, sed circumcirca capiti circumfunditur perpetuo videtur, ut Cometæ in Solis opposito respectu Terræ constituto usu venit. Paulo tamen spissior est hæc Coma ad partes versus quas Cometa inter Fixas tendit, sed longius protensa in contrarias. Porro, capillitium hoc majus splendidiusque evadit dum Cometa ad Perihelium descendit; non solum propter rationes opticas, quod Oculo & Soli illustranti vicinior sit; sed maxime quod confertior multo sit vapor è quo constat, propter auctum calorem per quem attollitur. Verum ne sic quidem Cometæ circumfusa Coma speciem præbebit Solari Observatori comparandam cum illa, quam tum temporis Observatori Terreno exhibet.

Hæc disputavimus ex hypothefi quod Oculus in Sole à circumfusa huic Atmosphaera non impediatur, quo minus tam libere longeque prospiciat atque nos Terricolæ nocte illumi. Si enim visu gaudeat acutiore vel hebetiore, alia magis diffusa minusve illustrata videre poterit, aut forte ne ea quidem quæ hætenus recensita sunt; quæ tamen si viderit, non aliter videbit quam superius dictum est.

Præter prædicta phaenomena eminus spectata, maximas in suæ

sedis superficie mutationes cernet: Nunc enim magnis, densis & crebris maculis seu infulis obducta erit, quæ brevi figuras suas mutabunt, penitusque dissipatæ evanescent; nunc per diutinum tempus talis nulla (saltem tam magna aut densa) apparet. Verum hæc Oculo, de quo nunc agimus, pro Cœlestibus non habebuntur; de iis igitur hoc loco plura non adjiciemus.

PROPOSITIO II.

Phænomena Oculo in Mercurio posito visa describere.

Præter ista de Fixarum ordine, quæ Oculo ubivis intra Saturni Orbem posito conveniunt, de quibus in præcedente, patet Oculum in Mercurio positum Solem videre fere triplo latiore quam eundem Terricolæ vident, quia (per Propp. XL, & XLII. Lib. I.) Mercurius fere triplo propior est Soli quam Tellus. Unde & Solaris Discus è Mercurio visus septuplo major est quam qui nobis apparet, & (per Prop. XLVIII. Lib. I.) septuplo majore Luce & Calore, cæteris paribus, fruitur Mercurius quam Terra. At qualitates hæc multum intenduntur & remittuntur pro diversa Mercurii à Sole distantia; nam hujus Orbita est omnium multo maxime excentrica.

Gravitas acceleratrix versus Solem etiam septuplo major est illic quam hic. Mercurii densitas, & consequenter corporum in superficie positorum gravitas acceleratrix versus ejus centrum (ex Corol. Prop. XLIX. Lib. III.) colligetur; licet minus accurate quam supradicta versus Solem, quia tantum analogice. Verum de hisce hic & in sequentibus tacebimus, quippe quæ ad Phænomena Cœlestia (sola à nobis hoc in loco consideranda) nihil attinent.

Nondum per observationes compertum est an Mercurius circa proprium Axem rotetur, & ideo certo definiri nequit num, Oculo in ejus superficie posito, omnia extra posita motu contrario revolvi videantur, hoc est, num Diei & Noctis vicissitudo illic contingat, multo minus quodnam sit Nychthemeri spatium; ita autem fieri satis tuto conjicere licet, cum in reliquis Planetis istud obtineat. Mercurii vero Annus vix quadrantem Anni nostri adæquat. An vero varias Anni tempestates patiatur Mercurius incertum etiam, quippe quæ pendent ab ignota inclinatione axis, super quem Mercurius in seipsum revolvitur, ad planum Orbitæ quam circa Solem describit.

Oculus in Mercurio Solem respiciens, Solis Maculas (si quæ sint) nunc in linea recta discum ejus trajicientes ab ortu in occasum, nunc earum viam Ellipticam, in has vel illas partes incurvatam cernet; ut Schol. Prop. LXX. Lib. IV. ostensum est: Atque omnis hujus Phænomeni varietas semel in Anno absolvitur, in quo bis rectilinea apparebit Macularum semita. In hoc casu Mercurius Maculas omnes in Solis superficie existentes videbit, quoniam in plano Æquatoris Solaris existens utrumque ejus Polum in margine disci

disci sistit. At cum Oculus supra *Æquatoris Solaris* planum versus alterutrum Polum attollitur, hoc est, cum *Maculæ Ellipsin* describere videntur; Polus alter & *Maculæ* illi vicinæ in postico Solis hemisphærio latent. In omni vero casu *Macula* prope Solis limbum diversam prorsus figuram induere videbitur ab illa quam in medio disco refert; quippe admodum oblique spectata.

Verum macularum, Solarium, è Mercurio spectatarum, via erit semper fere recta; quoniam Mercurius à plano *Æquatoris Solaris* nunquam multum declinat, & igitur vix sensibilibiter à planis circularum, quos *Maculæ* rotando describunt. Cumque planum *Orbitæ Telluris* omnium maxime ad prædictum planum *Æquatoris Solaris* inclinetur, *Macularum* via è Tellure spectata curvior apparet quam si ex alio quovis Planeta spectetur Sol. Curvatura hæc paulo minor erit ex Jove vel Marte spectata, adhuc minor ex Saturno, minor adhuc ex Venere, omniumque minima ex Mercurio, ut hætenus dictum. Mercurius videbit etiam viam tum Satellitum tum *Macularum* aliorum Planetarum, nunc in rectam extensam, nunc in curvam sinuatam, harumque aliquas longo nunc tempore latentes, nunc tam diu conspicuas, prout Polo latenti vel conspicuo propinquæ fuerint.

Mercurio reliqui quinque Planetæ sunt superiores: Paria igitur sunt eorum omnium Phænomena Oculo in Mercurio posito, Phænomenis Martis, Jovis & Saturni è Terra spectatorum, de quibus Propp. VII, VIII & IX. Lib. I. Adeoque Venus & Terra Soli oppositæ, pleno Orbe fulgentes radiosque Solis quam directissime reperiunt, Mercurio pernoctes sunt tenebrasque potenter dispellunt. Cum enim Venus jam in cornua abiens, & partem minimam sui hemisphærii illustrati Terricolis ostendens, tam lucida sit ut umbram projiciat, lucidissima apparebit Mercurio cui integrum sui hemisphærium illustratum obvertit. Magnæ quoque sunt Terræ vires in Solis radiis reflectendis, ut constat ex luce, qua Lunæ discum sibi obversum perfundit: Sed hæc tam à Sole illustrante quam à Mercurio illustrando longius distita minores quam Venus vires in hoc negotio ostendet; nisi forsan potentius reflectat lumen quam Venus, quod non est verisimile. Superiorum adhuc minores sunt in illuminando Mercurio vires quam quas nobis Terricolis ostendant.

Nullum inferiorem nobis notum videt Mercurius, adeoque Stellam nullam falcata, & in cornua extenuatam videt; argumentisque proinde caret ab hujusmodi Planetarum phasibus petitis, quibus verum Mundi Systema stabiliat: Inferiorum enim Phases primo clare evicerunt eorum motus circa Solem ordinari; unde proclive fuit idem colligere de aliorum motibus. Exinde vero quod nos Terricolæ Planetas Mercurio inferiores non cernamus, nequam sequitur nullos tales dari: ipse enim Mercurius in Sphæra nostra obliqua raro cernitur, & illo multum inferior nunquam, propter Solis viciniam, cerneretur.

Observatori huic Mercuriali, sicut & nobis Terricolis, defunt media, quibus corporum Cœlestium distantias & diametros cum domicilii sui diametro, suisve mensuris, comparare potest, si quidem accuratiora instrumenta non adhibeat. Nam Parallaxis Solis ex Mercurio visi (quantum ex analogia conijcere licet) minor est ejusdem Parallaxi à Terra; diameter utique apparens Mercurii è Sole minor diametro Telluris apparente ex eodem: Et Venus Soli opposita, Mercurioque proinde proxima, tantundem fere distat à Mercurio atque ipse Sol; Venerique adeo Parallaxis (etiam cum Mercurius in Aphelio illam Soli oppositam, & consequenter sibi omnium proximam, cernit) Parallaxi Solis à Terra visi non est major. Atque hæc duo sunt magna Mundi corpora, Mercurio proxima, Parallaxin maxime sensibilem habentia.

Quoniam autem ipse Mercurius locum mutat, per Observationes in diversis stationibus factas colliget Mercurii incola rationem inter distantiam Mercurii à Sole & alterius cujuscvis Planetæ distantiam ab eodem, simili modo atque nos Terricolæ ex magni Orbis Parallaxi. Verum quidem est illam non tam tuto colligi, quia distantia Mercurii à Sole tam magna non est respectu distantiarum aliorum Planetarum atque Terræ nostræ distantia à Sole: At cum sit earum respectu adhuc sensibilis satis, nimirum distantia Saturni à Sole pars circiter vigesima quinta; omnium istarum distantiarum ratio, per Observationes in Mercurio factas, satis commode definiuntur, modo Observator domicilii sui motum circa Solem agnoscat. Sin, sensibus fidens, Mercurium suum pro immobili certo habeat, ne istud quidem præstare poterit, sicut nec Astronomi Telluris incolæ, quamdiu Tellurem immotam habuere; quod ex Orbium Planetariorum distantiiis à *Ptolemaicis* assignatis, inter se tam immane diversis, phænomenis tamen satis consentientibus, abunde constat. In Systemate enim immoti loci Observatoris, si cuilibet superiorum aptetur Epicyclus in una revolutione ad Solem percurrentis, & observatæ ejus distantia maximæ à loco in suo excentrico prope quadratum Solis contingenti explicandæ sufficiens, poterit (salvis phænomenis) Excentrici deferentis Epicyclum semidiameter assumi cujuscvis magnitudinis, modo talis ut Planeta, quando proximus, longius à Terra absit quam ut illius distantia ex parallaxi definiri queat: Immo nihil obstat quin Martem supra Jovem, aut Saturnum infra Martem, colloceat, nisi regula Prop. præc. tradita, & hæc quidem sagacitati non demonstrationi innixa.

Loca Solis omniumque Planetarum, è Mercurio visa, eodem modo investigantur, quo ex Tellure visa, & Tabularum Lib. III. descriptarum ope definiuntur: Quum enim ex illis loca Heliocentrica cum Mercurii tum alterius cujuscvis prompte definita habeantur, alterius istius locus Hermodentricus definiatur per praxin Prop. XI. Lib. III. similem; quod & de alio quovis similiter est verum, quod semel monuisse sufficiat, ne idem in Propositionibus singulis identidem repetendum sit.

Come-

Cometarum Phænomena ex Mercurio, alioue quovis à Planetis, visa eadem fere sunt cum illorum Phænomenis ex Tellure visis, de quibus Lib. præced. dictum est; neque aliter quam in mensuris differunt.

PROPOSITIO III.

Phænomena Oculo in Venere constituto visa describere.

In Venere Sol duplo fere minore diametro apparet quam in Mercurio, & fescuplo majore quam à Terra. Unde Solis discus Veneri plus duplo major quam nobis, simulque Lux, Calor Gravitafque acceleratrix ad Solem in eadem ratione augentur.

Qui Veneri Annus est (ejus nempe circa Solem periodus) nostro mensum septem cum dimidio æqualis est: Dies vero in Venere die nostro minor est unâ fere Horâ.

Venus quatuor cernit Planetas superiores, quorum proinde phænomena similia sunt illis Martis, Jovis & Saturni à Terra, omniumve à Mercurio visis. Tellus autem nostra in Solis opposito visa, & pernox, cum (per Prop. ix. Lib. i.) pleno Orbe fulgeat, lucidissima apparebit; atque lux hæc à Luna nostra, etiam pleno Orbe fulgente, augebitur. Luna Tellurem perpetuo comitari videbitur, ut revera fit, & ultra gradus semissem quandoque à Tellure digredi.

Venus unicum obtinet Planetam se inferiorem, Mercurium sc. qui nunquam longius à Sole evagatur quam 38 circiter partibus, quique similia præbebit spectacula Veneri atque Venus & Mercurius Terricolis, de quibus Prop. iv, v & vi. Lib. i.

Observatori in Venere constituto non prorsus defunt media, quibus Cœlestium distantias cum suis mensuris conferat; nam Veneris suæ diametrum cum mensuris sibi familiaribus comparabit, sicut nos Terræ nostræ cum nostris, per Schol. Prop. xvii. Lib. ii. & Parallaxi Terræ, Soli oppositæ, quadruplo major est Parallaxi Solis à Terra spectati, & ideo non prorsus insensibilis: Innotescit igitur ratio diametri suæ Veneris ad distantiam Terræ Soli oppositæ & retrogradæ à Venere; hoc est, differentiam distantiarum Veneris & Terræ à Sole; hæc vero Parallaxis in reliquis Planetis (etiam cum sunt Veneri proximi) insensibilis fere est. Quod si Venus motum suum circa Solem agnoscat, exinde colliget rationem inter distantias Planetarum à Sole, sicut Terricolæ colligunt: Ex datis autem ratione inter binas quantitates, & differentia inter illas, dantur ipsæ quantitates, & consequenter aliæ istæ datas ad harum alterutram rationes habentes. Sin motum domicilii sui non agnoscat Oculum in Venere positus, ordinem quidem superiorum (ex regula Prop. i. tradita) conjecturis stabiliet, distantias vero minime, ut de Mercuriali Astronomo in præcedente dictum est. De Mercurii Solisque ordine eandem ambiendi rationes quæ veteribus Astronomis, Telluris incolis, de Mercurii, Veneris Solisque ordine; aliis contententibus Mercurium esse supra Solem respectu Veneris in centro quiescentis; aliis illum esse infra eundem; aliis de-

nique Mercurii motum circa Solem seu centrum ordinari volentibus. Mercurium vero Solem ambire tandem constabit, cum visus adminicula eousque promoveantur, ut diversæ Mercurii phasæ oculis subiciantur. Nam antequam hoc contingat, licebit (salvis Phænomenis) eousque in Planetarum distantis æstimandis errare, ut si Mercurio concedatur Epicyclus, cujus diameter è Venere visa circiter duo signa cum dimidio adæquat, & hujus centrum rectæ Solem Veneremque jungenti, ultrave Solem productæ, alligetur, Epicyclum Deferens vel ultra Solis Orbitam, vel utcunque citra (modo extra Parallaxis diurnæ limites) collocari possit. Quod palam est exinde, quod Deferentes Epicyclos Mercurii Venerisque in Systemate Terræ immotæ (salvis Phænomenis tunc manifestis) collocati sunt longe citra Solem à *Ptolemæi* sectatoribus, Astronomis fere ad unum omnibus; licet nemo sit qui nunc Planetas hosce Solem circumire non ultro agnoscat.

Determinatis semel Orbium Planetariorum distantis à Sole, in Systemate vero Veneris circa Solem motæ, si alteri Astronomo constitutum sit Venerem (suam sedem) in Mundi centrum reponere & pro immota habere, illud rite, & secundum Opticæ leges, duobus modis efficere poterit. Primo, Venere in centrum promotâ, Solem simulque Planetas omnes & eorum Orbitas, quas circa Solem describunt, versus eandem plagam in rectis parallelis tantundem promovebit; & fiet apud Venerem Systema Mundi *Tychonicum*, in quo nempe Sol circa Venerem defertur in Orbita æquali, simili & contrarie posita ei in qua Venus circa Solem revera movetur, & Planetæ omnes eorumque Satellites (præterquam quod à Sole deferantur circa Venerem) eisdem circa Solem peragunt motus, quos in vero Systemate peragebant, Primarii quidem quasi in Epicyclis, Satellites vero in Epicyclo-Epicyclis; & Telluris Orbita Solis Cælum interfecabit similiter atque Martis Orbita illud interfecat in Systemate *Tychonico* apud Terram condito. At Jovis Orbita Solis Orbitam non interfecat, sed continet, in simili Systemate apud Martem. Secundo, Systema Veneris in centro immotæ legitime condet Astronomus, Venerem suam in centrum promovendo, simulque Solem & omnes Planetas tantundem versus eandem plagam in rectis parallelis ut prius extrudendo, sed non Planetarum Orbitas, quas immotas conservat, easdemque quas circa Solem (dum hic in centro maneret) describebant, quippe in quibus Planetas etiamnum circumagere Astronomo nostro est constitutum; & fiet apud Venerem Systema *Ptolemæicum*, in quo nempe Sol circa Venerem defertur ut in modo explicato Systemate *Tychonico*, & Planeta quivis in Epicyclo movetur æquali, simili & contrarie posito veræ Orbitæ Veneris circa Solem, Epicycli autem centrum in eadem Orbita & eodem prorsus modo atque ipse Planeta ante Solis extrusionem de centro Venerisque inibi collocationem, & Telluris Epicyclus in Cælum Solis descendit similiter atque Martis Epicyclus in simili Systemate apud Terram condito,

dito; quod & apud alium quemvis Planetam obtinebit præter Martem. Hoc modo effectum Systema *Ptolemaicum* sibi prorsus confisteret, & motus centri Epicycli esset à Sole solutus, motus vero Planetæ in Epicyclo eidem alligatus, tam in inferioribus quam in superioribus; & universaliter, Phænomenis omnibus pariter per hoc Systema satis fieret atque per *Verum* aut *Tychonicum*. Duo hæc Systemata (*Ptolemaicum* & *Tychonicum*) permutant Deferentes & Epicyclos: Namque *Tychonicum* eundem Planetis omnibus statu- it Deferentem æqualem, similem & contrarie positum Orbitæ specta- toris Planetæ circa Solem, diversos vero Epicyclos similes & simi- liter positos veris respectivorum Planetarum Orbitis circa Solem; nam Solis in hoc Systemate nullus est Epicyclus, sicuti in vero nul- lus est Deferens, sed & ibi Epicyclus & hic Deferens puncta ha- bentur, quæ figuræ sunt similes & similiter positæ. At Systema *Ptolemaicum* Planetis omnibus Epicyclos statuit prædictæ specta- toris Planetæ Orbitæ circa Solem æquales, similes & contrarie po- sitos, diversos vero Deferentes, eosdem sc. cum respectivis eorum Or- bitis circa Solem in Systemate vero; namque via Solis in hoc Systemate est Epicyclus cujus Deferens est immotum punctum, idem sc. cum Orbita Solis in vero Systemate. At cum Systema à *Ptolemaicis* assertum non sit ex vero Systemate formatum, sed pe- detentim ex Phænomenis extractum absque ope veri; ideo Orbium deferentium proportio in illo (prout ab ejus cultoribus traditur) est ignorata, & tantum ratio inter Planetæ cujusque Deferentem & Epicyclum ex ejus motibus stabilita; unde fit ut in Saturno, Jove & Marte semidiameter Deferentis (ex ipsius *Ptolemaei* nume- ris) sit ad Epicycli Semidiametrum ut Distantia Planetæ à Sole ad Telluris distantiam ab eodem. At cum in Systemate *Tychonico* idem sit omnium Planetarum Deferens, si ex cujusque motibus in- veniatur vera ratio inter ejus Epicyclum & Deferentem, ex æquo inventa eo ipso habetur ratio inter omnium Epicyclos, hoc est, in- ter Planetarum omnium Orbitas; atque nihil amplius est factum per Systema verum. Systema *Ptolemaicum* legitimum (hoc est, præ- dicto modo genitum) ponit Planetarum inferiorum Epicyclos Solis Orbitæ æquales: At cum monstruosum visum sit Epicyclum ponere Deferente majorem, ideo *Ptolemaici* utriusque Inferioris De- ferentem mutantur in Epicyclum, ita tamen ut quisque naturam suam (quod impedire haud poterant) conservaret; nempe ut mo- tus centri Epicycli in Deferente sit Soli alligatus, & ut Planetæ motus in Epicyclo sit à Sole solutus. Hæc permutatione Systema suum genuinum supra descriptum reliquerunt, & quasi *Tychoni- cum* sunt amplexi; & in hoc solo Inferiorum Systema *Ptolemai- cum* differt à *Tychonico*, quod, verâ semidiametro Deferentis igno- ratâ, ponat veram tantum rationem inter semidiametrum De- ferentis & semidiametrum Epicycli, nempe hæc apud *Ptolemaum* eadem est cum ratione Distantiæ Terræ à Sole ad distantiam dicti Inferioris ab eodem in Systemate vero. Atque prædicta duo Syste-
mata

mata sunt retentis Orbitis Planetariis, Systematis veri; mutatis vero illis, numero infinita fabricari poterunt Systemata, quorum quodlibet Phaenomenis satisfaciât, immo quod cuiusvis Planetæ locum respectu Terræ eundem (hoc est, in eadem positione & magnitudine recta è Terrâ educta) faciât cum ejus loco in Systemate vero, quorumque nullum, aliter quam ex Physica, redargui potest.

Venerem Comite gaudere plusquam suspicio est ex oculatissimi D. Cassini observationibus binis Annis 1672 & 1686 casu factis, in quarum ultima, die 28 Augusti. hor. 4. scrup. 15 mane, Telescopio 34 pedes longo, per horæ quadrantem vidit quasi Veneris Comitem 1 diametri Veneris à Venere distantem, ejusdem cum illa Phasis, (ut oportuit, cum illorum situs, respectu Solis illustrantis Terræque videntis, idem fuerit,) sed informem, & diametro quæ Veneris diametri quadrantem non excederet. Quod Comitem hunc non alias viderit D. Cassinus, licet summopere anniteretur, exinde forte fit, quod Satellitis hujus superficies minus apra sit ad Solis lumen reflectendum, quod de Lunæ nostræ maculis verum deprehendimus. Si enim integra nostra Luna tam debiliter lumen reflecteret, atque ejus maculæ quædam obscuriores, ægre & figuræ male terminatæ apud Venerem videretur: Fatendum tamen hunc Veneris Satellitem (si talis detur) diversæ admodum esse naturæ à suo Primario, qui Solis lumen potenter adeo fortiterque remittit, ut tubo 60 pedes longo vix aliquid maculæ simile potuerit *Hugenius* in eo animadvertere; quod etiam in causa est cur positio axis, circa quem motu diurno convertitur, non sit definita. Verum diversitas hæc inter Venerem ejusque Comitem exhinc forte provenit, quod non solidus Veneris globus, sed illi circumfusa Atmosphæra densior vaporibusque referta, lumen Solis ad nos repercutiat, qualis tamen Comiti ejus non circumfunditur, sicut nec Lunæ nostræ, densa licet satis Atmosphæra, & nebulas vehens, Terræ circumfundatur, quæ hanc è Venere aspicienti ægre permetteret Terrarum Mariumque distinctionem percipere, sed æquabilem fere ejus superficiem, & luce æqualiter perfusam repræsentaret, qualem nos Venerem videmus. Si Venerem Luna comitetur sua, in omnibus fere Planeta iste Telluri nostræ assimilatur, à qua & Anni & Diei quantitate, & Caloris gradu minus differt quam alter quivis Planeta.

PROPOSITIO IV.

Phenomena Oculo in Marte posito visa describere.

Sol è Marte fescuplo minore diametro apparet quam è Terra; & proinde duplo minorem in Martis regione impertit lucem & calorem quam nobis Terricolis. Sed hæc, propter magnam Orbitæ Martis Excentricitatem, mutantur sensibilibiter, licet non tantum atque in Mercurio.

Martis

Martis Annus binis fere è nostris est æqualis; Dies vero naturalis nostro paululum major: Artificialis vero dies, quo Sol supra Horizontem lucet, (præter Crepuscula ante Solis ortum, & post ejus occasum pro altitudine atmosphæræ diuturna,) nocti perpetuo est & ubique fere æqualis, & ideo parva æstatis hyemisque discrimina in eodem loco sentiuntur; & hæc quidem quia Axis diurnæ revolutionis ad planum Orbis Martis normalis fere est. Interim loca, in diversis distantis à medio inter Polos circulo, diversos admodum habent Caloris gradus, propter diversam radiorum Solarium inclinationem ad Horizontem, sicut in Terra Æqui-noctii tempore fit: Atque hinc ortas esse Fascias suspicor, dicto circulo inter Polos medio parallelas. Cum enim idem Caloris gradus in eodem Climate semper maneat, verisimile est Maculas in Marte (sicut in Terra nubes & nivem) calori frigori que ortum suum debentes secundum dicta Climata extendi, fasciasque efficere circulis revolutionis diurnæ Martis parallelas; quod etiam de Jove verum est, cum ille æque ac Mars perpetuo gaudeat Æqui-noctio.

Martis incola duos cernit Planetas superiores, Jovem & Saturnum, duosque inferiores, Terram Veneremque; quorum phænomena similia sunt phænomenis superiorum & inferiorum supra descriptis. Mercurium nunquam videbit (quippe nunquam longe ultra Signi semissem à Sole elongatum) nisi forte, maculæ instar, Solis discum transeuntem; saltem si Marti circumfusa sit atmosphæra Terrestri nostræ æquicrassa & ampla, qualem arguunt observationes Fixarum obscuratarum & prope extinctarum antequam Martis globum attingere videntur. Venerem à Sole elongatam videbit quantum nos Mercurium, Terramque quantum Terra Venerem: Cumque Tellus, è Marte visa, Soli fere conjuncta & proxima apparet, illud in Terra videbit quod Cl. D. *Cassinus* semel bisve in Venere; nempe Planetam inferiorem falcatum, Comitemque ejusdem phasis juxta positum, quem, cum maxime, non ad gradus quadrantem ab illo elongatum videbit.

Astronomus in Marte positus mediis penitus est destitutus, quibus Cœlestia corpora Marti suo conferat, eorumque distantias mensuris sibi notis; propter Planetarum proximorum Jovis & Terræ distantiam, & domicilii sui parvitatem. Telluris enim, etiam cum sibi proximæ omniumque Cœlestium infimæ, parallaxis non erit sensibilis, quippe non ultra 12 scrupula secunda ascendens, quanta fere est Solis parallaxis nobis Terricolis. At si Martis sui motum circa Solem agnoscat, Cœlestium distantias inter se comparare potest: si non, ne hoc quidem; ut fusc in duabus præcedentibus Propositionibus ostensum est.

PROPOSITIO V.

P*hænomena Cælestia Oculo in Jove collocato spectanda describere.*

Sol è Jove paulo plus quam quintuplo minore diametro apparet quam è Tellure; & ejus proinde Lux & Calor vigesies & septies in Jove quam apud nos minor. Jovis Annus duodecim fere è nostris æqualis est: Dies vero naturalis nostro vicissim minor; utpote qui ad decem ex horis nostris vix ascendit: (Atque motus Jovis circa proprium axem periodo absolvitur omnium minimâ earum, quas in Cœlo hætenus observarunt Astronomi.) Unde apud Jovem ultra decem mille dies in Anno numerantur. Dies Jovialis æqualiter fere in diem artificialem & noctem dividitur, per universam Jovis superficiem; cum Axis, circa quem Jupiter revolvitur, sit fere normalis ad planum Orbitæ, quam ille circa Solem describit: Unde similia obtinebunt atque in Marte, de quibus in præcedente dictum est.

Quatuor licet sint Planetæ primarii Jove inferiores, illorum nulum cernet Oculum in Jove positus; si hunc ponamus acutiore visu non pollere quam nos, & atmosphærâ involutum esse qualis Telluri circumdatur: Nam ipse Mars, qui omnium longissime à Sole digreditur, non ultra 18^{te} elongari videtur; cum autem Mars & parvus sit, & Solis lumen debiliter remittat, hic in eâ à Sole distantia vix videbitur. Verum quidem est Solis lumen apud Jovem non esse tam splendidum atque apud nos, ideoque vicinas Stellas ab illo non tantum offuscari; sed & Martis, Terræ, Venerisve lumen in eadem ratione, propter distantiam Oculi auctam, minuitur: Unde, in elongatione parî à Sole, è Jove visi etiam pariter extinguuntur à lumine Solis. Poterunt autem Jove inferiores è Jove in Solis disco macularum instar spectari; sed istud casu tantum fiet: Nam Jovialis Astronomus de illorum existentia non magis certus quam nos de existentia Planetarum Mercurio inferiorum illorum motus non tenebit, ut ad spectaculum debito tempore attendat; unicum igitur Saturnum, eumque superiorem, videbit Oculum in Jove positus.

At interim quatuor Comites suos, in vicinia positos & Solis lumen fortiter reflectentes, cernet in circulo medio inter Polos motûs primi delatos, nisi quatenus per parallaxin; ab Oculo versus alterutrum Jovis Polum posito, inde in alterum declinare videantur; adeo ut Planetarum numerus, Oculo in Jove posito, ad senarium ascendat. Quippe nullum est dubium quin domicilium suum, Jovis globum, pro immoto habens (quod ob magnitudinem immensam supra sibi satis compertos Planetas propiores potiore jure fiet quam à Terricolis Terra) quatuor suos comites Planetas statuât, quibus Solem Saturnumque annumerat, plane sicut nos Lunam reliquis sex annumeramus: Et quidem in eorum ordine vix aberrabit, si illum remotiorem habeat, qui longiore tempore Cœli circuitum circa Jovem absolvit.

Porro,

Porro, quatuor Inferiorum distantias cum mensuris suis comparabit facile; hæc nimirum cum Jovis diametro, sicut nos nostras cum diametro Terræ; & Planetarum quatuor proximorum distantias cum diametro Jovis facilius quam nos Lunæ distantiam cum diametro Terræ: Nam remotissimi illorum è Jove spectati Parallaxis horizontalis est plusquam duplo major Parallaxi horizontali Lunæ è Terra visæ, adeoque valde sensibilis. At licet Jovis globus sit immensè magnus respectu Terræ nostræ, Parallaxis Solis è Jove visi vix erit sensibilis, quippe ad 20" non ascendens; neque Saturni (etiam Soli oppositi & Jovi proximi) multo major erit Parallaxis: Jovis igitur incola Solis & Saturni distantias cum mensuris suis ægre comparabit. Si sui Jovis motum circa Solem agnoscat, rationem inter distantias Jovis & Saturni à Sole facile definit, aliàs non; ut Prop. III. explicatum est.

Duo igitur Planetarum genera distinguet Observator Jovialis sensibus innixus; proximos nempe quatuor, & remotissimos duos Solem & Saturnum, hos diametro minore, illos multo majore apparentes. Nam è remotioribus Sol videtur circiter 6' latus, cum Saturni etiam proximi diameter vix ad scrupuli bessellem ascendat. Reliquorum à Jove quartus eâ fere magnitudine videtur quâ Terricolis Luna, quinque nempe majori diametro, & vigesies ac quinque majore disco quam Sol ex eodem Jove; & si Satellites reliqui non sint extimo multo minores, hi è Jove visi adhuc majores apparent, si quidem singuli sint Tellure nostrâ haud minores, ut perspicacissimo Cosmographo D. *Hugenio* videntur. Distinguentur præterea quatuor propiores & apparenter majores à remotioribus & minoribus, quod in Planetis propioribus quadrata temporum periodorum sint ut cubi distantiarum eorundem à centro sui Jovis; hoc vero minime obtineat, si majorum quivis cum minorum aliquo comparetur. Quamvis propiores appareant majores, ipse Sol illis immensè magis lucidus videbitur: Immo ex eorum phasibus, ab ipsorum ad Solem aspectu pendentibus, totidem Lunæ videbuntur. Unde quatuor Mensium genera agnoscat Jovis incola à totidem Lunis denominata. Minimorum Mensium ultra 2407 in Anno continentur; Mensium proxime majorum numerus in Anno quasi duplo minor; ordine tertiorum numerus in Anno Joviali secundorum quasi subduplus, five minimorum fere subquadruplus; maximorum vero Mensium sunt in Anno fere 254. Et ideo licet Temporis Notatio sit apud Jovem intricatior, quia Annus magnum Dierum numerum continet, per quatuor hæc Mensium genera illa expedita satis redditur: in Mense enim minimo quatuor tantum erunt Dies cum quadrante; in maximo vero paulo plus quam Dies quadraginta.

Præterea, Lunæ hæc, Soli è Jove oppositæ, in Jovis umbram incurrentes deficient, & vicissim Soli conjunctæ, umbras suas in Jovem projicientes, speciem Solis deficientis Oculo in regione per umbram occupata (quæ parva satis est superficiei Jovis portio) po-

sito præbent, plane ut Luna nostra. Quoniam vero Lunarum istarum Orbites circa Jovem sunt in plano (omnes quidem in eodem quamproxime, nisi quod à Jove secundus inde paululum deflectat) ad plauum itineris Jovis circa Solem inclinato, Eclipses istarum Lunarum centrales sunt & maxime diurnæ, cum Sol in Nodo Lunarum alterutro versatur. Sole extra hunc situm versante, Eclipses etiamnum totales esse poterunt, licet non centrales; quia umbra Jovis decuplo fere latior est quam Satellitum quivis, & Lunæ cujusvis diameter apparens quintuplo major Solis diametro apparente. Atque insignis hæc diametrorum inæqualitas, & parva plani Orbitalium Satellitum inclinatio ad planum Orbite Jovis circa Solem, in causa est cur Eclipses, tam Lunarum quam Solis, singulis revolutionibus contingant, licet Sol longe à Nodis distet. Et quidem inferiores, licet Sol è Jove visus omnium maxime à Lunarum Nodis distet, etiamnum in Jovis umbram incurrunt, & eorum umbræ Jovem vicissim attingunt; remotissimus vero in hoc casu, per Jovialis Anni sextantem, umbram in Solis opposito effugit, & vicissim Jupiter illius cum Sole conjuncti umbram: Sed & Eclipsium partialium phenomena temporibus locisque intermediis cernet Oculis in Jove positus. Porro Eclipsis Lunæ per Lunam hic contingit, cujus phasis aliquando plane diversa est, immo contraria prius descriptæ Eclipsi Lunæ in Jovis umbram incurrentis: in hac enim, primo deficit Lunæ limbus orientalis, & occidentalis ultimo ex umbra emergit; in illarum vero aliis, primo deficit occidentalis limbus, & orientalis ultimo lumen suum recuperat, in aliis è contra. Jovis umbra, licet longe ultra suos Satellites porrecta, ad alium Planetam non porrigitur, quod in omnibus aliis Primariis etiam obtinet. Nam solus Saturnus in illam, si vel infinita esset, immergi potest; umbra vero Jovis ad Orbem Saturni porrigi nequit, nisi Jovis diameter sit quasi semissis diametri Solis, & ad partem nonam vix ascendit.

Si Jovis superficies fluido magna ex parte tegatur, & Maria ista navigari fingamus; Navigatio percommoda erit, cum propter Noctes brevissimas, easque ex Lunarum multitudine vix unquam illunes, plerumque per illarum plures admodum claras, tum quod illarum auxilio cursus suos regere possint. Sed & ex tam multiplicibus Eclipsibus loci Longitudo facillime definietur, & Hydrographicæ Tabulæ accuratæ construentur; quod in tam vasto globo percommodum est, cujus nempe superficies centuplo (immo ex D. *Hugemii* sententia quadringenties) major superficie Telluris ejus mensuram laboriosissimam redderet. At Æstus Maris reciprocus ex quatuor Lunis (Solis enim illic ad hanc rem exiguae sunt vires) oriundus varius est, & præterquam calculis subducendis assueto incertus.

PROPOSITIO VI.

Phænomena Cœlestia præcipua, quæ Oculo in Saturno posito occurrunt, describere.

Sol è Saturno fere decuplo minore diametro apparet quam è Terra, & ejus Discus, unaque Lux & Calor, nonaginta saltem vicibus minor quam hic. Saturni Annus triginta fere è nostris æqualis est: quam autem rationem Dies Saturnia ad nostram habeat, incertum est; nam periodus revolutionis Saturni circa proprium Axem nondum constat. *Hugenius* quidem ex intimi Comitibus distantia ac periodo, horumque comparatione cum distantia & periodo intimi Jovialium, verisimile censet non esse longiores Dies illic quam in Jove: In hanc sententiam abit, quoniam pro indubitato habet Solis & Primarii rotationem circa axem causam esse rotationis Primariorum & Secundariorum, (quam in easdem quidem partes fieri certum est,) aut saltem rotationem corporis centralis & Planetarum illud comitantium ab eadem causa pendere; adeoque è converso, cum Satellites circa Saturnum rotatos observaverit, & hunc circa Axem suum revolvi nullus dubitavit, & pari fere quo Jupiter tempore, ob Satellitum periodos haud impares. At si consideretur causam rotationis Primariorum circa Solem, Satellitumve circa Primarium, non esse vorticem ullum, aut quod hujus instar est, (cui opinioni prædictum argumentum innititur,) sed Planetas motu composito ex projectili prorsum in recta, & ex gravitate versus corpus centrale (circa quod in spatio libero & tantum non vacuo moventur) deferri, & Satellites Saturnios eodem modo in Saturnum gravitare, sive is circa Axem revolvatur sive quiescat; patet, ex rotatione Satellitum ipsius Saturni rotationem circa proprium Axem non recte colligi, nedum hujus periodum. Verum quidem est admodum esse probabile Saturnum circa Axem revolvi, ut sc. nunc hanc nunc illam sui faciem Soli, lucis & caloris in suo Systemate fonti, obvertat: At rotationis periodum ex hinc colligere impossibile videtur, cum hæc ad rerum Saturno contentarum naturam (nobis certe prorsus ignotam) à sapientissimo & omnipotente Deo Creatore accommodata sint. Si Saturni Axis sit plano Annuli Saturni Orbitarumque Satellitum perpendicularis, (ut vult *Hugenius*,) tum Polorum & Æquatoris idem est inter Fixas situs in Saturno atque in Terra; eadem igitur Polaris Stella, eodemque modo, in similibus latitudinibus, oriuntur & occidunt Constellationes. Atque hæc obtinent, si is sit situs Annuli quem *Hugenius* in *Systemate Saturnio* posuit, quem & nos supposuimus Lib. IV. cum de ejus phænomenis ageremus: At si per observationes magis accuratas diversus deprehensus fuerit, (ut in Cosmotheoria innuit,) prædictorum phænomenon mensuras diversas ex superioribus colliget quisvis. Dies apud Saturnum sunt admodum inæquales, magnæque Æstatis & Hyemis discrimina; hæc enim à quantitate inclinationis plani Æquatoris ad planum Orbitæ Saturni circa Solem

lem pendent, quam *Hugenius* postea 31^r posuit, tridente scire majorem quam quæ in Tellure obtinet, ubi discrimina ista sunt valde sensibilia. Apud Saturnum in Latitudine 59^r Dies longissima nullâ Nocte interrumpitur, nec Nox longissima ullâ Die. Et Zonæ duæ frigidæ circa Polos extensæ (quarum quælibet 61^r lata) plusquam decuplo majores sunt quam integra Telluris nostræ superficies.

Oculus in Saturno positus è Primariis solum Jovem videre poterit, Solem perpetuo comitantem, nec ab illo nisi 37^r circiter quandoque elongatum. Hosce duos propriis suis quinque Comitibus annuerans, septenarium Planetarum numerum Saturno visorum complet, quos in quinas Lunas duosque alios distinguit, (ut in Prop. præc. Jupiter;) cum ob easdem rationes, tum ob hanc etiam, quod quinque proximi moveantur in eodem plano ad planum itineris Solis circa Saturnum 31^r inclinato; adeo ut Zodiacus Saturno sit plusquam tertiâ parte Cœli latus, si hunc omnium Planetarum evagationes à Solis via complecti velit. Phases similes harum Lunarum atque Lunarum Jovialium, nisi quod æstate hyemeve, cum Sol multum ab Æquatore declinat, Luna quævis Soli opposita pleno orbe non fulgeat, nec eidem conjuncta penitus fileat. Nam mediâ æstate hyemeve Luna Soli conjuncta tantum à Sole distat quantum Luna nostra biduo & ultra ante vel post Novilunium, & Soli opposita tantum ab oppositione illa directâ, quæ plenum Orbem facit, quantum nostra Luna biduo & amplius ante vel post Plenilunium: ideoque similes tum erunt earum Phases atque Lunæ nostræ duobus diebus & semisse ante vel post syzygiam. Unde isti Anni Saturnii tempestatibus nullæ contingent Luminarium Eclipses. Hæ autem tempore Æquinoctii nunquam deerunt, omniumque etiam generum quorum in præcedente mentio facta est.

Cum Annus Saturnius diuturnior sit Joviali, plura etiam sunt Mensium genera ad illum in partes distinguendum. In Anno sunt ultra 5700 Menses minimi, & circiter 3932 magnitudine proximorum, ultra 2352 Mensium tertiorum, ultraque 674 quartorum, & Mensium maximorum 135.

Saturnicola Lunarum suarum distantias cum mensuris suis comparabit facile; quippe quintæ & extimæ Parallaxis major est Parallaxi Lunæ nostræ. At Solis Parallaxis 9^r non excedit; ideoque insensibilis est, instar Parallaxis Solis è Terra visi.

Oculo in Saturno posito maxime mirandus est Annulus iste Saturnum cingens, de quo Lib. iv. dictum: est quippe eminus visus spectaculum sui generis unicum, quodque Philosophorum omnium Oculos jamdudum in se convertit. Annulus hic acutiss. D. *Halleio*, Variationis declinantis Acûs magneticæ causas inquirenti, animos addidit ut Telluris globum in Crustas Nucleosque concentricos divisum supponeret *Transact. Philos.* N^o 195. post *Këplerum* qui idem fecit Lib. iv. pag. 586. *Epit. Astron. Copern.* cum, ex directione magnetica, causas inæqualitatis Planetarum in altum investigaret. Quid enim si Annulus hic sit pars reliqua exterioris

rioris Crustæ in Nucleum interiorem jam collapsæ, ejusque quasi ruinæ adhuc spectandæ? Nam si Saturnus olim ejus fuerat diametri, cujus est in hunc diem Annulus, illa è Sole visa ejusdem erat magnitudinis atque est nunc Jovis diameter apparens ex eodem.

Cum Annuli extimus margo supra Saturni superficiem exstet ad altitudinem, quæ est sesquiquarta semidiametri Saturni, hunc ad distantiam ab Æquatore Saturnio (in cujus plano totus est positus) majorem quam 64^r videre non licebit: Spectator igitur majorem latitudinem habens Annulum nunquam cernet; Zonaque est circa utrumque Polum, 53^r fere lata, Annuli spectaculo penitus privata. Et accedente Oculo propius ad Saturni Polum primus Satelles obtectus manet, deinde secundus, atque ita porro, donec Oculo tandem promotum ad distantiam unius gradus à Polo, ne vel quantum amplius videt, nisi per refractionem illud fiat; nec, tempore hyemis, Solem, Lunam quamvis, nec quemvis Planetam, nec Coeleste corpus quodvis Terricolis notum præter Fixas, & forte Cometam aliquem videbit.

Oculus in ipso Saturni Æquatore, aut Zona prope illum, constitutus Stellas nullas in Æquatore aut valde prope Æquatorem positas videt; & ideo nunquam Lunarum aliquam, obstante sc. Annulo: Ideoque tempore Æquinoctii in Æquatore degens Solem non videbit, neque alibi degens Annulum, quippe cujus neutra facies in hoc casu illustratur. Quam lata autem sit Zona ista, per observationes in Tellure factas difficile est determinare, cum Annuli crassities exigua sit; illam *Hugenius* sexcenta millia *Germanica* efficere putat. Hanc ex Saturni superficie accurate determinare facile erit, cum paulo plus quam semidiametro supra eandem elevetur. Si Oculus extra Æquatorem positus intelligatur, spatium Cæli continens Stellas ab Annulo testas diversæ erit magnitudinis & figuræ, pro diverso Oculi situ.

Per Anni Saturnii semissem, altera Annuli facies à Sole illustratur; unde qui istud hemisphærium incolunt cui hæc obvertitur, hoc est, qui æstatem habent, Annuli portionem, quæ supra Horizontem exstat, illustratam de die cernunt tenuiter lucentem (sicut nos Lunam præsentem Sole) si atmosphæra Saturno circumfundatur, & ad plagam versus quam est Polus depressus positam; de nocte vero ejus lumen fortius est, sicut & nostræ Lunæ absente Sole: Et ex maculis, ejus vel quies vel motus, hujusque velocitas definitur. Post Solis occasum Arcus hujus lucidi pars orientalis umbrâ (nempe ipsius Saturni) inficitur, quæ, procedente nocte, paulatim ascendit, donec nocte mediâ ejus partem summam sive verticem occupat, unde paulatim versus occidentalem ejus partem movetur, prout Sol ad ortum vergit. Arcus hic lineam meridianam semper ostendet; planum enim ad Horizontem erectum, per Arcus verticem transiens, est in Meridiano. Si Oculi distantia ab Æquatore minor sit 52^r, Annuli Arcum concavum æquæ ac convexum cernet, instar fornacis, hinc inde ab Horizonte assurgentem; infra quem, nempe

inter

inter Arcum lucidum & Horizontem, Cœlum cernet Stellæque in regione ista. Si vero Oculus magis quam $52''$, minus vero quam $64''$, ab Æquatore distet; partem cavam minime cernet, sed lucidum corpus quasi è solo astringens, & Horizonti, instar auroræ, contiguum.

Per alteram Anni Saturnii semissem, cum nempe Sol ab Æquatore versus Polum inconspicuum declinat, hoc est, tempore hyemis, Oculus Annulum minime videbit, quippe non illustratum eâ facie quæ Oculo obvertitur; sed hic partem Cœli, syderaque hæc contenta, ab Oculo tegit, ut superius dictum, seque hoc modo sensibilem reddet. Annuli autem umbra magis magisque versus Polum proximum protenditur, adeo ut Oculo ubivis intra spatium prædictum posito Sol, cum certam declinationem attingit, tegi videatur & Eclipsin pati ipso meridie, iterumque statim regegi. Postero die simile rursus contingit, sed Eclipsis paulo citius incipit & serius definit; & Tenebræ hæ meridiane quotidie diuturniores fiunt, (vel forsitan integro die durant) ad usque mediam hyemem, unde rursus decrescere incipiunt donec tandem nullæ fiant, cum Sol eandem rursus declinationem à Tropico rediens attingit, quam, illis primo ingruentibus, habuit. Atque hoc obtinebit si Oculus sit in latitudine majore quam $25''$ vel $26''$: Si vero in minore latitudine collocatus fuerit Oculus spectator, cum Tenebræ meridiane sunt maxime diurnæ, subito sub ipsum meridiem Sol apparet rursusque statim absconditur, & postridie similis rursus Lux, sed paulo diuturnior, fiet; atque sic porro magis magisque diuturna erit Lux meridiana usque ad mediam hyemem: Et hinc rursus perpetuo brevior evadet donec penitus evanescat, Sole à Tropico hyemali reduce & declinationem attingente æqualem illi, quam habuerat cum primum Lux affulsit, quo tempore subito Tenebræ meridiane longissimæ rursus incipient, ut hætenus dictum minuendæ, Sole ad Æquatorem properante. Atque exhinc patet multo maximum esse Æstatis Hyemisque in Saturni globo discrimen, tum propter utriusque diurnitatem, magnamque Solis declinationem ab Æquatore, tum propter Tenebras meridianas hyemales ab Annulo Solem tegente profectas.

PROPOSITIO VII.

Phænomena Oculo in Cometa aliquo posito visa describere.

Cometas ad Planetas primarios referimus, quippe qui in Orbium excentricitate ab illis præcipue differunt. Oculus in Cometa collocatus atmosphærâ maximâ & densissimâ sese involutum sentit, quæ in descensu ab Aphelio, præcipue postquam in minorum Planetarum regionem immergitur, crescit. Atmosphæra hæc tam densa est & turbida, ut chaos versus sui imum referat fere. Incertum est an Cometa in seipsum revolvatur; verisimile tamen est illum, aliorum magnorum Mundi corporum ritu, omnes sui facies versus Solem convertere, ut vapor copiosior inde eleveetur. An vero

conversio hæc sit super datum axem, difficile esset determinare. Si Nucleus convertitur, omnis atmosphæra, præcipue pars illa, altior quæ in partes à Sole aversas protenditur, non una revolvitur ut in Telluris atmosphæra sit; Verum vapor iste, è Cometa exiens & caudam constituens, non tam Cometæ atmosphæra ipsi Cometæ conjuncta (ut Telluris atmosphæra crassior Telluri) ejusque partem constituens, censenda est, quam corpus separatum, cujus particulae singulae seorsim, in spatio libero, motus suos (ipsius Cometæ instar) exercent.

Cum cujusvis Cometæ iter circa Solem sit Ellipsis admodum excentrica, non est verisimile illorum similem esse in Universo usum atque ipsorum Planetarum, qui in Orbibus Soli proxime concentricis feruntur, quique rebus in eodem fere statu mansuris producendis & alendis destinati videntur; cui usui Cometæ nequam accommodati sunt, propter diversissimos caloris gradus, quos subeunt. Si igitur conjecturæ locus sit, arbitramur Cometas restaurando Solis & Planetarum fluido inservire: Cum enim Sol immensam fluidi massam sub lucis forma exeuntem continuo deperdat, & Planetarum fluidum, perpetuâ serie, in solidum (vix in fluidum denuo rediens) mutetur, ut in Tellure nostra quotannis fieri deprehendimus; patet, aut Solis vires paulatim deperditum iri, Planetarumque fluidum defecturum, quod minime est verisimile, aut hæc stasis vicibus esse reficienda. Nullum vero tam aptum modum comminisci est proclive, quam si Cometæ, ingentia spatia ætherea pervagantes, ponantur corpuscula lucem olim constituentia in ista spatia projecta, & quasi ibidem sparsa & deperdita, & vapores humidos pariter per attractionem (qualitatem corporibus omnibus ingentiam & connatam) ad se allicere, & quasi recolligere; ut hos in caudas sursum elevatos (quæ & *Hippocratis Chii* fuit opinio ab *Aristotele Lib. 1. Cap. 6. Meteor.* consignata) Planetarum atmosphæris immisceant, illa verò Soli, lucis fonti, restituant. Hinc primarii Planetæ augebuntur; unde Satellitis, si quis est, Orbita & Periodus contrahuntur (de quo phænomeno supra suo loco dictum) aliaque fiunt, quæ superius explicuimus cum Cometæ in præcedente Libro tractaremus.

Alius etiam erit quandoque Cometæ five effectus five usus. Si nempe Cometa prope Planetam transeat (ita ferentibus eorum Orbibus & motibus) hunc ita attrahet ut ejus Orbita immutetur, (mutatâ etiam, ex mutua actione, Cometæ Orbitâ); unde Planetæ Periodus etiam mutabitur. Sed & Satellitem ita per attractionem deturbare poterit Cometa, ut, relicto suo Primario, ipse evadat Primarius circa Solem deinceps rotatus. Præterea mutationes multo maximas in ipso Planetæ globo, producere poterit, non solum prolestando fluidum si quod sit, sed per alias etiam qualitates, si v. g. corpus tam vastum &, si ex Solis vicinâ prodeat, ignitum Tellurem nostram & propinquo prætervehatur. Verum de hisce satis, præsertim cum ad nostrum institutum directe non spectent.

Cometarum Anni diversi sunt, pro magnitudine Axium maiorum Orbitalium, quas circa Solem describunt; est nimirum (per Propp. XL & XLII. Lib. I.) cuiusvis Cometæ Annus ad Annum nostrum in sesquuplicata ratione Axis maioris Orbitæ Cometæ ad duplicem distantiam mediocrem Solis à Terra. Solis diameter apparent, ejus discus, simulque Calor & Lux, in Cometa immensè mutata deprehenduntur, ut & Planetarum magnitudo apparet. Ceterum Cometæ incola Planetarum motus diversissimos experietur, prout, in illorum regionem immersus, nunc omnes se superiores habet; nunc hos inferiores illos superiores; vel, extra hanc elatus, omnes inferiores cernit; quæ omnia in Cometa, ejus data est Orbita, ex præcedentibus definire licebit. Si *ex. gr.* Cometa in Aphelio ascendat ad distantiam à Sole sextuplo majorem quam est Saturni distantia, quod fiet si Cometæ Periodus sit circiter 150 nostrorum Annorum (posito illum in Perihelio ad Solem admodum appropinquare, ut in quibusdā sit,) Planetæ omnes propter Solis viciniam, Oculo in Cometa posito, tum fiunt inconspicui; ipse quippe Saturnus vix ultra 10^o à Sole digredietur, & Solis diameter semisem scrupuli primi adæquabit. Oculo autem in Cometa, ejus Periodus est longe major, Planetæ inconspicui fiunt dum in altiore Orbitæ suæ parte versatur, quod per magnam Anni sui partem durat; nam Cometæ velocitas versus Aphelium parva admodum est respectu illius, quæ fertur cum circa Perihelium versatur. Si Cometæ Periodus sit nimis magna, id est si Cometæ distantia à Sole in Aphelio distantiam Saturni sæpius contineat, forte Fixarum Ordo è Cometa spectatus notabiliter diversus erit, in diversis itineris sui punctis: Vix tamen crediderim diversitatem hanc esse valde sensibilem; sed potius Cometarum etiam extimorum Orbes, ad Fixarum à Sole distantiam comparatos, parvos fatis esse.

COROLLARIUM.

Hinc patet Systema Planetarum circumfolarium, è Fixa spectatum, visum prorsus fugere, & in idem punctum lucidum confundi cum Sole, ejus diameter insensibilis fiet, si distincte spectetur & orbatus capillitio, quali Fixæ Terricolis cinctæ videntur. Nam cum Planetæ omnes è Cometa in Aphelio posito propter Solis viciniam videri nequeant; quanto magis ex tam immensa distantia, qualis est ea Fixarum, invisibiles redderentur? Posito enim Parallaxin magni Orbis (sive è Fixa visam semidiametrum magni Orbis) æqualem esse Parallaxi Solis è Terra visi (neque ullæ sunt observationes quæ majorem esse evincant) Solis diameter angulum, ad Fixam, quinque scrup. tertiorum vix subtendit, & Saturnus à Sole per bina scrupula prima nunquam elongabitur. Præterea Planetarum mutuatitium lumen à radiorum Solarium reflectione oriundum visui, nostro simili, in tam immensa distantia, movendo prorsus erit impar; & licet sensum moveret, Solis species in semidiametrum huic æqualem videretur se extendere, sicut corporibus quibuscvis

quibufvis lucidis contingit & fpeciatim Fixis è Terra fpectatis; unde in idem lucidum corpus coalefcerent quali: Ideoque viciffim Planetæ circa Soles iftos rotati obfervationem noftram effugiunt penitus. Dubium non eft quin, Oculo in Fixa aliqua (aut Planeta circa illam revoluta) pofito, reliquarum circumcirca Fixarum Ordo & Conftellationum Figuræ diverfa fint prorfus ab illis, quæ nos fpectamus; quippe cui Sol nofter Stella Fixa videtur.

Immenfa autem ifta five Fixarum five Solium diftantia à fe mutuo impedit quo minus immania hæc corpora in fe invicem, Planetæque (fi cum illis conferantur parvos) circa hosce Soles rotatos, vires fuas attraçtrices notabiliter exerceant, eorunquæ motus perturbent. Horum Syftematum, nullo fpacio concluforum, numerus indefinitus in caufa eft cur non in unum coeant, fed à fe mutuo difcreta Dei Creatoris Omnipotentiam & Sapientiam Univerfo in perpetuum oftendant.

PROPOSITIO VIII.

Precipua Phenomena Fixarum, Solis, & Planetarum omnium, præter Terram, Oculo in Luna pofito vifa describere.

Cum Luna (ut Prop. LVI. Lib. IV. dictum eft) in fe ipfam volvatur, ab occafu in ortum, circa Axem plano Eclipticæ proxime normalem fibique perpetuo parallelum, æquabiliter parique tempore quo Luna circa Terram, Menfe *f. c.* periodico; patet, Oculo in ejus fuperficie pofito, Solem, Fixas, reliquaque omnia Lunæ haud conjuncta (hoc eft Planetas omnes præter Tellurem) ab ortu in occafum videri rotari fuper Polos Eclipticæ quamproxime. Suntque Poli ifti Fixis infignes; boreus quidem Stellâ quartæ magnitudinis poft Draconis flexuram tertiam, tribus circiter gradibus à Polo diftante; australis vero Stellis quatuor Xiphie pifcis, quarum una eft Polo vicinior quam noftra polaris arctica, fed adhuc infignior vicinâ Nubeculâ majore. Et quidem, ficut apud nos, motu hoc communi feruntur Stellæ omnes eodem tempore, nifi quatenus harum motus proprii, aut veri aut apparentes, illud paululum immutant. Et primo, Solis revolutio apparens, circa quiefcentem ad fenfum Lunam, longiore tempore peragitur, propter Lunam interim una cum Terra circa Solem in confequentia delatam; adeo ut Dies naturalis apud Lunam ejufdem fit durationis cum Menfe noftro fynodico, qui prius defcriptam ejufdem Meridiani Lunaræ revolutionem ad eandem Fixam diebus fere duobus è noftris excedit. Unde, apud Lunam in integro Anno Sol duodecies tantum oritur, Fixæ vero decies & ter; five accuratius, in novemdecim Annis Sol oritur ducenties tricies quinquies, Fixæ vero ducenties quinquagies & quater: & oriens Sol integro fere Signo promotior eft quam pridie.

Dies hic naturalis Lunicolarum, æqualiter in lucem & tenebras dividitur, quia Axis, circa quem Luna revolvitur, eft ad planum itineris Lunæ circa Solem normalis fere; & præterea nullum eft apud Lunam Crepufculum ante Solis ortum vel poft ejus occafum;

nempe quod fieri non potest (ut Prop. VIII. Lib. II. ostensum est) absque circumfusa Lunæ Atmosphæra, qualis nulla datur. Unde Sol Lunicolis per medium fere inter Polos motûs primi circulum perpetuo incidere videtur.

Quamvis Solis via, è Luna inter Fixas visa, sit eadem proxime cum ejusdem via è Tellure visa, & omnium Planetarum eadem proxime loca è Luna atque è Terra; è Luna tamen, extra Nodos posita, accuratori Observatori videbitur Sol ab Ecliptica ad latus oppositum deviare, & lumen suum ultra Polum subjectum Cœlesti illi, versus quem declinat, protendet, Polumque alterum in tenebris relinquet. Sed restituuntur hæc omnia intra Diei Lunaris semissim, cum Luna ad Nodum suum simulque Eclipticæ planum redit, postea ad alteras Eclipticæ partes excursura, similiaque Phænomena ad alterum Polum per reliquam Diei semissim habitura.

Præter inæqualitates omnes in Planetarum motibus è Terra visas, quas in Luna simul cum Tellure delata etiam obtinere necesse est, sunt & aliæ Lunæ peculiæ, quarum præcipuæ sunt hæc. Quando incolis in meditullio hemisphærii Lunæ à Terra averfi dies est, Sol tarde sub Fixis progredi videtur; tardissime vero ipso meridie: nocte vero celeriter sub Fixis progressum fuisse postero die deprehenditur. Et è contra, degenti in meditullio hemisphærii Lunaris Terræ subjacentis, Sol de die celeriter sub Fixis in ortum promoveri videbitur; celerrime ipso meridie: nocte vero Sol tarde progreditur sub Fixis; tardissime mediâ nocte. Eademque vera sunt de Venere & Mercurio, quippe prope Solem perpetuo hærentibus, & etiam de Marte Soli conjuncto, licet ob nimiam ejus tum temporis à Luna distantiam minus sint notabilia; insensibilia vero prorsus sunt in Jove & Saturno ad partes versus Solem positis. Quod si superiorum aliquis è Luna visus Soli opponatur, quo casu retrogradus est, degenti in meditullio hemisphærii à Terra averfi, solito magis retrogradus nocte videbitur, die solito minus; atque omnium minime vel maxime ipso meridie, mediâve nocte. Similiterque degenti in Lunæ regione, cui Tellus imminere cernitur, Planeta Soli oppositus omnium minime retrogradus videbitur nocte mediâ, omniumque maxime meridie. Atque hæc in Marte duplo sunt sensibilia quam in Sole: In Jove autem aut Saturno evanescent fere hæc differentię. Similiter Planeta aliquis, qui è Terra stationarius apparet, si è Luna Telluri sit oppositus, retrogradus videbitur; Telluri vero conjunctus è contra directus apparebit, quod in Venere maxime erit sensibile.

Astronomus in Luna constitutus, & motûs domicilii sui circa Terram, Terræque circa Solem ignarus, in cujusvis Planetæ Theoria condenda, Epicyclis omnibus ab Astronomo Terrestris exco-gitatis Epicyclum novum, vel Epicyclo-Epicyclum, superad-det, quo inæqualitates supra memoratas explicet. *Ex. gr.* Excentrico Solis circa Terram descripto à Terricola adhibito (eteniam Terricola, admissio circulo Excentrico, Epicyclo non indiget ad So-

lis

lis motum explicandum) superinducet Epicyclum, Solemque in hoc ponet diei suæ spatio circumrotari, dum interim Epicycli centrum in Excentrico motu annuo defertur: Sic enim fiet ut Solis inæqualitas diurna ab Astronomo Lunari observata explicetur, si dum incolæ Lunari qui Terræ directè subjicitur nox est, Solem in inferiori Epicycli parte, & dum eidem dies est, in superiori versari ponat. Sic Excentrico Martis circa Terram disposito ejusque Epicyclo à Terricola excogitatis, quibus Martis motus è quiescente Tellure apparens explicatur, superinducet Lunaris noster alterum Epicyclum in prioris Epicycli circumferentia delatum, spatio Nycthemeri à Marte percurrendum. Estque hic modus unicus, quo Astronomiam suam condere possit motûs suæ sedis ignarus & illius quietis vindex: nempe circulum à se suoque domicilio revera percursum in Cælum, inverso situ, transferendo, motumque in eo pari tempore factum supponendo; & quidem verò ejus magnitudine retentâ, si distantia vera innotescat; si autem hæc lateat (& nulla supersunt media, quibus in hac quiescentis Lunæ hypothefi dignosci possint) tantæ saltem magnitudinis ponitur Epicyclus, ut ex Observatoris loco æqualis magnitudinis videatur, ac ex eadem distantia videretur ejusdem loci vera Orbita. Sin Incola hemisphærii Lunæ, cui Terra imminet, motûs sui domicilii circa Terram Terræque circa Solem gnarus ponatur, & observationes instituire possit æque accuratas ac quæ à Terricolis fiunt; poterit hic Solis, Planetarumque Systematis Solaris, Magnitudines & Distantias mutuas cum suarum rerum magnitudinibus & distantiiis exactè fatis comparare. Nam suæ sedis Diametrum metiri poterit, similiter atque nos Telluris nostræ. Porro, Telluris Distantiam facile cum Lunæ Diametro comparabit; nam Lunæ Diameter subtendit angulum fatis sensibilem ad Tellurem, nempe gradûs semisse expressum: Atque Diametrum Orbis sui circa Terram tanquam scalam adhibebit, quâ reliquorum corporum mundanorum Distantias exquirat. Hæc enim subtendit angulum ad Solem gradûs triente expressum, positâ parallaxi Solis à Terra visi 10" tantum; qui vero ad Martem Soli oppositum ad gradûs fere bessiem ascendit, & ad Venerem Soli conjunctam & retrogradam sesquiquintum gradum excedit. Porro, Lunicola iisdem modis exquiret rationes inter Planetarum primariorum Distantias à Sole, quibus Terricola; notis vero Distantiis, ex Planetarum Diametris apparentibus illorum Magnitudines eruet.

PROPOSITIO IX.

P Ræcipua Telluris Phænomena Oculo in Luna collocato visa describere.

In Luna duo sunt Hemisphæria omnino diversa, immo contraria, respectu Phænomenon, de quibus Propositione hac agitur. In altero enim Lunæ Hemisphærio Terram perpetuo vident, in altero nunquam; nisi quod prope horum limites tractus sit, cujus incolis

Terra nunc paululum supra Horizontem affurgat, nunc, retrogressa quasi, sub eundem rursus subfidat. In Hemisphærio unde Tellus videtur, hæc in eodem Cœli puncto quasi clavo affixa cernitur, (præterquam quod inde paululum in hanc vel illam partem moveri, & ad locum priorem motu libratorio redire cernatur,) dum interim spatio Nychthemeri Sol & reliqua Sydera ad illam ab oriente appellant, inde postea ad occidentem transferenda. Et appellens Sydus prope Telluris in æthere pendens marginem non extinguitur subito, sed paulatim caligine quasi offuscatur, & tandem post Terram se recipiens Lunicolæ videri desinit; quod ab Atmosphæra Terræ circumfusa procedit, per quam sc. Syderis radii ad Oculum propagati suffocantur fere. Porro, dicti Hemisphærii Lunaris incolarum quibusdam Terra perpetuo supra caput defixa videbitur; atque hi sunt qui dicti Hemisphærii meditullium occupant: quibusdam vero ad septentrionem, aliis ad austrum, quibusdam ad orientem, aliis ad occidentem videbitur declinare, minus aut magis prout habitatio à meditullio in hanc vel illam plagam minus aut magis distat; donec tandem limitis prædicti, bina Lunæ Hemisphæria dirimentis, incolis Tellus in Horizonte appareat, altera ejus medietate montis igniti instar exstante: Qui vero in Lunæ circulo habitant, qui per Polos dictique Hemisphærii meditullium transit, Tellurem in Meridiano semper habent.

Cernunt & Geoscopi hi Tellurem quindecuplo majore Orbe quam nos Lunam, in loco suo quiescentem, sed circa Axem suum interea rotatam, & maculas (quas ruditer in quasdam figuras distribuunt, ut vulgus faciem hominis in Orbe Lunæ imaginatur) ab ortu in occasum ferri videbunt, inque situm redire priorem, parte circiter vigesima nona Nychthemeri. *Keplerus* ex ista revolutione *Volvæ* nomen Telluri ab illis inditum fingit in *Astronomia Lunari*; cum illi proculdubio sedem suam *Vestam* habeant loco non movendam, & globum nostrum in æthere pendulum inter Astra numerent, quem proinde alio nomine quam Telluris insigniunt: istius igitur Hemisphærii, *Volvæ* subjecti, incolas appellat *Subvolvæ* & *Subvolvænos*, alterius vero, qui ejus spectaculo privantur, *Privolvæ*; quæ nomina & nos etiam in posterum usurpabimus. Præter prædictam *Volvæ* revolutionem, est & altera quasi ejusdem nutatio, quâ nunc sui Polum borealem Lunicolis ostendit, nunc australem, idque unius Diei spatio. Nam cum arcus Sagittarii ad *Volvam* per motum primum appellit, videbunt Lunicolæ (ii præsertim qui ad boream sunt) *Volvæ* Polum septentrionalem, & maculas partesque lucidiores circa hanc positas, quæ per aliquot *Volvæ* revolutiones post *Volvam* se non recipient, dum interim quæ ad ejus Polum australem positæ sunt notæ in conspectum non veniunt: Post elapsam Nychthemeri semissem, Castore ad *Volvam* revoluto, latebunt septentrionales *Volvæ* notæ & australes in conspectum prodibunt.

Volva hæc Lunicolis similiter crescit decrefcitque, fimilibusque Phafibus, & propter eandem rationes, atque nobis Luna; fed & eadem Phafium periodus, quam nos Menfem, illi Diem naturalem appellant. Illis quibus Volva in Meridiano videtur Novivolviuum eft ipfo Meridie, prima Quadra vefpere, Plenivolviuum mediâ Nocte, & ultima Quadra mane. Qui fub altero quovis Meridiano degunt à Meridiano prædicto (qui præcipuus eft, & propter fimum *Circulus Medivolvanus* Lunicolis poft *Keplerum* nominandus) in ortum vel occafum diftante, idem habent cujufque Phafeos momentum diverfo Horarum numero infignitum, fecundum Meridiani fui diftantiam à Medivolvano circulo, & Horarum numerum in quas Diem difpescunt; ideoque Phafes Volvæ Horas notant, cui propofito diftantia Solis à Volvæ, de Die obfervata, etiam infervit. Unde Volva hæc Horologii omnibus Subvolvanis expofiti vices gerit: Etenim ex Phafium fuarum diverfitate, ex Solis Fixarumque ad illam apulfu, ex Poli quem offendit nomine, ex Macularum denique fuarum celeri motu; (nam Volvæ partes notabiles, Montes noftri, Lacus, Infulæ, Maria &c. etiam citra illuftrationem immediatam à Sole, in confpectum veniunt, præfertim paulo ante vel poft Novivolviuum, ficut nobis Lunæ partes ante & poft Novilunium, licet cæteris paribus non tam clare, propter minorem illuftrationem per reflectionem à minore Luna factam, quam à majore Terra;) Diem Noctemque (longiffimas quidem eas) in partes fati multas commode dividit. Sed & hæc eadem Volva Anni partes offendit fati luculenter modo fequenti: Cum tempore Æftatis Europæ incolis, Polus Telluris arcticus annuat ad Solem, & integra Zóna frigida arctica à Sole per plures dies illuftrata maneat, fitque Tellus noftra Lunicolarum Volva cujus Polus ifte, magnaue circumcirca regio, aliquâ cujufvis Nychthemeri parte videtur; patet, cum maxima regio Volvæ circa ejus Polum arcticum jacens illuftrata Lunicolæ videtur, tunc Solem à Luna vifum iri ad confellationem Geminorum, camque effe Anni tempeftatem quam borealis hemifphærii Terræ incolæ Æftatem dicunt, & in hoc cafu Lunicolæ noftræ Telluris aridam, & circumfluum mare, circum Polum boreum jacentia clare videbunt, quæ nos adhuc ignoramus. Poft Anni quadrantem Solis illuftrationem ad utrumque Volvæ Polum terminatam cernet; claflo alio Anni quadrante, regiones Volvæ antarctico Polo fubjectas, nobis penitus ignotas, à Sole illuftratas videbit; & poft alterum quadrantem, illuftratio ad utrumque polum iterum pertinet. Anni tempeftates etiam diftinguet pro diverfa claritate qua *Scania* & *Sythia*, e.g. apparent; quippe quæ proculdubio, cæteris paribus, major erit hyeme, cum nive obducitur, quam æftate: Atque hæc claritatis differentia magis erit confpicua in mari, quod Volvæ Polo vicinum eft; quippe quod æftate noftrâ maculam refert, hyeme partes lucidiffimas claritate adæquat.

Lunicolis contingunt Solis & Volvæ Eclipses, sicut Terricolis Solis & Lunæ, & iisdem temporibus, non sine aliquo tamen discrimine.

mine. Nam sicut nobis Lunæ Eclipsis contingit tempore Plenilunii, ita illis Volvæ Eclipsis tempore Plenivolvi; & sicut nobis Sol videtur deficere tempore Novilunii, ita illis tempore Novivolvi: Sed licet Terricolis Luna tota deficere videatur, Lunicolis Volva Defectum totalem nunquam patitur; transit etenim, ipsis spectantibus, per Volvæ discum ab ortu ad occasum macula quædam parva & rubicunda ipsas Volvæ nativas maculas, velocitate præveniens; quandoque per disci centrum, quando quatuor ex horis nostris in transitu insumit; sæpius præter illud, quando spectaculum minus est diuturnum.

Solaris Deliquii causa est ipsa Volva, plane ut nobis nostra Luna; & quando nobis deficit Luna, Lunicolis partis deficientis incolis deficit totus Sol: sæpius vero fit ut Lunicola (præsertim prope limites Subvolvarum & Privolvarum degens) partialem Solis Defectum videat, cum nobis Luna pleno orbe apparet, Telluris penumbrâ Lunæ lumen sensibilibiter non extinguente. Similiterque fit ut cuidam Terræ tractui Sol ex parte deficere videatur, cum interim Lunicola Volvam nihil pati cernat: Quando vero nobis est Lunæ Defectus totalis, Sol omnibus Lunicolis plane deficit. Cum Volvæ diameter quadruplo major sit Solis diametro, Sol plene à Volva tegetur & diu, quod nobis per Lunam fieri nequit; immo totalis erit & etiam diuturnus Solis Defectus, quando non est centralis. Incolæ hemisphærii Lunæ, cui Volva imminet, crebriores Luminarium Eclipses vident quam incolæ dati hemisphærii Telluris nostræ; Subvolvani enim soli omnes Eclipses vident, Privolvæ nullas, cum magna pars Eclipsium Terricolis visarum ad oppositum hemisphærium transeat. Eclipses Solis totalis prius descripta Lunicolis licet frequens, non potest non esse admodum notabilis; hoc namque solo tempore lumine penitus destituuntur Subvolvani: Superius enim ostensum est Medivolvanis primam esse quadram ad Solis occasum, ultimamque ad Solis ortum; unde totâ nocte fulgens Volva, quindecies illis major quam nobis nostra Luna, tenebras potenter discutit. In Solis autem Defectu totali Sol simul & Volva extinguuntur, & meræ sunt tenebræ. At huic incommodo sua sunt remedia; nam Solis radii, in circumfusa Volvæ atmosphæra refracti, efficiunt ut ipsum corpus Solis ampliatur, & quasi majore diametro, colore tamen ad oras (quæ solæ videntur) ferrugineo, cernatur à Lunicolis radios hosce refractos excipientibus; unde tenebræ totales vix ingruunt, nisi cum Solis Eclipsis proxime centralis contingit, idque non nisi parvo tempore circa Eclipses medium. Si vero contingat montem altissimum, extra Volvæ atmosphæram fere exstantem, in margine Volvæ reperiri; ille, in quem montis istius umbra incidit, Solis lumen penitus amittet, nec refractionis radiorum Solarium, ad Volvæ atmosphæram factæ, beneficio fruitur: quique eminus Volvæ umbram in Lunæ discum exceptam cernit, maculam nigerrimam isto in loco videbit. Ex altera parte, nulla est hic tenebrarum in So-

lis Eclipsi imminutio propter illustratam Spectatoris atmosphæram, quippe nullam.

Porro, tempore Defectûs Solis, Lumen utrinque acuminatum ab utroque Solis latere secundum Eclipticam protensum (de quo Schol. Prop. VIII. Lib. II. dictum est) clare à Lunicola videbitur, si corpusculorum congeries lentiformis illud producens tum existat; immo Lumen hocce etiam extra Eclipsin cernetur, si Sol ab Oculo arceatur per interpositum aliquod corpus opacum; Oculus namque in Luna positus non afficitur radiis ab ambiente illustrata atmosphæra reflexis, cum nulla Lunam ambiat, quod exinde verisimile est, quod illa tam præcise circumscripta videatur, nec ad extremas oras evanida ac velut lanugine finita; quodque Stellæ margini ejus propinquæ minime sint offuscatae, sed, donec penitus tegantur, vividae & fulgentes. Propter ipsam hanc atmosphærae absentiâ, nullum erit Lunicolis Crepusculum, ante Solis (saltem splendentis atmosphærae Solaris) ortum, aut post ejus occasum; cessante nimirum causâ, quæ illud apud Terram producit: porro nulla Syderibus Refractio continget, neque hinc orta locorum mutatio.

Hactenus supposuimus Volvam Lunicolis immotam in Cælo stare, quia revera fere sic fit: At motum quendam habet libratorium, quo cuilibet Lunicolæ nunc nonnihil in hanc partem, nunc, in locum priorem reversa, in oppositam postea moveri videtur. Motus autem hic Volvæ libratorius in duos commode dividitur: Vel enim Volva in austrum & boream super eodem latitudinis circulo librari videtur; vel in ortum & occasum super Eclipticam. Supponamus Solem & Volvam Lunicolis centraliter conjungi cum Sol in ipsa Ecliptica videtur, sive rectam, Solis & Volvæ centra jungentem, productam per Lunæ centrum transire, hoc est, Terricolis Lunam Soli opponi cum in Nodorum altero, puta descendente, versatur; in quo casu Sol centraliter deficit Lunicolis, ut superius explicatum. Post Defectum, Sol motu communi in occasum fertur, dum interim Volva in boream declinare videbitur, & Declinatio hæc erit maxima elapso nychthemeri Lunaribus fere quadrante, sc. 5^æ circiter, quando regio polaris Privolvarum 5^æ ultra Polum boreum in Volvæ conspectum veniet, & æqualis regio Subvolvarum ad Polum australem in Privolvarum statum reducetur, ex quo tempore Volva in suos passus regressa ad Eclipticam revertetur, temporis spatio aliquantum minore quam est nychthemeri Lunaribus semissis. Postea versus austrum tantundem excurrat, & australis Poli incolas ex Privolvæ Subvolvanos efficiet, & è contra ad boream; & ante nychthemeron absolutum ad Eclipticam secundo revertetur. Integra hæc Volvæ Libratio in boream & austrum perficitur spatio temporis, non tantum nychthemero minore, sed etiam minore illo, quo Fixæ à Meridiano aliquo Lunari digressæ ad eundem, per motum primum, revolvuntur; atque Volva, ad Eclipticam secundo regressa, conjuncta deprehendetur cum Fixis magis oc-

cidentalibus quam sunt illæ cum quibus conjungebatur tempore Defectû Solaris, à quo computationem inchoavimus. Post aliam integram hujusmodi Librationem perfectam, cum Fixis adhuc occidentalioribus conjungetur, atque sic porro, ita ut, non nisi post novemdecim fere annos, Volva in Ecliptica & ad boream librando declinata cum iisdem rursus Fixis deprehendatur. Ex diversa magnitudine periodi Librationis Volvæ in latitudinem & nychthemeri sit, quod elapso nychthemeri semisse post Eclipsin Solis centalem, nulla Lunicolis eveniat Volvæ Eclipsis. Nam promoti Sole ad oppositionem cum Volva (hoc est, in Plenivolvio, in quo solo dicta Eclipsis contingere potest) Volva modo Eclipticam transgressa (nam aliquanto prius illam attigerat quam Sol Volvæ opponeretur) in austrum consue librando processit, ut Lunæ umbram effugiat. Volvæ quidem incola Solis Eclipsium tum videbit, si versus Polum ejus boreum degat; at non totalem, in quo solo casu Volva Lunicolæ apparet deficere. Similiter in Novivolvio insequente Plenivolvium centraliter Eclipticum, Luna Volvæ umbram effugiet.

Volva, Lunicolis minutionâ observantibus, nunc major videtur nunc minor, atque tota hæc varietas spatio fere nychthemeri Lunaribus absolvitur; accuratius vero spatio quo Fixæ ad eundem Meridianum revertuntur. Ponamus Lunicolæ Volvam diametro minimâ apparere quando in prædicto latitudinis circulo, supra quem in boream & austrum libratur, apparet. Auctâ paulatim Volvæ diametro, ipsa Volva ad occasum à prædicto circulo deviat per nychthemeri quadrantem fere, per sequentem quadrantem ad eundem reversura, ubi Volvæ diameter videbitur maxima; unde rursus in ortum deviat, ejusque diameter apprensus minuetur, integramque Librationem revertendo ad Eclipticam (quando rursus minima videbitur) perficiet in una Fixarum revolutione. Deviatio hæc, cum maxima, erit circiter 5°; tantundemque circulus limitum, dividens Subvolvanos à Privolvos, nunc in occidentem promovebitur relicto oriente, nunc in orientem relicto occidente, sicut per priorem in boream & austrum. Atque Volva, post perfectam integram Librationem hanc in longitudinem, ad primum istum suum latitudinis circulum, medium nempe inter extremos quos librando attingit, reversa (quo temporis spatium ex minima fit maxima, & rursus ad priorem speciem minimam redit) conjuncta videbitur cum Fixis magis orientalibus, quam sunt illæ quibuscum jungi videbatur cum prius in eodem appareret: atque rursus post sequentem ad orientiores; & ita porro, donec post novem fere annos Volva & minima & iisdem Fixis conjuncta videatur, & in proprio circulo latitudinis, inde ad occasum mox librando digressura. Verum neutra harum Librationum sibi ipsi perpetuo æqualis deprehenditur, sed Libratio in latitudinem maxima est diebus, qui alterutris Luminaris Eclipsin proxime circumstant; minima in diebus, qui ab Eclipsibus remotissimi sunt:

sunt: & Libratio in longitudinem maxima est, cum Volva in syzygia Solis maxima apparet vel minima; minima vero, cum Volva maxima vel minima est in Solis quadrato.

PROPOSITIO X.

Phænomena præcipua Oculo in Jovis aut Saturni Satellitibus aliquo posito visa describere.

Phænomena Solis aliorumque Planetarum primariorum, præter suum, ex Jovis aut Saturni Satellite aliquo visa, similia erunt eorundem phænomenis ex Luna nostra visis, si Satellites isti, hujus instar, rotantur circa proprios Axes; nimirum quisque super Axem ad planum Orbis Primarii circa Solem proxime perpendicularem, & periodo æquali periodo dicti Satellitis circa suum Primarium, ut verisimile est. Advertendum interim, quod licet ex Jove nullus cernatur primarius Planeta præter Saturnum, & ex Saturno nullus præter Jovem, tamen ex Jovis Saturnive Satellitum aliquo omnes conspici poterunt. Ideo namque Martem, Marteque inferiores è Jove conspici posse negavimus, quod Jovi circumfusam supponamus atmosphæram nostræ atmosphære similem; ex cujus illustratione per Solem fiat, quod Planete Soli propiores quam 20^æ visum non afficiant. At si istorum Primariorum Satellites Telluris Satelliti similes ponamus, carebunt & illi atmosphæra; quæ nostram Lunam desitui diximus: igitur & Soli satis propinquos Planetas cernet Oculus in eorum aliquo positus, nisi impediatur Solis atmosphæra splendens; ipse vero Mercurius è Saturno visus ad distantiam 3^æ à Sole elongatus quandoque videbitur. Cumque Solis semidiameter apparens è Saturno sit circiter 90^æ, patet Mercurium extra atmosphære istius limites à Sole evagari; & proinde tum videri posse Oculo, cui non obstat atmosphæra sibi circumfusum, hoc est, ab Oculo in Satellite Saturni posito, cui Mercurius magis adhuc (licet admodum parum) à Sole elongatus videbitur quam ipsi Saturno. Phænomena porro Jovis ex Jovis Satellite, Saturnive ex ejus Comite, visa similia erunt nostræ Terræ phænomenis è Luna visis, nec nisi in Digressionum & Librationum mensuris differunt: ex. gr. Subvolvans cujusvis è Jovis Satellitibus Volva non videtur librare in austrum vel boream ab Ecliptica per 3^æ; cum tamen Libratio Volve in latitudinem è Saturni Satellite visa, ad plusquam 30^æ extendatur. Sed tam in hisce quam in illis, Libratio in longitudinem aut nulla est aut insensibilis, si quidem Orbitæ Satellitum Jovis & Saturni sint proxime circulares.

Quæ incolæ alicujus è dictis Satellitibus apparent phænomena, à phænomenis in nostra Luna apparentibus maxime diversa, ea sunt quæ reliqui sui Primarii Comites ostendunt. Nam si quis sit Comes Volve propior quam est is in quo Oculus collocatur, hic nunquam Volve oppositus cernetur; sed prope illam perpetuo hærens, Penduli instar libratus, nunc in occidentem, nunc in orientem digreditur à Volva, describens maximi circuli arcum, quem Volva bisecat;

cat; & si plures tales fuerint, hic in minorem arcum hinc inde excurrit, ille in maiorem, atque hi mediis Subvolvans nunquam occidunt, mediis Privolvans nunquam oriuntur. Quibus vero Volvæ est paulo infra Horizontem ortivum aut occiduum, isti in ortu vel occasu astringentes versus Meridianum rursus in suos passus regressi in eodem loco occidunt. Si quis sit Volvæ Comes, ab ipsa remotior eo in quo ponitur Oculi, hic Privolvans semel in nycthemero videtur, mediis Privolvans & Subvolvans oritur occiditque instantissime, & ad Meridianum perveniens, his celerius in occasum vergere videtur, illis tardius; unde iudicium fiet de incolis interjectis. Interim horum Volvæ Comitum quivis Solem deficere facit; & ipse vicissim deficit, vel dum in Volvæ umbram incurrit, vel dum in Satellitis Oculi sedis umbram, vel dum in alterius à Comitibus umbram incidit: Verum Defectuum istorum variorum symptomata & tempora, aliaque quam plurima quæ huc congeri poterunt, cuius proclive erit invenire.

COROLLARIUM.

Ex præcedentibus decem Propositionibus sequitur Astronomiam esse omnium simplicissimam Oculo in Sole constituto. Si enim in centro locatur, Systema verum ab apparente non differt; si in superficiem eleveatur, etiam Planetarum sex primariorum Distantias à suo domicilio cum mensuris comparare valebit, & inde eorum pariter ac Comitum Magnitudines definire. Falso quidem omnia ab ortu in occasum ferri censebit; at si domicilium suum, circa eundem axem, in plagam oppositam rotatum supponat, eum unicus hic & simplex motus ab apparente ad verum Systema reducet.

Oculo in aliquo sex Primariorum constituto Astronomia magis est composita difficiliusque condenda; duplex quippe motus domicilio suo (refragantibus sensibus) est tribuendus, ut verum Systema eruatur, utque proportio Orbium Planetariorum inter se innotescat. Ad hoc omnium ineptissimus est Mercurius, cum nullum Comitum habeat unde cuiusvis Cœlestis corporis opacitatem certo concludat; nullum se inferiorem Primarium, quo alicujus saltem revolutionem circa Solem ex ejus Phasibus percipiat. Mars & Venus comitibus carent, inferiores obtinent; & ideo minus inepti quam Mercurius; minus etiam apti quam Tellus, quæ utroque commodo gaudet. Jupiter Comitibus licet abundet, inferiorem non cernit, nisi viciniorem Soli distinguere valeat quam Terricola: Saturnus è contra nullum superiorem, unicum inferiorem agnoscit. Ideoque nullus è Planetis primariis tot, à varietate casuum, subsidia habet ad genuinum Systema Solare detegendum, indeque proportionem Orbium Planetariorum inveniendam, atque Tellus.

At detecto Systemate, Planetarum Magnitudines Distantiæque ægre admodum parumque accurate cum mensuris sibi notis à cuiusvis Primarii incolis comparabuntur. Ad hoc opus omnium aptissimus videtur Jupiter, tum Venus, Saturnus, Mercurius, & omnium ineptissi-

ineptissimus Mars: Quis locus autem in hoc negotio Telluri sit tribuendus incertum est, cum angulus ad Solem, quem Telluris diameter subtendit, hætenus ex analogia potius quam ex observatione æstimatus sit. Magnitudo Systematis Solaris olim forsan ex Cometarum observationibus primo patebit: Si enim, per aliquam ex methodis Lib. II vel III. traditis, innotescat distantia Cometæ prope Terram trajicientis, cujus Orbita positione & magnitudine ex Lib. V. datur, invenietur magnitudo Orbitæ cujusvis Planetæ aut Cometæ, cujus nota est Periodus.

Oculo in secundariorum Planetarum aliquo collocato Astronomia intricatior est & difficilior. Ad hanc enim secundum apparentias condendam opus erit primo Mobili Cœlestia omnia spatio nychthemeri ab ortu in occasum rapiente: Sed nec hoc satis erit; nam Volva isti primo Mobili non obtemperat, Cœlestis licet sit; & in Jovis vel Saturni Satellite, Cœlestium (Volvæ inferiorum) aliqua per primum Mobile circumaguntur, aliqua non item. Porro, ad secundos motus demonstrandos adhibere oportet Deferentes, Epicyclos & Epicyclo-Epicyclos, & hos omnes mutare sæpius necesse habebit Astronomus; unde illi Systema maxime compositum erit, & calculus intricatissimus. At Geographiam & Navigationem feliciter excercebit: præterquam enim quod omnia ex Geometria petita subsidia adhibere, quodque Latitudinem loci cujusvis similiter exquirere possit atque nos nostrorum, Longitudinem à Meridiano immotæ Volvæ subiecto computabit, & Distantiam Meridiani cujusvis loci, in Subvolvarum hemisphærio, à primo Meridiano immediate observabit; quod in Planeta primario æque bene non procedit, nempe cui nihil immotum in Cœlis est præter Polos primi motûs. Hæc omnium accuratissime in Jovis Satellitum aliquo fiunt, cui sc. Volva fere immota manet; minime accurate in Luna nostra, cui Volva non tantum in latitudinem libratur (ut incolis Lunarum Saturniarum contingit) sed etiam in longitudinem; adeo ut ad Longitudinem loci Lunaris ex Volvæ observatione deducendam opus sit theoriâ Librationis Volvæ. Porro, per observationes in diversis domicilii sui locis eodem momento factas, Volvæ aliorumque Volvæ Comitum Distantiæ elicientur, quæ ægre aliter (nisi forte ex valde diversâ Magnitudine apparente horum Comitum) constarent, unde Comitum motus circa Volvam elucescet; eritque hic primus gradus ad veri Systematis cognitionem. Nam Phasium varietas, quæ hujusmodi motum Veneris & Mercurii circa Solem Terriculis detexit, locum hic non habet.

Si tandem Satellitis alicujus incola domicilii sui circa Volvam, & Volvæ circa Solem motum agnoscat, sedem obtinet Astronomiæ colendæ accommodatissimam: Nam, præter Geographiam accuratissimam Astronomiæ admodum necessariam, propter atmosphæræ absentiam nubes aut nebulae observationes nunquam impediunt, Sydera interdum æque ac noctu, Planetasque omnes etiam Soli propinquos observare poterit; ideoque, si qui sint, Mercurio inferiores

nobis invisos videbit, & Astronomiam in tantum augebit: Præterea Sydera absque Refractione (quippe facta in atmosphæra Observatori circumdata) observabit; hæc vero solum Terricolarum observationes adeo turbat, ut de minutioribus angulis capiendis pene desperatum sit. Porro, Volva in loco suo rotata Horologii omnibus Subvolvans spectandi vices gerit, & hujus ope observationum momenta commode notantur. Omnium Satellitum maxime commoda in hunc usum videtur Luna Telluris comes: Nam ejus Astronomia apparens (qualem esse nascentem omnem Astronomiam necesse est, nisi verum Systema divinitus innotuerit) minime composita aut perturbata erit, quia alius nullus Comes Tellurem ambit; unde facilius ad verum Systema perveniet. Et licet diameter Orbitæ extimi Satellitis Jovis aut Saturni subtendat angulum ad Solem fere æqualem illi, quem subtendit diameter Orbitæ Lunaræ, adeoque Distantia Solis à Jove aut Saturno, per observationes in horum Satellitibus extimis institutas, fere tam exacte definiri queat, atque ejus Distantia à Tellure per observationes in Luna factas; tamen cum Solis Distantia innotescat ex nota cujusvis Planetæ primarii Distantia, Satellitis Jovis incola sibi proximum Primarium; nempe Martem Soli junctum & retrogradum, ad distantiam inquisitionem eliget; sicut nos Venerem similiter positam: Angulus autem, quem diameter Orbitæ Lunaræ subtendit ad Venerem Telluri proximam, fere triplo major est angulo, quem diameter Orbitæ extimi Satellitum Jovis subtendit ad Martem Jovi proximum.

FINIS

Index Sectionum.

LIBER PRIMUS.

De Mundi Systemate.

Sec. 1	<i>De Ordine, Distantiis, & Periodis Planetarum primariorum circa Solem agantium, & Phenomenis insignioribus inde ortis.</i>	1
2	<i>De Directione Vitræ, quibus Planete primariæ in Orbibus suis retinentur.</i>	12
3	<i>De Ordine, Distantiis & Periodis Planetarum secundariorum circa Primarios revolvendum, & horum Phenomenis; deque Directione Vitræ, quibus in Orbibus suis retinentur.</i>	15
4	<i>De Periodis Planetarum primariorum circa Solem, ut & Secundariorum circa suos Primarios respectum, inter se collatis, & eorundem Distantiis etiam inter se collatis; harumque mutua habitudine, ejusque ratione & causis.</i>	26
5	<i>De Planetarum primariorum Motu circa proprias Axes, & Phenomenis hinc ortis.</i>	35
6	<i>De Planetarum & Cometarum Orbibus, harumque Figura, deque Vitræ Lege requisita, ut illi in ejusmodi Orbibus moveantur.</i>	41
7	<i>Planete & Comete in Orbibus suis retinentur per Gravitationem, eadem lege per universum Systema Solare propagatam.</i>	57
8	<i>De Mutu Corporum se mutuo attrahentium, hujusque symptomatibus; quæ omnia ad Systema Solis & Planetarum primariorum applicantur.</i>	62
9	<i>De Mutu Systematis corporum circa aliud corpus revolventis; quæ omnia ad Systema Solis, & Planetarum primariorum & secundariorum applicantur.</i>	69
10	<i>De Causis & Ratione motus Planetarum à Philosophis adductis.</i>	79
11	<i>De aliis Mundi Systematibus, & Vitræ ad illa conferenda necessitas.</i>	104

LIBER SECUNDUS

De Primo Motu.

1	<i>De Genesi circularum Sphæræ, & Facibus in Astronomia agnatis inde pendensibus.</i>	114
2	<i>De Temporis Divisione, aliisque hinc pendensibus.</i>	118
3	<i>De Sphæricis aliisque Mechanis ad Motum primum adhibendum exactitatis & eorum usu.</i>	141
4	<i>De determinando, per observationes, situ & respectu, quem circuli Sphæræ ad se mutuo obtinent.</i>	151
5	<i>De Stellis Fixis, earumque Locis per observationem definiendis, aliisque hinc attinentibus.</i>	159
6	<i>De Primi Motus Problematis insignioribus per calculum resolvendis.</i>	184
7	<i>De Parallaxi Syderum.</i>	184
8	<i>De Refractione Syderum.</i>	190
9	<i>De Tabulis Primi Motus & Fixarum Libro Secundo mixtis.</i>	202

LIBER TERTIUS

De Theoria Planetarum Primariorum.

1	<i>Generalis ad Planetarum omnium Theoriam spectantis.</i>	207
2	<i>De Telluris Orbita determinanda, & Theoria Telluris à Sole visæ, sive Solis à Tellure.</i>	219
3	<i>De reliquorum Planetarum primariorum Orbibus determinandis, & horum cum à Sole, tum à Tellure spectatorum Theoria condenda.</i>	231
4	<i>De Planetarum Elongatione maxima à Sole, Directione, Statione & Retrogradatione.</i>	245
5	<i>De Planetarum primariorum Tabulis, & eorum Usu.</i>	253
6	<i>De Orbium planetariorum Magnitudine.</i>	259
7	<i>De Magnitudine & Densitate Solis & Planetarum primariorum.</i>	263
8	<i>De Figura Solis & Planetarum.</i>	268
9	<i>De Distantiis Fixarum.</i>	273

LIBER QUARTUS.

De Theoria Planetarum Secundariorum.

1	<i>De Erroribus quos Sol producit in motu Satellitis, cum ejus Orbita Primario sua est concentrica.</i>	282
2	<i>De Erroribus quos Sol producit in motu Satellitis, cum ejus Orbita excentrica est à suo Primario.</i>	285
3	<i>De Erroribus quos Sol producit in motu Satellitis, cum Planum Orbis ab illo circa Primarium descripti inclinatum est ad Planum Orbis à Primario circa Solem descripti.</i>	305
		426

4	De Eritibus quos Sol producit in motu Satellitis, cum Primarius movetur in Orbe excentrico circa Solem.	311
5	De Motu Lunae & Terra spectante.	316
6	De Tabulis Lunaribus & earum Uti.	322
7	De Eclipsi Lunae.	328
8	De Eclipsi Solis.	331
9	De Motibus Satellitum circa alios Primarios praeter Terram revolvendum.	370
10	De Motu Satellitum circa propria centra respicientes.	375
11	De Magnitudine & Densitate Satellitum.	378
12	De Figura Satellitum & Primariorum ex maxima Gravitate oriunda.	381
13	De Saturni Annulis, ejusque Phasibus.	389

LIBER QUINTUS.

De Cometis.

1	Generalia de Cometis.	397
2	De determinanda Cometae Via & Loco appareat prope veris.	412
3	De vera Cometae Trajectoria determinanda.	421
4	De Cometae Loco tam Heliocentrico quam Geocentrico in Trajectoria prius determinata ut Tempus datum inveniretur, deque Tabulis ad Cometarum Motus expedite definitis necessariis.	422

LIBER SEXTUS.

De Astronomia Comparativa.

In quo inferiora Mundi Phænomena, Oculo in Sole, Planeta quovis, ejusque Satellite, aut in Cometa constituto conspicua exponuntur: ubi, occasione data, variorum Mundi Systematum & Theorum à Philosophis excogitatorum Ratio explicatur & Natura retrahitur.

460

Errata sic emendanda.

PAG. 3. lin. 37. legi per M. p. 17. lin. 29. & 99. p. 18. l. 4. in S. p. 34. l. 23. XXVII. p. 36. l. 2. 83½. p. 44/36. XXXIV. p. 51. l. 6. focum S. ß. l. 9. $\frac{20}{28}$ p. 52. l. 4. Culi fuerint aequales. ß. l. 5. Quodam p. 57. l. 24. 39345. ß. l. 19. Semidiameter. p. 79. l. 31. 246. p. 81. l. 13. utrum. p. 93. l. 26. quadratorum fuerunt. p. 104. l. 34. ab occidente in orientem. p. 106. l. 10. XLVII. p. 124. l. 47. 30 & 29. p. 126. l. 2. Ipotheve. ß. l. 35. delictis. p. 147. l. 40. distans. p. 158. l. 25. ab E. p. 181. l. 41. circuli cycloidalium. p. 193. l. 12. L.H.G. p. 196. l. 21. A.B. p. 215. l. 11. explicans. p. 218. l. 22. deliquit. p. 219. l. 4. Q.X. p. 222. l. 22. angulo. p. 230. l. 44. XVI. p. 232. l. 40. priori. p. 234. l. 28. XLIII. p. 238. l. 42. S.I. p. 249. l. 12. angulus major. p. 267. l. 26. interiore. ß. l. 28. del. rñ. p. 278. l. 17. Sphaeram. p. 288. l. 2. In a. p. 298. l. 27. bis progreditur & bis regreditur. p. 308. l. 20. productis. p. 329. l. 41. motu. p. 329. l. 19. II & III. p. 332. l. 14. sunt eodem. p. 339. l. 37. XXVI. p. 341. l. 6. Semidiameter. p. 343. l. 12. C. ß. p. 347. l. 39. & magis modo. p. 361. l. 40. puncti C. p. 363. l. 15. XLIV. p. 370. l. 5 & 6. Excentricitas minor est ejusque Inclinatione ad Eclipticam major. p. 382. l. 3. XLII. p. 386. l. 28. B. p. 393. l. 31. nondum est. p. 401. l. 6. Ipatium E.D. p. 412. l. 25. in D. p. 416. l. 5. NVFD. p. 431. l. 2. XXVI. p. 447. l. 20. utra $\frac{1}{2}$ S. ß. l. 21. $\frac{1}{2}$ S. ß. l. 30. OS 99. ß. l. 42. XXIV. p. 448. l. 13. in E. ß. l. 14. E + S. ß. l. 35. Trajectoria. p. 450. l. 19. sine K + $\frac{C}{C-g}$ = P. pag. 452. l. 15. est I + n Q. p. 454. l. 42. VSA. p. 455. l. 5. Sii Q. p. 471. l. 23. nulla est Orbis, sed ß. ibi Epicyclus & hic Orbis. p. 473. l. 33. timentis. p. 492. l. 26. Systema.



